


**HISTORIA  
CONCILIORUM  
GENERALIUM. IN  
QUATUOR  
LIBROS...**

---

Edmond 1560-1631 Richer





Ex Bibliotheca  
Majori Coll. Rom.

Societ. Jesu

III. 14. 6

7-10-5-5

~~62. 1. 19.~~  
~~NI III~~  
~~20 20~~  
~~B B~~







# HISTORIA CONCILIORUM GENERALIUM.

*In quatuor Libros distributa.*

AUCTORE

Magistro EDMUNDO RICHERIO,  
*Doctore ac Socio Sorbonico.*

*Ut scias quomodo oporteat te in domo Dei conversari;  
quæ est Ecclesia Dei vivi; columna & firmamentum  
veritatis. 1 ad Timoth. 3. v. 15.*



COLONIÆ;  
Apud BERNARDUM HETSINGH.  
Clō Idc LXXXIII. 69





*Universis , qui veritatem , unitatem & concordiam justî regiminis Ecclesiæ Catholice à Christo instituti adamant , salutem & felicitatem eternam precatur hujus Operis Author.*



**L**Ector veritatis & pacis amans, cum in libello, De Ecclesiasticâ & Politicâ potestate, sine fûco & fallaciis, more majorum, scripsissem Concilium esse supra Papam; Ecclesiam Canone, non absolutâ potestate, regi oportere; atque politicos Principes, tamquam juris Divini, Naturalis, & Canonici vindices & executores, autoritate gladii in omnes cives, ambitu & finibus reipublicæ contentos, pollere: hocque jure & titulo Constantinum Magnum, atque alios Imperatores Christianos, velut communes Episcopos, & exterioris disciplinæ assertores octo prima Concilia Universalia, pro juris Divini, Naturalis & Canonici vindiciis indixisse & congregasse: profectò Illustrissimus Cardinalis Perronius, DD. Robertus Hubaldinus Nuntius Apostolicus, Henricus

BIblioteca NAZ.  
ROMA  
OFFICINA EMANUELE.



Gondius Parisiensis Episcopus, ad Cardinalatum anhelantes, cum suis affectis hæc mea verissima pronunciata, non aliter quam erronea, impia, hæretica, & seditiosa condemnarunt; meque insuper inauditum, hac arte & fabricis sic tractarunt, ut Cardinalis Perronius, dum in sacro Regis Consistorio sub ætate pupillari Principis Ludovici XIII seditiosissimum esse monomarcham criminabatur; & quibus principiis me oppugnare Papæ monarchiam, iisdem quoque absolutum omnium Regum imperium evertere, contendebat: alii Prælati qui cum Domino Nuntio, & eodem Cardinale Perronio frequenter versabantur, atque Richerium aliquando conveniebant, prædicarunt monstro esse simillimum quod Edmundus Richerius Presbyter & Doctor Theologiæ, jura in Ecclesiasticæ Libertatis perniciem mordicus defenderet, nec sineret mortuos sepelire mortuos, id est, Parlamentarios hæc scripturire (sic enim loquuntur.) Hercle cum aliquando unum ex Episcopis, qui Cardinali Perronio erat amicissimus, impensius rogarem, ut ab eodem Perronio impetraret. quatenus ad  
libelli



libelli mei defensionem & probationem  
admitterer, ille confestim arcanum con-  
silium Censorum mihi referavit; dixit-  
que, se propositionum libelli mei veri-  
tatem nequagnam in dubium vocare, sed  
Ecclesiasticos multo magis ab uno & so-  
lo Papa pendere malle, quam hic quo-  
tidie Parlamenta & Triumviros Regios  
adversos, & contra Ecclesiasticos postu-  
lantes habere: quod arcanum consilium  
à multis seculis in potestatum politica-  
rum pestem grassari certissimum est, a-  
deo ut nullus Theologus aut Ecclesiasti-  
cus de regendis finibus utriusque pote-  
statis ex rei veritate scribere audeat, quin  
male mulctetur. His autem perspectis, ea  
quæ tantummodo per laciniam libello  
meo attigeram, strictè accurateque tra-  
ctare constitui; non eo quidem studio  
illos sanandi, qui veritatem in justitia  
detinent. quod est impossibile; sed ut  
permultorum imbecillitati mederer, qui  
aut nolunt, aut perferre non valent la-  
borem incredibilem ad Ecclesiasticæ ih-  
storiæ notitiam pernecessarium. Quod si  
turpe & ignominiosum est, homines in  
ea ipsa qua nati sunt civitate, tanquam  
hospites & peregrinos versari, nec jura,

instituta, & mores patrios tenere, quanto magis in Sacerdotibus atque animarum Pastoribus & Theologis ignorantia iusti regiminis Ecclesiæ à Deo instituti, & ab Apostolis sanctisque Patribus ad nos propagati culpanda venit? Cum ob ejusmodi incitiam sæpe contingat, ut jus divinum, schisma atque hæresis perfracte asserantur; ubi jus est pure arbitrarium, nullum schisma, nulla hæresis, imo etiam nulla peccati mortalis suspicio nasci potest, ut jam alias observavimus. Equidem Magister Andreas Vallius Doctor & Professor Theologiæ, in contumeliosis lucubrationibus suis quas in Richerium collegam suum, & virum ornatissimum Simonem Vigorium, Regis Consiliarium, extrusit, de historia Conciliorum generalium, ea refert quæ nec ipse intelligit, nec ex actis, sed partim ex commentariolis sibi hinc inde suppeditatis, partim etiam ex Severini Bini notis hausit: & tamen pro fidei Catholicæ oraculis oggerit. At ipsemet Binius, qui anno 1606 novam Conciliorum editionem nobis adornavit, in præfatione ad Lectorem ingenue fatetur per quos profecerit, affirmans quæcumque in suas notas in Concilia

cilia conjecit, magna parte se accepta debere Illustrissimis Cardinalibus Baronio, Bellarmino & Antonio Possevino in suo Apparatu sacro. Quibus Triumviris in suis operibus propositum nemo nescit, ut demonstrent, Romanum Pontificem esse absolutum, infallibilem Monarcham Ecclesiæ, à Christo institutum, utque ait Leo X Sessione xi Synodi Lateranensis, plenum jus & potestatem semper habuisse super omnia Concilia, ut ea pro animi sui arbitrio indicare, transferre, & dissolvere posset : id autem quam sit veritati consonum, hæc docebit historia De qua priusquam plura dicam meos Censores hujus eximix sententiæ Melchioris Cani Dominicani ordinis monitos velim, lib. v de Locis, cap. 5. sub finem. Qui summi Pontificis de re quacumque judicium temere ac sine delectu defendunt, ait, hos Sedis Apostolicæ auctoritatem labefactare, non fovere; evertere, non firmare. Nam quid tandem adversus hæreticos disputando proficiet, quem viderint non judicio sed affectu patrocinium auctoritatis Pontificiæ suscipere, nec id agere, ut disputationis suæ vi lucem ac veritatem eliciat, sed



ut se ad alterius sensum voluntatemque convertat? Non eget Petrus mendacio nostro, nostra adulatione non eget. Sane qui semel deprehensus est in mendacio, eidem deinceps jure omnis fides derogatur: scitumque Pastorem illum qui opem contra lupos falso implorans, toti viciniae illuserat, tum demum, quando lupi gregem revera invaserant, jure meritoque desertum, & à tota vicinia irrisum fuisse. Sed ad rem nos accingamus. Ecce summam totius historię, Lector benevole, quam tibi accurate exhibemus. Vale.

**LIBER PRIMUS**

**CONTINENS**

Historiam octo primorum

**CONCILIORUM**

**GENERALIUM.**





Jusjurandum , quo recens creati Romani Pontifices jamjam consecrandi obstringere se consueverant post octo priora Concilia generalia in sua solemni fidei Professione, quæ habetur in Libro Pontificum , qui vocatur Diurnus ; cujusque mentionem facit Cardinalis Baronius Tomo x Annalium an. 869. refertur quoque à Binio in Notis super octavam Synodum pag. 908. Tomi IIII parte II Editionis factæ Colonix Agrippinæ, apud Joannem Gymnicum & Antonium Hierat. anno 1606. cujus etiam meminit Yvo Carnotensis epistola 60 & 73. his verbis constat ;

**I**N Nomine Sanctæ & Individuæ Trinitatis. Amen. Ego N. Sanctæ Romanæ Ecclesiæ Diaconus vel Presbyter aut Episcopus Cardinalis, electus , ut siam per Dei gratiam hujus Sanctæ Apostolicæ Sedis humilis minister, profiteor tibi, Beate Petre Apostolorum Princeps, cui claves regni cælestis ad ligandum atque solvendum in cælo & in terra Creator & Redemptor Dominus noster tradi-

tradidit, inquit: Quaecunque ligaveris super terram erunt ligata & in cælis, & quaecunque solveris super terram, erunt soluta & in cælis: Sanctæque tuæ Ecclesiæ quam hodie tuo præsidio regendam suscipio, quod quamdiu in hac misera vita constitutus fuero, ipsam non deferam, non derelinquam, non abnegabo, non abdicabo aliquatenus, nec ex quacunque causa, cujuscunque metus vel periculi occasione dimittam; nec me segregabo ab ipsa; sed veræ Fidei rectitudinem, quam Christo Authore tradente, per Beatissimum tuum Co-Apostolum Paulum & per Discipulos successores vestros usque ad exiguitatem meam prolatam in tua sancta Ecclesiâ reperi; totis conatibus usque ad sanguinem custodire, tam de Sanctæ & Individuæ Trinitatis mysterio, quæ unus est Deus, quam de dispensatione, quæ secundum carnem facta est, unigeniti Filii Dei Domini nostri Iesu Christi. Et de cæteris Ecclesiæ dogmatibus, sicut in universalibus Conciliis & constitutionibus Apostolicorum Pontificum, probatissimorumque Ecclesiæ Doctorum scriptis sunt commendata, id est quæ ad rectitudinem nostræ vestraque Orthodoxæ fidei à te traditionem recipiunt, conservare, SANCTAQUE OCTO UNIVERSALIA CONCILIA, ID EST, NICÆNUM, CON-

CONSTANTINOPOLITANUM, ET  
EPHESINUM PRIMUM, CHALCE-  
DONENSE, QUINTUM QUOQUE ET  
SEXTUM ITEM CONSTANTINOPO-  
LITANA, BT SEPTIMUM ITEM NI-  
CÆNUM, OCTAVUM QUOQUE ITEM  
CONSTANTINOPOLITANUM USQUE  
AD UNUM APICEM IMMUTILATE  
SERVARE, & pari honore & veneratione  
digna habere & que prædicaverunt & statue-  
runt omnimodo sequi prædicare: quæque  
condemnarunt, condemnare ore & corde.

Diligentius autem & vivacius quam-  
diu vixero omnia decreta Canonica Præ-  
decessorum Apostolicorum nostrorum Ponti-  
ficum, quæcunque ipsi synodaliter statue-  
runt, & probata sunt, confirmare, & in-  
diminuta servare, & sicut ab eis statuta  
sunt, in sui vigoris stabilitate custodire:  
Quæque vel quoscunque condemnarunt, vel  
abdicaverunt, simili sententia condemnare  
vel abdicare. Disciplinam & ritum Ecclesie  
sicut invenimus à sanctis Prædecessoribus meis  
canonice traditum, quamdiu vita in istis  
comes fuerit, illibate custodire, & indimi-  
nutas res Ecclesie conservare, neque aliena-  
re, seu in feudum, censum, vel emphy-  
teu-

teusim dare quomodolibet ex quacunque causa, & ut indiminuta custodiantur, operam dare. Nihil de traditione, quam à Probatissimis Prædecessoribus meis canonice traditam & servatam reperi, diminuerere vel mutare; aut aliquam novitatem admittere; sed ferventer, ut eorum vere discipulus & sequipeda, totis mentis meæ conatibus quæ tradita canonice comperio, servare & venerari. Si qua vero emerferint contra Canonicam Disciplinam, communicatione filiorum meorum sanctæ Romanæ Ecclesiæ Cardinalium, cum quorum consilio, directione & rememoratione ministerium meum geram & peragam, emendare, aut patienter (excepta fidei & Christianæ Religionis gravi offensione) tua & Beatissimi tui Co-Apostoli Pauli procurante intercessione, tolerare, sacrosque Canones & sacrorum Pontificum constituta, ut divina & cælestia mandata, Deo auxiliante, custodire. Utpote Deo & tibi sciens me redditurum de omnibus quæ profiteor & quamdiu vixero, egero, vel obliviscar, districtam in divino iudicio rationem. Cujus sanctissimæ Sedi divina dignatione, te patrocinate præsideo, & vicem intercessionibus tuis adimpleo. Eris autem mihi in illa terribili die hæc conanti, & diligenter servare-

*vare curanti, propitius. Adjutorium quoque  
ut praebeas, obsecro, in hac corruptibili vita  
constituto, ut irreprehensibilis appaream ante  
conspectum judicis omnium Domini nostri Iesu  
Christi, cum terribiliter de commissis advene-  
rit judicare, ut faciat me dextera patris par-  
ticipem, & inter fideles discipulos & succes-  
sores tuos esse consortem. Hanc autem profes-  
sionem meam per Notarium & Scriniarium  
sanctae Romanae Ecclesiae me jubente scriptam  
propria manu subscripsi, & tibi Apostole Petre  
& Apostolorum omnium Principi pura mente  
& devota conscientia super sanctum corpus  
tuum & altare tuum sinceriter offero. Actum,  
&c.*






# HISTORIA

## CONCILIORUM

### Generalium.




### CAPUT PRIMUM.

- I. *Ecclesia Catholica Primatum, juris esse divini, quoad institutionem; sed quoad usum & exercitium, pendere ab Ecclesia definitione.*
- II. *Christum triplicem habuisse potestatem, Authoritatis nimiram, Excellentia, & pari Ministeriis spiritualis; hancque postremam solummodo Ecclesia Prælati credidisse.*
- III. *Unitatem, consensum, & communionem Sanctorum assignari à Christo pro incentivo, quo homines allעי debeant ad credendum Euangelio & Ecclesia.*
- IV. *Modum hujus consensus & communionis incunda, à Synodis, teste Bellarmino, pendere; adeo ut nulla umquam hæresis, absque Synodi ope, debellata fuerit.*
- V. *Beatum Petrum numquam egisse Monarcham, sed omnia negotia communi consensu definivisse.*
- VI. *Sanctum Jacobum Hierosolymitanam Synodum conclusisse, Act. 15.*
- VII. *Synodos generales regulariter & ordinariè absque Papa sententia & consensu haberi non posse.*
- VIII. *Interpretatio Canonis Ecclesiastici, quo sancitur generalia Concilia absque Romani Episcopi sententia haberi non debere; & undenam ille Canon ortum habuerit.*
- IX. *Utrum Epistola Aegyptiorum ad Felicem Papam sit genuina.*
- X. *Qua olim fuerit ratio procedendi in terminandis nascentibus controversiis, & habendis generalibus Conciliis.*

A

Quan-

I.  Uando est in confessio apud omnes Catholicos Primatum sedis Apostolicæ quoad Institutionem & essentiam Juris esse divini primarii, & de solo usu, extensione, exercitio, & administratione disceptatur, an scilicet justum atque legitimum Ecclesiæ regimen sit pure Monarchicum : vel aliqua moderatione & temperamento Aristocratico mitigatum & permixtum : Quo in hujus rei certam cognitionem veniamus, justitiam & legitimi regiminis Ecclesiæ veritatem sic in omnium conspectu & oculis exponere decrevi, ut hîc multo magis oculis ad legendum quàm argumentis ad ratiocinandum opus sit.

II. In primis autem pro invictissimo totius Historiæ nostræ firmamento, ex notissimis & constantissimis Theologiæ & legis Evangelicæ principiis notare opus est, Christum triplici cumulatam potestate, nimirum *Supreme auctoritatis, Excellentie, & puri Ministerii* : Potestatem auctoritatis vocant, quam ut Dei Filius & Consubstantialis Patri habet : cujus ratione sola obsequii gloria, vel ut in scholis loquuntur, *potestas obediens*, relicta est creaturis : *O homo tu quis es qui respondeus Deo? Nunquid dicit figmentum ei qui se finxit, quid me fecisti sic?*



*sic ? Roman. 9. & 13. Omnis potestas est à Deo &c.* Verum potestas excellentiæ, eidem quoque Filio Dei naturaliter debetur, ut est Christus Deus Homo, Ecclesiæ Fundator, Legislator, Sacramentorum Institutor, &c. quare hujus potestatis intuitu Christus plane regium atque absolutum habet imperium in Ecclesiam, quam sibi proprio sanguine redemit, vivificavit, & tamen pro sponsa charissima, non pro serva habere voluit. *Ephesior. 5.* Idque totum ejus misericordiæ ac immensæ charitati tribuendum est : quippe qui Ecclesiam natura servam, gratia suam sponsam, nosque Filios Dei efficiat. Quæ duæ priores potestatis species, quando sunt essentielles & naturales Christo, eas nemini communicavit : sed tertiam duntaxat puri ministerii & humilitatis, quam ultro & voluntarie assumpsit, semet ipsum exinaniendo, atque ex Domino absoluto servum ac ministrum efficiendo, ut hac via fastum, superbiam, dominatum & sapientiam mundi destrueret & confunderet, ne in ejus conspectu gloriaretur omnis caro. *1. Corinthiorum 1. & 2. ad Philippenses.* Quo circa passim in scripturis Dominus perhibet *se in mundum venisse ministrare non ministrari*, atque exemplum dedisse discipulis ut se dominum atque magistrum pressis vestigiis sequerentur.

tur, Matthæi 20, & Lucæ 22. *Reges gentium dominantur eorum, vos autem non sic: sed qui major est in vobis fiat sicut minor, & qui precessor est sicut ministrator.* Qua formula loquendi dominium ministerio, velut contrarium opponit. Hercle bonus Magister cum Apostolos suos tanquam oves mitissimas & fœcundissimas omnibus amoris, & nemini noxæ aut terrori esse vellet, illos more Regis apum qui telo & aculeo caret, omnino exarmatos esse, ac soli Deo suam debere conservationem; Ideoque in promulganda & conservanda lege Evangelica, sola vitæ sanctimonia, pietate, humilitate atque observatione mandatorum Dei; non armis seculi, dominio, vel usu gladii aut Jure coactionis externæ muniri voluit: hacque in re totam Ecclesiæ *αὐτοκρατία* vel sufficientiam constituit. Itaque congruenter ad hanc mansuetissimam auctoritatem ministerialem spiritualement, cuncta scripturæ oracula ad jus clavium spectantia interpretari debent: ut *Tu es Petrus, & super hanc petram edificabo Ecclesiam meam & portæ inferni non prevalebunt adversus eam*, Matthæi 16. Item *Pasce oves meas*, Joan. 21. nequaquam vero de potestate absoluta monarchica, sicut explicantur à Bellarmino, docente *Pasce oves meas*, idem esse ac *regio more impera*: quasi vero Ecclesia haberet à Chri-

à Christo potestatem dominandi & cogendi absolute quod imperat; jam enim dixi dominium sive potestatem absolutam regiam ministerio spirituali tanquam contrarium opponi. Concludamus ergo Papam atque omnes Ecclesiasticos in hac sola potestate ministeriali, non in potestate absoluta esse vicarios Christi.

III. Notandum insuper totum Ecclesiæ corpus ex charitate & Sanctorum Communionem opera S. Sancti compactum esse, *1 Corinth. 12. & 5. ad Ephesios.* eamque ob rem, summam regiminis Ecclesiæ non privato cujusquam motu aut spiritu sed communi & Catholico consensu, qui communionem Sanctorum constituit, gubernari: nec mirum certe, quando Ecclesia natura sua collectionem multorum aut Sanctorum communionem significat. Unde Matthæi 18. *Iterum dico vobis quia si duo ex vobis consenserint super terram de omni re quamcumque petierint, fiet illis à Patre meo qui in Cælis est. Ubi enim sunt duo vel tres congregati in nomine meo, ibi sum in medio eorum.* Quæ clausula, *quia si duo ex vobis consenserint: ubi enim sunt duo vel tres congregati in nomine meo &c.* omnem excludit singularitatem, & monarchiam absolutam: sicut etiam Joannis 17. dum Christus pro hac Sanctorum communionem, unitate, & consensu Catholico sic

Patrem suum deprecatur : *Non pro eis roga-  
 tantum , sed & pro eis qui credituri sunt per ver-  
 bum eorum in me : ut omnes unum sint , sicut  
 tu Pater in me & ego in te , ut & ipsi in nobis  
 unum sint : ut credat mundus quia tu me misisti ,  
 & dilexisti eos sicut & me dilexisti.* Ubi di-  
 gnū animadversione , unitatem & con-  
 sensum Catholicū assignari à Domino pro  
 causa , & incentivo quō homines allician-  
 tur ad credendum Euangelio , & quod  
 Christus missus sit in mundum à Patre. Hæc  
 autem unitas & communio Sanctorum , eo  
 mirabilior est , quod vi & externa coactio-  
 ne per absolutum & monarchicum impe-  
 rium non fiat , ut in temporalibus monar-  
 chiis , quæ absolute cogunt quod impe-  
 rant , sed per solos actus hierarchicos , id  
 est , suasionē divini verbi , & sacramento-  
 rum administratione : Idque omnem exsu-  
 perat admirationem , dum homines nulla  
 vi externa coactos , in vitæ & sententiarum  
 communionem unanimiter libere conspi-  
 rare videmus. Quod S. Lucas passim in  
 Actis Apostolorum expressit voce *ὅμοθυμαδόν* :  
 quæ cordis atque animorum unitatem id  
 est , internum principium significat. Et  
 in hoc ipso Ecclesiæ Catholicæ au-  
 ctoritas ubique terrarum consistit. Au-  
 ctore Vicentio Lirinensi : *In ipsa Ecclesia  
 Catholica , magnopere curandum , ut id te-  
 neamus*

## CONCILIORUM GENERALIUM. 7

*neamus quod ubique, quod ab omnibus creditum est: hoc est enim vere proprieque Catholicum quod ipsa vis nominisque ratio declarat: quæ omnia vere universaliter comprehendit. S. Augustinus Dist. 19. Can. in Canonicis §. Tenebit igitur hunc modum in scripturis Canonicis ut eas quæ ab omnibus recipiuntur Ecclesiis præponat eis quas quædam non accipiunt, &c. Item 2. Quæst. 7. Can. Puto. §. Quanto facilius & fortius quod per universa Ecclesiæ statuta firmatum est vel unius Episcopi auctoritati, vel unius provincie Concilio preferendum. Et lib. contra Epistolam Fundamenti Manichæi cap. 5. Evangelio non crederem, nisi me Catholica Ecclesia auctoritas commoveret. B. Gregorius Dist. 15. Can. Sicut sancti Evangelii, nominatim ait, Se ideo quatuor prima Concilia Generalia, velut quatuor Evangelia, venerari, quod universali consensu constituta & recepta essent. Huc & referenda ratio Canonis Audivimus 24. Quæst. 1. §. Unde non nisi congregatis in unum dictum est: accipite Spiritum Sanctum: nec nisi super Congregatos in unum die Pentecostes descendit Spiritus Sanctus. Summa hujus Collectionis est, Sanctorum communionem, quæ est finis regiminis Ecclesiæ, nec absolute nec monarchice cogi aut imperari posse, sed suaviter & libere communi & catholico consensu stabiliri debere: ita ut hic semper meminisse debeamus hujus regulæ divinæ: Ubi Spiritus*

*Domini ibi libertas, 2. Corinthiorum 3. Consule xxii Axioma Apologiæ nostræ.*

IV. At vero modus hujus communionis & consensus Catholici Ecclesiarum ineundi, à Conciliis dependet teste Bellarmino lib. priore de Conciliis & Ecclesia cap. undecimo: *Nam, inquit, medium ordinarium ac proinde necessarium in controversiis fidei judicandis esse Concilium magnum aut parvum, unum vel plura facile probari potest: Primum ex divina illa promissione Matth. 18. Vbi fuerint duo vel tres congregati in nomine meo, illic sum in medio eorum; hunc enim locum de Conciliis intelligit Synodus Chalcedonensis in epistola ad Leonem, &c. Secundo ex facto Apostolorum, qui cum possent etiam seorsim singuli definire controversias, tamen ne viderentur negligere medium ordinarium & à Christo ipso demonstratum, non sine Concilio Controversiam de Legibus Antiochiæ exortam definire voluerunt, Actor. 15. Tertio ex Consuetudine totius Ecclesiæ, atque omnium seculorum: Semper enim fuit in Ecclesia ista consuetudo, ut ad res dubias explicandas Concilia Episcoporum haberentur, & ipsi etiam Romani Pontifices nullam unquam haresim novam sine novo Concilio damnaverunt, ut cognoscere poterit qui vel tomos Conciliorum, vel Historias Ecclesiasticas evolvere voluerit. Quod autem semper ab omnibus factum est, quis negare audebit ordinarium dici posse, & revera esse?*

*esse?* Bene hæc habent, Bellarmine; siquidem & natura potestatis ministerialis, & Principatus electivus Ecclesiæ, haud res Ecclesiasticas alio modo quam Conciliis atque libere inito consensu Catholico definiri patiuntur.

V. Unde in Actis Apostolorum nunquam legimus B. Petrum regem aut monarcham egisse, sed omnia communi consensu & liberis suffragiis Ecclesiæ confecisse, sive cum de aliquo in Judæ proditoris Episcopatum sufficiendo decretum est, *Actor. 1.* sive dum eligendi fuerunt Diaconi qui mensis ministrarent, *cap. 6.* sive etiam cum de legalium observatione statutum, *cap. 15.* Aut ratio qua Judæorum odium adversus Paulum sedaretur captanda fuit, *cap. 21.* Hæc enim quatuor Concilia aut celebres conventus coacti ab Apostolis. Certe quando de observandis legalibus disputatum est, S. Petrus omnium primus hanc suasionem habuit: *Viri fratres, vos scitis quoniam ab antiquis diebus Deus in nobis elegit per os meum audire Gentes verbum Evangelii, & credere &c. Et nihil discrevit inter nos & illos fide purificans corda eorum. Nunc ergo quid tentatis Deum imponere jugum super cervices discipulorum, quod neque Patres nostri, neque nos portare potuimus? Sed per gratiam Domini Jesu Christi credimus salvari, quemadmodum & illi &c.*

VI. Qua

VI. Qua propositione Petri, reseratum est Concilium: deinde à S. Jacobo Episcopo Hierosolymitano in hæc verba conclusum: *Viri fratres audite me. Simon narravit quemadmodum primum Deus visitavit sumere ex Gentibus populum nomini suo: Et huic concordant verba Prophetarum, sicut scriptum est: Post hæc revertar. &c. PROPTER QUOD EGO JUDICO non inquietari eos qui ex Gentibus convertuntur ad Deum: Sed scribere ad eos ut abstineant se à contaminationibus simulachrorum & fornicatione & suffocatis & sanguine, &c. Ubi observatione dignum Apostolos paucissimis præceptis & ritibus Gentes subicere ut eos facilius ad Euangelium allicerent atque jugum legis gratiæ suavissimum esse demonstrarent. Porro Epistola Synodica quæ Universis Gentibus missa est in verba & mentem S. Jacobi ad hunc modum concipitur: Tunc placuit Apostolis & Senioribus cum omni Ecclesia eligere viros ex eis, & mittere Antiochiam cum Paulo & Barnaba scribes per manus eorum Apostoli & Seniores fratres his qui sunt Antiochie, & Syriæ & Ciliciæ fratribus ex Gentibus salutem &c. Visum est enim Spiritui Sancto & nobis, nihil ultra imponentes vobis oneris quam hæc necessaria, ut abstineatis vos ab immolatis simulachrorum & sanguine & suffocato & fornicatione: à quibus custodientes vos bene agetis, Valet. Ubi animadver-*



## CONCILIORUM GENERALIUM. II

adversione dignum, Gentes hac epistola edoceri doctrinam quam primum ab Paulo & Barnaba acceperant, scilicet *legalia non esse ad salutem necessaria*, esse orthodoxam & Catholicam: quoniam Catholico totius Ecclesiæ consensu Synodice ita decretum fuisset. Quæ forma procedendi Apostolorum dehinc instar regulæ fuit in omnibus aliis Conciliis: ita ut cuncta negotia, Catholica Communione Ecclesiarum non absoluto unius imperio definirentur, sicut decisa sunt ab Apostolis: *visum est Spiritui sancto & nobis*: non enim dicitur *visum est Spiritui Sancto & Petro*.

VII. Porro Apostolorum temporibus ratio convocandorum & habendorum eo fuit expeditior, quod per aliquot annos Apostoli semper congregati essent Hierosolymis, eoque se frequenter ad conferendum de Ecclesiæ negotiis referrent: unde colligi non potest mandato unius Petri, sed omnium Apostolorum consensione indicta & congregata fuisse concilia. Quoad octo prima generalia, certissimum est ab Imperatoribus Christianis indicta consensu Romani Pontificis. Cum enim Primatus Petri sit juris divini quo ad Institutionem, certe regulariter & ordinarie Synodi generales absque consensu Papæ legitime petito celebrari non debent: Idque  
praxis

praxis Ecclesiæ primitivæ demonstrat, & canon Ecclesiasticus, quem Julius I Papa commendat apud Socratem *lib. II. cap. 5.* & 13. nec non apud Sozomenum *lib. III. cap. 9. Historia.*

VIII. Quo canone non edicitur, Papam absolutam aut pure monarchicam habere potestatem in Conciliis, adeo ut illo renitente nulla omnino celebrari queant, sicut Bellarminus imaginatur 1 de Conciliis *cap. 12. & 13.* sed tantum indicatur œcumenicam aut universalem Sanctorum Communionem, non posse in Synodis generalibus legitime elici aut concludi, quin Episcopus Romanus ad eas evocetur, ejusque consensus legitime petatur. Hercle si ad naturam generalis Concilii attendamus, canon ille quo statutum perhibetur Synodum universalem absque Episcopi Romani sententia haberi non posse: non multo impensius Romano quam aliis Patriarchis aut Episcopis gratificatur: quoniam ex Christi & Apostolorum Institutis, certissimum est, neque Concilia generalia haberi: neque Canones Ecclesiasticos formaliter & complete constitui posse absque aliorum Episcoporum sententia: qui etiam omnes vocari & admitti debent ad Concilia generalia. Neque vero existimari oportet Papam hic regnum possidere, ut solus Canones dare

dare possit Ecclesiis, quemadmodum Rex Franciæ verbi gratia leges toti regno suo edicit: Nihilominus in vim & consequentiam naturæ primatus, de quo Axiomate xxxi Apologiæ nostræ, ultro concedimus, Papam per sese aut legatos suos debere regulariter & ordinariè Synodis generalibus præesse: Idque si facere recuset, atque Ecclesiæ necessitas exigat ut Synodus celebretur, contendimus Ecclesiam, quæ est sibi ipsi efficaciter sufficiens, posse suum jus persequi: *Quando claves possidet architectonice, per dominium, proprietatem, originem, & propagationem: quas etiam ipsimet Pontifici quem deligit revera & formaliter confert, ut alias probabitur.* Verum quando & à quibus ille canon conditus fuerit non liquet: sed ex vulgari axiomate *quod dat esse dat formam consequendi ad esse*, proclive colligimus ordinis atque unitatis vindicandæ causa, hunc honorem primatui esse deferendum. Julius I. PP. omnium primus meminit hujus canonis quem adversus Synodum Antiochenam quæ S. Athanasium cum Synodo Nicæna damnaverat, distrinxit.

IX. Epistola Ægyptiorum ad Felicem Papam eundem Canonem Patribus Nicænis ideo adscribit, ut arbitror, quod Nicæna prima est Synodus generalis, quam Ecclesia, sedatis publicis persecutionibus

Impe-

Imperatorum, habuit : verum tamen non extat inter alios Genuinos Canones Nicænos. Sane hæc Epistola Ægyptiorum duabus potissimum de causis non est indubitatae fidei : prior quoniam permulta disciplinæ Canonum Nicænorum penitus contraria memorat : qui ergo fieri potuit, ut quo tempore Nicæni Canones, haud ferme aliter quam sacra Euangelia servabantur ab omnibus Episcopis, isthæ epistola scriberetur? Posterior ratio, quia eadem Epistola nescio quid tinnit de hoc Canone factionibus Arrianorum combusto : quæ narratio teste Bellarmino lib. 11. de Romano Pontifice cap. 25. circa medium, *non est vere solida*. Consule Baronium Tomo tertio ad annum. 357. num. 53. Deinde constat ex Epistola Patrum Africanorum ad Cælestinum I Patres Nicænos viginti duntaxat Canones condidisse, ut infra probabitur cap. 6. numero 16. Jam monui Julium P.P. omnium primum mentionem fecisse hujus Canonis, neque eum in Synodo Nicæna editum perhibere : dehinc Jure & consuetudine tanquam primatui conveniens, à Socrate & Sozomeno in Historiam Ecclesiasticam relatus, & merito ab omnibus probatus est.

X. Forma constituendæ disciplinæ Actis Apostolorum consecrata, sic ad posteritatem

tem transmissa est, ut quandiu Ecclesia bac-  
chantibus persequutionibus delituit in  
Cryptis, Episcopi singularum procincia-  
rum, cum Synodos generales habere nequi-  
rent, nascentes controversias Synodis pro-  
vincialibus definirent, sicut est B. Cypriani  
Epistolis, & Historia Eusebii dignoscimus.  
Unde trecentis primis seculis, nullæ un-  
quam hæreses absque Synodorum præsidio  
& definitione expugnatae sunt ut supra o-  
stendi ex Bellarmino. Verum parta pace  
Constantini Magni principatu, sub octo  
primorum Conciliorum generalium decur-  
su, Patres hac via & ratione processerunt, ut  
generalem Ecclesiarum *Contefferationem* ad  
sedandas controversias inirent, quemadmo-  
dum loquitur Tertulianus. Quam primum  
enim aliquod in Ecclesia dissidium emerge-  
bat, omnes Episcopi in generalem conven-  
tum confluere, & communi ac generali Spi-  
ritu Ecclesiæ, dogmata & motus privato-  
rum hominum probare aut improbare sole-  
bant. Quo circa conformiter ad quintum  
Canonem Nicænum, & secundum Con-  
stantinopolitanum, suas Synodos provincia-  
les primum cogeant: quibus si dissidia sub-  
orta minus opportunè & commode pos-  
sent definire, ampliorem atque universalio-  
rem sanctorum communionem perfugio  
habebant: consulendo Ecclesias affines, quæ  
ejus-

ejusmodi turbinibus minime quatiebantur : & præsertim sedem Romanam , tum propter ejus eminentiam , cum propter Canonem supra laudatum. Itaque Romanus Episcopus certior factus ejusmodi dissidiorum , juxta disciplinam octo primis universalibus Conciliis servatam , solebat pariter sanctorum communionem inire , hoc est , vel suam Synodum Metropolitanam aut Patriarchalem in unum cogere , vel singulis Metropolitibus suo Patriarchatui subjectis privatim mandare , ut ad decisionem enatæ controversiæ suas Synodus provinciales indicerent , ac summam rerum omnium , duæ ibidem Synodice statuerentur , mitterent Romam ad sedem Apostolicam. Quæ agendi ratio , nobis clarissime demonstrat , *quidnam proprie & ex Apostolorum Institutis sit negotia Ecclesiastica tractare , definire , aut decernere ex cathedra*. Porro ubi Pontifex consensum & communionem Ecclesiarum sui Patriarchatus in hunc modum subduxisset , si generalis Synodus celebraretur , legatis suis sententiam totius occidentalis Ecclesiæ perferendam dabat : hæcque sententia illis erat pro justa & legitima instructione aut suggestionem , ut Patres sextæ Synodi loquuntur nequaquam vero aliquid à proprio motu & arbitrio Papæ manans , quasi in scrinio pectoris sui omnia Jura contineret , ac  
solus

solus esset infallibilis, sicut Bellarminus persuadere laborat, secundo de Conciliorum auctoritate, *cap. 11* Quandoquidem unus & solus Papa Catholicum consensum & sanctorum communionem vel Synodale decretum condere nequit: quia Canones natura sua plurimorum consensionem & voluntatem, sicut denarius numerus verbi causa, decem unitates in unum compactas, continet. Unde Cyprianus de Unitate Ecclesiæ, *Episcopatus tenuis est cujus à singulis in solidum pars tenetur, can. loquitur. 24. quest. 1.* adi titulum primum Nomocanonis Photii, *cap. 4.* Ut autem superiora exemplis adjuvemus, in sexta Synodo Generali actione quarta legimus suggestionem Synodalem quam Agatho Papa legatis suis perferendam dedit, ut ejusdem Agathonis nomine, atque Episcoporum Patriarchatui Romano subsectorum ad Cæsarem Pogonatum deferretur: quam in rem plura disputabuntur in historia sextæ Synodi: tantisper lector judicium suspendat, & si perspectum habuerit me aliquid falsi, aut minus veri de industria proferre aut etiam cavillationes conferere: volo nulla in re mihi fidem adhiberi. Ad istius disciplinæ Apostolicæ comprobationem accurrit & Ecclesiæ consuetudo, qua edocemur antequam Concilia universalia haberentur, semper in more positum ut in

singulis provinciis Synodi particulares haberentur, quod ipsemet Bellarminus testificatur secundo de Conciliis *cap.* 19. Idque necessarium est, ut qui ad generale Concilium proficiscuntur, consensum suarum Ecclesiarum deferant, atque universalis Synodus vere Catholicam Ecclesiam repræsentare dicatur, juxta decretum Synodi Constantiensis Sessione quarta, & quinta. His & accedit Nicolai I. P. P. auctoritas Epistola septuagesima ad Hincmarum Rhemensem & alios Episcopos Galliarum, quos super nonnullis Græcorum obtreccionibus consulit, qui *Latinis* improprio vertebant, *quod jejunarent Sabbato: quod docerent Spiritum Sanctum à Filio procedere, &c.* Quam ob rem Nicolaus Archiepiscopum Rhemensem rogat, ut per universam Galliam Synodos cogi curet super hujusmodi Controversiis, atque sententiam Episcoporum Galliarum Romam mittat. En propria verba Nicolai sub finem Epistolæ: *Tua vero frater Hincmare pietas, cum hanc Epistolam legerit, maxime curet ut ad alios Archiepiscopos qui in Regno Filii nostri Caroli Gloriosi Regis consistunt deferatur: ac id summopere agere studeat, ut de his singuli in diocesibus suis una cum suffraganeis suis in cujuscumque regno sint, constituti convenienter tractare, & nobis quæ evenerint suggerere curent: nos incitare non negligant. Ita ut eorum omnium*  
*quæ*



*qua presentis Epistola circumstantia continet, tu ut strenuus exequutor illis existas, & apud nos verax & prudens Scriptorum tuorum serie relator inveniaris. Datum X. Kalend. Novembris, Indictione 1. Quæ Nicolai scriptio nobis clare disciplinam seculo octavo post Christum natum servatam ad Sanctorum Communionem & consensum Ecclesiarum indagandum consignat: ostenditque formam Aristocratici Regiminis tempore octavi Concilii generalis sub Nicolao I & Adriano II servatam, sic invaluisse, ut facultas infallibilis decernendi à Sanctorum communione & Catholico omnium Ecclesiarum Consensu necessario peteretur: ut petendam esse voluit Dominus Matthæi 18. Ubi fuerint duo vel tres congregati in nomine meo ibi sum in medio eorum: quo frequentibus Synodis charitas foveretur omnesque Ecclesiæ sese mutuo ad pietatem, unitatem & disciplinam custodiendam includerent ac censuram in se invicem exercerent, ut revera exercebant.*

## C A P U T. I I.

- I. *Constantinam magnum velut communem Episcopum exteriorum negotiorum, Nicanam Synodum indixisse, eique præsedisse ad ordinem constituendum.*
- II. *Quidam, & cujusnam sit Synodum indicere.*
- III. *Valli rationes dissolvas, qui Papa consensum pro auctoritate usurpat atque Indictionem à Convocatione aut*

*Coactione Synodi contra mentem omnium antiquorum argute distinguit.*

IV. *Ecclesia primitiva temporibus singuli Patriarchæ Episcopos suo Patriarchatui subjectos privatim convocabant ad Synodum, postquam Imperator Concilium Metropolitanis Provinciæ indixisset.*

V. *An Synodus Nicæna sub Sylvestro aut Julio habitaverit.*

VI. *Utrum Patres Nicæni Confirmationem Actorum petierint à Sylvestro PP.*

VII. *Epistolam Synodalem Patrum Nicænorum ad Alexandrinam Ecclesiam multa scitu digna continere.*

VIII. *Alexandrum Patriarcham Alexandrinæ Ecclesiæ, Synodo Nicæna cum aliis Patriarchis præfuisse: & quidnam sit proprie acta Conciliorum confirmare.*

IX. *Canones Nicænos clare demonstrare regimen Ecclesiæ esse aristocraticum, & principatum electivum: & de ratione ordinandorum Episcoporum Metropolitanorum & Romani Pontificis.*

X. *Quinto Canone Nicæno jus commune declarari, atque appellationes ab Episcopis ad Synodum provincialem, & à provinciali ad generalem institui.*

XI. *Sexto Canone Nicæno, quo sedium Patriarchalium privilegia explicantur, monarchiam recentiorum plane explodi.*

XII. *Quid causa habuerint Patres Nicæni ut sextum Canonem conderent.*

XIII. *Quidnam Rufinus per Ecclesias suburbicarias designavit: & Romanum Patriarcham, sicut & alios Patriarchas, tribus modis posse considerari, nempe ut Episcopum Romanæ diocesis, ut Archiepiscopum, & Patriarcham.*

XIV. *De prima sedium patriarchalium institutione & distributione orbis Christiani in metropoles, & quinque Patriarchatus, juxta metropoles atque dioceses Romani Imperii.*

XV. *De Ecclesia Hierosolymitana privilegiis.*

XVI. *Romanam Ecclesiam sumi pro particulari non pro uni-*

*universalis Ecclesia à Patribus Nicanis.*

XVII. *Anastasium Bibliothecarium quinque sedes Patriarchales quinque sensibus humani corporis & visum sedis Romana privatim comparare.*

XVIII. *Quondam omnes Patriarcha Conciliis generalibus, sicut Praesides Actionibus Parlamentorum, praestare consueverant: & Romanus Patriarcha solam sedis atque suffragii prerogativam super alios obtinebat Patriarchas.*

XIX. *Quo sensu & à quo tempore nomen monarcha tributum sit Romano Pontifici.*

XX. *Patres Nicanos prohibere duos Episcopos uni regendo Episcopatus praefici & de S. Augustino qui se in hunc Canonem impегisse dolet.*

XXI. *Quanta religione Patres Antiqui Canonem de non transjerendis Episcopis ab una sede in aliam sedem observarint: & quantam occasionem Romana Curia inde captarit, ut suam adaugeret potentiam.*

XXII. *Arabicos Canones quos Turrianus & Alphonsus Pisanus Synodo Nicana adscribunt, penitus esse adulterinos.*

I. **Q**Uamquam integra acta Nicæni Concilii ad nos minime pervenerint ut de gestis trecentorum octodecim Patrum Sanctissimorum figillatim disseramus: (Nam Historia Gelasii Ciziceni genuina acta minime continet) verumtamen facile est de hac re ex illorum temporum Historicis statuere, qui testantur Nicænum Concilium celebratum circa annum Domini 325. adversus Arrium Ecclesiæ Alexandrinæ Presbyterum: qui cum Argutiis Dialecticorum innutritus esset, atque contra regulam Augustini *Scripturas potius huma-*

B 3

nis



*nis rationibus quam scriptura auctoritate exponeret, Christum creaturam esse contendebat. Quæ disputationis flamma, cum Ecclesiam Alexandrinam primum incendisset acensim totum Orientem ut callidissima, ut levissima sunt illorum hominum ingenia, pervaderet, Constantinus magnus VELUT COMMUNIS EPISCOPUS, ut pacem Ecclesiis redderet, ac disciplinam Ecclesiasticam sanciret Synodos convocavit, & in consessu Episcoporum sententiam dixit. Auctore Eusebio lib. primo vitæ Constantini capite trigesimo septimo: Deinde Nicenam Synodum cœgit, Episcopos undequaque honorifice accivit, jumentis, comeatu, atque aliis rebus necessariis juvit: diemque Episcopis præstituit, ad quem de rebus fidei controversis decideretur: eleganti oratione de pace concilianda Synodum aperuit: dissidium inter Episcopos subortum, & ad se ab Episcopis delatum placavit, tumque demum CONCILII DECRETA SUO SIGILLO RATA FECIT. lib. tertio vitæ Constantini à cap. sexto ad vigesimum quartum: Ruffinus lib. primo & secundo, Socrates lib. primo cap. quinto & sexto. Theodoretus lib. primo cap. septimo & Sozomenus lib. primo capite decimo sexto Historiæ. Quæ etiam confirmantur XI. quæst. 1. can. continua, §. Constantinus Imperator PRÆSIDENTS IN SANCTA SYNODO qua apud Nicenam congregata erat, cum querelam*

*lam quorundam conspiceret coram se delatam ait, vos à nemine diiudicari potestis, quia ad Dei solius iudicium reservamini. Item can. futuram 12. quæst. I. §. IDEM VERO PRÆSIDENS IN SANCTA SYNODO apud Nicæam congregata &c.*

II. Quibus ex testimoniis indubitatis claret *Indictionem, Convocationem, & præsentiam Concilii Nicæni*, ab *Constantini Magni auctoritate* dependisse. Enim vero Sozomenus nominatim ait, *diem certum præstituisse Episcopis ad quem de rebus fidei controversis decideretur.* Quæ clausula, vim atque notionem indictionis Conciliorum explicat: hoc enim nihil aliud est quam diem certum præstitueret & addicere Episcopis ad agendum: Idque proprium est politici Magistratus tanquam auctoritatem habentis ad cogendum resistentes, ut singulorum Conciliorum Historia patebit.

III. At vero Baronius, Severinus Binius, auctor etiam præfationum Historiarum quæ singulis Conciliis Romanæ editionis præponuntur, valde anhelant ut demonstrent Synodum, Nicænam auctoritate Sylvestri P. P. indictam, nihilque præter vanos conatus venditant. Magister quoque Andræas Vallius idem saxum infelicitè movet, quia quæstionem facti, id est centesimam Ecclesiæ praxin scholæ argutiis & cavil-

cavillationibus implicat : atque ex iis quæ hodie videt fieri in magna conturbatione Aristocratici regiminis Ecclesiæ, de primitivæ Ecclesiæ usu pueriliter & sine iudicio garrit : *Afferendo esse de fide, solum Pontificem Romanum posse Concilium Oecumenicum juridice & auctoritative convocare : & quando dicitur Principes aut Imperatores congregasse Synodos, hoc intelligi debere per modum auctoritatis executivæ : quia Principes sunt Exequutores voluntatis Papæ, & legum Ecclesiasticarum.* unde infert : *Quamquam inducere & congregare sæpe idem significant, tamen indictio-nem proprie ad Papam pertinere, cujus est præcipere : congregationem vero ad Imperatorem cujus est executioni mandare decretum Papæ.* Insuper attexit ex Synodo sexta, generali actione decima octava in sermone acclamatorio ita legi : *Constantinus semper Augustus & Sylvester laudabilis magnam, atque insignem in Nicæa Synodum congregabant, &c.* Hæc Vallius quarta parte questione secunda libri de *suprema potestate Papæ* : Neque homo obnoxius attendit ; *non congregabant*, æque de Sylvestro quam de Constantino usurpari in sermone acclamatorio : & pressè loquendo *inducere nihil aliud esse quam diem certum ad agendum præscribere* : hocque Sozomenum supra laudatum Constantino, & nuspiam Romano Episcopo tribuere. Subjungit Vallius, Ruffinum scribere *Constantinum*

ex

*ex Sacerdotum sententia apud urbem Nicæam Episcopale Concilium convocasse* : hæc enim genuina sunt verba Ruffini lib. primo, cap. i Historiæ : Vallius autem de suo adglutinat : *id factum Sylvestri atque Hosii Cordubensis Episcopi impulsu & suasionem* : quia tunc Hosius legatione fungebatur apud Imperatorem eoque familiariter utebatur. Porro, sicut ego ultro annuo Sylvestri atque aliorum Episcoporum consilio & suasionem Constantinum ad Synodi indictionem incensum : atque ex Canone Ecclesiastico, capite præcedenti laudato, totum hoc negotium de consensu & sententia Sylvestri atque aliorum Metropolitanorum confectum : ita plane nego Synodum Nicænam alterius quam Constantini auctoritate indictam & congregatam : ratio est, quia juxta morem atque usum primitivæ Ecclesiæ, florente Imperio Romano, consensus ab auctoritate hoc ipso distinguitur, quod hæc in solo Principe politico tanquam gladio armato resideret ad repugnantes cogendos : consensus autem & sententia nihil plane opus habet vi aut coactione externa. Quamobrem Julius I querebatur quidem Synodum Antiochenam, quæ auctoritate Constantini Imperatoris indicta fuerat, absque sententia & consensu suo habitam. Legendus Socrates lib. secundo cap. 5. & 13. Itaque illis temporibus cum Episcopi Ro-

mani

mani neque territorium neque jus gladii possiderent, certe Concilia eorum auctoritate indici non poterant, si proprie velimus uti nomine auctoritatis. Hic ergo Baronius, Vallius & alii ludificant vocis æquivocatione, atque sententiam aut consensum Episcopi Romani pro auctoritate perperam usurpant. Hoc autem tam planum efficietur historiis primæ Synodi Ephesinæ Chalcedonenfis, quintæ sextæ, septimæ, & octavæ, quarum acta integra habemus, ut qui id in dubium revocant, an meridie luceat videantur negare.

IV. Procul dubio juxta disciplinam Ecclesiæ primitivæ, quam hoc libro fideliter exhibebimus, ubi imperator sua auctoritate Concilii habendi necessitatem & voluntatem suam Patriarchis & præcipuis Metropolitanis Provinciarum indixisset, singuli Patriarchæ & Metropolitanæ Episcopos sibi suffraganeos, quos jure communi regebant, ad Synodum generalem convocabant: ut mox ostendetur. Quod si acta Synodi Nicænæ integra haberemus sicut & aliorum Conciliorum, pronum esset os occludere adversariis: qui nisi omnem pudorem communemque sensum exuerint, inficiari non possunt. Id jure meritoque licuisset Constantino in Synodo Nicæna, quod dehinc aliis Imperatoribus qui ei successerunt



runt jure licuit. In Synodis subsequenti-  
bus, quas indixerunt, convocarunt, con-  
gregarunt, eisque præfederunt ut proba-  
bitur, tantisper lector judicium cohibeat,  
& interea dum Socrati auscultet in proœ-  
mio libri quinti: *Passim in Historia Ecclesia-*  
*stica Imperatorum mentionem propterea feci-*  
*mus, ait, quod ex illo tempore quo Christiani*  
*esse cœperunt, Ecclesiæ negotia ex illorum nutu*  
*pendere visa sunt: atque adeo maxima Concilia*  
*de eorundem sententia & convocata fuerunt,*  
*& adhuc convocantur.* Quid obsecro lucidi-  
us? Verumtamen Bellarminus lib. primo de  
Conciliis cap. XIII. sub finem huic clarissi-  
mæ veritati cimmerias offundere tenebras  
nititur: Tum quia, inquit, S. Athanasius  
Epistola ad solitariam vitam agentes exclam-  
mat: *Ecquando unquam judicium Ecclesiæ ab*  
*Imperatore auctoritatem habuit?* Præterea  
enumerat causas ob quas imperatores illa  
prima Concilia indixerunt: primò, quia  
tunc illa antiqua lex imperialis vigeat quæ  
prohibebat omnia Collegia & frequentes  
hominum conventus absque imperatoris  
auctoritate haberi eo quod metuerent im-  
peratores, ne seditio aliqua fieret, L. 1. ff.  
de Collegiis illicitis. & L. Conventicula.  
Cod. de Episcopis & presbyteris. Secun-  
dò, quia cum imperatores magna ex parte  
toti orbi imperarent non poterat haberi  
Con-

Concilium nisi in aliqua urbe imperiali, unde oportebat licentiam Cæsaris obtinere: sicut etiam modo, si Concilium haberetur, extra terras Pontificis in Germania, Gallia, Hispaniis, &c. sine dubio illius consensus petendus esset, cujus illa esset civitas, aut provincia. Tertiò, quia illa prima Concilia fiebant sumptibus Imperatorum quo ad transvectiones Episcoporum ad locum Concilii, &c. Quartò, quia eo tempore Pontifex etsi in Spiritualibus esset caput omnium etiam imperatorum, tamen in temporalibus subiciebat se Imperatoribus: quare invito imperatore, non poterat aliquid agere: sed quia eum Dominum suum temporalem agnoscebat; supplicabat ut juberet convocari Synodum. At post illa tempora istæ omnes causæ mutatæ sunt: nam nec illa lex nunc viget, nec imperatores in toto orbe dominantur, nec sumptibus publicis fiunt Concilia: nec sunt Gentiles qui impedire possint: Et Pontifex qui est caput in spiritualibus, non est subjectus imperatori aut cuicumque alteri in temporalibus: cum etiam ipse in suis Provinciis sit Princeps supremus temporalis sicut sunt Reges & Principes alii: id quod divina providentia factum est, ut Pontifex libere munus suum exequi posset, hæc ille quibus sigillatim satis dabimus. Et primum mala fide

fide Athanasii auctoritatem laudat : qui quidem non ibi loquitur de potestate convocandi aut indicendi Concilia : sed de auctoritate Canonica statuendi, quæ à solo libero Episcoporum consensu pendet : arguitque Athanasius Constantinum Cæsarem qui Synodos per vim haberi & Episcopos invitos Symbolis Arrianorum subscribere coge-  
bat , terrebatque carceribus & exiliis , ut idem loquitur Athanasius. Secundo reliquæ rationes quas promit Bellarminus , si rationes nuncupandæ sunt fallunt à causa pro non causa : siquidem lex illa antiqua contra seditiones & conventicula non probat imperatorem debere Synodos indicare sed duntaxat haberi non debere absque permisso & auctoritate Cæsaris. Idemque est iudicium de secunda causa quæ hoc solum exigit, ut licentia obtineatur ab Imperatore quatenus permittat ut in hac aut illa urbe celebretur Synodus. At vero acta quæ dehinc exhibebimus fideliter probabunt Cæsares non modo hanc dedisse licentiam, sed urbes ipsas tempusque utile habendo Concilio præscripsisse atque indixisse. Frustra quoque tertiam causam allegat Bellarminus, scilicet, Episcopos juvari debuisse Publicis vehiculis, & sumptibus Imperatorum. An non Romanus Episcopus ut suam Majestatem comiter in hac parte tueretur, poterat

poterat à Cæsare mandatum aliquod impetrare circa ejusmodi vecturas & sumptus necessitatem indicendi Concilii quia sumptus istos suppeditare, aut contra quia indiceret Concilium debuisset necessario perferre sumptus. Quarto ipse Bellarminus invitatus cogitur veritatem fateri, scilicet, ideo Imperatorem Concilia indixisse, quia tum Papa subditus esset Cæsari in temporalibus; hæc enim vera causa est indictionis quam Adversarii more Sepiarum atramento suo obscurare nituntur. Quinto magnum nobis pandit mysterium dum perhibet omnes istas causas quas enumeravit mutatas, & præsertim dum asserit Papam non subditum esse hoc tempore Imperatori nec cuiquam alteri in temporalibus: Idque divina providentia factum esse ut libere munus suum exequi posset. Quandoquidem, nunquam pejus Ecclesia habuit vel secundum disciplinam vel secundum mores; quam ab eo tempore quo ista quæ memorat Bellarminus contigerunt de quibus alias.

V. Sozomenus libro primo cap. decimo septimo narrat Julium I Episcopum Romanum propter ætatem ingravescentem Nicæno Concilio interesse non potuisse, sed Vitum atque Vincentium Ecclesiæ Romanæ Presbyteros, ut pro se adessent misisse. Quæ verba *ut pro se*  
ades-

*adeffent*, valde notanda sunt, demonſtrant enim Episcopum Romanum eam tum non habuisse auctoritatem in Conciliis quam deinceps sibi assumpsit: neque Sozomenus ullum verbum facit de Hosio quem Baronius & recentiores Synodo Nicænæ pro Episcopo Romano præsedisse memorant; legendus Baronius tomo tertio Annalium ad annum Christi 318. numero 89. Verum ex hoc loco Sozomeni plerique inferunt Nicænâ Synodum minime celebratam sub Sylvestro sed sub Julio PP. alii existimant apud Sozomenum legendum esse Sylvestrum non Julium: quam ego Controversiam lubens prætermitto, quia ad quæstionum Juris de qua sum præsertim sollicitus, nihil attinget. Neque enim Nicæna Synodus majoris esse potest auctoritatis si sub Sylvestro quam sub Julio celebrata concedatur. Mihi non tantum probabile sed & certum videtur, sub Sylvestro habitam: Proboque conjecturam insertam præfatiunculæ, quæ in tomo priore Conciliorum Romæ editorum ante historiam Nicæni Concilii à Gelasio Ciziceno collectam legitur. Baronius tomo tertio Annalium ad annum Christi 325. numero sexto concludit Synodum Nicænâ incœpisse Paulino atque Juliano Consulibus, & eodem anno absolutam, anno vigesimo Imperii Constantini ac proinde unum annum durasse. VI. At

VI. At vero absolutæ Monarchiæ patroni ut demonstrent Synodum Nicænam non à Sanctorum Communione & consensu universali Patrum, sed ab infallibili auctoritate Sylvestri Papæ robur hausisse, contendunt antequam Nicænum Concilium dissolveretur, Patres Concilii Symbolum Nicænum & Canones misisse ad Silvestrum PP. huncque in Synodo Romana c c l x x Episcoporum Synodum Nicænam confirmasse: ita Baronius, Binius, & auctor Præfationum Synodicarum editionis Romanæ; sic enim illum deinceps nuncupabimus: qui quidem ad suæ opinionis confirmationem Dionysium Exiguum laudat in Præfatione Nicæni Concilii: cum Synodali Epistola quam curavit excudi ad calcem Nicæni Concilii editionis Romanæ, ficque concipitur: *Beatissimo Papæ Urbis Romæ cum omni reverentia colendo Sylvestro Hosius Episcopus Provinciæ Hispaniæ civitatis Cordubensis, & Macarius Episcopus Ecclesiæ Constantinopolitaneæ & Victor & Vincentius presbyteri urbis Romæ ordinati ex directione tua. Quoniam omnia corroborata de divinis misteriis Ecclesiastica utilitatis, quæ ad robur pertinent Sanctæ Ecclesiæ Catholicæ & Apostolicæ ad sedem tuam Romanam explanata, & de Græco redacta scribere confitemur: nunc itaque ad vestræ sedis augmentum accurrimus roborari. Itaque censeat vestra Apostolica doctrina Episcopos totius vestræ Aposto-*

*stolicae urbis in unum convenire, vestrumque habere Concilium, sicut docet mystica veritas, ut firmetur nostra sanctimonia gradusque fixos vel textus ordinationis tuae sanctimonia nostra possit habere regula: quoniam decet numerum dictorum tuorum Coepiscoporum à te discere gradus vel ordines constituere urbis. Quicquid autem constituimus in Concilio Nicæno, precamur vestri oris consortio confirmetur. Oret Beatitude tua pro universo Concilio. Data octavo Kal. Julias, accepta 13. Kalend. Novembris, Paulino & Juliano summis consulibus. Hanc Epistolam quam Synodicam fabulantur promptissimè ex editione Conciliorum Petri Quentel Typographi Colonienfis anni 1538. ex recognitione fratris Petri Crabe: extatque etiam in editione Laurentii Surii facta Coloniae anno 1567. ubi notatur memoratam Epistolam tractam esse ex Bibliotheca Conventus Dominicanorum Colonienfium. Auctor autem præfationum Synodicarum eam in Romanam editionem Conciliorum conjecit, varieque interpolavit, neque tamen ullum ei sensum verum & tolerabilem affingere potuit; sed ejus argumenta ad Lydiùm lapidem probemus atque in primis Dionysius Exiguus non ea refert quæ ille memorat: & quamquam referret, Exiguo fidem haberemus exiguam, nisi eam fulciret aliquo probato & antiquo teste. Hæc sunt verba Exigui in corpore Canonum edito Moguntiae adversus Lutheranos anno 1525. & Parisiis*

fiis ab Adriano Beys anno 1609. Nam de Synodo Nicæna sic ait: *Facta est autem hæc Synodus apud Nicæam Bitbyniæ consulatu Constantini Augusti & Licinii, XIII. Calendarum Juliarum, qui est apud Græcos XVIII. dies mensis eorum secundum Alexandriam XXXI. Et placuit ut hæc omnia mitterentur ad Episcopum urbis Romæ Sylvestrum: Hæc Exiguus: quæ nullo modo quadrant Epistolæ fictitiæ, cujus Data est Paulino & Juliano Consulibus, contra autem Exigui Constantino atque Licinio: aliquot vero annis ante Nicænum Concilium Licinius Collega fuit Constantini in consulatu. Præterea longe aliud est dicere sicut Exiguus, omnia acta Synodi Nicænæ Romam absolute & simpliciter missa: & asserere conditionaliter fuisse illuc missa ut à Sylvestro probarentur acque ita confirmarentur, ut robur & vis illorum omnino ab ejusmodi acceptione & confirmatione manaret. Hercle nemo potest ambigere Canones Nicænos, sicut & aliorum omnium Conciliorum missos Romam: sed hoc tantum fine, ut Episcopus Romanus more aliorum sese illorum observationi, atque executioni dederet: quandoquidem robur & auctoritas Canonum atque omnium actuum ab universali consensu proficiscitur, teste S. Gregorio dist. 15. can. Sicut. §. dum universali consensu constituta sunt. Hic ergo auctor Præfationum se aut alios frustratur æquivocatione vocis *Canones mittere Romam*. Quis credat hoc factum fuisse in Synodo Nicæna quod*

in



in aliis sequentibus minime factum legitur ut statim clarescet? Secundo quod ad Epistolam ex Bibliotheca Dominicanorum Colonien- sium expromptam attinet, tam prodigiose falsa est, ut mirabile sit hominem aliquo ju- dicio ornatum eam pro vera & genuina lau- dare; cum impossibile sit eam scriptam esse à tam Sanctis & doctissimis Patribus: quippe quæ enigmati potius quam Epistolæ similis, tantaque barbarie, hyperbatis & absurditati- bus inquinata sit, ut nemo ullum probabi- lem sensum inde tundendo atque extundendo exprimere queat. Hocque ut Baronius & auctor præfationum excusent, obijciunt val- de corruptam esse, atque in antiquis Codi- cibus manuscriptis Cresconianæ Collectionis reperiri: quare ut eidem aliquid auctoritatis allinant, & concilient, varias complent lacu- nas ex animi sui arbitrio, nec unde suas emen- dationes hauserint admonent: imo vero cum in editione Quenteliana, Crabbina, & Sua- riana legatur: *Macarius Episcopus Ecclesiæ Con- stantinopolitanae*; illi interpolant *Macarius Epi- scopus Hierosolymitanae Ecclesiæ*: recte quidem, tum enim nondum erat condita Constantino- polis. Tertio, si gratuito demus hanc Episto- lam extare in manuscriptis codicibus Cresco- nianæ collectionis Canonum quid inde spei adfulgebit adversariis? Cum ex ejusmodi Epistola, si integer & illibatus sensus elice- retur, qualem exprimere conantur homines

obnoxii, attamen eidem omnis fides derogaretur, propterea quod hæc praxi ecclesiasticæ disciplinæ in aliis sequentibus Synodis usitatae penitus repugnant ut statim patebit. Si enim Patres Constantinopolitani, Ephesini, Chalcedonensis, quinti, sexti, septimi, & octavi Concilii minime petierunt confirmationem actorum à Romano Pontifice, quanto minus Patres Nicæni à Sylvestro? Equidem cum maximo animi mœrore dicere cogor, nullos extare libros in quibus tot tantaque fictitia & adulterina scripta, quam in tomis Conciliorum legantur & illos qui ejusmodi ambiguis atque suspectis scriptionibus & Epistolis auctoritatem sedis Apostolicæ tueri nituntur, eidem non mediocriter incommodare: Nam qui semel deprehensus est in mendacio, postea ei non facile habetur fides. Cæterum quando nullus antiquus & probatus scriptor refert Hosium Cordubensem nomine Sylvestri Nicæno præfuisse Concilio, hercle qui ex Episcoporum subscriptionibus quæ circumferuntur id firmare volunt, obscurum per obscurius probant: quoniam ejusmodi subscriptiones tam suspectæ sunt fidei, quam epistola ex Bibliotheca Dominicanorum Colonien-sium eruta: sunt enim ita corruptæ, atque incertæ ejusmodi subscriptiones, ut nulla eis insit fides.

VII. Sed ut contrariorum oppositione veritas magis exsplendescat fictitiæ Epistolæ  
 Sy-

Synodali veram atque indubitatam Patrum Nicænorum ad Ecclesiam Alexandrinam subjungam, quæ legitur apud Socratem lib. primo cap. sexto, & Theodoretum lib. primo, cap. nono. *Quoniam Dei gratia & mandato Sanctissimi Imperatoris Constantini, qui nos ex variis civitatibus & provinciis in unum congregavit, magnum & Sanctum Concilium Nicanum coactum est: necessarium videtur ut à toto Sacro Concilio literæ ad vos mittantur, ex quibus possitis intelligere cum ea quæ in controversiam adducta & exquisite desceptata sunt, tum quæ decreta & constabiles. Primum impia & perversa dogmata Arriæcorumque qui ejus sectam sequuntur coram Sanctissimo Imperatore Constantino perquisita sunt: unde placuit Concilio communibus suffragiis anathema denunciare ejus nefariæ opinioni, & verbis sententiisque execrabilibus quibus usus est ad Filium Dei blasphemiis afficiendum, &c. Verum cum Ægyptus non modo illa opinionis perversitate, nequitia, & blasphemia, sed etiam certis hominibus qui in populo vitam ante illud tempus pacate & tranquille degente seditionem & discordiam concitare non veriti essent, Dei gratia penitus liberata esset: tamen adhuc pertinax inscitia tum Meletii, tum eorum quibus honores Ecclesiasticos detulerat, de qua re quid Concilium decreverit, fratres Charissimi, sic habetote: Concilium clementius aliquando in Meletium animatur (nam si accurate in eum inquisitum fuisset, nihil certe commoverisset veniæ) decernit ut in propria ac sua civitate remaneat, nullamque*

*habeat potestatem vel cuiquam manus imponendi, vel quemquam ad aliquod munus Ecclesiasticum deligendi: vel in aliena regione civitateve ejus rei gratia commorandi: sed ut solum dignitatis & officii nomen retineat: illi autem qui ab eo presbyteri designati sunt, simulatque sanctiore ordinatione confirmati fuerint: hac conditione in Ecclesie Communionem admittantur: nimirum ut Ecclesiastica dignitatis & ministerii gradum habeant illi quidem: sed tamen omnibus Presbyteris in singulis Provinciis & Ecclesiis versantibus qui sunt ab honoratissimo Viro & Collega nostro Alexandro ordinati, sint omnino inferiores. Quinetiam ut nulla illis potestas sit eos ministros Ecclesie designandi, qui ipsorum probentur arbitrio: neque nominationem penes se habeant eorum qui sint ad Ecclesie munera obeunda deligendi, neque quicquam absque consensu Episcoporum Catholica ET APOSTOLICÆ ECCLESIE QUI SUB IPSO ALEXANDRO SUNT, omnino transigant. Hi autem qui Dei gratia & vestris precibus adjuti ad nullum schisma deflexisse comperti sint, sed se intra Catholicæ & Apostolicæ Ecclesie fines ab erroris labe vacuos continuerint, auctoritatem habeant tum ministros ordinandi tum eos qui clero digni fuerint nominandi, tum denique omnia ex lege & Instituto Ecclesiastico libere exequendi. Quod si quispiam forte eorum qui Ecclesie funguntur muneribus diem suum obierit, tum unus ex illis qui nuper in Ecclesiam accesserunt, modo idoneus videatur & populus illum eligat, Episcopusque Alexandria ei suffragetur*

getur, atque adeo populi electionem confirmet, in locum succedat demortui. Atque sit illud aliis quidem omnibus concessum. De Meletio autem nominatim aliter decisum est, ut videlicet cum propter insolentem audaciam qua antea Ecclesie statum perturbaverit, tum propter temeritatem & mentis inscitiam quam palam ostenderit, nulla potestas auctoritasve ei tribuatur, quippe cum homo is sit, qui eandem perturbationem in Ecclesiam denuo possit inducere: atque ista decreta ad Ægyptum & Sanctissimam Ecclesiam Alexandrinam proprie & separatim referuntur. Quod si aliud præterea quidpiam dum honoratissimus Dominus & Collega & Frater noster Alexander una adest, sancitum & statutum fuerit, ipse utpote QUI REBUS DECISIS CUM PRÆFUERIT, tum communicarit, vobis coram accuratius renunciabit. Quod autem ad omnium consensum de sacratissimo Festo Paschatis celebrando attinet, scitote quod vestris precibus controversia de resuscepta prudenter & commode sedata est, ita ut omnes fratres qui Orientem incolunt, quique Judeorum consuetudinem ante in eo festo servando imitari solent, jam Romanos, & omnes vos, qui eundem morem quem nos in illo recolendo deinceps sedulo sequuturi. Quocirca vos cum ex his rebus, tam prospere gestis, tum ex pace & Concordia communiter inter omnes constituta, tum denique quod omnes hereses quasi fibra penitus excise sunt letitiam capientes, majori honore & amore ardentiori Alexandrum Collegam nostrum & vestrum Episcopum complectimini: qui dum aderat, nobis

*nobis permagna voluptati fuit, permultumque laboris ut in ea etate suscepit, quo Ecclesia vestra statum ad tranquillitatem traduceret. Pro nobis omnibus etiam preces ad Deum fundite: ut quæ rite constituta & decreta sunt ea rata stabiliaque permanent: Dei Patris omnipotentis & Domini nostri Jesu Christi auxilio una cum Spiritus Sancti gratia: Cui gloria in Secula Seculorum. Amen.* Hactenus Patres Nicæni: similiter Constantinus Imperator literas misit ad Alexandrinam Ecclesiam ejusdem planè argumenti quas habes apud Socratem eodem libro & capite: sed veniamus ad Analyfim. Primum constat Patres æmulatione Apostolorum Actor. 15. hanc scripsisse Epistolam, siquidem ut Apostoli viros selectos cum Epistola Synodali pro ineunda pace & concordia inter Judæos & Gentes miserunt Antiochiam ac B. Pauli & Barnabæ doctrinam velut orthodoxam prædicant: ita Patres Nicæni Patriarchæ Alexandrini virtutem atque doctrinam hac Epistola Synodali laudant, & præstant. Secundo significant Synodum mandato seu edicto Constantini congregatam atque illo præsentè omnia, exquisitè & Canonice disceptata, perquisita, & decreta fuisse. Tertio, communibus Patrum suffragiis non unius absoluti Monarchæ Imperio, hæresim Arrii damnatam, eique dictum anathema, declarant. Quarto transeunt ad factum Meletii Episcopi Lycopolitani, civitas est Ægypti, de quo sic Socrates lib. primo



mo capite tertio, sub finem Epistolæ Alexandri Episcopi Alexandria ad omnes Episcopos ; *Commiscebantur Arrianis Meletiani, qui non multo ante fuerant ab Ecclesia segregati: Meletius regnante Diocletiano cum tempore persecutionis fidem inficiatus idolis immolauisset, munere Episcopatus à Petro Alexandria Episcopo qui mortem obiit martyrio, abdicatus est: ac se ducem Hæresis Meletianæ præbuit, fuitque Meletius cum suis Arrio subsidio, cumque illo una contra Episcopum Alexandrinum conspirauit & tyrannidem exercuit, ut ait Theodoretus lib. primo cap. nono historiæ: Nam Meletius sibi Episcoporum Thebaidis atque Ægypti ordinandorum facultatem contra consuetudinem & Canones arrogabat quam ob causam hîc cogitur in ordinem à Patribus Nicænis. Unde facile est colligere hanc Meletii tyrannidem occasionem præbuisse Nicæno Concilio condendi Canonem quartum & sextum, ne videlicet absque Metropolitani auctoritate Episcopi uspiam crearentur: sic enim voluerunt dare operam ne Episcopi Arriani ordinarentur: antea autem usus alius vigeat, neque confirmatio Metropolitanus in Episcoporum electione erat necessaria. Ad hæc vero qui cogitate attenderit, jure mirabitur Epiphanium hæresi sexagesima octava, multa potuisse in laudes Meletii scribere. Quinto notandum contra Vallium tertia parte libri de suprema potestate Papæ quæst. sexta circa medium ubi Ca-*

no-

nonem quartum Nicænum explicat: Patres Nicænos non abstulisse populo jus eligendorum Episcoporum, sed tantum præcepisse electionem populi & Cleri à Metropolitano confirmari, & ab Episcopis provinciæ fieri oportere. Nam dehinc semper populus in sua possessione eligendi Pastores continuavit, idque hac Synodali Epistola clare ostenditur, ubi nominatim habetur *Episcopum Alexandriae debere populi electionem confirmare*. Sexto observabit lector, Meletium ita damnari, ut quamquam retineret dignitatem Episcopalem, tamen ejus exercitio interdiceretur: adeo ut nec sacerdotes consecrare, nec aliud munus Episcopale obire posset. Præterea quos ipse ordinarat non admittebantur ad res Ecclesiasticas capeffendas priusquam sanctiori ordinatione atque manuum impositione consecrarentur. Septimo, Alexandrinam Ecclesiam Apostolicam vocari à Patribus Nicænis. Octavo valde notabile est Episcopum Alexandrinum dici non modo præfuisse, verum etiam communicasse actis Synodalibus: quæ duo apprime notanda videntur quia potest accidere quempiam præesse alicui conventui, qui tamen consensum minime iis præbebit quæ communibus suffragiis decernuntur: ut si verbi causa Senatusconsultum fieret in Parlamento contra sententiam Præsidis, quod potest contingere.

VIII. Hinc autem claret Alexandrum  
Episc-



Episcopum Alexandrinum velut Patriarcham Concilio cum aliis Patriarchis, ut Præsides solent in actionibus Parlamenti præfuisse, Contextum Græcæ Synodalis Epistolæ de Alexandro Patriarcha hic adscribam. ἀπὸ τοῦ ἐκ κύριου, καὶ κοινοῦ τοῦ χαρισίου Alexander scilicet *existens quasi Dominus aut Princeps, & communicans rebus gestis*: vel *existens Dominus rerum gestarum, eisque communicans* Christophorus vertit: *utpote qui rebus decisis cum præfuerit tum communicaverit.* Quæ clausula falsi arguit, Synodalem Epistolam missam ad Sylvestrum PP. quippe quæ Macarii Constantinopolitani, aut ut Baronius emendat, Hierosolymitani duntaxat meminit, atque Alexandrum omisit. Hercle Eusebius lib. tertio Vitæ Constantini cap. decimo tertio de Præsidibus Concilii numero plurali loquitur, omnesque Patriarchas intelligit: Similiter Felix III. PP. epistola v. ad Zenonem Imperatorem scribit *Eustathium Antiochenum Patriarcham in Nicæna Synodo præsidendi munus obiisse*: Ex quo relinquitur cunctos Patriarchas præfides fuisse Concilii, ut jam de Præsidibus Parlamenti monui: neque tum moris erat, ut, quos Episcopus Romanus *pro se mitteret*, sic enim Sozomenus loquitur, Patriarchis aliis præirent: hoc enim primum à B. Leone in Concilio Chalcedonensi effectum ut statim dicetur. Nono Patres memorant statutum fuisse de Paschate celebrando die Dominico, Qui.

Quibus accurate subductis & cum Epistola nuper ex Bibliotheca Dominicanorum Coloniensium exprompta collatis, liquet istam plane indignam esse quæ doctissimis Patribus Nicænis adscribatur. Decimo quod spectat ad Epistolam Imperatoris missam Alexandrinæ Ecclesiæ, inter alia hoc habet, quod Constantinus *magnam Episcoporum turbam ad urbem Nicaam accersiverit, & cum illis operam dederit ut veritas diligenter investigaretur: atque omnia quæ aut controversiæ, aut dissensionis materiam præbere videbantur, accurate excusso & exagitata fuisse &c.* Eusebius lib. tertio vitæ Constantini cap. 12. narrat optimum Principem *clausisse Concilium Oratione Latine habita pro concordia, suamque Orationem PRÆSIDIBUS CONCILII concessisse, & quæ communi omnium sententia decreta fuerant cujuscumque etiam manu subscripta & in commentaria relata fuisse, capite 13. ejusdem libri: subjungitque, tum demum universos Episcopos *opiparo Convivio exceperisse, muneribus singulos ornasse. cap. 14. & 15. literisque de iis quæ in Synodo Nicænâ gesta fuerant missis ad universas Ecclesias edictum scivisse, ut omnes decretis Synodi obsequerentur, cap. 16. 17. 18. & 19.* Quæ omnia ostendunt Constantinum Imperatorem indixisse & convocasse Concilium Nicænum, eidemque præfedissee & acta confirmasse. Siquidem proprie loquendo Imperatores acta Synodorum confirmare dicuntur, quando lege lata cuncta in rem judicatam transire jubent:*

bent : quam ad rem coactione & potestate absoluta opus est qua Ecclesia Jure divino caret. Quamobrem Papæ & cæteri Patriarchæ qui præfunt Synodis, potius dicuntur concludere quam confirmare acta : ut patet etiam de Præsidibus Parlamenti : idque infra magis patebit historia aliorum Conciliorum. Cum ergo Constantinus præfens esset Concilio Nicæno, & sua sponte satis propensus in observationem Actorum, nihil opus fuit ut Patres ab illo Synodali Epistola confirmationem decretorum peterent, sicut factum legimus in Synodo Constantinopolitana & Ephesina prima.

IX. His præpositis transeo ad Canones Nicænos, eos præsertim qui nobis regimen Aristocraticum Ecclesiæ certissime conservant : de aliis enim disputare est extra præsentis operis propositum : de illorum numero infra, Cap, 6. ubi de historia sexti Concilii Carthaginensis agetur. Primum occurrit Canon IV. *Episcopum oportet maxime quidem ab omnibus qui sunt in provincia constitui : Si autem sit hoc difficile vel propter urgentem necessitatem, vel viæ longitudinem, tres omnino eundem in locum congregatos absentibus quoque suffragium ferentibus, scriptisque assentientibus, tunc electionem fieri : eorum autem quæ fiunt confirmationem in unaquaque Provincia Metropolitano fieri.* Quo Canone colligimus regimen Ecclesiæ esse Aristocraticum ; statum vero aut principatum electivum, non hæreditarium

tarium aut resignativum: verum, quia de sacris electionibus lib. 2. Defensionis libelli de Ecclesiastica & politica potestate differuimus, huncque Canonem ibidem enodavimus, ideo hic ab profusiore disputatione abstinebo: ut notem, sicut Episcopi a suis Metropolitanis, sic & Metropolitae ab omnibus Episcopis Comprovincialibus in Synodo Provinciali ordinari consuevisse, teste Simplicio PP. Epistola decima tertia ad Zenonem Imperatorem. Cæterum, *ab antiquo invaluit, ut Episcopus Romanus non ab aliquo Metropolitano, sed de proximo ab Ostiensi Episcopo ordinaretur*, ut auctor est Augustinus in breviculo collatione tertii diei cap. 2.

X. Ad regiminis Aristocratici vindicias mirum in modum facit quintus & sextus Canon quos hic ex Gentiani Herveti versione adscribam: *De iis qui à Communione segregati sunt, sive Clericorum sive Sacrorum sint ordinis, ab Episcopis qui sunt in unaquaque provincia valeat sententia secundum Canonem qui pronunciat eos qui ab aliis ejecti sunt non esse ab aliis admittendos Examinetur autem nunquid vel pusillanimitate, vel contentione vel aliqua ejusmodi Episcopi acerbitate, congregatione pulsi sint ut hoc ergo convenientem examinationem accipiat, recte habere visum est, ut singulis annis in unaquaque provincia, bis in anno Synodi fiant, ut cum omnes Provinciae Episcopi in eundem locum communiter conveniant, ejusmodi quaestiones examinentur, & sic quos Episcopum offendisse*  
con-

*constiterit iuste esse à congregatione separati apud omnes videantur, donec Episcoporum congregationi videatur pro iis humaniorem perferre sententiam. Synodi autem fiant, una quidem ante Quadragesimam, ut omnibus animi sordibus sublati purum munus Deo offeratur: secunda autem autumnii tempore.*

In hoc canone quinque præsertim notanda occurrunt: Primo omnia negotia iis in locis esse decidenda ubi nascuntur: & eos qui gravati fuerint sententia sui Episcopi, sive laici ad Synodum Provinciam provocare: in cujus Canonis explicationem Patres Constantinopolitani & sexti Concilii Carthaginensis accurate incubuerunt. Quorum sanctiones non sunt aliquæ novæ Constitutiones, sed Juris divini & naturales declarationes. Quocirca Episcopus Romanus cum his regulis more aliorum Episcoporum teneretur, si quid minus recte ab illo gestum erat, ab ejus sententia ad Synodum Provinciam, & à Synodo Provinciali ad Generale Concilium appellari poterat, ut Patres Africani docent & nos infra explicabimus. Secundo cavetur, ne quid ab Episcopis aliquo pravo animi motu injuste & contra Canones agatur. Tertio ut excommunicati in una Ecclesia ab aliis Ecclesiis minime admittantur propter Sanctorum Communionem quæ ubique uniformis & constans esse debet: cui regulæ cum Episcopi Romani sæpe de industria detraxissent: inde opportunam nacti sunt occasionem suas dilatandi fim-

fimbrias atque homines aliarum diœcesium attrahendi Romam: Unde Canon Arelatensis Synodi 16. *De iis qui pro delicto suo à Communione separantur ita placuit, ut quibuscumque locis fuerunt exclusi eodem loco communionem consequantur*: Et hinc illæ querelæ Patrum Africanorum adversus Zosimum, Bonifacium, & Cælestinum PP. Quarto ut facilior & accuratior esset ratio examinis, Patres Nicæni volunt bis in annos singulos haberi Synodos Provinciales: nimirum paulo ante Quadragesimam & autumnali tempore. Ex quo perspicuum evadit, in Ecclesiasticis negotiis nihil ferme relictum fuisse singularibus Prælatiis, quod seorsim & extra Synodum peragerent: imo etiam quicquid privatim cum suo Clero aut Presbyterio egerant, de illo Synodice in Concilio Provinciali rationem reddere cogebantur: quoniam Synodus omnium admittebat & decidebat expostulationes. Quam moderationem gubernationis Ecclesiasticæ, utinam Prælati hodierni sibi ad imitandum proponerent & quæ Christi non quæ sua sunt quærerent typho seculi abjecto. Quinto hinc liquet Patres Nicænos nihil loci reliquisse absolutæ Monarchiæ recentiorum; & hac æquanimirate regiminis, quæ potestati ministeriali spirituali plane congruit, sibi omnium mortalium benevolentiam conciliasse ac effecisse ut nullus esset qui tum temporis non magnæ felicitati duceret si ab Ecclesiasticis judi-

judicaretur : quorum hodie judicia omnes devitare tentant, idque locum dedit appellationibus ab abusu, de quibus alias.

XI. Canon VI Nicænus ita concipitur : *Antiqui mores servantur qui sunt in Ægypto, Lybia & Pentapoli, ut Alexandrinus Episcopus horum omnium habeat potestatem : quandoquidem & Episcopo Romano hoc est consultum : similiter & in Antiochia, & in aliis Provinciis, sua privilegia, ac suæ dignitates & auctoritates Ecclesiis servantur. Illud autem est omnino manifestum, quod si quis absque Metropolitani sententia factus sit Episcopus, cum magna Synodus definit non esse Episcopum. Quod siquidem collectioni, quæ & rationi consentanea muni omnium & ex regula Ecclesiastica facta est, duo vel tres propter suam qua delectantur contentionem contradicant, vincant plurium suffragia, &c. Quoniam obtinuit consuetudo & antiqua traditio ut qui est in Ælia Episcopus honoretur; habeat honoris consequentiam Metropoli propria dignitate servata.* Tres sunt præsertim partes hujus Canonis : prior versatur in explicandis privilegiis Primatiarum sive Patriarchatum, quod nomen Patriarchatus, inquam, & Patriarchæ aliquanto post Synodum Nicænam est inventum, & primum quod sciam usurpatum in Synodo Chalcedonensi. Secunda pars agit iterum de Episcoporum electionibus & confirmationibus per Metropolitanos Provinciæ, de qua nihil aliud dicendum

D

dum

dum habeo præter ea quæ supra observavi in explicatione quarti Canonis Nicæni. Posterior pars spectat ad Privilegia Episcopi Æliæ, five Ecclesiæ Hierosolymitanæ. Ut autem de priore prius dicamus, hic statuitur unicuique Ecclesiæ suam dignitatem, auctoritatem & Privilegia servari oportere juxta locorum consuetudinem: Id enim hæc indicant: *Antiqui mores servantur, qui sunt in Ægypto, Lybia, & Pentapoli, ut Alexandrinus Episcopus horum omnium potestatem habeat &c.* Quo etiam respicit Canon xxxi. & xxii. Synodi Antiochenæ: *Episcopus ab alia parochia in aliam ne transeat, nec se sua sponte ingerens, nec à populis vi adaectus, nec ab Episcopis coactus, maneat autem in ea, quam à Deo sortitus est, Ecclesia, & ab ea non recedat secundum decretum prius de ea re editum Episcopus in alienam civitatem quæ ei subiecta non est non ascendat, nec in regionem quæ ad eum non pertinet ad alicujus ordinationem, nec Bresbyterum vel Diaconum constituat in locis alii Episcopo subiectis, &c.* Adde insuper & octavum Canonem primæ Synodi Ephesinæ contra Ambitionem Antiocheni Episcopi, *Nullus religiosissimorum Episcoporum provinciam aliam quæ non multis retro annis & ab initio sub sua vel eorum, qui illum præcesserunt manu fuerit, invadat: sed si quis invaserit, & sibi per vim submiserit, eam reddat, ne Sanctorum Patrum Canones transfiliantur: nec sub sacerdotilis muneris prætextu, secularis potestatis fastu*  
*sub-*



*subeat: ne libertatem paulatim imprudentes amittamus, quam nobis proprio sanguine dedit Dominus Jesus Christus omnium hominum liberator. Sanctæ ergo & universali Synodo visum est, ut unicuique provincie pura & inviolata serventur jura, quæ ab initio multis retro annis habet secundam consuetudinem quæ jam olim servata est. Huic Ephesino Canoni adnectenda Glossa Canonis Mos antiquus. dist. 65. quæ sic habet: Dicitur in hoc Canone quod secundum antiquam consuetudinem honor proprius reservatur per suas Provincias Alexandrino Patriarchæ: qui similis est Romano. Mos antiquus argumentum pro consuetudine servanda, 9. quæst. 4. can. Conquestus. Ubi animadversione dignum, Patres Nicænos, Antiochenos, & Ephesinos loqui de consuetudine decursu temporis introducta, non de jure divino, aut monarchia Papæ: recte id quidem, quando distributio orbis Christiani in certos tractus aut dioceses, quas Patriarchatus deinceps vocitarunt, juris est mere positivi humani. Cæterum, si Canones Arabici quos Franciscus Turrianus & Alphonsus Pisanus ex Lingua Arabica in Latinam conversos venditant, nulli alii sunt usui, saltem genuinam explicationem Canonis sexti Nicæni nobis declarant, atque absolutam Papæ monarchiam profligant Canone octavo, qui ita concipitur: Constitutum est, ut Episcopus Ægypti, id est, Patriarcha Alexandrinus præsideat, & habeat potestatem totius Ægypti.*

ti, & omnium locorum civitatum & castellorum quæ sunt circum eam, quia sic convenit: Siquidem similiter Episcopus Romæ, id est, successor Petri Apostoli potestatem habeat omnium civitatum ac locorum quæ sunt circa eam: ac similiter Episcopus Antiochiæ, id est, Patriarcha potestatem habeat provinciæ illius totius & eorum locorum quæ circum eam sunt. Et in aliis item locis servari debet quod in præterito constitutum est.

XII. Sensus ergo est, quo Jure Episcopus Romanus Ecclesias sibi subjectas gubernabat, eodem & Alexandrinum Ecclesiis sibi subjectis moderari, & similiter Antiochenum. Hic enim Patres Nicæni quasi ex noto ignotum & ex minime Controverso Controversum inferunt. Cum enim Meletius sibi tyrannidem contra Primatem Alexandrinum vindicaret, atque ordinationes per totam Thebaidem & Ægyptum faceret contra consuetudinem, Patres Nicæni istam usurpationem definiunt & circumscribunt tum ex consuetudine antiqua, tum ex more usitato Romanæ Ecclesiæ, cui nemo litem movebat de suo jure: hicque regula generalis omnibus Metropolitanis ponitur, quando decernitur, ut cunctis Ecclesiis Metropolitanis sua dignitas & auctoritas servetur juxta consuetudinem, quæ Canoni æquipollet. Et hinc claret quonam sensu dictum sit à Nicolao primò, Epistola ad Michaëlem Imperatorem *Synodum Nicanam nullum Ecclesiæ Romanæ dedisse incrementum*

*crementum, sed potius ex ejus forma sumpsisse, quod particulariter tribueret Alexandrina.*

XIII. Porro Ruffinus lib. primo Historiæ cap. 6. ubi Canones Nicænos explicat, absolutæ Monarchiæ fautoribus litem irreconciliabilem indixit his conceptis verbis: *Et ut apud Alexandriam & in urbe Roma vetusta consuetudo servetur, ut vel ille Ægypti, vel hic suburbicariarum Ecclesiarum sollicitudinem gerat.* Quo ex loco Ruffini, permulti occasionem captant potentiam Romani Episcopi cogendi in angustum: quasi nullam aliam haberet diœcesim præter Ecclesias suburbicarias: siquidem urgent Ruffinum de iis loqui quæ viderat quæque fiebant ordinariæ. A quo nodo Gordiano, Baronius ut se explicet Tomo tertio Annalium ad annum 325. numero 125. Item Bellarminus lib. secundo de Romano Pontifice cap. 13. fabulas comminiscuntur: hic enim inter alia contendit sensum Canonis sexti Nicæni esse, *Alexandrinum Episcopum debere gubernare illas Provincias, scilicet Ægyptum, Lybiam, & Pentapolim, quia Romanus Episcopus ita consuevit: Id est, quia Romanus Episcopus ante omnem Conciliorum definitionem consuevit permittere Episcopo Alexandrino regimen Ægypti, Lybiæ, & Pentapolis: sive consuevit per Alexandrinum Episcopum illas Provincias gubernare: Sic enim intellexit hunc Canonem Nicolaus I in Epistola ad Michaëlem, nec apparet ulla alia probabilis Expositio, inquit Bellarminus: ma-*

gis certe ridendus quā confutandus quoniam tota hæc ejus narratio id pro certo assumit quod est controversum: scilicet *Papam jure divino esse absolutum Ecclesiæ Monarcham*: & Nicolaum PP. ita Canonem Nicænum in sua causa interpretari. Bellarminum quoque Cotonus sequitur lib. secundo suæ Catholicæ Institutionis, sicque Canonem illum Gallice vertit: *Que l'Evesque d'Alexandrie aura jurisdiction sur les Evesq; d'Egypte, de Lybie, & Pentapolis, comme l'Evesq; de Rome l'a sur luy, &c.* Latine sonant: *Ut Episcopus Alexandrinus Jurisdictionem habeat in Episcopos Egypti, Lybiæ, & Pentapolis, sicut Episcopus Romanus habet super Episcopum Alexandrinum.* Cotonus autem dum accepisset magnum rumorem in se tanquam violatorem Canonum spargi, tum demum in secunda editione sui libri genuina verba & sensum restituit. At Baronius & Bellarminus perhibent memoratum Canonem esse mutilatū, eoque modo legendū quo à Paschasino & Lucentio legatis magni Leonis profertur actione xvi Synodi Chalcedonenfis de qua re suo loco. Nunc ad Ruffinum redeo, & relicta Jurisconsultis ac Philologis disputatione de regionibus suburbicariis, contendo, proclive esse ex Conciliorum & disciplinæ Ecclesiasticæ notitia videre quidnam Ruffinus per Ecclesias suburbicarias velit designare: neque puto id stricte ad suburbicarias regiones reduci oportere. Certe Theodosius Imperator literis quibus secundā Sy-

Synodū Ephesinam convocat, Dioscoro Alexandrino Patriarchæ nominatim præcipit, ut ex sua diœcesi Ægypto nimirum, Lybia, & Pentapoli delectu habeat decem Metropolitās, & totidem Episcopos qui sese Ephesum conferant: constatq; ex actis Synodi Chalcedonensis S. Leonem magnum literas ejusdem tenoris & argumenti à Theodosio accepisse, ac proinde decem debuisse mittere Metropolitās & Episcopos ex sua diœcesi. Similiter Constantinus Pogonatus Epistola ad Donum PP. quæ legitur initio sexti Concilii generalis eidem sextum indicit Concilium, mandatque ut has mittat personas: *scilicet ex Ecclesia Romana privata tres personas: deinde ex Concilio Pontificis Romani usque ad duodecim Metropolitās, & Episcopos*: quæ verba concepta Epistolæ Imperatoris nobis declarant ex Ecclesiæ praxi Papam duobus modis posse considerari: scilicet ut Episcopum urbis quam privati gubernat: deinde ut præest Concilio in quod plures Metropolitani confluunt: quandoquidem Cæsar Pogonatus explicite flagitat à Dono PP. ut duodecī mittat Metropolitās & Episcopos vel plures si velit. Verum quando certum est Papam alicui non præesse Concilio in quod plures Metropolitani confluunt, nisi ut Primas aut Patriarcha: inde exploratum relinquitur, Papam ut Primas & Patriarcha est, non modo suburbicariis, sed etiam aliis Ecclesiis Occidentis præfuisse. Idque clare co-

gnoscitur ex Agathonis Responsione ad Constantinum Pogonatum : Nam Dono mortuo eidem Agatho successit & Cæsari rescribit *se ex sua Ecclesia Romana privatim mittere Theodorum & Georgium Presbyteros, Joannem Diaconum, & Constantinum subdiaconum : deinde tres Episcopos Fratres Abundantium, Joannem, & Joannem ex proxima Synodo Apostolicæ sedis: præterea se excusat quod de longinquiore Provincia sui Concilii familiaris propter temporis angustias, & adversam valetudinem Metropolitam mittere non potuerit &c.* De quibus amplius in historia sextæ Synodi: nobis enim indubitata Ecclesiæ primitivæ praxim ab temporibus Synodi Nicænæ usitatam: atque Papam tribus modis considerari demonstrant; nimirum ut privatum Episcopum urbis Romæ, si enim Agatho PP. aliquot sacerdotes cum Diacono & Subdiacono mittit ad Concilium; deinde ut Metropolitam aut Archiepiscopum: qua ratione tres mittit Episcopos de propinquo suo Concilio: hoc est de Ecclesiis suburbicariis, quas annuatim in Synodum cogeat juxta quintum Canonem Nicænum: Tertio ut Primatem & Patriarcham: quo nomine & titulo, pro diœcesi habuisse Occidentem id est Italiam, Gallias, Africam, Hispanias, Septentrionem, &c. tota hac historia facile probabo. Cæterum cum sextus Canon Nicænus Ægyptum, Lybiam & Pentapolim Episcopo Alexandrino subditas esse doceat: atque Ruffinus unius tantum Ægypti memi-

memi-

meminerit : & nominatim afferat Alexandrinum Episcopum eo modo regere Ægyptum quo Romanus Ecclesias suburbicarias gubernat: Id argumento est, Ruffinum loqui duntaxat de Alexandrino, & Romano Episcopis, velut Metropolitibus & Archiepiscopis, non autem velut Primatibus aut Patriarchis.

XIV. Magna quidem pugnatur contentione inter Recentiores de sedium Patriarchalium Institutione, & cur Apostolicæ dicantur. Tertullianus de Præscriptionibus passim, & præfertim *cap. 21.* Apostolicas Ecclesias & Matrices vocat quas Apostoli fundarunt: *Si hæc ita sunt, ait, constat proinde omnem doctrinam quæ cum illis Ecclesiis Apostolicis Matricibus & originalibus fidei conspiret, veritati deputandum: id sine dubio tenentem quod Ecclesiæ ab Apostolis, Apostoli à Christo, Christus à Deo suscepit.* Et capite 36. *Age iam qui voles curiositatem melius exercere in negotio salutis tuæ, percurre Ecclesias Apostolicas apud quas ipsæ adhuc Cathedræ Apostolorum suis locis præsidentur, &c.* S. Augustinus lib. 11 de Doctrina Christiana cap. 8. ostendit sedes Patriarchales dici Apostolicas: *Quisquis in Canonicis scripturis Ecclesiarum Catholicarum quamplurimi auctoritatem sequatur, inter quas sane illæ sunt quæ Apostolicas sedes habere, & Epistolas accipere meruerunt &c.* Quem textum Gratianus in Decretum conjecit. *dist. 19. can. in Canonicis*, eumque ut de more habet interpolavit, quo solam sedem Romanam vocari Apostolicam probaret: sed

jussu Gregorii XIII textus ille suo nitori ex genuino sensu auctoris restitutus est. Hercle antiquitus omnes sedes Patriarchales Apostolicæ nuncupabantur: & Romana ad distinctionem aliarum: sedes Apostolica urbis Romæ, aut Ecclesiæ Romanæ, vel etiam per excellentiam sedes Apostolica dicebatur: ut propriis locis innotescet. Jam supra ostendi Patres Nicænos sedem Alexandrinam titulo sedis Apostolicæ indigitasse in Epistola Synodali ad Ecclesiam Alexandrinam: Recentiores moti auctoritate Leonis Magni & S. Gregorii, nec non Epistolarum Anacleti & aliorum scriptorum ejusmodi obtendunt sedes Apostolicas à solo Petro fundatas. Sed Cardinalis Cusanus Vir Doctissimus & in cognitione Historiæ ac disciplinæ Ecclesiasticæ exercitissimus causam hanc suis finibus circumscribit, lib. II. de Concordantia Catholica, cap. 32. *Licet, inquit, legatur in Epistolis Clementis Petrum misisse Episcopos per Gallias, & alias partes, & ita etiam Clementi præcepisse ut ipse ad illas partes mitteret quo ipse non misisset, & sic omnes Patriarchæ Archiepiscopi, & Episcopi à sede Apostolica egressi sunt: ita intelligo textum distinctionis 22. can. I. qui fuit Nicolai Papæ, qui pene octingentis annis fuit post Christum, licet manifestum sit, quod non in omnes partes mundi de Roma missi sint Episcopi; jam enim multi erant Episcopi per mundum antequam Petrus venit Romam, ut est manifestum: quia Antiochia, & Hierosolymis, & etiam ex illa*  
Epi-



*Epistola Clementis apparet: qui scribit Jacobo Hierosolymorum, ut ipse per Orientem mittat: tamen hoc non concludit Papam solum à principio Patriarchas sive primates constituisse, ut quidam dicunt adulatores: quoniam tota Ecclesia sive Apostoli, qui totam Ecclesiam representabant, propinquius quam solus Petrus Primates constituerunt. 99. dist. can. Nulli Archiepiscopi Primates vocentur, nisi illi qui primates tenent civitates, quarum Episcopos Apostoli & successores Apostolorum regulariter Patriarchas & Primates esse constituerunt, &c.*

*Qui textus dicit. Apostoli eorumque successores: neque concludit Ecclesiis aliquando fuisse provisum sine electione: quia tunc non fuerunt Ecclesie sed missi fuerunt ad edificandas Ecclesias: & ideo electio locum habere non potuit, quia Ecclesia eligens tunc defecit: unde illi missi gerentes figuram Christi secundi Adæ: ex costa sua scilicet divini verbi sibi. Evam edificarunt, quam desponsaverunt: & sic Evæ genitæ posthac non dabatur nisi sponsus desideratus, id est per sacras electiones cooptatus. Hucusque Cusanus. Profecto cum actis Apostolorum locis pateat, neque B. Petrum, neque ipsos Apostolos regulariter & ordinarie aliquid unquam seorsim & separatim in Ecclesiæ regimine, absque Ecclesiæ & præsertim seniorum consensu & Consilio, gessisse: absurdum quidem est ex nonnullis scriptis Apocryphis & sublestæ fidei quales sunt Clementis, aut Anacleti Epistolæ, vel etiam ex Romanorum Pontificum Decretalibus in sua causa,*

causa, ut B. Leonis, Gregorii, &c. velle persuadere sedes Patriarchales ab uno & solo Petro institutas. Proculdubio Canon vi. Nicæni Concilii quem explicandum suscepimus, illas potius aliqua insensibili consuetudine, quam aliquo meditato & conferto studio primitus erectas indicat: & ejusmodi consuetudinem tacitam, à typo & forma diœcesium atque Metropolum Romani Imperii ortam nonus Canon Synodi Antiochenæ docet. Metropolis autem nihil aliud est quam civitas aliarum princeps, quæ toti Provinciæ est velut norma, quoniam aliis urbibus jus dicit ac præest, ut ex Notitia Imperii colligimus. Hic Canonem Antiochenum exscribam: *Episcopos qui sunt in unaquaque provincia scire oportet Episcopum qui præest metropoli, etiam curam suscipere totius provinciæ; eo quod in metropolim concurrant omnes qui habent negotia: unde visum est eum quoque Episcopum honore præcedere.* Sensus ergo est, quemadmodum Præfecti diœcesibus ac metropolibus Imperii auctoritate Imperatorum constituebantur quo omnes urbes Provinciæ Metropolibus subditas gubernarent, eisque jus æquabile dispartirentur: ita etiam in rebus Ecclesiasticis, omnes Episcopos urbium subditarum Metropolibus Imperii, pariter Episcopo urbis Metropolitanæ subditos fuisse. Quo sensu S. Iræ-næum lib. tertio cap. 3. dixisse arbitror, *necesse esse omnem Ecclesiam convenire ad Romanam Eccle-*

*Ecclesiam propter potentiorē principalitatem: id est, quia Roma erat caput mundi, Princeps omnium Metropolium, & sedes Imperii Romani. Quapropter sexto Canone Nicæno nominatim cavetur, Ut omnibus Ecclesiis Metropolitanis sua jura, & dignitates serventur secundum consuetudinem: unde colligimus illum Canonem Antiochenum editum pro Canonis Nicæni intelligentia, cum decernit ut Episcopus Metropolitanus honore alios precedat, Honore inquam, non jurisdictione absoluta Monarchica: Siquidem excepta facultate indi- cendi Synodus Metropolitanas, & mittendi Canones in rem judicatam aut exequendi regimen Aristocraticum (hoc enim singulis Episcopis proportionatim, & respectivè cuique in sua diœcesi competebat) potestas gubernandi Ecclesiam & condendi Canones, tum temporis habitabat penes Synodum: quæ Aristocraticum regimen constituebat. Huic autem regulæ Antiochenæ Canon XII & XVII. Chalcedonensis suffragantur: quibus statuitur Parœcias aut diœceses Ecclesiasticas, con- sequi civiles typos, & publicas formas regimi- nis urbium, quas Imperatores de novo con- debant: huc & accurrit Canon XXXVIII Synodi Trullanæ quem Gratianus in suam Colle- ctionem inseruit, dist. 80. Can. Urbes & Can. In illis. Item Can. Provincia, Can. Nulli. dist. 99. Sane Leo IX PP. Epistola quarta, nomina- tim asserit *Episcopos alios aliis præferri, eo quod pri-**

*primas civitates & magis nominatas secundum potentiam & leges seculi retineant* : quæ genuina est Metropolis descriptio. His quoque & Gregorius VII. quamquam magnus absolutæ Monarchiæ assertor, libro quarto Epistola trigesima quinta assentitur. Causa hujus rei inde petenda, quod Ecclesia Christi post divisionem Imperii ab Augusto & aliis Imperatoribus sequentibus factam, nata & propagata sit. Igitur cum Roma esset caput totius Occidentis, Alexandria Ægypti, Lybiæ, & Pentapolis Antiochia Orientis : quod mirabile, ad formam diœcesium atque Metropolium Imperii secularis, sedes patriarchales ibidem collocatas. Itaque sicut Romanus Episcopus jure Patriarchali, totum Occidentem cum Africa extraordinarie moderabatur : & Jure Archiepiscopali Ecclesias quas Ruffinus vocat Suburbicarias ordinarie bis annuatim coegbat in Synodum : deinde Jure Episcopali urbem aut privatam parœciam Romanam gubernabat: Pariter etiam alii Patriarchæ sub hac triplici notione suas Ecclesias administrabant. Alexandrinus quidem totam Ægyptum, Lybiam, & Pentapolim; Antiochenus Syriam, Cœlesyriam, & Mesopotamiam cum utraque Cilicia Jure Patriarchali : deinde tanquam Archiepiscopi, aut Metropolitæ ex præscripto quinti Canonis Nicæni Ecclesias sibi propinquiores : & demum Jure Episcopali suas privatas parœcias vel ut hodie vocamus

camus diœceses moderabantur : Et ita liquet sub unoquoque Patriarcha plures fuisse Metropoles : & rursum sub singulis Archiepiscopis aut Metropolitanis plures Episcopos suffraganeos : Hoc enim certissima Ecclesiæ praxis demonstrat, atque illis debet os occludere, qui Romanum Episcopum etiam ut Primatem aut Patriarcham intra fauces & angustias Ecclesiarum suburbicariarum cogere volunt. Cæterum S. Athanasius Epistola ad solitariam vitam agentes paulo ante medium cum opprobrio dat Constantio quod sævierit in Liberium PP. *nulla ductus reverentia vel quod Roma sedes esset Apostolica, vel quod metropolis esset ditionis Romanæ, vel quod eos Apostolicos viros in suis literis appellasset* : nomine Metropoles utitur juxta distributionem sedium Patriarchalium factam Canone sexto Nicæno, ita ut Metropolis ibi significet quod postea appellarunt Patriarchatum.

XV. Superest ut de tertia parte Canonis VI Nicæni, hoc est de Ecclesiæ Hierosolymitanæ privilegiis disseramus : quam Patres Æliam vocant : quoniam Ælius Adrianus Imperator eam à fundamentis instaurari iussit, postquam est à Tito Vespasiano eversa. Cæterum tempore Nicæni Concilii nondum Patriarchalis, imo Cæsareæ Palestinæ tanquam Metropoli subdita erat. Quocirca Hieronymus epistola 61. ad Pammachium de Joanne Episcopo Hierosolymitano : *Tu qui regu-*

*regulas quaris Ecclesiasticas , & Niceni Concilii Canonibus uteris , & alienos Clericos & cum suis Episcopis commorantes tibi niteris usurpare : responde mihi ad Alexandrinum Episcopum Palæstina quid pertinet ? ni fallor hoc ibi decernitur , ut Palæstina Metropolis Cæsarea sit , & totius Orientis Antiochia.* Hac ergo clausula Hieronymus Episcopum Hierosolymitanum reprehendit quod cum esset subditus Antiocheno Primati , cui Cæsarea Palæstina erat subjecta , tamen Theophilo Alexandrino Patriarchæ de controversia suborta scriberet. Cum potius debuisset convenire Archiepiscopum Cæsareæ Palæstinæ Metropolitanum suum , vel Antiochenum Patriarcham. Certe Canone vi Nicæno cavetur , *ut ~~Ælie~~ id est Hierosolymorum Episcopus habeat honoris consequentiam propria dignitate servata Metropoli :* quam Hieronymus ostendit esse Cæsaream Palæstinæ : & ita magnum lucem adfert Canoni Nicæno. Aliquanto post Nicænum Concilium in Constantinopolitana Synodo , Episcopus Constantinopolitanus creatus est Patriarcha , eique secundus locus honoris delatus est post Episcopum Romanum , ut statim observatur : & tum demum Ecclesia etiam Hierosolymitana hunc adeptæ est honorem , propter Christi & religionis Christianæ incunabula : unde Patres Constantinopolitani *eam merito omnium Ecclesiarum matrem vocant.* Et Patres Chalcedonenses

ses sub finem septimæ actionis, tres Palestinas eidem adscribunt: ex quo relinquitur tum nomen sedis Patriarchalis meruisse. Sicque ex consuetudine regiminis Metropolitum Imperii, totus orbis Christianus in quinque Patriarchatus distribuitur: unoquoque illorum Ecclesias suas regente; sicut Episcopus Romanus suam moderabatur.

XVI. At vero ex hoc Canone Nicæno de sedium Patriarchalium administratione, soleclarius est, Romanam Ecclesiam ab Nicænis Patribus sumi *pro singulari & particulari, non autem pro universali & Catholica Ecclesia, ut hodie fieri consuetum est post absolutam Monarchiam conditam.* Profecto in hoc Canone <sup>to</sup> Romanum & <sup>to</sup> Catholicum opponuntur tanquam universale & particulare: adeo ut Romana Ecclesia sit pars, & membrum universalis Ecclesiæ sicut Alexandrina, & Antiochena Ecclesia. Hinc etiam patet illos frontem amisisse, qui negant Episcopum Romanum ullum habere sibi privatam diœcesim adscriptam quam regat: quasi totus Orbis Christianus ejus privata & peculiaris esset diœcesis: quæ sunt commenta adulatorum atque hominum obnoxiorum suapri-  
vilegia & immunitates contra jus commune & regimen Aristocraticum tueri volentium: ut efficiant, solum Papam esse *Ordinarium Ordinariorum, & maxime proprium sacerdotem*: hinc illa Extravagans Joannis XXII. adversus Poliacenum, *Vas electionis, de Hæreticis.*

XVII. Cæterum Anastasius Bibliothecarius qui tempore Nicolai I & Adriani II florebat, in præfatione Synodi octavæ Conciliorum Romæ editorum, quinque sedes Patriarchales quinque sensibus corporis humani comparat: *Deinde, inquit, cum Christus in corpore suo, quod est Ecclesia, tot Patriarchales sedes, quot in cujusque mortali corpore sensus locaverit: profecto nihil generalitati deest Ecclesiæ, si omnes illæ sedes unius fuerint voluntatis, sicut nihil generalitati deest motui corporis, si omnes quinque sensus integræ communisque fuerint sanitatis: inter quas videlicet sedes, quia Romana præcellit, non immerito visui comparatur, qui profecto cunctis sensibus præminet, acutior illis existens, & communionem sicut nullus eorum cum omnibus habens, &c.* Hæc ille, sed meo judicio melius & ad sensum Ecclesiæ Catholicæ sedem Apostolicam Petri comparasset sensui tactus quam visus: quoniam tactus est absolutæ necessitatis, & fundamentum aliorum sensuum: quo sublato alios perire oportet, ut docent Medici. Enim vero, cum omnes aliæ sedes Patriarchales à consuetudine vel decretis Patrum non à Christo originem sumpserint sicut Primatus aut sedes Petri: Insurgit sedem Petri formaliter consideratam esse invariabilem, atque immutabilem, sicut & primatum: quod de aliis sedibus Apostolicis dici non potest. Verum ex actis Conciliorum & praxi Ecclesiæ quam progressu hujus operis referabimus, digno-



dignoscitur munia atque officia sedium Patriarchalium, qualia aureis Ecclesie primitivæ seculis exercebantur, posse accuratius explicari similitudine Parlamentorum Gallie, quam comparatione sensuum ab Anastasio proposita: omnis autem similitudo semper multum habet dissimilitudinis, ut notum est pueris. Quare sicut unum quodque Parlamentum in suo tractu & diœcesi, aliquam Provinciam secundum leges regni & consuetudines municipales Provinciarum sub Rege Christianissimo gubernat: similiter Ecclesia uniuersalis, à quinque sedibus Patriarchalibus sub Christo, secundum jus Divinum, Naturale, & Canonicum olim regebatur: atque Romana Ecclesia ob sedis & primatus prærogativam ante alias primatum obtinebat: neque tamen cæteris Sedibus Patriarchalibus aliquid tum temporis præscribere poterat extra Synodum, excepta observatione & executione Juris Divini, Naturalis & Canonici. Quandoquidem omnes Sedes ex æquo Ecclesias sibi subiectas, secundum jus commune, & mores diversarum gentium synodice, aut regimine aristocratico moderabantur, atque omnes Apostolicæ vocabantur: quo circa annuatim bis ad Synodum confluere tenebantur.

XVIII. Et quoties Concilia generalia celebrabantur, cuncti Patriarchæ sicut Præsides actionibus Parlamenti præsidebant: ac

primo absente secundus ; & primo ac secundo absentibus , tertius Sedis prærogativam occupabat : neque Romanus Episcopus præter Sedis eminentiam & Canonum exequendorum facultatem quicquam habebat super alios : ut tota hac Historia innotescet. Quo pariter factum Victoris PP. referri potest, qui cum propter Paschatis celebrationem Ecclesias Asiæ Catholica communione privare voluisset : omnes aliæ Ecclesiæ etiam Occidentis, quæ ejus Patriarchatui suberant , illi acriter obstiterunt : atque inter alios B. Irenæus Lugdunensis Episcopus : quod nunquam ausus fuisset , si tenuisset Papam aut S. Petrum cui Papa succedit , institutum à Christo Monarcham Ecclesiæ. Consule Eusebium lib. quinto cap. 22, 23, & 24. Quid memorem S. Ignatium Patriarcham Constantinopolitanum , quamquam opera & beneficio Sedis Romanæ redintegratum in Ecclesiam Constantinopolitanam : nihilominus sese strenue atque intrepide opposuisse Joanni VIII PP. cum in Archiepiscopatum Bulgariæ contra consuetudinem invadere niteretur : cujus etiam censuras nihili fecit & tamen vivus atque mortuus claruit miraculis, teste Baronio tomo decimo Annalium ad annum Christi 878. Quæ plane indicant, non persuasum fuisse antiquis Papam esse absolutum Monarcham Ecclesiæ. Deus bone ! qua ratione fieri posset, ut unus & solus Episcopus tot

Pro-

Provinciis absoluta monarchia regendis sufficeret? cum experiamur quotidie unumquemque Prælatum aut Parochum, si recte suo munere defungi velit, valde implicari in illo rite & secundum Canones obeundo. Quodsi Moses dux unius tantum gentis & populi, se imparem illi gubernando agnoscit, Numerorum xi. vers. 14. & Exodi xviii. vers. 11. 18. delectu habet sapientes viros qui ei assideant: quanto minus unus & solus Papa evolvendis atque explicandis controuersis totius Christianitatis potest sufficere? Ad S. Bernardum tertio de Consideratione ad Eugenium cap. 8. & 9. Romanæ editionis Vossii. Item Parisiensem Cancellarium de Potestate Ecclesiastica, Consideratione 7.

XIX. Equidem nomen atque definitio Monarchiæ vel Regni in ea saltem notione quam Recentiores venditant, est à quingentis circiter annis, hoc est, ab eo solum tempore attributa Romanæ Ecclesiæ, quo Ecclesia sensim ad pauciores nationes redacta est: & juri divino seu potestati ministeriali spirituali Ecclesiæ omnino adversatur ut supra cap. 1. docuimus, *Reges Gentium dominantur eorum; vos autem non sic, &c. Lucæ. Rom. 22.* Quique obtendunt monarchicum regimen omnium esse optimum, fallunt aut falluntur; minime attendentes diversam esse rationem temporalis atque spiritualis regiminis: quoniam in temporali gubernatione cum omnia absoluta po-

testate gerantur, hoc melius sub regimine Monarchico quam ullo alio propter malitiam hominum perficitur. Secus autem res habet in spirituali gubernatione Ecclesiæ, ubi Communio Sanctorum diversarum Gentium totius orbis terrarum non Monarchice cogi aut imperari, sed duntaxat suaviter per actus hierarchicos suaderi & stabiliri potest. Quam obrem hic observandum, non quid hominibus obnoxiiis expediens aut bonum videatur, sed quidnam Christus lege Evangelica effici præceperit: dominatum vero pure monarchicum hoc oraculo interdixisse: *Reges gentium dominantur, vos autem non sic*, tam certum quam quod certissimum est. Neque id quidem bonus abnegat Gersonius quamquam seculo barbaro vixerit, quo libri & acta Conciliorum minime patebant ut hodie. Nam de statu Prælatorum, Consideratione 13. *Status Episcopalis*, ait, *habet rationabiliter Monarcham supremum, scilicet Papam ratione unitatis fidei & Sacramentorum: sed hoc non ita perspicuum est, esse debere ex Institutione Christi & pro utilitate universalis Ecclesiæ respectu dispensationis bonorum temporalium, & jurisdictionum contentiosarum seu coercivarum, quæ diversis legibus seu decretalibus, aut statutis pro diversitate locorum & temporum regi debent, sicut & alia mere temporalia, regalia & imperialia. Hinc bene dictum est, quod qualibet provincia in suo sensu abundat. Quo testimonio, sicut jus commune asseritur, sic absoluta Monarchia diruitur. Et*  
*quam*

quamquam Tractatu de auferibilitate Papæ, considerat. octava doceat, Christum nullam aliam politiam instituisse immutabiliter Monarchicam : tamen subnectit, esse quodammodo regalem : Nullam aliam politiam instituit Christus immutabiliter Monarchicam ET QUODAMMODO REGALEM nisi Ecclesiam, ait; quæ vox ostendit potestatem Monarchicam Papæ, non accipi debere in ea significatione, ut ille solus absolute & ex privato arbitrio statuere possit in rebus ad fidem & sacramenta spectantibus, sed tantum synodice & de consensu Ecclesiæ: quoniam Papa est potius figura & symbolum quam causa efficiens unitatis fidei. Quare idem Gersonius de Potestate Ecclesiastica, consideratione quarta, ostendit Romanum Pontificem non posse suis legibus aut universalem aut aliquam particularem Ecclesiam obligare, nisi hæ nominatim consensum præbeant. Idque regimen Aristocraticum quoad substantiam quale etiam Canonibus Nicænis, consecratur roborat; ac fidei & sacramentorum unitatem solo consensu Catholico & communionem Sanctorum suaviter stabiliri, non monarchice imperari convincit. Hercle ipsemet Vallius libro de supremâ potestate Papæ parte prima, quæst. secunda ait. *Monarchicum regimen omnium optimum esse, ita tamen ut ne in tyrannidem degeneret, Aristocratia temperari conveniat.* Et aliquanto post : *Certum est Monarchicum illud regimen esse Aristocratia aliqua temperatum, ita ut non solum ab uno mo-*

deratore, sed etiam ab optimatibus, nempe Episcopis res Ecclesiæ debeant in solidum administrari. Idque Jure Divino & Institutione Christi: qui unamquamque potestatem ad Ecclesiæ regimen necessariam instituit: Pontificiam, quæ suprema est, Episcopalem quæ media, & Presbyteralem quæ infima. Deinde parte tertia quæst. prima circa medium: Nec ad actualem legum divinarum obligationem ullam subditorum acceptionem receptionemve Deus postulat: quod tamen in legibus stabilendis Pontifex præstare tenetur, & expectare saltem ut suæ leges actualem obligationem inducant. Item quæstione septima ejusdem tertiæ partis circa medium: Quid hac in re sentiam, dicam ingenue: Primum leges Canonicas usu minime receptas in conscientia non obligare. cap. in istis. §. leges. dist. 4. Leges instituuntur cum promulgantur, & firmanur cum moribus utentium approbantur. Hæc ille: quibus nihil clarius ad demolendam absolutam monarchiam, quam tam operose & inconstanter propugnat, atque etiam ad demonstrandum homines nondum suis technis & argutiis potuisse tantas nebulas veritati offundere quin invitis illorum technis & adulationibus adfulgeret, ac sese proderet. Hercle quidem si doctrina recentiorum de absoluta monarchia vera esset, sequeretur, cunctos Patres Ecclesiæ, qui sub octo primis Universalibus Conciliis vixerunt, esse hæreticos & schismaticos: quippe qui istam absolutam infallibilem monarchiam  
ne qui-



ne quidem inter dormiendum unquam agnov-  
erint : sed jamjam glifcentem sæpe damna-  
rint, ac semper decreverint, *Ecclesias jure com-  
muni debere gubernari*, ut propriis locis demon-  
strabitur. Parcant igitur mihi obnoxii Theo-  
logi, si hac in parte à Sanctissimorum Patrum  
antiquorum institutis, quàm à Curiaë Roma-  
næ placitis stare malo: quandoquidem illi uni-  
cè Christi gloriæ & veritati asserendæ, hi suæ  
rei atque dominatui augendo ambitiose infer-  
viunt, nec quicquam aliud in pretio habent :  
unde illæ prodigiosæ voces, quibus & se &  
sua frustra munire conantur, *hæreticus, schi-  
smaticus, monarchomachus*, &c.

XX. Canon VIII Synodi Nicænæ multa  
complectitur ad disciplinam Ecclesiasticam  
spectantia; & primo quidem docet Novatia-  
nos per ironiam dici Catharos, id est, puros,  
quoniam homines lapsos in peccatum publi-  
cum non admittebant ad pœnitentiam; hinc  
illa eximia vox Constantini ad Acesium No-  
vationorum Episcopum: *Erigito tibi scalam Ace-  
si, & ad cælum solus ascendito. Socrates lib. pri-  
mo, cap. 7.* Siquidem Novatiani solummodo  
nimia sua severitate hæretici erant. Secundò  
illos qui ex Catharis ad Ecclesiam Catholi-  
cam revertentur, si sint Clerici, gradum suum  
retenturos in Clero : si autem sint Episcopi,  
& nullus sit Episcopus in regione ubi pri-  
mum electi sunt, Episcopatum quidem re-  
tenturos: quod si ibi sit Episcopus, si illi vi-  
deatur,

deatur, posse Catharos facere participes honoris Episcopalis vel inter Chorepiscopos aut Presbyteros adnumerare : *ne in una & eadem civitate duo Episcopi esse videantur*. Itaque hic Canon *vetat duos esse in titulum Episcopos in una & eadem civitate*. Qua de causa S. Augustinus Epistola septuagesima moleste fert se in Hipponensi diocesi ordinatum Episcopum Valerio Episcopo superstitite, & procurante : *hoc enim*, ait Augustinus, *Concilio Nicæno prohibitum nesciebam, nec ipse Valerius sciebat*. Quandoquidem Valerius cum esset senex & Græcia oriundus, nec satis commode posset Latine concionari, Augustinum Coepiscopum assumpsit ob summam & Hipponensis & totius Africanæ Ecclesiæ utilitatem : sicut refertur laudaturque 7. *quæst. 1. can. Non autem*. Nam uterque, Valerius, inquam, & Augustinus, erant Hipponensis Ecclesiæ Episcopi in titulum : & proinde contra hunc Canonem VIII Nicænum *unicus Episcopatus duos capiebat Episcopos*. Proculdubio, *quædam jure ordinario prohibentur, quæ jure extraordinario & propter necessitatem vel summam utilitatem in moralibus licent* : quod Theologos ignorare turpissimum est : sic legimus Romæ duos aliquando sedisse Pontifices legitimos, puta Liberium & Felicem, sicut & Antiochiæ S. Meletium & Paulinum. His de causis Gulielmus. Ockam lib. secundo Tractatus primi tertiæ partis Dialogorum cap. 22, & 23. posita Monarchia Pon-



Pontificis Romani tanquam jure divino constituta, disputat: *An propter utilitatem & necessitatem Ecclesiæ universalis, status Monarchicus Ecclesiæ aliquando possit extraordinarie mutari in Aristocratiam, ita ut duo possint creari Pontifices maximi, sicut duo cooptati sunt Episcopi ad Hipponensem diocesim: concluditque, utilitatem & necessitatem Ecclesiæ, quæ legem non habent, id plerumque licitum efficere quod alias esset prorsus illicitum: & quamquam id videatur contra verba, tamen non repugnare menti & intentioni legislatoris, Christi scilicet.* Quibus etiam suffragatur Gersonius de potestate Ecclesiastica, Consideratione XI. versus finem, disputans: *An Concilium possit dare licentiam Episcopis exercendi jurisdictionem absque limitatione vel restrictione: statuitque posse Concilium supplere Papalem potestatem dum necessitas urget, vel suadet evidens utilitas: & hoc vel per unum Episcopum quasi vicarium Concilii, vel per plures simul.* Item Joannes Major quarto sententiarum, dist. 24. quæst. tertia, Ockam probabile putat, ait, quod politia regalis Ecclesiæ potest pro urgentissima causa duobus ex equo communicari, licet Glossa in Canone Non autem 7. quæst. 1. teneat oppositum: quia est una Ecclesia Catholica: Idem tenet Armachanus lib. 7. cap. 15. ad Armenos: Sed ratio Glossæ est nulla: Ecclesia enim NON DICITUR UNA AB UNITATE CAPITIS MINISTERIALIS, SED A CHRISTO ET UNITATE FIDEI: ut videre est post mortem Papæ ante creationem alterius. Hæc Joannes Major: cui

cui Almainus non assentitur lib. de Potestate Ecclesiastica & Laica, quæst. prima cap. 5. sed fallitur Almainus. Cum enim Petrus solo primatu super alios Apostolos, & Papa etiam super alios Episcopos excelluerit: atque inter omnes conveniat singulos Episcopos id esse suis privatis diœcesibus, quod Papa universali Ecclesiæ, etiam juxta eorum opinionem qui Papæ Monarchiam juris esse divini putant; præterea cum etiam certum sit & Papam & Episcopos esse solummodo capita ministerialia Ecclesiæ, & Symbolica Christi Capitis essentialis, ut liquet Ephesiorum quarto à versu 5. Profecto, hinc facile est de hac controversia statuere, & videre recte dictum à Joanne Majore *unitatem Ecclesiæ Catholicæ petendam à Christo & unitate fidei non à Papa*. Adde quod singuli Patriarchæ ex præscripto Canonis vi Nicæni suas ex æquo in solidum regebant Ecclesias, ita ut Romanus Episcopus supra alios præter primatum nihil quicquam jure divino haberet. Consule xv & xxxi Axioma nostræ Apologiæ, ubi analitice de primatu & quo sensu Papa dici possit Monarcha, disputavimus.

XXI. Hic & adscribam Canonem xv Nicænum quo prohibetur Episcopis ne de una civitate in aliam civitatem migrent, amplioris aut pinguioris Episcopatus consequendi spe. *Propter multum tumultum & seditiones quæ sunt, omnino visum est, ut consuetudo, quæ præter*

ter

*ter Canonem in nonnullis partibus invenitur, tollatur, ut à civitate in civitatem nec Episcopus, nec presbyter, nec diaconus transeat. Si quis autem post sanctæ & magnæ Synodis definitionem tale quidpiam aggressus fuerit, vel se rei ejusmodi dederit, quod factum erit, omnino infirmabitur, & Ecclesiæ restituetur cui episcopus vel presbyter ordinatus fuerit. Cui Canon concordat & III Canon, item XXI & XXII Antiocheni Concilii, & XV Synodi Sardicæ, conditi ad prensationes & ambitionem hominum coërcendam: qui quidem ut S. Athanasius de Eusebio Nicomediensi scribit, sibi persuadent in magnitudine urbium religionem esse sitam, atque sortem Dei secundum quam constituti ordinatique sunt, pro nihilo habent: ignari scilicet Dominum esse in medio ubi sunt duo aut tres in ejus nomine congregati: nec secum recogitant illud Apostoli: alligatus es uxori noli querere solutionem: Quod si hoc de uxore dictum est, inquit Athanasius, quanto magis de Ecclesiæ atque adeo de Episcopatu, cui cum quis alligatus est alium querere non debet, ne adulter in sacris literis deprehendatur. Porro Constantinus Magnus tanquam communis Episcopus, se hujus Canonis Nicæni sicut & aliorum vindicem acerrimum exhibuit prohibens Antiochenis civibus & Episcopis Provinciæ ne Eusebium Pamphilum Cæsarea Antiochiam evocarent. Adi eundem Eusebium lib. tertio Vitæ Constantini à capite 57 ad 60. Cæterum Romana Curia ex hoc Canone opportunam occasionem*

nem venata est sua phylacteria dilatandi, ac sibi soli translationes Episcoporum triplici de causa attribuendi & reservandi; primum quia Maximiano Constantinopolitano Episcopo vita functo, cum Theodosius Junior ad vitandum tumultum populi Constantinopolitani Proclum Cyzicenum Episcopum in sede Episcopali collocandum curasset; atque alii Episcopi Orientis Cyrillus Alexandrinus, Joannes Antiochenus & alii hoc tanquam Canonibus contrarium improbarent: Cælestinus Romanus Episcopus scripsit, *nihil ob stare quo minus qui unius civitatis vel nominatus fuisset, vel jam esset Episcopus, ad alteram civitatem transferretur.* Vide Socratem lib. vii Historiæ, cap. 39. Verum memorati Episcopi Orientis apprimè sciebant aliquando posse fieri translationes Episcoporum quarum Socrates multa profert exempla eodem lib. cap. 35. sed perpendebant magnos inde nasci posse abusus & corruptelas, ut plurimæ natæ sunt. Altera causa est, quod Innocentius III cap. 1. de Translationibus, nominatim doceat, *Translationem Episcoporum unam esse ex majoribus causis quæ Sedis Apostolicæ reservantur.* Tertiam causam designat idem Innocentius cap. 2. de Translationibus, dum perhibet, *Inter Episcopum & suam primam Ecclesiam spirituale matrimonium intercedere quod Deus suo tantum judicio reservavit, præcipiens ut quos Deus conjunxit homo non separet.* Unde concludit ratione hujus spiritualis conjugii  
*hoc*

*hoc soli Pontifici Romano reservari.* At quis reservavit? quo Canone aut Concilio id cautum est? nonne omnes reservationes casuum sunt juris mere positivi & ab eo tempore invec̃tæ in Ecclesiam quo regimen aristocraticum abrogatum est? Profecto sicut artis est & fortunæ sanare teste Aristotele & experientia: ita dubium esse non potest quin casus aliquis contingere possit, quo ex non servatis quam ex servatis Canonibus multum, & forte plus boni possit accidere Ecclesiæ: sed quia hoc fenestram aperit ad ambitionem & nequitiam hominum, ut sua potius quam quæ Dei sunt quærant, & præterea omnia reddit incerta in Ecclesia; id circo multo tutius & certius est vivere secundum artem regularum Ecclesiæ. Concludamus ergo ex causâ justâ ad majorem Ecclesiæ utilitatem & gloriam Dei posse aliquando fieri translationes Episcoporum, sicut de Proclo Cyniceno factum est ut tumultus Constantinopolitani populi ferocissimi vitaretur: siquidem Episcopus non est jure divino alligatus Ecclesiæ ut conjux conjugii, sed duntaxat jure Ecclesiastico dispensabili: quæ dispensationes olim fiebant in Synodis, cum bis annuatim celebrarentur ex quinti Canonis Nicæni præscripto. De Translationibus lege quartum Concilium Carthaginense, Canone xxvii.

XXII. At vero de genuinorum Canonum Nicænorum numero mox disputabimus, neque



que aliquid causæ video cur in octoginta Canonibus Arabicis Francisci Turriani & Alphonsi Pisani examinandis oleum nostrum perdamus, quando nova editio Conciliorum Romæ editorum illos tanquam nullius fidei penitus prætermisit: merito quidem cum disciplina quæ viginti Canonibus nativis consignatur plane discordent: quod certissimo est testimonio illos esse supposititios: sæpe miratus sum cum architecti illorum eos Arabice, non Hebraice aut Græce primum prodire in scenam voluerint: sed ubi me diligentius in consilium adhibui, conjeci hoc factum, ut facilius commentum lateret, quoniam forte ex stylo aures asininas sub pelle leonina latentes Doctissimi Viri hujus seculi reclusissent. Sed hæc non fuit satis supposuisse, nisi etiam Alphonsus Pisanus in re ad quæstionem facti penitus spectante, qualis est Concilii Nicæni Historia, nobis quatuor libros magna industria & diligentia conscriberet, quibus disceremus, non quale fuerit Nicænum Concilium, sed quale ad sensum & palatum Jesuitarum esse debuerit: quasi vero nova & dubia antiquis atque indubitatis, & non contra antiqua & indubitata novis atque dubiis fidem conciliarent. O effrænatae inverecundiæ seculum! siquidem Pisanus in hanc scriptionem quicquid est falsi atque fictitii pro ampliatio-  
ne numeri Canonum Nicænorum conjecit, valdeque probatur & commendatur ab Anto-  
nio

nio Possévino in suo Apparatu sacro : quem Apparatum eo proposito scriptum facile est conjicere , ut ii duntaxat libri in pretio essent qui omnium maxime probarentur Jesuitis , & hoc opere laudarentur à Possévino , contra autem lector veritatis amans & judicio præditus sic habeat ex omnibus libris ( si hæreticorum opera & opiniones demas erroneas ) nullos ferme pluris faciendos quam quibus notas inurit Possévinus Quod institutum eo tendit ; ut Jesuitæ hominum animis plane dominentur , & quæcumque velint obnoxiiis aut imbecillibus ingeniis pronius persuadeant : sicque novum mundum , cui facilius pro animi arbitrio imperent , architectentur.

C A P U T. III.

- I. De Synodi Sardicensis Historia & B. Athanasii exilio & fuga in Occidentem post Tyrensem & Antiochenam Synodum.
- II. Julium P.P. Synodum indixisse ad quam Orientales & Occidentales convocavit ut de factis S. Athanasii cognoscerent : cum autem Orientales Synodo interesse voluissent , mandato utriusque Imperatoris Sardicum Concilium indictum est.
- III. Cur Orientales Episcopi Sardicam cum Occidentalibus Episcopis minime convenerint , & Philippolim secesserint , atque pseudo-Synodum ibidem habuerint.
- IV. Canones Sardicos non fuisse absolutas sed duntaxat provisorios & temporaneos : ac proinde non tanta auctoritatis quam Nicanos Canones existere.
- V. Comperit haberi ex Codice Canonum Latinae atque Orientalis Ecclesiae , nec non ex Gratiani Decreto , Sardicum Synodum nunquam pro œumenica ab antiquis Patribus habitam.
- VI. Novem argumenta auctoris Praefationum Historicarum quæ præmittuntur Conciliis Romanae editionis pro Sardica

Lib. I.

F

Synodo

*Synodo examinantur & constantur.*

VII. *Cardinalis Baronii conjectura pro Sardica Synodo.*

VIII. *Argumenta Bellarmini in eam rem, & pro ampliatione numeri Canonum Nicanorum.*

IX. *Utrum S. Matthæus Hieremiam pro Zacharia citaverit.*

X. *Quare Canon de Paschate celebrando die Dominica non sit editus inter xx Canones Nicanos.*

XI. *An Patres Nicani aliquid statuerint contra Bigamos.*

XII. *An librum Judith Canonicis scripturis accensuerint.*

XIII. *Canon de Eucharistia à Jejunis sumenda non est Patrum Nicanorum sed Africanorum.*

XIV. *De Usu Epistolarum Formatarum.*

XV. *Utrum ex Paphnutii suasionem conjugia sacerdotibus permissa fuerint in Synodo Nicana.*

XVI. *Concilium Sardicum nunquam habitum pro appendice Nicani Concilii.*

XVII. *De Antonii Fussulensis Episcopi per fugio ad Cælestinum PP. & Epistola Augustini in eam rem.*

I. **C**onstantia soror germana Constantini Cæsaris, uxor Licinii Augusti, quem Constantinus interfici iusserat; cum affinis esset morti, Constantino Magno fratri quendam presbyterum Arrianum tanquam valde pium & studiosum Majestatis impense commendat. Iste presbyter hortatu Eusebii Nicomediensis, qui vivente Constantio Arrianismum occulte fovebat, Cæsari persuadet Arrium à fide Nicæna nullo modo dissentire, eiq; subscribere paratissimum. Quare audita Constantinus, ut paci Ecclesiæ cujus erat studiosissimus, consuleret, Arrium atque Euzoium presbyteros ab exilio revocat, eosque Alexandriam redire jubet. Sed Athanasius illos in Ecclesiam admittere omnino recusavit: scripsitque Cæsari, fieri non posse ut qui fidem

—ir—



irritam fecissent, & quibus ab Ecclesia denunci-  
 ciatum esset anathema, gradum suum in Ec-  
 clesia recuperarent. Quam occasionem Euse-  
 biani opportune arripiunt, ut Athanasium ca-  
 lumniis erga Imperatorem opprimerent. Ma-  
 reote est regio Alexandriae subiecta, in qua  
 quidam erat sacerdos nomine Ischyra, qui,  
 quamquam sacris non esset initiatus, attamen  
 sacerdotis officio defungebatur : in eoque fa-  
 cinore deprehensus clam ad Eusebium Nico-  
 mediensem Athanasii hostem aufugit : apud  
 quem Athanasium accusat, quod in Mareote,  
 per Macarium Alexandrinum Presbyterum  
 mensam Domini evertisset, poculum mysti-  
 cum, calicem hodie vocamus, confregisset, sa-  
 cros etiam libros combussisset, atque alia ejus-  
 modi nefanda patrasset: quorum nonnulla sua-  
 sione & zelo Athanasii facta dicebantur ob-  
 justum dolorem ex Ischyrae sacrilegio conce-  
 ptum, qui quidem cum non esset sacerdos ta-  
 men sacerdotale munus obire non abhorre-  
 bat. Insuper etiam Athanasium magicæ artis,  
 & in eum finem quendam nomine Arsenium  
 Episcopum Meletianum occidisse, ejusque  
 brachium in usum magicæ artis præcidisse,  
 insimulabant. Quibus calumniis permotus  
 Constantinus Synodum Tyrensem indixit eo-  
 que Athanasium proficisci jubet: qui quidem  
 coram Synodo Arsenium integro corpore  
 & valetudine cum exhibuisset, & nihilo-  
 minus videret se nullo modo furorem atque

odium inimicorum posse saturare : recta ad Constantinum magnum Constantinopolim perrexit : atque interea dum à Conciliabulo Tyrensi absens damnatur ; cuius rei Augustus certior factus Episcopos Concilii Tyrensis ad se accersit ut de causa Athanasii cognosceret : illi vero calumnia magicæ artis, & abscissione brachii Arsenii prætermissa, novam instruunt adversus Athanasium machinam, finguntque quod se impediturum minitaretur ne dehinc ex Alexandria ut consuetum erat, frumentum deferretur Constantinopolim : cuius accusationis gravitate Cæsar exstimulatus Athanasium Treviros in Galliam mittit exulatum ; legendus Socrates lib. primo à capite 19. ad 23. Sozomenus lib. 2. à capite 21. ad 27. cum Apologia secunda B. Athanasii. Sed Constantino vita functo, quia testamento caverat ut Athanasius reverteretur Alexandriam : Constans filius qui in Occidente imperabat literas in gratiam Athanasii populo & Clero Alexandrino scripsit : Arriani vero adventu Athanasii ita commoti sunt, ut de illo opprimendo statim Consilia inierint, captata occasione ex templi Antiocheni, quod Constantinus Magnus ædificari curaverat, dedicatione : quibus templi Encænii permulti Episcopi cum orthodoxi tum Arriani jussu Constantii qui Orienti imperabat interfuerunt, ad numerum nonaginta septem aut novem : ita tamen ut magno numero

ORT-

orthodoxi Arrianos superarent. Hi vero specie pacis inter orthodoxos & Arrianos constituendæ, de Synodo habenda tribus de causis conveniunt : primùm ut formula fidei conderetur pro explicatione vel potius eversione Symboli Nicæni : nam Arriani suo more venenum occultabant. Secundum fuit de Athanasio exturbando Alexandria, quem Arriani dicebant Synodo Tyrensi ejectum, & proinde non potuisse nisi alia Synodo ampliore in integrum restitui : quam ob causam Canone xii Synodi Antiochenæ vetant quemquam Episcopum qui decreto synodali ejectus fuisset, molestiam creare Imperatori ut restitueretur, sicque Athanasium quasi ab Imperatore revocatum notant. Tertium caput fuit de Canonibus sciscendis pro disciplina ecclesiastica melius ordinanda : & de hoc ultimo capite facile orthodoxis cum Arrianis convenit, nequaquam vero de aliis duobus, quæ tamen auctoritate Constantij Imperatoris sic invaluerunt, ut denuo necessum fuerit Athanasio solum vertere & Romanam confugere ad Julium PP. Hic obiter monebo S. Gregorium Nazianzenum tertia Oratione contra Julianum scribere quæ Constantius faceret non odio Catholicorum sed studio pacis stabiliendæ inter orthodoxos atque Arrianos, neque male animatum fuisse erga orthodoxos : quæ dum legi magna sum admiratione captus, quoniam hæc nequaquam

quam scriptis B. Athanasii & Hilarii consentiunt.

II. Cum Athanasio Paulus Constantinopolitanus, Marcellus Ancyranus, & Asclepas Gazensis Episcopus perrexerunt in Italiam : ubi Julius PP. habita Romæ Synodo convocatisque & aliquamdiu expectatis Orientalibus Episcopis, causa S. Athanasii atque aliorum cognita, illos injuria sedibus suis expulsos pronunciat, scribitque Orientalibus super ea re, quos inculsat quod perturbarent Ecclesias everfione decretorum Nicæni Concilii & se inconsulto de illis viris judicassent : *Cum lex sit ecclesiastica, acta illa & decreta Synodorum haberi irrita quæ præter sententiam Episcopi Romani constituerentur.* Quæ autem acta essent in Synodo Tyrensi, Antiochena, & alibi contra Athanasium, gesta esse incio Romano Episcopo, atque inaudito Athanasio. Cum enim sedi Alexandrinæ præesset, quæ tum post Romanam secundas obtinebat, non potuerat damnari inconsulto atque incio Julio primæ sedis Episcopo. Literis Julii Orientales aculeate respondent, & S. Athanasium qui sese Alexandriam contulerat tertio Romam habere per fugio adigunt. His de causis Constans Imperator Occidentis à Julio Papa & cæteris Episcopis Occidentalibus rogatus, tandem fratri Constantio, qui Orienti imperabat, rescribit, eique bellum interminatur, nisi Athanasium, Paulum

Paulum & alios Episcopos orthodoxos in sedes suas restitui mandaret. Qua de causa circa annum Christi 347. Sardicæ quæ urbs est Illyrii, Concilium utriusque Imperatoris mandato indicitur. Socrates l. 2. c. 18. Eoque trecenti circiter Episcopi ex Occidente, & 76. cunctatim ex Oriente conveniunt. Nam Orientales temporis præstituti angustias accusabant, dicebantque Julium de industria effecisse ut Constans Imperator Synodum intra sex mensium intervallum haberi præciperet, multique se morbo fontico impediri causabantur.

III. Quamprimum autem Orientales Sardicam appulerunt, Occidentalibus denunciant se in eam Ecclesiam nunquam conventuros in quam Athanasius & alii Episcopi, quos decreto Synodali exauctoraverant, convenirent. Contra Occidentales opponunt, Julium Synodo Romæ habita, convocatis ad eam diuque expectatis Orientalibus de causa Athanasii & aliorum Episcoporum secundum Canones cognovisse, compertumque habuisse etiam ex multorum Orientalium testimonio illos ob fidem Nicænam, quam mordicus retinebant & tuebantur, infestari ab Orientalibus : ac proinde non potuisse ab eorum communione abstinere. Quibus tentatis & perspectis, Arriani Episcopi Sardica relicta Philippolim Thraciæ urbem secedunt : ac ibidem Conciliabulum instaurant, in quo Symbolum Nicænum scelerate damnant.

IV. Contra Orthodoxi fidem Nicænam Sardicæ confirmant, & S. Athanasium cum aliis Episcopis, quos Arriani sedibus suis dejecerant, in integrum restitunt. Cumque viderent Athanasium decem atque amplius annos Arrianorum infestationibus vexatum, terra marique maximis cum ærumnis, laboribus & periculis Synodorum celebrationem ad suæ causæ patrociniū sollicitare coactum; ne id deinceps cuiquam orthodoxo contingeret, in gratiam Cathedræ atque primatus S. Petri decernunt nominatim, ut Julius Romanus Pontifex de appellationibus & causis Ecclesiasticorum maxime Episcoporum etiam per legatos à latere missos cognosceret. Quandoquidem tum via expeditiore & securiore salutis & rationibus Catholicorum adversus infestationes Arrianorum consuli non poterat. Hi enim ubi calumniis, factionibus & conciliabulis suis Orthodoxos propriis sedibus exturbassent, contendebant illos nisi Synodo restitui non posse: & tamen manibus ac pedibus impediabant quo minus legitime haberentur Synodi pro Catholicorum restitutione. Videndus Sozomenus lib. tertio à cap. 2. ad 12. Ruffinus lib. primo Historiæ cap. 16. 17 & 18. Theodoretus lib. secundo c. 7 & 8. Item Severus Sulpicius lib. secundo Sacræ Historiæ, ubi errore librariorum habetur Constantinum convocasse Sardicum Concilium, sed legendum Constantem vel

Con-

Constantium aut utrumque simul : quia utriusque Imperio indicta est Synodus Sardica, & tum temporis Constantinus Magnus diem supremum obierat. Itaque si hic ad propositum & mentem Imperatorum & Julii PP. atque aliorum Episcoporum attendamus, Synodus Sardica fuit quidem œcumenica & universalis; si ad eventum aut effectum nequaquam : idque propter defectionem Episcoporum Orientalium qui cum Occidentibus in colloquium venire recusaverant. Tum enim cum duo essent Imperatores quorum alter Catholicos, alter Arrianos tuebatur, & inter sese Episcopi communicarent, ut ex templi Antiocheni Dedicatione, & Synodo Antiochena constat apud Sozomenum, lib. tertio, cap. 5. Certe non moris erat ea Concilia pro œcumenicis habere, nisi omnes Episcopi cum Catholici tum Arriani inter sese convenissent, suasque invicem rationes proposuissent : & nisi communi consensu Canones statuerentur ut factum fuerat Antiochiæ; hæc enim est praxis illorum temporum quam ipsemet Julius Papa commendat & propugnat Apologia secunda Athanasii : obiciens Arrianis, quod Athanasium absentibus orthodoxis Episcopis damnassent : *& monimenta aëtorum ubi una duntaxat pars adsuerit, nullarum virium esse, & suspectam haberi.* Quibus bene perpensis facile est videre Canones Sardicensis Concilii de appellationibus

bus ad Romanum Episcopum & de facultate mittendi legatos à latere *non esse absolutos & œcumenicos ; sed tantum provisorios* : quo nimirum saluti & quieti orthodoxorum provide-  
retur, ut dictum est ; Siquidem nominatim de Julio non de sede Apostolica loquuntur. *Aliud autem est Papa , aliud sedes apostolica ,* ut docent Canonistæ. Porro *est maxime equitati & Canonibus consentaneum deferri appellationibus extra Provinciam , quando major pars Episcoporum Provinciæ suspecta est* : ut tum major pars Orientalium suspecta erat orthodoxis & præsertim B. Athanasio, qui acriter oppugnabat Arrianismum. Profecto sicut in Tridentina Synodo quædam sunt dogmatica ad fidem spectantia, pridem ante ab omnibus Catholicis recepta & approbata quam à Patribus Tridentinis statuerentur : alia vero politica ad disciplinam Ecclesiasticam conducentia, quæ de novo fixa sunt : & teste Navarro lib. de Constitutionibus, Consilio primo, à Germanis, Polonis & Gallis aliisque Catholicis non recipiuntur. Similiter duo rerum genera pertractata sunt in Sardicensi Concilio : alia ad fidem Nicænam spectantia, quæ ab omnibus Catholicis ubique locorum & gentium comprobantur, ob Synodi Nicænæ auctoritatem & veritatem Catholicam quam asserunt : alia vero ad politiam & disciplinam ecclesiasticam, *quæ fuerunt tantum provisoria* : unde nunquam sunt ab omnibus



omnibus pro œcumenicis recepta. Ex quo facile est videre, quam ob causam Sardici Canones non tantæ sint auctoritatis quantæ Nicæni; & cur Zosimus Papa, sub auctoritate Nicænorum voluerit Sardicos obtinere Canones. Proculdubio si Concilium Sardicum pro œcumenico habitum fuisset, tempore Zosimi Papæ nihil facilius erat explicatione & decisione controversiæ, quam inter Africanos Patres Zosimus excitavit: de qua paulo post. Cum enim omnes Catholici teneant regulas Synodorum generalium habendas instar Euangelii, fatis erat Faustino Episcopo, Asello & aliis Zosimi Papæ legatis, respondere Patribus Africanis, Sardicum Concilium esse œcumenicum, & tantæ auctoritatis quantæ Nicænum: Canones autem quos Zosimus Africanæ Ecclesiæ pro Nicænis objecit, omnium maxime favent primatui Ecclesiæ Romanæ, quos ex Gentiani Herveti versione Canone tertio Sardici Concilii exscribam.

*Si quis Episcoporum in aliquo negotio condemnandus visus fuerit, & existimet se non malum sed bonam causam habere ut etiam rursus iudicium renovetur, si vestra dilectioni videtur, Petri Apostoli memoriam honoremus, ut de iis qui judicaverunt SCRIBATUR JULIO Romanorum Episcopo, & per propinquos Provinciæ Episcopos si opus est iudicium renovetur: & cognitores ipse præbeat. Si autem probari non potest, causam ejus esse talem ut eam rursus iudicari opus sit, quæ semel iudicata sunt, non infirmantur.*

Canon

Canon IV. Gaudentius Episcopus dixit : Si videtur necesse esse adjici huic sententia quam sincera dilectione plenam protulisti : ut si quis Episcopus fuerit depositus iudicio Episcoporum qui sunt in vicinia, & dicat rursus sibi responsionis negotium competere, non prius in cathedram alius substituatur, QUAM ROMANUS EPISCOPUS causa cognita sententiam tulerit.

Canon V. Osius Episcopus dixit : Placuit ut si quis Episcopus delatus fuerit, & congregati hujus Regionis Episcopi eum gradu moverint, & veluti appellans confugerit ad beatissimum ROMANUM EPISCOPUM, & velit ipsum audire, & justum esse existimaverit ejus rei examinationem renovari: Coepiscopis scribere dignabitur qui sunt propinqui provincia, ut ipsi diligenter & accurate singula perscrutentur, & ex veritatis persuasione de re sententiam ferant. Si quis autem postulet suum negotium rursus audiri, & ad suam supplicationem ROMANORUM EPISCOPUM judicare visum fuerit, à proprio latere presbyteros mittat, ut sit in potestate Episcopi quod recte habere probaverit & statuerit, oportere eos mitti qui cum Episcopis sint judicaturi, habentes auctoritatem ejus à quo missi sunt, & hoc ponendum est. Si autem sufficere putaverit ad rei cognitionem & Episcopi sententiam, faciet quod prudentissimo ejus consilio recte habere videbitur. Responderunt Episcopi : Quae dicta sunt placuerunt.

Hactenus Patres Sardici; quod si primatus Petri jure divino esset pure Monarchicus, ut  
novis

novis placet Theologis, Ofius & reliqui Episcopi qui Sardicensi Concilio interfuerunt, hoc nequaquam ignorassent, & continuo minime postulassent *ut in B. Petri honorem id privilegii Julio Episcopo Romano concederetur.* Quod enim alicui debetur jure divino, & ex rigore, repugnat ei jure humano & ex privilegio aut ex Conciliorum decretis adscribi: quod si aliquis insurgat, hanc esse declarationem juris, non aliquam novam Constitutionem. Rependes, sola lectione Canonum supra dictorum dignosci purum putum esse privilegium non absolutum sed provisorium: idque hæc verba Ofii demonstrant: *Si vestra dilectioni videtur Petri Apostoli memoriam honoremus, ut de iis qui judicaverunt, scribatur Julio Romanorum Episcopo, &c.* Responderunt Episcopi: *Quæ dicta sunt placuerunt.* Certe quod à mero hominum arbitrio & placitis pendet, juris divini esse non potest. Accedit & Hosium his verbis conceptis uti: *Et veluti appellans confugerit ad B. Romanum Episcopum:* quæ demonstrant hæc potius *pro persugio quam pro justa Appellatione habenda:* quia proprie Appellationes Ecclesiasticæ fiunt secundum Nicænos Canones, & jus commune, de quo in sexta Synodo Carthaginensi: hacque etiam de causa nunquam Sardici Canones habiti sunt pro œcumenicis & universalibus, ut jam docui, & amplius probatur.

V. Nam Codex Canonum quo & Græca  
& La-

& Latina Ecclesia olim ante Collectionem Gratiani utebatur, hanc controversiam funditus dirimit; quia Sardicense Concilium vel pro œcumenico, vel pro Appendice Nicæni Concilii nunquam habuit. De Codice Romanæ Ecclesiæ primum agemus, cujus notitia celebris extat *Dist. 19. Can. Si Romanorum.* nec non etiam in præmio Decreti Gratiani, quod jussu Gregorii XIII Papæ recognitum, & notis illustratum est: quo ex præmio colligimus tria extare exemplaria manuscripta Codicis Canonum in Vaticana Bibliotheca, persimilia Codici Canonum edito Moguntiæ anno 1525. & Parisiis anno 1609. ab Adriano Beys. Profecto Epistola quam Dionysius Exiguus mille abhinc annis Codici Canonum Romanæ Ecclesiæ præfixit, & Stephano Episcopo nuncupavit, declarat, quo tum in pretio Synodus Sardica haberetur, & Canones Sardicos non fuisse Græce editos. *In principio*, inquit Exiguus, *Canones qui dicuntur Apostolorum, de Græco transtulimus, quibus quia plurimi consensum non præbuere facilem, hoc ipsum Vestram nolimus ignorare Sanctitatem: quamvis postea quedam constituta Pontificum ex his Canonibus assumpta esse videantur. Deinde regulas Nicænæ Synodi & deinceps omnium Conciliorum sive quæ ante eam sive quæ postmodum facta sunt usque ad Synodum C.L. Pontificum, qui apud Constantinopolim conveniunt, sub ordine numerorum; id est, à primo capite*

*pite usque ad centesimum sexagesimum quintum, Sicut habetur in GRÆCA AUCTORITATE, digessimus: tum sancti Chalcedonensis Concilii decreta subdentes, in his Græcorum Canonum finem esse declaramus: Ne quid præterea notitie vestra credat velle substrahere, statuta quoque Sardicensis Concilii atque Africani quæ Latine sunt edita, suis à nobis numeris cernuntur esse distincta. Hæc Exiguus, cujus Epistolæ fit mentio in Decreto Gratiani jussu Gregorii XIII. recognito, Dist. 65. Can. Si forte. ad hunc modum: Dionysius quoque Exiguus in Epistola ad Stephanum Episcopum, qua ei suam Græcorum Canonum interpretationem obtulit, Sardicense Concilium à Principio inter Latinos Latine editum fuisse his verbis significat: Tum sancti Chalcedonensis Concilii decreta subdentes, in his Græcorum Canonum finem esse declaramus, &c. Verum in Epistola Exigui duo notabilia continentur. Primum est Codicem Ecclesiæ universalis, quem Dionysius ex Græco in Latinum convertit, certis numeris fuisse distinctum secundum Canones variorum Conciliorum: quæ Concilia ordine recensentur Dist. 20. Can. de Libellis. Sed nos de hac Canonum distinctione per certos numeros infra. Alterum notabile est, Canones Sardicos non poni inter regulas Codicis Canonum quem Dionysius Exiguus Latine vertit: ait enim *finem Græcorum Canonum esse in Chalcedonensi Concilio*. Ex quo relinquitur Sardicum Concilium, neque pro*

pro Appendice Nicæni Concilii, neque pro Synodo œcumenica habitum, neque etiam Græcum extitisse tempore Exigui. Quid hic dicere attinet in Decreto Gratiani, tota distinctione 15. ubi generalia Concilia enumerantur juxta Collectionem B. Isidori Hispalensis, Gelasii PP. & S. Gregorii; Sardicum Concilium omitti? *Et Dist. 16. Can. Placuit §. qui condemnata eadem heresi*, nominatim haberi viginti duntaxat Canones conditos à Patribus Nicænis? Accedit *Et Dist. 20. Can. de Libellis*, Leonem IV eodem ordine Canones Synodorum recensere quo in Codice Canonum Dionysii Exigui computantur: ac postremo omnium loco post Synodum Chalcedonensem, Concilium Sardicum subijci: *Quibus in omnibus Ecclesiasticis utimur Judiciis*, inquit Leo IV, *sunt Canones Apostolorum, Nicænorum, Ancyranorum, Neo Cæsariensium, Gangrensium, Antiochenorum, Laodicensium, Constantinopolitanorum, Ephesinorum, Chalcedonensium, Sardicensium, Africanensium, Carthaginiensium: Et cum illis regula Præsulorum Romanorum, Sylvestri, Syricii, Innocentii, Sc.* Isti omnino sunt *Et per quos judicant, Et per quos Episcopi simul judicantur Et Clerici.* Quid memorem *Dist. 16. Can. Prima adnotatio, §. Quarta Sardicensis*: Concilium Sardicum inter Synodos particulares succenseri; nam toto illo Canone Isidorus particularia tantum, non generalia Concilia enumerat. Et

hæc de Codice Canonum Ecclesiæ Latinæ.

Quod spectat ad Græcam Ecclesiam, ejus Codex Canonum ille ipse est quo universalis Ecclesia usa est in Synodis generalibus, ut ex Synodo Chalcedonensi liquet Actione undecima, ubi dissidium subortum inter Basilianum & Stephanum propter Episcopatum Ephesinum ex nonagesimo quinto & nonagesimo sexto Canone Codicis Ecclesiæ Græcæ definitur. Quo in codice, qui principium computandi fecerit à Nicæno Concilio (sicut apud antiquos semper consuetum erat propter Synodi Nicænæ auctoritatem & excellentiam *Dist. 16. Can. Prima adnotatio*, ex Gregorii XIII emendatione) atque seriem numerorum distinctionis Canonum ad Canones Antiochenos usque deduxerit: compertum habebit decimum sextum & decimum septimum Canonem Antiochenæ Synodi efficere nonagesimam quintam, & nonagesimam sextam regulam Codicis Ecclesiæ Græcæ: & consequentur tempore Synodi Chalcedonensis atque Leonis Magni PP. Canones Sardicos nullo in numero habitos ab Ecclesia universali congregata in Chalcedonensi Concilio: & ita confirmatur quod ante dixi, puta Synodum Sardicam neque pro Appendice Nicæni Concilii, neque pro generali Concilio agnitam. Porro corpus Canonicum Græcæ Ecclesiæ, eundem ordinem & seriem Conciliorum servat

*Lib. I.* G quem

quem supra ex Dionysio Exiguo & *Canone De Libellis*, exhibuimus: Idque claret ex primo Canone sextæ Synodi in Trullo ita concepto: *Obſignamus reliquos omnes Canones qui à ſanctis & beatis noſtris Patribus expoſiti ſunt, id eſt, à trecentis octodecim ſanctis & divinis Patribus qui Nicææ convenerunt, iſque qui Ancyra & iis etiam qui Neo-caſirea, ſimiliter & qui Gangris, præterea & iis qui Antiochia, Syriæ atque etiam iis qui in Laodicea Phrygiæ: præterea autem & centum quinquaginta Patribus qui in hac Dei cultrice & Imperiali civitate convenerunt, & ducentis qui in Ephesoꝝ metropoli prius coacti ſunt, & ſexcentis triginta ſanctis & beatis Patribus qui Chalcedone, ſimiliter & iis qui Sardicæ, & qui Carthagine, &c.* Verum quando Exiguus dicit, ſe Canones Sardicos Græcos non vidiffe, probabile eſt circa octavum ſeculum factos fuiſſe Græcos, forte à Photio aut alio quopiam. Hercle, quæ ratio Baſamonem Titulo octavo in Nomo. Canonem Photii impulit ut Donationem Conſtantini Romano Epifcopo factam pro vera amplecteretur ac defenderet, eadem quoque ei incentivo fuit ut Concilium Sardicum pro œcumenico approbaret, & Græcum nobis exhiberet. Ut enim poſita Donatione Conſtantini Baſamo inferat, Epifcopum Romanum ſuam auctoritatem magna ex parte ab ſplendore & dignitate urbis, & largitione Imperatoris traxiſſe: & continuo Imperatores atque urbem Conſtantinopolim, quæ



quæ etiam sedes erat Imperii, eandem auctoritatem Episcopo Constantinopolitano indulgere potuisse. Similiter dato quod Concilium Sardicum sit œcumenicum, & Romanus Episcopus jus habeat cognoscendi de Appellationibus Episcoporum subinfert Balsamo, hoc privilegium pariter militare in gratiam Episcopi & Ecclesiæ Constantinopolitanæ. Ex quo fit, ut non multum fidei habendum sit Græcis recentioribus in hac parte, quos nihil non moliri compertum est, ut suum Patriarcham Romano exæquent. Profecto Epistola Nicolai Papæ ad Photium, qui in Episcopatum Constantinopolitanum invaserat, nos clare docet Græcos tum non habuisse Canones Sardicos Græce. *Quomodo, ait Nicolaus, non esse apud vos Sardicenses Canones tu solus adstruere poteris, quando non solum à Latine, verum etiam cum aliis à Græca linguae hominibus statuti sunt & promulgati? Qua de re credibile non est quod ibi definitum est, unumquemque ipsorum minime propriæ Linguae tradidisse.* Hæc ibi, quæ leges apud Gratianum Dist. 65. Can. Si forte. & referuntur à Baronio Tomo tertio ad annum 347. ut Canones Sardicos tum Græce editos fuisse probet auctoritate Nicolai PP. Verum fallitur Baronius: quia Nicolaus non asseverando dicit Canones Sardicos Græce scriptos: sed credibile esse quæ sunt Sardicæ definita, à Patribus Græcè & Latine edita fuisse. Unde hæc est conjecturalis ratio, non firma atque indu-

bitata assertio Nicolai. Quamquam autem Nicolaus id asseveraret, quod non facit, attamen ex eo confirmatum non maneret, nisi id auctorum probatorum sententia convinceret. Procul dubio illa ipsa quæ idē Nicolaus narrat Clero Constantinopolitano, & habentur *Dist. 16. Can. Quod dicitis, neque Sardicense Concilium, neque decreta alia vos habere sanctorū Pontificum, non facile nobis facultas credendi tribuitur : maxime cum Sardicense Concilium quod penes vos in vestris regionibus actum est, & omnis Ecclesia recipit : qua ratione convenerit ut hoc sancta Constantinopolitana Ecclesia abjiceret, & ut dignum est, non retineret ?* Illa, inquam, demonstrant, Græcos nullo in pretio habuisse Canones Sardicos : quos puto Photium, cum suum Nomocanonem texeret, tandem Græcos fecisse : atque primitus cum Sardicum haberetur Concilium Græce non editos, quoniam Episcopi Orientalis Ecclesiæ cum Occidentalibus minime Sardicam convenerunt. Equidem si Græci, imo vero si Latini Patres, Sardicos pro legitimis habuissent Canonibus, nihil erat causæ cur in octava Synodo generali Canon ederetur quo Patres voluerunt Episcopos soli Patriarcharum suorum iudicio reservari, contra quam Nicænis & Africanis Canonibus statutum est : qui Canon octavi Concilii suasu legatorum Adriani II. Papæ factus est, ut suo loco probabitur, & plane Sardicos Canones abrogat ; quoniam hoc Ca-

none

none VIII Concilii tantumdem juris accrescit aliis Patriarchis intuitu Episcoporum sibi suffraganeorum quam Romano Patriarchæ respectu Episcoporum sibi subditorum. Certe si Concilium Sardicum fuisset œcumenicum, ut comminiscuntur homines obnoxii, à nulla parte Ecclesiæ Catholicæ ignorari potuisset. At non modo Africanis Patribus, ut mox ostendetur, verum etiam compileribus Codicis Canonum Ecclesiæ Latinæ & Græcæ, necnon etiam Dionysio Exiguo, Gelasio PP. S. Gregorio, Leoni IV atque aliis Patribus plane incognitum fuit pro generali Concilio. Igitur non fuit universale, saltem quo ad effectum atque eventum, ut jam diximus.

VI. Auctor Præfationis Historicæ quæ in Romana editione Conciliorum Synodo Sardicæ prælucet, his rationibus Synodum hanc œcumenicam fuisse perhibet. Primum quia auctoritate Julii Papæ convocata est, ut ex Socrate lib. secundo cap. 16. prætexit. Secundo, quia idem Julius eam confirmavit teste Sozomeno lib. tertio cap. 11. Tertio, quoniam una fuit Patrum Nicænorum & Sardicorum sententia, una mens unusque spiritus: ideo à permultis nomine Nicæni Concilii involvi & comprehendi: quemadmodum urbs & propugnaculum una res censeretur & nominari solet: hancque ob causam Innocentium I PP Epistola ad Victricium Rothomagensis Episcopum capite 3. & Zosimum in sexto Concilio

cilio Carthaginensi Sardicenses Canones Nicænos appellare contendit. Quarto eandem ob causam B. Gregorium, Isidorum, Bedam, & alios cum prima quatuor Concilia enumerant, Sardicense Concilium quamvis revera generale, tamen silentio præteriisse, tanquam Nicæno inclusum. Quinto Justinianum Imperatorem *in confessione rectæ fidei contra tria capitula sub finem*, pro quinta Synodo generali tomo secundo Conciliorum Romanorum hæc narrare: *Quia quidam ex ipsis qui in Nicæna sancta Synodo convenerunt, & exposita ab ea fidei definitioni vel symbolo subscripserunt, quoniam postea contraria sapientes apparuerunt, alii quidem vivi, alii autem post mortem anathematizati sunt à Damaso sanctæ memoriæ Papa antiquioris Romæ, & ab universali Sardicensi Synodo, prout testatur sanctus Athanasius.* Sexto, sedem Apostolicam Synodo Sardicensi honorem habuisse *Dist. 20. Can. De Libellis*, ubi Leo IV docet per hujus Concilii Canones Ecclesiæ disceptationes dissolvi oportere. Septimo, Gratum Carthaginensem Episcopum in Concilio primo Carthaginensi Canone v docere ex Canone xv Synodi Sardicæ, neminem debere alterius plebis hominem usurpare absque ejus consensu cui subjectus est. Octavo, Nicolaum I Epistola 42. ad Hincmarum Rhemensem Archiepiscopum causam Rhotadi Episcopi Sueffionensis auctoritate Synodi Sardicæ definivisse. Nono, eundem Nicolaum Epistola ad Clerum

rum Constantinopolitanum testari Sardicense Concilium ab omni Ecclesia receptum.

Hæc sunt argumenta omnium validissima quæ in Conciliis Romæ editis proponuntur ad auctoritatem Sardico Concilio adscribendam : verumtamen multo plus habent pompæ quam roboris , ut depulsione singulorum innotescet. Et primum quidem fallit æquivocatione vocis atque auctoritatem pro consensu aut suasionem Julii Papæ venditat : non inficior Julium suavisse Imperatoribus ut Sardicam Synodum convocarent : sed ejus auctoritate indictam pernego : quia pressè loquendo, ut paulo ante docui , auctoritas est penes eum qui jus habet imperandi & cogendi. An ergo Episcopi Arriani, qui tanpopere Julio infensi erant, ejus mandato obtemperassent: fabulæ! Equidem Socrates laudatus ab auctore horum argumentorum, diserte habet Sardicam Synodum edicto Imperatorum non Julii coactam: *Cum Imperator denuo scripsisset, ut Paulo & Athanasio sua ipsorum loca ac sedes restituerentur, nihilque proficeret propter seditionem multitudinis : Paulus & Athanasius aliud Concilium cogi postulant, ut cum de eorum rebus, tum de fide in Concilio generali cognosceretur. Edicitur ergo Concilium generale, ut omnes Sardicam commigrent, idque de sententia duorum Imperatorum, alterius illud per literas flagitantis, alterius qui in Oriente regnabat alacri & parato animo eisdem obtemperantis.* Hactenus Socrates, qui clare

ostendit, Constantem Imperatorem Occidentis, edictum fecisse pro Synodo Sardica, & Constantium Imperatorem Orientis alacri & parato animo literis fratris obtemperasse: de Julio autem ne quidem verbum. Hic iterare cogor quod alias docui, & ex praxi Ecclesiæ infra confirmabitur, nimirum, ubi Imperator literis suis Concilium Patriarchis atque Metropolitanis indixisset, hos in suo Patriarchatu & Archiepiscopatu consuevisse Episcopos, atque sacerdotes sibi subditos ad Synodum habendam idoneos deligere & convocare: hocque juris & nihil amplius Julium Papam, juxta disciplinam illorum temporum habuisse certo scio.

Secundum argumentum illudit pariter æquivocatione & ambiguitate vocis *confirmare*: neque Sozomenus ejus rei quam auctor præfationum venditat, meminit; nam lib. tertio c. 11. solummodo refert, *Osium & Protogenem, qui principem locum inter Episcopos Occidentis obtinebant in Concilio Sardico, veritos ne quibusdam viderentur Decreta Concilii Nicani innovare, scripsisse ad Julium & testatos fuisse, se illa quidem rata habere: sed quo facilius intelligerentur, eadem pluribus verbis explicasse; eo consilio, ne Arrianis facultas ex verbis daretur imperitos in absurdam aliquam opinionem rapiendi.* Huc usque Sozomenus. Quem laudari ab adversariis ad probandum Julium confirmasse Synodum Sardicam mirabile est: supra docui tum Synodos

nodos proprie dici solitas confirmari, cum legibus atque edictis politicorum Principum in rem judicatam mittebantur: & proinde constat Sardicense Concilium à Constante & Constantio Imperatoribus confirmatum, quando S. Athanasium, Paulam & alios orthodoxos suis sedibus restituerunt: hoc autem potuisse à Julio effici, nemo est qui dicere audeat, nisi se omnibus risui propinandum dare velit quoniam Arriani nunquam Julio paruisent, ut jam dixi ad primum. Certe præcipuus fructus qui ex Sardica Synodo in Ecclesiam redundavit, fuit D. Athanasii atque aliorum orthodoxorum restitutio.

Ad Tertium, dato quod fides Nicæna comprobata & explicata sit in Synodo Sardica, non ob id sequitur Nicænum & Sardicum unum atque idem efficere Concilium. Hoc enim perinde est ac si quispiam diceret, Constantiense & Basileense Concilium pro uno atque eodem Concilio haberi: quia Decreta Constantiensis Synodi de auctoritate Concilii supra Papam confirmata & explicata sunt in Synodo Basileensi. Certe adversarii non talem in nobis ferrent ratiocinationem: & quamquam tolerarent, omnino esset ridicula & puerilis: quoniam multa alia tractata sunt in Synodo Basileensi & Sardica, de quibus nulla extat mentio in Constantiensi & Nicæno Concilio. Profecto Canonibus Nicænis jus commune asseritur & declaratur; at Sardicis

dicis magna ex parte abrogatur *propter necessitatem occurrendi factionibus Arrianorum contra orthodoxos* : Quare Patres Sardicenses illos Canones dumtaxat provisorios esse atque in causa extremæ necessitatis locum habere voluerunt ; itaque hic est distinguendum inter ea quæ fiunt Jure ordinario & extraordinario , sicut dum sacerdos alicui non sibi subdito occurrit. In articulo mortis verisimiliter existenti , illumque rite absolvit à quocumque peccato etiam Papæ reservato : tum enim jus commune & ordinarium locum non habet : quia dura & implacabilis necessitas nullam legem agnoscit. At ubi res agebatur inter Catholicos , Sardici Canones non servabantur , sed tantum Nicæni , & jus commune retinebatur , ut nos docent gesta Patrum Africanorum in sexta Synodo Carthaginensi adversus Zosimi Papæ commonitorium , de quo infra. Quod spectat ad Epistolam Innocentii : principio quidem capituli tertii asserit , *causas Clericorum tam superioris quam inferioris ordinis definiri debere Synodis* : scilicet , juxta Nicænam Synodum Canone quinto : Idque congruit Epistolæ Patrum Africanorum ad Cœlestinum : Deinde sub finem ejusdem capituli hæc ingerit Innocentius : *Si autem majores cause in medium fuerint devolutæ , ad sedem Apostolicam , sicut Synodus statuit , & beata consuetudo exigit , post judicium episcopale referantur*. Quibus ex verbis colligi non potest Innocentium loqui



loqui de Nicæna Synodo in hac postrema parte capituli tertii, sed de Sardica. Quamobrem auctor Præfationum frustratur lectorem à divisis ad conjuncta, dum persuadere vult, Innocentium Sardicam Synodum appellavisse Nicænam, & pro una atque eadem sumpsisse: & dato quod ita esset, hoc quidem nihil juris addiceret Sardicensi Synodo, ut ejus Canones pro Nicænis aut œcumenicis, universalibus & absolutis capi deberent. Ego quidem valde miror adversarios potuisse in animum inducere ut tam levibus uterentur argumentis: quoniam bonam causam perdunt, efficiuntque ut in multis aliis fides eis ab hominibus judicio præditi minime habeatur.

Quartum id pro certo assumit quod est probandum: Nam ideo S. Gregorius, Beda, Isidorus, & alii in enumeratione Conciliorum generalium Synodum Sardicam omiserunt, quia compertum habebant nunquam habitam pro œcumenica, & Canones Sardicos tantum esse provisorios, ac in solo casu necessitatis obtinere quando jus commune servari non potest, ut præcedenti argumento probavimus.

Ad quintum, de Justiniano recte quidem dicit, illos qui Symbolo Nicæno adversati sunt fuisse anathemate percussos in Synodo universali Sardica: siquidem ut Tridentina sic etiam Sardica Synodus est universalis ratione dogmaticorum, non ratione politicorum, ut

ut supra docuimus. Quandoquidem omnes Catholici propter reverentiam & auctoritatem Nicænæ Synodi illa recipiunt quæ pro explicatione fidei Nicænæ statuta sunt in Sardico Concilio, Canones vero minime admittunt.

Ad Sextum respondeo Leonem IV non accensere Synodum Sardicam universalibus Conciliis: & quamquam accenseret, hoc esset testimonium Papæ in sua causa: cui praxis universalis Ecclesiæ repugnat, ut ex antedictis liquet. Amplius addo, omnibus ratum & constitutum esse debere, jus ordinarium regendæ Ecclesiæ Canonibus Conciliorum consecrari: Extraordinarium autem sæpe Epistolis atque rescriptis Romanorum Pontificum contineri: ac proinde videndum, utrum hujusmodi responsa spectent ad jus ordinarium an ad extraordinarium propter aliquam necessitatem occurrentem. Sæpe enim contigit ut aliqui Pontifices Romani, quæ illis jure extraordinario & in casu necessitatis permessa sunt, voluerint ad jus ordinarium abstrahere: sicque potentiam suam contra Canones & jus commune in oppressionem libertatis Ecclesiarum ampliare, quod non licet.

Septimo Grati Episcopi Carthaginensis testimonium probat quidem Synodum Sardicam cognitam fuisse Africanæ Ecclesiæ, minime vero esse œcumenicam ratione Canonum, quibus de agitur. Quamquam in Sardico

dico Concilio duo genera Canonum distinguenda sint: quorum alii ad jus extraordinarium, ut hi pro quibus scriptores Romani certant: alii ad ordinarium & jus commune, ut hic de quo Gratus Carthaginensis disputat. Quæ autem jus commune tuentur, merito ab omnibus probantur; cum non uno sed pluribus Conciliis decreta sint: cujusmodi est, neminem debere hominem alterius plebis usurpare absque ejus consensu cui subjectus est: hoc enim jam pridem Canone xv Nicæno, III. & XXI. Antiocheno scitum fuerat.

Octavum ampliorem desiderat interpretationem, quam ab Epistolis Hincmari nec non à Flodoardo lib. tertio historiæ Rhemenfis cap. 13. mutuabimur, videlicet Rhotadum Episcopum Sueffionensem post multas monitiones in criminibus notoriis obdurescentem, tum demum velut notorium dilapidatorem bonorum Ecclesiæ suæ insignem Canonum violatorem, & regiæ dignitatis ac Metropolitanæ sui contemptorem Provinciali Synodo fuisse exauctoratum, ac sedem Apostolicam appellavisse juxta Canones Sardicos; Nicolaum vero Papam Hincmaro Archiepiscopo Rhemenfi eam ob causam graviter succensuisse eique interdictionem à sacris interminatum, nisi ipsum Rhotadum liberum mitteret Romam. Inter alia Nicolaus præfertim Epistola 28. & 42. causatur judicia Epif-

Episcoporum merito inter majora negotia numerari, ac propterea sedi apostolicæ reservari: ita ut abique sententia Romani Pontificis, Episcopi abdicari nequeant: quam in sententiam præter Canones Sardicos, multas Romanorum Pontificum constitutiones in sua causa aggerit Nicolaus. Tum Episcopi regni Lotharii Rhodado favebant, atque Hincmaro erant infensi eo quod adduci non potuisset, ut illorum Episcoporum sententiæ in gratiam Waldradæ pellicis Lotharii subscriberet: quare Nicolaum Papam contra Hincmarum exstimulabant. Nicolaus autem crebris de hac re literis etiam Carolum Calvum regem Franciæ atque Hermintrudem reginam Caroli conjugem interpellabat: cata mulier Nicolao objecit nihil mirum esse quod in causa Rhotadi tantopere laboraret: *eo quod inde non detrimentum sed augmentum Ecclesiæ Romanæ privilegiis generaretur*: propria sunt verba Reginae, quæ à Nicolao Epistola trigesima sexta ad Hermintrudem consignantur. Profecto hæc Ecclesiæ Romanæ privilegia tandem ex juris communis, atque aliarum Ecclesiarum ruina accreverunt, ut recte docet Hincmarus responsione ad literas Nicolai Papæ: ille enim pro causæ suæ firmamento primum defigit jus Commune, cum Canonibus Nicæni, sexti Carthaginensis Concilii, decretis Innocentii, & Gregorii I. quibus edicitur Controversias iis in locis ubi oriun-

oriuntur esse definiendas. Secundo perhibet quoties aliquod de Episcopis oritur dissidium quod non est sacris Conciliorum Canonibus definitum, aut Synodo Provinciali facile & canonice decidi nequit secundum jus commune: tum rationi quidem esse consentaneum divinum oraculum, hoc est, sanctam sedem Apostolicam adire: sed in rebus liquidis, & jam pridem Canonibus Conciliorum definitis, illam consulere esse actum agere, atque jus commune pervertere: quam ad rem facit præceptum Deuteronomii 17. ubi imperat non in rebus facilibus & perspicuis sed difficilibus & ambiguis adeundum locum quem elegerit Dominus: *Si difficile & ambiguum apud te iudicium esse perspexeris* &c. Item quæ habentur 25. *quest. 1. præsertim Can. Sunt quidam, & Can. Contra statuta*, &c. Tertio quod spectat ad Rhota-di Appellationem, urget Hincmarus æque Romano Pontifici ex officio incumbere, ne Metropolitani irregulariter & contra jus commune ab Episcopis sibi suffraganeis despiciantur & contemnantur, quam ne inferiores Episcopi à suis Metropolitanis contra Canones damnentur & opprimantur: atque summum & præcipuum privilegiorum sedis apostolicæ in eo potissimum versari, ut sua auctoritate sedis sibi subiectæ privilegia secundum Canones & jus commune propugnet, terminis à Patribus

po-

positos non moveat, appellationes non promissue admittat: sed eatenus auxilium suum atque opem implorantibus compartiat, quatenus vigor & nervus disciplinæ ecclesiasticæ id patitur. Quarto id summo pontifici maximopere cavendum, ne ejus exemplo plurimi captent occasionem labefactandi juris communis: adeo ut inde corruptela oriatur unde medicina deberet promi. Quinto, videndum præterea, ne quibus moderatio censuræ Ecclesiasticæ in regionibus à sede apostolica remotis credita est, cognoscant ex hujusmodi canonum & juris communis relaxatione cujusnam negligentia & culpa nervus & rigor apostolicæ disciplinæ solvatur: atque inde arripiant occasionem transgrediendi terminos quos Patres posuerunt. Sexto, si verba iniquorum, ut Rhotadi, juri communi, canonibus, & disciplinæ ecclesiasticæ prævaleant, fore tandem ut omnia Concilia Provincialia intermittantur, jus commune & disciplina omnis extinguatur, atque adeo omnia conturbentur in Ecclesia; & nefarii qui sibi & lex & spes esse consueverunt, regnent atque triumphant, dum tam longe quæretur atque expectabitur remedium. Legendus S. Bernardus lib. tertio de Considerat. ad Eugenium, à capite quarto, ubi de Appellationibus ad Curiam Romanam disserit. Septimo, adversus interminationes censurarum Hincmarus opponit raro & magna cum necessitate Pontifices

fices id literis Apostolicis tentasse : neminique poenam illam irrogari posse nisi propter inobedientiam & pervicacem contemptum adversus sacros Canones ; quos quidem ait se semper accurate servasse , nec in contemptum sedis apostolicæ unquam aliquid egisse. Hæc autem virtus & constantia Archiepiscopi Rhemenfis in jure communi tuendo , sicut causam præbuit Adriano II PP. in octava Synodo ut curaret condi Canones quibus magna ex parte juri communi & Nicænis regulis derogaretur : ita grandem invidiam conflavit Hincmaro erga Baronium , Biniun , Spondanum , Vallium & alios Baronii simias : qui piissimum Rhemensem Archiepiscopum , passim atque certatim schismaticum & hostem infestissimum sedis apostolicæ vocant : non alia certe de causa , quam quod jus commune eo tempore propugnaret quo absolutæ monarchiæ fundamenta jaciebantur à Nicolao PP. His ergo considerate perpensis , conspicuum redditur , nullum exitisse seculum usque ad Nicolai I tempora , in quo jus commune contra Canones Sardicos ab Episcopis versatis in scientia Canonum vindicatum non fuerit. Quodsi tandem potestas absoluta supra jus commune invaluit , hoc ad quæstionem & viam facti non ad jus pertinet.

*Non est in medico semper relevetur ut ager ,*

*Interdum docta plus valet arte malum.*

At vel hinc liquet , solummodo sub Nico-

Lib. I.

H

lao

lao PP. jus appellandi ad Sedem Apostolicam secundum Canones Sardicos transiisse in jus ordinarium via facti : nam Hincmarus quandiu vixit semper quoad licuit , unitate servata , jus commune propugnavit , qua de re fusius dicetur lib. quarto Defensionis libelli de ecclesiastica & politica potestate.

Nonum argumentum potius nocet quam favet adversariis , quoniam ex Epistola Nicolai PP. relata in corpus canonicum , *Dist. 16. Can. Quod dicitis* , colligitur ut antea monuimus , Græcos nihili prorsus Canones Sardicos duxisse : & solummodo habere commendationem à Romanis Pontificibus : quia eorum potentiae augendæ magno sunt usui.

VII. Cardinalis Baronius Tomo III Annalium , sub annum Christi 347. & Tomo V sub annum 419. omnem movet lapidem ut se ex hujusmodi nodis explicet , atque ostendat Synodum Sardicam œcumenicam fuisse. Aliquando enim conjicit acta Synodi sextæ Carthaginensis non esse integra : aliquando addubitatur , utrum sex & triginta Patres Africanæ Ecclesiæ quos S. Athanasius Apologia 2. interfuisse Synodo Sardicensi memorat , una cum actis ejusdem Concilii perierint naufragio , ita ut & nomen & memoria actorum Sardicorum prorsus oblitterata fuerint in Africa : alias differit an S. Augustinus , qui sexto Carthaginensi Concilio interfuit , in accuratam cognitionem Nicænorum Canonum venerit.

De



Demum concludit Nicænos Canones in toto Oriente vel combustos vel corruptos ab Arrianis; solamque Romanam Ecclesiam in Archivis Vaticanæ Bibliothecæ eos intaminatos fervere : atque Patres Africanos nunquam in dubium vertisse, quin Romanus Pontifex jure potuerit de Appellationibus & causis Ecclesiasticorum cognoscere & statuere : sed tantum disputasse utrum id per legatos à latere & invocationem brachii secularis executioni mandare liceret. En summa vastissimæ & inconditæ collectionis Baronii, quæ tota arte & judicio caret. Verum de hujusmodi Appellationibus in historia sextæ Synodi Carthaginensis disputabitur.

VIII. Bellarminus lib. secundo de Romano Pontifice cap. 25. quem Possevinus in Apparatu, & Severinus Binius in notis ad Concilium Sardicense sequuntur, quædam alia in speciem validiora & subtiliora profert quibus Sardicensi Concilio auctoritatem arrogare nititur. Et ne quis putet nos velle declinare difficultates, omnia accurate examinabimus. Primum autem objicit Patres Sardicos nihil novi concessisse Romano Pontifici, sed tantum jus declarasse, idque testari exempla illorum qui ante Sardicense & Nicænum Concilium omnibus ætatibus ad Romanam sedem appellarunt. Quod Bellarmini argumentum fallit à suppositione principii acsi Papa esset absolutus monarcha, atque Felix,

Fortunatus & Basilides Episcopi Africæ , de quibus paulo post agetur , appellassent Romam : id enim Patres Africani pernegant , hæcque *Improba persugia non appellationes nominant* , eo quod fierent contra jus commune à Deo institutum : quandoquidem S. Athanasius secundæ sedis Episcopus , in Synodo Antiochena ab Episcopis sibi inferioribus per vim indictæque causa exauctoratus , ac testimonio orthodoxorum Episcoporum Orientis fultus , merito ad Julium Papam primæ sedis Episcopum , non per modum appellationis accurrit , sed ut Julius ei præsidio atque auxilio esset ad Synodi convocationem , in qua de integro causâ sua tractaretur , atque Episcopi Arriani ad Synodum evocarentur in vim quinti Canonis Nicæni , quo permititur gravatis , ut de injuria sibi illata in Synodo conquerantur. Hocque firmamento Julius PP. initio suæ Epistolæ se niti , atque *iniquum esse* demonstrat , *monumenta actorum ubi una duntaxat pars adfuerit vim habere , seque omnia peregisse juxta Canones quos Arriani habebant contemptui*. Hercle cum Ecclesia tota sit unum corpus sanctorum communione per charitatem , fidem & spem coagmentatum : atque *Episcopatus unus sit , cujus à singulis in solidum pars tenetur* , 24. quæst. 1. Can. Loquitur , S. Episcopatus : omnia quidem membra sibi invicem compati & auxiliari tenentur : maxime partes nobiliores , ut sedes Romana : ad quam S. Athana-

thanasius cum aliis Episcopis orthodoxis supra memoratis confugerant, velut ad vindictam Canonum. Hinc Julius in Epistola ad Orientales quæ legitur in Apologia secunda Athanasii: *Si ut dicitis, Athanasius & Marcellus in culpa fuerunt, oportuit secundum CANONEM, & non isto modo iudicium fieri: oportuit SCRIBERE OMNIBUS NOBIS, UT ITA AB OMNIBUS QUOD JUSTUM ESSE DECERNERETUR. Episcopi enim erant & non vulgares Ecclesiæ qui ista patiebantur: sed quam Apostoli suamet opera ad fidem instruxerant. Cur igitur & imprimis de Alexandria civitate nihil nobis scribere voluistis? An ignari estis hanc consuetudinem esse, ut nobis primum scribatur, ut hinc quod justum est definiri posset? Quapropter si istic huiusmodi suspicio in Episcopum concepta fuerat, id adhuc ad nostram Ecclesiam referri oportuit: Nunc autem nos quos certiores minime fecerunt postquam jam egerunt quod libuit, suffragatores sua damnationis, cui non interfuimus, esse volunt? &c. Quæ Epistola Canonibus & regimini aristocratico penitus congruit, atque inter alia hoc notabile continet: videlicet Alexandrinam Ecclesiam, ab ipsi finet fundatam unam esse ex illustrioribus: ac proinde non debuisse Athanasium absque sententia sedis primæ, Romanæ nimirum damnari: neque hæc Julii Epistola iis convenit quæ Sozomenus lib. tertio cap. 7. narrat, quasi Julius quicquam extra Synodum statuisset: Nam Sozomenus Julium sic interminantem*

orientalibus inducit : *Deditque mandatum ut quidam illorum omnium nomine ad diem constitutum accederent , perspicue declaraturi sententiam , quam de his tulerant , & quam justamque esse : quin etiam interminatus est , se de reliquo non passurum eos inultos esse , nisi novis rebus studere desisterent.* Quæ verba Sozomeni indicant Julium plures scripsisse Epistolas ad orientales : atque Sozomenum loqui de quadam increpatoria absolutum monarcham spirante : at longe mitiora sunt verba & conceptiones Epistolæ Julii apud Athanasium qui nominatim ait , *tametsi solus scripserit ad Orientales , non tamen suam solius esse sententiam sed omnium Italarum omniumque his in regionibus Episcoporum.* Scio quidem in Tomo priore Conciliorum legi quandam Epistolam Julii increpatoriam ad Orientales , sed cum disciplinæ tempore Julii I usitata omnino adversetur , neque etiam congruat Epistolæ quæ inserta est in Apologiam secundam Athanasii , deinde etiam stilus & ratio scribendi à doctissimo seculo Julii dissentiat , non eam possum ut à Julio scriptam amplecti.

Secundò obtendit Bellarminus , Patres Africanos ex ignorantia deceptos , quippe qui in Epistola ad Cœlestinum PP. bis repetant *in nulla Patrum Synodo se invenisse illos Canones Zosimi commonitorio contentos* : Ex quo colligit Bellarminus Patres Africanos non habuisse Canones Sardicenses in quibus tres illi Canones diser-

disertis verbis continentur : aitque non minorem esse Sardicensis quam Nicæni Concilii auctoritatem.

Quod argumentum duabus constat partibus: depriore, utrum Patres Ecclesiæ Africanæ, Sardici Concilii cognitionem habuerint, postea videbitur : de posteriore, quod Sardicum Concilium tantæ sit auctoritatis quantæ Nicænum, mera est petitio principii plus factis confutata superius.

IX. Tertiò contendit, non maiorem esse errorem citare Nicænum Concilium pro Sardico, quam Matthæum pro Joanne Evangelistâ, vel Hieremiam pro Zacharia, ut citavit S. Matthæus cap. 27. Sicut ergo non possumus vocare D. Matthæum falsarium, quia idem Spiritus Sanctus in Hieremia & Zacharia loquutus est: ita nec debuisse summos Pontifices appellari falsarios, etiamsi Nicænum Concilium pro Sardicensi usurpassent. Cum eadem sit auctoritas utriusque.

Ad hæc rependo, adferre incommodum, non solvere argumentum ut in scholis loquuntur. Certe dato, quod S. Matthæus Hieremiam pro Zacharia laudasset, non inde probatum maneret, Canones Sardicos pro Nicænis Canonibus potuisse legitime substitui: posito etiam quod Romanus Pontifex esset absolutus monarcha Ecclesiarum, ut placet ad versariis. Cæterum Maldonatus cum per multis aliis antiquis & recentioribus apposite

docent S. Matthæum cap. 27. absque ullius Prophetæ nomine in hunc modum scripsisse : *Tunc impletum est quod dictum est per Prophetam dicentem*, &c, dehinc vero, quempiam cum Euangelium D. Matthæi legeret, lapsu memoriæ ad oram libri scripsisse nomen Hieremiæ pro nomine Zachariæ, ac postea hoc glossëma in contextum tanquam genuinum culpa & ignorantia librariorum, qui Euangelia exscripserunt, irrepsisse. Profecto maleferiatus erat Bellarminus dum tempus suum ejusmodi leptologiis scribendis quibus fucum facere voluit lectoribus, trans mittebat. Hoc enim est, ut ait scriptura, *in circuitu ambulare*, & cavillari, non directè & bona fide respondere; quod autem ait Pontifices non debuisse falsarios appellari, eo quod Sardicos Canones pro Nicænis nominarint, &c. ei lubenter concedo: urgeoque nihil hodie esse quod propugnatores absolutæ monarchiæ à peccato liberare queat in hac parte, præter communem Ecclesiarum consensum : quæ tum demum passiæ sunt jus commune in extraordinarium, & aristocraticum temperamentum in purum monarchicum regimen immutari: verumtamen nullam esse temporis præscriptionem quæ possit Ecclesiam impedire quo minus jus illud recuperet, atque in integrum restituat: & si qui voluerint impedimento esse, ut in Constantiensi & Basileensi Concilio factum est, graviter peccaturos, & tan-

tanquam iusti regiminis Ecclesiæ violatores atque oppressores de hac re rationem redditu-  
 rous Christo, si forsan ab hominibus cogi ne-  
 queant in ordinem.

X. Quarto Bellarminus octo proponit con-  
 jecturas aut incommoda quibus efficere moli-  
 tur, Patres Nicænos multo plures quam vi-  
 ginti Canones, qui omnium manibus hodie  
 volutantur, constituisse, ac proinde integros  
 non esse. Primum, inquit, unus ex præcipuis  
 Canonibus Nicænis fuit, ut Pascha die Do-  
 minico celebraretur, ut patet ex Epistola  
 Constantini apud Eusebium lib. 3. de Vita  
 Constantini, Epiphanio hæresi 69. & Atha-  
 nasio in Epistola de Synodis Arimini & Se-  
 leuciæ. At iste Canon Paschalis non extat in-  
 ter illos viginti Canones citatos à Ruffino, ait  
 Bellarminus. Quibus conjecturis priusquam  
 sigillatim satisfaciam, lectorem monitum cu-  
 pio, attendat: quod si demus gratuito adver-  
 sariis, Patres Nicænos plures quam viginti  
 Canones scivisse: tamen nihil inde lucrifactu-  
 ros neque habituros Canones Sardicos, quos  
 Zosimus Patribus Africanis obtrusit, pro Ni-  
 cænis: idque quamquam pro omni respon-  
 sione satis esse posset, nihilominus singula de-  
 pellemus. Quoad primam conjecturam, her-  
 cle Ruffinus lib. primo cap. 6. Canone 22.  
 Nicæno aperte docet, *Patres Nicænos de ob-*  
*servatione Paschæ antiquum Canonem Ecclesiis*  
*tradidisse, per quem nulla de reliquo varietas ori-*

*retur, omnibusque rite dispositis, Ecclesiarum pax & fides in Orientis atque Occidentis partibus una atque eadem servabatur: Hæc Ruffinus. Quid igitur Cardinalis Bellarminus memorat hunc Canonem non extare apud Ruffinum: verum sicut Patres Tridentini dum animadverterent curam emendandi Breviarii rem esse difficiliorem & implicatiorem quam ut paucis diebus absolvi posset, nihil de ea privatim tractarunt, sed eam summo Pontifici curandam permiserunt: itidem Patres Nicæni cum observarent Canonem Paschalem ad normam motus Solis & Lunæ dirigi oportere, quo certa ratio Festorum mobilium indagaretur, ejus quidem rei provinciam Patriarchæ Alexandrino demandarunt, quo consultis peritioribus Astrologis, certa atque uniformis regula cunctis Ecclesiis præponeretur. Legendus Baronius Tomo tertio Annalium anno Domini 325. Et hæc causa est propter quam nullus Canon specialis fieri potuerit in Synodo Nicæna de celebratione Paschatis, & cur inter alios Canones non legatur: quamquam tamen apud Ruffinum generatim & implicite legitur. Leo Magnus epistola 64. collectionis Severini Binii demonstrat quidem suo tempore omnes Ecclesias Orientis atque Occidentis festum Paschæ die Dominico; verumtamen, sicut hodie fit, alios tardius, alios celerius celebrasse, propterea quod Theophilus Archiepiscopus Alexandrinus*



drinus non fatis accuratam rationem motus Solis & Lunæ subduxisset. Quapropter Leo etiam atq; etiam obsecrat Imperatorem Martinum ut Ægyptiis, aut aliis peritis Astrologiæ imperaret quatenus Canonem Paschalem indubitatum efficerent : quam in rem idem Leo Pontifex scribit pariter Epistolam 65. ad Eudoxiam Augustam. Porro non abs re est quod Rufinus docet Canonem Paschalem fuisse antiquum: quoniam usum & praxim Ecclesiarum totius Occidentis, & majoris partis Ecclesiæ Orientalis commendabat, ideoque novus non erat : cum teste Eusebio lib. v. Historiæ Ecclesiasticæ cap. 22. & 23. Item lib. 111. cap. 18. Vitæ Constantini, in tota Italia, Africa, Ægypto, Hispania, Gallia, Britannia, Libya, universa Græcia, in diœcesi Asiatica, & Pontica, in Cilicia denique, una & consentiente sententia observaretur pridem ante Synodum Nicænam; sola erat Ecclesia Ephesina quæ ritu Judaico decima quarta Luna quemcumque in diem incidisset, Pascha celebrabat. At vero omnium Patrum Nicænorum consensu, hic Canon Paschalis in rem judicatam abiit, & Constantinus Magnus curam illud mandandi exequutioni suscepit, & eodem lib. tertio Vitæ Constantini dignoscitur. Ex quo patet nihil fuisse necesse ut privatim de eo Canon ederetur à Nicænis Patribus, cum uno consensu Patrum & Ecclesiarum approbaretur: hicque consensus Constantini

stantini Magni Epistolis consignatur & Canonis æquivalet.

XI. Secunda conjectura Bellarmini est, S. Ambrosium Epistola 82. asserere in Nicæno Concilio statutum ne Bigami in Clerum adsciscerentur. At, inquit, neque hoc quidem in illis viginti Canonibus invenitur. Respondedo, longe diversum esse aliquid inter Canones, & inter acta Conciliorum reponi; & de aliquare obiter agi in Synodo, & Canonem condi. Profecto S. Ambrosius Epistola ad Vercellensem Ecclesiam pro electione Episcopi Vercellensis paulo post medium, minime docet Canonem de bigamis excludendis sacerdotio conditum fuisse, sed *Patres in Concilio Nicæni tractatus addidisse, neque Clericum quemquam debere esse qui secunda conjugia sorsitus sit.* Quæ verba, non de Canonibus, sed obiter de disputatis à Patribus intelliguntur. Profecto Siricius Papa Epistola prima ad Episcopum Tarraconensem, dum aliquos Episcopos Hispaniæ bigamos reprehendit, & nulla facta memoria Synodi Nicænæ decernit *bigamos nequaquam admitti debere ad sacerdotium,* sententiam nostram confirmat: quoniam si aliquid de ea re nominatim statutum in Synodo Nicæna accepisset, nunquam id siluisset: cum hac ratione ejus epistola multo plus habitura fuisset ponderis auctoritate Nicæni Concilii roborata ad arcendos bigamos ab Ecclesia, quam sola sua sanctione munita. Cæterum  
occa-

occasionem Partibus Nicænis præbitam disputandi de bigamis arbitror dum Canon VII editus est, quo quidem nominatim edicitur ut Cathari, id est, Novatiani ad Ecclesiam redeuntes communicent cum Digamis: hos enim Cathari tanquam incontinentes haud aliter ab Ecclesia rejiciebant quam adulteros. Et ex hac occasione, captam similiter ansam disserendi de cœlibatu sacerdotum conjicio.

XII. Tertia conjectura, Hieronymus præfatione in librum Judith, asserit hunc librum à Nicæno Concilio inter Canonicos receptum. At hoc non reperitur inter Canones Ruffini, ait Bellarminus. Contra absolute negamus hoc asseri à S. Hieronymo vel etiam doceri ejusmodi librum Canonicis libris accensum: præbe aures Lector; *Apud Hebræos liber Judith inter hagiographa legitur: cujus auctoritas ad roboranda illa quæ in contentionem veniunt, minus idonea judicatur: Chaldeo tamen sermone conscriptus inter historias computatur. Sed quia hunc librum Synodus Nicæna in numero sanctarum Scripturarum legitur computasse, acquievi postulationi vestra, imo exactioni, & sepositis occupationibus quibus vehementur arctabar, huic unam lucubratiunculam dedi.* Ex hoc textu quatuor colligimus. Primò, librum Judith computari ab Hebræis inter hagiographa, id est, sancta & pia scripta quæ ului esse possunt ad fovendam & excitandam pietatem, cujusmodi habent

bentur Ecclesiasticus, & similes. Secundo, hunc librum nihil conducere ad ea roboranda quæ veniunt in contentione, id est, ad dogmata fidei constituenda. Nihilominus observandum, auctore eodem Hieronymo, quædam hagiographa pertinere ad Canonem Hebræorum ut notat in prologo Galeato. Tercio, computari inter sacras historias. Quarto, Synodum Nicænam illum scripturis sanctis adnumerare : quæ verba non indicant de illo Canonem factum, aut inter Canones Nicænos inclusum. Hercle si de illo Canon editus esset, nunquam Hieronymus dixisset, minus esse idoneum ad ea roboranda quæ in contentione veniunt, sic enim auctoritatem habuisset à Concilio Nicæno: Equidem hæc loquendi formula Hieronymi : *Synodus Nicana in numero Sanctarum Scripturarum hunc legitur computasse*, non de Canonibus Nicænis, sed de actis & suasionibus, neque de libris Canonicis Scripturæ sed tantum de hagiographis intelligi debent. Quid memorem Synodum Laodiceenam, quæ aliquot annis sequuta est Nicænum Concilium, hanc controversiam dirimere Canone ultimo: ubi libros Canonicos Scripturæ his verbis conceptis enumerat : *Hæc autem sunt quæ legi oportet Veteris Testamenti*, 1. *Genesis*, 2. *Exodus*, id est, *Exitus de Ægypto*, 3. *Leviticus*, 4. *Numeri*, 5. *Deuteronomium*, 6. *Jesu Nave*, 7. *Judices*, *Ruth*, 8. *Hester*, 9. *Regnorum 1 & 2*, 10. *Regnorum 3 & 4*, 11. *Paralipome-*

non 1 & 2, 12. *Esdra* 1 & 2, 13. *Liber Psalmo-*  
*rum* 150, 14. *Proverbia Salomonis*, 15. *Ecclesia-*  
*stes*, 16. *Cantica Canticorum*, 17. *Job*, 18. *Duodecim*  
*Prophetae*, 19. *Esaías*, 20. *Jeremias & Baruchi*  
*Lamentationes*, & *Epistolae*, 21. *Ezechiel*, 22. *Da-*  
*niel Novi autem testamenti haec Euangelia quatuor*  
*secundum Matthæum*, *secundum Marcum*, *secun-*  
*dum Lucam*, *secundum Joannem*. *Actus Apostolo-*  
*rum*, *Epistolae Catholicae septem*, videlicet *Jacobi*  
*1. Petri 2. Joannis 3. Jude 1. Epistolae Pauli qua-*  
*tuordecim*, *ad Romanos 1. ad Corinthios 2. ad Ga-*  
*latas 1. ad Ephesios 1. ad Philippenfes 1. ad Colof-*  
*senses 1. ad Theſſalonicenſes 2. ad Hebraeos 1. ad*  
*Timotheum 2. ad Titum 1. ad Philemonem 1.* Quo  
ex Canone Laodicensi dignoscimus quinam  
libri haberentur Canonici seculo S. Hierony-  
mi : nam Concilium Laodicenum omnium  
auctorum consensu uno excepto Baronio,  
post Synodum Nicænam celebratum & Ca-  
noni universalis Ecclesiæ, quo Patres Chalce-  
donenses usi sunt, actione xi. insertum fuit :  
idque pariter confirmatur *Canone De Libellis*  
*Dist. 20* Non me latet in Codice Canonum  
Dionysii Exigui quo Canones Laodicensi  
Concilii enumerantur, hanc ultimam Laodi-  
cenam regulam de Libris Canoniciſ Scriptu-  
ræ prætermitti : sed hoc factum mihi certissi-  
me persuadeo, quoniam Ecclesia Romana  
tempore Dionysii Exigui libros scripturæ,  
quos Patres Laodicensis tanquam minus Ca-  
nonicos omiserant, jam haberet pro Canoni-  
cis :

cis cujusmodi est liber Judith, Machabæorum, Apocalypsis, & alii quos S. Augustinus lib. secundo, c. 8. de Doctrina Christiana Canonis scripturarum adnumerat ex XLVII Canone tertii Concili Carthaginensis. Verumtamen eodem lib. 2. & cap. 8. de Doctrina Christiana monet : *ex scripturis Canonicis quasdam à pluribus quasdam paucioribus Ecclesiis suscipi : hancque teneri oportere regulam, ut illas plures faciamus quæ ab omnibus Ecclesiis, & eis præponamus quæ à paucioribus recipiuntur, Dist. 20. Con. In Canonicis* : quo ex loco facile est videre etiam iudicio Augustini, tum temporis aliquos fuisse libros scripturæ qui non ab omnibus approbarentur Ecclesiis : cujusmodi sunt quos Canon Laodicensis prætermisit : verum nulla alia ratione Baronium inductum existimo ad asserendum Laodicenam Synodum Concilium Nicænum præcessisse quam ut hac via Librum Judith Nicænæ Synodi auctoritate muniret, propter verba Hieronymi superius explicata.

Quarta conjectura, D. Augustinus Epistola 110. de Eradio successore sibi designando, perhibet, in Concilio Nicæno prohibitum, ne duo Episcopi simul sedeant in eadem Ecclesia : contra quem Canonem se imprudentem fecisse dolenter refert. At ille Canon nusquam apparet inter illos viginti Canones. Imo vero Bellarmine ophthalmia laboras; extat Canone octavo de Catharis aut  
Nova

Novatianis in omnibus editionibus Conciliorum, sicque concipitur, *Ne in una civitate duo sint Episcopi* : & apud Ruffinum Canone x.

XIII. Quinta, in Concilio Africano sub Bonifacio I Canone xiv Patres asserunt ex Canone Nicæni Concilii non licere nisi jejunis offerre Eucharistiam. At ubi est iste Canon inter illos viginti, ait Bellarminus? Respondeo frustra esse Bellarminum in hoc probando: quoniam hic Canon de Eucharistia à jejunis solum offerenda, non à Nicænis sed à Patribus Africanis conditus est; sicque concipitur vigesimo nono Canone tertii Concilii Carthaginensis sub Siricio Papa : deinde Canone octavo Africani Concilii sub Bonifacio I, *ut sacramenta altaris non nisi à jejunis hominibus celebrentur, excepto uno die anniversario quo cæna Domini celebratur. Nam si aliquorum pomeridiano tempore defunctorum sive Episcoporum sive cæterorum commendatio facienda est, solis orationibus fiat, si illi qui faciunt jam pransi inveniuntur*: hæc ibi. At notare oportet ex quatuordecim primis Canonibus hujus Concilii Africani, quos Epigonius Episcopus ex Hipponensi Concilio potissimum collegerat ut approbarentur à Patribus: primum Canonum fuisse de celebratione Festi Paschalis: quintum ne Clerici versentur cum mulieribus : decimum ut pœnitentibus secundum gravitatem peccatorum tempora pœnitendi adscriberentur ab Episcopis : & prædictos tres Canones,

Lib. I.

I

scilicet

scilicet primum, quintum, & decimum Nicænis Canonibus omnino concordare : eamque ob causam Honoratum atque Urbanum Episcopos legatos provinciæ Mauritanie Canone decimo quarto cum sententiam suam & suffragium de memoratis Canonibus dicerent, in testimonium sui consensus phrasi & stilo Africano ita respondere : *De fide enim Nicæni tractatus audivimus. Verum & de sacrificiis inhibendis post prandium ut à jejunis, sicut dignum est, offerantur, & tunc & nunc firmatum est.* Quæ responsio legatorum Mauritanie tria habet membra : prius spectat ad approbationem Canonum Nicænorum : *De fide Nicæni tractatus audivimus* : quæ clausula stilo Africano significat ; abunde compertum habemus quid Patres Nicæni de hac re definierint. Etenim illo seculo Patres *nomine tractatus*, acta aut Canones Synodorum designabant, ut liquet ex S. Ambrosio Epistola 32. ad Valentinianum Imperatorem : & 82. ad Vercellensem Ecclesiam, paulo ante laudata item ex Concilio Aquilegiensi, dum S. Ambrosius Attalum presbyterum Arrianum alloquitur. Alterum membrum responsionis est de approbatione Canonis octavi, quam approbationem his verbis conceptam habes : *verum & de sacrificiis inhibendis post prandium ut à jejunis, sicut dignum est, offerantur, &c.* Tertium spectat ad hæc verba, *& tunc & nunc firmatum est.* Ubi <sup>to</sup> nunc Synodum Africanam, & <sup>to</sup> tunc Hip-



Hipponensem significat : jam enim dixi Epigonium hos Canones præsertim ex Synodo Hipponensi collegisse. Omitto hanc controversiam à Bellarmino implicatam conceptis verbis à Patribus sextæ Synodi in Trullo evolveri Tomo tertio Conciliorum Romanæ editionis, Canone vigesimo nono, in hæc verba : *Carthaginensis Synodi Canon dicit, ut sancta altaris non nisi à sobriis hominibus peragantur, excepto uno die in anno in quo Cæna Domini peragitur: tunc fortasse propter aliquas in iis locis occasiones Ecclesiæ utiles, sanctis illis Patribus hac dispensatione usis.* Proculdubio Socrates lib. quinto c. 12. & Sozomenus lib. sexto cap. 19. Historiæ memorant, tempore suo Eucharistiam apud Ægyptios sub vesperum à non jejunis sumi consuevisse : atque unamquamque provinciam in rebus quæ ad fidem non spectabant ut plurimum variasse : idque argumento est certissimo, Patres Nicænos nequaquam edidisse Canonem de eucharistia à jejunis sumenda : quia illum striete Ægyptii servassent. Hinc etiam perspicuum evadit, Bellarminum hæc non ad veritatem sed ad fallendum scripsisse, quod indignum est Christiano homine : & tamen sæpe ad hunc scopulum allidit : quia non veritatem sed sua præjudicia tueri vult.

XIV. Sexta conjectura, in fine Chalcædonensis Synodi, Atticum Constantinopolitanum Episcopum referre in Concilio Nicæno determinatam fuisse rationem scribendarum

formatarum epistolarum, de quibus loquitur Optatus lib. secundo contra Parmenianum. At, inquit Bellarminus, hoc nusquam apparet in viginti Canonibus Ruffini. Contra rependo : Patres Nicænos nullum de hac re Canonem edidisse teste Baronio Tomo tertio Annalium ad annum 325. numero 167. Et siquid de literis formatis statutum est, hoc ad acta non ad Canones spectare. Porro usus hujusmodi formatarum erat, ut neque Episcopo, neque Presbytero, aut cuiquam Clerico fines provinciæ peregrinandi causa egredi liceret absque testimonio sui Episcopi, à quo literas commendatitias accipiebat : Episcopus quidem à suo Metropolitano, presbyter autem à proprio Episcopo : Et hæ literæ *canonica, communicatoria, commendatitie, formate, & pacificæ* vocabantur ab antiquis : lege Canonem 32 Apostolorum : 7, 8 & 11 Antiocheni Concilii : 42 Laodicensis : 20 Milevitani : & 13 Chalcedonensis : cum Dist. 71. Can. Nul- lum adi quoque Baronium Tomo secundo ad annum Christi 142.

XV. Septima conjectura, Lutherus, Calvinus, Centuriatores ac reliqui hæretici passim obijciunt ex Socrate lib. 1. historiæ cap. 7. Canonem Nicæni Concilii in quo dicunt permissas fuisse conjuges sacerdotibus : at iste Canon non invenitur in illis viginti : ergo hæreticorum judicio plures quam viginti Canones editi sunt in Synodo Nicæna. Repono  
hic

hic frustra quæri quod nusquam extitit: enim-  
vero, cum suadente Paphnutio eadem liber-  
tas qua ante Synodum Nicænam sacerdotes  
fruebantur, eisdem permiffa fuerit: nihil  
opus fuit decretum in eam rem conflare. Sa-  
tis quidem fuit ad veritatem rei gestæ, id in  
acta aut historias referri, ut revera relatum est.  
Quod si conjugium interdictum fuisset sacer-  
dotibus, merito ea de re Canon exigetur.  
Cæterum quæ de Paphnutii intercessione  
memorant ne aliquid de cœlibatu sacerdotum  
scisceretur, video non immerito controverti,  
utrum ejusmodi intercessio vera sit: causas  
dubitandi enarrat Bellarminus lib. prior de  
Clericis cap. 20. nec non Nicolaus Faber Re-  
gis Christianissimi Præceptor in opusculis  
quæ edita sunt postquam supremum diem  
obiit. Nullo verfor in dubio quin Ecclesiæ  
primitivæ temporibus viri matrimonio juncti  
cum ad presbyterium, tum ad Episcopatum  
assumerentur: siquidem necessitas id exige-  
bat, quia alioqui nulli sacerdotes reperiri po-  
tuissent. Sed an cum uxoribus quoad thorum  
consuescerent, hoc quæstionis est. Ego qui-  
dem arbitror more quorundam discipulo-  
rum Domini uxores habuisse tanquam non  
habentes: tantum ergo abest ut post ordina-  
tionem susceptam possent ad nuptias convo-  
lare: cujus rei testis quoque est Balsamo in  
notis ad x Canonem Synodi Ancyranæ. Ve-  
rum tamen Canon octavus Synodi Neocæsæ-  
riensis

riensis Concilii nobis scrupulum injicit : sic autem habet : *Si alicujus uxor cum esset laicus, adulteratam fuisse convicta fuerit, is non poterit ad ministerium accedere : sin autem etiam post ordinationem adultera fuerit, debet eam dimittere. Quod si cohabitet, non potest sibi commissum ministerium exequi.* Quibus verbis demonstratur eos qui matrimonio essent conjuncti, antequam sacris ordinibus initiarentur, etiam uxores suas retinuisse : ac proinde intercessionem Paphnutii non à veritate abhorrire. His accedit & Canon quartus Gangrensis : *Si quis de presbytero qui uxorem duxit contendat, non oportere eo sacra celebrante oblationi communicare, sit Anathema.* adde & S. Gregorium lib. 1. epistola quadragesima octava : *Volumus ut sacerdotes qui in Corsica commorantur prohiberi debeant ne cum mulieribus converfentur, excepta duntaxat matre, sorore & uxore quæ caste regenda est.* Similiter Dist. 31. Can. *Aliter se Orientalium traditio habet Ecclesiarum, aliter hujus sanctæ Romanæ Ecclesiæ. Nam earum sacerdotes, diaconi atque subdiaconi matrimonio copulantur : istius autem Ecclesiæ vel occidentaliæ nullus sacerdotum à subdiacono usque ad episcopum licentiam habet conjugium sortiendi.* Verum quod aliqui putant ex cap. 19 Matthæi, ubi Apostoli profitentur se uxores, liberos, parentes, agros, cæteraque omnia propter Christum reliquisse, necessario probari discipulos Domini non habuisse uxores ; meo ju-

dicio

dicio valde falluntur : quoniam hic locus dogmaticæ & ad literam stricte captus respondet præcepto Christi de amando Deo super omnia, Matthæi 22. & Lucæ 14. *Si quis venit ad me & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* Quod præceptum etiam impleri posse à conjugatis, nemo absque hæresi pertinaciter negare posset. Præterea dato quod Apostoli ante Apostolatam liberos habuissent, illorum curam negligere in Evangelio absque summa impietate non potuerunt. Equidem Sozomenus refert, *Spiridionem Episcopum virum agrestem tametsi uxorem & liberos haberet, non propterea tamen res divinas negligentius obisse, multaque patrassse miracula* : l. i. c. xi. historiæ ecclesiasticæ.

Octava & ultima conjectura ducitur à vigesima Sessione Concilii Florentini sub Eugenio IV. quam Alphonsus Pisanius etiam conjecit in suam farraginem. Nam quidam Joannes vir doctissimus respondens Marco Ephesino Episcopo asserit se multis sanctorum veterum testimoniis posse ostendere, Patres sexti Concilii Carthaginensis tandem agnovisse corruptos & falsos Canones Nicæni Concilii ad se ex Alexandria & Constantinopoli missos, inquit Bellarminus. Contra autem oppono, istum Joannem valde confidentem fuisse, & Bellarminum parum prudenter ejus uti opinionem : quasi isti Joanni plus fidei habere de-

beremus, quam actis publicis, omnium Christianorum testimonio, ducentorum & mille annorum decursu confirmatis. Quam bene isti audaculo Joann cessit, quod nullum auctorem ad suæ conjecturæ firmamentum protulerit: cujus testimonio statim falsi convinceretur. Omitto prædictum Joannem Zosimo atq; Africanis Patribus temere imponere, dum comminiscitur Zosimū rescripisse Africanis, *ex decreto Synodi Nicænæ Pontificem appellandum æcumenicum: & Patres Africanos postquam receperunt exempla Nicæni Concilii ex Oriente, respondisse se tale nomen ipsi nolle tribuere, quod à generali Synodo decretum minime fuerit: Quæ verba, vanitatem atque imperitiam istius hominis produnt: sed relictis futilibus conjecturis Belarmini, pesequamur alia ejus argumenta.*

XVI. Quinto ratiocinatur, videri admodum probabile in Concilio Nicæno non fuisse expresse hos tres Canones Sardicos de quibus agitur: sed à Zosimo & Bonifacio PP. ideo appellari Canones Nicænos, quia Concilium Nicænum & Sardicense pro uno atque eodem habebantur: & utriusque Concilii Canones simul conjunctos legi in Bibliotheca Romana tanquam ejusdem Concilii; atque hujus rei ignorance Patres Africanos conturbasse. Subjungit decretum de Appellando ad Romanum Pontificem implicite atque obscure contineri Canone vi. Nicæni Concilii, quo jubetur antiquas consuetudines servari: quarum

quarum consuetudinum una est de Appellationibus, ut patet ex Leone Magno Epistola 89. & Epistola Julii apud Athanasium Apologia secunda. Urget etiam Canones Sardicos legi conjunctos cum Nicænis in Concilio Nicæno, quod Dionysius Exiguus ante mille annos ex Græco convertit : cujus pariter exemplum extat in monasterio sancti Wedasti Atrebatensis. Hæc Bellarminus, à quo similiter Baronius non dissentit Tomo tertio, ad annum 325. numero 158, & sequentibus.

Verum hæc collectio quinque constat partibus : Prima est, Nicænam & Sardicam Synodum pro una atque eadem haberi : quod falsissimum esse supra ostendimus, in Analysis rationum auctoris præfationum historicarum. Secunda, quod Nicæni & Sardici Canones conjunctim reperiantur in Vaticana Bibliotheca, tam exigui est momenti, ut nullam responsionem desideret : multo autem plus habiturum erat ponderis, si Bellarminus probare potuisset, istam conjunctionem Canonum repertam & expromptam ex Ecclesiarum Orientalium Charthophylaciis, & missam Patribus Africanis : qui Epistola ad Cœlestinum PP. diserte & sine ullis ambagibus, Canones Sardicos nihil plane ad Nicænos spectare ita docent : *Illud quod pridem per Coëpiscopum nostrum Faustinum tanquam ex parte Nicæni Concilii exinde transmisistis, in Conciliis verioribus, quæ accipiuntur Nicæna à sancto Cyrillo Coëpiscopo nostro*

I 5

Ale.

*Alexandrina Ecclesiæ, & à venerabili Attico Constantinopolitano Antistite ex authentico missis, non potuimus reperire.* Verum de his plura in historia Concilii Carthaginensis. Tertio, quod Bellarminus infert obscure atque implicite, decretum de Appellationibus ad Sedem Apostolicam contineri Canone vi Nicæno: æquivocatione laborat: si enim de Appellationibus ex toto orbe Christiano, imo de toto Occidente intelligit, hoc negamus, & negatio nostra analysi Epistolæ Patrum Africanorum ad Cœlestinum Papam comprobatur, ut statim demonstrabimus. Si autem sermo est de Ecclesiis suburbicariis secundum jus commune: fateor jus esse appellare secundum ea quæ supra docuimus in explicatione quinti Canonis Nicæni. Idemque est iudicium de aliis Metropolitanis & Patriarchis respectu Ecclesiarum sibi subjectarum. Quando autem jus appellandi ad Patriarcham introductum sit, explicabitur in historia Synodi octavæ. Enim vero ex disciplina Canonibus Nicænis præscripta, in more positum erat singulis Metropolitanis nascentes controversias Synodis particularibus decidere, nec quicquam motu aut spiritu privato & oligarchico statuere: eamque ob causam bis annuatim habebantur sacri conventus ex præscripto Canonis v. Nicæni: sicque est intelligendus Leo Magnus Epistola laudata à Bellarmino. Quod si Leo amplius, ut sæpe facit, jus suum extendat,



tendat, terminos à majoribus positos conturbat : quare non est ei auscultandum, sed Canonibus Nicænis, quos Patres sexti Concilii Carthaginensis interpretantur, nobisque indubitatam Ecclesiæ primitivæ disciplinam consignant. Supra docuimus quæ hodie contra jus commune patrantur, non vim habere ratione monarchiæ absolutæ Papæ : sed ex communi Ecclesiarum consensu, quæ se ita regi patiuntur, quasi regiminis Apostolorum & consuetudini Ecclesiæ primitivæ immemores : nam defuetudine leges abrogantur : ita tamen ut jam dixi, situm in potestate Ecclesiæ à forma hodierni regiminis ad apostolicum & jus commune tanquam ex importuno atque molestissimo diversorio in nativam & amœnissimam domum redire : si modo id per bona temporalia ecclesiastica liceat : quibus ut homines affluent, sæpe omnia divina atque humana jura violant. Quarto, Epistola Julii PP. nullo modo causæ Bellarmini patrocinetur cum diserte doceat, Julium quicquid egit in causa S. Athanasii, synodice & secundum Canones, non potentatu monarchico peregrisse : deinde absolute negatur Bellarmino S. Athanasium appellavisse Romam. Quinto, Codex Dionysii Exigui Bibliothecæ Monasterii Sancti Wedasti nulla in re est cum Moguntino comparandus : tum quia ille apocryphus, hic autem publici juris factus est anno 1525. contra Lutheranos, & Canon Ecclesiæ

clesiæ universalis plane congruit: habetque à Gregorio XIII auctoritatem in Præfatione decreti Gratiani jussu ejusdem Gregorii editi: hercle, ego miror doctissimum Theologum Bellarminum tam futilibus uti potuisse conjecturis ad dogma fidei, ut prætexunt, confirmandum: dogma, inquam, fidei, quoniam omnes animi vires intendunt, ut persuadeant Papam jure divino esse Monarcham absolutum Ecclesiæ: atque ex toto orbe Christiano appellationes ad sedem Romanam deferri oportere: & hæreticos esse qui hoc negant. Quæ criminatio mihi potissimum incentivo fuit, ut de justo regimine Ecclesiæ quod Christus instituit, & Apostoli propagarunt, multos libros lucubrarem.

Sexto perhibet, nisi Sardicense Concilium pro appendice Nicæni habeatur, nullam posse reddi rationem, cur inter Concilia generalia non numeretur: quoniam deberet dici secundum Concilium generale, cum sit universale & receptum: at non vocatur secundum Concilium generale, quia nihil novi quoad fidem in illo statutum est: sed solum fides Nicæna roborata est. Respondeo jam hinc satisfatum Argumento in Analyfi rationum Auctoris præfationum historicarum.

Sptimo, Patres Carthaginenses nunquam statuisse ut nullum jus Romano Pontifici in Africam tribueretur, vel ut non liceret ullo modo Episcopis Africæ ad Romanam Ecclesiam

fiam provocare : nam tale decretum nusquam extat. Imo Africani Patres in Epistolis ad Bonifacium & Cœlestinum suam concordiam & subjectionem ad sedem apostolicam apertissime testantur.

Rependo , Patres Africanos revera primatum sedis apostolicæ agnoscere , & revereri , ut par est ; id est , in ordine ad regimen aristocraticum : contra vero absolutam damnasse monarchiam : tum *ubi prohibent transmarina judicia* : tum , *nequis primæ sedis Episcopum , principem sacerdotum , aut summum sacerdotem vel aliquid ejusmodi nominet* : tum denique *ubi seculi typhum minime intromitti oportere in Ecclesiam decernunt* , ut infra pluribus ostendetur. Ad hæc faciunt quæ Balsamo habet in trigesimum primum Canonem Synodi Carthaginensis , quo judicia transmarina prohibentur : *Nota ex eo , quod se frustra jactant qui sunt Romana Ecclesie , dicentes , eam debere de omnium Ecclesiarum quæstionibus per Appellationem decidere. Si enim ei non permittitur Appellationes eorum qui sunt in Africa examinare , multo magis hoc jus non habebit in alias regiones* , inquit.

XVII. Octavo urget , post diffidium inter Romanam & Africanam Ecclesiam super Apiarii presbyteri restitutione , natum atque sopitum , vivente Cœlestino PP. Antonium Fussialensem Episcopum , Divi Augustini discipulum , cum fuisset synodice abdicatus , appellasse

pellasse ad sedem apostolicam, ut auctor etiam est Baronius Tomo quinto anno 419. atque B. Augustinum his verbis scripsisse ad Cœlestinum Epistola ducentesima sexagesima prima : *Collabora nobiscum pietate, venerabilis Domine beatissime, & debita charitate suscipiende Sancte Papa : & jube tibi quæ directæ sunt omnia recitari.* Et infra : *Existat exemplo ipsa sede Apostolica judicante vel aliorum judicata firmante.* Idque argumento esse dicunt, Pontifices Romanos, non obstante Epistola Synodica quam Cœlestino PP. in sexto Concilio Carthaginiensi scripserant, non destitisse cognoscere de causis atque appellationibus transmarinis Afrorum.

Oppono, hoc exemplum potius silentio obrui, quam à Bellarmino & Baronio commemorari debuisse, quoniam ad viam facti non ad quæstionem juris attinet: demonstratque per quos & à quibus juris communis & Canonum corruptela extiterit. Quæcumque enim jus commune labefactant, & contra consensum ordinariorum geruntur, ad viam facti pertinent. Res sic habet, Antonius Episcopus Fussalensis vitæ profligatissimæ, cum in Synodo 2. Canones relicto ei honore & titulo Episcopatus functionibus ecclesiasticis interdictus fuisset, Romam habuit perfugio, estque à Cœlestino ad communionem: rumorque percrepauerat in Africa illum militari manu in sedem suam restituendum mandato

Cœ-

Cœlestini: quod cum S. Augustinus pertimesceret, videretque nihil loci amplius relinqui juri communi, & Canonibus Nicænis, quoniam via facti perfringerentur; neque se habere quod in contrarium opponeret: tandem Cœlestinum etiam atque etiam obsecrat, ut causam illam examinet, nec patiatur via facti Antonium restitui: *Judicia, inquit, civibus Fusalanis, & publicas potestates, & militares impetus tanquam exequutores apostolicæ sedis sententiæ, sive ipse Antonius, sive rumores creberrimi comminentur, ut miseri homines Christiani Catholici graviora formident à Catholico Episcopo, quam cum essent hæretici à Catholicorum Imperatorum legibus formidabant.* Hucusque Augustinus, qui Fusalenses ad fidem Catholicam converterat, eisquæ istum Antonium monachum & discipulum suum, cum eum non bene nosset, dederat Episcopum: cujus facti postea Augustinum valde prænituit. At vero cum Romani Pontifices partim ratione primatus sedis apostolicæ, partim ob urbis dignitatem, quæ sedes erat Imperii, sibi propinquos & faventes haberent Imperatores Romanos, facile ab eis impetrabant, ut Præfectis Provinciarum scriberent, quatenus via facti exequutioni mandarent, quæcumque Romanus Episcopus statuisset: siquidem Imperatores hoc etiam ad Imperii Romani Majestatem attinere ducebant. Unde legimus, postquam Paulus Samosatenus Episcopus Antiochiæ synodali judicio,

dicio, propter hæresim est exauctoratus Aurelianus Imperatorem, quamquam Ethnicum, sententiam Episcoporum Italiæ mitti iussisse in rem judicatam, ut testis est Eusebius lib. septimo cap. 24. Historiæ. Similiter Valentinianus Cæsar imperavit Constitutionem Leonis Magni adversus Hilarium Arelatensem exequi, ut videre est in Codice Theodosii Titulo 24. de qua re infra. Et hinc perspicuum redditur, permulta privilegia sedis Romanæ, ob Urbis atque Imperii Majestatem accessisse, quæ illi jure divino non debebantur. Porro quod narrat Baronius Antonium Fussalensem Episcopum pro gravamine sententiæ Patrum Africanorum contra se objecisse, *aut se in sua Cathedra sedere debuisse, aut Episcopum esse non debuisse*: quasi contradictionem involveret aliquem abdicari functionibus ecclesiasticis & honorem Episcopatus retinere: Respondeo, Patres Africanos hac in re auctores habuisse Prælatos Nicænos adversus Meletium Episcopum Lycopolitanum, quem muneribus Ecclesiasticis privarunt & tamen dignitatem Episcopi reliquerunt, ut superius notavi in Historia Concilii Nicæni. Et hæcenus de Concilii Sardici historia; reliqua quæ ad eam rem conferunt enodabuntur in sexto Concilio Carthaginensi infra. Cardinalis Perronius lib. 1. Responsionis ad Regem Magnæ Britanniæ cap. 53. quod est conceptum *de Sardico Concilio*, circa medium, probare

bare vult Canones Sardicos inferi æqualiter inter alios Canones Græcæ Ecclesiæ: idque confirmat ex Synagoga Canonum Theodoretæ Episcopi Cyri, quæ Græcè extat in Bibliotheca regia cum hac in scriptione; συναγωγή

Κανόνων εἰς ν. τίτλους διηρημένη πρὸς Θεοδορίτου ὁπισκίτου Κόρυ.

Id est, *Synagoga sive Collectio Canonum redacta in quinquaginta Titulos per Theodoretum Episcopum Cyri*. Subjungit, stilum & formam scribendi plane congruere Theodoretæ stilo: ex quo infert, Canones Sardicos in usu fuisse apud Græcos tempore Theodoretæ, qui Synodo primæ Ephelinæ, & Chalcedonenſi interfuit. Verum ego Codicem illum Græcum Bibliothecæ regiæ vidi atque revolvî diligenter, in quo tres continentur Collectiones Canonum Græcorum. Prima est auctoris anonymi, secunda editur sub nomine Theodoretæ; tertia sub nomine Simeonis Magistri Logothetæ. Ut enim varias Canonum Collectiones Latinè à Burchardo, Anselmo, Ivone, Gratiano & aliis concinnatas habemus, sic apud Græcos varii auctores Synagogas Canonum scripserunt: & quemadmodum Gratiani Collectio supra alias obtinuit, ita etiam Nomocanon Photii & Balsamonis, aliis Synagogis Græcorum prævaluit. In prima Synagoga auctoris Anonymi folio 1. extant Canones Apostolorum: folio 5 verso, Canones Nicæni: folio 9 verso, Ancyranî Concilii folio 11 verso, Neocæsariensis: folio 12 verso, Sardicenis

dicensis Synodi *τοπικῆς*, = sic enim appellatur ad distinctionem œcumenicorum Conciliorum, & ita patet non esse œcumenicam : folio 16 verso, Gangrensis: folio 18 verso, Antiochenæ Synodi: folio 22. Laodicenæ: fol. 25 recto & verso, Constantinopolitanæ: fol. 27 verso, Ephesinæ: fol. 31. Chalcedonenfis: deinde fol. 35 verso, sequuntur Canones Gregorii Episcopi Neocæsariensis Thaumaturgi: & fol. 39. & sequentibus plures leguntur Epistolæ Basilii Episcopi Cæsariensis Cappadociæ. Denique Canones Conciliorum Africanorum claudunt hanc primam Synagogam. Secundo loco occurrit Synagoga quæ Theodoro to tribuitur fol. 102 recto, cum hoc Titulo: *Synagoga Canonum redacta in quinquaginta Titulos per Theodoretum Episcopum Cyri*: deinde eodem folio verso, ad calcem, recensentur Canones & concilia hoc ordine, ita ut primo fiat mentio octoginta quinque Canonum SS. Discipulorum & Apostolorum: qui numerus 85 præscribitur Canone 2. Synodi in Trullo: deinde folio 103 recto, numeratur Synodus Nicæna habita in consulatu Paulini & Juliani: tertio loco Ancyranum, quarto Neocæsariense, quinto Sardicense Concilium, habitum post primam Synodum Nicænam: sexto Gangrense, septimo Antiochenum, octavo Laodicense, nono Constantinopolitanum primum, decimo Ephesinum, undecimo Chalcedonenfe, duodecimo sequuntur



quuntur aliquot Canones collecti ex Basilio. Et hæc est Summa Conciliorum & Canonum ex quibus illa Synagoga collecta, & redacta est in quinquaginta Titulos. Postea sequuntur Tituli aliquot collecti ex Nicæna, Constantinopolitana & Ephesina Synodo, fol. 103. recto : deinceps fol. 104 recto, hi occurrunt Tituli : Primus de Privilegiis Patriarcharum, ex Canone VI & VII. Nicæni, secundo Constantinopolitani, tertio & septimo Canone Ephesini Concilii. Secundus Titulus est de Privilegiis Metropolitanorum, laudaturque Canon xxxiv Apostolorum & ix Synodi Antiochenæ, & ita deinceps procedit, ac identidem auctor hujus Synagogæ laudat Canones Apostolorum : quos constat nunquam adnumeratos Codici Canonum Ecclesia universalis, quo Patres Ephesini & Chalcedonenses, aut etiam Romana Ecclesia usa est tempore Dionysii Exigui. Ex quo inducitur necessario illos venisse ad notitiam Græcorum post Synodum Chalcedonensem, & Theodoretum vita functum, quia jam erat ætate provectior in Synodo Chalcedonensi. certè in Epistola Zepherini Papæ fit mentio *Constitutorum ab Apostolis* : quod recentiores interpretantur de Canonibus Apostolorum : sed illa Epistola est supposititia, & ex earum numero quæ Synodum Nicænam præcesserunt. Certumque mihi est Canones Apostolorum ab aliquo conditos & collectos tem-

pore Gelasii Papæ, partim ex omnibus generalibus & provincialibus Conciliis, partim ex quibusdam privatis ritibus nonnullarum Ecclesiarum vel ex disciplina monachorum. Nam primus omnium auctorum indubitatorum, Gelasius Canonum Apostolicorum meminit, *Dist. 15. Can. Sancta Romana*, quos tamen reponit inter libros Apocryphos; neque de illorum numero quicquam statuit: unde arbitror ab eo tempore plane vagos atque erraticos fuisse. & usque ad Synodum quinisextam in Trullo, per manus hominum absque ulla auctoritate decurrisse, tandemque à Patribus Trullanis ad numerum octuaginta quinque receptos, sicut Canone 2. Trullanæ Synodi legitur. Ex quo inimus, hanc Synagogam post quinisextum Concilium Trullente factam, id est, amplius centum annis post Theodoretum vita functum. Quo circa scriptorum vitio, in Titulum hujus Collectionis irrepsisse errorem, & pro Theodoro Cyri Episcopo scribendum forte Theodorum censeo: quia legimus quendam Theodorum Lectorem Canones collegisse, cujus meminit doctissimus Cujacius *ad Novellam Justiniani 79. de Monachis qui olim venire in forum compellebantur ex Constitutione Leonis. L. Omnes. Cod. de Episcopis, & Clericis*. Utut sit, compertum habeo Theodoretum Cyri Episcopum non esse auctorem hujus Synagogæ, sed alium forsan ejusdem nominis. Quod vero

Per-

Perronius stilum & formam scribendi Theodoreti urget, levius est quam ut nos morari debeat, quia stilus Synagogæ istius est valde interruptus ob frequentes Titulos; neque ex prologo exiguo florentissimus Theodoreti stilus dignosci potest: & quamquam aliquis rationem eminentem scribendi Theodoreti fuisset imitatus, tamen hoc quod vult Perronius minime efficeret Chronologia repugnante: nemo enim versatus est in lectione Conciliorum, qui non prima fronte videat Canones, qui tribuuntur Apostolis, quingentis circiter annis post Apostolos fuisse ab aliquo ex iis collectos, quæ in Ecclesiæ disciplina & ritibus privatis observabantur: ut jam docui. Insuper retundi potest Perronius, quoniam certum est apud æquos iudices, tabulas, nisi publicæ, indubitæ & omnibus notæ ac perspectæ sint, nullam fidem facere posse.

#### C A P U T IV.

- I. *De Concilii Antiocheni Historia, ejusque Canones esse legitimos, & ab Ecclesia Catholica approbatos.*
- II. *Baronti & Severini Binis argumenta contra Synodum Antiochenam depelluntur.*
- III. *Canones Antiochenos omnium maxime necessarios esse ad Canonum Nicanorum explicationem, & disciplinam Ecclesiasticam optime constituendam.*

I. **Q**Uamquam Synodus Antiochena tempore Sardicum Concilium præcedat: tamen de hoc prius tractandum censui ut demonstrarem, falso à Recentioribus Sardicam

pro Appendice Synodi Nicænæ venditari. Porro Antiochenum Concilium celebratum est quæsitâ ab Arrianis occasione ex Encænii templi quod Constantinus Magnus Antiochiæ ædificari voluerat : quo perfectô jussu Constantii Cæsaris dedicatum est circa annum CCCXLI. Cui Dedicationi nonaginta septem aut novem Episcopi, partim orthodoxi partim Arriani interfuerunt ac inter sese communionem inierunt Arrianis hæresim suam occultantibus seque orthodoxos profitentibus. Quocirca specie pacis constituendæ in Ecclesia, occasionem habendæ Synodi tribus de causis captant ut jam docui superius : prima fuit ut formula fidei conderetur pro explicatione Symboli Nicæni: secunda ut de S. Athanasio exturbando ageretur : tertia ut Canones pro disciplina melius ordinanda sciscerentur : Catholici autem qui Arrianos numero vincebant, de Canonibus condendis duntaxat convenerunt, & revera permultas optimas & sanctissimas regulas pro Canonum Nicænorum explicatione statuerunt: quæ communi Ecclesiæ Catholicæ consensu tandem receptæ atque in Codicem Canonum Ecclesiæ universalis conjectæ sunt. Hoc enim claret primum ex priore Synodo Ephesina, parte secunda, actione septima, fol. quadringentesimo nonagesimo septimo editionis Romanæ : & Tomo secundo cap. 4. Collectionis Binianæ in appendice : *Sancta Synodus dixit, memor sit Sancta Synodus*.

Ca-

*Canonis sanctorum Patrum in Nicæa congregatorum qui conservat unicuique Ecclesie priscam dignitatem : sic etiam memor sit ANTIOCHIÆ. Docete igitur an non jus ordinandi ex more veteri apud vos habeat Antiochenus, &c.* Verum quod Patres Ephesini dicunt Canones Nicænos & Antiochenos debere in memoriam revocari, sextum Canonem Nicænum intelligunt de quo supra; deinde nonum, decimum tertium & vigesimum secundum Antiochenum, quibus dilerte docetur *unumquemque Episcopum suis parochiæ terminis se continere, nec in alienas parochias debere invadere*: de quibus Canonibus infra. En igitur primum argumentum pro Canonibus Antiochenis, nimirum quod Ecclesia eos receperit & laudentur à prima Synodo Ephesina.

Secundum ducitur ab actione undecima Synodi Chalcedonensis, ubi Leontius reverendissimus Episcopus Magnesiæ ex Codice Canonum Ecclesiæ universalis regulam nonagesimam quintam & nonagesimam sextam, hoc est decimum sextum & decimum septimum Canonem Synodi Antiochenæ in hunc modum recitavit : *Si quis Episcopus vacans super Ecclesiam vacantem semet ipsum injiciens, surripuerit sedem præter perfectum Concilium, hunc expellendum esse, licet omnis populus quem arripuit eum elegerit. Perfecta vero Synodus illa est cui interest Metropolitanus*: Ecce prior Canon Antiochenus: posterior autem : *Si quis Episcopus ordinationem acceperit Episcopatus, & populo præesse decretus non*

*acquieverit ordinationi, neque ei persuasum fuerit proficisci ad Ecclesiam sibi commissam, hunc excommunicatum esse donec coactus acquiescat, aut quicumque de eo Episcoporum provinciae Synodus perfecta definiat.* Qui duo Canones, eodem similiter ordine & numero citantur in Codice Canonum Dionysii Exigui: quo ante Gratiani decretum Romana Ecclesia utebatur. Idque argumento est certissimo, & universalem Ecclesiam in Conciliis generalibus, & Romanam usam fuisse Canonibus Antiochenis velut sanctissimis & canonice factis.

Tertium argumentum petitur à Synodo prima Aquisgranensi habita anno 816. cujus Synodi septuagesimus quartus Canon duodecimum Canonem Antiocheni Concilii integrum refert: laudaturque etiam à Gratiano 21 quaestione 5. Can. *Si quis à proprio Episcopo depositus presbyter vel diaconus, aut etiam si à Synodo quilibet Episcopus fuerit exauctoratus, molestiam Imperialibus inferre non presumat, sed ad maiorem Episcoporum Synodum sese convertat: Et quae se putat habere iuxta in eorum Concilio alleget: atque ab his de se expectet quae fuerit deprompta sententia. Quod si deficiens pusillanimitate hoc noluerit facere, sed importunus fuerit Imperatori, huiusmodi nullam veniam habeat, neque locum ullius assertionis suae, nec spem recipiendi gradus habeat in futurum.* Quam regulam objiciunt factam adversus S. Athanasium, sed immerito, quoniam ejus causam valide armat, ut statim ostendat.

stendetur. Ex quo effectum est, ut hic **XII** Canon Antiochenus integer atque illibatus fuerit relictus in decreto Gratiani auctoritate Gregorii **XIII** recognito, absque ulla nota vel admonitione: jure quidem, quoniam omnino conformis est disciplinæ primitivæ Ecclesiæ, Canonibus Nicænis præscriptæ, & sexto Concilio Carthagenensi explicatæ ac confirmatæ.

Quarto, Leo IV. PP. *Can. de Libellis Dist. 20.* inter Canones Conciliorum *per quos judicant, & judicantur* Episcopi, Antiochenos Canones enumerat: unde etiam Gratianus multis in locis eosdem conjecit in suum decretum. Consule *Dist. 16. Can. Prima adnotatio.*

Quinto, Antonius Augustinus, Archiepiscopus Tarraconensis, vir doctissimus, & in lectione Conciliorum ac Patrum antiquorum versatissimus, lib. primo de emendatione Gratiani, dialogo **XI**. hæc de Canonibus Antiochenis docet: *Cur Canones Antiocheni recepti sint, cum Arrianos illos Episcopos auctores habent, non possum causam dicere: sed receptos esse constat, & in corpore Canonum positos ante Concilium Chalcedonense, ut in ejus Concilii actione XI. Græcis, Latinis XI. apparet: & ex libro etiam Latino, quem eodem nomine Corpus Canonum dicimus: quem aperte Leo IV in Epistola ad Episcopos Britannie approbat: id constat ex aliis multorum testimoniis, præsertim Paschalis XI. in Concilio Romano, fortasse propter decretorum utilitatem.* Hæc vir doctissimus. II. Con-

II. Contra hæc Severinus Binius ex annalibus Baronii anno Christi 341. quatuor præsertim objicit, ut probet Canones Antiochenos spurios esse. Primum Patres Chalcedonenses non ex Codice Antiocheni Concilii, sed ex alia collectione pridem ante communi Ecclesiæ auctoritate facta & probata citasse 95 & 96 regulam. Secundo, Canonem XII Antiochenum factum contra S. Athanasium: *Hic est ille Canon, ait Binius, quem adversarii Chrysofomo objecerunt: quemque ille ab Arrianis sancitum meritoque per Sardicense Concilium plane sublatum esse respondit: rem gestam enarrat Socrates, libro 6. cap. 16.* Tertio, Innocentium I Epistola ad Clericos Constantinopolitanos in causa Chrysofomi de eodem Canone Antiocheno scripsisse: Canones qui à Canonibus Nicænis discrepant, & ab hæreticis compositi esse deprehenduntur, ab Episcopis Catholicis rejici, neque iis esse obtemperandum: sed eos contemnendos quomodo antea in Sardicensi Concilio ab Episcopis prædecessoribus nostris factum est. Quartum infert Gratianum non debuisse memoratum Canonem XII in suam collectionem inferere. Hæc sunt argumenta quibus Binius in notis ad Synodum Antiochenam efficere vult Canones Antiochenos plane rejici oportere.

Verum tamen frustra laborat, quoniam tam certum quam quod certissimum est, Canones Antiochenos probatos atque receptos fuisse ab



ab Ecclesia Catholica : merito quidem, cum in nullo alio Concilio, vix unquam utiles ad optime constituendam disciplinam Ecclesiasticam conditi fuerint : quæque in contrarium opponuntur à Baronio, futilia, eoque sine inventa sunt, ut jus commune & regimen aristocraticum Ecclesiæ, quod Antiochenis Canonibus clarissime explicatur & munitur, proclivius convellatur, & absoluta monarchia asseratur. Ad primum, mera est petitio principii imaginaria, cui si detur locus, simili commento illudi poterit Canonibus Nicænis. Enim vero cum omnium consensu collectio Codicis Canonum, qua de agitur, exordium faciat à Nicænis Canonibus propter Synodi Nicænæ excellentiam: dato quod aliquis laudetur Canon Nicænus, opponi atque excipi poterit, eum non à Nicæna Synodo, sed ab alia antiquiore collectione pridem ante communi majorum auctoritate facta robur habere: quod est ridiculum effugium. Certe cum solenne sit Baronio, bellum omnibus Canonibus & Scriptoribus indicere, quos putat aristocratico regimini Ecclesiæ & disciplinæ apostolicæ patrocinari : nullo versor in dubio, quin si aliquam vel tenuissimam rimam potuisset nancisci, qua Nicænos Canones dubios atque incertos redderet, eam avidissime invaderet, ut suæ absolutæ monarchiæ velificaretur : in cujus rei confirmationem ea promi possunt quæ de Nicænis Canonibus combustis

stis & Arabicis nuper inventis comminiscuntur.

Ad secundum oppono, tria rerum capita in Synodo Antiochena tractata fuisse : quorum primum ad fidei Nicænæ explicationem & evolutionem, secundum ad S. Athanasii expulsionem, tertium ad sanctionem Canonum pertinebat : atque ex his tribus capitibus Ecclesiam Catholicam duo priora rejecisse ac tertium dumtaxat amplexam, ut jam supra docui. Quod autem Binius & Baronius instant, Socratem narrare Chrysostomum Leontio Episcopo dixisse Canonem XII Antiochenum factum ab Arrianis contra S. Athanasium : tria respondeo : Primum, esse verosimile, tempore B. Chrysostomi nondum Canones Conciliorum compactos fuisse in unum corpus & codicem, ac certis numeris distinctos, & consequenter Ecclesiam Catholicam Antiochenos Canones minime adhuc approbasse vivente S. Chrysostomo : hoc enim dehinc factum arbitror circa tempora primæ Synodi Ephesinæ : à qua ut supra docui Antiocheni Canones laudantur : qua responsione vastissimus Baronii impetus omnino ruit. Secundo notandum, Patres, Tertullianum, Athanasium, Hieronymum, Chrysostomum & alios (S. Augustinum & Basilium mitissimo ingenio præditos excipio) sæpe calente ingenio inter altercandum cum adversariis nonnulla dicere quæ pro veris aut dogmaticis nequaquam haberi,

beri, sed considerate examinari & capi debent : cujusmodi hæc est Chrysoſtomi & Leontii velitatio. Tertio contendo Canonem **xii** Antiochenum, ſi ut oportet capiatur, neque ulla in re Canonibus Nicænis, neque etiam B. Athanaſii aut Chryſoſtomi cauſæ incommodare, imo vero eam plurimum juvare. In primis autem non repugnare Canonibus Nicænis ideo exſplendescit, quod Patres Nicæni Canone v ſtatuunt, omnes controverſias ſecundum jus commune illic audiri atque deſiniri oportere ubi naſcuntur : & illos qui alicujus judicio offenſi fuerint, poſſe ad provincialem, & à provinciali ad generalem Synodum appellare : ut ſupra oſtendimus, atque amplius probabitur in hiſtoria Synodi ſextæ Carthaginiſis. Præterea ex eadem diſciplina Canonum, quando regularia, hoc eſt pure eccleſiaſtica tractantur, neque Imperator, neque laici debent Synodis intereſſe ut demonſtrabitur in Synodo Chalcedonenſi. His autem duabus conditionibus Canonem **xii** Antiochenum quadrare nemo niſi ceritus negare poteſt : ex quo inſurgit, Patres Antiochenos hoc Canone neque potuiſſe neque voluiſſe impedire quo minus damnati in Synodo particulari ad ampliorem & majorem Synodum provocarent : cum idem Canon hoc nominati medicat. Denique cum iidem Patres Antiocheni tenerent Synodum Nicænam indiſtam fuiſſe auctoritate Conſtantini Magni, & An-

& Antiochenam Constantii filii, qui eidem quoque ut præses intererat : profecto rationi repugnat illos voluisse interdicere Imperatoribus quo minus sua auctoritate Synodos indicerent : cum experientia doceat contrarium. Quid ergo sibi volunt Patres Antiocheni prohibentes damnatum in Synodo molestiam creare auribus Imperatorum? &c. hoc nimirum, ne contra Canones Imperator sese regularibus immisceat : & ne via facti abdicatos in Synodo absque Synodo restituat. Quocirca nunquam Orientales acquieverunt in facto S. Athanasii priusquam esset restitutus Synodo Sardica : & hoc clarissime demonstrat veram Canonis xii Antiocheni explicationem : ad cujus normam Synodus Sardica indicta & celebrata est. Idemque pariter est iudicium de B. Chrysostomo, quem Socrates libro 6. cap. 14. memorat *provocasse ad generale Concilium, & revocatum ab Imperatore : nec prius urbem ingredi voluisse quam coram majoribus iudicibus suam innocentiam probasset : attamen violentia populi seditionem agitantis, coactum fuisse concionari & sacra celebrare.* Unde, cum per Chrysostomum non steterit quo minus ejus causa canonice in Synodo tractaretur, idque exoptaret, & eam ob causam ad Synodum generalem provocarit: certe adversus Leontii Episcopi calumnias se validioribus argumentis tutari poterat, quam repudiatione Canonum Antiochenorum qui ejus causæ opitulabantur.

tur. Sed, ut dixi, quæ æstu animorum altercando dicuntur, non semper veritate nituntur. Accedit ut jam monui, tempore Chrysostomi Canones Antiochenos nondum in corpus Canonum compactos atque receptos fuisse ab Ecclesia Catholica, quod ego probabilius existimo. Cæterum Binius de suo ingenio attexit, Chrysostomum respondisse Leontio, Canonem Antiochenum merito per Synodum Sardicam sublatum fuisse; hoc enim Chrysostomum dixisse neque Socrates nec quisquam alius refert, quod sciam.

Quartum argumentum de Gratiano, quod in suam collectionem non debuerit Canonem XII Antiochenum conjicere, levius quidem est quam ut nos morari debeat : sicut etiam quod in nupera editione Conciliorum Romæ facta, ex Baronii sensu Canones Antiocheni abradantur.

III. Equidem hic cogor iterare quod jam dixi, in ulla Synodo, nullos Canones ad melius ordinandam Ecclesiæ disciplinam & Canonum Nicænorum explicationem quam in Antiochena conditos fuisse : quod ut pateat, illos hic breviter percurram & cum regulis Nicænis comparabo. Primus Canon Antiochenus pertinet ad celebrationem Festi Paschæ die Dominico, sicut Nicæno Concilio edictum erat.

Secundus Canon quintam regulam Nicænam interpretatur qua parte pronunciat illos  
qui

*qui excommunicati sunt ab una Ecclesia non debere ab aliis Ecclesiis admitti.* Unde Patres Antiocheni statuunt, *Si quem contigerit ex Episcopis vel Presbyteris vel Diaconis, communicare excommunicatis, eos quoque in excommunicationem incurrere propterea quod Canonem Ecclesie confundant* : quo pariter quartum & sextum Canonem Antiochenum adgregabis.

Tertius Canon decimam quintam regulam Nicænam evolvit de translatione Episcoporum aut Presbyterorum : omnesque omnium ordinum Ecclesiasticos cogit in ordinem. Vide infra Canonem **XIII** & **XXII**.

Quintus Canon vetat sodalitia, congregationes, oratoria, vel altaria usquam erigi absque Episcopi diocesani consensu : & consequenter absolutam Papæ monarchiam damnat.

Septimus & octavus Canon agit de literis pacificis, formatis, commendatitiis, & canonicis : cæterum Canone **XXXI** Apostolorum Balsamo hoc discrimen adsignat inter literas *Commendatitias* & *Dimissorias*, quod illæ essent quibus constabat aliquem esse initiatum vel donatum sacris : hæ autem quibus habebant com meatum ab Episcopo ut sacrificarent in aliena parœcia : vide notas ejusdem Balsamoni ad Canonem **XLII** Laodicenæ & **XI** Synodi Chalcedonenfis.

Canon nonus mirifice conducit ad intelligentiam sextæ regulæ Nicæni Concilii de Pri-

Primatiarum atque Metropolium definitione, sicque concipitur: *Episcopos qui sunt in unaquaque provincia scire oportet Episcopum qui praest metropoli, etiam curam suscipere totius provinciae: eo quod in metropolim undequaque concurrunt qui habent negotia. Unde visum est eum quoque bonore precedere: reliquos autem Episcopos nihil magni momenti aggredi sine ipso: ut vult qui ab initio obtinuit Patrum Canon: vel sola quae ad uniuscujusque parochiam conferunt, & regiones quae ei subsunt: unumquemque enim Episcopum habere sua parochiae potestatem & administrare pro unicuique conveniente religione: & totius regionis curam gerere, quae suae urbi subest. Ut etiam ordinent presbyteros & diaconos & unaquaque cum iudicio tractent, & nihil ultra facere aggrediantur, sine metropolis Episcopo, neque ipse sine reliquorum sententia.* Haecenus Canon Antiochenus quo funditus absoluta Curiae Romanae monarchia perit, & Aristocraticum regimen defigitur.

x Canon Chorepiscopos in ordinem cogit, eisque inter alia prohibet ne ordines absque consensu Episcopi sui conferant, ex quo colligitur illis consensu Episcopi licuisse ordines conferre.

xi Prohibet Episcopum aut presbyterum absque sententia & literis Episcoporum provinciae, & praesertim Metropolitanis proficisci ad Imperatorem sub poena abdicationis: si autem esset ipse Metropolitanus qui ad Imperatorem proficisceretur, debebat impetrare à

Synodo provinciali literas commendatitias. Porro hic solus Canon videtur factus contra S. Athanasium, eo quod post Synodum Tyrenensem recta profectus esset ad Constantinum Imperatorem. Sed facilis est responsio: cum hic Canon statuatur de jure ordinario quando canonice proceditur: conventus autem Tyrensis omnia contra Canones decerneret: hercle S. Athanasio jure licebat Imperatorem adire, utque sibi jus fieret secundum Canones ab eodem postulare, quatenus in alia Synodo ejus causa de integro cognosceretur, ut tandem Synodo Sardicensi factum est; hocque quodammodo respondet appllationibus quas Galli vocant *ab abusu*, quibus ad protectionem Principis confugiunt.

XII. *Si quis à proprio Episcopo depositus, Presbyter vel Diaconus, vel Episcopus à Synodo, ausus fuit Imperatoris auribus molestiam exhibere: cum oporteat ad majorem Synodum converti, & jus quod se habere putat ad plures Episcopos referre, eorumque examinationem & judicium suscipere: qui itaque his contemptis Imperatori molestus fuerit, is nulla venia dignus, neque sui defendendi locum habeat, nec restitutionis futura spem expectet.* Hujus idem est sensus atque præcedenti Canonis: estque paulo ante in Analyfi argumentorum Bini explicatus, & merito à Gratiano in suum decretum cum Canone XI superiore conjectus.

XIII. *Nullus Episcopus audeat ab una provincia in aliam transire, & aliquos in Ecclesiis illius provincie*



*vinciæ ordinare ad sacrorum celebrationem: nec si alios una secum inducat: nisi venerit literis accersitus Metropolitanus & Episcoporum qui sunt cum ipso in quorum regionem accedit. Si autem nullo vocante ad aliquorum ordinationem & ecclesiasticarum rerum ad se non pertinentium constitutionem inordinate insolenterque processerit; sint quidem irrita quæ ab ipso geruntur, ipse autem suæ insolentiæ & præter rationem factæ aggressionis det pœnas à sanctæ scilicet Synodo exinde depositus. Cui regulæ & hæc alia concordat.*

XXI. *Episcopus ab aliâ parochia in aliam ne transeat, nec se sua sponte ingerens, nec à populis vi adactus, nec ab Episcopia coactus: maneat autem in ea quam à Deo sortitus est Ecclesia, & ab ea non recedat, secundum decretum prius de ea re editum: vide supra Canonem tertium. Et nota hæc conducere ad intelligentiam Canonis xv Synodi Nicænæ de Episcoporum translatione.*

XIV. *Si quis Episcopus ob aliqua crimina iudicetur: deinde contingat Episcopos qui sunt in provincia de ea dissentire sententia: illis quidem eum de quo fertur sententia, innocentem pronunciantibus, his vero reum: pro tota componenda controversia: visum est sanctæ Synodo, ut Metropolitanus Episcopus, ex propinqua provincia alios evocet iudicatu-  
ros, & controversiam decisuros, & cum provincia-  
libus quod probatum fuerit confirmet. XV. Si quis Episcopus aliquorum criminum accusatus, fuerit ab omnibus provinciæ Episcopis condemnatus & omnes unam consentientē adversus eum sententiam tulerint,*

*amplius ab aliis judicetur : sed provinciae Episcoporum firma maneat sententia.*

XVI. *Si quis vacans Episcopus in vacantem Ecclesiam irrumpens sedem arripuerit, absque perfecta Synodo, is sit ejectus, etiamsi omnis populus quem invasit, eum elegerit; sit autem illa perfecta Synodus cui una quoque adest Metropolitanus.*

XVII. *Si quis Episcopus accepta ordinatione & manuum impositione Episcopi, & populo praesse jussus munus non susceperit, nec ut ad sibi concreditam Ecclesiam proficiscatur persuaderi possit, is sit excommunicatus, donec coactus suscipiat vel perfecta Synodus Episcoporum provincialium de ipso aliquid decernat. De his autem duobus Canonibus dicetur actione undecima & duodecima Synodi Chalcedonenfis : quia nonagesimam quintam, & nonagesimam sextam regulam Codicis Canonum Ecclesiae universalis constituunt.*

XVIII. *Si quis ordinatus non ierit in parochiam ad quam est ordinatus, non sua quidem culpa, sed propter populi recusationem vel aliquam aliam causam quae à se non oritur; is sit & honoris & muneris particeps, dummodo nullam rebus Ecclesiae in qua convenit molestiam adferat : is autem id suscipiat quod perfecta provinciae Synodus, eo quod ad se allatum est judicato, statuerit.*

XIX. *Episcopus ne ordinetur absque Synodo, & praesentia Metropolitanis provinciae : eo autem praesente omnino melius est omnes una cum eo adesse qui sunt in provincia ejusdem muneris officique socii,*

cū; & oportet per Epistolam Metropolitanum eos convocare: & si omnes quidem accesserint bene est: sin autem hoc fuerit difficile, plures omnino adesse oportet: vel per literas, una cum illis suffragium ferre: & sic cum plurium presentia vel electione fieri constitutionem. Sin autem aliter præter hæc quæ decreta sunt fiat, non valet ordinatio. Sin autem propter suum contentionis studium contradicant, vincat plurium suffragium.

XX. Propter usus Ecclesiasticos & pro componendis controversiis recte habere visum est, ut Synodi Episcoporum in unaquaque provincia fiant bis in anno: semel quidem post tertiam hebdomadam festi Paschæ, ut quarta hebdomade Pentecostes perficiatur Synodus: Metropolitano provinciales Episcopos admonente secundam Synodum Idibus Octobris futuram: ut in his ipsis Synodis accedant presbyteri & diaconi, & omnes qui se injuria affectos putant, & à Synodo judicium assequantur: nec ullis liceat Synodos per se facere, sine iis quibus sunt creditæ Metropoles.

Cæterum hi tres Canones proxime superius positi mirum in modum faciunt ad explicationem quarti, quinti & sexti Canonis Nicæni: ita ut vere dici possit Antiochenum Concilium appendicem Synodi Nicænæ ratione Canonum quos explicat, constituere.

XXII. Episcopus in alienam civitatem quæ ei subiecta non est non ascendat: nec in regionem quæ ad eum non pertinet ad alicujus ordinationem; nec presbyterum vel diaconum constituat in locis alii E-

*piscopo subiectis : nisi cum voluntate proprii illius regionis Episcopi. Si quis autem tale quid ausus fuerit, infirma sit ordinatio, & ipse à Synodo puniatur.* Hic notabit lector, Joannem Patriarcham Antiochenum cum in Ecclesias Cypri sibi non subditas invasisset, coactum fuisse in ordinem à Patribus primæ Synodi Ephesinæ ad normam hujus Canonis, item noni, & decimi tertii, ut suo loco observatum est supra.

XXIII. *Ne liceat Episcopo alium pro se successorem constituere, etiamsi sit in fine vite. Si quid autem fiat ejusmodi, irrita sit constitutio : servetur autem ritus Ecclesiasticus, qui continet, non aliter debere fieri quam cum Synodo & judicio Episcoporum qui post defuncti dormitionem potestatem habent dignum provehendi.* O sanctissimum & saluberrimum Canonem, homines enim Prælaturis non Prælaturas hominibus confert: Tu lector si hæc cum Simoniacis resignationibus in favorem maritare velis, prima oculorum inclinatione cognosces, quare Curia Romana, postquam sacras abrogavit electiones, tanto per Antiochenos Canones exosos habuerit: ægre enim fert se vaccâ uberrimâ singulis diebus plures aureos vitulos pariente privari.

XXIV. *Recte habet, ut ea quæ sunt Ecclesia, Ecclesia servantur, cum omni & bona conscientia, & fide in omnium Præsidem & Judicem Deum:*  
qua

*quæ etiam administrari convenit cum iudicio & potestate Episcopi cui est omnis populus creditus, & eorum animæ qui in Ecclesiam conveniunt. Sint autem manifesta quæ ad Ecclesiam pertinent cum cognitione presbyterorum & diaconorum qui sunt circa eum : ut sciant & non ignorent quæ sunt propria Ecclesiæ, ut nihil ipsos lateat : ut si contingat Episcopum à vita migrare, iis manifestis existentibus quæ ad Ecclesiam pertinent, ne ea intercidant & pereant, nec quæ sunt propria Episcopi, prætextu rerum Ecclesiasticarum turbentur. Est enim iustum & apud Deum & hominēs acceptum, ut Episcopus propria quibus velit relinquat : quæ sunt autem Ecclesiæ ipsi servantur, & nec Ecclesia damnum aliquod sustineat, nec Episcopus Ecclesiæ prætextu proscribatur vel qui ad eum attingunt in negotia incidant, cum eo quod & ipsum post mortem ipse maledictionibus oneretur : à suis hæredibus scilicet, aut aliis.*

XXV. *Episcopus habeat rerum Ecclesiæ potestatem, ut eas in omnes egentes dispense cum multa cautione & Dei timore : ipse autem eorum quæ opus est sit particeps ad usus necessarios & fratrum qui apud eum hospitio excipiuntur, ut ipsi nullo modo priventur secundum divinum Apostolum qui dicit : habentes autem alimenta & quibus tegamur iis contenti erimus. Sin autem iis non sit contentus, & res in proprios usus convertat ; & Ecclesiæ redditus vel agrorum fructus non cum presbyterorum vel diaconorum sententia administret, sed suis cognatis.*

*vel fratribus, vel filiis praebeat facultates, ut per  
 hac rationes Ecclesia latenter ladanetur, is det Syn-  
 nodo provincia rationem. Sin autem etiam alias  
 insimulatur Episcopus, vel qui sunt cum eo pres-  
 byteri, quod qua pertinent ad Ecclesiam vel ex  
 agris vel ex quacumque alia causa ecclesiastica ad  
 seipsos referre, ut pauperes quidam opprimantur &  
 rationi Ecclesiae iisque qui sic administrant, crimina-  
 tio & infamia inuratur. Hi etiam correctionem asse-  
 quantur, sancta Synodo id quod decet examinante.*  
 Haecenus Patres Antiocheni. Porro, hi duo  
 postremi Canones, spectant ad usum & di-  
 spensationem bonorum ecclesiasticorum, cla-  
 reque indicant, & Papam & Praelatos non esse  
 Dominos, sed usufructuarios, aut potius usua-  
 rios Beneficiorum ut ea hodie vocant; unde  
 quarta Synodo Carthagenensi Can. trigesimo  
 primo *Episcopus rebus Ecclesia tanquam commen-*  
*datis, non tanquam propriis uti debet*: siquidem  
 bona ecclesiastica sunt communitati ecclesia-  
 sticae legata, non privatis & singularibus ho-  
 minibus aut Praelatis. 12 *quest. 2 Can. Nulli.* &  
*quest. 3. Can. Pontifices.* vide Cardinalem Al-  
 liacenum de Auctoritate Ecclesiae, parte se-  
 cunda. Legat qui volet omnia Concilia, nulla  
 reperiet in quibus sanctiores aut salubriores  
 Canones, pro optimo Ecclesiae regimine  
 quam in hac Synodo Antiochena conditi sint.

C A P U T V.

- I. *Historia secundi Concilii generalis Constantinopolitani, quod indictum & convocatum est à Theodosio Magno.*
- II. *Patres Constantinopolitanos nominatim petere à Theodosio, ut sua auctoritate & sigillo Acta Synodalia confirmet, & roboret.*
- III. *De honore quem Theodosius Patribus Constantinopolitanis & praesertim S. Meletio Antiocheno Episcopo habuit.*
- IV. *Epistola Patrum Constantinopolitanorum ad Damasum PP. S. Ambrosium, ceterosque Occidentales Episcopos, qua hos accusant negligentia, & quod minus Orientalis Ecclesia afflictionibus compati videantur.*
- V. *Item ab illis petunt non quidem ut acta confirmet, sed rebus bene gestis congaudeant & congratulentur; eorumque supercilium non obscure reprehendunt.*
- VI. *Epistola Damasii PP. ad Orientales Episcopos.*
- VII. *Baronii, Binius & aliorum argumenta, quibus probant Damasum omnem vim & robur Synodo Constantinopolitana tribuisse, propulsantur.*
- VIII. *De discrimine Conclusionis & Confirmationis Synodorum: quorum illud Ecclesiasticorum, hoc autem Imperatorum proprium est.*
- IX. *Patres Constantinopolitani quintum & sextum Canonem Nicanum explicant, atque sedis & honoris prerogativam Constantinopolitano Episcopo post Romanum Episcopum adscribunt.*

I. **S**ECUNDUM generale Concilium centum  
 Quinquaginta Patrum Orientalium,  
 nuncupatur Constantinopolitanum primum,  
 quia habitum est Constantinopoli circa an-  
 num 381. adversus Macedonium Episcopum  
 Constantinopolitanum, qui negabat S. San-  
 ctum esse consubstantiali Deo Patri. Theo-  
 dosius Magnus hanc Synodum indixit & con-  
 vocavit:

vocavit : Socrates lib. v. cap. 8. Theodoretus lib. quinto cap. septimo & octavo. Sozomenus lib. septimo, cap. septimo, ac diserte habetur Synodali epistola ad Theodosium Imperatorem. Damasus Papa nullum Episcopum aut Sacerdotem ex suo Episcopatu vel Patriarchatu misit Constantinopolim ad hanc Synodum, quamquam literis Imperatoris fuisset evocatus : quare à Patribus Orientalibus non obscure accusatur negligentia ut statim dicitur : hanc etiam ob causam istud Concilium vocatur Orientalium à Patribus Chalcedonensibus. Verum finito Concilio, sicut Patres mandato Theodosii Magni convenerant : ita ab eodem diserte confirmationem actorum epistola synodali postulant, qua quidem pariter ei res à se gestas explicant. Sic autem concipitur.

*II. Religionis ac pietatis observantissimo, Dei-  
que amantissimo Imperatori Theodosio, sanctum  
Concilium Episcoporum qui ex diversis provinciis,  
præfectorumve Constantinopolim convenerunt. Ini-  
tio quidem nostri ad tuam pietatem scripti gratias  
agimus Deo, qui tue pietatis imperium constituit  
ad communem pacem Ecclesiarum, & sane fidei  
confirmationem: agentes autem Deo debitas gratias,  
necessaria quoque ea quæ acta sunt in sancto Con-  
cilio ad tuam referimus pietatem: nempe quod ex quo  
tempore, & mandato tue pietatis Constantinopo-  
lim convenimus, primum quidem mutuam inter nos  
concordiam renovavimus: deinde vero breves etiam  
pre-*



*præscriptissimus ac pronuntiavimus quosque quasi terminos regulasve ; quibus & Patrum qui Nicææ congregati fuerunt fidem confirmavimus , comprobavimusque : & quæ adversus eam obortæ sunt perverſas hæreſes , ac pravæ opinionēs extrema cum execratione ac detestatione reprobavimus. Præterea etiam ad recte constituendum & ordinandum statum & disciplinam Ecclesiarum , certos Canones statuimus ac præscriptissimus : quæ omnia huic nostro scripto subjecimus. Rogamus igitur tuam Clementiam ut per literas tuæ pietatis ratum esse jubeas , confirmesque Concilii decretum : & sicut literis quibus nos convocasti , ecclesiam honore prosequutus es , ita etiam summam eorum quæ decreta sunt conclusionem sententia atque sigillo tuo corroborea. Dominus autem Imperium tuum in pace & justitia stabiliat , &c. Quam epistolam leges in nova editione Conciliorum Romanorum statim initio Concilii Constantinopolitani ante Canones , & apud Baronium Tomo quarto Annalium anno 381 ; Laurentium Surium Tomo priore Conciliorum in libello Synodicarum Constitutionum , qui statim legitur post Ephesium Concilium pag. 617 Collectionis Surianæ ; Severinum Binius ad calcem Synodi Constantinopolitanæ. Verum sex notabilia continet ; primo , Synodum Constantinopolitanam indictam & convocatam à Theodosio : Ex quo tempore & mandato tuæ pietatis Constantinopolim convenimus , &c. Deinde sub finem Epistolæ , & sicut literis quibus nos con-*

*vocasti Ecclesiam honore prosequutus es, &c. De indictione facta à Damaso Papa, ne verbum quidem. Alterum notabile est figillatim ea narrare Imperatori quæ confecta sunt, & quod ante omnia mutuam inter sese concordiam & consensum inierint, ut sibi expeditiorem viam ad agenda instruerent. Tertio confirmationem fidei Nicænæ & damnationem erroris Macedonii & Apollinaris contra illam notant. Quarto subjungunt ad regendam disciplinam ecclesiasticam se aliquot Canones condidisse. Quinto narrant, se omnia cum epistola misisse ad Imperatorem; *quæ omnia*, inquiunt, *huic nostro scripto subjecimus.* Sexto petunt à Theodosio, *ut hac omnia suis literis, sententia atque sigilla corroboret.* Certe Socrates lib. quinto c. 8. & Sozomenus lib. septimo cap. 9. deserte scribunt *Theodosium Imperatorem suffragatum fuisse actis Synodi & legem super ea re scrivisse*; quæ summa est propositi Patrum Constantinopolitanorum ab Imperatore postulantium ut acta in rem judicatam venirent. Si propugnatores absolutæ infallibilis monarchiæ, aliquam huic similem epistolam Synodalem haberent, quæ Patres alicujus Synodi clare, & non ænigmatice (ut fictitia epistola Patrum Nicænorum ad Sylvestrum PP.) à Pontifice Romano peterent, *ut acta suis literis, sententia, atque sigilla corroboret*, triumpharent quidem, & merito.*

III. Hic obiter notabo, Patres Aquilegiensis Concilii, quos inter S. Ambrosius, similem

milem scripſiſſe Epistolam Gratiano, Valentiano & Theodosio Imperatoribus pro gratiarum actione Tomo primo Conciliorum : atque Theodoretum lib. quinto cap. 6 & 7. referre, *Theodosium per insomnium vidisse divinum Meletium Episcopum Antiochenum sibi Deo imperante Coronam Imperatoriam capiti imponere atque aliquanto post electum fuisse à Gratiano in Collegam Imperii : deinde postquam Theodosius Episcopos convocavit Constantinopolim, atque omnes ad centum quinquaginta numero advenissent, illum vetuisse ne quisquam sibi magnum illum Meletium qui ei in somno apparuisset indicarent : ubi autem totas Episcoporum cœtus palatium ingressus est, Theodosium ceteris omnibus Episcopis relictis ad Meletium, quem nisi per insomnium nunquam viderat, accurrisse, eumque tanquam parentem complexum, oculos, labra, pectus, caput & dexteram quæ coronam ei imposuerat, osculari cœpisse, ac visionem quæ ei obtigerat coram omnibus quos deinde humanitus excepit exposuisse.* Profecto hic Meletius Antiochenus vir fuit sanctissimus & doctissimus, ut ex Epistolis D. Basilii constat: nihilominus Romani, Paulino (quem Lucifer Calaritanus Episcopus corrivalem in Antiocheno Episcopatu Meletio creaverat) gratificabantur contra Meletium, ut claret ex historia illorum temporum : Meletio objiciebant ejus æmuli quod ab Arrianis fuisset consecratus, quod falsum est, nisi consecrationem pro electione ad Antiochenum Episcopatum

patum capiant: siquidem ante erat Episcopus: diemque supremum obiit in Synodo Constantinopolitana partim cruciatibus quos in exiliis suis ab Arrianis pertulerat; partim etiam ob ætatem ingravescentem: fuerat autem coopertatus ad Antiochenum Episcopatum omnium orthodoxorum atque Arrianorum votis.

Porro Baronius, Binius, & Collectores Conciliorum editorum Romæ, ut etiam demonstrent Synodum hanc auctoritatem suam à Damaso Papa derivare, referunt epistolam Patrum Constantinopolitanorum ad Damasum & alios Synodi Romanæ, quæ extat apud Theodoretum lib. quinto cap. 9. Sed reticent, ejusmodi epistolam non ex professio, sed per occasionem scriptam à Patribus Orientalibus, anno integro post solutam, conclusam & confirmatam ab Imperatore Synodum Constantinopolitanam. *Cum enim*, ait Theodoretus capite octavo, *plurimi Episcoporum sequenti æstate convenissent Constantinopolim, quo necessaria Ecclesiæ negotia illos revocarant, Epistolam à Concilio Episcoporum in Occidente coactorum accepere, quæ illos hortabatur, ut Romam, ubi jam maximus Episcoporum cætus congregatus erat accederent. At tam longum iter suscipere cum nihil inde lucri se facturos putarent, omnino recusarunt illi quidem: sed tamen scripserunt Epistolam qua tum tempestatem contra Ecclesiæ excitatam eis significabant, tum illorum SUB NOTABANT IN EA RE NEGLIGENTIAM: tum denique do-*

*doctrinam Apostolicam summam perstringebant. Verum ea ipsa epistola eorum qui ipsam scripserunt fortitudinē & sapientiam multo apertius declarabit.*

IV. Hæc Theodoretus, qui doctrinam Apostolicam nuncupat summam eorum quæ Patres Constantinopolitani adversus Apollinarem, Macedonium & cæteros hæreticos synodice decreverant. Deinde hanc epistolam subjicit: *Dominiis honoratissimis & cum primis reverendis fratribus ac collegis Damaso, Ambrosio, Brittoni, Valeriano, Acholio, Anemio, Basilio, & cæteris sanctis Episcopis in celebri urbe Roma convocatis, sanctum Concilium orthodoxorum Episcoporum in ampla urbe Constantinopoli coactorum in Domino salutem. Multitudinem calamitarum nobis à dementis sectæ Arriana principibus inflictarum, vestræ reverentiae exponere narrareque erit fortasse supervacaneum. Nam neque vestram pietatem res nostras tam parvo aestimare arbitramur, ut de his docendi sitis, pro quibus deberetis nobiscum una condolescere: neque ejusmodi sunt tempestates illæ quibus undique jactamur, uti propter earum parvitatem vos latere queant. Quin etiam tempus persecutionis adeo nuper præterit, ut non illi solum qui in eo afflictati erant, verum etiam eorum amici qui propter amorem in doloris cum illis venerant societatem, recentem ejus memoriam teneant. Nam heri prope dixerim, & nudiù tertius nonnulli exilii, vinculis liberati & infinita fere afflictionum genera perpeffi ad Ecclesias suas redierunt, aliorum autem exilii cruciatibus extinctorum reliquis duntaxat in patriam sunt reportata.*  
 &c. Pro

&c. Pro quibus Deo certe agenda sunt gratia, qui per tot cruciatus suos servos erudit, & secundum multitudinem miserationum suarum rursus eduxit nos in refrigerium, &c. Jam vero quoniam vos quo fraternam vestram erga nos charitatem declararetis, Concilio Dei voluntate ac nutu Romæ coacto, nos velut membra propria per Imperatoris sanctissimæ literas accersivistis: nec cum nos soli jam antea res accerbas subire coacti essemus, nunc Imperatoribus de pietate consentientibus, sine nobis vos regnaretis: sed potius, uti loquitur Apostolus, ut nos vobiscum conregnaremus: est certe nobis in optatis, si posset fieri, Ecclesiis penitus relictis vestro desiderio aut necessario potius Ecclesiæ negotio inservire. Quis enim nobis dabit pennas ut columbae & volabimus & requiescemus apud vos? Verum, quoniam hoc modo Ecclesiæ nuper renovata nudarentur, & res à plerisque fieri omnino non queat, propterea quod Constantinopoli mandato literarum superiore anno à vestra reverentia post Concilium Aquilegiense ad sanctissimum Imperatorem Theodosium missarum, ad iter duntaxat Constantinopolim usque faciendum nos preparavimus: atq; de hoc uno Concilio celebrando consensum Episcoporum, qui in provinciis manserant, una vobiscum attulimus, idcirco neque longiore itinere opus esse expectabamus: neque de ullo alio omnino ante acceperamus quam Constantinopoli in unum conventum esset. Huc accedit quod temporis præstituti angustia, neque ad longius iter parandum neque ad Episcopos in singulis provinciis, qui sunt ejusdem nobiscum communionis,

nionis, de hac re communefaciendos neque ad eorum consensus obtinendos satis spatii dedit. Itaque, cum & hæc res & alia præterea complures majori parti Episcoporum impedimento sint, quo minus ad vos veniant: idcirco quod secundo in loco faciendum erat, tum ad statum rerum ecclesiasticarum rite ordinandum tum ad ostendendum quanti vestram erga nos charitatem aestimemus, illud certe fecimus: quippe oravimus reverendissimos honoratissimosque fratres & collegas nostros, Episcopos Cyriacum, Eusebium, & Priscianum, uti laborem ad vos proficiscendi / scilicet / re non gravarentur. Qui quidem non solum vobis exponent quam nostra voluntas pacis studiosa sit, & quo pacto nihil aliud quam Ecclesie concordiam sibi proponat: verum etiam quam ardenti studio ad sanam fidem tuendam accensi simus, perspicue significabunt. Nam persecutionum procellas, cruciatus, minas imperatorias, crudelem Magistratuum violentiam, aliarumque rerum incommodarum tentationes, quas ab hæreticis sustinuimus pro fide evangelica à CCCXVIII sanctis Patribus Nicææ urbis Bitbyniæ confirmata sustinuimus. Etenim ista fides, tum à nobis tum à vobis tum ab omnibus qui non verbum veræ fidei pervertunt approbari debet: quippe cum antiquissima sit, & lavacro baptismatis quo tincti sumus consentanea: & nos doceat credere in nomine Patris & Filii & Spiritus Sancti, &c. Nos autem doctrinam Dominicæ Incarnationis integram & perfectam tenemus: & neque æconomiam carnis Christi, vel animæ, vel mentis expertem vel imperfectam esse asserimus, sed agnoscimus

&c. Pro quibus Deo certe agenda sunt gratiae, qui  
 per tot cruciatus suos servos erudit, & secundum  
 multitudinem miserationum suarum rursus eduxit  
 nos in refrigerium, &c. Jam vero quoniam vos quo  
 fraternam vestram erga nos charitatem declarare-  
 tis, Concilio Dei voluntate ac nutu Romae coacto,  
 nos velut membra propria per Imperatoris sanctissi-  
 militeras accersivistis: nec cum nos soli jam antea  
 res acerbis subire coacti essemus, nunc Imperato-  
 ribus de pietate consentientibus, sine nobis vos re-  
 gnaretis: sed potius, uti loquitur Apostolus, ut nos  
 vobiscum conregnaremus: est certe nobis in optatis,  
 si posset fieri, Ecclesiis penitus relictis vestro desi-  
 derio aut necessario potius Ecclesiae negotio inservire.  
 Quis enim nobis dabit pennas ut columbae & vo-  
 labimus & requiescemus apud vos? Verum, quo-  
 niam hoc modo Ecclesiae nuper renovata nudaren-  
 tur, & res à plerisque fieri omnino non queat, pro-  
 pterea quod Constantinopoli mandato literarum su-  
 periore anno à vestra reverentia post Concilium A-  
 quilegiense ad sanctissimum Imperatorem Theodo-  
 sium missarum, ad iter duntaxat Constantinopolim  
 usque faciendum nos preparavimus: atque de hoc uno  
 Concilio celebrando consensum Episcoporum, qui in  
 provinciis manserant, una vobiscum attulimus, id-  
 circo neque longiore itinere opus esse expectabamus:  
 neque de ullo alio omnino ante acceperamus quam  
 Constantinopoli in unum conventum esset. Huc ac-  
 cedit quod temporis praestituti angustia, neque ad  
 longius iter parandum neque ad Episcopos in singu-  
 lis provinciis, qui sunt ejusdem nobiscum commu-  
 nionis,



nionis, de hac re commonefaciendos neque ad eorum consensus obtinendos satis spatii dedit. Itaque, cum & hæ res & alia præterea complures majori parti Episcoporum impedimento sint, quo minus ad vos veniant: idcirco quod secundo in loco faciendum erat, tum ad statum rerum ecclesiasticarum rite ordinandum tum ad ostendendum quanti vestram erga nos charitatem æstimemus, illud certe fecimus: quippe oravimus reverendissimos honoratissimosque fratres & collegas nostros, Episcopos Cyriacum, Eusebium, & Priscianum, uti laborem ad vos proficiscendi & scipere non gravarentur. Qui quidem non solum vobis exponent quam nostra voluntas pacis studiosa sit, & quo pacto nihil aliud quam Ecclesiæ concordiam sibi proponat: verum etiam quam ardenti studio ad sanam fidem tuendam accensi simus, perspicue significabunt. Nam persecutionum procellas, cruciatus, minas imperatorias, crudelem Magistratum violentiam; aliarumque rerum incommodarum tentationes, quas ab hæreticis sustinuimus pro fide evangelica à CCCXVIII sanctis Patribus Nicææ urbis Bitbyniæ confirmata sustinuimus. Etenim ista fides, tum à nobis tum à vobis tum ab omnibus qui non verbum veræ fidei pervertunt approbari debet: quippe cum antiquissima sit, & lavacro baptismatis quo tincti sumus consentanea: & nos doceat credere in nomine Patris & Filii & Spiritus Sancti, &c. Nos autem doctrinam Dominicæ Incarnationis integram & perfectam tenemus: & neque æconomiam carnis Christi, vel animæ, vel mentis expertem vel imperfectam esse asserimus, sed agnoscimus

*Verbum Dei ante secula omnino perfectum esse, &c. De administrationibus autem quæ sunt cujusque Ecclesiæ propriæ, cum vetus, uti nostis, lex est, tum sanctorum Patrum in Concilio Nicæno decisio: ut videlicet singularum provinciarum antistites una cum finitimis, modo ipsis ita visum fuerit Episcopis, ministros ad Ecclesiarum commodum in suis ipsorum provinciis ordinent. Ex cujus legis & decisionis præscripto scitote, tum alias quoque Ecclesias apud nos administratas esse: tum illustrissimarum Ecclesiarum sacerdotes electos. Unde Ecclesiæ Constantinopolitanæ recens ut ita dicam adificatæ, quamque ex hæreticorum blasphemia, tanquam ex ore leonis per misericordiam Dei nuper eripuimus: reverendissimum sanctissimumque Nectarium in Concilio Generali communi omnium consensu præsentem Theodosio Imperatore religiosissimo, totius denique Cleri, totiusque civitatis suffragiis Episcopum constituimus. Ecclesiæ autem vetustissimæ & vere apostolicæ Antiochiæ urbis Syriæ in qua primo venerandum Christianorum nomen auditum est; reverendissimum & sanctissimum Flavianum Episcopi illius provincie & dioceseos Orientalis in unum convenientes, tota illa Ecclesiæ, uti Canon postulat, suffragante, & velut uno ore virum illum honorifice collaudante Episcopum ordinarunt: quæ quidem ordinatio, uti legitima, communi Concilii consensu approbata est. Porro Ecclesiæ Hierosolymitanæ, quæ est aliarum omnium mater, reverendissimum & sanctissimum Cyrillum Episcopum vobis ostendimus, tum ab Episcopis pro-*

vin.

vincia, uti Canon vult, jam pridem creatum esse, tum plurima praelia adversus Arrianos variis in locis confecisse. Quibus rebus tanquam legitime & secundum Ecclesie Canones constitutis, obsecramus vestram reverentiam uti congratuletur: spiritali charitate nos mutuo devincente, & timore Domini, qui omnem humanam affectionem reprimet, Ecclesiarumque adificationem amoris illi & benevolentie qua singuli singulos complectuntur, longe anteposit. Quod si doctrina fidei ad hunc modum communi consensu stabilita sit, & charitas Christiana in nobis confirmata, posthac desinemus dicere illud quod ab Apostolis condemnatum est: nimirum, Ego quidem sum Pauli, ego autem Apollo, ego vero Cepha: atque omnes cum simus Christi, qui in nobis non est divisus, corpus Ecclesie, Dei largiente gratia integrum conservabimus: & ad tribunal Domini fidenti animo nosmet sistemus. Isti contra Arrii, Aetii & Eunomii insaniam, quinetiam contra Sabellii, Photini, Marcelli, Pauli Samosatani & Macedonii amentiam scripserunt: simili ratione & novae Apollinaris doctrinae palam anathema indixerunt: quandoquidem nos, inquiunt, doctrinam Incarnationis Dominicae integram retinemus, & neque carnis ejus & conciniam animae mentisque expertem aut imperfectam asserimus.

Hæc synodica epistola multa continet digna observatione quæ analysi singulorum patebunt. Primum notanda venit inscriptio epistolæ Synodi Orientalium ad Synodum Oc-

cidentalium: *Dominis honoratissimis & cum primis reverendissimis fratribus ac collegis Damaso, Ambrosio, &c.* Quæ scribendi ratio clare demonstrat Orientales non habuisse Damasum pro monarcha Ecclesiæ: idque progressu analyseos magis clarescet. Secundo, non obscure carpunt Occidentales, eo quod tribulationibus Ecclesiarum Orientis minus compatiantur: id enim hæc verba sonant, *neque vestram pietatem res nostras tam parvo aestimare arbitramur, ut de his docendi sitis pro quibus deberetis nobiscum una condolescere, &c.* Non enim dicunt quod revera condoleant, imo eos recte reprehendunt quod nulla ducantur commiseratione tot tantarumque calamitatum. Idque clarissime docet S. Basilius Epistola decima, & septuagesima septima: ubi nominatim *supercilium carpit Occidentalium, & eum præcipue qui se Ecclesiæ caput reputat*: propria sunt verba, quæ ut Baronius leniat, vertit se in omne latus: certe epistolæ S. Basilii ejusmodi sunt, ut lacrimas legentibus facile extorqueant. Tercio referunt Episcopos Synodi Romanæ, Damasum scilicet, Ambrosium, Britonem & alios, Romæ coacto Concilio curavisse ut Episcopi Orientis velut membra propria per Imperatoris sanctissimi literas accerferentur ad Concilium Romanum, ex quo perspicue colligitur, Papam eo tempore minime solitum evocare ad Concilia Episcopos qui suo Patriarchatui non essent subditi: sed ubi necessitas habent-

habendæ Synodi occurreret, Imperatorem monere & rogare consuevisse, ut literis suis Metropolitans accerferet : sicut videmus hîc Orientales, literis Imperatoris evocari. Quarto, si adversarii hæc verba Patrum Constantinopolitanorum, *nos velut membra propria per Imperatoris literas accersivistis* : ad Papam velut ad caput referre velint : oppones illa de tota Ecclesia Catholica intelligi, in qua omnes unum sumus corpus in Christo, alter alterius membra cap. 12. ad Romanos. Et Papam in hoc corpore duntaxat primum esse membrum & ministrum nihilque aliud. Quare Patres Orientales eum vocant fratrem & collegam more aliorum. Profecto sicut una est Ecclesia sic & unus Episcopatus cujus singuli Episcopi partem in solidum possident, tanquam ex æquo participes facti sacerdotii Christi : estque Pontifex Romanus caput ministeriale hujus corporis. Quinto respondent, se non posse suas Ecclesias afflictissimas, & lupis, id est, hæreticis expositas deferere, ut se Romam ad Synodum conferant : cum jam superiore anno Constantinopolitanum Concilium habuerint, cum magnis laboribus, & diu absentes ab Ecclesiis suis fuerint : neque temporis angustias pati ut Episcopos suæ communionis possint evocare eorumque consensum super hac re obtinere. Quæ arguunt tum nihil peragi solitum monarchice in Ecclesia, sed inuito consensu Patrum. Sex-

to, si quid est in hac Epistola, quod patroni absolutæ potestatis ad suam causam rapere possint, hæc potissimum occurrunt : quorum Bellarminus meminit lib. secundo de Romano Pontifice cap. 13. nimirum : *quod mandato literarum superiore anno à vestra reverentia post Concilium Aquilegiense ad sanctissimum Imperatorem Theodosium missarum, ad iter duntaxat Constantinopolim usque faciendum nos præparavimus, atque de hoc uno Concilio celebrando consensum Episcoporum qui in provinciis manserant, una vobiscum attulimus, &c.* Hinc enim quispiam objiciet, mandato literarum Damasi, Theodosium evocasse Concilium Constantinopolitanum : & continuo juxta Vallii sententiam sequi solius esse Pontificis indicere Concilia. Respondebis, hæc verba plane ambigua lucem habere ab aliis clarissimis & notissimis: ut mos est ignotum per notius explicare. Cum ergo ex literis Patrum Constantinopolitanorum ad Theodosium supra explicatis, liquido cognoscatur Theodosium indixisse & confirmasse Concilium : atque his ipsis etiam clarescat, Damasum curavisse ut Imperator suis literis Orientales accerferet ad Synodum Romanam, idque acta omnium aliorum Conciliorum sequentium comprobent : concludendum hæc ambigua sic capi oportere, ut sensus sit : Damasum, ubi vidit Patres Orientalis Ecclesiæ significasse Theodosio Imperatori necessitatem habendæ Synodi adversus hæresim

Ma-

Macedonii, qui divinitatem Spiritus Sancti negabat, atque Imperatorem suis literis de ea re ad omnes Metropolitas scripsisse : tandem Damasum, inquam, suis etiam literis in ea sententia fuisse ut Concilium haberetur Constantinopoli, idque Imperatori declarasse, neque tum temporis ostendisse sibi in animo esse aliud habere Romæ Concilium ad hæresim Macedonii damnandam. Et ita patet Orientales hic non obscure queri de Damaso, quod in magnum Ecclesiarum incommodum aliud cogere velit Concilium in Italia & illuc Orientales evocare, cum potius debuisset mittere Constantinopolim, atque Ecclesiis afflictis subvenire : neque ita Synodus Synodis in gravamen Ecclesiarum præcipue Orientalium aggregare : cum ex præscripto Canonum, *negotia iis in locis ubi oriuntur terminari debant*. Septimo, ut ostendant quam sint pacis, concordiae & charitatis Ecclesiarum studiosi, mittunt Cyriacum, Eusebium & Priscianum Episcopos, qui summam rerum à se gestarum contra Arrianos & Macedonium deferant una cum fidei suæ communione & professione. Quo ex more ea sensim invaluit consuetudo, ut omnes Patriarchæ quamprimum essent consecrati summam professionis suæ fidei ad alios Patriarchas collegas suos mitterent, ut postea observabitur. Octavo illos certiores eorum reddunt quæ pro disciplina Ecclesiastica melius ordinanda, conformiter ad

Canones Nicænos, sciverunt; maxime in ordinandis Pastoribus, de qua re infra. Nono, communi omnium Patrum & totius Constantinopolitanæ Ecclesiæ consensu Nectarium ordinatum Episcopum Constantinopolitanum: de qua re hic ea adscribam quæ narrat Socrates l. v. c. 8. postquam S. Gregorius Nazianzenus Episcopatum illum repudiavit: *Erat forte Nectarius quidam ex genere senatorio, vir moribus admodum modestus, & tota vite ratione conspicuus: qui quamquam Prætoris fungebatur officio, à populo tamen inde abreptus, ad Episcopatus honorem delatus fuit, & à centum quinquaginta Episcopis, qui tum aderant, ordinatus. Eodem tempore decretum fuit ut Episcopus Constantinopolitanus proxime & secundum Episcopum Romanum primas propterea obtineret, quod illa civitas esset nova Roma.* Decimo, cum sanctissimus Meletius ætate & plurimis exiliis pro fide Nicæna perpeffis fractus, diem supremum in Synodo Constantinopolitana obiisset, & clerus atq; populus Antiochenus Flavianum elegissent, hic quidem à Patribus Constantinopolitanis ordinatus est Antiochenæ Ecclesiæ Episcopus, sicut & Cyrillus Hierosolymitanæ: quam Ecclesiam *omnium aliarum matrem* merito indignant: quoniam omnes aliæ ex Hierosolymis velut ex quadam colonia pietatis & religionis Christianæ, ductæ atque propagatæ sunt. Undecimo pro firmamento actorum à se, demonstrant omnia gesta ex Catholico consensu & communione sanctorum juxta



ta Canones. *Quibus rebus tanquam legitime & secundum Ecclesiæ Canones constitutis, obsecramus vestram reverentiam, &c.*

V. Duodecimo non à solo Damaso sed ab omnibus Episcopis Occidentalibus qui ad Synodum Romanam convenerant, nominatim petunt *ut pro rebus à se gestis secundum Canones eis congratulentur*: nequaquam vero ut ea confirment, sicut cavillantur adversarii, & inter alios Vallius: quasi congratulatio idem esset atque confirmatio: Nam *quarta parte, quæst. quinta sui libri de suprema potestate Papæ* textum genuinum hujus Epistolæ synodalis corrumpit: ubi enim Patres diserte habent, *obsecramus vestram reverentiam uti congratuletur & congaudeat*: καὶ τὴν ὑμῶν τιμὴν πυχάρπεν παρακαλεῖσθαι βόλας: sic enim habet contextus Græcus: ille legit: *obsecramus vestram reverentiam ut consentiat*, contenditque *idem esse prorsus consensum & confirmationem petere*. Quæ pueriles argutiæ inde manant, quod homo obnoxius imaginetur Papam esse absolutum infallibilem monarcham Ecclesiæ: quodque absque illo nihil quicquam possit decerni in Ecclesia: & nihilominus Constantinopolitanum Concilium à solis Orientalibus habitum est, qui solam congratulationem rei bene à se gestæ petunt ab Occidentalibus: demonstrantque Damasum & Occidentales *non posse hanc congratulationem & consensum suum actis denegare, absque aliquo sensu schismatis, & violatæ communionis sancto-*

*ficit.* Vide epistolam septuagesimam septimam ejusdem Basilii. Præcipua causa hujus conquestionis legitur epistola quinquagesima nona: *quod Roma sine discrimine quorumvis communionem ex Oriente venientium accipiant & una semel electa & audita parte reliquos ex consentientium testimonio admittant.* Quæ etiam fuit querela Patrum Africanorum Epistola ad Cœlestinum, de qua mox dicitur: Siquidem Marcellus Ancyranus Episcopus & quidam alii hæreseos damnati ab Orientalibus, admissi fuerant ad communionem in Ecclesia Romana. Decimo tertio declarant se errorem Apollinaris damnasæ hac concepta formula quam in medio & fine epistolæ leges: *Nos autem doctrinam Dominicæ incarnationis integram & perfectam tenemus: & neque æconomiam carnis Christi vel animæ vel mentis expertem vel imperfectam esse asserimus: sed agnoscimus Verbum Dei ante secula omnino perfectum esse, &c.* Quandoquidem Apollinaris docebat Christum ab æterno carnem humanam habuisse animam rationali carentem, & divinitatem supplevisse naturam animæ, aut loco ipsius animæ fuisse: legendus Sozomenus lib. sexto cap. 27. Cæterum Damasus Synodum Romæ coegerat ut hæresim Apollinaris jam à Patribus Constantinopolitanis condemnatam damnaret; consule Theodoretum lib. quinto cap. 8.

Qui ad hæc cogitate attenderit facile dignoscet an SS. Patres Basilius, Gregorius Nazian-

zianzenus, Nyssen & alii qui Synodo Constantinopolitanae interfuerunt, habuerint Damasum pro absoluto infallibili monarcha, ita ut absque eo nihil decerni posset in Ecclesia: illorum enim gesta hoc Patrum Africanorum proloquium comprobant, Epistola ad Coelestinum Papam: scilicet *Gratiam Spiritus Sancti unicusque provincia non defuturam, modo sacerdotes equitatem servent, & prudenter agant.*

VI. Porro huic Epistolae synodali Patrum Constantinopolitanorum apud Theodoretum l.v. c. 10. historiae, haec Damasi responsio subjicitur: *Quod vestra Charitas debitam sedi apostolicae reverentiam tribuit, filii honoratissimi, vobis ipsis quoque maximo sane honori est. Nam tametsi sancta Ecclesia in qua sanctus Apostolus sedens nos docuit quo pacto illius gubernacula qua suscepimus, tractanda sint, nobis prima partes deferuntur: tamen confitemur nos illo dignitatis gradu longe inferiores esse. Verum ob hanc causam omnibus modis laboramus, uti ad gloriam beatitudinis ejus si qua ratione possimus tandem aliquando perveniamus. Sciatis velim fratres, nos Timotheum illum prophanum Apollinaris haeretici discipulum cum impio suo dogmate jam pridem abdicasse, & ob eam causam credimus, reliquias ejus nihil in posterum momenti habituras. Quod si antiquus ille serpens semel atque iterum ictus, ad suam ipsius poenam augendam revixerit: & extra Ecclesiam ejectus, nonnullos etiamnum fideles suis mortiferis venenis quibus eos tentare aggreditur, ad exitum trahere non cesset, vos hanc*

*hanc ejus astutiam velut pestem quandam declinate: & recordamini sedulo tum fidei ab Apostolis tradita, tum hujus vel maxime quæ est à sanctis Patribus in Concilio Nicano scriptis prodita: inque ea gradum firme desigentes, immobiles perstate: & ne posthac sustinete ut vel clerici vestri, vel laici inanes sermones quæstionesque obscuras audiant, jam enim semel formulam edidimus, ut qui se Christianum profiteatur illud teneat quod ab Apostolis traditum est: quippe divinus Paulus sic loquitur: Si quis vobis euangelizaverit præter id quod accepistis anathema sit. Nam Christus filius Dei Dominus noster generi humano per passionem suam plenissimam salutem reddidit, ut totum hominem peccatis implicatum ab omni peccato liberaret. Hunc si quis aut imperfectam humanitatem aut imperfectam divinitatem habuisse duxerit, spiritu diaboli completus, se filium gehenna ostendit, itaque quid est cur abdicationem Timothei à me rursus requiratis, qui etiam hic judicio sedis apostolicæ, Petro quoque Episcopo Alexandria præsentè abdicatus est una cum magistro suo Apollinare: qui item in die judicii debitas pœnas & supplicia persolveret? Quod si ille qui veram spem in Christum una cum fidei confessione mutarit, velut spem quandam salutis retinens alios quosdam qui sunt leviores ad suam perducatur sententiam, sciant illi se propterea cum eo similiter perituros, quod animum aliquando induxerint Ecclesiæ Canoni repugnare. Deus vos filii honoratissimi servet incolumes.*

*Hæc responsio si est Damasi, superiori Epistolæ Patrum Orientalium collata, valde fer-*  
*pit*

pit humi, ut cuivis facile est ex utriusque lectione cognoscere : Primum non video illum multum habuisse causæ ut diceret Patres Constantinopolitanos, *sibi debitam reverentiam tribuisse* : cum ab illo invitati ad Romanam Synodum literis Imperatoris, ut dictum est, ei duntaxat per occasionem anno integro post Synodi dissolutionem & confirmationem petitam ab Imperatore respondeant atque manifestæ negligentiae & defectus charitatis Occidentales accusent. Baronius persuadere vult, quamquam Synodus Constantinopolitana esset absoluta & Patrum subscriptionibus firmata, nihilominus quosdam eventus & casus Patres Constantinopoli retinuisse : sed hoc gratis dicitur, falsique à Theodoretō arguitur lib. quinto cap. 8. affirmante *plurimos Episcoporum sequenti æstate convenisse Constantinopolim quod necessaria negotia Ecclesiæ illos revocaverant*, &c. Secundo, quod hac responsione memoratur Patres Constantinopolitanos petere à Damaso ut Timotheum Apollinaris discipulum abdicet, *quid est*, ait, *cur abdicationem Timothei à me rursus requiratis*, &c. Profecto ne quidem verbum in Epistola Synodali de hac re : certumque est Timotheum à Patribus damnatum juxta Canones Nicænos & disciplinam illo tempore usitatam : quæ volebat Ecclesias jure communi gubernari, & controversias ubi enascerentur terminari, sicut amplius demonstrabitur in explicatione historiæ Apiarii Africani

cani presbyteri. Tertio, Damasus novo atque inusitato ante vocabulo utitur, dum Patres Constantinopolitanos *filios vocat*; cum antea & post de more semper fuerit, ut *collega & fratres* appellarentur. Ut ut sit, hinc luce meridiana clarius evadit, ne quidem Damasum se monarcham esse Ecclesiæ censuisse, quamquam blandiente cathedra quædam per auxesim dixerit: quæ à me solius veritatis referendæ studio commemorantur contra adulationem & ignorantiam permultorum qui prædicant Papam esse absolutum infallibilem Ecclesiæ monarcham: quæ opinio Ecclesiam Catholicam ad eam quam videmus conturbationem redegit, atque hæreticos in suo errore obfirmat, viamque ad nova schismata quotidie instaurat.

VII. Cardinalis Baronius Tomo quarto anno 381. Binius in notis ad Synodum Constantinopolitanam, actor Præfationum historicarum, & Antonius Posslevinus in Apparatu; *contendunt Damasum omnem tribuisse auctoritatem huic concilio*, sed mera est suppositio principii omni ratione, auctoritate, & testimonio destituta, ut liquet ex historia quam superius fideliter expressimus. Enimvero robur actuum synodaliū essentialiter à sanctorum communione & catholico consensu dimanat: quare ubi ejusmodi consensus intervenit Papa Synodum concludere, suoque assensu more aliorum acta probare tenetur: quia ut docet

S. Hic-

S. Hieronymus, *Dist. 93. Can. Legimus. Orbis est major urbe.* At Baronius cum eodem auctore præfationum persuadere annititur ex libello Photii de septem synodis quem leges apud Binium Tomo tertio Conciliorum, Patres Constantinopolitanos confirmationem actorum à Damaso petiisse : sed ut jam dixi, confirmationem pro consensu & congratulatione venditant, ut claret ex verbis Photii ita conceptis : *Quibus haud multo post Damasus Episcopus Romæ eadem confirmans atque idem sentiens accessit* : quo ex loco innotescit, confirmare Synodum à Papa, nihil aliud esse, quam dum accedit ad sententiam Patrum : ut Damasum accessisse refert Photius. Nam idem sentiens atque consensum præbens symbolam & contestationem suæ fidei & voluntatis dat : ac sese Canonum observationi & exequutioni more aliorum Episcoporum obstringit : jam multoties dixi, estque sæpius iterandum, acta synodalia essentialiter plurium consensum & liberam probationem desiderare. Profecto nunquam satis hominum propriæ cupiditati & adulationi servientium ingenia deplorare possumus : *qui si forte in aliquod vocabulum æquivocum aut ambiguum incidant, quod suæ causæ tantillum adstipulari imaginentur, illud avidissime arripiunt ac ostentui habent, ut fucum imperitis faciant : & hinc tot ac tanta concertationes ac descriptiones sophisticæ Christianorum indignissima.*

VIII. Equidem si, ut Theologos oportet, dogmatice & proprie loqui velimus, hoc conclusio à confirmatione Synodi discrepat, quod conclusio fiat à Prælato, qui Synodo præsidet, & subductis Patrum suffragiis into majore numero concludit: confirmatio autem ab Imperatore ut acta in rem judicatam abeant, quod ut fiat externa vi & coactione opus est, qua Ecclesia jure divino caret. Itaque statim atque concilium à Patribus conclusum erat, Imperatores aut rogati à Patribus, aut etiam sua sponte leges sciscere consueverant pro exequutione Canonum: quemadmodum si hodie Rex Christianissimus edictum ferret quo Tridentinam Synodum observari in suo regno imperaret: sicque illam Synodum confirmare aut comprobare diceretur: quemadmodum olim Imperatores octo priora universalia concilia confirmasse certum est: adeo ut Patres ad concilium edictis Imperatorum evocati, ubi concilium conclusissent, priusquam ex statione pedem offerrent ab Imperatoribus & acta confirmari, & veniam abeundi peterent: dehinc etiam si eis videbatur summam rerum gestarum ad Episcopum Romanum perscribere, ut mox demonstrabitur. Verum quod superius dixi Papam teneri ad consensum catholicum & communionem sanctorum accedere à Leone Magno confirmatur 25. *quæst. 1. Can. Confidimus, quod nullus jam veraciter Christianus igno-*



*ret uniuscujusque Synodi constitutum, quod universalis Ecclesie probavit assensus: nullam magis exequi sedem præ cæteris oportere, quam primam. Hæc ille, conformiter ad disciplinam apostolicam & Canonum Nicænorum: quod autem postea blandiente cathedra subjungit: primam sedem unamquamque Synodum sua auctoritate confirmare & continuata moderatione custodire: hoc quidem est canonice non monarchice interpretandum: ita ut sensus sit, sedem Apostolicam confirmare Synodos assensum præbendo: non autem quod tota vis & robur Synodi ab illius auctoritate hauriatur, ut ignari adulatores aut homines obnoxii fingunt. Certe auctoritates summorum Pontificum in sua causa sunt reverenter glossandæ atque interpretandæ, ut alicubi ait Gersonius & Joannes Major. Cæterum valde ridiculus est Vallius, libro de suprema potestate Papæ, parte quarta, quæst. II. dum per vetustum Codicem Vaticanæ Bibliothecæ nobis memorat in quo hæc legantur: *Sententiam Macedonii & Eunomii Damasus confirmari præcepit etiam in sancta secunda Synodo: qua præcepto & auctoritate ejus apud Constantinopolim celebrata est: hæc ille; sed præstaret ea ex aliquo Patre antiquo, vel auctore probato quam ex Vaticana Bibliotheca prompsisset, quoniam Vaticanis tabulis, præsertim in causa Pontificum tantum habere debemus fidei, quantum juri divino, naturali & canonico concordat. Porro, quia Vallius futilem syl-**

logismum nectit, quo efficere vult Damasum eo modo Synodum Constantinopolitanam indixisse quo Sylvester PP. Nicænam convocavit : hic eum alio syllogismo validissimo & certissimo remunerabimur, ut aliquid habeat quod eum acriter pungat.

Quicquid in celebratione Conciliorum generalium jure peractum est ab Imperatoribus, inclinante majestate Romani Imperii : & exurgente Romanorum Pontificum auctoritate : id quoque à Constantino & Theodosio Magno florente Imperio jure peragi potuisse certissimum est.

Sed ex actis sex postremorum Conciliorum generalium quæ integra habemus, liquet ; Imperatores inclinante majestate Imperii & exurgente in dies singulos auctoritate Romanorum Pontificum, jure indixisse & confirmasse generalia Concilia, eisque etiam præfuisse.

Igitur jure licuit Constantino & Theodosio Magno florente Imperii majestate Nicænum & Constantinopolitanum Concilia indicere, convocare, confirmare, eisque præfidere.

Quæ omnia probabuntur historia sequentium Conciliorum generalium. Observabit autem lector, sub Theodosio Juniore tempore primi Concilii Ephesini, Gothos, Vandalos, Francos atque alias Gentes Barbaras coepisse in Romanum Imperium incumbere,

ac proinde pedetentim vires & majestatem Imperii magnam inclinationem accepisse, contra vero potestatem Papæ sensim accrevisse.

IX. His autem de Concilii Constantinopolitani historia præstitutis, obiter monebo Lectorem, Patres Canone 11. in hæc verba quintum & sextum Canonem Nicænum explicasse: *Episcopi ad Ecclesias quæ sunt ultra suam diæcesim suosque limites ne accedant, nec Ecclesias confundant: sed secundum Canones Alexandriæ quidem Episcopus Ægyptum solam rogat; Orientis autem Episcopi Orientem solum administrent servatis privilegiis ac præeminentiis quæ sunt in Nicæni Concilii Canonibus Antiochenæ Ecclesiæ tributa, & Asiaticæ diæcesis Episcopi quæ sunt in sola Asiatica administrent: & Thraciæ Episcopi Thraciam tantum regant, & Pontanæ Pontanam. Non vocati autem Episcopi ultra diæcesim ne transeant ad ordinationem, vel aliquam aliam administrationem Ecclesiasticam. Servato autem præscripto de diæcesibus Canone, clarum est quod UNAMQUAMQUE PROVINCIAM PROVINCIÆ SYNODUS ADMINISTRABIT, secundum ea quæ fuerunt Nicææ definita. Quæ autem in barbaris sunt gentibus, Dei Ecclesias administrare oportet secundum Patrum quæ servata est consuetudinem.* Verum inter alia hoc notabile occurrit ad quinti Canonis Nicæni intelligentiam, quod Synodo provinciali unaquæque provincia secundum jus commune debet gubernari: quod  
de

## CONCILIORUM GENERALIUM. 197

de disciplina & politia præsertim debet intelligi, cujusmodi erat causa Apiarii Africani presbyteri, de quo infra : nam res fidei, ut hæreses, verbi causa error Pelagii, communionem inita omnium Ecclesiarum definiri debent : *fides enim universalis est, & omnium communis est, Dist. 96. Can. Ubinam.*

Tertio Canone statuitur, *ut Constantinopolitanus Episcopus habeat priores honoris partes post Romanum Episcopum, eo quod Constantinopolis sit nova Roma* : de quo Canone magna est suborta contentio in Synodo Chalcedonenfi. Itaque nos hanc controversiam evolvendam illuc rejiciemus.

Sexto Canone, forma judicandorum Episcoporum præscribitur, doceturque *in solo Concilio universali totius diæcesis, id est, plurium Provinciarum & Metropolitum judicari posse* : quo ex Canone hic Canon septimus tertii Concilii Carthaginensis haustus videtur ; *ut Episcopi accusati in Concilio universali anniversario Provincia judicentur.* Quæ omnia spectant ad interpretationem quinti Canonis Nicæni : eisque Canones Antiocheni omnino consentiunt, quibus jus commune munitissimum contra absolutam monarchiam redditur.

## C A P U T VI.

- I. *Historia VI. Concilii Carthaginensis nata ex Zosimi PP. communitario, qui jus monarchicum in Ecclesias Africa quasi Canonibus Nicænis constitutum sibi assumebat : ita ut de omnibus causis & appellationibus clericorum etiam*

- per legatos à latere posset cognoscere,
- II. *Epistola Patrum Africanorum ad Cælestinum P.P. qua Zosimi commonitorio sigillatim respondent: atque regiminis aristocratici Ecclesia & juris communis praxim ad omnem posteritatis memoriam consecrant.*
  - III. *Patres Africani spondent se lite pendente & quoad de genuinis Canonibus Nicanis constaret, obtemperaturos Zosimi commonitorio.*
  - IV. *Olim Romanos Pontifices nihil sibi ausos assumere nisi ex præscripto & disciplina Canonum.*
  - V. *Juxta Canones Nicanos non licuisse Romano Episcopo sacerdotes ab ordinariis suis excommunicatos ad Ecclesia suæ communionem admittere.*
  - VI. *Patres Nicanos voluisse clericos cujuscumque essent gradus & conditionis, Episcopos nimirum aut Metropolitanos jure communi in Synodus provincia regi: nec eam ob causam judicia transmarina quarere aut sectari*
  - VII. *Argumenta Bellarmini contra jus commune & Epistolam Patrum Carthaginensium solvantur.*
  - VIII. *Ecclesiam definitione & canonibus Patrum regi oportere.*
  - IX. *De discrimine appellationum & persugiorum ad Romanam Ecclesiam.*
  - X. *Gratiam Spiritus Sancti nunquam Ecclesiis particularibus desuturam, modo faciant quod in se est, & aequitatem servent.*
  - XI. *In Ecclesia primitiva, quicumque judicio cognitorum gravabatur, poterat ad Synodum provincialem & à provinciali ad generale concilium provocare.*
  - XII. *B. Augustinum clare docere licitum fuisse Donatistis à Papa Melchiadis sententia ad universale concilium provocare.*
  - XIII. *Cajetani & Bellarmini argumenta in contrarium diluuntur.*
  - XIV. *Non esse credibile Deum alicui homini singulari inspirare ex aminationis justitiam, eam vero Synodis denegare.*
  - XV. *Nulla Synodo constitutum reperiri, ut Romanus Episcopus aliquos mitteret legatos à Latere in alias provincias, qui de causis clericorum contra jus commune statuerent.*
  - XVI.

XVI. *Capita commonitorii Zosimi nequaquam reperiri in Authenticis exemplaribus Synodi Nicænae allatis ex Oriente; nec plures quam viginti Canones conditos à Nicænis Patribus.*

XVII. *Fumosum typhum seculi non debere in Ecclesiam intromitti.*

XVIII. *Utrum Patres Africani verum Sardicæ concilium sicut Pseudo-Synodum Sardicam agnoverint.*

XIX. *Epistolam Bonifacii II. PP. ad Eulaliū esse suppositiciam.*

I. **C**Irca annum Christi 415 cum Patres Africanæ Ecclesiæ quos intererat S. Augustinus, ex præscripto Canonis quinti Nicæni, & secundi Constantinopolitani, omnes controversias provinciæ Africanæ Synodis provincialibus, ut tum ubique moris erat, deciderent: contigit quendam Siccensis Ecclesiæ Africanæ presbyterum nomine Apiarium, ab Urbano Episcopo Siccensi ob depravatissimos mores de gradu dejici, causamque in Synodo provinciali Africanæ Ecclesiæ approbari. Quocirca Appiarius, ut in integrum restitueretur, ad Zosimum Papam confugit ab eoque obtinuit ut Faustinum Potentinæ Ecclesiæ Italiæ Episcopum, cum Philippo atque Asello presbyteris Romanæ Ecclesiæ legatos à latere mitteret in Africam, ut causam Apiarii de integro tractarent, & pro executione sententiæ opem Præfecti Provinciæ implorarent, atque Urbanum Siccensis Ecclesiæ Episcopum Romam evocarent: aut nisi ea quæ legatis corrigenda videbantur

emendaret, excommunicatione innodarent. Zosimus vero obtendebat hoc iuristum Nicænis Canonibus, tum inveterata consuetudine sibi competere: eoque tempore Faustinus Zosimi legatus in Africam appulit, quo Patres Africanæ Ecclesiæ ducenti & septendecim numero generale concilium ex omnibus provinciis Africæ habebant, ut collectionem Canonum omnium conciliorum Africæ facerent, qualem nunc & Græce & Latine habemus conjectam in Codicem Canonum Dionysii Exigui & Nomocanonis Photii. Verum audita legati Pontificii propositione, Patres Africani rei novitate obstupefacti, cum eodem anno Zosimus viam universæ carnis ingressus fuisset, ad Bonifacium I. Zosimi successorem rescribunt, se in codicibus Latinis Synodi Nicænæ nunquam legisse quæ Zosimi commonitorio narrabantur: & eam ob rem authentica atque genuina exemplaria Nicæni concilii esse ab Orientalibus Ecclesiis mutuanda: seque hac de causa missuros ad Constantinopolitanam, Alexandrinam, Antiochenam, & alias Orientis Ecclesias: & etiam atque etiam rogare Bonifacium ut ad illas Ecclesias scribere in eundem finem non gravetur. Intereadum & lite pendente quoad vera exemplaria Nicæni concilii adferrentur, commonitorio Zosimi morem gesturos, id est, Apiarium ad suam communionem admissuros. Porro cum inter altercandum Alypius Episcopus

scopus & legatus Numidiæ dixisset Canones à Zosimo pro regulis Nicænis laudatos esse fidei subleſtæ, conſeſtim Fauſtinus Episcopuſ Zosimi legatuſ, nulla facta mentione vel Sârdicenſis, vel Nicænæ Synodi, Patres Africanos rogavit, *ut hanc perquiſitionem Canonum ſraterna charitate peragi curarent, ne contentio inter Eccleſias naſci videretur*: qua reſponſione Fauſtini liquet illum non habuiſſe Romanum Pontificem pro abſoluto monarcha Eccleſiæ, atque omnino incertum fuiſſe de iis quæ ad normam Canonum Nicænorum deſiniri cupiebat: quod autem petebat ut ſraterna charitas ſervaretur, hoc ipſe ſibi primum imperare debebat, quippe qui novum dominatum charitati penitus aduerſum contra Canones inveheret, ut ſtatim Patres Africani docebunt: nihil enim tantopere charitati inſeſtum eſt, quam dominatuſ & potentatuſ clericorum. Verum cum legati Eccleſiæ Africanæ in Orientem proficiſcerentur, per multi Episcopuſ conqueſti ſunt, ſe tamdiu à ſuis Eccleſiis abeſſe non poſſe. Quam ob cauſam delecti ſunt ex omnibus Provinciis legati, qui quam primum ex Oriente allati eſſent genuini Canones finem huic ambitioſæ controverſiæ imponerent. Intermedio autem tempore in unum codicem univerſi Canones Africanorum Conciliorum conjeſti & communi Eccleſiæ Africanæ conſenſu approbati ſunt ad Africanam Eccleſiam regendam. Certe



fratre nostro & Coëpiscopo Faustino, Concilium congregavimus, & credidimus ideo illum missum, quoniam sicut per ejus operam presbyterio ante redditus fuerat, ita nunc posset de tantis criminibus à Tabracenis objectis, eo laborante purgari: cuius tanta ac tam immania flagitia decursus nostri Concilii examen invenit, ut & memorati patrocini-um potius quam judicium, ac defensoris magis operam, quam disceptatoris justitiam superarent. Nam primum quantum obstiterit omni congregationi diversas injurias ingerendo, quasi Ecclesiæ Romanæ asserens privilegia, & volens eum à nobis in communionem suscipi, quem tua Sanctitas (credens appellasse, quod probare non potuit) communioni reddiderat, quod minime tamen licuit: quod etiam gestorum ex lectione melius cognoscēs. Triduo tamen laboriosissimo agitato judicio, cum diversa eidem objecta afflictissimi quæreremus, vel moras Coëpiscopi nostri Faustini, vel tergiversationes ipsius Apiarii, quibus nefandas turpitudines occulere conabatur, Deus iudex justus, fortis, & longanimis magno impendio rescavit. Tetriore quippe ac putidiorē obstinatione compressa, qua tantum lividum cœnum impudentia negationis volebat obruere, Deo nostro ejus conscientiam coarctante, & occulta, quæ in illius corde, tanquam volutabro criminum, jam damnabat, etiam hominibus publicante, repente in confessionem cunctorum objectorum flagitiorum dolosus negator erupit. Et tandem de omnibus incredibilibus opprobriis ultroneus se ipse convicit, atque ipsam quoque nostram spem, qua eum & credeba-

mus

*mus & optabamus de tam pudendis maculis posse purgari, convertit in gemitus: nisi quoniam istam nostram mœstitiā uno tantum solatio mitigavit, quod & nos labore diuturnioris questionis absolvit, & suis vulneribus qualemcumque medelam, & si invita ac sua conscientia reluctante, confessione providit, Domine frater.*

*Præfato itaque debite salutationis officio, impendio deprecamur, ut deinceps ad vestras aures hinc venientes non facilius admittatis, nec à nobis excommunicatos in communionem ultra velitis excipere; quia hoc etiam Nicæno Concilio definitum facile advertet Venerabilitas tua. Nam & si de inferioribus clericis vel laicis videtur ibi præcaveri, quanto magis hoc de Episcopis voluit observari, ne in sua provincia communione suspensi, à tua Sanctitate vel festinato, vel præpropere, vel indebite videantur communioni restitui? Presbyterorum quoque & sequentium clericorum improba refugia, sicuti dignum est, repellat Sanctitas tua: quia & nulla Patrum definitione hoc Ecclesiæ derogatum est Africane: & decreta Nicæna, sive inferioris gradus Clericos, sive ipsos Episcopos, suis Metropolitanis apertissime commiserunt. Prudentissime enim justissimeque providerunt, quaecumque negotia in suis locis ubi orta sunt finienda: nec unicuique provincie gratiam Sancti Spiritus defuturam, qua æquitas à Christi sacerdotibus & prudenter videtur, & constantissime teneatur: maxime quia unicuique concessum est, si iudicio ostensus fuerit cognitorum, ad Concilia sua provincia, vel etiam uni-*

universale provocare. Nisi forte quisquam est, qui credat unicuique posse Deum nostrum examinis inspirare iustitiam, & innumerabilibus congregatis in Concilium sacerdotibus denegare. Aut quo modo ipsum transmarinum iudicium ratum erit, ad quod testium necessaria persona, vel propter sexus, vel propter senectutis infirmitatem, vel multis aliis intercurrentibus impedimentis adduci non poterunt? Nam ut aliqui tanquam à tua Sanctitatis latere mittantur, nulla invenimus patrum Synodo constitutum. Quia illud quod pridem per eundem Coepiscopum nostrum Faustinum, tanquam ex parte Nicani Concilii exinde transmisistis, in Conciliis verioribus, quæ accipiuntur Nicana à sancto Cyrillo Coepiscopo nostro Alexandrina Ecclesia, & à venerabili Attico Constantinopolitano Antistite, ex authentico missis: quæ etiam ante hoc per Innocentium presbyterum & Marcellum subdiaconum per quos ad nos ab eis directæ sunt, venerabilis memoria Bonifacio Episcopo predecessori vestro à nobis transmissæ sunt: in quibus tale aliquid non potuimus reperire. Exequutores etiam clericos vestros quibusque potentibus nolite mittere, nolite concedere: ne fumosum typhum seculi in Ecclesiam Christi, quæ lucem simplicitatis, & humilitatis diem, Deum videre cupientibus præfert, videamur inducere. Nam de fratre nostro Faustino (amato jam pro suis nefandis nequitiiis de Christi Ecclesia dolendo Apiario) securi sumus, quod eum (probitate ac moderatione tuæ Sanctitatis salva) fraterna charitas ulterius in Africa minime sustinere patiatur. Et alia manu.

Do-

*Dominus noster sanctitatem vestram ad longiore orantem pro nobis, custodiat Domine frater. Finis.*

Hæc Patrum Africanorum Epistola formam disciplinæ apostolicæ secundum jus commune & Canonem quintum Synodi Nicænæ nobis ita consecrat, ut à nemine possit verti in ambiguum. Quo autem de controversia à Zosimo excitata omnes facilius judicare queant, analysim prædictæ Epistolæ & nonnullorum capitum sexti Concilii Carthaginensis explicabimus & ad octodecim articulos revocabimus: quorum primo sanctæ Sedis apostolicæ primatus commendatur.

III. Etsi enim Patres Africanæ Ecclesiæ moleste ferrent Zosimi commonitorium, nihilominus magna cum reverentia spondent, lite pendente & quoad genuini Canones Nicæni ex Oriente adferrentur, se, quicquid illo commonitorio continebatur, servaturos: siquidem Apiarium ad communionem admiſerunt, ut Zosimus mandabat. En responsio Africanæ Ecclesiæ, Epistola ad Bonifacium successorem Zosimi, quem Dominum passim vocant: *Ea breviter insinuare debemus, quæ utrorumque concordia terminata sunt, non quæ prolixis gestorum voluminibus continentur: in quibus salva quidem charitate, non tamen sine parvo altercationis labore, demorati sumus, ea gestis delibantes quæ nunc ad causam pertinent: quamquam Zosimus, si adhuc esset in corpore, hoc acciperet gratius, quod*

vi-

*videret pacatius terminatum, Domine frater. Item aliquanto post : Etiam literis nostris ad eundem venerabilis memoria Zosimum Episcopum datis insinuari curavimus, ut ea servare sine ulla ejus injuria pavidisper sineremus, usque ad inquisitionem statutorum Concilii Niceni. Et sub finem epistolæ : Donec fiat perquisitio ( Canonum genuinorum scilicet ) hæc quæ in commonitorio supradictò nobis allegata sunt de appellationibus Episcoporum ad Romanæ Ecclesiæ sacerdotem : & de Clericorum causis apud suarum Provinciarum Episcopos terminandis, nos usque ad probationem servaturos esse profitemur, & Beatitudinem tuam ad hoc nos adjuturam in Dei voluntate confidimus. Verum rogatos velim adversarios, dicant ingenue, an hæc Patrum Africanorum ad Bonifacium PP. rescriptio, hominibus conveniat, Papam pro monarcha agnoscentibus ? Quid dicere attinet, ut huic potentiæ gliscenti atque Afrorum assentationibus irent obviam, in Synodo Africana sub eodem Bonifacio Canone VI decrevisse : *Ne primæ sedis Episcopus appellaretur Princeps sacerdotum aut summus sacerdos, aut aliquid ejusmodi, sed tantum primæ sedis Episcopus ?* Et hæc eo jam tempore quo Episcopi Romani sibi monarchicum principatum in alias ecclesias arrogare volebant : hunc enim Canonem de illis ac de aliis primis sedibus intelligi oportere satis patebit hac historia : nec non etiam ex praxi Ecclesiæ Catholicæ quæ hunc Canonem in Oriente atque Occidente appro-*

bavit,

bavit, ut liquet ex Nomocanone Photii & Codice Dionysii Exigui. Adde præterea Episcopos Africanos nunquam Romanum Episcopum appellasse principem aut summum sacerdotem; ut huic Canoni satisfacerent.

IV. Secundus articulus docet Romanos Pontifices nihil tum temporis sibi ausos assumere quod non esset Canonibus præscriptum: nam Zosimus non petit jus cognoscendi & statuendi de causis Ecclesiasticorum per legatos à latere, tanquam sibi divino aut monarchico jure debitum: sed velut aliquod privilegium Nicænis Canonibus Ecclesiæ Romanæ indultum. Hic adscribam suasionem Faustini legati Apostolici ad Patres Africanos: *injuncta nobis sunt à Sede Apostolica aliqua per scripturam, inquit: aliqua etiam in mandatis, cum vestra Beatitudine tractanda, sicut & gestis superioribus meminimus: hoc est de Nicænis Canonibus ut conserventur, & constitutio eorum & consuetudo: quia aliqua ordine & Canone tenentur, aliqua consuetudine firmata sunt. De his ergo primitus si placet beatitudini vestræ, tractemus, &c.* Ita enim dixerunt dilectissimi fratres in Concilio Nicæno, cum de Episcoporum appellatione decernerent: placuit autem ut si Episcopus accusatus fuerit, & judicaverint congregati Episcopi regionis ipsius & de gradu suo dejecerint eum, & appellasse Episcopus videatur & confugerit ad Beatissimum Ecclesiæ Romanæ Episcopum & voluerit audiri, & justum putaverit, ut renovetur examen: scribere his Episcopis digne-

tur,

*tur, qui in finitima & propinqua provincia sunt, ut ipsi diligenter omnia requirant, & juxta fidem veritatis definiant. Quod si is qui rogat causam suam iterum audiri deprecatione sua moverit Episcopum Romanum ut è latere suo presbyterum mit-  
tat : erit in potestate Episcopi Romani quid velit & quid existimet, &c.* Quæ ex Sardicensi Concilio deprompta, superius in ejusdem Sardicensis Synodi historia integra exhibuimus, atque objectionibus adversariorum respondi-  
mus.

Tertium notabile est, Patres Africanos Congregasse Concilium statim atque Faustinus legatus apostolicus in Africam appulit : *adveniente, inquit, ad nos fratre & Coëpiscopo nostro Faustino Concilium congregavimus, &c.* quod non est intelligendum de primo adventu Faustini quamprimum Zosimi commonitorium attulit : (tum enim reperit Patres Africanos congregatos, ut superius docui) sed quando in Africam sub Cœlestino I iterum rediit, reversis ex Oriente legatis Africæ : quia, ut dixi, sexennium integrum in hac tractanda controversia lapsus est, & Patres Africanæ Ecclesiæ ubi literas Cyrilli Alexandrini & Atrici Constantinopolitani Episcopi acceperunt, & Faustinus Roma advenit, Synodum habuerunt, ut præsentè Faustino causa Apiarii secundum Canones Nicænos decideretur.

Quartum, causam Apiarii ejusmodi fuisse, ut potius patrociniū Faustini ; quam judi-

Lib. I.

O

cium ;

cium; & indulgentiam, quam perquisitionem aut definitionem exposceret.

Quintum, eundem Faustinum Patribus Africanis valde molestum atque injurium fuisse suo primo in Africam adventu scilicet: idque propter Romanæ Ecclesiæ privilegia, quæ ostentui habebat, contendens Apiarium admitti oportere ad communionem in Africâ, eo ipso quod Pontifex Romanus illum ad suam communionem recepisset: *Nam primum quantum obstiterit omni congregationi diversas injurias ingerendo, quasi Ecclesiæ Romanæ asserens privilegia, & volens eum à nobis in communionem suscipi, quem tua Sanctitas communioni reddiderat: quod minime tamen licuit: quod etiam gestorum lectione cognoscet.* Quæ Patrum querela demonstrat, Romanam Ecclesiam sumi pro Ecclesia particulari: neque idem esse catholicæ & Romanæ Ecclesiæ communione donari aut excludi: siquidem Africana Ecclesia Apiarium, quem Ecclesia Romana communione sua donaverat, ejicit: idque similiter factum Victoris Papæ erga Asianas Ecclesias probat: & continuo Papam illis seculis minime habitum pro monarcha Ecclesiæ, ut hodie.

Sextum notabile, ideo Apiarium ad communionem Romanæ Ecclesiæ admissum, quoniam Papa sibi persuaderet illum appellasse ad Sedem apostolicam. Quotquot enim Romanam perfugio habebant, Romani Pontifices Sedem Apostolicam appellasse sibi persuadebant,



bant, eosque propterea ad suam communio-  
 nem sæpe incognita causa admittebant : &  
 hinc illi fletus S. Basilii in suis epistolis , sicut  
 & Patrum Africanorum sese strenue opponen-  
 tium ejusmodi usurpationibus contra jus  
 commune invectis : siquidem docent Cœlesti-  
 num non potuisse probare Apiarium appellas-  
 se : *Quem tua Sanctitas credens appellasse, quod  
 probare non potuit, communioni reddiderat : quod  
 minime tamen licuit.* Hic monendus lector, om-  
 nibus inditum esse hominibus à natura, ut se-  
 se nimium adament, ac sibi plus quam ratio  
 postulat sæpe assumant : ex quo accidit ut po-  
 pulus Romanus, cum sibi persuaderet Ro-  
 manum Episcopum parem habere in rebus  
 Ecclesiasticis auctoritatem quam Imperator  
 Romanus in politicis obtinet, facile quos-  
 cumque Apiarios ad communionem contra  
 leges ecclesiasticas reciperet : idque mirum  
 in modum ampliandæ potestati Romani Pon-  
 tificis conduxit. Procul dubio fiscales judices  
 iis potissimum gratificantur, qui in eorum mo-  
 letrinas aquam derivant.

Septimo probant Apiarium post multas  
 tergiversationes atque effugia, tum demum  
 maximo divinæ providentiæ beneficio in pu-  
 blicam confessionem omnium criminum sibi  
 objectorum erupisse : magno quidem illorum  
 opprobrio qui illum Romæ innocentem pro-  
 nunciarant, & quia in communionem admi-  
 ferant, volebant etiam ab aliis admitti : *Repente*

*in confessionem cunctorum objectorum flagitiorum dolosus negator erupit : & tandem de omnibus incredibilibus opprobriis ultroneus se ipse convicit, &c.*

V. Octavo, docent ne quidem per Canones Nicænos licuisse Romano Pontifici sacerdotes ab ordinariis suis secundum jus commune excommunicatos ad communionem admittere, etiam in suo Patriarchatu : id enim hæc sonant : *Prefato itaque debite salutationis officio, impendio deprecamur, ut deinceps ad vestræ aures hinc venientes non facilius admittatis : nec à nobis excommunicatos in communionem ultra velitis excipere : quia hoc etiam Nicæno Concilio definitum facile advertet Venerabilitas tua, &c.* Causa hujus rei est, quod auctore Cypriano *singuli Episcopi in solidum suas regant Ecclesias, 24, quæst. 1. Can. Loquitur* : propterea quod sacerdotium Christi ubique ejusdem est meriti & auctoritatis, *Dist. 93. Can. Legimus. S. ubicumque fuerit Episcopus, sive Roma, sive Eugubii, sive Constantinopoli, sive Rhégi, sive Alexandria, sive Tanis, ejusdem meriti, ejusdem est & sacerdotis.* Itaque, nisi quos Episcopi Africæ, verbi causa, excommunicarunt, ubique excommunicati habeantur; neque pax, neque disciplina, neque sanctorum communio, à qua Ecclesiæ unitas dependet, ullo modo servari poterit : & hinc illæ Patrum Africanorum querimoniæ adversus Zosimi commonitorium : facileque est dubitationi, quam Sco-

Scotus quarto sententiarum, distinctione decima nona excitat, satisfacere : *Oportet querere, inquit Scotus, unde à primo principio Ecclesia, habuit quilibet talis qui modo communiter excommunicat in Ecclesia auctoritatem super omnes Christianos, ut tenerentur sibi obedire, cavendo istum excommunicatum ab eo propter ejus preceptum.*

De Papa loquitur Doctor subtilis : porro ex Canonum disciplina liquet illum tantopere vitandum fuisse, quem Episcopus Siccensis Ecclesiæ Africanæ excommunicasset, quam à Pontifice Romano excommunicatum, secundum Ecclesiæ primitivæ disciplinam : idque propter sanctorum communionem & Ecclesiæ unitatem. Enimvero, cum omnes simus membra corporis mystici, invicem compati & vitanda vitare, amplexanda vero amplecti debemus : neque unus sibi omnia pro animi sui arbitrio contra Canones, assumere potest : æque enim Pontifex Romanus quam alii Episcopi canonibus & disciplinæ Ecclesiasticæ obstringebatur. At forsan aliquis contendet, quamquam Victor Papa Asianas Ecclesias excommunicasset propter Paschæ celebrationem, nihilominus cæteras ecclesias non abstinuisse à communione Ecclesiarum Asiæ : & consequenter falsum esse quod hoc in loco à Patribus Africanis dicitur. Respondeo, Patres Carthagenensis Concilii loqui de iis quæ fiunt secundum jus commune ab unoquoque Episcopo in sua diœcesi : & Victorem contra

jus ordinarium processisse : ideoque ab aliis Ecclesiis merito improbatum. Sed de hac Victoris Papæ historia lege caput sextum lib. quarti Defensionis Libelli de ecclesiastica & politica potestate, numero 19.

VI. Nono ex Canonibus Nicænis urgent, omnes clericos cujuscumque sint gradus aut conditionis, sive Episcopos, sive Presbyteros, suorum Metropolitanorum regimini permitti, hocque ad jus commune pertinere: *Quia hoc etiam Nicæno Concilio definitum facile animadvertet venerabilitas tua. Nam & si de inferioribus Clericis vel Laicis videtur ibi praecepi, quanto magis hoc de Episcopis voluit observari : ne in sua provincia communione suspensi à tua Sanctitate vel festinato vel praepropero, vel indebite videantur communioni restitui ? Presbyterorum quoque & sequentium Clericorum improba refugia, sicuti te dignum est, repellat Sanctitas tua : quia & nulla Patrum definitione hoc Ecclesiae derogatum est Africanæ : & decreta Nicæna, sive inferioris gradus Clericos, sive ipsos Episcopos suis Metropolitanis apertissime commiserunt. Quam Patrum Africanorum assertionem, Canonibus conformem esse docent Canon v & vi Nicæni, ix, xiv & xv Antiocheni : ii & vi Constantinopolitani, item vii tertii Concilii Carthaginensis : Ut Episcopi accusati in Concilio universalis anniversario provinciae judicentur. Quibus attexe pariter Canonem xxii Milevitani Concilii, sub Innocentio I. Placuit ut presbyteris,*

*ceri, diaconi, & ceteri inferiores clerici in causis quas habuerint, si de judiciis Episcoporum suorum questi fuerint, vicini Episcopi eos audiant, & inter eos quicquid est finiant: adhibiti ab eis ex consensu Episcoporum suorum. Quod si ab eis provocandum putaverint, non provocent nisi ad Africana Concilia, vel ad Primate Provinciarum suarum. Ad transmarina autem qui putaverit appellandum, a nullo intra Africam in communionem suscipiatur.*

VII. Porro, hinc perspicue colligimus, neque Episcopis, neque Presbyteris licuisse à jure communi desciscere, ut transmarina judicia, hoc est, curiam Romanam jamjam sensim monarchizantem sectarentur. Quem nodum Cardinalis Bellarminus non solvit sed involvit lib. 11 de Romano Pontifice cap. 24. Ait enim, *Canonem Milevitani Concilii non esse ad propositum: quia questio de Appellationibus ad Romanum Pontificem, non est de Appellationibus presbyterorum, & minorum, clericorum, sed de Appellationibus Episcoporum: siquidem Concilium Sardicense quod Episcopos voluit posse appellare ad Pontificem Canone IV & VII, idem voluit causas presbyterorum & minorum clericorum terminari apud vicinos Episcopos, ita ut liceat minoribus clericis appellare à suo Episcopo ad alios Episcopos ejusdem provincie, ut habet Canon XVI Sardicensis Concilii. Quos duos Canones renovari voluit Papa Zosimus & executioni mandari in Africa, ut patet ex Concilio sexto Carthaginensi, & ex epistola Concilii ejusdem ad Bonifacium PP. Porro Canon XXI*

*Milevitani Concilii de presbyteris & minoribus clericis loquitur, non de Episcopis, ut patet tum ex Augustino qui huic concilio interfuit, & tamen scribit in Epistola 162. licere Episcopis Africa appellare ultra mare: clericis minoribus non licere, tum ex verbis ipsius Concilii: sic enim incipit: Placuit ut presbyteri, diaconi, vel ceteri inferiores clerici in causis quas habuerint, &c. Quare totum Concilium Milevitanum probavit Innocentius I in epistola ad ipsum Concilium quæ est 93. inter Epistolas B. Augustini: quod certe Innocentius non fecisset, si in eo apostolica sedi derogatum aliquid fuisset. Deinde aliquanto post: Licet prohibitum fuerit clericis inferioris ordinis appellare Episcopis suæ provincie, non tamen prohibitum fuit, nec prohiberi potuit summo Pontifici, ne si vellet eos admittere. Præterea Romani Pontifices non tam admiserunt Appellationem Apiarii quam audierunt ejus querimonias, & mandarunt Africanis ut ejus causam diligenter cognoscerent & fideliter judicarent. Apparet enim ex illis duabus Epistolis bis Apiarium venisse Romam, & utraque vice remissum in Africam, & ibi post reditum ejus ab Urbe judicatum in Concilio.*

Huc usque Bellarminus; cujus integram responsionem exscribere volui, ut singulis ejus articulis satisficere vellem. Primum quod asserit, Canonem **xxii** Milevitanum agere duntaxat de presbyterorum & minorum clericorum Appellationibus, fateor id verum esse. Nam tum temporis propositum erat Africanis

nis Patribus, suos presbyteros, quos crebro Romam confugere videbant, in gyrum apostolicæ disciplinæ redigere : hocque non impedit quo minus quæstio proposita generatim de omnibus clericis atque etiam ipsis Episcopis capiatur : quando idem Patres Africani ex præscripto Canonis VI Constantino-  
politani in tertio Concilio Carthaginensi Canone VII decreverunt, *ut Episcopi accusati, in concilio universali anniversario provincie judicentur* : & in hac epistola, quam explicamus, clare pronunciant : *Nam si de inferioribus clericis vel laicis videtur ibi præcaveri, quanto magis hoc de Episcopis Nicæna Synodus voluit observari?* Quæ enim ratio pro presbyteris, à fortiori quoque pro Episcopis militat : quoniam jus commune, quod lege divina naturali constitutum est, ex æquo universos perstringit : & quidem multo magis Episcopos quam clericos inferiores : propterea quod amplior ruina & scandalum gravius ex Episcoporum quam ex Presbyterorum delictis nascitur : & quo malum aliquod magis commune & vehemens est, eo & citius faciliusque debet opprimi, si ad naturæ propositum attendamus. Hæc autem medicina solo jure communi parari potest, ut Patres Africani demonstrant. Ex quo sit ut omnes canones jubeant quæcumque negotia, iis in locis, ubi nascuntur, definiri oportere : contra autem curia Romana vult Romam omnes controversias transportari cum auro provincia-

vinciarum. Secundo, meror quidem Bellarminum asserere, hic tantum agi de presbyterorum & clericorum inferiorum, non de Episcoporum Appellationibus, & tamen aliquanto infra contendere, Patres Africanos non prohibuisse aut potuisse prohibere summo Pontifici quominus presbyteros appellantes admitteret si vellet. Certe si ita est, insurgit male statutum ab Africanis Patribus, ne presbyteri & clerici inferioris ordinis transmarina judicia quærent, aut alioqui à nullo intra Africam admitterentur ad communionem: imo etiam relinquitur perperam à Nicænis & Constantinopolitanis Patribus scitum, *ut omnia negotia provincie, Synodo provinciali definirentur*. Cæterum hæc Bellarmini commenta inde manant, quod imaginetur Papam esse absolutum Ecclesiæ monarcham. Tertio, quod ait Synodo Sardica decretum esse ut Episcopi ad summum pontificem appellarent, id pro comperto & probato assumit quod est in controversia positum; at supra explicavimus quo sensu Canones Sardici capi debeant. Vide caput tertium hujus libri. Quarto fallit aut fallitur, dum objicit S. Augustinum, qui Milevitano Concilio interfuit, scribere in epistola 162 ad Glorium, Eleusium & Felicem Grammaticum licere Episcopis Africæ appellare ultra mare, &c. Siquidem Augustinus eo in loco non disputat de jure appellandi Romam, sed ad Generale Concilium:



lium:& factum Donatistarum enarrat, quoniam à Constantino Imperatore iudices Episcopos petierant, qui de suis questionibus arbitrio medio judicarent. Quod posteaquam factum est presente Caciliano Episcopo Carthaginiensi & illis qui Cacilianum accusabant; atque Melciades Papa, cum aliis Episcopis quos Constantinus iudices nominarat, ad preces Donatistarum Cacilianum innocentem declarassent, & Donatum cum suis affectis reum improbassent: nihilominus Donatistas in pertinacia scelestissimi schismatis permanfisse, adeo ut necesse fuerit Constantino eandem causam diligentius examinandam terminandamque curare, &c. Cujus rei historiam fusius habes infra decimo quarto notabili, ubi clare videbis, licitum à Papa sententia ad Concilium generale provocare. Quinto, petitio est principii, dicere, Innocentiū I nunquam Synodum Milevitanam confirmaturum, si Appellationibus ad Romanam Sedem derogasset. Nam cum jus commune & regulæ aristocratici regiminis juris sint divini & naturalis, tantum abest ut eis Papa possit detrahere, cum eas ipsemet servare teneatur. At vero Canones Patrum Africanorum de non quærendis transmarinis judiciis respectu Episcoporum & Presbeyerorum, juri communi & Nicænis Canonibus plane congruere hic ostenditur à Patribus Nicænis. Sexto vel hinc claret, Bellarminum non ad veritatem sed ad fallendum scribere, dum ait Romanos Pontifices non tam  
ad

admissæ Appellationem Apiarii quam audivisse ejus querimonias, & mandasse Africanis ut ejus causam diligenter cognoscerent. Verum si Pontifex Romanus Appellationem Apiarii non admisit, ut Bellarminus memorat, quare cum communioni & presbyterio suo ante causam examinatam coram Patribus Africanis restituit? Quandoquidem in hac epistola ad Cœlestinum statim initio nominatim Patres queruntur, Apiarium *opera Faustini redditum fuisse presbyterio Siccensis Ecclesiæ, unde ejectus fuerat: & eundem Faustinum diversas injurias ingessisse quasi Ecclesiæ Romanæ asserentem privilegia, ac voluisse Apiarium à Patribus Africanis in communionem suscipi, eo quod Romanus Pontifex illum communioni reddidisset, quasi Sedem apostolicam appellasset: quod tamen probare non potuit. Tandem post causam Apiarii laboriosissimo judicio agitatam, illum crimina sua confessum fuisse, &c.* Ex quo patet, prius Romæ Apiarium restitutum quam ejus causam cognitam: atque Faustinum jure vel injuria id exequi voluisse in Africa, Romanæ obtendens Ecclesiæ privilegia. Quid dicere opus, eidem Faustino mandatum ut Episcopum Siccensem, nisi Apiarium ad communionem reciperet, anathemate feriret, aut etiam Romam evocaret? ut legitur in epistola Patrum Africanorum ad Bonifacium Zosimi successorem. Quis igitur hoc dicat esse judicio legitimo contendere & non potius cer-

tare

tare ad jure vel injuria vincendum? sic enim efficitur ut aqua in moletrina jugiter influat & pedetentim absoluta conflatur monarchia intallibilis. Septimo, causa propter quam Apiarius bis sese Romam contulit est, quia lexenno integro controversia hæc continuavit: & quamquam Faustinus eum primo suo adventu presbyterio restituisset, atque Patres Africani lite pendente Zosimi mandatis obtemperarent: nihilominus Faustino redeunte Romam, Apiarius invisus populo & conscientia scelerum exstimulatus etiam rediit Romam, & secundo Faustini reditu reversus est in Africam: jam enim dixi Faustinum bis se in Africam ad hanc definiendam controversiam contulisse. Sed revertor ad Analysim epistolæ Patrum Ecclesiæ Africanæ.

VIII. Decimo enim ostendunt, Romanum Pontificem non posse usitatæ atque receptæ consuetudini in aliqua provincia derogare, modo illa juri communi bonisque moribus non officiat: atque ejusmodi consuetudinem à solo Concilio generali aut provinciali abrogari posse. *Presbyterorum quoque & sequentium clericorum improba refugia repellat Sanctitas tua: quia & nulla Patrum definitione hoc Ecclesiæ derogatum est Africana*, inquiunt. Unde colligimus Patres Africanos judicare Ecclesias *Patrum definitione*, hoc est, canone, non absoluta potestate regi oportere, atque omnia, quibus non est Patrum definitione derogatum, vim habere. IX.

IX. Undecimo, magnum esse positum discrimen inter Appellationes atque perfugia clericorum. Sane Episcopi Africæ, quamquam Pattiarchatui Romano subiecti juxta sextum Canonem Nicænum, attamen nunquam Appellationis sed improbi perfugii nomine hujusmodi sacerdotum suorum vitiligationes donarunt: *Presbyterorum quoque & sequentium clericorum improba refugia repellat Sanctitas tua, &c.* Et paulo ante: *Sanctitas tua credens Apiarium appellasse, quod probare non potuit; communioni reddiderat, &c.* Causa autem cur hæc titulo Appellationis non cohonestentur est, quia juri communi, quod Nicænis Canonibus consecratur & explicatur, repugnant. Accedit, in more positum esse sceleratis Apiario simillimis, neque juri divino, neque humano parcere, ut pœnas suis sceleribus debitas effugiant: & eam ob rem undequaque possunt jure vel injuria sibi factiose subsidia parare: *ac vera rerum vocabula permutare ut sue iniquitati colorem aliquem justitia alliniant*: sic Apiarii pervicacia contra disciplinam, vocatur Appellatio. Proculdubio nullus potest inficiari Ecclesiam Romanam tutissimo perfugio extitisse B. B. Athanasio, Chrysostomo, & aliis Patribus afflictis: sed dum Bellarminus ejusmodi perfugia nomine Appellationis donat lib. 11. de Romano Pontifice cap. 21. obtenditque insuper Fortunatum & Felicem presbyteros depositos à S. Cypriano

priano appellasse ad Cornelium, & Basilidem Episcopum ad Stephanum PP. certe perfugium pro Appellatione usurpat atque vocis æquivocatione lectorem frustratur. Quæ ut innotescant, de singulis exemplis dicemus: & primum historia Synodi Sardicensis satis explicat quid de facto S. Athanasii tenere debeamus: cum sese in Occidentem contulerit, ut ope Julii Papæ & aliorum Episcoporum Occidentis synodice & canonice restitui posset, ut, revera Synodo Sardica restitutus est. Par quoque judicium Chrysostomi, qui literis suis ad Innocentium I auxilium, sed quale tum Ecclesia suppeditare consueverat, petit, nempe ut Synodus habeatur: unde nominatim dicit, *se ad Synodum & justum judicium provocasse, & manifestas inimicitias Theophili Alexandrini, quem Eudoxia Imperatrix in Chrysostomum incendebat, fugisse.* sicque epistolam concludit: *Neque Scythas neque Sauromatas unquam judicasse, dandum judicium uni parti, absente ea quæ accusatur: & vitante, non judicium sed inimicitias & invocante multa millia judicum, & prostante coram toto orbe declaraturam se non esse ream, depulsuramque crimina & ostensuram suam innocentiam:* Quibus & Innocentius Epistola 29 ad clerum & populum Constantinopolitanum respondet, *Synodali cognitione peropus esse: quam dudum etiam cogendam esse censuimus, quia sola illa talium procellarum motus sopire potest,* inquit. Quæ pariter à Sozomeno confirman-

tur

tur lib. viii. cap. 28. narrante, *Innocentium misisse quinque Episcopos Ecclesiæ Romanæ, & duos presbyteros ad Honorium & Arcadium Imperatorem, ut & Synodum & ejus definitum tempus ac locum impetrarent*: propria sunt verba quæ demonstrant Imperatorem habuisse potestatem indicendorum & convocandorum Conciliorum, ut jam sæpe docuimus. Hercle, ut curiæ Romanæ scriptores sua commenta pro absoluta Papæ monarchia facilius defigerent, illis maxime exoptandum erat, omnes antiquos Libros, Historias, & Concilia deleri, expurgari, aut nunquam edi in lucem: unde quandiu latuerunt, multa contra veritatem ignaris persuaferunt, & supposuerunt. De Fortunato & Felice res ita habet. S. Cyprianus Synodo provinciali istos propter hæresim exauctoraverat: cum autem Romam transfugissent ut à Cornelio Papa admitterentur ad communionem, Cyprianus veritus ne ibi redintegrarentur, ad Cornelium scripsit Epistolam 55. *Quales putas eos esse, dicit, qui sacerdotum hostes & contra Ecclesiam Catholicam rebelles, nec præmonentis Domini comminatione, nec futuri judicii ultione terrentur: neque enim aliunde hæreses abortiæ sunt, aut nata schismata, quam inde, quod Sacerdoti Dei non obtemperatur, nec unus in Ecclesia ad tempus Sacerdos, & ad tempus iudex vice Christi cogitatur: cui si secundum magisteria divina obtemperaret fraternitas universa, nemo adversum sacerdotum collegium*  
quic-

*quicquam moveret : nemo post divinum iudicium , post populi suffragium , post cœpiscoporum consensum , iudicem se non Episcopi sed Dei faceret : nemo dissidio unitatis Christi Ecclesiam scinderet : nemo sibi placens ac tumens seorsim foris hæresim conderet , &c. Deinde post medium epistolæ hæc subjicit : Nam cum statutum sit omnibus nobis & æquum sit pariter ac justum , ut uniuscujusque causa illic audiatur , ubi est crimen admissum , & singulis pastoribus portio gregis adscripta , quam regat unusquisque & gubernet , rationem sui actus Domino redditurus : oportet utique eos quibus præsumus non circumcursare , nec Episcoporum concordiam coherentem sua subdola & fallaci temeritate collidere : sed agere illic causam suam , ubi & accusatores habere & testes sui criminis possint : nisi si paucis desperatis & perditis minor videtur esse auctoritas Episcoporum in Africa constitutorum , qui jam de illis judicaverunt , & eorum conscientiam multis delictorum laqueis vincitam iudicii sui nuper gravitate damnarunt. Jam causa eorum cognita est : jam de eis dicta sententia est , &c. Demum epistolam ita claudit : Quamquam sciam fraternitatem nostram vestra scilicet providentia monitam , sed & sua vigilantia satis cautam , nec capi hæreticorum venenis posse , &c. tamen ex abundanti vel sollicitudo nostra , vel charitas scribere ad vos ista persuasit , ut nulla cum talibus commercia copulentur : nulla cum malis convivia vel colloquia misceantur : simusque ab eis tam separati quam sunt illi de Ecclesia profugi. Qua ex collectione Cypriani duo*

dignoscimus : Primo hæc verba : *Neque enim aliunde hæreses obortæ sunt , aut nata schismata , &c.* non de solo Papa, ut adulatores fingunt, sed de quocumque alio Episcopo sententiam dicente ex cathedra intelligi oportere. Quod diserte confirmatur ab eodem Cypriano epistola 69 ad Pupianum hominem laicum, qui se à Cypriani communione temere & arroganter segregare ausus fuerat : de quo verbis conceptis eadem refert quæ leguntur epistola ad Cornelium: *An tu te Episcopum Episcopî, & iudicem iudicis ad tempus à Deo dati constituis? &c. Inde enim schismata & hæreses obortæ sunt & oriuntur, dum Episcopus qui unus est, & Ecclesiæ præest, superba quorundam præsumptione contemnitur, & homo dignatione Dei honoratus indignus hominibus iudicatur.* Cujus rei causam aliquanto post ita reddit sub finem Epistolæ. *Unde scire debes Episcopum in Ecclesia esse, & Ecclesiam in Episcopo: & si qui cum Episcopo non sit, in Ecclesia non esse, & frustra sibi blandiri eos, qui pacem cum sacerdotibus Dei non habentes obrepunt & latenter apud quosdam communicare se credunt: quando Ecclesia quæ Catholica una est, scissa non sit neque divisa; sed sit utique connexa, & coherentium sibi invicem sacerdotum glutino copulata.* Et ita liquet falso illa uni Cornelio Papæ adscribi. Secundum notabile est, his aliis conceptis vocibus Cyprianum ostendere quodnam & quale sit decretum prolatum ex cathedra : *nemo adversum sacerdotum collegium quicquam moveret, nemo post*



*divinum iudicium, post populi suffragium, post coëpiscoporum consensum, iudicem se non Episcopi sed Dei faceret, &c.* Sensus ergo est, iudicium in Faustum, Felicem atque alios presbyteros latum ex sanctorum communione & Catholico consensu totius Provinciæ : & consequenter non licitum Romano Pontifici illud retractare. Idque probat *quoniam statutum omnibus & æquum pariter ac iustum sit, ut uniuscujusque causa illic audiat ubi est crimen admissum; & singulis Pastoribus portio gregis sit adscripta; & oportere eos quibus præsumus non circumcursare, & agere illic causam ubi accusatores, & testes criminis esse possunt, &c. neque oporteat Episcoporum concordiam coherentem collidere & scindere.* Quæ omnia Nicænis & Constantinopolitanis Canonibus quadrant : quibus statuitur, omnia negotia provinciæ, Synodo provinciali esse decedenda : hercle qui hanc Cypriani epistolam considerate examinarit, statim cognoscet, illum non obscure Cornelium Papam reprehendere, quod ejusmodi perfugia admitteret, atque hominibus sceleratis anam & accessionem præberet juris communis turbandi & concordiam coherentem Ecclesiæ scindendi. Quæ etiam summa est conquestio S. Basilii, & Patrum Africanorum. Sed transeo ad Basilidem Hispaniæ Episcopum, qui cum Synodali iudicio provinciæ pariter damnatus fuisset ab Episcopis Hispaniæ, & Stephanum Papam habuisset perfugio ut restitueretur : Hi-

spaniæ Episcopi Cyprianum hujus causæ suæ  
 judicem elegerunt adversus factum Stephani  
 Papæ : quod argumento est certissimo illos  
 nunquam Episcopum Romanum habuisse pro  
 monarcha Ecclesiæ. Siquidem factum Ste-  
 phani diserte improbat Cyprianus, & gesta  
 Episcoporum Hispaniæ confirmat, epistola  
 68. *Cum in unum convenissemus, legimus literas  
 vestras fratres dilectissimi, quas ad nos per Felicem  
 & Sabinum Episcopos nostros pro fidei vestræ inte-  
 gritate & pro Dei timore fecistis : significantes Ba-  
 silidem & Martialem libellis idololatriæ commacu-  
 latus, & nefandorum facinorum conscientia vinctos  
 Episcopatum gerere, & sacerdotium Dei admini-  
 strare non oportere : & desiderastis rescribi ad hæc  
 vobis, & justam pariter ac necessariam solitudi-  
 nem vestram vel solatio vel auxilio nostræ sententiæ  
 sublevari. Sed enim desiderio huic vestro non tam  
 nostra consilia quam divina præcepta respondent,  
 &c. Nec rescindere ordinationem jure perfectam  
 potest, quod Basilides post crimina sua detecta, &  
 conscientiam etiam propria confessione nudatam Ro-  
 mam pergens, Stephanum collegam nostrum longe  
 positum & gesta rei ac tacitæ veritatis ignarum fe-  
 sellit : ut ex ambiret reponi se injuste in Episcopatum,  
 de quo fuerat juste depositus. Hoc copertinet, ut  
 non tam Basilidis abolita sint quam cumulata de-  
 lecta : ut ad superiora peccata ejus etiam fallaciæ &  
 circumventionis crimen accesserit. Neque enim tam  
 culpandus est ille cui negligenter obreptum est, quam  
 hic execrandus qui fraudulentè obrepserit.* Obre-  
 pere

*pere autem si hominibus Basilides potuit, Deo non potest, cum scriptum sit: Deus non deridetur.* Hucusque Cyprianus, aperte accusans Stephanum negligentiae quod sibi obrepi passus sit atque Basilidis factum obreptionem non Appellationem vocans: quid ergo venit in mentem Bellarmino, ut hoc inter Appellationes ad Romanum Pontificem recenseat? Cum haec omnia exempla clare demonstrent per quos & quibus juris communis, & disciplinae apostolicae abrogatio introducta & cuinam quaestiosa fuerit temporaliter. Similibus improbis refugiis atque obreptionibus usi sunt Antonius Episcopus Fussalanus S. Augustini discipulus, Rhotadus Sueffionensis, & Hincmarus Laudunensis Episcopus: qui omnes secundum Canones Nicænos damnati fuerant, & tamen à Pontificibus Romanis non jure sed via facti restituti sunt, ut alias docuimus: quod enim contra jus commune & Canones patrat, vis non jus est, secundum illius temporis disciplinam: aliud est de hodierna quam Ecclesia tolerat. Porro quamcumque in partem Adversarii Epistolas Cypriani & Patrum Africanorum versarint, nunquam probabunt illos nomine Appellationis usos erga Romanum Pontificem quoties contra jus commune & Canones Patrum aliquid attentavit: idque nos clare docet quid de Monarchia recentiorum sit tenendum.

Duodecimo, demonstrant Nicænos Patres

justissime & prudentissime cavisse, ut quæcumque negotia jure communi, hoc est, iis in locis ubi orta essent, finirentur ab Episcopis provinciae: ne, si longius aut extra provinciam medicina quæreretur, morbus ingravesceret. Porro hujus constitutionis rationem sic Patres assignant: *quod transmarina judicia rata esse non possint absque plurimorum testium auditione: atque ejusmodi testes vel propter sexus, vel propter senectutis infirmitatem, vel multis aliis intercurrentibus impedimentis Romam deduci nequeant.* Certe S. Bernardus quamquam seculo vixerit quo jus commune plane oppressum erat, hoc testatur lib. 111. cap. 4. ad Eugenium & cap. 6. *Bene facis tu quod appellationem negato suffragio, imo suffugio, multa remittis negotia ad cognoscentes, vel qui noscere citius possint: ubi enim certior aut facilior notio, ibi decisio tutior expeditiorque esse potest.* Quod ipsum certe lumen naturale præmonstrat: & si ulla in re, præsertim in causis ecclesiasticis & spiritualibus observandum venit. Quam ad rem faciunt superiora testimonia Cypriani ex epistola 55 ad Cornelium quæ huc impendi atque referri debent.

Cæterum Bellarminus ut se ab his nodis adamantinis exsolvat, lib. 11. de Romano Pontifice cap. 23. mirum in modum æstuat: & primo quidem, ut meticulosis atque ignaris scrupulum injiciat, persuadere vult, hoc esse argumentum Lutheranorum. Secundo, respondet *Cyprianum epistola 55 ad Cornelium agre*

tulisse appellationes eorum qui de manifestissimis criminibus convicti & judicati fuerant : non autem omnino appellationes sustulisse : idque colligitur ex lib. I epistola 4 Cypriani ; ubi de Basilide loquens qui damnatus in Hispania ad Stephanum Papam appellaverat , ait , non tam culpandum Stephanum cui negligenter obreptum fuerat , quam Basilidem execrandum qui fraudulentè obrepserat. At si nullo modo licuisset Stephano appellationes admittere , valde esset culpandus nec eum Cyprianus excusasset. Tertio obtendit hæc verba Cypriani , ut illic causa audiat ubi est crimen admissum , solummodo ostendere causam primum informari & judicari oportere , ubi est crimen admissum : sed non prohibere quo minus alibi judicetur. Alii respondent , causas primum debere instrui apud Ordinarios , & ubi instructæ sunt ad summum Pontificem mitti oportere , ut infallibiliter judicet. Quarto , Si hoc decreto allato à Cypriano prohiberentur Appellationes , non solum prohiberentur ad Romanum Pontificem , verum etiam ad quemlibet alium judicem. At absurdissima & ridicula lex esset , qua omnem Appellationem prohiberet , ait Bellarminus. Quinto contendit hæc verba Cypriani , nisi si paucis desperatis ac perditis , minor videtur esse auctoritas Episcoporum in Africa constitutorum , &c. non referre comparisonem ad Romanos Pontifices sed ad causam de qua agebatur : Est enim sensus , Episcopos Africa non fuisse minoris auctoritatis quam sufficeret ad eam causam.

Quibus Bellarmini velitationibus primum

respondeo, si hæc sunt Lutheranorum argumenta, sequi S. Cyprianum, Augustinum atque alios Africanæ Ecclesiæ, imo omnes Nicæni & Constantinopolitani Concilii Patres fuisse Lutheranos : quibuscum tamen, quam cum absolutæ monarchiæ propugnatoribus, sentire magis expedit. Ad secundum de Basilide appellante ad Stephanum Papam solutum est supra, & demonstratum, non fuisse Appellationem sed improbum per fugium aut sceleratam obreptionem, ut Cyprianus & Patres Africani loquuntur. Ad tertium respondeo, Patres Africanos non absolute interdicer Appellationes, sed transmarinas duntaxat, quia juri naturali & Canonibus derogant : Canones autem exigunt illic negotia decidi, ubi emergunt : unde etiam pernégant, ejusmodi effugia mereri nomen Appellationis cum juri communi repugnent. Hic pro Appendice subjungo, Rationi & Canonibus esse consentaneum Appellationes extra provinciam deferri, quando Episcopi provinciæ suspecti sunt : & hoc tantum in casu Canones Sardicos capi debere : meritoque S. Athanasium, & Chrysostomum ad Ecclesiam Occidentalem confugisse, ut jus obtinerent. Cæterum tota errant via qui causantur lites apud ordinarios instrui & deinde Romam deferri oportere : quasi vero Christus qui Euangelium sine sumptu & fastu esse voluit, in Ecclesia vitilitigationes atque litium anfractus, sicut in seculo, feri

feri & non illico ac velut de plano cuncta negotia excindi voluisset: amputari autem nullo modo possunt nisi iis in locis, quibus nascuntur, contestim definiantur. Quarto autem respondeo sicut ad tertium, non absolute prohiberi appellationes, sed duntaxat quæ juri naturali repugnant. Ad quintum, verba Cypriani in peregrinum sensum detorquet Bellarminus: illius autem mens est, ideo Episcoporum Africæ non minorem esse auctoritatem quam Romani Pontificis & Episcoporum Italiae, quod sacerdotium Christi, à quo tota Ecclesiæ auctoritas manat, ejusdem sit virtutis, meriti, & potestatis in Africa quam Romæ. *Dist. 93. Can. Legimus, §. ubicumque fuerit Episcopus sive Romæ sive Eugubii, &c.* Item 24 quæst. 1. *Can. Loquitur. §. Episcopatus unus est cujus à singulis in solidum pars tenetur.* Et ne extra Epistolam Cypriani ad Cornelium evagemur, diserte ait, *uniuscujusque causam illic propterea audiri debere ubi est crimen admissum, quoniam singulis pastoribus portio gregis sit adscripta quam regat unusquisque & gubernet, rationem sui actus Domino redditurus, & oportere eos quibus præsumus non circumcursare, nec Episcoporum concordiam coherentem collidere, &c.* Quæ oratio causam Bellarmini & curiæ Romanæ jugulat. Verum ex hoc diverticulo, ad nostram Analysisim se noster sermo teferat.

X. Decimo tertio Patres Africani indicant, *gratiam Spiritus Sancti, nulli unquam provinciæ de-*

*futuram, modo Sacerdotes aequitatem servant, & prudentur agant : quod illorum proloquium huic oraculo Domini innititur : Amen dico vobis quia si duo ex vobis consenserint super terram, &c. ubi enim sunt duo vel tres congregati in nomine meo, ibi sum in medio eorum, &c.* Nam, ut jam dixi, sacerdotium Christi ubique locorum atque gentium ejusdem est rationis, meriti, virtutis & potestatis.

XI. Decimo quarto, declarant, quicumque offensus fuerit iudicio Cognitorum, id est, Ordinariorum, posse ad Concilia suæ provinciae aut ad universale concilium provocare. Quæ sententia, non tantum quæstionem juris, sed etiam praxim illo seculo secundum Canones Nicænos usitatam nobis consecrat : conformiter quidem ad Epistolam 162 Augustini ad Glorium, Eleusium, & Felicem Grammaticum Donatistas : qua Epistola S. Augustinus clare ostendit, post Melchiadis Papæ, id est, Sedis apostolicæ iudicium in Donatistas, hos potuisse provocare ad Concilium generale de Melchiadis sententia. Paucis quidem totam historiam enarrabo.

XII. Cæcilianus Archidiaconus Ecclesiæ Carthaginensis, cum totius populi & cleri suffragio, adversus Botri & Cœlesii factiosas prensationes, qui Episcopatum Carthaginensem ambiebant, electus fuisset Carthaginensis Episcopus, dehinc est à Felice Aptungitano Episcopo ordinatus. Cæciliani autem corrip-  
vales



vales statim disseminant, Cæcilianum à Traditore ordinatum. Traditores dicebantur qui flagrantibus Diocletiani persecutionibus libros sacros comburendos dederant. Nam Diocletianus edictum de libris Christianorum abolendis sciverat. Itaque Donatus è Numidia veniens, adjunctis sibi aliquot suæ factionis Episcopis, Majorinum apud Carthaginem Episcopum ordinavit, sicque schisma factum est, quod postea in hæresim degeneravit: quia paulo post Donatistæ alia sparserunt dogmata de rebaptizandis & reordinandis quos Cæcilianus ordinasset & baptizasset: quæ controversia ad quæstionem juris spectat: legendus August. de Hæresibus ad Quod vult Deum. Porro cum maxima pars populi Cæcilianum tanquam legitimum Episcopum Majorino despecto sequeretur; Donatistæ rogarunt Imperatorem Constantinum *ut transmarinos Episcopos judices haberent, qui de quæstionibus quæ in Africa exorta pacis vinculum dirimebant, arbitrio judicarent.* August. epist. 162 jam laudata. Sed primum dati in Gallia Episcopi judices, qui secundum causam Cæciliani pronunciarunt, quorum judicio cum Donatistæ non acquiescerent: dehinc datus & ab Imperatore Melchiades PP. cum octodecim Episcopis quos recentet Optatus: his autem *cum Donatus confessus esset, se rebaptizasse, & Episcopis lapsis manum imposuisse quod ab Ecclesia alienum est,* teste Optato: atque insuper testes à Donato

nato contra Cæcilianum inducti confiterentur se nihil habere quod in Cæcilianum dicerent: hic innocens pronunciatur à Melchiade, cujus sententiam ita refert Optatus: *Cum confiterit Cæcilianum ab iis qui cum Donato venerunt juxta professionem suam non accusari: nec à Donato convictum esse in aliqua prrte confiterit: suæ communioni Ecclesiasticæ integro statu retinendum censeo.* Augustinus addit amplius statutum fuisse, ut quibuscumque locis essent duo Episcopi, sicut Carthagine, quos dissensio geminasset, unus orthodoxus & alter Donatista, ille confirmaretur qui fuisset prior ordinatus: alteri autem illorum plebs alia regenda provideretur: O virum optimum, ô filium Christianæ pacis, & patrem Christianæ plebis, exclamat Augustinus de Melchiade. Quæ sententia & quanti Patres antiqui pacem atque unitatem Ecclesiæ facerent, & quid pro cavindicanda non facerent, aperte declararet. Cæterum Donatistæ judicio ecclesiastico damnati ad Constantinum provocarunt, qui eam ob rem justo percitus dolore, cum omnes vias pacis & sedandæ hujus controversiæ tentasset, tandem declamavit: *O rabida furoris audacia, sicut in causis Gentilium fieri solet, appellationem interposuerunt.* Siquidem optimo dolebat Principi, illos qui cœlestem & Christianam vitam profitebantur, simulates atque jurgia inter sese exercere, magisque ad vincendum & sese ulciscendum quam ad charitatem, pacem, unitatem Ecclesiæ, & officii

officii sui rationem attendere : sicut Ruffinus narrat de controversis Episcoporum in Nicæna Synodo ad Constantinum relatis, l. 1. c. 2. Historiæ. Porro, cum utraque parte assistente coram Constantino, Cæcilianus innocens judicatus fuisset, ac Donatistæ superati recessissent, & tamen in eadem perversitate permanerent : elegerunt, sicut dicitur, ad duas fraudes agere causam cum Cæciliano apud Ecclesias transmarinas, parati ad utrumque, ut si Cæcilianum potuissent quacumque versutia falsæ criminationis evincere, satiarent plenissime cupiditatem suam : si autem non possent in eadem quidem perversitate durarent : sed jam tamen quasi haberent quod dicerent, malos judices se esse perpeßos : quæ vox est omnium malorum litigatorum : cum fuerint etiam manifestissima veritate superati. Quasi non ad hoc dici posset & justissime dici, ecce putemus illos Episcopos qui Romæ judicarunt, non bonos judices fuisse : restabat adhuc plenarium Ecclesiæ universæ Concilium, ubi etiam cum ipsis judicibus causa posset agitari : ut, si male judicasse convicti essent, eorum sententiæ solverentur. Quod utrum fecerint probent. Hæc Augustinus Epistola ad Glorium & Felicem Grammaticum, liquido probans in Donatistarum manu fuisse appellare à sententia Melchiadis PP. ad generale Concilium : & propterea majorem esse Concilii quam Papæ auctoritatem, juxta praxim disciplinæ Patrum Ecclesiæ primitivæ, quam expressam legimus Canone v. Synodi Nicænæ, & epistola Synodi Carthaginensis

ginensis ad Cælestinum quam sub incudem versamus : idque insuper Cardinalis Cusanus lib. 11. de Concordantia cap. 17. & Almanus cap. 7. de Ecclesiæ auctoritate ex epistola Augustini ad Glorium, Eleusium & Felicem Grammaticum probant.

XIII. Hanc vero difficultatem Cajetanus capite 10 suæ Apologiæ in Almainum dum exsolvere molitur tanquam mus pice impactus hæret : eique Cardinalis Bellarminus l. 11. de Conciliorum auctoritate c. 19. frustra suppetias ferre conatur, asserens : *S. Augustinum non conferre Papam sine Concilio cum Concilio sine Papa : sed conferre Concilium particulare cui præsit Papa, cum Concilio generali cui etiam præsit Papa. Potest autem sine dubio causa judicata à Pontifice in Concilio particulari iterum ab eodem judicari in Concilio generali, præsertim in questione facti, quæ pendet ex informationibus, & in qua errare potest Ecclesia : qualis erat questio de qua tunc agebatur : imo etiam ordinarie indicto Concilio generali, olim fiebant Concilia particularia prius in singulis provinciis & etiam Romæ : & deinde res definita in illis conciliis particularibus iterum tractabantur in Concilio generali, & tunc dabatur ultima definitiva sententia à Pontifice Concilio assentiente.* Quæ responsio potius nodum stringit quam laxat ; ut patebit responsione ad singula. Primum quod obtenditur dissidium subortum in Africa versari in questione facti non juris, fallit à divisis ad conjuncta : quoniam plura erant capita

capita hujus controversiæ, quorum alia ad facti, alia ad juris quæstionem spectabant. Quod enim Cæcilianum criminabantur, *quasi à Traditoribus fuisset ordinatus*, in pura quæstione facti vertebatur : contra ad quæstionem juris capita in Donatum proposita attinebant: nimirum quod baptizatos atque ordinatos à Cæciliano rebaptizaret atque reordinaret, ac si jus esset id faciendi. Quamobrem ubique damnatus est Donatus, eo quod confessus esset se rebaptizasse, ac manum Episcopis imposuisse, quod ab Ecclesia alienum est, inquit Optatus. Tum ergo controvertebatur, an baptismus & ordo ab illis possent conferri, quos Donatistæ fingeant ordinatos fuisse à Traditoribus. Secundo, quod objicit, Augustinum conferre Concilium particulare cui præsit Papa cum generali Concilio, cui etiam præsit Papa; & continuo Melchiadem potuisse iterum de causa Donatistarum in generali Concilio cognoscere, quamquam de illa jam cognovisset in particulari Synodo: ludificat à suppositione principii: sibi in animum inducens, sicut in Franciæ regno, verbi causa, nulli conventus habentur legitimi absque regis auctoritate: & quibus rex non præsit si ei lubeat: ita in Ecclesia nullum posse celebrari concilium absque Pontifice; quasi esset absolutus monarcha Ecclesiæ: quod potestati pure ministeriali spiritali Ecclesiæ relictæ repugnat. Etsi enim regulariter atque ordinarie ha-

beri.

beri non possint absque Papa, ut demonstratum est: tamen multi casus possunt usu evenire, quibus id potest fieri: cum præsertim de facto Papæ agitur, ut est in causa. Unde Patres Africani Epistola ad Cœlestinum perhibent, *unicuique concessum esse, si iudicio offensus fuerit Cognitorum, ad Concilia suæ provincie vel etiam ad universale provocare.* Et Canone **XXIX** quarti Concilii Carthaginensis: *Episcopus si clerico vel laico crimen impeerit, deducatur ad probationem in Synodum.* Et Canone **LXVI**: *Clericus qui Episcopi circa se distractionem injustam putat, recurrat ad Synodum.* Quæ omnes regulæ pro juris communis explicatione & constitutione tam in iis quæ ad quæstionem juris, quam quæ ad quæstionem facti pertinent, latæ sunt: ac proinde secundum formam ordinariam & usitatam iudiciorum capi debent: in qua nunquam est auditum iudicem à quo appellatur, sedere iterum iudicem in eadem causa, de qua est appellatio. Sane cum Augustinus memoret Donatistas calumniose conquestos quod malos habuissent iudices: si forsan in eorum iudicio contigisset aliquid contra usitatum & ordinarium morem fieri, atque Melchiam iterum sedere iudicem: profecto justam nacti essent occasionem conquerendi se malos habuisse iudices, quique in propria causa iudicarent: quoniam sæpe innatum est hominibus ut quod semel dederunt iudicium, illud tanquam propriam causam jure vel in jura pro-

propugnent. Et hinc etiam depellitur aliorum evasio, qui Augustinum putant de sola causæ revisione & recognitione loqui: ut sensus sit, Melchiadem & Patres Concilii generalis causam Donatistarum recognituros: quemadmodum Philippus Macedonia Rex causam viduæ quam dormitant judicaverat, vigilans recognovit, &c. Jam enim dixi hic de forma ordinaria judiciorum agi: & præterea dato quod hæc recognitio causæ fieret cum Melchiade judice, semper Donatistæ causam querendi habuissent, se malos judices habuisse: Verum forte contemnet aliquis Constantinum sua exclamatione: *O rabida furoris audacia, sicut in causis Gentilium Appellationem interposuerunt*, &c. ostendisse non jus fuisse Donatistis appellandi à sententia ecclesiastica, ut solet fieri in causis secularibus. Rependo, si verba Constantini de Appellatione ad Principem politicum in causis pure ecclesiasticis & sola quæstione juris versantibus capiantur: recte quidem ab eo dictum, non licere tanquam in causis Gentilium ad Principem secularem provocare: si vero de Concilio generali, quasi non licuisset Donatistis ad Synodum universalem appellare: certe verba illa potius sunt consilii quam præcepti: quoniam, ut superius dixi, optimo Principi graviter dolebat, Ecclesiasticos, qui tanquam lumen mundi aliis debent præfulgere, lites & diffidia sectari, atque Ecclesiam scindere. Attexe, jus declarari cum à

Patribus Africanis Epistola ad Cœlestinum, tum ab ipso Augustino Epistola 162. qua docet, Donatistas potuisse à Melchiadis sententia ad concilium generale provocare. Tertio, quod ait Bellarminus, ordinarie indicto Concilio generali olim concilia provincialia prius haberi consuevisse in omnibus provinciis, hoc quidem nihil confert ad præsentem controversiam. Quarto, quod narrat Pontificem in Conciliis generalibus dedisse ultimam sententiam definitivam assentiente Concilio, hoc sequioris est sæculi : quoniam sub octo primis universalibus Conciliis, quorum historiam hoc libro explicamus, omnes Episcopi, sicut & Romanus Episcopus, iudices federunt in omnibus controversiis, easque aristocratically definierunt, ut progressu hujus historiæ liquabit.

XIV. Decimo quinto, non esse credibile *Deum unicuique posse inspirare examinis justitiam, eam vero innumerabilibus sacerdotibus in Concilium congregatis denegare.* Quo testimonio claret, utrum Patres Africani censuerint facultatem infallibilem decernendi potius in una & solo Papa, quam in Concilio generali residere. Profecto Patres illi ob reverentiam primatus Papæ hic loquuntur per schematismum, & neque affirmant neque negant Romanum Episcopum pollere infallibili auctoritate : sed à majori ad minus urgent potius examinis justitiam penes concilium quam penes unicum homi-



hominem, qualiscumque ille sit, habitare : Nam phrasi Africana *Unusquislibet*, idem est ac unus quicumque, aut qualiscumque sit.

XV. Decimo sexto, nulla synodo constitutum reperiri, ut Romanus Pontifex aliquos mittat legatos à latere, qui de causis transmarinis cognoscant aut judicent. Quo ex effato, tria elicimus consuetudines; primum, Ecclesiam Canone, non absoluta potestate regi oportere: secundum & tertium, Patres Africanos neque absolutam Papæ monarchiam, neque Sardicos Canones agnovisse.

XVI. Decimo septimo, Zosimi commonitorium Ecclesiæ Africanæ pro Canonibus Nicænis oblatum, *nequaquam reperiri in verioribus & authenticis exemplaribus Nicæni Concilii, quæ missa sunt à Cyrillo Alexandrino & Attico Constantinopolitano Patriarchis ex authentico Codice in quo viginti Canones, illi ipsi nimirum qui bodie omnium manibus versantur, continentur.* Quod testimonium indubitatum est, sicut etiam Theodoretus l. i. c. 8. historiæ Ecclesiast. sub finem affirmantis, Patres Nicænos *de administratione Ecclesiastica leges seu Can. xx conscripsisse.* Quam ad rem facit etiam *Dist. 16. Can. Prima autem Synodus, §. qui condemnata eadem hæresi statuerunt Canones xx.* quos Canones videmus frequenter in usu fuisse apud omnes antiquos Patres qui sub octo primis Conciliis generalibus floruerunt: contra autem Canones Arabicos Turriani & Alphonfi Pisani ante sexaginta

ginta circiter annos fuisse toti orbi Christiano incognitos Hinc præterea luci meridina clarius apparet Canonem *Septuaginta. Dist. 16.* cum Epistola Athanasii & Ægyptiorum Episcoporum ad Marcum Papam, unde Canon memoratus *septuaginta* est excerptus, esse plane supposititia: quemadmodum & quæ circumferuntur de Nicænis Canonibus quos Arriani combusserunt: quique hanc fabulam confixerunt, meminisse debuerant Arrianos nihil plane causæ habuisse ut canones ad disciplinam & politiam spectantes, quam ipsi accuratissime servabant, ut ex Antióchenis Canonibus liquet, sed duntaxat, ut symbolum Nicænum comburerent. Proculdubio hoc commentum de combustis Canonibus Nicænis adeo crassum & supinum est, ut ipsum Bellarminum ejus puduerit lib. 11. de Romano Pontifice cap. 25. circa medium: ubi fatetur incensionem librorum accidisse tempore Constantii Imperatoris Marco Papa pridem vita functo, ad quem Ægyptii finguntur scripsisse de ejusmodi Canonum combustione, quæ quidem non aliunde habet testimonium quam à memorata Epistola Ægyptiorum. Hic mihi pene exciderat monere, Ruffinum non alios agnoscere Canones Nicænos quam viginti memoratos qui Tomis omnium Conciliorum etiam Romanæ editionis, atque insuper Codice Canonum Ecclesiæ universalis, & Dionysii Exigui continentur & conservantur.

XVII. Decimo octavo, fumosum typhum seculi minime intromitti debere in Ecclesiam Christi, quæ lucem simplicitatis & humilitatis diem Deum videre cupientibus præfert: ac proinde clericos exequutores non esse Roma mittendos in alias provincias, qui opem potentum, *Brachium seculare* vulgo nuncupant, ad mandata Romanorum Pontificum peragenda, implorent & obtineant. Qua de jam dixi gravissimas extare querelas S. Augustini Epistola ducentesima sexagesima prima ad Cœlestinum Papam super improbo refugio & restitutione Antonii Episcopi Fussalani: *judicia civibus Fussalanis & publicas potestates, & militares impetus tanquam exequutores apostolicæ Sedis sententiæ, siue ipse Antonius, siue rumores creberrimi comminentur, ut miseri homines Christiani Catholici graviora formident à Catholico Episcopo, quam cum essent hæretici à Catholicorum Imperatorum legibus formidabant.* Quæ agendi ratio curiæ Romanæ, tum demum disciplinam apostolicam & regimen aristocraticum Ecclesiæ oppressit, atque absolutam infallibilem monarchiam erexit. Certe Socrates libro septimo c. 11 historiæ scribit, *jam hoc tempore Episcopatum Romanum atque Alexandrinum quasi extra sacerdotii fines egressos ad secularem principatum delapsos fuisse.* Verum mirabile est actione sexta octavi Concilii generalis versutis finem reterri Synodum Africanam cujus acta recensemus, *paruisse Zosimi Papa sententiæ in*

*restituendo Apiario & propriam reprobasse sententiam* : cum hoc plane veritati Actorum repugnet : de qua re amplius in octava Synodo

Cæterum quotquot pii viri studiosi veritatis & disciplinæ ecclesiasticæ animum ad hæc Acta synodalia appellent, toties divinam providentiam & mirari & prædicatione summa efferre debent : quod tam eximium, singulare indubitatum & notissimum regiminis Ecclesiæ monimentum ad omnem memoriam posteritatis extare voluerit : cujus beneficio clare dignosceremus, ecquidnam hodie tenendum sit de monarchia Curia Romanæ ; & quo numero habere debeamus rutubam octoginta Canonum Nicænorum Turriani, & Alphonfi Pisani, nec non etiam Sardicos Canones, cum epistola Ægyptiorum ad Marcum Papam.

XVIII. Evoluta difficultate genuinorum Canonum Synodi Nicænæ & Concilii Sardicæ, hic alia non contemnenda occurrit, an Synodus Sardica in notitiam Africanæ Ecclesiæ venerit. Causa dubitandi est, quod si Patres Africani hanc Synodum perspectam habuissent, uno verbo controversiam à Zosimo sollicitatam definire, & laboribus ac immensis sumptibus, necnon jacturæ temporis poterant parcere, si modo respondissent Synodum Sardicam non fuisse generalem, & Canones ibidem conditos solummodo provisorios esse, quatenus iretur obviam Arrianorum infestationibus

tionibus, quando jus commune & ordinarium fervari non poterat in provincia aliqua. Secundo B. Augustinus libro 111 adversus Cresconium cap. 34. & epistola centesima sexagesima tertia adversus Eleusium, Glorium, & Felicem Grammaticum videtur unicumduntaxat agnovisse conciliabulum Sardicum ab Arrianis Philippoli coactum in S. Athanasium & fidem Nicænam. Contra autem rationes affirmandi sunt multo certiores, validiores & mihi penitus indubitatae. Primum in prima Synodo Carthagenensi Canone v. Gratius Episcopus Carthagenensis ita refert xv Canonem Sardicum : *Nam & meminimus, in sanctissimo Concilio Sardicensi statutum, ut nemo alterius plebis hominem usurpet : sed si forte erit necessarius, petat à collega suo & per consensum habeat.* Hic audis mentionem fieri Sardicensis Concilii, & continuo sequi Sardicense Concilium non potuisse magis latere Augustinum quam primam Synodum Carthagenensem quam notam fuisse Augustino nemo dubitare potest. Secundo cum eadem sit disciplina contrariorum, & compertum sit Augustinum cognovisse expulsionem S. Athanasii cum pseudo-Synodo Sardica : confurgit quoque, illum notitiam habuisse restitutionis ejusdem quæ facta est in Synodo Sardica legitima, indicta ab utroque Imperatore in Orienté & Occidente. Enimvero Athanasius teste Gregorio Nazianzeno epistola 74. *Orbis Christiani ocu-*

*lus & fundamentum fidei habitus est : cuius gesta aut quæ ad eum attinebant neminem Christianorum, nedum S. Augustinum doctissimum Episcopum latere poterant. Tertio quia ipsemet Athanasius Apologia 2. narrat sex & triginta Episcopos Africæ Concilio Sardico interfuisse, quos inter Gratum Carthaginensem Episcopum enumerat: quo rogante decretum factum est contra Episcopos præsertim Africæ, qui Curiam Imperatorum sectabantur, ut seculares dignitates pro amicis & parentibus exambirent : legendus Canon VII Sardicensis, ex versione Gentiani Herveti. Quarto, à Julii I temporibus sub quo Synodus Sardica coacta est ad Zosimum Papam solummodo sexaginta anni aut circiter decurrerunt : unde certum est quosdam ex Episcopis Africæ qui Sardico Concilio interfuerant, potuisse etiam de vultu notos esse permultis Episcopis qui sextum Concilium Carthaginense celebrarunt. Quinto in Actis sexti Concilii Carthaginensis cum de Zosimi Commonitorio dissidium oriretur, Daniel Notarius Concilii hæc narravit : De Apellationibus autem clericorum, id est, minoris loci restat ipsius Synodi certa responsio; de qua re quid acturi sitis credimus inferendum, quod taliter dictum est ex Sardicensi Concilio : Osius Episcopus dixit, quid me adhuc moneat reticere non debeo : Si Episcopus forte iracundus (quod esse non debet) cito aut aspere commoveatur adversus presbyterum, sive Diaconum suum, &c. Cumque*

*que recitaretur, Augustinus Ecclesiæ Hipponis. Rbe-*  
*giensis legatus provincia Numidia dixit: Et hoc nos*  
*servaturos profiteamur salva diligentiore inquisitione*  
*Concilii Nicæni.* Hæc ibi. Non me fugit Bel-  
 larminum conjicere, hæc verba (*quod taliter*  
*dicitur est ex Sardicensi Concilio, Osius Episcopus*  
*dixit, &c.*) fuisse primum ab aliquo margini  
 Carthaginensis Concilii adscripta, deinde in-  
 ferta in contextum. Sed ego contra insto vi-  
 deri genuina verba Danielis Notarii: quod  
 confirmant responsiones S. Augustini & alio-  
 rum Episcoporum Africae, quæ immediate  
 sequuntur recitationem Danielis Notarii: *Et*  
*hoc, inquit Augustinus, nos servaturos profiteamur*  
*salva diligentiore inquisitione, &c.* ubi omnes E-  
 piscopi excipiunt perquisitionem Nicæno-  
 rum Canonum de quibus agebatur: minime  
 vero de Sardicis, quamquam lecti fuissent. Sed  
 si ultro demus Bellarmino verba illa irrepsisse  
 in relationem sextæ Synodi Carthaginensis:  
 nihilominus satis liquet ex argumentis præcc-  
 dentibus, Synodum Sardicam non potuisse  
 latere S. Augustinum & alios Patres Africanæ  
 Ecclesiæ. Certe S. Augustinus non absolute  
 scribit se non cognoscere aliud Concilium  
 Sardicense ab eo quo Donatistæ suam causam  
 tutabantur; sed solummodo ait, *Concilium à*  
*Donatistis prolatum Arrianorum non Catholicorum*  
*fuisse.* Aures commoda lector ad Augustini  
 verba cap. 34. lib. III. contra Cresconium:  
*Disce ergo, quod nescis: Sardicense Concilium Arri-*

*anorum fuit; quod notum jamdiu est, ut habemus in manibus contractum, maxime contra Athanasium Episcopum Alexandrinum Catholicum: qui eorum errorum ex ipsa civitate ortum præceteris acriter arguebat & refellebat. Non igitur mirum si illi hæretici Donatum sibi asciscere tentaverunt, quos per totum orbem Catholica damnabat Ecclesia. Vides hîc nominatim & præcise de Sardico Concilio Arrianorum agi. Item epistola 163 ad Eleusium: Tunc protulit volumen (de quodam loquitur Donatista) ubi volebat ostendere, Sardicenses Concilium ad Episcopos Afros, qui erant communionis Donati, dedisse literas, &c. Tunc accepto ipso volumine ejusdem Concilii statuta considerans legit, Athanasium Episcopum Alexandrinum Catholicum, cujus maxime adversus Arrianos acerrimarum disputationum conflictus eminuit, & Julium Ecclesiæ Romanæ Episcopum nihilominus Catholicum, illo Concilio Sardicensi fuisse improbatos: unde apud nos constitit Arrianorum fuisse Concilium, quibus isti Episcopi Catholici vehementissime resistebant.*

At dicet aliquis, si B. Augustinus cum aliis Patribus Africanæ Ecclesiæ Synodum Sardicam legitimam agnoverunt, quidni legatos Zosimi Papæ uno verbo absolvebant, atque rem, ut sese habebat, declarabant? Rependo, hoc ab illis consulto & summa Dei providentia factum, tum ut posteritati contra assentationes & usurpationes hominum absolutam monarchiam invehere volentium in Ecclesiam



fiam confuleretur : tum ut improbis & frequentibus Ecclesiasticorum Africæ perfugiis & vitilitigationibus obviam iretur : quod certe initio Epistolæ Synodalis ad Bonifacium Zosimi successorem, ubi de causa Apiarii scribunt, ita declarant : *Quia vero paci & quieti Ecclesie non tantum ad præsens, sed etiam in posterum prospiciendum fuit : quoniam talia multa præcesserunt, ut vel similia vel etiam graviora deinceps præcaveri oporteret, &c.* Quod Africanorum salutare propositum, non potuit tamen sic versutiae & levitati ingeniorum Africæ mederi, quin protervi homines omnia juris communis & disciplinæ Apostolicæ repagula effringerent : & Curia Romana unde quaque posset, sua jura commentitia adstrueret. Horum autem effugiorum exempla Baronius, Bellarminus, & alii recentiores diligenter accumulunt & Titulo Appellationis frustra cohonestant : cum id potius ad viam facti quam ad quæstionem juris pertineat : nec aliud habeat fundamentum quam Petrum constitutum fuisse à Christo, absolutum infallibilem monarcham Ecclesiæ, quod tam falsum quam quod falsissimum est.

Compendium hujus controversiæ in sexto Carthaginensi Concilio definitæ, in quo S. Augustinus legatus erat provinciæ Numidiæ, ad sex articulos revocabimus : Primus est, Nicænis Canonibus consignari praxim disciplinæ apostolicæ ubique gentium & locorum ob-

observatæ : Secundus, eosdem Canones Nicænos manifesto demonstrare, Ecclesias jure communi & aristocratico regimine, non absoluta potestate gubernari oportere: quoniam Dominus voluit hominum salutem quæ à Pastorum regimine pendet, unicuique Provinciæ esse ad manum & sine magnis laboribus & sumptibus peragi, neque eam ob causam huc aut illuc circumcursari : quod enim absolute necessarium, hoc etiam cuique promptum atque expeditum esse Deus & natura voluit: Tertius, Patres Nicænos non plures quam xx Canones pro disciplina & regimine Ecclesiæ ordinanda scivisse : Quartus, Canones Sardicos nunquam habitos pro absolutis, œcumenicis, aut pro Canonum Nicænorum Appendice. Quintus, Patres Africanæ Ecclesiæ in sexta Synodo Carthaginensi veram & genuinam interpretationem ac praxim Canonum Nicænorum & disciplinæ apostolicæ nobis referare, atque ostendere, omnia judicia, quæ contra jus commune Canonibus consecratum quærentur aut procedunt, esse vitiligationes atque improba effugia; neque ullo modo Appellationis nomine donanda. Sexto & ultimo, ex hac historia Carthaginensis Concilii adversus Zosimi Papæ, Bonifacii & Cœlestini I. commonitorium colligimus, nobilissimum atque præclarissimum tentatæ & vindicatæ libertatis Ecclesiæ monimentum contra fautores absolutæ monarchiæ.

XIX. Cæterum monendus lector, Epistolam Bonifacii II ad Eulalium quæ Tomo secundo Conciliorum legitur, esse prorsus fictitiam: siquidem narrat Africanam Ecclesiam à tempore sexti Concilii Carthaginensis ad Bonifacium II. hoc est centum annorum lapsu cum Romana Ecclesia matrice non communicasse propter Zosimi commonitorium & alia inde sequuta. Quam falsitatem epistola octava Cœlestini Papa ad Episcopos Galliæ prodit: in qua Cœlestinus B. Augustinum adversus quosdam presbyteros Galliæ tuetur, qui dicebant Augustini doctrinam de Libero arbitrio minus sanam esse, quoniam viribus humanæ libertatis nimium detraheret. Contra autem sic rescribit Cœlestinus: *Augustinum sanctæ recordationis virum pro vita sua atque meritis IN NOSTRA COMMUNIONE SEMPER HABUIMUS: nec unquam hunc sinistra suspicionis saltem rumor aspersit, quem tantæ olim scientiæ fuisse meminimus, ut inter magistros optimos etiam ante à meis decessoribus haberetur. Bene ergo de eo omnes in commune senserunt, utpote qui ubique cunctis & amoris fuerit, & honori, &c.* Sed dato & non concessio, Epistolam memoratam Bonifacii II ad Eulalium veram, non supposititiam esse; hoc est, Romanam Ecclesiam desisse communicare cum Africana, propterea quod hæc libertatem canonicam suarum Ecclesiarum & jus commune strenue & cum moderatione inculpatæ tutelæ propugnasset: attamen

men ejusmodi excommunicatio nihilo magis officere potuit causæ & religioni Patrum Africanorum quam censuræ Victoris Papæ Ephesinæ; aut Joannis VIII S. Ignatio Patriarchæ Constantinopolitano: qui auctore Baronio Tomo x Annalium claruit miraculis quamquam à Joanne VIII excommunicatus fuisset. Certe Patres Africani longe æquiorum causam obsistendi Zosimo habebant, quam Ephesina Ecclesia Victori, aut Ignatius Joanni VIII. Illi enim pro jure communi & disciplina apostolica lege divina & Nicænis Canonibus consecrata, nec non etiam moribus & consuetudine omnium Gentium stabilita (hoc est pro Ecclesiæ libertate & aristocratico regimine instituto à Christo:) Ephesina autem Ecclesia tantum pro Paschæ celebratione secundum morem Judaicum, & Ignatius de Provincia Bulgaricæ quam Romanus Pontifex suo Patriarchatui adjungere volebat, decertabant: verum hinc patet, illis seculis Ecclesiam Romanam sumptam fuisse pro particulari, non pro universali Ecclesia: quoniam tum temporis non idem erat Romana & Catholica communione excludi, ut hodie post adinventam absolutam Papæ monarchiam: quæ innumeris schismatibus causam præbet, deincepsque præbebit, quia contra jus divinum & naturale regnare vult. Hinc illæ querelæ S. Bernardi ad Eugenium lib. 11 de Consideratione cap. 5. ex recensione Gerardi Vossii: *alioqui*

*non*

*non te exceptum illorum numero putes de quibus queritur Deus sic : Ipsi regnaverunt & non ex me : Principes extiterunt , & ego non cognovi eos , Osee 8. jam si regnare sine Deo juvat , habes gloriam , sed non apud Deum.*

C A P U T VII.

- I. *Historia prima Synodi Ephesia , & de iis qua à B. Cyrillo Alexandrino & Cælestino PP. ante generale Concilium Ephesinum gesta sunt.*
- II. *Theodosius Junior & Valentinianus Imperatores literis suis Concilium omnibus Metropolitanis indicunt : atque privatim literas increpatorias mittunt ad B. Cyrillum , propterea quod literas scripsisset ad Imperatrices , quibus Imperatorem Theodosium quasi Nestorio savorer , insinulabat.*
- III. *Imperatores Candidianum Comitem mittunt ad Synodum Ephesinam , ut ordini & quieti Concilii præsedeat.*
- IV. *Patres Ephesini Synodum exordiantur à lectione Edicti Imperatorum super indictione Concilii , ut tanquam saxa rebus agendis prælucere.*
- V. *B. Cyrillum Alexandrinum præsuisse Concilio , atque ordine sedendi & subscribendi legatos Cælestini præsuisse.*
- VI. *S. Cyrillum & Memnonem Ephesinum vocari capita , duces & præsides Synodi.*
- VII. *Patres Ephesini communi omnium sententia qua ad religionem pertinent , statuunt , Nestoriumque damnant.*
- VIII. *De recta ratione definiendi controversias ad fidem & religionem spectantes à Patribus Ephesinis præscripta & servata.*
- IX. *Acta Synodi Ephesina à Theodoro Peltano edita mimime concordare actis Romana editionis : & quam illorum magis conformia sint moribus & disciplina illorum temporum.*
- X. *Patres Ephesini petunt ab Imperatoribus ut Synodum solvant , & Episcopis veniam discendi concedant.*
- XI. *Expostulatio Cyrilli Alexandrini & Memnonis Ephesini Episcopi adversus Joannis Antiocheni Conciliabulum & acta in eodem Conciliabulo.*

XII. Im-

- XII. *Imperatores vetant Patres Ephesinos pedem efferre Synodo priusquam omni contentione seclusa controversias definierint : neque etiam alia lege se Synodum confirmaturos dicunt.*
- XIII. *Litera Patrum Ephesinorum quibus Imperatorem de veritate gestorum & innocentia B. Cyrilli & Memnonis reddunt certiozem , atque Joannem Antiochenum & Nestorium synodice & canonice damnatos.*
- XIV. *Epistola Synodica Patrum Ephesinorum ad Cælestinum PP. quibus ei summam Actorum enarrant : illiusque decreta adversus Pelagianos auctorant , & demum illum rogant ut memor sit Synodi in suis orationibus.*
- XV. *Patres aliis literis supplices petunt ab Imperatoribus ut qua per subreptionem facta fuerant à Joanne Antiocheno adversus Cyrillum & Memnonem , omnino antiquentur , & acta Synodi Ephesina confirmentur , quando testimonium rectæ fidei habent ab universa Synodo Occidentalium.*
- XVI. *Canon Synodi Ephesina pro Ecclesiarum libertatibus.*
- XVII. *Theodosius Cæsar pacis constituenda gratia inter Ecclesiasticos, imperat Joanni Antiocheno ut cum Cyrillo Alexandrino redeat in gratiam : atque etiam omnia acta Conciliabuli in Cyrillum & Memnonem , nec non etiam Synodi Ephesina in Joannem Antiochenum & asseclas abrogat.*
- XVIII. *De summa pietate Theodosii & solitudine ut Ecclesia pace frueretur.*

I. **V**entum est ad Concilia , quorum acta integra habemus, ex quibus licet de antecedentibus ferre iudicium & cognoscere vere quidem dictum à Socrate , ut jam supra notavi, ex eo tempore quo Imperatores Christiani esse cœperunt, Ecclesie negotia ex illorum nutu pendere visa : atque adeo maxima Concilia de eorundem sententia & convocata fuisse , & adhuc convocari : in præmio libri v. historię. Porro, tertium generale Concilium vocatur Ephesinum,

num, quia celebratum est Ephesi : quatuor exempla Actorum ejusdem habemus; primum debetur Antonio Contio doctissimo Jurisconsulto & Antecessori in Academia Bituricensi, quod Sebastianus Nivellius edidit Parisiis, anno 1574. Secundum exemplum est Theodori Peltani presbyteri Societatis Jesu, editum Ingolstadtii anno 1576. quod Severinus Binius integrum in suam collectionem Conciliorum conjecit : estque distributum in sex Tomos, quorum priore referuntur quæ ante Synodum Ephesinam gesta sunt contra Nestorium : secundo Tomo acta Synodi Ephesinæ in illum : tertio fabricæ & machinationes hæreticorum atque schismaticorum contra sacram Synodum & B. Cyrillum : quarto gesta ejusdem Synodi adversum schismaticos : quinto explicantur ea quibus ventum est ad Ecclesiæ concordiam, & conciliatione in Cyrilli Alexandrini cum Joanne Patriarcha Antiocheno : siquidem Theodosius Augustus utrique pacem & concordiam absolute imperavit : demum posteriore Tomo continentur quædam orationes & tractatus adversus errorem Nestorii. Tertium exemplum est Hieronymi Commelini Græce editum anno 1591. Quartum editionis Romanæ Conciliorum anno 1608. dividiturque in tres partes. Prima ea continet quæ Synodum Ephesinam antecesserunt : altera quæ in Concilio acta sunt & gesta Concilii Joannis Antiocheni adversus

Cyrillum Alexandrinum: tertia nonnulla capit ad Concilium spectantia, & alia quæ post Concilium gesta sunt. Porro hæc Synodus celebrata est anno 431 adversus Nestorium Episcopum Constantinopolitanum: occasione inde nata, quod quidam presbyter Constantinopolitanus nomine *Anastasius doceret B. Virginem Deiparam vocandam non esse cum homo fuerit, & ab homine Deus nasci non possit.* Nestorius vero causam hujus presbyteri tanquam orthodoxam defendendam sumpserit: imo etiam multa impia de suo contra Christi divinitatem effuderit: *negans Deum natum, crucifixum, aut mortuum esse, aut nasci vel mori potuisse:* qua assertionem fructum totius redemptionis humanæ pessumbabat. Hujus autem rei certior factus Cyrillus Alexandrinus amice literas scripsit ad Nestorium, quibus eum erroris sui charitate servato commonefaciebat: contra Nestorius Cyrillo virulenter respondit: cumque Cyrillus alteram epistolam non meliori eventu ad Nestorium scripsisset, neque præter convitia quicquam aliud acciperet: tandem sua Synodo provinciali indicta exhibitisque literis Nestorii, refertis ejusdem assertionibus hæreticis, Cyrillus cum Episcopis suffraganeis hæresim Nestorii damnat, & ad ampliorem sanctorum communionem aut Catholicum consensum provocando, Cœlestinum Papam cæterosque Patriarchas nec non Imperatores atque ipsas Imperatrices in Nestorium



rium exciretentat. Quo accepto nuntio, Cœlestinus PP. Synodum pariter Romæ cogit, in qua Nestorii errorem damnavit : atque insuper Nestorio significat, nisi intra decem dierum spatium à sententia Synodi Romanæ ei perspecta & cognita resipisceret, fore ut communione Ecclesiæ Catholicæ atque omni auctoritate sacerdotali abdicaretur : mandatque Cælestinus Cyrillo, ut hanc suam sententiam exequutioni mandari curet. Lege epistolam Cœlestini ad clerum & populum Constantinopolitanum Tomo primo Conciliorum Romæ editorum parte prima Ephesini Concilii capite 19. Severinum Binius, Tomo primo Ephesini Concilii cap. 19. Verum his motibus perciti Imperatores, Valentinianus qui Occidenti, & Theodosius Junior qui Orienti imperabat, suis literis Concilium generale indicunt Ephesi : in eumque finem literas ad omnes Patriarchas & Metropolitanos mittunt : quarum literarum hic adscribam exempla.

II. *Imperatores Cæsares Theodosius & Valentinianus, Victores, Triumphatores, Maximi, semper Augusti, Cyrillo Episcopo. Pietate quidem nihil nobis est antiquius propter quam si qui forte incautius deliquerunt, venia dignos censemus. At parum interim laudabile est, illos ea indigere, qui propter summam religionem plurimum à nobis commendari, maximisque honoribus cumulari debuerant. Oportet autem sacerdotes cum morum suavitate, fidei-*

que integritate in primis ornatos esse : tum maxime animi candorem ac sinceritatem per omnem vitam cursum præ se ferre : ac certo denique secum statuere uniuscujusque rei naturam, potissimum vero incorruptæ pietatis doctrinam sedulo investigandi studio facilius, quam pertinaci animorum contentione inveniri. Etenim jam inde à primis usque temporibus, non imperantis cujuscumque, aut certe Imperium usurpantis interminationes, aut protervia, sed Sanctorum Patrum sacrarumque Synodorum decreta eam nobis constituerunt. Nam religionem prudentia, & consilio, magis quam cujuscumque imperio firmari, nulli opinor dubium esse potest. Nunc igitur tua pietas exponat, quid ita nobis, quibus religionem tantopere curæ esse non ignorabas, contemptis, sacerdotibusque, quotquot circumquaque degunt (quos utique in unum locum congregatos, nam tam de religione controversiam discutere dirimereque par erat) despectis, hosce turbas discordiasque inter Ecclesias concitaris. Quasi vero impietas temerarii, pietatis doctrinam magis quam sedula diligensque veritatis inquisitio decere videatur : plusque apud nos valeat versutia & audacia quam cura aut industria : aut aliud quidpiam hujusmodi, magis nos quam animi candor ac simplicitas oblectet. Quamvis ergo honorem non usque adeo magnum inde ad nos accessurum existimemus, si à tua pietate observemur, nec omnia rursum turbatum iri, si quod hic indignationis exemplum in te velimus edere : attamen hoc tempore magis nobis curæ est, ut sancta pax, exoptataque tranquillitas Ecclesiis restituatur. Scito in-

*interim, magnam abs te rerum perturbationem excitatam esse: neque mirum est sane, eum qui modum excessit, iis conatus suos non definiisse, quæ ad Ecclesias & sacerdotes spectant: sed ultra progressum de nobis ipsis quoque quiddam pietate nostra prorsus indignum credidisse. Nam nisi aliquod inter nos de religione dissidium ortum esse persuasum habuisses, aut certe aliquid ejusmodi ex literis tuis oriturum sperasses: cur obsecro alia privatim ad nos, alia rursus ad Eudoxiam religiosissimam conjugem meam: alia tandem ad Pulcheriam sororem meam Augustam, eandemque pietatis studiosissimam præscripsisses? Quod profecto dissidium si inter nos forte natum fuisset, nosque ad eum modum affectos esse contigisset: omnino tamen vituperationem effugere non poterat, eum, qui tanto locorum intervallo à nobis disjungitur, curiosius in res nostras inquirere: si id autem inter nos non existit, conari ut existat, cujusvis potius quam sacerdotis fuerit. Quid enim indignius quam uno impetu unoque animi conatu Ecclesiastica & Regia omnia velle confundere, ac à se invicem divellere? quasi vero alia omnis desit occasio ex qua laudem & gloriam aucuperis.*

*Ne igitur clam te sit, quoniam in statu res nostræ versentur, noris Ecclesias, & Regnum nostrum conjuncta esse: nostraque accedente auctoritate & imperio, & Christi salvatoris nostri aspirante providentia, magis subinde inter se coitura esse: tum tibi quoque à nobis condonatum esse, ne hinc capta occasione jure conqueri ac dicere queas, te ob pietatis doctrinam in reprehensionem incidere. Quam quidem pietatis*

*doctrinam* IN SACRA SYNODO IN U-  
 TRAMQUE PARTEM VENTILATAM,  
 eatenus obtinere volumus, quatenus aequitati &  
 rationi consentaneum esse judicabitur. At vero sive  
 illi qui victi discedent, veniam impetraturi sint à Pa-  
 tribus, sive non: nos sane civitates simul & Ecclesias  
 conturbari nequaquam sinemus: sed nec eam quo-  
 que doctrinam indiscussam manere patiemur: cui  
 dijudicanda eos praefici oportet, qui sacerdotiis ubi-  
 que praesident: per quos & nos quoque in veritatis  
 sententia stabilimur, magis magisque identidem sta-  
 biliemur. Omnino autem nemo qui vel aliqua ex  
 parte ad rempublicam pertinet, qualicumque fidu-  
 cia fretus, inconsultius quidpiam in hoc negotio ten-  
 tet aut impedire studeat: aliqui enim certam con-  
 demnationis sententiam non evadet. Quandoqui-  
 dem nostra majestate eos qui prompte alacriterque  
 ad hujusmodi inquisitionem advolare non cuncta-  
 buntur, merita laude prosequente; CÆTEROS-  
 QUE QUI IMPERARE FORTE MAL-  
 LENT QUAM IN MEDIUM CONSU-  
 LERE, aut aliorum de ejusmodi rebus consilium  
 audire coercente, nulli omnino, ut maxime velit,  
 integrum istuderit. Quamobrem & tuam quo-  
 que reverentiam ad tempus quod aliis literis ad  
 universos Metropolitanos missis ediximus, praesto  
 adesse oportebit: neque prius nostram amicitiam te  
 recuperaturum confidas, quam omni turbatione  
 & animorum agritudine sedata, ad propositarum  
 questionum discussionem ultro accurreris. Hac  
 enim ratione quæ pro tuenda opinione acerbè incon-  
 sulte-

*sulteque abs te jam gesta sunt, neque privato dolore percussus, neque alicui prater decorum infestus admisisse, & quæ adhuc reliqua sunt, legitime transigere velle censeberis. Si quid autem secus visum fuerit, id nequaquam sustinebimus.*

Hæ literæ increpatoriæ Theodosii Imperatoris privatim scriptæ & missæ sunt ad B. Cyrillum Alexandrinum: sequentes vero eidem Cyrillo cum omnibus aliis Patriarchis & Metropolitibus communes sunt, ne quidem Romano excepto: quamquam tamen inscriptio sit ad Cyrillum Alexandrinum, hoc modo:

*Sacra Imperatoria missa Alexandriam ad Cyrillum Episcopos Metropolitanos ejus Regionis.*

*Imperatores, Cæsares Theodosius & Valentinianus, Victores, Triumphatores, Maximi, semper Augusti, Cyrillo Episcopo. Reipublicæ nostræ constitutio ea quæ in Deum est pietate præcipue nittitur: multaque inter hanc & illam cognatio ac familiaritas intercedere solet. Nam & ex se invicem pendunt: & utraque prosperis alterius successibus incrementa sumit: quandoquidem & vera religio iusta actione perficitur: ita Respublica utriusque opem nixa florescit. Cum itaque Deus imperiū habenas nobis tradiderit, iisque qui imperio nostro parent, pietatis & securitatis quoddam quasi vinculum nos esse voluerit: harum inter se societatem, partim quidem privata nostra providentia freti, partim quoque humano præsidio usi, indivulsam perpetuo conservare enixe contendimus: ad eumque modum promovenda pietati propter Reipublicæ salutem incum-*

bimus, ut in omnibus fere subditorum nostrorum commodo intenti, unum hoc perpetuo urgeamus, contendamusq; sedulo, ut pie religioseq; privatim vivant omnes, & ut pios decet in Republica versentur universi. Denique utrique quam par est curam impendere non desistimus, fieri enim vix potest, ut qui alteri serio invigilant, alterius curam negligant. Ante omnia autem id operam damus, ut Ecclesiasticus status ejusmodi sit, qui & Deum deceat, & temporibus nostris quammaxime congruat: idemque ex omnium consensione suam tranquillitatem obtineat, tum per Ecclesiasticarum Controversiarum pacem à turbis & seditionibus liber existat: tum demum ut pia religio ab omni omnino nota & reprehensione immunis perseveret: eorumque vita qui vel inter clericos censentur, vel magno quoque inter illos sacerdotio funguntur, omni prorsus nevo & culpa vacet. Quia vero intelligebamus, cum per eos qui Deum diligunt, pietatique addicti sunt, tum per animos rursus pietatis studiosos hæc obtineri posse: sæpenu-mero jam ante ob ea quæ accidunt religiosam sanctissimorum Episcoporum undequaque in unum co-actorum Synodum necessariam judicavimus: hæte- nus tamen ne eorum pietati molestiam exhibere- mus, cunctatiores hac in re fuimus. At nunc vero tam Ecclesiasticarum, quam, quæ hisce coherent, publicarum rerum controversia eam usque adeo utilem ac necessariam declarat, ut refutari nullo modo queat. Quamobrem ne illa quæ ad præsentem rerum tantopere utilium inquisitionem spectant, si negligentius curentur, in pejus incrementa sumant

(id

(id quod à temporum nostrorum pietate alienum esse decet) tua pietas Deo bene propitio operam dabit, ut sacrosancto proximo Paschate elapso, sub sacra Pentecostes diem, ad Ephesiorum Asiæ civitatem accurrat: nonnullosque, quos nimirum idoneos judicabit sanctissimos provincie suæ Episcopos simul eodem secum adducat: ita ut neque necessariis sanctissimis ejusdem provincie Ecclesiis desint, neque ii rursus qui ad eam rem apti censebuntur in sacra Synodo desiderentur. De indicta autem sanctissima Synodo, nostra Serenitas ad omnes omnino Deo dilectos Episcopos Metropolitanos literas scripsit: quo nimirum hac tandem ratione turba, quæ ex multis dissidiis & concertationibus hinc inde enata sunt, rite secundum Ecclesiastic. Canones consopiantur: & illa præterea quæ parum decenter hætenus admissa sunt, corrigantur: & pietatis denique quæ in Deum est, publicæque utilitatis firmitati consulatur. Caterum antea sanctissimam coactam Synodum, communemque ejusdem quæ de omnibus dabitur sententiam, nihil quidquam in ulla prorsus re privatim à quoquam innovetur. Omnino autem persuasum habemus, nec vixim ex piissimis Deoque devotissimis Episcopis fore, qui simulatque rerum Ecclesiastic. causa, atque adeo controversiarum totius orbis gratia nostrum habet: sanctione, sanctissimam Synodum cogi intellexerit, non propere studiosèque occursurus, rebusque tan to opere necessariis ac Deo usque adeo gratis pro virili consulturus sit. Nos quoque harum cura sedulo incumbentes, nullum impune abesse sinemus: nec ul. tam ille vel apud Deum, vel apud nos quoque habiturus est

*excusationem, qui statim impigre secundum præfinitum tempus ad destinatum locum præsto non fuerit. Enimvero quicumque ad sacerdotalem Synodum accitus alacriter non accurrit, is sane conscientia parum sincera se esse ostendit. Deus in multa tempora incolumem te conservet sanctissime piissimeque Pater. Datæ Constantinopoli 13 Kal. Decembris consulatu Dominorum nostrorum semper Augustorum Theodosii quidem XIII Valentiniani vero III.*

Has geminas literas Imperatorum leges in Collectione Severini Binii Tomo priore Actorum Ephesinæ Synodi cap. 7. & 25. At in editione Romana, prima parte Ephesini Concilii cap. 31 & 33. Quod ad priorem increpatoriam ad B. Cyrillum, hæc notabilia capit: Primum quod missa & scripta videatur cum posteriore, ita ut uno & eodem die datæ credantur. Hoc enim non obscure colligitur, eo ipso, quod Imperatores Cyrillo injungunt ut præsto adsit ad Synodum habendam tempore præscripto in literis secundis ad universos Metropolitans missis. Secundum notabile est; Cæsares ideo reprehendere Cyrillum quasi Cœlestinum Papam exstimulasset ad citissime damnandum Nestorium antequam auditus fuisset: nam Cœlestinus Nestorio decem dierum spatium præfixerat, quo nisi resipisceret, confestim abdicaretur, ut supra monui. Hoc igitur Imperatores directe in Cyrillo reprehendunt, atque etiam per ejusdem latus Cœlestinum,



stinum, ac si potius monarchice quam synodice Nestorium condemnassent, ferunt his verbis : *Etenim jam inde à primis usque temporibus non imperantis cujuscumque, aut certe imperium usurpantis interminationes aut protervia, sed sanctorum Patrum, sacrarumque Synodorum decreta pietatis doctrinam nobis constituerunt. Nam religionem prudentia & consilio magis quam cujusquam imperio firmari nulli opinor dubium esse potest. Nunc igitur tua pietas exponat, quid ita nobis quibus religionem tantopere curae esse non ignorabas contempnis : sacerdotibusque, quotque circumquaque degunt (quos utique in unum locum coactos natam de religione controversiam discutere dirimereque par erat) despectis, hasce turbas discordiasque inter Ecclesias concitaris ? &c.* Quibus verbis ostenditur sententiam de Nestorii abdicatione à Cœlestino PP. contra morem à Patribus servatum in erroribus Arrii atque Macedonii damnandis latam esse ? Siquidem optimi & prudentissimi Imperatores apprimè cernebant, si error Nestorii illo inaudito extra Synodum generalem *quasi præjudicio quodam*, ut alibi loquuntur, damnaretur, non sublatum sed exacerbatum iri : tum quia veritas permultis nondum innotuisset : tum etiam quia Nestorius multos haberet sequaces : adeo ut postea in quinta Synodo generali opus fuerit fibras hujus erroris extirpare : sic enim ad hominum superbiam domandam & erudiendos homines ad humilitatem Deo Ecclesiam

fiam suam exercere placuit, *ne in conspectu ejus gloriaretur omnis caro*. Quocirca, Principes optimi jure morem majorum servari imperant : idque nisi fecissent jam ab illis temporibus Ecclesia continuis schismatibus laniata ad paucos redacta fuisset ut hodie : neque ullas Synodos saltem generales habuissemus : quibus sublatis, provinciales quoque celebrari desierunt, & jus commune omnino cessavit. Itaque non fuit satis hæresim Nestorii damnare, nisi caveretur ne Ecclesia ex ejus damnatione plus mali quam utilitatis emeteret : quod certe contigisset si extra Synodum generalem liberam damnata fuisset. Hæc igitur prima est causa cur Imperatores Cyrillum increpent. Altera quod scripsisse videretur ad Imperatrices de Imperatoribus quasi causæ Nestorii faverent : id enim hæc subinducant : *Nam nisi aliquod inter nos de religione dissidium ortum esse persuasum habuisses, aut certe aliquid ejusmodi ex literis tuis oriturum sperasses, cur obsecro alia privatim ad nos, alia rursus ad Eudoxiam, &c.* Quæ etiam confirmantur apologetico quem post Synodum Ephesinam scripsit Cyrillus & misit ad Theodosium Imperatorem ei veniam deprecans, Tertia parte Conciliorum Romanorum cap. 13. & apud Binium Tomo . . . . . capite . . . . . Et hoc erit tertium notabile. Quartum autem, quod cura Ecclesiæ spectet ad Principem politicum *quoniam Ecclesia in republica tanquam in*  
*thal-*

*ibalamo & domicilio habitat* : quod ipsum amplius tractat altera epistola ad omnes Metropolitans. Quinto clare docent, *pietatis doctrinam debere in utramque partem in sacra Synodo discuti*, eique *dejudicanda illos præsici oportere*, qui *ubivis gentium Sacerdotiis præsident* : per quos, inquit, *& nos quoque in veritatis sententia stabilimur*, *magisque identidem stabiliemur*. Quæ oratio demonstrat illo tempore infallibilem Papæ monarchiam fuisse incognitam. Et hæc de epistola increpatoria ad S. Cyrillum, cui ferme idem adversus Nestorianos quod olim B. Athanasio contra Arrianos contigit : nempe ut in invidiam traheretur apud Cæsares : sed demum veritas, quæ à tempore laborare solet, cum magna Cyrilli laude & gloria evincit.

Venio ad analysim alterius epistolæ, quæ primum docet, *Cæsares tum curam Ecclesiasticæ disciplinæ habuisse*, *ut status ecclesiasticus ejusmodi esset*, *qui & Deum deceret*, *& temporibus principum quam maxime congrueret*, *atque ex omnium concordia & consensione suam tranquillitatem obtineret*, &c. Hercle Imperatores tanquam juris Divini, Naturalis, & Canonici vindices atque Ecclesiarum Protectores hac fruuntur potestate : idque *Magnus Constantinus vocabat esse communem Episcopum rerum exteriorum*, ut alias docuimus. Secundo hinc discimus moris fuisse in primitiva Ecclesia, statim atque Imperatores rescirent ab Ecclesiasticis opus esse Con-

Concilio generali, illud suis literis indicere, convocare, congregare, aut cogere confuevisse : quæ omnia accumulare cogor propter Vallii nugamenta, de quibus supra cap. 2. in historia Synodi Nicænæ. Nam eo spectant hæc concepta vocabula : *De indicta autem sanctissima Synodo, nostra Serenitas ad omnes omnino Deo dilectos Episcopos Metropolitanos literas scripsit* Quæ literæ quamquam legantur cum inscriptione ad Cyrillum Alexandrinum actione prima hujus Concilii, nihilominus id factum est quia Cyrillus præsidebat Synodo : unde literis ejus perlectis, omnium quoque aliorum Metropolitanorum literæ una pro recitatis habebantur : quia omnes ejusdem erant, non modo argumenti, verum etiam & exempli. Hercle Cœlestinus Papa epistola ad Theodosium Imperatorem de Synodi indictione & conuocatione sic Imperatorem alloquitur : *Sed huic cælesti curæ vel gloria unusquisque nostrum pro sacerdotali officio operam nostram, in quantum valemus, impendimus : Et huic Synodo QUAM ESSE JUSSISTIS, nostram præsentiam in his quos misimus exhibemus : pietatemque vestram sub divini obsecrantes obtestatione judicii ne quid turbide novitati lucere vestra mansuetudo permittat.* Audis Cœlestinum fateri Imperatorem iussisse Synodum haberi, cujus epistolam leges parte secunda actione secunda Ephesini Concilii Romanæ editionis, sub finem. His & accedit epistola Capreoli Episcopi Carthaginensis ad Synodum

dum Ephesinam qua declarat Theodosium misisse literas in Africam ad sanctum Augustinum pro Concilii Ephesini indictione, atque inter alia flagitasse praesentiam. S. Augustini, qui nuper vita functus erat. Qua in epistola nulla fit mentio Coelestinum PP. indixisse Synodum Ephesinam Episcopis Africae: quamquam tamen Africa subdita esset Patriarchatui Romano. Equidem quando in secunda Synodo Ephesina, in Chalcedonensi sexto, septimo, & octavo Concilio Generalibus literas Imperatorum ad Romanum Pontificem pro illorum conciliorum indictione legimus, ut propriis locis ostendetur; non ambigendum est, quin etiam Coelestinus literas pro ea re acceperit ab Imperatoribus, ejusdem exempli: cum literae Caesarum pro Synodi Ephesinae convocatione nominatim perhibeant, *ad omnes omnino Deo dilectos Episcopos Metropolitanos literas missas fuisse*. Euagrius lib. 1. capite 3. *Literae Imperatoris erant ad Cyrillum & ad alios omnes ubique sanctarum Ecclesiarum praesides missae, quae diem pentecostes conventui praestituerunt*. Tertio, ubi Imperatores sic Metropolitanos evocarant, hi consueverant habere delectu Episcopos sibi suffraganeos cum sacerdotibus atque aliis personis ad Synodum idoneis, quibusdam relictis qui divina officia peragerent in Provinciis & sacramenta populo administrarent; verum paulo ante observavi, Theodosium nominatim scripsisse

pſiſſe ad S. Auguſtinum, & petiſſe ut Synodo  
 Ephęſinæ intereſſet : idque oſtendit quanta  
 ubique terrarum de vita & doctrina S. Augu-  
 ſtini fama percrebuiſſet Quarto dignoſcimus,  
 Imperatores tempus certum, puta diem ſa-  
 crum Pentecoſtes habendo Concilio præfi-  
 xiſſe : idque proprie eſt Synodum indicere, ut  
 cap. 2. obſervavimus. Quinto edicitur ut tur-  
 bę quę ex multis diſſidiis & concertationi-  
 bus hinc inde natę ſunt, rite ſecundum Ec-  
 cleſiaſticos Canones definiantur & ſopiantur,  
 atque pietatis publicęque utilitatis firmitati  
 conſulatur : & ita patet nihil loci relictum ab-  
 ſolutę monarchię, aut iis *qui imperare mallent,*  
*quam in medium conſulere, aut aliorum de ejuſmo-*  
*di rebus conſilium audire* : ut loquitur Cęſar epi-  
 ſtola increpatoria ad Cyrillum. Sexto prohi-  
 bent ne ante ſanctiſſimam coactam Synodum,  
 communemque ejuſdem ſententiam ſuper  
 enatis controverſiis, aliquid à quopiam ulla in  
 re privatim à quoquam innovetur. Undecimo  
 Imperatores ſic parere detrectantibus inter-  
 minantur *Nos quoque harum rerum cura ſedulo*  
*incumbentes nullum impune à Synodo abeſſe ſine-*  
*mus : nec ullam ille vel apud Deum, vel apud nos*  
*quoque habiturus eſt excuſationem : qui ſtatim im-*  
*pigre ſecundum præſinitum tempus ad deſtinatum*  
*locum præſto non fuerit.* Quare initio primę  
 actionis, ego hic perpetuo ſequar editionem  
 Romanam. Epiſcopi petunt, quot dies elapſi  
 ſint à die ſacro Pentecoſtes, quem Imperato-  
 res

res præscripserant : ac Memnon Ephesus Episcopus respondet, sexdecim decurrisse. Et hinc claret quantum olim Imperatores potestatem haberent in negotiis Ecclesiasticis & Conciliis ordinandis : adeo ut omnia ab illorum nutu, quoad ordinem agendi, penderent : contra autem hic exiguam partem Episcopi Romani obtinebant. Verum hæc Theodosii interminatio non absimilis est ei quam Constantinus Magnus misit Patribus Concilii Tyrensis apud Eusebium lib. iv. Vitæ Constantini, cap. 42. ubi enim optimus Princeps rescivit magnas tempestates subortas in Ægypto, statim Synodum haberi imperavit : atque Episcopis Tyri congregatis hanc epistolam, tanquam communis Episcopus exteriorum negotiorum, hoc est Juris Divini, Naturalis & Canonici vindex scripsit : *Erat fortasse consentaneum & ad præsentis temporis opportunitatem maxime accommodatum, carere omni contentione Ecclesiam Catholicam, & Christi servos ab omnibus rixis solutos ac liberos esse. Sed quoniam nonnulli scelerata cujusdam contentionis furore incitati, ac (ne quid gravius dicam) vitam sua professione indignam agentes, omnia turbare ac miscere conati sunt : quod scelus supra omnem calamitatem mihi sane positum esse videtur ; propterea vos vestra, ut est in proverbio, sponte currentes, hortor, ut nulla interposita mora, sed omni qua possitis celeritate in unum locum confluentes Synodum instituatis, & egentibus opem feratis, in periculo positis fratribus*

*medicinam adhibeatis : divulsa membra ad confessionem revocetis : errata omnia interea emendetis , dum ipsum tempus ferat : ut hisce tantis provinciis quæ maxime decet , concordiam restituantis , quam , ô fuitiles ineptias ! paucorum hominum delevit arrogantia. Nam hoc & Deo totius hujus universitatis Domino gratum , & nobis quavis re vel optatissima magis jucundum , & vobis ipsis , si concordiam & pacem revocaveritis , magnæ gloriæ , vel omnium mortalium judicio consensuque futurum plane arbitror. Nolite igitur cunctari , sed acerrimo studio his quibus decet terminis præsentis controversias definite : utpote qui cum omni puritate & fide coivistis : quam in omni cœtu prope clarissima voce Servator noster , cui servimus , in primis flagitat. Nihil vero , quod est nostrarum partium nostraque prudentiæ , deerit. Nam quæ literis mihi vestris significastis , omnia curavi : scripsi ad quos volebatis Episcopos , ut vestras curas & sollicitudines præsentia & laboribus suis adjuvarent. Misi etiam Dionysium consularem , ut omnium rerum gerendarum eos admoneat , qui vestræ Synodo adesse debent : maxime vero ut idem animadversor sit & custos conservandæ æquabilitatis & ordinis. Quod si quis , quod equidem non futurum arbitror , rejecto & spreto mandato nostro adesse noluerit ; delegabimus aliquem qui regia illum auctoritate in exilium ejectum , docebit , hominem minime decere summi Imperatoris præceptionibus ad tuendam veritatem editis repugnare. De cætero vestræ sanctitatis partes sunt , non odio , non gratia ulla , sed consentientibus*

*flu-*



*studiis secundum ecclesiasticam & apostolicam regulam omnibus erratis errore aliquo admissis propriam curationem adhibere: ut & omni aliena contumelia Ecclesiam liberetis, & meas curas allevetis, & rebus turbatis per vos constitutis, maximam vobis ipsis gloriam comparetis. Deus vos conservet fratres dilecti.* Hæc Constantinus Magnus piissimusque Imperator, clare ostendens quanta Principes præditi sint potestate ad disciplinæ & pacis ecclesiasticæ vindicias. Sed forsitan aliquis opponet S. Athanasium multa de hac Synodo Tyrensi quam Constantinus indixit conqueri apologia secunda: verum rependam hæc ad quæstionem facti spectare: & quæ in hac Synodo adversus Athanasium patrata sunt, nihilo magis Constantino aut ejus sancto proposito adscribi posse quam Theodosio & Valentiniano Imperatoribus quæ Joannes Antiochenus adversus S. Cyrillum in hac Synodo Ephesina gessit: maxime vero, quod Constantinus nominatim petat ab Episcopis *ut egentibus opem ferant, fratribus positis in periculo medicinam adhibeant, divulsa membra ad consensionem revocent; errata omnia emendent, concordiam restituant: non gratia ulla sed consentientibus studiis secundum ecclesiasticam & apostolicam regulam omnibus erratis errore aliquo admissis propriam curationem adhibeant, & omni aliena contumelia Ecclesiam liberent, &c.* Quid obsecro amplius ab optimo Principe & communi Episcopo Christianorum desiderari poterat?

rat ? Quanto enim cum stomacho hæc pertulerit, atque Eusebianorum factionibus adversus S. Athanasium quam studiose mederi voluerit, liquet ex ejusdem Constantini Magni epistola quæ legitur in fine Apologiæ secundæ Athanasii his concepta verbis : *Victor Constantinus Magnus, Augustus. Ego ignoro quid sibi velint ista quæ à vestra Synodo Tyrensi per tumultum & tempestatem judicata sunt. Mihi sane videtur nescio quo pacto veritas per immodestiam opprimi : dum per vestram contentionem, quam invictam cupitis, ea quæ Deo placent non consideratis. Sed erit divinæ providentiæ officium & explorare scelera istius contentiositatis, & explorata dissipare, vobisque clare ostendere quantum in vestro congressu veritatis curam habueritis, & an vestra judicia citra gratiam & odium calculum suum prompserint. Quocirca festinanter ad meam pietatem accurrite & rerum istarum excussam exactamque fidem coram me in præsentia ipsi præsentibus doceatis. Quare autem ista scribere voluerim, & quapropter vos literis meis accersendos putaverim ex sequentibus cognoscetis. Ingredienti mihi cognominem & felicem patriam meam Constantinopolim (eram autem in equo) subito Athanasius Episcopus in media via cum nonnullis aliis quos circum se habebat, ita inexpectatus occurrit, ut non levem mihi causam admirationis præberet. Testis mihi Deus omnium speculator, me quisquis esset primo aspectu agnoscere nequivisse, nisi nostrorum quidā quisnam ille, & quamnam injuriam passus esset jam antea*

*auditam ut fieri solet, mihi indicassent, Ego igitur per illud temporis verba cum illo non habui, neque colloquium miscui. Quum autem ipse se audiri postularet & hoc recusarem, magna libertate nihil aliud postulavit quam ut vos huc evocari juberem quo vobis presentibus, quæ per vim passus esset, conqueri posset : quod cum mihi æquum & temporibus meis congruum videretur, scripto vobis denunciatum volui, ut quotquot Synodum Tyri absolvistis, sine omni tergiversatione ad prætorium nostræ clementiæ conveniatis, re ipsa quantum sinceritatis integritatisque sit in vestris sententiis coram me ipso sincero famulo Dei (quod nec ipsi quidem abnegaveritis) declaraturi. Certe per meum erga Deum cultum observantiamque ubique jam terrarum pax est, & Barbaris ipsis nomen Dei sinceriter benedicuntur, qui hætenus veritatem ignorabant. Nihil dubii autem est, eum qui veritatem ignorabant, etiam Deum ignorare. Sed tamen, ut antea dixi Barbari per me sincerum Dei famulum Deum agnoverunt, & jam metuere didicerunt, ideo quod illum mihi protectorem esse, meique curam gerere re ipsa experti sunt, atque ita in nostris rebus Deum agnitum nostri formidine Barbari reverentur. Nos contra qui mysteria Clementiæ ejus ostentare & præferre videmur, (non enim dixcrim tueri) nos, inquam nihil facimus, nisi ea quæ ad discordiam & odium pertinent, & ut semel dicam quæ ad humani generis perniciem referuntur. Quapropter vos meo prætorio sistite, quemadmodum dixi, & festinate huc quam celerrime : certique sitis me omni ope studio-*

*que annisurum, ut ea quæ sunt legis Dei quam maxime inoffensa illabefactataque servantur: quibus nullum nec probrum, nec infamia allini possit: profligatis scilicet & contritis semel inimicis legis, qui sub specie sancti nominis, multiplices & diversas blasphemias adferunt.* Hæc Constantinus, inquit Athanasius: quem lector observabit injurias sibi illatas ab Episcopis Synodi Tyrensis deferre ad Cæsarem: & ab illo petere æquabile judicium: ut coram eo & Episcopis memoratis de iis conqueri posset quæ per vim passus erat. Idque amplius confirmat Imperatorum potestatem in regenda & constituenda externa disciplina & pace Ecclesiæ. Hocque Appellationibus quas hodie Galli vocant *ab abusu*, quodammodo æquipollet: utque finem debitum nanciscatur, Constantinus Episcopos ad suum tribunal & prætorium acceffit. Quæ forma judicii debet Baronii, Belarmini, imo omnium Cornicum oculos configere quando meridie lucere dubitant? Sed ut ad institutum revertamur indictione Synodi Ephesinæ prætermissa in actionum singularum adyta sensim penetremus.

III. Postquam autem Patres Ephesum convenerunt, Imperatores Candidianum Comitem cum literis sequentibus illuc miserant, *ad ordinem, æquabilitatem & libertatem constituendam in Synodo. Cum magnam omnium quæ è re publica sunt curam habeamus: tum vero maximam illorum quæ ad pietatem religionemque conservandam*

*dam pertinere arbitramur : Per ea namque cetera quoque bona hominibus suppeditantur , scripsimus proinde non ita multo ante de pietatis vestra Synodo apud Ephesinorum metropolim congreganda : Sacrae autem nostrae iussioni ea inferuimus quacumque instituta rei quam maxime convenire censebamus.*

*QUIA VERO ORDINIS QUIETISQUE QUAM SACRAE vestrae Synodi consultationes jure deponunt , decentem quoque curam adhibere oportuit : hanc quoque partem , quo undique tranquillitas adesset . non pratermittendam existimavimus. Non arbitramur autem pietatem vestram ut aliis pacem conciliet , alterius cujuscumque extrinsecae opis egere : nihilominus ad nostrum erga religionem studium singularemque providentiam pertinebat & hanc quoque non negligere. Igitur Candidianum praeclarissimum religiosorum domesticorum comitem ad sacram vestram Synodum abire iussimus : sed ea lege & conditione , ut , cum quaestionibus & controversiis quae circa fidei dogmata incidunt , nihil quicquam commune habeat : nefas est enim qui sanctissimorum Episcoporum catalogo adscriptus non est , illum Ecclesiasticis negotiis & consultationibus sese immiscere. Verum ut monachos , & seculares , ac ceteros denique omnes qui hujus spectaculi causa vel eo nunc confluerunt , vel in posterum forte confluent , ab eadem illa civitate modis omnibus submoveat : quandoquidem non licet illos , qui omnino necessarij non sunt , sacrorum dogmatum examen aliquo tumultu impedire : & iis quae cum tranquillitate à vestra Sanctitate constituti definirique debent , ob-*

staculum aliquod adferre : tum rursus ut diligenter prospiciat , ne qua gravior dissensio ex mutuo repugnandi studio coorta , & sævæ tempestatis instar debacchata , sanctissimæ Synodi vestræ consultationem exactioremque veritatis indagationem quovis modo obturbet : tum denique quo operam dei sedulam , ut omnibus & singulis quæ dicuntur rite perceptis , singuli inoffensè , quod visum fuerit in medium proponere , vel ab aliis propositum , si opus id fuerit , refutare queant : ut ea tandem ratione , ubi per singulas propositiones exceptionesque inquisitio citra ullam omnino turbam contentionemque habita fuerit , quod omnibus placitum probatumque erit , communi vestræ Sanctitatis sententia constituatur , decernaturque. Ante omnia autem severe eidem magnificentissimo Candidiano mandatum est , ut quam studiosissime observet , ne quem ex sanctissima vestra Synodo aut reditum molientem , aut iter ad exercitum nostrum affectantem , aut ad alium quemcumque locum abscedere cupientem , prius inde abire permittat , quam diligenti adhibita discussione , ea omnia decreta definitaque fuerint , quæ in disquisitionem venerant. Hinc ne ullam omnino aut Ecclesiasticam aut aliam quamcumque controversiam undecumque natam vel motam , quæ ad propositam sancti dogmatis considerationem non pertineat , ante moveri sinat , quam eorum omnium quæ nunc in questionem vocata sunt , ambiguitate soluta , ea , quæ ad veritatis investigationem faciunt , exactissimo iudicio discutiantur , finemque orthodoxæ religioni congruum sortiantur. Quin & hujus quoque ad-

moni-

*monita sit vestra pietas, nempe Serenitati nostræ visum esse, ut nulla omnino in sacra vestra Synodo aut etiam in publico Ephesiorum iudicio, pecuniaria, aut criminalis causa adversus aliquem agitetur. Quod si quid ejusmodi extiterit, cuiuspiamve usu venerit, hujus integram cognitionem magna huic nostræ civitati reservatam volumus. Denique nec id quoque vobis clam sit, videlicet magnificentissimum Comitem Irenæum, neque sanctissima vestre Synodi consiliis, neque his quæ eximio legato nostro Candidiano à nobis demandata sunt, ullatenus communicare debere: ut qui solius amicitiae causa cum piissimo celeberrima civitatis hujus Episcopo Nestorio Ephesum profectus sit. Hanc epistolam leges parte prima Ephesini Concilii editionis Romanæ cap. 35. & apud Binium Tomo 1. cap. ultimo. Inter alia autem nos docet quo discrimine Princeps Ecclesiasticus Synodis præsit à Principe politico: hic enim ordinis, æqualitati, & libertati constituendæ, ne quid per vim fiat, præsidet: unde cum Theodosius Synodo interesse non posset, eo Candidianum comitem ablegat, qui partes suas obeat: Princeps autem Ecclesiasticus præest actioni qua omnes controversiæ sententiis Patrum canonicè definiuntur: de qua re amplius in Synodo Chalcedonensi ex Patrum ipsorum declaratione. Secundo, valde notabile est, Imperatorem præcipere Patribus, ne pedem ex Synodo efferant, priusquam res controversæ canonicè definitæ fuerint: hoc enim etiam*

ad Principis politici præfidentiam spectat; de quo iterum agetur in hac Synodo. Tertio, vetat aliquam causam pecuniariam aut criminalem contra aliquem eorum qui intererunt Concilio exciri aut tractari vel in sacra Synodo vel in publico judicio & tribunali Ephesiorum; prudenter quidem, quoniam hoc cursum rerum agendarum inturbare potuisset.

Explicata forma externa constituendi ac regendi Concilii quæ politicis Principibus competit : de interna dicendum, quæ solis Ecclesiasticis propria est, atque ipsis actionibus Concilii explicatur: quæ septem sunt numero, eodemque exordio utuntur quoad rem & substantiam, quamquam modus aliquando varietur. Itaque qui primæ actionis exordium quod hic adscribam viderit, omnia alia viderit.

IV. *Post consulatum Dominorum nostrorum Flavii quidem, Theodosii XIII. Valentiani vero IIII. semper Augustorum 10 Kal. Juli Synodo congregata in Ephesiorum metropoli, ex decerto religiosissimorum & Christianissimorum Imperatorum, & confidentibus in sanctissima Ecclesia quæ appellatur Maria, religiosissimis & sanctissimis Episcopis Cyrillo Alexandria, qui & Cælestini quoque sanctissimi speratissimique Romanæ Ecclesiæ Archiepiscopi locum obtinebat, & Juvenali Hierosolymorum, & Memnone Ephesiorum, Flaviano Philippensium, &c. Petrus presbyter Alexandria & Primicerius Notariorum causam indictionis Concilii expl. cavie,*

ob



*ob controversiam primum natam inter Cyrillum Alexandrium & Nestorium Constantinopolitanum Episcopum, dixitque. Cum igitur Imperiali & religioso nutu sacra vestra Synodus concordi consensu in hunc locum convenit, non potuimus non indicare nos epistolas Cyrilli, Nestorii, & Cœlestini, præ manibus habere, paratosque, si vestrae pietati ita visum fuerit, easdem recitare. Juvenalis Hierosolymorum Episcopus dixit: legatur pium piissimorum Christianissimorumque Imperatorum nostrorum edictum ad omnes Metropolitanos destinatum, rebusque quas nunc tractare incipimus, veluti fax quedam præluceat. Quod mox per Petrum reverendissimum Alexandrinæ Ecclesiæ presbyterum prolatum, & in hunc modum lectum est: Imperatores Cæsares, Theodosius & Valentinianus victores, triumphatoresque maximi, &c. Reipublicæ nostræ constitutio, ea quæ in Deum est pietate præcipue nititur, &c. Quas literas Imperatorum de indictione Concilii supra habes integras, cum eorum Analyfi numero 2.*

En procœmium actionis primæ desumptum ex editione Romana parte I I. Act. I. exstatque in Collectione Binii Tomo I I Ephefini Concilii cap. I. nosque præsertim tria edocet. Principio Concilium congregatum fuisse Ephesi decreto Imperatorum: ut jam superius ostensum est; idque in omnibus actionibus iteratur. Secundo, Cœlestinum Papam vocari Archiepiscopum. Tertio, Cyrillum præfuisse Concilio, & locum Cœlestini PP. obtinuisse.

V.

V. Bellarminus quidem & cæteri scriptores Curiaë Romanæ causantur præsentiam Cyrillo delatam, propterea quod Cœlestinus Cyrillum vicarium suum constituisset: ut constet ex epistola Cœlestini ad clerum & populum Constantinopolitanum sub finem, ubi hæc leguntur : *Et quia nostra in tanto negotio præsentia necessaria videbatur, vicem nostram propter marina, & terrena spatia ipsi sancto fratri meo Cyrillo delegavimus, ne morbus iste longitudinis occasione grassetur* : vide primam partem Ephesini Concilii Conciliorum Romanorum cap. 19. Nicephorus lib. xiv. cap. 34. notat, *famam esse ab eo tempore Patriarchas Alexandrinos vocatos Papas œcumenicos & iudices orbis quo Cœlestinus Cyrillum in vicarium suum cooptavit* : Sed recte notat Nicephorus hoc fama tantum niti : quandoquidem sunt Græculorum figmenta; quoniam ex Ecclesiæ primitivæ disciplina Canonibus Nicænis consecrata, sicut Præsides Actonibus Parlamenti moderantur, ac primo absente secundus sedis prærogativam occupat: sic antiquitus in Conciliis omnes Patriarchæ erant præsides, atque duces, & capita Synodi neque Romanus quicquam super alios præter sedis prærogativam obtinebat : quare si abesset à Synodo, cæteri Patriarchæ suo quisque ordine præsidebant: qua de causa supra in historia Nicæni Concilii docui Patriarcham Alexandrinum & Antioche-

chenum *vocari præfides Concilii*, cum in epistola Synodali ad Alexandrinos, tum in epistola Felicis Papæ. Item certum est in Constantinopolitano Concilio Patriarchas Alexandrinum & Antiochenum præfedisſe, cum nulli adessent ex parte Damasi PP. unde similiter cum Ephesina Synodus haberetur adversus Nestorium Constantinopolitanum Patriarcham, absente Romano Pontifice, jus præsidendi ad Cyrillum Alexandrinum pertinebat : itaque tametsi ei delatum non fuisset à Cœlestino, illud in vim suæ sedis ex Nicænis Canonibus jure habuisset. Hercle constat ex actione secunda Concilii Ephesini, Cœlestinum misisse Arcadium & Projectum Episcopos atque Philippum Presbyterum, qui vicem suam capefferent in Synodo Ephesina, idque nominatim acta personant & tamen Cyrillus Actione sexta illos anteit in subscriptionibus editionis Romanæ quam perpetuo sequar ad majorem fidem faciendam Adversariis. Neque hic silentio obruendum, epistolam qua Cœlestinus *vicem suam Cyrillo mandat*, scriptam fuisse antequam Cœlestinus putaret Concilium generale habitum iri adversus Nestorium : & duntaxat restringi ad executionem sententiæ Cœlestini adversus Nestorium, quem mandabat facris & sacerdotio interdici, nisi intra decimum diem sibi prolatae sententiæ resipisceret. Ex quo insurgit, frustra hinc colligi Cyrillum præfedisſe Concilio Ephesino tanquam Cæ-

**Cœlestini vicarium :** cum id ei ex sedis suæ prærogativa deberetur. Quod autem passim in actis legitur illum obtinuisse locum Cœlestini, id eo consilio effectum est à Patribus, ut obviam iretur factionibus Nestorii & Joannis Antiocheni, qui cum multos haberent Episcopos suæ factionis, efficere volebant ne à Concilio in quo duo tantum federent Patriarchæ Nestorius damnari posset: quasi pares nullum haberent in pares imperium. Quocirca omnia acta clamant etiam Cœlestinum adhæsisse Concilio atque Cyrillum ejus vicem gessisse, continuoque tres sedisse Patriarchas in Synodo Ephesina contra Nestorium, scilicet Cœlestinum, Cyrillum & Juvenalem Hierosolymitanum.

VI. Hic obiter informandus lector Parte II. Concilii Ephesini post acta conciliabuli Joannis Antiocheni varias exhiberi epistolas Catholicorum, & in nonnullis quas Synodus Ephesina scribit ad Imperatores, *Cyrillum Alexandrinum & Memnonem Ephesinum Episcopos, vocari Præsides, Duces & capita Concilii:* ubi *caput*, moraliter, pro primo, duce & principe actionis sumi debet, minime vero quod aliquid naturaliter influat in alios, absque quo influxu Synodus existere non possit; sicut videmus corpus humanum absque capitis influxu illico emori: quæ notanda putavi contra sophisticas nugas adulatorum & maxime Valli persuadere volentis Papam id esse Ecclesiæ

Ca-

Catholicæ quod est caput corpori humano :  
essentiale non ministeriale existere. Adi illius  
librum de Suprema potestate Papæ parte 1.  
quæst. vi. Caterum Baronius Tomo v. Annal.  
anno Christi 430. scribit, Philippum presby-  
terum Ecclesiæ Romanæ, quem Cœlestinus  
una cum Arcadio atque Projecto Episcopis  
miseret ad Synodum Ephesinam, ideo vocis  
& sedis prærogativam super alios Episcopos  
consequutum, quia presbyter esset Cardinalis:  
sed fabulæ : Tum enim nondum Cardinales  
nati aut noti erant mundo, ut alias probabi-  
tur. Quod autem in subscriptionibus Episco-  
porum Philippus Episcopis plurimis præpo-  
nitur: hoc quidem Baronius debebat potius  
tribuere personæ Papæ Cœlestini quam Phi-  
lippus repræsentabat, quam Titulo & quali-  
tati Cardinalitiæ, de qua ambigitur. Sed ad  
quartum notabile exordii primæ Actionis Sy-  
nodi Ephesinæ me conféro : quo edocemur  
Patres sedentes in Synodo consuevisse princi-  
pium agendi ducere ab Edicto Imperatorum,  
de Synodi indictione omnibus Metropolitæ;  
quod *tanquam fax quedam agendis prælucebat.*

VII. Quare Firmus Cæsareæ Episcopus  
perlectis literis Imperatorum hæc pronun-  
ciat : *Reverendissimus Ephesinæ civitatis Episcopus  
Memnon nobis exponat, quot jam sint elapsi dies  
post nostrum in hanc civitatem adventum : Mem-  
non dixit : à præfinita die in piis & religiosis literis  
præteriere sexdecim dies, &c. Tum Cyrillus Ale-*  
*xan-*

*xandrinus petit, ut chartulæ & literæ, quæ ad præsens facerent institutum, legerentur. Theodorus vero Ancyra Episcopus dixit, prius curandum ut Nestorius Synodiciis actis præsto sit, ut ea quæ ad religionem pertinent COMMUNI OMNIUM SENTENTIA ET CONSENSU CONSTITUANTUR.* Quamobrem ter evocatur canonice ad Synodum: cumque pervicaciter venire recusasset, ejus causa discutitur, ac primum Symbolo Nicæno velut basi agendorum præfixo, scripta Cyrilli ad Nestorium ideo examinantur: quia Cyrillus omnium primus classicum personuerat adversus Nestorium: examinationis autem illis scriptis consensione omnium patrum orthodoxa acclamantur. Secundo Nestorii Epistola ad Cyrillum vicissim perlegitur & examinatur, omnesque Patres concorditer exclamant: *Quicumque Nestorium non anathematizat, Anathema sit: Quicumque Nestorio communicat, Anathema sit: totus terrarum orbis impiam Nestorii religionem anathematizat, &c.* Tertio, perlegitur & examinatur epistola Cœlestini ad Nestorium, cum secunda scriptione Cyrilli adversus Nestorium. Quarto subjiciuntur diversorum Patrum pridem defunctorum sententiæ, iis concordantes quæ à Cyrillo & Cœlestino scripta fuerant.

VIII. Quinto his opponuntur aliquot quaterniones ex scriptis Nestorii collecti. Sexto epistola Synodica Capreoli Archiepiscopi Carthaginensis subjicitur, quam Cyrillus actis  
 inscribi

inscribi merito quidem flagitat, quoniam hanc memorabilem sententiam contra absolutam infallibilem monarchiam Curialium ad omnem posteritatis memoriam consecrat: *ut quæ pro Catholica fide definita sunt perpetuam firmitatem obtinere valeant, oportere ea omnia inconcussa immotaque conservare quæ superioribus temporibus à sanctis Patribus constituta sunt. Nam qui illa perpetuam stabilitatem retinere voluerit, quæ de Catholica fidei ratione statuerit, is non propria auctoritate, sed antiquorum Patrum judicio sententiam suam corroborare debet: ita ut ea ratione partim veterum, partim recentiorum decretis & sententiis placita sua comprobans, unicam Ecclesiæ veritatem jam inde ab initio ad præsens usque tempus simplici puritate invictaque constantia & auctoritate decurrentem se asserere docere & tenere ostendat.* Huc usque Capreolus; cui pariter Vincentius Lirinensis contemporaneus assentitur initio commonitorii adversus prophanas hæresium novitates: *In ipsa Catholica Ecclesia magnopere curandum est, ut id teneamus quod ubique, quod semper, quod ab omnibus creditum est, hoc est enim vere propriæque Catholicum: quod ipsa vis nominis, ratioque declarat: quæ omnia vere universaliter comprehendit. Sed hoc ita demum fit, si sequamur universitatem, antiquitatem, consensionem. Sequemur autem universitatem hoc modo, si hanc unam fidem veram esse fateamur quam tota per orbem terrarum confitetur Ecclesia: antiquitatem vero ita, si ab iis sensibus nullatenus recedamus, quos sanctos*



*maiores nostros celebrasse manifestum est : consensionem quoque itidem, si in ipsa vetustate omnium vel certe pene omnium sacerdotum pariter & magistrorum definitiones sententiasque sectemur. Præterea sub finem ejusdem commonitorii : Deinde ait, si qua nova exurgeret quaestio, ubi id minime reperiretur, recurrendum ad sanctorum Patrum sententias, eorum duntaxat, qui suis quique temporibus & locis in unitate communionis & fidei permanentes, magistri probabiles extitissent. Et quicquid uno sensu atque consensu tenuisse invenirentur, id Ecclesiae verum & catholicum absque ullo scrupulo judicaretur. Quod ne presumptione magis nostri quam auctoritate ecclesiastica promere videremur, exemplum adhibuimus sancti Concilii, quod ante triennium ferme in Asia apud Ephesum celebratum est. Ubi cum de sanciendis fidei regulis disceptaretur, nequa illic forsitan profana novitas in modum perfidia Ariminensis obreperet, universis sacerdotibus qui illo ducenti. fere numero conveniant, hoc catholicissimum fidelissimum, atque optimum factu visum est, ut in medium sanctorum Patrum sententia proferrentur, quorum alios martyres, alios confessores, omnes vero catholicos sacerdotes fuisse & permansisse constaret: ut scilicet rite atque solenniter ex eorum consensu atque decreto, antiqui dogmatis religio confirmaretur & prophana novitatis blasphemia condemnaretur, &c. Quibus & concordat Sisinnii presbyteri consilium datum Nectario Constantinopolitana apud Socratem lib. v. cap. 10. Scilicet*



*licet disputationes non reconciliare, sed hæreticos ad contentiōem multo magis accendere: ac proinde testes adhibendas formulas fidei à veteribus editas, qui ante divisionem vixissent in Ecclesia, eamque probe rexissent. Quæ Capreoli & aliorum Patrum regula tanto illustrior est, quod modum præscribat à majoribus servatum, in dirimendis controversiis, & à posteris necessario servandum, si modo velint nascentibus hæresibus atq; schismatibus mederi. Idque si initio Lutheranismi servatum esset, Ecclesiam non ita scissam & deformatam haberemus. Qui enim doctrinam suam perpetuam stabilitatem retinere voluerit, quæ de catholice fidei ratione statuerit, is non propria auctoritate, sed antiquorum Patrum judicio sententiam suam corroborare debet, inquit Capreolus. Hercle ipse Nestorius non alia de causa in hæresim incidit, quam quod superbia & facundia quadam elatus, omnium antiquorum scriptis, more sectariorum hujus seculi nihil tribueret: cum tamen antiqui communionem sanctorum, & consensum catholicum sui temporis (qui, ut cap. 1. hujus libri diximus, vera est ratio Ecclesiæ regendæ,) nobis certissime demonstrent. Sed ut ad Patres Ephesinos redeamus, perlecta epistola Capreoli; sententiam depositionis in Nestorium ita pronunciant: Sancta Synodus dixit, cum præter cetera impiissimus Nestorius neque nostræ citationi parere, neque sanctissimos religioissimosque Episcopos à nobis destinatos admittere voluerit: non po-*

*tuimus adeorum qua impie docuit examinationem animum non adjungere. Deprehendentes itaque partim ex literis commentariisque ipsius hic publice lectis : partim ex sermonibus quos nuperrime in hac Ephesiorum metropoli habuit, quique testimoniis compertisunt, illum impie sentire & prædicare : coacti per sacros Canones & epistolam SS. Patris nostri & Comministri, Cœlestini Romanæ Ecclesiæ Episcopi, lacrymis subinde perfusi ad lugubrem hanc contra eum sententiam necessario venimus. Igitur Dominus noster Jesus Christus, quem suis ille blasphemis vocibus impetivit, per sanctissimam hanc Synodum cumdem Nestorium Episcopali dignitate privatum, & ab universo sacerdotum consortio & cœtu alienum esse definit. Cyrillus Episcopus Alexandræ una cum sancta Synodo decernens subscripsi. Iuvenalis Hierosolymorum Episcopus una cum sancta Synodo decernens subscripsi. Firmus Casarca Capadociæ Episcopus una cum sancta Synodo decernens subscripsi. Memnon Ephesiorum Episcopus una cum sancta Synodo decernens subscripsi, & ita de aliis. Ubi dignum animadversione, cunctos Episcopos in ferenda & subscribenda sententia nullam facere mentionem Cœlestini Papæ : sed conceptis verbis dicere, se cum sancta Synodo decernere : idq; ante alios S. Cyrillum, quem tamen adversarii volunt præfuisse Concilio nomine atque auctoritate Cœlestini. Hercle quidem acta Synodica sua natura necessario plurimorum consensum & sententiam non unius monarchæ auctoritatem involvunt.*

Et

Et hæc, antequam legati Pontificis Romani Ephesum appulissent, confecta sunt : quorum summam Patres ad clerum & œconomos Ecclesiæ Constantinopolitanæ ; nec non etiam ad Imperatores miserunt : hoc autem in literis Synodi ad Imperatores notabile occurrit, *quod sanctum Evangelium, quod ipsum Christum præsentem monstrabat, in throno, qui medium locum totius confessus & Synodi obtinebat, propositum fuisse dicatur* : quæ consuetudo in omnibus aliis sequentibus Conciliis semper servata. Idque initio actionum conceptis verbis expressum est, ut suis dicetur locis.

Dum hæc ab Ephesinis Patribus gererentur, Joannes Archiepiscopus Antiochenus fautor Nestorii cum triginta Episcopis suæ factionis formam habuit Conciliabuli, fretus studiis Candidiani, qui occulte Nestorio favebat : quo in Conciliabulo S. Cyrillum Alexandrinum & Memnonem Episcopum duces & capita Concilii, ut à Patribus nuncupantur, exauctorant, atque omnes qui ad sanctam Synodum convenerant ecclesiastica communione privant, idque sancto Concilio significant, nec non etiam ad Imperatores & Imperatrices literas mittunt, priusque sanctæ Synodi literæ deferrentur ad Theodosium : sicque, ut ait Cyprianus epistola ad Cornelium PP *semper scelera festinant & quasi festinatione contra innocentiam prevalent : quoniam filii hujus seculi prudentiores sunt filiis lucis*, ut Christus dicebat Lucæ 16.

IX. Actione 11. Arcadius & Projectus Episcopi, cum Philippo presbytero Sedis apostolicæ legati appellant ad Synodum, atque literas Cœlestini sacro Concilio offerunt quas legi postulant : iisque perlectis omnium patrum consensu referuntur in acta. Sed monendus lector, memoratas literas, aliter atque aliter in editione Romana & Theodori Peltani concipi; hic enim in fine memoratæ epistolæ Cœlestini ita legit: *Misimus ad vos Arcadium & Projectum Episcopos, & Philippum presbyterum sanctos fratres inanimisque ac probatos, nostros comministros: qui nostra in se cura suscepta actis vestris intererunt: quæque à vobis sunt constituta suo calculo denuo confirmabunt. Non dubitamus autem quin Sanctitas Vestra illos ad communem consensum sententiaque dictionem sit admissum. Quæ vero decreveritis, ea pro omnium Ecclesiarum tranquillitate habeantur definita decretaque: vide Tomum 11 Ephesinæ Synodi cap. 14. Collectionis Binii: & nota Antionium Contium in actis Synodi Ephesinæ eadem prorsus referre sub alia versione fol. 88. verso. Attamen editio Romana parte 11. Actione 111. statim initio ad hunc modum legit: *Direximus pro nostra sollicitudine sanctos fratres & Consacerdotes nostros unanimes nobis & probatissimos viros Arcadium & Projectum Episcopos, & Philippum Presbyterum nostrum, qui iis quæ aguntur intersint: & quæ antea a nobis sunt statuta, exequantur. Quibus præstandum a vestra Sanctitate**

*tate*

*tate non dubitamus assensum : quando id quod agitur videtur pro universalis Ecclesiae securitate decretum.* Hæc ibi ; quibus etiam non discordat Græca editio Hieronymi Commelini anni 1591 fol. 193. Nihilominus varietas hujus lectionis magnam suspicionem corruptæ & suppositæ sententiæ ingenerat & certa ratio dignoscendæ genuinæ lectionis à corrupta est, ut perpendamus utra magis conveniat disciplinæ & regimini Ecclesiæ, quod tempore Synodi Ephesinæ florebat secundum Canones Nicænos. Unde cum lectio Antonii Contii & Peltani petat, ut legati Papæ admittantur ad communem consensum & sententiæ dictionem ut suo calculo ea quæ à Synodo decreta fuerant, comprobent, &c., proculdubio praxi tum usitatæ in Ecclesia omnino convenit : Contra autem quæ habentur in editione Romana, quoniam nominatim cavent *ut legati Pontificis Romani ea exequantur quæ sunt à Cœlestino decreta : adeo ut sancta Synodus eis indubie sit assensum præbitura*, &c. nullo modo disciplinæ illorum temporum consentiunt. Patres enim Ephesinos solummodo Papæ Consiliarios atque exequutores sententiæ Cœlestini non iudices controversiarum faciunt, quod est absurdum, & sequioribus sæculis adinventum : hoc enim plane absolutam redolet Monarchiam : quæ nihilo magis temporibus illis convenit quam si quispiam Faramundum primum Francorum

regem liliis aureis perspersum eo modo depingeret quo S. Ludovicum vestire consuevimus: liquidem compertum est liliorum usum in armis regum Franciæ multis annis inventum post Faramundum. Certe in omnibus generalibus Synodis Patres de more habent canonice explorare Episcopi Romani sententiam.

Cæterum perlectis Cœlestini literis, omnes reverendissimi Episcopi simul acclamaverunt, justum esse iudicium Cœlestini, ac novo Paulo Cœlestino, novo Paulo Cyrillo fidei custodi gratias egerunt, &c. *Firmus Cæsareæ Cappadociæ Episcopus dixit: Apostolica & sancta Sædes Cœlestini sanctissimi Episcopi per literas quas ad religiosissimos Episcopos ad Cyrillum, inquam, Alexandrinum & Juvenalem Hierosolymitanum, &c. misit, etiam ante de præsent negotio sententiam regulamque præscripsit, quam nos quoque sequuti, cum terminus Nestorio ad emendationem datus dudum iam præterisset, multumque præterea temporis post nostrum juxta religiosissimi Imperatoris decretum in Ephesiorum civitatem adventum fluxisset: atque hic non parum temporis commemorati essemus, ut dies ab Imperatore præfinitus elapsus jam esset: quoniam Nestorius à nobis citatus non paruit, formam illam exequutioni mandavimus, Canonicum Apostolicumque iudicium in illum proferentes. Quo ex loco Baronius, Binius in notis ad Synodum Ephesinam & Auctor Præfationum Historicarum Romanæ editionis conciliorum colligunt, quæcumque de recta*  
fide

*fide adversus Nestorium sancita sunt, antea fuisse à Cælestino præscripta, Firmo Casaræ Episcopo tota Synodo audiente id ipsum affirmante : hæc illi, ut Papæ infallibilitatem adstruant. Sed facilis ad hæc responsio : Primum Antonius Contius, & Theodorus Peltanus aliter legunt : hic enim Tomo 11 cap. 15. Actorum Synodi Ephesinæ sic refert sententiam Firmi Cæsareæ Episcopi : Cælestinus certam de præsentī negotio sententiam regulamque præscripsit, quam nos proinde sequuti (eo quod terminus Nestorio ad emendationem præstitutus dudum jam præterisset) forma Canonum diligenter ubique observata, Canonicum Apostolicumque iudicium in illum exercuimus. Quæ sententia disciplinæ illorum temporum : altera verò absolutæ monarchiæ huius sæculi congruit. Parcant ergo nobis adversarii, si quando in actis quæ postremis temporibus evulgantur aliquid minus consonum antiquæ disciplinæ, & regimini Ecclesiæ primitivæ reperimus, illud ingenue & animo vere Christiano, suspectæ fidei pronunciemus : maxime autem, quod in quinque posterioribus Conciliis generalibus, quorum historiam fideliter describemus, nuspiam reperitur Patres dixisse se regulam à Romano Pontifice præscriptam executioni mandare : Porro hæc verba Apostolicum iudicium proferre, sunt æquivoca : quoniam in Synodis hoc non intelligitur privatim de iis quæ sedes Romana, sed generatim quæ tota Synodus sanxit, ut*



probabitur : unde supra in epistola Synodali Patrum Nicænorum ad Alexandrinam Ecclesiam docuimus, hanc *vocari Apostolicam* : Et Theodoretum de iis loquentem quæ adversus Appollinarem atque Macedonium statuta sunt in Constantinopolitano Concilio, ea *titulo Apostolicæ doctrinæ donare*, lib. v. cap. 8. historiæ. Secundo, quæcumque Cœlestinus statuit in Nestorium Synodice decreta sunt juxta quintum Canonem Nicænum. Tertio acta primæ actionis Synodi Ephesinæ istam Firmi Episcopi Cæsareæ Cappadociæ opinionem diruunt : quoniam cuncti Patres ibidem sigillatim suffragantur adversus Nestorium, quem insuper exauctorant prius examinatis omnibus quæ à Cyrillo & Cœlestino in illum scripta fuerant : unde ibidem Cæsareæ Cappadociæ Episcopus more aliorum Patrum his conceptis vocibus dicit sententiam : *Ego una cum sancta Synodo decernens subscripsi*. Quæ loquendi formula non est hominis alterius sententiam exequutioni demandantis. Quarto, tametsi Cappadociæ Episcopus in secunda Actione hæc ipsa enunciaffet quæ in Romana & Commeliniana editione leguntur, nihilo minus usui esse non possunt firmandæ absolutæ monarchiæ : quando in actis Synodalibus *vox unius vox nullius* : quia, ut dixi, acta Synodalia plurimorum consensum essentialiter includunt. Accedit demum, ut recte Justinianus Cæsar in edicto suo contra tria capitula obser-



observat: *Eos qui veritatem perscrutantur attendere oportere quod forsitan in Conciliis quædam à certis ibi convenientibus dicuntur aut per favorem, aut per contrarietatem, aut per ignorantiam: & neminem attendere ea quæ per partem à quibusdam dicuntur; sed solum illa quæ ab omnibus communi consensu definiuntur.* Videndum ergo quænam fuerit Synodalis nonnisi Episcopi Cæsareæ sententia.

Porro ad calcem secundæ actionis, responsio legatorum Cœlestini ad sanctam Synodum aliquid jam absoluti & monarchici parturire videtur, sibi enim ita blandiuntur: *Gratias agimus sanctæ Synodo, quod literis sancti beatique Papæ nostri vobis recitatis, sanctos cantus, sanctis vestris vocibus, sancto capiti vestro, sanctis etiam vestris acclamationibus exhibueritis. Non enim ignorat vestra beatitudo totius fidei, vel etiam Apostolorum caput esse beatum Apostolum Petrum. Proinde cum nostra mediocritas serius accesserit, rogamus, ut ea nobis patefieri mandetis quæ ante adventum nostrum in sancta Synodo acta sunt: quo juxta beati Papæ nostri presentisque hujus sancti Cœtus sententiam, nos quoque confirmemus conformiter eorum depositioni.* Quæ oratio duo capit notabilia; alterum est, S. Petrum ideo vocari caput totius fidei & Apostolorum, quia omnium primus, tanquam os & princeps collegii Apostolici hanc Ecclesiæ confessionem omnium nomine edidit: *Tu es Christus Filius Dei vivi, &c.* Alterum denique hæc verba quo  
juxta

*juxta B. Papæ nostri præsentisq[ue] hujus sancti Cætus sententiam nos quoque confirmemus, &c.* destruer verba Epistolæ Cœlestini, quæ in editione Romana leguntur: contra vero illa auctorare quæ ab Antonio Contio & Peltano narrantur, scilicet: *Non dubitamus autem quin Sanctitas vestra legatos nostros ad communem consensum sententiaque dictionem sit admissura. Quæ vero decreveritis ea pro omnium Ecclesiarum tranquillitate habeantur definita decretaque.* Enimvero his verbis legati Cœlestini ad dictionem sententiæ & ea comprobanda quæ ante suum adventum decreta fuerant, solummodo admitti cupiunt quod Canonicum non monarchicum est. Hoc ergo perpendant ut necesse est adversarii, & sophisticas argutias nobis venditare cessent. Dehinc occurrit Cœlestini Papæ epistola ad Cæsarem Theodosium qua declarat, Synodum Ephesinam Cæsaris jussu indictam aut coactam. *Sed huic cœlesti curæ, vel gloriæ unusquisque nostram pro sacerdotali officio operam nostram in quantum valemus, impendimus: & huic Synodo QUAM ESSE JUSSITIS, nostram præsentiam in his quos misimus exhibemus, pietatemque vestram sub divini obsecrantes obtestatione judicii, ne quid turbidæ novitati licere vestra mansuetudo permittat.*

Actiōne III in vestibulo secundum Romanam editionem & Tomo II Ephesini Concilii apud Binium cap. 16. legati Cœlestini privatim dicunt sententiam super acta adversus

sus Nestorium in primâ actione Concilii Ephesini, sicut paulo ante hoc sibi concedi flagitaverant : quare omnia suis suffragiis sigillatim comprobant.

X. Quibus peractis Patres Synodalem epistolam mittunt ad Imperatores : qua seriem Actorum declarant : nimirum, *Arcadium & Projectum Episcopos cum Philippo Presbytero Cælestini Episcopi præsentiam supplevisse* : AC TOTIUS OCCIDENTALIS SANCTÆ SYNODI SENTENTIAM Patribus Ephesinæ Synodi per literas exposuisse, & eadem omnino, quæ Patres Ephesini, decrevisse ; propterea de communi illorum consensu, hanc relationem fieri majestati Imperatoriæ, ut ei constaret iudicium, quod Actione prima factum fuerat adversus Nestorium, esse unam communemque totius terrarum orbis sententiam. Quocirca rogant Imperatores, ut Synodum solvant, & Patres ad proprias sedes redire jubeant : cum præsertim alii paupertate, alii morbo detineantur, alii senectute ita graventur, ut diutius in externa regione hæere nequeant. Totum terrarum orbem Concilii Ephesini fidem & sententiam amplecti, paucis exceptis qui Nestorii amicitiam pietate potiore ducunt ; petunt insuper, ut sibi liceat ordinationi Episcopi in locum Nestorii incumbere. En summa totius epistolæ Synodalis, quæ tria demonstrat ; Primum, Ecclesiæ regimen pure aristocraticum fuisse illo tempore, cum ea ipsa quæ Celestinus misit ad Patres Ephesinos statuta fuerint in Synodo totius Occidentis, deinde in  
Con-

Concilio generali Ephesino canonice examinata, ut prima Actiōe docuimus. Alterum est, Patres Ecclesiæ primitivæ agnovisse totum Occidentem subditum patriarchatui Episcopi Romani, illumque solitum cogere in Synodum juxta ea quæ cap. 2. in explicatiōne Canonis vi Nicæni exhuibimus. Verum, qua ratione Pontifex communionem & consensum Catholicum Occidentis iniret, dictum est capite 1 hujus libri. Tertium est, sententiam Synodi totius Occidentis datam legatis Cœlestini pro sufficienti instructiōne, minime vero aliquem privatum motum Papæ. Post litteras Synodicas ad Imperatores occurrunt & aliæ etiam Synodicæ ad clerum populumque Constantinopolitanum, quibus gesta Synodi adversus Nestorium declarantur.

XI. Actiōe iv. Cyrillus Alexandrinus & Memnon Ephesinus Episcopi, expostulationem habent adversus Joannem Antiochenum, quod illos inauditos indictaque causa, & nullam habens potestatem excommunicasset, omnesque Canones & leges Ecclesiasticas conculcasset. Itaque petunt ut à sancta Synodo accersatur, reique à se temere gestæ rationem reddat. Quocirca bis canonice evocatus respondere & venire recusavit ad Synodum: in hac actiōe Juvenalis Hierosolymorum Episcopi oratio digna est observatiōe: *Oportebat quidem Joannem Antiochenum hac sancta & magna & œcumenica Synodo considerata confestim*

ACCHY-

*accurrere, ut de iis quæ illi objiciuntur se purgaret, & ad Apostolicam sedem magnæ Romæ nobiscum confidentem, & obedientiam ac honorem deferre Apostolico sanctæ Dei Ecclesiæ Hierosolymorum, apud quem maxime mos est ex Apostolico ordine & traditione, ut ipsa sedes Antiochena dirigatur & apud eum judicetur, &c.* Quæ pariter leguntur in collectione Binii Tomo IV. cap. 4. Et si forsân à patronis absolutæ monarchiæ ad suam opinionem fulciendam ostentui habeantur: Oppones, Nestorium & Joannem Antiochenum cum multos secum haberent Episcopos, hoc in votis habuisse, ne scilicet à Concilio in quo duo tantum sederent Patriarchæ Alexandrinus & Hierosolymitanus, judicari possent: quasi par in parem nulla sit potestas, ut jam dixi. Quod propositum ut Juvenalis Hierosolymitanus effringeret, ostendit Romanum Patriarcham una secum sedere, & consentire: ac morem esse ut aliæ sedes Patriarchales Romanæ tanquam principi in rebus Synodice & Canonice constitutis deferant, ut supra docuimus in historia Concilii Sardici. Nam hæc verba *apud quem maxime mos est ex Apostolico ordine & traditione, ut ipsa sedes Antiochena dirigatur & judicetur*, capi debent de sede Romana aliarum princeps: non de Hierosolymitana quæ omnium postrema erat & antequam erecta esset in patriarchatum Antiochenæ sedi & Cæsareæ Palæstinæ suberat, ut cap. 2. ostendimus. Hinc vero li-

quet

quet, jam tempore Ephesini Concilii, sedem Hierosolymitanam erectam fuisse in Patriarchatum ex consuetudine : quoniam nullus Canon in eam rem extat conscriptus.

Actiōne v. Cyrillus Alexandrinus & Memnon Ephesinus suadent sacrae Synodo Joannem Antiochenum libellis publice affixis per compita Ephesi, eos accusasse tanquam fautores hæresis Apollinaris, ideoque rogant Patres ut tertio evocetur, quatenus coram sacra Synodo doceat illos esse Apollinarii sectatores, vel si venire detrectet, nec probationes suas edat, ipse condemnationi subjaceat. Cum autem tertio vocatus respondere & venire contempsisset, Patres in illum ejusque assecles sententiam excommunicationis pronunciant : Notabitque lector, S. Cyrillum & Memnonem in his duabus actionibus, quibus de Joanne Hierosolymitano conquerebantur, apud Patres Ephesinos, ut eis jus fieret, non sedisse cum aliis patribus, sed tanquam accusatos jus sibi reddi postulasse: atque hac Actione quinta innocentes declaratos. Quamobrem literis Synodicis missis ad Imperatores enarrant summam actorum erga Joannem Antiochenum : ejusque gesta irrita fieri postulant tanquam mera convicia, & calumnias hominum criminibus obnoxiorum. Postea in editione Romana quam hic sequor, habetur relatio Synodica ad Cœlestinum, sed hic non est proprius ejus locus, quoniam missa est post-

postquam turbæ quas Joannes Antiochenus in Cyrillum exciverat, sedatæ sunt.

XII. Actione VI quædam proponuntur gesta in nonnullos Quartadecimanos, qui ad sanctam Synodum & unitatem Ecclesiæ accedunt. Dehinc eadem Actione VI exhibentur acta Conciliabuli Joannis Antiocheni cum sacris literis Imperatorum, qui quidem per Candidianum Comitem anticipati, has literas miserunt per Palladium Magistranum, quibus ostenditur quanta tum auctoritate Cæsares in disciplina Ecclesiastica bene constituenda pollerent: *Magnificentissimi Candidiani devotarum domesticorum Comitum relatu pietas nostra accepit, quædam in Ephesiorum Metropoli per tumultum ac secus quam conveniat transacta fuisse. Nam neque omnes, ut decretum erat, piissimi Episcopi convenerunt: cum tamen magna Antiochenæ civitatis Episcopus cum aliis Metropolitanis jam appropinquaret: neque illi qui jam venerant, simul consultaverunt, nec inter se consenserunt: neque ea quæ de fide sunt modo quo oportebat, vel prout continebatur sacris literis nostris; quas subinde misimus, examinauerunt: sed res ita gesta est, ut manifestum evaderet, alios aliis esse insensos ob vehemens studium erga illa quæ quomodocumque placita sunt, nec velamen prætere valentes. Quare quæ gesta sunt, studio acta esse quilibet existimaverit. Proinde sacræ Majestati nostræ placuit, talem procedendi modum nullum habere locum aut momentum. His vero quæ inepte ac citra*

ordinem gesta sunt cessantibus; doctrinam de pietate prius, sicuti decretum fuit, discuti: eamque juxta communem totius Synodi sententiam in posterum obtinere. Neq; pietas nostra a quo fert animo PRÆJUDICIA DE INDUSTRIA PRÆSUMPTA: quin imo quæ gesta sunt, usq; adeo agre tulit & fert, ut donec pietatis dogmata ab universa Synodo fuerint examinata, & quispam sacro nostro palatio una cum magnificentissimo Candidiano Comite destinetur, qui nostro jussu quæ acta sunt cognoscat: quiq; quæ legitimo ordini dissentanea sunt prohibeat: NEMINEM EPISCOPORUM QUI CONVENERUNT AB EPHESIORUM CIVITATE ABSCEDERE, vel ad sacrum nostrum comitatum venire, vel in suam patriam reverti ullatenus sit passura: quatenus nulli hoc liceat, nullusve speret id tuto sibi successurum. Ha itaque literæ sufficiant ad denunciandum pietati vestre, ne quid aliud præter nostram jussionem jam ante perpetratis in posterum adjiciat. Quin & hoc quoq; Sanctitatem vestram non lateat, nempe nos illustrissimis provinciarum præfectis scripsisse, ne ullum prorsus in patriam vel civitatem suam nostro injussu redeuntem admittant. Oportet enim omnia juxta Dei beneplacitum, contentione seclusa, veritatisque studio adhibito discuti: ACTUM DEMUM A NOSTRA PIETATE CONFIRMATIONEM OBTINERE. Quandoquidem sacra nostra Majestas non tanquam pro hominibus nunc, aut etiam pro sanctissimo piissimoque Nestorio, vel pro alio quopiam sollicita est: SED IPSIUS VERIVATIS ET DOGMATIS CURAM GERIT. Datum tertio Kal. Julias, &c. Ex his literis exspendit,



deficit, Patres Ecclesiæ solitos confirmationem Synodorum petere ab Imperatoribus. Editio Romana ad hunc locum in margine hoc apposuit glossema: *Quo modo hæc confirmatio accipi debeat, ex aliis Imperatorum literis constat*: Recte quidem, nam literæ atque edicta Constantini, & Theodosii Magni supra exhibita: item Martiani, Justiniani, Constantini Pogonati, imo ipsiusmet Theodosii, & Valentiniani quos infra proponemus, omnem etiam cæcis dubitandi occasionem tollunt. Cæterum aliis quoque literis Imperatores scripserunt ad Synodum, se approbasse & acceptam habere Nestorii, Cyrilli atque Memnonis exauctorationem: siquidem male de rebus gestis informati acceperant S. Cyrillum omnia ex eorum gessisse præjudicio & actis quæ ante Synodum generalem adversus Nestorium in Synodo sua provinciali sciverat, atque etiam ut Cœlestini PP. sententiam executioni mandaret: idque virum sanctissimum odio atque invidia pene oppressit, & sanctissimam Synodum valde conturbavit: à quibus malis & ipse Cyrillus & Concilium Ephesinum liberum fuisset, si B. Cyrillus à iudicio abstinuisset, sic enim ei objectum minime fuisset, quod vehementi studio & præjudicio vincendi certaret.

XIII. Veruntamen tum demum evicit veritas; quoniam Catholici Episcopi sedentes in Concilio, literis suis per Palladium Magistrianum certiores fecerunt Theodosium de

omnibus gestis : atque Comitem Candidianum Nestorii amicitiam pietati anteposuisse : aliis quoque literis Cæsarem ita pecantur : *Uniuerſi ad pietatis veſtræ Maieſtatem confugimus : ſupplicantes , ut , quæ contra Neſtorium ejuſque ſe-  
ctatores geſta ſunt , robur ſuum obtinere ; cetera ve-  
ro quæ ab illis , qui Neſtorium vindicant , eo quod  
ejuſdem cum illo ſententiæ exiſtunt , contra Synodi  
noſtræ Duces illegitime facta ſunt , inefficacia & ir-  
rita manere jubeat : ut quæ neque canonicè contra  
eos qui de nullo crimine conuicti ſunt , ſed ſola vin-  
dictæ libidine per temeritatem aduerſus ſanctam Sy-  
nodum perpetrata ſunt ab illis qui cum Neſtorio  
ſentiunt. Etenim ſi ſanctæ Synodi ſententia in Neſto-  
rium aperta impietatis præconem lata , eſt juſta ,  
ut Dominatio veſtra juſtam eſſe declaravit : intel-  
ligit utique veſtra Maieſtas , quæ contra ſanctam  
Synodum ab illis qui cum Neſtorio ſentiunt facta  
ſunt , inefficacia penitus , & irrita manere : cum  
ex nulla prorsus bona & conſentanea cauſa nata  
ſint , ſed ex ſolo vindictæ ſtudio , ob ea quæ ſanctæ  
& magna Synodus contra Neſtorium geſſit. Ob-  
teſtamur proinde veſtram Maieſtatem , ut tandem  
nos ab hac tribulatione liberet , Cyrillumque &  
Memnonem Deo deuotiſſimos Episcopos , ſanctæque  
huius Synodi Principes reſtitui nobis jubeat. Con-  
ſentaneum eſt enim , ut vindicata jam pietate illi-  
que refrænatis , qui eam labefactabant , hi qui una  
nobiscum pro fide decertarunt , honore perfruan-  
tur : neque cum illis qui de nefandis in Chriſtum  
blaſphemiis conuicti ſunt , condemnentur. Iuvena-  
lis*

*Pentecostes terminum: quamvis multi Episcopi & lis Hierosolymorum Episcopus supplici huic libello suscripti: subscripserunt itidem & omnes Episcopi in commentariorum serie recensiti.* Hanc relationem leges Actione sexta editionis Romanæ inter epistolas Catholicorum, & apud Binium Tomo IV. cap. 14. Ephesini Concilii: quæ quidem Patres confirmationem Actorum, Synodi dissolutionem, & facultatem discedendi clarissime petunt ab Imperatoribus, non à Papa: hoc enim tanquam necessarium, valde Patres urgebat: ideoque prius petendum erat: at vero Pontifici Romano duntaxat Synodalem epistolam mittunt, quæ est tanquam brevium rerum in Synodo Ephesina eo quidem ordine gestarum quo sunt à me superius enarrata: quam epistolam leges parte secunda Actione quinta Ephesinæ Synodi editionis Romanæ, & apud Binium Tomo IV. cap. 17. sequiturque literas Synodicas quibus Patres petunt ab Imperatoribus confirmationem Actorum: recte quidem, quoniam hic ordo servatur etiam in editione Græca Commelini: quem editio Romana interpolavit, ut niteretur demonstrare Papam, velut Ecclesiæ monarcham, jus habere solvendorum Conciliorum & dandi facultatem abeundi Patribus, postquam ab illo confirmationem actorum petissent. Verum hæc sunt commenta hominum obnoxiorum, ut lectione ipsius epistolæ patebit, quam hic integram exhibebo:

XIV. *Sancta Synodus quæ per Dei gratiam in Ephesiorum metropoli convenit, Cœlestino Episcopo in Domino salutem. Sanctitatis tuæ circa pietatem zelus, & circa fidei sinceritatem cura, nostri omnium salvatori Deo grata & placita, omni admiratione digna existit. Est enim hoc vobis adeo magnis in more positum, ut in omnibus celebres sitis, studiaque vestra Ecclesiarum firmamenta constituatis. Quia vero necesse est, ut omnia quæ consecuta sunt, Sanctitati tuæ significantur, non potuimus non scribere, secundum omnium nostrum salvatoris Christi voluntatem, piissimorumq; ac Christi amantium Imperatorum nostrorum sanctiionem ex multis variisque provinciis Episcopos supra ducentos in Ephesiorum metropolim nos convenisse. Postea cum pia Christi amantium Imperatorum edicta, per quæ finimus evocati tempus sanctæ Synodi confessui præscriberent diem sanctæ Pentecostes, omnesque concurrissent, ideo maxime quod Imperatorum literis expressum erat, si quis ad præstitutum terminum non veniret, cum mala conscientia diesse, & apud Deum & homines esse inexcusabilem: desideratus est reverendissimus Joannes Antiochenorum Episcopus: idque non tanquam animo simplici & candido, neque quod locorum intervallum quod transeundum erat, impedimento fuerit occultaret: sed quod consilium cogitationemque Deo displicentem mente occultaret: quam cogitationem non longo post tempore, posteaquam nimirum Ephesum venisset, palam fecit. Disulimus itaque confessum totos sexdecim dies post præfinitum sanctæ Pentecostes terminum: quamvis multi Episcopi &*  
cle-

clerici & morbis premerentur & sumptibus affligerentur, nonnulli quoque è vita migrassent. Erat autem id quod agebatur, ut etiam Sanctitas tua intelligit, nihil aliud quam adversus sanctam Synodum contumelia. Tanta enim dilatione malitiose usus est: ipsum quippe anteverterunt qui longe majori viarum intercapedine distabant. Veruntamen post exactum sextum decimum diem, è suorum Episcoporum numero advenerunt Metropolitanì duo, Alexander Apameus, & alter Alexander Hierapolitanus. Cum autem de cunctatione reverendissimi Episcopi Joannis quæreretur, dixerunt illi non semel sed sepius mandavit nobis ut pietati vestra indicemus, ne Synodum prorogetis, si ipsum amplius tardare contingerit, sed potius quod opus est factò, id fiat. Cum hac illi renunciassent, certòq; constaret tam ex mora quam iis quæ nunciata fuerant ipsius nomine, eum decretare confessum: vel quod amicitie, quæ ipsi cum Nestorio intercedebat, indulgeret: vel quod is Ecclesiæ suæ fuit Clericus: vel etiam quod quorundam pro illo deprecationibus morem gereret: sancta Synodus in magna Ephesi Ecclesia, quæ appellatur Maria, sessionem celebravit. Quoniam vero cum universi prompto alacrique animo venissent, solus Nestorius in eo confesso desiderabatur, sancta Synodus eum admonuit canonice per Episcopos prima, secunda, similiter & tertia citatione: ipse vero ædibus in quibus diversabatur frequenti milite undique circumvallatis, Ecclesiasticisque sanctionibus superbe contemptis, neque comparere, neque de impiis suis blasphemis rationem voluit reddere.

*Leſta deinde ſunt litera, quas ſanctiſſimus Deoque dilectiſſimus Alexandrina Eccleſiæ Episcopuſ Cyril-  
luſ ad eum ſcripſerat: quas ſancta Synoduſ appro-  
bavit, ut recte inculpateque exaratas, atque in nul-  
lo diſſentaneas diviniſ ſcripturiſ: tradita videlicet  
fidei, & expoſita in magna illa Synodo à Sanctiſ Pa-  
tribuſ qui Nicææ Biſhynia olim convenerunt: ſicut  
tua quoque ſanctitas id recte probans teſtificata eſt.  
Poſtmodum leſta etiam Neſtorii epiſtola ad eun-  
dem Sanctiſſimuſ Deoque dilectiſſimuſ fratrem  
& comminiſtrum noſtrum Cyrilluſ ſcripta: cenſuit  
ſancta Synoduſ dogmata qua in ea continebantur  
ab Euangelica & Apoſtolica fide omnio aliena eſſe:  
plurimaque ac peregrina blaſphemia morbo labo-  
rare. Leſtiſ item impiſſimiſ ejuſdem expoſitionibuſ,  
& epiſtola præterea quam tua Sanctitas ad illuſ  
dederat: per quam damnabatur, tamquam qui  
blaſphema ſcripſiſſet, impiaſque voceſ expoſitioni-  
buſ ſuiſ inſeruiſſet: juſta ſententia depoſitioniſ in  
ipſuſ prolata eſt: maxime vero, cum tantuſ abeſſet  
ut reſpiceret, vel de blaſphemiiſ, quas, cum Con-  
ſtantinopolitanam Eccleſiam adhuc obtineret, pro-  
fuderat, pœnitentiam ageret, ut Ephēſi quoque cum  
quibuſdam ſanctiſ Metropolitaniſ Episcopoiſ, viriſ  
ſane illuſtribuſ maximaque pietate & eruditione  
præditiſ diſſerentiſ, auſuſ ſit dicere: Equidem bime-  
ſtreſ aut trimeſtreſ Deuſ non conſueor, aliaque  
hiſ multo deteriora dixit. Hæreſim igitur, ut impi-  
am ac ſceleſtiſſimam, quaque ſanctiſſimam noſtram  
religionem everteret, univerſamque myſterii diſpen-  
ſationem vel ab ipſiſ fundamentiſ dirueret, ad eum,  
quem*

quem jam diximus, modum demoliti sumus. Cate-  
rum fieri non potuit, ut par erat, quin illi qui  
Christum ex animo diligebant, & pro domino zela-  
bantur, multas experirentur difficultates. Etenim  
fore sperabamus, ut reverendissimus Joannes Epi-  
scopus Antiochenus Synodi diligentiam & pietatem  
laudaret, tardamque Nestorii depositionem vicio  
fortasse nobis verteret. Veram hac spes longe nos  
& omnino fefellit, secus enim evenit. Compertus  
est namque adversarius & infensissimus tum sanctæ  
Synodo, tum rectæ Ecclesiarum fidei, sicuti res  
ipsæ declarant. Nam simulatque Ephesum ingressus  
est, antequam pulvorem ex itinere contractum  
excussisset, pallio nondum exutus, congregatis qui-  
busdam qui cum Nestorio simul recesserant, & bla-  
sphema verba in suum caput loquebantur, & gloria  
Christi tantum non illudebant, ac veluti collecto  
collegio hominum circiter triginta numero, qui no-  
men habebant Episcoporum (ex quibus alii erant  
extorres, otiosi, Ecclesiisque carentes, alii quoque  
ante multos annos ob graves culpas à suis Metro-  
politanis depositi: cum ipsis etiam Pelagiani & Cæ-  
lestiani, ac nonnulli de iis qui ex Thessalia ejecti  
fuerunt) rem ausus est impiam, qualem nemo ante  
illum ausus est unquam. Etenim, privatim scriptum  
quoddam confecit, depositionisque nomen & con-  
tumeliam impegit sanctissimo ac religiosissimo Cyrillo  
Alexandrinorum Episcopo, & pientissimo fratri  
nostro & comministro Memnoni Ephesiorum Epi-  
scopo: idque nobis omnibus insciis, imo nec ipsis  
quidem qui injuriam hanc perpeffi sunt, quid  
ageretur,

ageretur, aut quam ob causam hoc ausi essent, intelligentibus. Sed perinde ac si Deus non indignetur ob ista, NEQUE SINT ECCLESIASTICI CANONES, neque futurum sit, ut propter hanc audaciam periculum subeant, excommunicationis nomine etiam universæ Synodo contumeliam faciunt. Neque his contenti, hac scripto publico mandata proposuerunt legenda quibuslibet, theatri parietibus affigentes, ut suæ impietatis spectaculum exhiberent. Sed nondum his finibus constitit ipsorum audacia, sed præterea quasi canonicum quiddam gessissent, ad piissimorum Christianique amantium Imperatorum aures talia deferre non dubitarunt. His ita transactis sanctissimus Deoque dilectissimus Cyrillus Alexandrinus Episcopus, & piissimus Memnon Ephesiorum civitatis Episcopus libellos composuerunt, compositisque Concilio obtulerunt: quibus reverendissimum Antiochenorum Episcopum Joannem ejusque adjutores ac in eam gerenda socios accusabant, adjurantes sanctam nostram Synodum, ut ipsum Joannem ejusque administratos canonice in judicium vocaret: ut rationem de illis redderent quæ temere ausi fuerant: necnon si quam accusationem haberent, si possent, illam in medium afferrent, accusatosque convincerent. Quandoquidem in depositionis aut verius contumelie charta ab ipsis exarata, causam inseruerant: quoniam Apollinaristæ sunt, & Arriani, & Eunomiani: ac propterea à nobis depositi sunt. Cum itaque ii qui hanc ab illis contumeliam acceperant instarent necessitate adducti, in magna rursus Ecclesia,



*Ecclesia, Episcoporum, quorum numerus erat plusquam ducentorum, confessu instituto, intra biduum, semel iterum ac tertia quoque citatione ipsum Ioannem, & qui cum eo erant ad Concilium vocavimus, ut illos quos contumelia affecerant, revincerent, & causas, ob quas depositionis chartam composuissent, in medium adferrent: verum illi venire non sunt ausi. Oportebat autem, siquidem prædictos sanctos viros, ut hæresis reos vere potuisset convincere, ipsum venire, nec non crimen, quod assumens tanquam validum & certum, temerariam contra illos sententiam tulerat, verum esse palam ostendere. At prava conscientia præpeditus minime comparuit. Quod autem moliebatur, hoc erat: putabat, si absurda illa ac inprimis illegitima contumelia iudicium effugeret, fore ut simul iusta quoque sanctæ Synodi sententia contra Hæreticum Nestorium lata everteretur. Indignitate itaque rei merito commoti, ejusmodi in illum & in alios sententiam legitime proferre deliberavimus: cujusmodi ipse tulerat illegitime contra eos qui de nullo crimine condemnati fuerant. Verum, quo illius temeritatem longanimitate vinceremus, etiamsi illam justissime legitimeque subivisset, pietatis tuæ iudicio hoc reservavimus: interim illos excommunicationi subicientes, omnique Sacerdotali potestate exuentes, ita ut nullum suis sententiis ledere queant. Quomodo enim necessarium non erat, ut illos qui tanta insolentia & feritate Canonumque contemptu res adeo absurdas & atrocissimas aggredi consueverunt, vel invidiosos nocendi potestate privaremus? Fratribus itaque*

*que*

que nostris & comministris Cyrillo Episcopo ; & Memnoni , quos illi contumelia affecerunt , communicamus omnes , & post temerariam illorum sententiam una cum ipsis sacris operati sumus , & operamur , communiter universi synaxes celebrantes ludicris illorum scripto abrogatis invalidisque ac prorsus infirmis pronunciatis : nihil enim aliud erant quam mera contumelia. Etenim viri numero triginta , quorum alii hæreseos macula erant notati , alii extorres & ejecti , qualem faciem Synodi aut qualem vim haberent contra Synodum ex universo qui sub cælo est orbe collectam ? fuerunt enim in confesso nostro & illi quoque qui à Sanctitate tua missi sunt piissimi Episcopi Arcadius & Proiectus , & cum ipsis reverendissimus presbyter Philippus , qui sua præsentia tuam nobis exhibuerunt , apostolicæque sedis locum suppleverunt. Convenientem proinde Sanctitas tua , propter ea quæ acta sunt indignationem concipiat. Nam si quibuslibet potestas fiat majoribus sedibus contumeliam inferendi , & in illos , in quos nihil juris habent , sententias pronunciandi , usque adeo iniquas & à Canonibus discrepantes vel potius contumelias , etiam in eos , qui tanta pro pietate certamina sustinuerunt : & per quos nunc quoque adjumento precum Sanctitatis tuæ pietas splendorem recepit ; in extremam confusionem res Ecclesiasticæ dilabentur. Si vero qui talia sunt ausi , competentem modo in ordinem redacti fuerint , sedabitur è vestigio omnis tumultus , debitaque Canonum reverentia ab omnibus conservabitur. Porro autem perlectis in sancta Synodo com-  
menta-

*mentariis actorum in depositione impiorum Pelagianorum & Cœlestianorum, Cœlestii, Pelagii, Iuliani, Persidii, Flori, Marcellini, Orentii, & eadem cum illis sentientium, quæ à pietate tua de ipsis decreta & constituta sunt, iudicavimus & nos ea solida firmaque permanere debere, & idem omnes tecum statuimus, eos pro depositis habentes. Ut autem omnia quæ gesta sunt clare cognoscas, etiam commentarios misimus, & Synodi subscriptiones. Valere te & nostri memorem esse oramus Dominum, dilecte & desideratissime.*

Hac epistola Synodali multa quidem observatu digna continentur; & primo quidem, feriem rerum in Synodo gestarum accuratissime explicat ad informandam Occidentalem Ecclesiam, ex qua demptis legatis Cœlestini nulli Ephesino Concilio interfuerunt: eamque ob causam hâc epistola, quam Cœlestinus omnibû communicaret, omnia diligenter recensent. Secundo, docet Synodum ab Imperatoribus indictam diemque Pentecostes rebus agendis præfixum. Quod si agnovissent monarchiam Romani Pontificis, aut Cœlestinum hoc indixisse Concilium, ut prætexunt homines obnoxii, nunquam certe id hac epistola, aut ipsemet Cœlestinus vel ejus legati in literis & actis silentio involvisent. Ad hoc directe & explicate non per ambages aut argutias scholæ respondeant adversarii: in rebus enim ad historiam spectantibus potius oculis ad legendum & intuendum, quam animo ad ratio-

cinan-

cinandum opus est. Quid dicere attinet ex epistolis Cœlestini ad Cyrillum & clerum Constantinopolitanum, liquere Cœlestinum potius in animo habuisse sua privata Synodo absque Synodi generalis convocatione Nestorium damnare, quam id iudicio Concilii generalis permittere aut reservare. Et hinc illæ Imperatorum querimoniæ in priore epistola ad S. Cyrillum contra illos *qui forte imperare mallent quam in medium consulere, aut de ejusmodi rebus consilium audire*. Et hæc est causa ob quam nonnulli Pontifices Romani raro sponte sua & ultro assensum præbuerint convocationi & celebrationi Conciliorum generalium: quippe qui viderent se in Synodis generalibus, quam extra illas, non posse tam facile compotes fieri absolutæ potestatis & monarchiæ quam animo jamjam meditabantur. Quamobrem statim atque rumor aliquis de habenda Synodo generali vulgabatur, iudicium generalis Concilii sæpe antevertere & dicere consueverant, nihil opus esse Synodo generali, ac se jam de re controversa sententiam pronunciasse: Neque propterea tamen Patres Concilii generalis à sua dicenda sententia in rem controversam, & ab examinando decreto Romani Pontificis sibi temperarunt, ut propriis locis ostendetur. At vero tempore Cœlestini pruritus absolutæ monarchiæ jam Romanos invasisse, liquet ex historia sexti Concilii Carthaginensis adversus

sus Commonitorium Zosimi, & progressu  
 hujus historiæ amplius illucescet. Tertio  
 ostendunt, Joannem Antiochenum sibi hæ-  
 reticos & profligatæ vitæ Episcopos assecclas  
 adscivisse, ut quondam in Synodo Sardica  
 Arriani sibi Donatistas socios contra Ortho-  
 doxos conciliarant. Quarto, Nestorium tri-  
 na citatione vocatum ad Synodum parere de-  
 trectasse, ac sese militibus armatis obvallasse,  
 quos milites ab Irenæo comite acceperat.  
 Nam Imperatores Irenæum propter amici-  
 tiam quæ ei cum Nestorio intercesserat, ut  
 eidem comitatum præberent passi fuerant.  
 Quinto scripta Cyrilli in Nestorium, deinde  
 Nestorii in Cyrillum cum epistola Cœlestini  
 primum examinata fuisse: tumque demum  
 universorum Patrum consensu anathema di-  
 ctum Nestorio, &c. Quæ agendi ratio demon-  
 strat, Patres non fuisse exequutores sententiæ  
 Cœlestini, ut editio Romana persuadere vult:  
 quandoquidem hæc Synodalis epistola decla-  
 rat *communibus Patrum suffragiis hæresim Nestorii  
 demolitam*: propria sunt verba. Sexto, nar-  
 ratur scelus inauditum Joannis Antiocheni &  
 suorum assecclarum, qui contra Canones in  
 superioris sedis Episcopum sententiam dicere  
 ausus est: fingens Cyrillum errore Arriani &  
 Apollinaris contaminatum, imo etiam to-  
 tam Synodum excommunicavit: cum tamen  
 certum sit integra collegia excommunicari  
 non posse. Verum Theodoretus Cyri Epi-  
 scopus

scopus doctissimus & eloquentissimus, unus erat ex Episcopis qui Joanni Antiocheno tanquam suo Patriarchæ adhærebant : cumque minus bene doctrinam S. Cyrilli intelligeret, eumque erroribus Apollinaris sordidari putaret, reprehensiones scripsit in Anathematismos Cyrilli: & vicissim Cyrillus in illum; eamque ob causam Theodoretus una cum Joanne Antiocheno sua sede privatus est à Patribus Ephesinis: neque perfecte restitui quivit ante Synodum Chalcedonensem, ut dehinc probabitur. Septimo, docent Cyrillum & Memnonem tanquam reos stetisse coram tota Synodo, ac petiisse à Patribus, Joannem Antiochenum canonicè trina citatione evocari, ut capita accusationis quæ in illos habebat, eaderet, & probaret coram Synodo: sed Joannem Antiochenum parere noluisse, eamque ob rem Cyrillum & Memnonem declaratos innocentes & synaxes cum illis peractas, &c. Octavo, Joannes Antiochenus cum suis sodalibus excommunicatur & dignitate sacerdotali exuitur. Nono, hæc verba non parum habent ambiguitatis, in omnibus editionibus etiam Græcis: *Verum quo Ioannis temeritatem longanimitate vinceremus, etiamsi illam justissime, legitimeque subivisset, pietatis tuæ iudicio hoc reservavimus, interim illos excommunicatione subjicientes.* Ne quis forte ex hac formula loquendi æquivoca Papæ monarchiam adstruat, quasi Joannes Antiochenus ampliori iudicio Cœlestini



stini reservaretur post Synodale iudicium: tum enim Patres nunquam à jure communi recedebant, ut liquet ex Concilii sexti Africani Canonibus. Scio quidem in sexta Synodo generali Imperatorem Constantinum Pogonatum epistola ad Leonem II scribere, rogatu Patrum se Macarium Antiochenum Episcopum, quem monotheletismi damnarant, mittere Romam, atque illius causam ampliori iudicio Leonis permittere ob singularem hominis pervicaciam: Sed teste Baronio hæc epistola adulterina est, ut alias ostendetur. At vero, tantum abest ut Theodosius Joannem Antiochenum Romam mitti voluerit, cum studio ineundæ pacis inter Episcopos omnia acta contra Antiochenum Episcopum antiquarit, quia hic pervicax non fuit, sed paulo post fidem Patrum Ephesinorum amplexus est, & cum Cyrillo Alexandrino in gratiam rediit. Utut sit, dato quod Patres Ephesini hoc iudicium Cœlestino reservari voluerint, ut Bellarminus pro certo asserit lib. secundo de Romano Pontifice, capite 13. inde colligimus primatum sedis Apostolicæ quoad usum & praxim multa habere ab Ecclesia quæ jure divino ei nullo modo competunt. Nunquam enim Episcopus Romanus tum ausus fuisset id sibi assumere & reservare quod sacra Synodus ei ultro indulget: idemque est iudicium de permultis aliis quæ demonstrant non absolute verum esse quod Nicolaus Papa

scribit, epistola ad Michaellem Imperatorem, ut arbitror; scilicet, *Nulla unquam Synodo concessum fuisse aliquod privilegium Ecclesie Romane.* Siquidem Nicolaus id pro certo statuit quod est controversum, nimirum Papam institutum fuisse monarcham Ecclesie à Domino : quod omnes Patres qui octo primis universalibus Conciliis interfuerunt, pernegant, ut patebit. Decimo, Patres Ephesini narrant Arcadium & Projectum Episcopos atque Philippum presbyterum supplevisse locum sedis apostolicæ atque Cœlestini præsentiam exhibuisse. Undecimo, invitant Cœlestinum ad *ἀνάκτισιν* sive *indignationem*, ob facinus inauditum Joannis Antiocheni adversus S. Cyrillum, Memnonem, totamque Synodum. Duodecimo, acta ipsa cum subscriptionibus Episcoporum mittuntur ad Cœlestinum nulla facta mentione quod Patres ejus consensum, approbationem aut confirmationem desiderent, aut facultatem abeundi ab illo, ut ab Imperatoribus flagitent. Certe, ut sæpe dixi, robur actorum Synodaliū, totum à communione sanctorum & catholico censensu proficiscitur, & legati Cœlestini pro ipso Cœlestino assensum præbuerant, ut demonstratum est; Ideoque Patres hic nominatim dicunt Arcadium, Projectum & Philippum Cœlestini præsentiam Synodo exhibuisse. Decimo tertio, perlectis commentariis eorum quæ Cœlestinus contra Pelagianos Synodice gesse-



gesserat, ut tum moris erat, Patres suo assensu catholico omnia comprobant atque confirmant. Et ita patet ejusmodi hæreses solo Concilio generali sufficienter damnatas esse. Decimo quarto, petunt à Cœlestino ut in suis orationibus Patrum Ephesinorum recorderetur.

XV. Porro Ephesini Patres, cum viderent Imperatorem Theodosium nihil respondere ad literas quibus petierant Cyrillum atque Memnonem in integrum restitui, omnibusque potestatem discedendi fieri : tertio alias literas ejusdem argumenti rescribunt quæ extant Actione vi Romanæ editionis inter Epistolas Catholicorum cum hoc principio : *Omnia quidem Christianissimi Imperatores : & in Collectio-  
ne Binii Tomo iv cap. 22. Quarum hæc est Conclusio, sacram Synodum per legatos suos piissi-  
mos Episcopos porrectis manibus pietatis Impera-  
torum genua attingere, supplicare, ut ea qua per subreptionem contra Cyrillum & Memnonem acta  
sunt, cum nullam ex sacris Canonibus vim obtine-  
ant, omnino nulla & irrita declarare : ne sancta  
Synodus suo destituatur capite & universi terrarum  
orbis sacerdotes intolerabili continuoque luctu Præ-  
sidum suorum causa conterantur, &c. Nam, in-  
quiunt, ET UNIVERSA OCCIDENTALIUM  
SYNODUS, recte inculpataque illorum fidei testi-  
monium dat : & nos ipsi quoque plene hac de re edo-  
cti etiam scripto in commentariis pronuntiavimus  
eos esse Orthodoxos, sanctorumque Patrum nostro-*

*rum sententiam sectari circa apostolica catholica-  
que Ecclesie dogmata. Rogamus proinde Majesta-  
tem vestram, ut & nos quoque (omnes enim vinctis  
utpote fratribus sanctaeque Synodi Praesidibus col-  
ligati sumus) à vinculis absolvat. Has autem li-  
teras septem Episcopi detulerunt Constan-  
tinopolim ad Imperatorem.*

XVI. Actione VII editionis Romanæ, par-  
te II Concilii Ephesini & Tomo II Colle-  
ctionis Binianæ cap. 4. in Appendice, nec non  
Canone VIII Ephesinæ Synodi apud Pho-  
tium legitur expositio Episcoporum Cy-  
pri, querentium de Joanne Antiocheno, quod  
contra Canones & consuetudinem antiquam  
sibi potestatem ordinandorum Episcoporum ar-  
rogaret in Cypro: hanc autem controversiam  
Patres juxta Canones Nicænum VI. Antio-  
chenos IX, XIII, & XXII. definiunt: itaque  
Synodus Ephesina ad hunc modum pronun-  
ciat: *Sancta Synodus dixit: Memor sit sancta Sy-  
nodus Canonis sanctorum Patrum in Nicæa con-  
gregatorum, qui conservat unicuique Ecclesie pri-  
scam dignitatem: hic etiam memor sit Antiochie:  
Docete igitur, a non jus ordinandi ex more veteri  
apud vos habeat Antiochenus Episcopus. Cumque  
Episcopi Cypri docuissent non habere, tan-  
dem Patres ita fanciunt: Sancta Synodus dixit,  
Rem hanc qua præter Ecclesiasticas constitutiones  
& sanctorum Patrum Canones innovatur, & o-  
mnium libertatem attingit, annuntiavit piissimus E-  
piscopus Rhëginus, & qui cum eo piissimi Episcopi pro-*

provinciae Cypri Zenon & Euagrius. Unde quoniam communes morbi majore egent remedio, eo quod majus damnum afferant, si non est vetus mos quod Episcopus Antiochenus ordinet in Cypro sicut libellis & propriis vocibus docuerunt religiosissimi viri qui ad sanctam Synodum accesserunt: habebunt jus suum intactum & inviolatum qui sanctis in Cypro Ecclesiis praesunt secundum Canones sanctorum Patrum & veterem consuetudinem, per seipsos ordinationes religiosissimorum Episcoporum facientes. Istud autem etiam in aliis diocesibus & in omnibus provinciis servetur, ut nullus piissimorum Episcoporum aliam provinciam occupet quae antea ab initio sub sua vel antecessorum suorum potestate non fuerit; sed & si quis occupaverit, vel per vim sibi subegerit, ipsam restituat: ne Patrum Canones praetereantur, neve sub sacerdotii praetextu, mundana potestatis fastus irrepat: ne clam paulatim libertas amittatur, quam nobis donavit sanguine suo Dominus noster Iesus Christus omnium hominum liberator. Placuit igitur sanctae & oecumenicae Synodo ut unicuique Provinciae pura & inviolata, quae jam inde ab initio habuit, sua jura serventur juxta veterem consuetudinem: & liberum sit cuique Metropolitano actorum exempla ad suam securitatem excipere. Si quis autem veterem typum contempserit, poenam non effugiet: & si quis his quae nunc decreta sunt, pugnares literas attulerit, irritas esse decrevit sancta & universalis Synodus.

Hucusque Canon Ephesinus, qui consuetudine, atque Nicænis & Antiochenis

Canonibus fulcitur, clarissimeque demonstrat, Ecclesiam Canone & Aristocratico regimine gubernari oportere.

Demum septem illi Episcopi qui Synodicas literas detulerant ad Imperatorem Theodosium tandem humanitus accepti sunt ab illo: qui Nestorium exilio damnavit, atque memoratis septem Episcopis injunxit, ut se ad Ecclesiam Constantinopolitanam conferrent, aliumque à Nestorio Episcopum crearent; itaque Maximianum ordinarunt: imperatumque singulis Episcopis qui Ephesi erant, ut ad proprias quisque sedes redirent: vide tertiam partem Concilii Ephesini editionis Romanæ cap. 14. & 24.

XVII. Theodosius vero imperavit Joanni Antiocheno (hic enim pervicax non fuit) ut cum Cyrillo in gratiam rediret, eumque in finem utrisque literas per Aristolaum tribunum & Notarium mittit atque omnia quæ Synodus in Joannem decreverat, antiquari voluit: partem Epistolæ hic adscribam: *Interea vero, ait Cæsar Theodosius Antiocheno, dum exoptata pacis concordiaque & mutua inter vos amicitia conventio confirmatur, & per illa iter ad nostrum colloquium vobis patefactum fuerit, nulla prorsus quorumcumque Episcoporum aut creatio, aut depositio aut quaecumque ordinatio tentabitur: sed si quid interim hujusmodi factum esse contigerit, id immotum & imperturbatum Ecclesia Catholica compositionem expectet: præsertim cum religiosissimi*

*ssimi clerici ad divina ministeria exequenda sufficere queant, donec perfecta unio consequatur. Habes hæc à nobis, nec dubitamus si sinceram immotamque & Christiana sedulitate dignam animi nostri sententiam inspexeris, quin totis viribus, totaque mentis virtute in hoc incumbas, ut ea omnia quæ à nostra pietate orthodoxæ fidei sanctarumque Ecclesiarum uniendarum causa sancita, & ordinata sunt, tempestive consiciantur: nullum ejus reigratia laborem aut fatigationem aut ignominia contemptum, aut injuriarum condonationem recusans. Si vero, quod non credimus, nostram hanc sententiam rectumq; propositum privato consilio humane alicujus perturbationis impulsu contemnere ausus fueris, nostraque alia decreta parvi feceris, tibi imputabis, si Sanctitas tua obedientia & promptitudinis, quæ sanctæ Dei Ecclesiæ componenda debentur, neglectæ; meritis pœnas dederit. Ambobus autem Cyrillo & Joanni Antiocheno præcepit, ut sese Nicomediam hujus reconciliationis ineundæ gratia conferrent, ut revera contulerunt, & dehinc literas sibi amicissimas invicem miserunt. Cyrilli ad Joannem hoc illustrissimo principio exornantur: *Latentur cæli & exuliet terra; solutus est enim medius paries maceriæ, &c.* tertia parte Concilii Ephesini cap. 34. & Collectionis Binni Tomo v. Ephesini Concilii cap. 6.*

XVIII. Hercle sicut acta Concilii Ephesini clarissime docent, quantum Principes politici in dirigenda & constituenda externa

Ecclesiæ pace atque disciplina juris obtineant, ita & demonstrant Theodosium junio-  
 rem optimum, prudentissimum, & piissimum  
 fuisse Imperatorem: de cujus immensis virtu-  
 tibus lege Socratem lib. vii historiae, cap. 22.  
 Satis autem mirari non possum Baronium  
 Tomo v. Annalium anno Christi 430. scribere  
 Theodosium egisse cum Cœlestino, ut  
 quasi ab illo facultatem convocandi Concilii  
 Ephesini impetraret, eamque ob causam Bi-  
 nium in notis suis audacter asserere, Synodum  
 Ephesinam auctoritate Cœlestini indictam,  
 consilio, opera & auxilio Theodosii. Idem  
 quoque Vallius refert lib. de Suprema pote-  
 estate Papæ parte quarta quæstione secunda, si-  
 cut & Auctor præfationum historicarum. Sed  
 uno verbo *cæci sunt & duces cæcorum*: neque  
 hæc eorum assertio ullo probati auctoris te-  
 stimonio firmari potest: & de illis quæ in Ec-  
 clesia primitiva fiebant ex hodierno Curia  
 Romanæ dominatu à posteriori statuunt. Ve-  
 rumtamen ne quidem Pontifex hodie tantam  
 habet potestatem in Concilia quantam jure  
 exercuit Theodosius; ratio est, quoniam non  
 potest absolute & per vim externam cogere  
 quod imperat: obtendant licet illum monar-  
 cham esse infallibilem. Quod autem Curiales  
 Cæsarem *Advocatum esse Ecclesiæ* & absque ulla  
 cognitione causæ Papæ Imperia exequi de-  
 bere imaginantur, meræ sunt fabulæ. Verum  
 in præfatione historica Synodi Ephesinæ, ubi dici-

dici-

dicitur *Cœlestini auctoritate coactum fuisse concilium*, ad oram libri tertia actio Synodi ante medium, & quinta in epistola Synodali ad Cœlestinum citatur : sed falso, quoniam de hac re ibi ne ullum quidem verbum : ut hinc discant studiosi historiæ ecclesiasticæ, non facile ejusmodi auctoribus fidem adhibere, & fontes non rivulos sectari oportere.

## C A P U T VIII.

- I. *Historia pseudo-Synodi Ephesina & Chalcedonensis Concilii.*
- II. *Eutyches primum damnatus in provinciali Synodo à Flaviano Episcopo Constantinopolitano, ad ampliorem Synodum provocat & contestatorios libellos sue Appellationis palam edit.*
- III. *Literæ Imperatorum pro indictione secunda Synodi Ephesina, ut causa Eutychis iterum recognosceretur : quæ initio leguntur, ut rebus agendis præfulgerent ; & nominatim edicunt Patriarchis, ut decem Metropolitanos ac totidem Episcopos mittant ad Synodum.*
- IV. *Leo magnus P.P. literas ab Imperatore accipit ejusdem tenoris cum literis missis ad alios Metropolitanos.*
- V. *Dioscorum secunda Synodo Ephesina præsedisse juxta Canones, quorum Imperator vindex est.*
- VI. *Singulos Episcopos Notarium suum habuisse in Synodis.*
- VII. *Leo magnus supplicat Imperatori, velit jubeatque Concilium celebrari in Italia.*
- VIII. *Flavianus damnatus à Dioscoro in secunda Synodo Ephesina quæ generalis erat, ad aliud Concilium appellat.*
- IX. *S. Leo P.P. Theodosii pietatem valde laudat quod secundam Synodum Ephesinam indixerit : & tamen Vallius illum peccasse dicit eo quod Ephesinum Concilium convocarit.*
- X. *Idem Leo Magnus supplicat Imperatori cum gemitibus & lacrymis nomine totius Occidentalis Ecclesiæ, ut velit jubeatque aliam Synodum generalem haberi in Italia, ubi*

*causa Flaviani atque Eutychis de integro tractetur : Imperatores autem Synodum Chalcedone indixerunt.*

- XI. *Vallius acta adulterat, ut probet S. Leonem omnibus Episcopis totius orbis Concilium indixisse.*
- XII. *B. Leo diserte docet Synodum Chalcedonensem auctoritate & praecepto Imperatorum indictam.*
- XIII. *Vallius impudenter asserit, Imperatores esse exequutores voluntatis Romanorum Pontificum.*
- XIV. *Patres Chalcedonenses explicare & nominatim docent, Imperatores cum senatu suo praesedis, S. vero Leonem praesuisse Concilio : ac de utriusque vocis notione & differentia.*
- XV. *Cur legati B. Leonis in hac Synodo sederint ante omnes alios Patriarchas contra quam factum est in antecedentibus Conciliis : Senatus autem ab Imperatore constitutus locum eminentiorem tenebat.*
- XVI. *In omnibus actionibus Synodi Chalcedonensis Anatolius Episcopus Constantinopolitanus sedis atque suffragii praerogativam obtinet post legatos Papae, idque non modo legatis ipsis videntibus, & approbantibus, sed & Dioscorum reprehendentibus quod in secunda Synodo Ephesina secundum locum Flaviano minime dedisset.*
- XVII. *Ratio cur prima Concilia generalia tam exiguo temporis spatio confecta & terminata sint, ita ut unicuique Actioni unus tantum dies nec amplius quicquam impenderetur.*
- XVIII. *Eusebius Dorylensis Episcopus rationem injuriarum sibi factarum à Dioscoro petit ab Imperatoribus, non à Romano Episcopo.*
- XIX. *Explicatio hujus vocis Synodus Episcoporum non clericorum est.*
- XX. *Sententia Flaviani adversus Eutychem orthodoxa declaratur, quamquam lata fuisset priusquam Leoni Magno aliquid de facto Eutychis innotuisset.*
- XXI. *Nomen Patriarchae primo usurpatum in hac Synodo, & Metropolitanis attributum fuisse.*
- XXII. *Quid sit regularia tractare, & quare dum tractantur Laici ejusmodi judiciis interesse non debeant.*
- XXIII. *De causis propter quas Dioscorus damnatur : & legatos Leonis PP. nominatim petere à sancta Synodo quid-*

*nam*



nam & qua forma sententiam in illum edi jubeat ; Patres autem respondere , ut qua placent Canonibus & regulis discernantur : quod est argumento certissimo , Ecclesiam Canone , non absoluta potestate gubernari.

XXIV. Dum Patres in Synodis narrant se cum Papa sentire , non tam illius sententiam sequuntur , quam communionem sanctorum illam declarant Scripturae & Canonibus conformem ; hacque de causa eam auctorant atque roborant.

XXV. Bellarminum Lege Cornelia Falsi teneri quoniam Acta ipsa vitiat.

XXVI. Patres Chalcedonenses nunquam Leonem Episcopum universalem aut eam universalem Ecclesiam vocarunt , sed hoc adinventum est partim a legatis Leonis , partim a quibusdam clericis Alexandrinis inferioris ordinis , sibi iustitiam contra Dioscori gravamina fieri posulantibus.

XXVII. Epistola Leonis Magni contra errorem Eutychis ad normam Symboli Nicani , Constantinopolitani & definitionis Patrum Ephesinorum expenditur.

XXVIII. Mos Episcoporum ut in Actorum subscriptione suae Metropolitae praesentes sequerentur , eamque ob causam Aegypti damnato Dioscoro subscribere actis recusant quoad creatus fuisset alius Episcopus Alexandrinus.

XXIX. Martianus Imperator cum Pulcheria uxore die sanctae Euphemiae sese ad Synodum conferunt : ubi definitio Orthodoxae fidei legitur conformis Symbolo Athanasii , & ab universis patribus obsignatur.

XXX. Idem Martianus , ubi omnes Patres suis subscriptionibus & propria voce se fidei definitioni assensum praebere testati sunt , edicto suo Acta Synodalia confirmat : ita ut non modo Laicis , verum etiam clericis potestas temporales irrogat cum exauctoratione gradus clericali.

XXXI. Synodus Chalcedonensis causam Theodoretum Cyrensis Episcopi de integro tractat : quamquam Leo Magnus illum ad suam Ecclesiam communionem admisisset , atque Imperator jussisset illum ad suam sedem admitti.

XXXII. Analysis Epistola Theodoretum ad Leonem Magnum , qua ostenditur Bellarminum frustra & perperam docere Theodoretum appellavisse ad Leonem PP.

XXXIII. Legati Leonis deprecantur Imperatorem , quatenus pia lege sanciat , neque secundam Synodum Ephesinam nominari

minari, neque quicquam tenere eorum quæ ibidem gesta sunt: quod est argumento, confirmationem & antiquationem Synodorum ab auctoritate Imperatoris pendere.

XXXIV. De Codice Canonum quo Ecclesia Catholica tempore Synodi Chalcedonenſis utebatur.

XXXV. Anatolius Archiepiſcopus Conſtantiopolitanus, ubi de eligendo Epifcopo Ephefino agitur, ideo ſedis & ſuffragii prerogativam habet ante ſedis Romana vicarios, quod Ephefus ſubdita eſſet Conſtantiopolitano Epifcopo iuxta tertium Canonem Conſtantiopolitani Concilii.

XXXVI. Epifcopos gravatos ſolitos ad Imperatorem tanquam vindicem & propugnatorem Canonum conſugere.

XXXVII. Patres Chalcedonenſes, decretum Conſtantiopolitani Concilii de ſedis Conſtantiopolitana prerogativa poſt Romanum Epifcopum comprobant, atque eidem ſedi Thraciam adjudicant.

XXXVIII. Expoſtulationio legatorum Papa contra hunc Canonem & definitio Synodi ſuper ea re.

XXXIX. Cur Romani Pontifices diligenter caverint ne ſui legati Actionibus Conciliorum intereſſent, quibus Canones pro diſciplina Eccleſiaſtica ſtatuerentur.

XL. Patres Chalcedonenſes à judicibus quos Martianus dirigendo Concilio præſecerat, veniam diſcedendi flagitant.

XLI. Edictum Martiani pro confirmatione geſtorum Synodaliū.

XLII. Synodalis Epifſtola Patrum ad Leonem Magnum, qua illum tanquam caput præſuiſſe; Imperatorem vero præſeſſe Concilio narrant.

XLIII. Oppoſitio & argumenta Leonis PP. contra vigefimum octavum Canonem Chalcedonenſem, de prerogativa ſedis Conſtantiopolitana dogmaticè examinantur.

XLIV. Baronii & Bini rationes, contra 28 Chalcedonenſem & tertium Canonem Conſtantiopolitanum depelluntur.

XLV. De motibus qui in toto Oriente poſt Caſaris Martiani exceſſum propter definitionem fidei Synodi Chalcedonenſis emerſerunt.

I. **Q**uartum Concilium generale vocatur Chalcedonense, quod est indictum & convocatum ab Imperatoribus Valentiniano & Martino circa annum 451. in eoque sexcenti & triginta Patres sedisse dicuntur. Summam totius historiae breviter reserabo. Eutyches Archimandrita seu abbas monasterii Constantinopolitani, nescio quo vanitatis & gloriae studio cum ab heresi Nestorii supra modum videri vellet abhorre, censeretque idem esse duas in Christo naturas post unionem verbi cum humanitate, ac duas personas agnoscere: pertinaciter asseruit Christum post unionem naturae divinae cum humana, unicam tantum habuisse naturam. *Confiteor*, ait, *ex duabus naturis fuisse Dominum nostrum ante adunationem: post vero adunationem unam naturam confiteor*: actione prima Synodi Chalcedonensis: qua confessione Apollinaris haeresim tuebatur & propagabat: Idque postea extitit seminarium haeresis Monothelitarum, qui unam duntaxat in Christo voluntatem, divinam scilicet, agnoscebant, ut in sexto Concilio dicitur. Verum Eusebius Dorylenis Episcopus, erroris Eutychis certior factus, cum ei valde amicus esset, eum saepe privatim monuit, ut resipisceret, servatis quidem gradibus à Christo praescriptis in fratris peccato denunciando Ecclesiae, Matthaei 18. tandemque illum accusavit apud Flavianum Archiepiscopum Constantinopoli: qui eam ob cau-  
sam

ſam Synodum provincialem indixit Conſtantinopoli : ubi Eutycheſ poſt multas atque varias tergiverſationes Flaviano ſententiam pronunciante, & quoad errorem & quoad perſonam ſic damnatur.

II. *Per omnia Eutycheſ quondam Presbyter & Archimandrita, & ex his quæ antea acta ſunt, & propriis ejus confeſſionibus Valentini & Apollinaris perversitate repertus eſt agrotare & eorum blaſphemias incommutabiliter ſequi: quia nec noſtram reverens perſuaſionem atque doctrinam, rectis noluit conſentire dogmatibus: unde lacrymantes & gementes perfectam ejus perditionem, decrevimus per Dominum noſtrum Ieſum Chriſtum ab eo blaſphematum, extraneum eſſe ab omni officio ſacerdotali, & à noſtra communione, & primatu monaſterii: ſcientibus hoc omnibus qui poſtea colloquantur ei, & ad eum convenerint: quoniam rei erunt & ipſi pœnæ excommunicationis, ſicut qui non declinaverunt confabulationes ejus. Lege primam actionem Synodi Chalcedonenſis. Porro juxta diſciplinam illorum temporum, quam habes explicatam in Analyſi epistolæ Patrum Africanorum ad Cœleſtinum Papam (ex qua diſerte conſtat illos qui judicio Cognitorum offenſi fuerint, poſſe ad Concilia ſuæ provincia vel etiam ad univerſale appellare) Eutycheſ de hac ſynodali ſententia Flaviani ad ampliorem ſanctorum communionem, hoc eſt, ad generalem Synodum appellavit. Certe eventus & diſciplina tum uſitata declarant, Eutychiſ appel-*

appellationem de ampliori aut generali Concilio intelligi : idque actione prima Synodi Chalcedonenſis folio ſexageſimo ſexto Sorianæ, trigefimo ſeptimo Binianæ & centefimo quadrageſimo nono editionis Romanæ comprobatur : ubi quidam Epiſcopi referunt Eutychem, cum damnaretur, *appellafſe ſantum Concilium Epiſcopi Romani, Alexandrini, Hieroſolymitani, & Theſſalonicenſis* : alii vero illum dixiſſe duntaxat : *Si præceperint mihi Patres Romanus & Alexandrinus dico hoc ipſum*, &c. Qua ex oratione homines obnoxii ſophiſtice inferunt jus appellandi ad Romanum Pontificem : cum tamen nihilo magis uſui ſit Romano quam Alexandrino, & aliis Patriarchis, ex quibus Synodus univerſalis neceſſario coaleſcit : in qua Romanus Epiſcopus præter prærogativam primatus nihil habet ſuper alios. Et hinc refellitur Auctor Præfationum Historicarum, qui in historia Synodi Chalcedonenſis perſuadere tentat, Eutychem provocafſe ad ſedem apoſtolicam : idque ut roboret, falſo laudat octavam, nonam & decimam epiſtolam Leonis magni, quia nihil tale tinniunt : quamquam Leo omnibus ſuis Epiſtolis quantum poteſt, etiam sæpe contra Canones ſuam & ſedis apoſtolicæ poteſtatem venditet : in octavo quidem epiſtola memorat *Eutychem libellum Appellationis in ipſo judicio obtuliſſe, & conteſtatorios libellos Conſtantinopoli propoſuiſſe*. At vero ſedem apoſtolicam appellafſe

lâsse ne quidem verbum : hoc autem Leonem omittere voluisse nemo in animum inducet, qui sciverit illum permaximum fuisse auctoritatis Papalis amplificatorem. Cæterum per contestatorios libellos Leo intelligit *Commentarios pravocatorios ad Concilium, & querimoniam doloris sui continentes*, ut ipse Leo appellat epistola septima ad Theodosium Augustum parte prima Chalcedonensis Concilii cap. 3. Romanæ editionis; Galli vocant *Griefs*. Hercle cum Eutyches gratia valeret apud Theodosium propter Chrysaphium Eunuchum qui Flaviano erat infensus, facile impetravit à Cæsare, ut ejus causa de integro tractaretur Synodo universali. Et hinc proclive est vanitatem Baronii confutare, qui cum observaret Flavianum epistola ad Leonem Magnum, quæ legitur apud Binium post sextam Leonis Epistolam, ita scribere : *causa enim eget solummodo vestro solatio atque defensione, qua debeat consensu proprio ad tranquillitatem & pacem cuncta perducere : sic enim hæresis quæ surrexit & turbæ quæ per eam factæ sunt facile destruentur Deo cooperante per vestras sanctissimas literas : removebitur autem & Concilium quod fieri divulgatur, quatenus nequaquam ubique sanctissimæ turbentur Ecclesiæ*. Cum, inquam, Baronius hæc observaret scribi à Flaviano, inde persuadere vult tantam vim inesse literis apostolicis, ut nihil opus sit œcumenico Concilio, postquam Papa literis suis controversiam definivit :

To-

**Tomo VI.** Annalium anno 449. circa initium: sed causam metus Flaviani subticet : cum enim sciret Chrysophium valde amicum esse Eutychi, & sibi infensissimum, ac eundem Chrysaphium multum gratia valere apud Theodosium Cæsarem, quasi spiritu prophético necem sibi impendentem prælagiens, propter turbas Eutychis & asseclarum, Leonem magnum rogat, ut ejusmodi turbis quantum fieri posset iret obviam, atque periculum quod ex Synodi alterius celebratione imminabat, avertere conaretur confirmando Flaviani sententiam. Verum Theodosius Synodum congregari voluit Ephesi anno Christi 448. eumque in finem literas misit ad omnes Metropolitānos, necnon pariter ad B. Leonem juxta disciplinam observatam in prima Synodo Ephesina : quæ literæ Imperatorum extant in fronte primæ actionis Synodi Chalcædonensis, quas adscribam, ubi observavero in secunda Synodo Ephesina, eundem plane ordinem servatum ac in primo Ephesino Concilio.

III. Enimvero prima actione ante omnia leguntur literæ Imperatorum ad omnes Metropolitānos pro indictione & celebratione Concilii : atque Julianus Episcopus, legatus Leonis Magni fatetur Leonem ejusdem plane argumenti & formæ literas accepisse ab Imperatoribus folio 21 Surianæ, 9. Binianæ, & editionis Romanæ, fol. 66. Quandoquidem,

*Lib. I.*

Y

dem,

dem, ubi Ioannes presbyter primicerius Notariorum dixit: Placuit & nunc piissimis & Christianissimis Imperatoribus nostris sancire sanctam & magnam vestram Synodum huc concurrere, quatenus qua nuper emerferunt de Catholica fide quantantur, & radicitus evellantur, &c. Dioscorus Archiepiscopus Alexandrinus (qui huic Synodo praeerat) petiit ut legerentur literae redditae unicuique Metropolitano, ut praesulgerent in Actorum serie: Ioannes autem presbyter & Primicerius Notariorum sic recitavit:

Imperatores, Caesares Theodosius & Valentinianus, Victores, Triumphatores, maximi, semper venerabiles, Augusti, Dioscoro. Omnibus constat manifestum, quia nostrae reipublicae dispositio, & universa humana per pietatem circa Deum continentur, & confirmantur. Deo enim propitio constituto, prospere & secundum vota nostra gubernari res & perficere solent. Imperium ergo divino nutu sortiti, subditis pro pietate & mansuetudine similiter necessario plurimam sollicitudinem impartimus, quatenus & vera religio, & nostra respublica cultu Dei purissimo & pietate firma praesulgeat. Quoniam igitur in praesenti subita emergente dubitatione ad Catholicam & Apostolicam doctrinam ac nostrae fidei custodiam, quae, ut fit, diversis sententiis impugnata conturbat & confundit hominum sensus & animas: intolerabile duximus huiusmodi delictum contemnere, ne pertalem negligentiam ipsi Deo inferre contumelias videremur: ideoque sancimus in unum Sanctissimos & Deo placitos convenire



venire viros, quibus pro pietate Catholica atque vera fide plurimus sermo est, ut universa quidem talis vana dubitatio subtili proposita inquisitione solvatur: veri autem & Deo amica Catholica fides firmetur. Igitur & tua Sanctitas sumptis secum decem reverendissimis Metropolitanis Episcopis qui sub tua degunt diœcesi, & aliis similiter decem sanctis Episcopis sermone & vita ornatis, qui in doctrina & scientia recte & immaculata fidei præ cunctis apud cunctos eminent, proximis Kalendis Augusti Ephesum Metropolim Asia convenire absque ulla dilatione festinet, nullo scilicet alio præter prædictos viros sanctam Synodum molestante: quatenus universis Sanctissimis & beatissimis Episcopis, quos convenire per sacras nostras epistolas sancimus, ad prædictam concurrentibus civitatem, & subtilissime investigantibus & querentibus, omnis de medio error contrarius auferatur: Catholica autem doctrina & orthodoxa fidei salvatoris nostri Jesu Christi amicissima solidetur & consuecte effulgeat: quod universi in posterum inconcussam Deo propitio & intemeratam custodiant. Si quis vero tam necessariam & vere Deo amicam Synodum prætermiserit, & non omni virtute secundum prædictum tempus ad præfinitum locum pervenerit, nullam excusationem neque apud Deum neque apud nostram inveniet pietatem. Sacerdotalem enim conventum non nisi quis mala propria conscientia sauciatus evitat. Theodoretum sane Episcopum Cyri civitatis, quem pridem iussimus suæ soli vacare ecclesiæ, sancimus, non prius ad sanctam Synodum convenire,

nisi universo sancto placuerit convenienti Concilio, & ipsum concurrere & pariter interesse. Si vero aliqua discordia de eo emerferit, absque illo sanctam Synodum convenire, & quæ jussa sunt ordinare præcipimus. Datum 3 Kal. Aprilis Constantinopoli, &c.

IV. His perlectis literis Iulianus Episcopus agens vices Sanctissimi Archiepiscopi Romana Ecclesie Leonis & interpretante cum Florentio Episcopo Lydia dixit: EODEM TENORE à piissimis & Christianissimis Imperatoribus Sanctissimus noster Papa Romana Ecclesia præpositus Leo vocatus est. Hilarius diaconus Romanus, interpretante cum Florentio Episcopo, dixit: Gloriosissimi & Christianissimi Imperatores charitatem circa catholicam fidem & affectum tenentes, beatissimum Episcopum nostrum Leonem apostolicæ sedis Præsulem, ut huic venerabili & sancto Concilio adesset, dirigentes venerabiles epistolas supplicarunt, cujus pietati placere potuit, si in hac realiqua teneretur similitudo. Nam melius vestra potest cognoscere sanctitas, quia neque in Nicæa, neque in Ephesina sancta Synodo, neque in alio tali sancto Concilio Papa perpetua sanctissimæ sedis adfuit, pro qua re hujus forma sequens consuetudinem nos direxit, &c.

Qua ex Collectione clare & necessario novem inferimus confectaria, quibus ea confirmantur quæ actis primæ Synodi Ephesinæ explicata sunt: Primum est, Patres solitos exordiri Concilium à lectione sacrarum literarum Imperatoris, ut in tota serie actorum ordini præfulgerent. Secundum, ideo

ideo literas Imperatorum missas ad Dioscorum legi, quia Dioscorus secundo Concilio sicut S. Cyrillus primo Ephesino præerat : neque enim hîc legati Leonis, Theodosio superstite contendunt de præsidentia, quod est valde notandum. Tertio ad investigandum consensum catholicorum & sanctorum communionem, Imperatores jubent omnes Episcopos in unum convenire quatenus fides Catholica firmetur. Quarto his literis ad omnes Metropolitanos emissis (quod est præsertim de Patriarchis & primatibus intelligendum (nominatim edicatur, ut decem Metropolitanos & totidem Episcopos ex sua quisque diœcesi delectu habeant, quo sese conferant ad Synodum. Et ita confirmatum remanet quod supra capite 2. in explicatione sexti Canonis Nicæni observavimus: scilicet omnes Primates aut Patriarchas habuisse diœceses ac tribus modis posse considerari; primum, ut sunt particulares Episcopi unius paræciæ aut diœcesis & hoc modo presbyteros tantum sibi subditos; secundo ut sunt Archiepiscopi & Metropolitæ, sicque habent plures Episcopos sibi suffraganeos: tertio, ut Primates & Patriarchæ, sicque præ sunt pluribus Metropolitanis. Unde cum hæc literæ etiam ad Romanum Episcopum, sicut & ad Alexandrinum & Hierosolymitanum missæ fuerint, clarum evadit quanto in errore versentur qui Primatum aut Patriarchatum

Papæ, an solas Ecclesias suburbicarias coërent : siquidem Archiepiscopatum pro Patriarchatu sumunt : certumque est, Ruffinum cum de ecclesiis suburbicariis loquitur, patrem propinquiorem & notio rem Romani Patriarchatus significare, quam Episcopus Romanus seculo illo jure communi regebat, & in Synodum provincialem bis annuatim tanquam Archiepiscopos aut Metropolita cogebat juxta quintum Canonem Nicænum. Quocirca ordinario & communi jure Appellationes ecclesiarum suburbicariarum devolvebantur ad Episcopum Romanum, velut ad proprium Metropolitam aut Archiepiscopum : quod est sæpius dicendum. Procul dubio qui de Metropolitibus aut Patriarchatibus disputant tantum merentur fidei, quantum lucis habent ex praxi disciplinæ Ecclesiasticæ, quæ est indubitata regula judicandi de ejusmodi controversiis. Quintum consuetudinem est, Imperatores diem certum celebrando & inchoando Concilio præfigere: idque proprie est Synodum indicere, ut jam alias ostendimus : siquidem volunt Kal. Aug. inchoari, &c. Sexto, quamquam post primum Concilium Ephesinum quando Imperator Theodosius Joannem Antiochenum cum Cyrillo in gratiam redire voluit, omnia acta adversus Episcopos Orientales antiquavit, ut paci Ecclesiæ consuleretur: nihilominus hic Theodoretum Cyri Episcopum, qui adversus S. Cyrillum scripserat,

ferat, sedem & suffragium habere in Synodo vetat, nisi ita videatur Patribus. Septimo, Julianus Episcopus legatus Leonis magni, nominatim fatetur literas Imperatorum *eodem tenore missas ad Leonem, quam ad Dioscorum & alios Metropolitanos*. Octavo, Hilarius diaconus excusat S. Leonem, quod non interfuit Ephesinæ Synodo, quia moris non sit, &c. quod autem ait *Imperatores supplicasse Leoni ut Synodo interesset*, id certe non iis congruit quæ Julianus dixit, nimirum, Leonem accepisse ab Imperatoribus literas ejusdem argumenti & tenoris cum literis quæ initio Synodi perlectæ sunt. Quæ literæ non supplicant sed impetrant, atque etiam omnibus qui non adfuerint interminantur. Profecto in nullo Concilio, ne quidem in sexto, & septimo, Imperatores quamquam majestate & potentia Imperii longe dispares Theodosio, supplicant, sed duntaxat exhortantur Pontifices ad celebrationem Concilii, ut patebit. Sed quid externis opus testimoniis, cum ipsemet Leo epistola nona ad Theodosium Cæsarem, qua literis Imperatorum emissis super indictione secundi Concilii Ephesini respondet, non dicat Imperatorem usum supplicatione, imo ipse supplicat Imperatori ad hunc modum : *si pietas vestra suggestioni ac SUPPLICATIONI NOSTRÆ annuere dignetur, ut intra Italiam haberi jubeatis Episcopale Concilium, cito auxiliante Deo poterunt omnia scandala rescari,*

ri, &c. Item epistola decima tertia ad Pulcheriam Augustam sororem Theodosii, clare demonstrat, Concilii indictionem absolute à voluntate Imperatorum pendisse, & se excusat quod illi interesse non possit: *Augustissimus vero & Christianissimus Imperator cupiens quam clerrime turbata componi*, inquit, *Episcopali Concilio, QUOD EPHESI VULT HABERI, NIMIUM BREVE ET ANGUSTUM TEMPUS INDIXIT DIEM KALENDARUM AUGUSTI praestituendo conventui, cum à tertio iduum Majarum, quo Serevitatis ejus scripta suscepimus, major pars reliqui temporis assumenda, ut prosecutio sacerdotum, qui negotio sufficiant, valeat ordinari. Nam illud quod Pictas ejus etiam me credidit debere interesse Concilio, etiamsi secundum aliquod praecedens exigeretur exemplum, nunc tamen nequaquam posset impleri: quia rerum praesentium nimis incerta conditio, à tantæ urbis populis me abesse non sineret, & in desperationem quandam animi tumultuantium mitterentur, si per occasionem causæ ecclesiasticæ viderer patriam & sedem apostolicam velle deferere*, &c. Nono observandum in hac secunda Synodo Ephesina & Chalcedonensi, legatos B. Leonis loqui per interpretem, ita ut latine proponerent quæ deinde quispiam alius Græce Patribus explicabat: quod pariter factum est in prima Synodo Ephesina: idque in causa fuit, ut eorundem relatio sæpe involuta & implicata sit, adeo ut Oedipo nonnunquam egeat.

V.

V. Porro Discorum Patriarcham Alexandrinum præsidem extitisse in secundo Concilio Ephesino liquet ex epistola Theodosii Augusti Actione prima Synodi Chalcedonenfis sol. 19 Surianæ, 7 Binianæ & 61 Romanæ editionis: *Dioscoro, Reverendissimo Episcopo Alexandria. Antehac quidem Theoretum Episcopum civitatis Cyri præcepimus in sanctam Synodum minime convenire donec de eo quæ placuerit Synodus sancta constituat: avertati cum quia assumpsit proferre contraria his quæ conscripsit de fide sanctæ memoriæ Cyrillus Alexandrina quondam civitatis Episcopus. Quoniam vero suspicamur aliquos sectatores Nestorii assumere studium & conferre, ut omnimodo intersit sancto Concilio: hac de causa necessarium diximus, his sacris literis uti ad tuam Reverentiam, per quas manifestum facimus tuæ Beatitudini & universæ sanctis Synodo, quod nos regulas sanctorum Patrum sequentes, non solum propter Theodoretum, sed alios omnes, qui ad congregatum sanctam Synodum pertinent AUCTORITATEM ET PRIMATUM tuæ præbemus Beatitudini, scientes diligentius quod & reverendissimus Archiepiscopus Hierosolymorum Iuvenalis, & beatissimus Archiepiscopus Thalassius & omnis talis fervens amator & amulator orthodoxæ fidei, consentanei erunt tuæ Sanctitati; radiant per Dei gratiam honestate vitæ & Catholica fide. Eos namque qui aliquid per additamentum aliquod aut imminutionem conati sunt dicere præter quæ sunt exposita de fide Catholica à sanctis Patri-*

*bus qui in Nicea, & postmodum qui in Epheso congregati sunt nullam omnino fiduciam in sancta Synodo habere patimur : sed & sub vestro iudicio esse volumus : quia hac de re & nunc sanctam Synodum disposuimus convenire. Eodem tenore Juvenali reverendissimo Episcopo Hierosolymorum.*

Vel ex his literis discent Adversarii quanta auctoritate pollerent Imperatores in Conciliis constituendis : quippe qui etiam decernerent ad quos Patriarcharum munus praesidendi pertineret : quandoquidem id muneris Dioscoro Alexandrino & Juvenali Hierosolymorum Episcopo adscribitur. Quod si forsitan hinc aliquis inferat falsum esse quod supra docuimus, nimirum omnes Patriarchas pro iure atque ordine sedium suarum Conciliis, sicut praesides Parlamenti Actionibus praesidere consuevisse : Oppones, rationem praesidendi absente Romano primae sedis Episcopo ad secundam sedem Constantinopolitanam jure pervenisse : verumtamen quia in secunda Synodo Ephesina de firmanda aut infirmanda Flaviani Archiepiscopi Constantinopolitani sententia adversus Eutychem agebatur : Ideo Flavianum praesidendi partes obire non potuisse, cum esset in causa; itaque jus praesidendi ad Dioscorum tertiae sedis Episcopum devolutum erat : hocque Caesar suis literis pro Canonum executione declarat. Quod autem insuper Juvenalem Episcopum Hierosolymitanum, relicto Domino An-



Antiocheno Episcopo qui Joanni successerat una cum Dioscoro præsidere vult, hoc factum à Theodosio arbitror, propterea quod in prima Synodo Ephesina Juvenalis præsidendi partes sustinuerat : fortique animo adversus Nestorium & Joannem Antiochenum Domni præcessorem decertarat, idemque facturum Juvenalem in secunda Synodo Ephesina sperabant Imperatores : neque Domni Antiocheni meminerunt propter acta Joannis præcessoris sui, tum etiam quia nuper ad Antiochenam sedem fuisset assumptus, neque satis calleret disciplinam Synodorum. Quæ omnia spectant ad *ἡγεμονίαν* quam Princeps politicus præstare vindicare debet pro juris Divini, Naturalis & Canonum vindictis. Procul dubio ante Synodum Chalcedonensem hoc jus præsidendi juxta ordinem sedium patriarchalium nunquam controversum est à Papæ vicariis. Unde cum initio primæ Actionis Chalcedonensis paulo ante epistolam Eusebii Dorylensis ad Cæsares Lucentius Episcopus Leonis legatus urgeret, *ut Dioscorus redderet rationem primatus à se præsumpti, & quod Synodum ausus sit facere sine auctoritate sedis Apostolicæ, quod nunquam licuit; nunquam factum est*, inquit. Ad hæc postulata Patres nihil respondent aut aliquid decernunt, eo quod apprimè scirent, Dioscorum congruenter ad Canones præfedisſe Synodo. Item tertia Actione fol. 118 Surianæ, 37 Binianæ; & actione

III. fol. 244 Romanæ collectionis Conciliorum, instantibus legatis Papæ, quod Dioscorus *presumpsisset sibi primatum irregulariter. & in communione suscepisset Eutychem priusquam consideret in Epheso cum Dei amantissimis Episcopis* : iidem Patres super ea re nihil sciscunt. Hercle, Juvenalis Episcopus & Hilarius diaconus legati Leonis Magni in secunda Synodo Ephesina non sunt questi de præsentia Dioscori : sed duntaxat Lucentius occasionem captavit in Synodo Chalcedonensi dum observavit furorem hominis istius permultis aliis in rebus, quas vi majore tanquam prædo in secunda Synodo Ephesina gesserat, justam occasionem postulandi dedisse. Omitto pariter, eosdem Leonis vicarios æque justam habuisse causam conquerendi de præsentia Juvenalis Hierosolymitani in secundo Ephesino Concilio, quam de ipsomet Dioscoro, cum certum sit Juvenalem supra Domnum Antiochenum sedisse, nihilominus de hac re nullum committunt verbum. Quocirca lector hic observabit praxim indubitata juris præsentiaæ secundum Patriarchalium, idque à voluntate Romani Pontificis minime pendisse, sed tantum à consuetudine, Canonibus, & Edictis Imperatorum pro *δυσταξία* & Canonum vindictis. Et hætenus de indictione & præsentiaæ secundi Concilii Ephesini. Equidem ubi S. Leo observavit Cæsares velle pro facto Eutychis, quem Flavianus Constantinopolita-

nus

nus damnarat, haberi Concilium generale, quantum potuit id remoratus est. Nam primo scripsit ad Theodosium, nihil opus esse Synodi celebratione, quoniam errorem Eutychis damnatione anticipasset : Deinde postquam accepit, Theodosium firmiter in eo hærere proposito ut Synodus celebraretur ab eodem petiit saltem juberet eam potius in Italia quam in Oriente haberi : quod diserte erat contra Canones *qui volunt negotia omnia terminari ubi nascuntur*, non ad commodum aut placitum Romani Episcopi. Tandem ubi Pontifex Romanus se id ab Imperatoribus consequi non posse observavit, legatos misit ad secundam Synodum Ephesinam, scilicet Julianum Episcopum, Renatum presbyterum, & Hilarium diaconum cum Dulcitio Notario.

VI. Cæterum liquet ex Actis *singulos Episcopos solitos habere secum in Synodis Notarium* ; hoc enim actione prima Synodi Chalcedonensis legitur, fol. 23 Surianæ, 10 Binianæ & 70 editionis Romanæ ; verum quæ dixi de Leone Magno, habentur Tomo I Conciliorum, epistola Leonis IX, XII, XIII XIV, XV, XVI, Collectionis Surianæ : Binianæ autem IX, XII, XV, XVI & XVII : in Romana editione series epistolarum Leonis aliter textitur, quia non omnes epistolas Leonis ad hanc Synodum facientes, sed aliquas tantum delectu habet, ideo hic à me non numerantur : vide tamen primam partem Chalcedonensis Concilii editionis-

tionis Romanæ, cap. 10, 11, 12, 13 & 17.

VII. Hic ego assumentum nonæ epistolæ ad Theodosium exscribam : *Nos enim, venerabilis Imperator, sicut Nestorii dogma perversum merito anathematizavimus, ita juste etiam horum impietatem, qui veritatem carnis nostræ negant à Domino nostro Jesu Christo susceptam damnamus: unde si pietas vestra suggestioni AC SUPPLICATIONI NOSTRÆ ANNUERE DIGNETUR, ut intra Italiam haberi jubeatis Episcopale Concilium, cito auxiliante Deo poterunt omnia scandala, quæ in perturbationem totius Ecclesiæ sunt commota, refecari; & per universum regnum vestrum Catholica fidei integritate servata, & pacem Christianam manere, & vestram apud Deum crescere gloriam gaudemus, &c.* Hic audis, Leonem, quamquam in omnibus suis epistolis recte & stricte loquentem de potestate Imperiali, tamen supplicare Imperatori, ut velit & jubeat Concilium haberi in Italia. His & adjungenda epistola XIV ad secundam Synodum Ephesinam, in qua postquam clarissime de S. Petri & sedis Apostolicæ privilegiis loquutus est, nihilominus ista subjungit quæ certissima sunt Aristocratici regiminis monimenta: *Verum quia etiam talium non est negligenda curatio, & pie ac religiose Christianissimus Imperator haberi voluit Episcopale Concilium, ut pleniore judicio omnis error possit aboleri, fratres nostros Iulianum Episcopum, & Renatum presbyterum, & filium meum Hilarium diaconum,*  
cum-

*cumque his Dulcitium Notarium probate nobis fidei misi : qui vice mea sancto conventui vestre fraternitatis intersint*, COMMUNI VOBISCUM SENTENTIA QUÆ DOMINO SUNT PLACITURA CONSTITUANT. Quæ postrema formula, *communi vobiscum sententia*, &c. demonstrat in Synodis omnia consensu Catholico & sanctorum communione, minime vero unius absoluti monarchæ imperio stabiliri : & falsum esse, ut etiam supra in prima Synodo Ephesinæ notavimus, *Patres exequutores esse decretorum Romani Pontificis*, ut placet Curiae Romanæ aëclis. Quod si S. Leo ita loquitur, cum inter omnes Pontifices maximus fuerit auctoritatis Pontificiæ assertor, inde proum est de aliis ad absolutam infallibilem potestatem spectantibus ex rei veritate censere. Procul dubio nihil quicquam secundæ Synodo Ephesina quoad indictionem conuocationem & præsidendam defuit, quin œcumenica & universalis haberetur : sed tantum quo ad libertatem viamque & rationem procedendi : quoniam Dioscorus Patriarcha Alexandrinus Præses Concilii cum simultates cum Flaviano Constantinopolitano Patriarcha exerceret, milites & monachos armatos Eutychem fautores in sacrum conventum introduxit, atque Leonem Magnum quia Eutychem damnauerat, excommunicavit ; Flavianum vero qui primus aduersus eundem Eutychem decreuerat, non modo exauctoravit, verumetiam

tru-

trucidari curavit : necnon etiam omnes Patres qui Synodo intererant chartis albis per vim subscribere coëgit : quibus chartis deinceps quæcumque libuit inscripsit, ut Eutychis hæresim comprobaret: hicque fuit Synodi Ephesinæ exitus, quam proinde Patres <sup>καὶ ἡ ἐκκλησία</sup> id est, *predatoriam*, merito indigitarunt.

VIII. Cæterum Dioscoro sententiam adversus Flavianum Constantinopolitanum episcopum pronunciante hic contra conceptis verbis reclamavit : *Appello à te Dioscore*. Deinde Hilarius ecclesiæ Romanæ diaconus, quem Leo Magnus ad Synodum miserat *Contradicitur*, inquit : vide fol. 95 Surianæ, 57 Binianæ, & 183 : Romanæ Collectionis. Quare Leo Magnus scribit, *suos legatos reclamasse actis, & Flavianum Episcopum eisdem dedisse libellum Appellationis*, epistola xxiv & xxv Leonis ad Theodosium Cæsarem. Quod si obnoxii scriptores hæc in eam partem detorqueere velint, ut censeant Flavianum ad sedem Apostolicam provocasse; contra excipies, intelligi oportere de ampliori sanctorum communione & generali Synodo, ut paulo ante de Eutychis appellatione numero secundo docuimus: Idque eventus ipse & literæ Leonis Magni, Concilium generale ab Theodosio postulantis confirmant, ut statim ostendatur : alias docui quando necessitas habendi Concilii generalis occurreret, Episcopos, & maxime Patriarchas solitos indictionem Synodi

nodi apud Imperatores procurare : idque in causa fuisse cur Theodosius Augustus S. Cyrillum reprehenderet quod eum minime errorum Nestorii commonefecisset, ut huic malo Synodi indictione occurreret.

IX. Porro Vallius parte iv. quæst. ii. de Suprema potestate Papæ, cum veritatem historiæ nesciret, aut negare non auderet, diverticula sophistica mediatur : nimirum, *Theodosium juniorem convocando Synodum Ephesinam, sicut & in aliis plerisque, graviter peccasse, quod voluntati Leonis non acquieverit : hacque de causa istam Synodum perturbatissimam & plane prædatoriam fuisse.* At profecto cavillatoris est eventis quæstionem juris obruere, cum rerum successus à multis concausis pendeant, quæ in manu hominum non sunt. An, rogo, indictio causa fuit istius eventus? Equidem S. Leo longe aliter de hac re judicat, quando Theodosium summis effert laudibus, quod curam rerum ecclesiasticarum capefferet, & ad Synodi celebrationem animum adjungeret. Primo enim Cæsarem sic affatur epistola VII: *Quantum præsidii Dominus Ecclesiæ suæ in fide vestre clementiæ preparavit, his etiam literis, quas ad me misistis, ostenditur : UT NOBIS NON SOLUM REGIUM, SED ETIAM SACERDOTALEM ANIMUM INESSE GAUDEAMUS: siquidem præter Imperiales & publicas curas, piissimam sollicitudinem Christianæ religionis habetis : ne scilicet in populo Dei, aut schismata aut hæreses*  
 Lib. I. Z. aut



aut ulla scandala convalescant, &c. Quæ quidem ostendunt Theodosium, velut communem Episcopum aut sacerdotem curam gessisse externæ disciplinæ. Item epistola duodecima: *Quoniam tamen pietas vestra, quæ in honorem Dei religiosissime Catholicam diligit veritatem apud Ephesum constituit, Synodale Concilium, ut imperito seni (Eutychem designat) in quæ nimis caligat, veritas innotescat: fratres meos Julianum Episcopum, &c. Item epistola XIII. ad Pulcheriam Augustam sororem Theodosii: Augustissimus vero & Christianissimus Imperator cupiens quam celerrime turbata componi Episcopali Concilio, quod Ephesi vult haberi, nimium breve & augustum tempus indixit. Item Epistola decima quarta: Verum quia etiam talium non est negligenda curatio, & pie ac religiose Christianissimus Imperator haberi voluit Episcopale Concilium, &c. Item epistola decima quinta ad Flavianum: Et quia Clementissimus Imperator pro Ecclesiæ pace sollicitus Synodum voluit congregari, &c. Item decima sexta ad Theodosium: Acceptis Clementiæ vestræ literis, & multum universali Ecclesiæ gaudendum esse prospexi, quod Christianam fidem, qua divinitas honoratur & colitur in nullo vult esse discordem, &c. Unde quamvis ad diem Concilii Episcopalis quem Pietas vestra constituit, accurrere meratio nulla permittat, quum nec aliqua ex hoc exempla præcesserint, &c. tamen in quantum Dominus juvare dignatur meum studium commodavi, ut Clementiæ vestræ statutis ali-*



*aliquatenus pareatur : ordinatis hinc fratribus meis , qui amputandis scandalis pro causæ equitate sufficiant , quique præsentie meæ impleant vicem.*

Quibus omnibus literis S. Leonis confirmatum redditur , magnæ pietati , & zelo prudenti Theodosii attribui , quod Synodum secundam Ephesinam ad unitatem fidei ubique constituendam indixerit. Recte quidem ; quoniam Imperator tanquam Dei vicarius & minister , ac protector Ecclesiæ , est Juris Divini , Naturalis & Canonici vindex : (etiam erga ipsum Papam , ne quid tergiversentur adversarii : ) eamque ob rem illi jus Conciliorum generalium indicendorum & convocandorum competit : adeo certe , ut si quid mali ex negligentia aut cessatione Conciliorum Christianæ Reipublicæ accidat , Imperatores ejus rei culpam coram Deo præstare teneantur. Ex quo fit , ut Constantinus , Theodosius , & alii Imperatores qui sedulam navarunt operam in curanda externa disciplina Ecclesiæ , summopere ab omnibus collaudentur , ut propriis locis declarabitur. Et hætenus de secunda Synodo Ephesina prædatoria.

X. At vero postquam S. Leo per Hilarium diaconum Ecclesiæ Romanæ , quem sæpe filium vocat in epistolis , certior factus est rerum gestarum à Dioscoro , continuo rescripsit ad Theodosium Imperatorem , ejusque sororem Pulcheriam Augustam , vellent juberentque aliud haberi Concilium in Italia : quo liberius & securius causa Eutychis tractaretur. Nihilomi-

lominus, *quoniam Canones volunt negotia ubi orta sunt definiri*, & ex majorum consuetudine Concilia semper in Provinciis ubi errores damnandi inolevisent, habita fuerant : id circo auctoritate Theodosii & Valentiniani Concilium indictum est in urbe Nicæa: unde aliquanto post mortuo Theodosio translatum est Chalcedonem, postquam Martianus in Theodosii locum successit, ejusque sororem Pulcheriam Augustam duxit in uxorem: Majestate quidem Imperii ob exterarum Gentium irruptiones in Europam sensim declinante, atque Pontificum Romanorum potestate accrescente; maxime sub Leone Magno omnium Pontificum qui antea fuerant solertissimo & prudentissimo : quare ab eo tempore Imperatores precarium ferme Imperium Romæ & in Italia habuerunt. Quod autem S. Leo indictionem Concilii Chalcedonenfis ab Imperatoribus petierit, permultæ ejus literæ declarant, quarum nonnullæ sunt synodicæ, id est, scriptæ in Synodo Romana summamque Actorum Synodaliū continent. Et ita patet Leonem nihil privato aut proprio motu hac in re scivisse: Consule Tomum i Conciliorum Surii, & XXI, XXII, XXIII, XXIV, XXXI, XXXIII, XLI, XLII, XLV, XLVII, XLVIII & XLIX, epistolarum Leonis Magni. At vero apud Binium lege XXII, XXIII; XXIV, XXV, XXVI, XXXIII, XXXV, XLIII, XLIV, XLVII, XLIX,

XLIX, L & LI. Editio Romana Conciliorum aliter habet; consule Tomum II parte I Chalcedonenſis Concilii à capite 19, ad 42. ſole meridiano clariuſ videbis, Chalcedonenſe Concilium indictum & convocatum ab Imperatoribus, & ſagittatum fuiſſe à S. Leone; unde epiſtola XXIV ad Theodoſium: *Ecce Ego Chriſtianiſſime & Venerabilis Imperitor, cum ſacerdotibus meis implens erga Reverentiam Clementiæ veſtræ ſinceri amoris officium, cupienſque voſ per omnia placere Deo, cui pro voſ ab Eccleſia ſupplicatur, ne ante tribunal rei de ſilentio judicemur; obſecramuſ coram uniuſ Deitatis inſeparabili Trinitate, quæ tali ſaſto leditur (Synodum Ephelinam prædatoriam intelligit) & coram Sanctis Angelis Chriſti, ut omnia in ſtatu eſſe jubeatis in quo fuerunt ante omne iudicium, donec major ex toto orbe ſacerdotum numeruſ congregetur, &c.* OMNES PARTIUM NOSTRARUM ECCLESIÆ, omneſ manſuetudini veſtræ CUM GEMITIBUS ET LACRYMIS SUPPLICANT SACERDOTES, ut quia & noſtri fideliter reclamaruſ legati, & eiſdem libellum Appellationis Flavianuſ Episcopuſ dedit, generalem Synodum jubeatis intra Italiã celebrari, &c. Quam autem poſt Appellationem interpoſitam hoc neceſſario poſtuletur, Canonum Nicææ habitorum Decreta teſtantur: QUI A TOTIUS MUNDI SUNT SACERDOTIBUS CONSTITUTA. Quæ B. Leonis ſuaſio convincit decreta Synodi Nicænæ auctoritate omnium ſacer-

*cerdotum totius mundi* : aut, ut ait S. Gregorius, *universali consensu esse constituta* : unde insurgit, ilio tempore Papam minime agnitum pro monarcha Ecclesiæ, & Appellationem Flavianiani intelligi secundum Nicænos Canones, de ampliori atque universaliori Concilio, quod Leo nomine omnium Ecclesiarum Occidentis supplex flagitat. His & adjungenda epistola XLII Leonis ad Martianum Imperatorem : *Synodum fieri, ut meminit vestra Clementia, ipsi poposcimus* : SED SACERDOTES PROVINCiarUM OMNIUM CONGREGARI *presentis temporis necessitas nulla ratione permittit : quoniam illa Provincia de quibus maxime sunt evocandi, inquietante bello ab Ecclesiis eos non patiuntur abscedere*, &c. ubi animadversione dignum, hæc verba Leonis, *sed sacerdotes Provinciarum omnium congregari*, &c. capi oportere de Episcopis & Sacerdotibus subiectis Romano Patriarchatui, quæ Romani Episcopi diœcesis erat secundum Canonem sextum Nicæni Concilii; unde epistola paulo ante laudata scripsit *omnes partium nostrarum ecclesias petere Concilium ab Imperatoribus cum lacrymis*. At vero eximiam fraudem Baronii hic tacitus præterire nequeo, Tomo VI. Annalium anno 450. qui primus est annus Imperii Martiani : ut enim demonstret designationem loci & urbis, in qua Concilia celebrantur, absolute ab arbitrio Pontificum pependisse, Epistolam Martiani

tiani adulteravit : hæc genuina sunt Martiani verba ad Leonem PP. etiam in editione Romana Conciliorum Græcorum : *Supereſt, ut, ſi placuerit tuæ Beatitudini, in has partes advenire & Synodum celebrare, hoc facere religionis affectu dignetur, &c. Si vero hoc oneroſum eſt, ut tu ad has partes advenias, hoc ipſum nobis propriis literis tua Sanctitas mauiſteſcet quatenus in omnem Orientem & in ipſam Thraciam & Illyricum ſacræ noſtræ dirigantur, literæ ut ad quendam definitum locum UBI NOBIS PLACUERIT, omnes ſanctiſſimi Epiſcopi debeant convenire, &c.* Verum Baronius hæc ita corripit : *ut ad quendam definitum locum UBI VOBIS PLACUERIT omnes ſanctiſſimi Epiſcopi debeant convenire,* Et hoc vocant ſanctæ Sedis auctoritatem propugnare ! Vide epiſtolam 34. præambularem Chalcedonenſis Synodi in editione Romana, & Binium in notis ad Chalcedonenſe Concilium, quem non puduit Baronium, ut cæcus cæcum, ſequi : unde juxta oraculum Domini Matthæi 15. ambos in foveam cecidiſſe oportet.

XI. Supra demonſtravi, juxta diſciplinam illorum temporum, ſtatim atque Imperator Synodum indixiſſet, ſingulos Metropolitæ & Patriarchas conſueviſſe Epiſcopos ad Synodum idoneos deligere. Hocque Theologi qui neſciunt infantes ſunt, neque tam rationibus conſutandi, quam ad ſcholas, ut ſtudeant ; ablegandi ſunt : quos inter Val-

lius, qui parte iv. libri de Suprema potestate  
 Pēpæ quæst. ii. post medium, objicit, Pul-  
 cheriam Augustam *Leonem* rogare, *ut signifi-*  
*care dignetur an velit Concilium celebrari: quo o-*  
*mnēs totius orbis Episcopi, Thraciæ atque Illyrici*  
*in unam civitatem velociter ab Orientalibus parti-*  
*bus valeant convenire.* Hæc ille, eo quidem  
 magis suspectæ fidei, quod ubi antiquorum  
 testimonia illi ad sua commenta fulcienda de-  
 sunt, ea confidenter fingere & supponere  
 non vereatur. Epistola Pulcheriæ, quam lau-  
 dat, legitur Tomo ii Conciliorum ante pri-  
 mam Actionem Synodi Chalcedonensis his  
 conceptam verbis: *Præterea Reverentia tua,*  
*quocumque modo prospexerit, significare dignetur,*  
*ut omnes etiam totius Orientis Episcopi, Thraciæ*  
*atque Illyrici, sicut etiam nostro Domino piissimo*  
*Imperatori meo conjugii placuit, in unam civitatem*  
*velociter ab Orientalibus partibus valeant conveni-*  
*re, &c.* ubi observandum, Pulcheriam scri-  
 bere ad Leonem, ut Episcopos totius Orien-  
 tis Thraciæ atque Illyrii qui Patriarchatui  
 Romano subiecti erant, evocet ad Concilium.  
 Et Vallium, ut efficeret Leonem omnibus  
 Episcopis totius orbis terrarum indixisse  
 Concilium, hæc genuina verba Pulcheriæ,  
*ut omnes totius Orientis Episcopi, Thraciæ atque*  
*Illyrici, in hæc alia transformasse, ut omnes to-*  
*tius Orbis Episcopi, Thraciæ atque Illyrici:* Siqui-  
 dem Patriarchatus Episcopi Romani, sicut  
 & omnium aliorum, proprios habet situs &  
 pla-

plagas, Orientalem, Occidentalem, Septentrionalem & Meridionalem : unde Pulcheria, cum scribit Leoni, *ut totius Orientis Episcopos accerferet*, horum aliorum verborum adjunctione *Thraciæ atque Illyrici*, declaravit, de quibusnam Episcopis Orientis intelligeret : quoniam Thracia Illyrium tum erant subditæ Patriarchatui Romano, & in Chalcedonenſi Synodo hæ provinciæ Archiepiſcopo Conſtantinopolitano addictæ ſunt : & hinc illæ querelæ Leonis atque aliorum Pontificum adverſus Canonem XXVIII Synodi Chalcedonenſis. Porro ſimilis quoque ſariniæ eſt, quod Vallius ibidem refert, Leonem ita ſcripſiſſe Martiano Imperatori : *Literas dedimus ad fratres & Coepiſcopos noſtros; iſſque Concilium generale indiximus* : quæ verba nuſpiam extant in literis Leonis ad Martianum aut ad Pulcheriam : neque adverſarius numerum epiſtolæ notavit, ut proclivius lectorem fruſtraretur : Epiſtola quidem 49 ad Martianum in editione Binii hæc leguntur : *Credebamus Clementiam veſtram id deſiderio noſtro poſſe præſtare, ut præſenti neceſſitate reſpecta, differri ad opportunius tempus ſacerdotalem Synodum JUBERETIS & vocatis de cunctis provinciis Sacerdotibus, vere poſſet eſſe univerſale Concilium : ſed quia vos amore catholicæ fidei congregationem fieri voluiſtis, ne devoto obviare viderer arbitrio, fratrem & Coepiſcopum meum Paſchaſinum de ea provincia, qua videtur eſſe ſecurior, evocatum,*

*qui vicem presentiae meae possit implere, direxi, &c.* Eadem pariter leguntur epistola L. Utut sit, si forte in epistolis Leonis occurrat *illum indixisse Synodum generalem*, hæc juxta disciplinam Ecclesiae prinitivæ non ad hodiernum dominatum capi debent. Certe frequenter legendo acta Conciliorum, tandem in Epistola XCIII Leonis Magni ad Turibium Asturicensem Episcopum sub finem hæc conceptis verbis reperi: *Dedimus literas ad fratres & Coëpiscopos nostros Tarraconenses, Carthaginenses, Lusitanos, atque Gallacos, eisque Concilium Synodi generalis indiximus*: quæ verba intelligenda sunt vel de Concilio generali provinciarum Hispaniæ quæ hæresi Præscillianistarum infestabantur; vel de Concilio Patriarchali Papæ; non autem de œcumenico & universali; negaturque ejusmodi Concilia absque Imperatorum auctoritate indicta unquam fuisse. Sed ibidem Vallius causatur, *Martianum Principem agnovisse Conciliorum convocationem ad jus & auctoritatem solius Romani Pontificis pertinere*: quoniam Leo epistola ad Marianum XLIII collectionis Binii, hæc scribit: *Poposceram quidem à gloriosissima Clementia vestra, ut Synodum quam pro reparanda Orientalis Ecclesie pace, à nobis etiam petitam, necessariam judicastis, &c. Sed quia pio studio humanis negotiis divina preponitis, &c. Ego etiam vestris dispositionibus non renitor: optans ut omnium cordibus Catholica fides, qua non potest nisi una esse, firmetur.*



*tur.* Verum respondeo, verba Leonis non id tinnire quod Vallius, cavillatur : & quamquam id sonarent, iniquum & intolerabile esse hoc Martino tribuere quod à B. Leone in sua causa diceretur. Proculdubio, tametsi Martinus, sive ob novam accessionem ad Imperium, sive ob Pulcheriæ uxoris ingenium, à qua Imperium pro dote acceperat, multum remiserit de majestate quam Theodosius illius prædecessor in scribendis epistolis pro Conciliorum indictione servare consueverat, ut sola lectione epistolarum utriusque patet : nihilominus nunquam ea scripsit quæ narrantur à Vallio : nec quicquam aliud à Leone quæsit, præter consensum & diligentiam in eligendis atque mittendis Episcopis, qui Synodo, quam indicebat (conformiter ad formam disciplinæ superius conscriptæ ex praxi Ecclesiæ primitivæ) interessent.

XII. Utque os adversariis occludamus, idem S. Leo epistola LXI editionis Binii ad Episcopos Chalcedone congregatos nominatim scribit, Chalcedonense Concilium auctoritate atque præcepto Imperatorum ex consensu Apostolicæ sedis congregatum fuisse : *fraterna universitas & omnium fidelium corda cognoscant, me non solum per fratres, qui vicem meam exequuti sunt, sed etiam per approbationem gestorū Synodaliū propriam vobiscum inivisse sententiam, in sola videlicet fidei causa quod sæpe dicendum est : propter quā generale Concilium* EX

PRÆ-

PRÆCEPTO CHRISTIANORUM PRINCIPUM & ex consensu Apostolica Sedis placuit congregari. Ad hæc quoque faciunt exordia sexdecim Actionum Synodi Chalcedonenfis: quæ diserte perhibent Synodum congregatam decreto & præceptione sacra Imperatorum: utque Vallius ab una omnes alias discat, hic initium primæ Actionis exscribam: licet etiam hoc à Magdeburgensibus proponi blateret, quasi ex ea re invalidum argumentum foret. Annon & possunt Magdeburgenses aliquando verum dicere? In nomine Domini nostri Jesu Christi: consulatu piissimi & amatoris Christi, Imperatoris Flavii Martiani, perpetui Augusti, & ejus qui fuerit declaratus sub die octavo Idus Octobris, indictione IV. in Chalcedonenfi civitate Metropoli provincie Bithyniæ, facta est Synodus EX DECRETO PISSIMORUM ET FIDELISSIMORUM IMPERATORUM *Valentiniani & Martiani*: congregatis in Ecclesia sanctæ & triumphatricis Martyris *Euphemie gloriosissimis* iudicibus, &c. Conveniente etiam sancto & universali Concilio SECUNDUM SACRAM PRÆSCRIPTIONEM in Chalcedonenfi urbe congregato, id est, *Paschasino & Lucencio reverendissimis* Episcopis, & *Bonifacio religiosissimo presbytero*, tenentibus locum sanctissimi & reverendissimi *Archiepiscopi* almæ urbis *Romæ Leonis*, & *Anatolio sanctissimo Archiepiscopo inclytæ urbis Constantinopolitane novæ Romæ*, & *Dioscuro reverendissimo Episcopo magnæ Alexandrinæ civitatis*, & reliquis sanctissimis & religiosissimis  
Episcopis,

*Episcopis , id est , Maximo Antiochia Syriae , Iuvenali Hierosolymæ , Quintillo Heracleæ Macedonia , &c. Hactenus Acta : jam augurare quid Valius præstigiatur ut petitionem declinet : siquidem memorat , hac Actione prima Synodi Chalcedonensis Dioscorum accusatum fuisse à legatis Leonis PP. quod absque auctoritate & consensu Sedis Apostolicæ universale Concilium cogere ausus esset , eique contra morem antiquum præfuisse ad quam denunciationem decreto Concilii & Patrum concessu illico amotus est , & tanquam reus sedere iussus Dioscorus . Quæ accusatio contra universale Concilium & contra Augustos locum habuisset , si absque Leonis Papæ auctoritate Patres Chalcedonem convenissent . Unde ad argumentum respondent , Concilium dici ab Augustis convocatum non ex auctoritate sed tanquam voluntatis Leonis exequutoribus : ne forte Episcopi qui non nisi summis laboribus & impensis Chalcedonem poterant commere , mandatis Pontificis non obsequerentur . Viam autem exequutionis seu facti in rebus ecclesiasticis Principibus secularibus citra detrimentum potestatis ecclesiasticæ convenire fatetur . Hæc Andabata lib. de Suprema potestate parte I v. quæst. I I .*

Nam res morales quæ pressè in propriis terminis sumendæ sunt , ad scholæ argutias abstrahit , & primum , ne his in objectione à Dioscori gestis petita hæreamus , post damnatum Dioscorum Actione tertia Concilii Chalcedonensis in omnibus aliis actionibus Synodi diserte legimus , Concilium iussione Impera-

to-

torum congregatum, nulla facta mentione indictionis Leonis Magni : idque est conforme Actis primæ Ephesinæ Synodi, quinti, sexti, septimi, & octavi Concilii de quibus infra : & ita Vallii conatus plane ruit.

XIII. Quod autem Principes politicos facit exequutores voluntatis Papæ, nova quidem & exotica est athletarum Curia Romanæ opinio, valde quidem in Theologiæ Professore Regis stipendiis victitante punienda : ac si Papa esset absolutus Ecclesiæ monarcha, & Christiani Principes ad ejus nutum stringere & recondere deberent gladium, ut Bellarmino post Bonifacium VIII. perplacet. Hercle, omnes Principes politici tanquam immediati Dei ministri & vicarii in temporalibus, Jus Divinum, Naturale & Canonicum executioni dare adstringuntur erga omnes ambitu sui regni & principatus contentos, ne quidem Papa dempto: quam potestatem immediate à Deo non à Papa aut Ecclesia derivant : ut alias ostendetur. Et quamquam ordo ecclesiasticus ad electionem Regis Poloniæ aut Imperatoris Germaniæ concurrat: nihilominus id non fit ab Ecclesiasticis formaliter, ut sunt Ecclesiastici, sed tanquam cives & membra regni, imperii, & corporis politici. Hoc discat Vallius seditiosorum dogmatum assertor : quoniam ejus magistri Jesuitæ ex hujusmodi placitis sophisticis inferunt, licere Pontifici Reges atque Principes

cipes sibi immorigeros haud aliter abdicare quam *Pastor canes, quos minus habet ad manum, occidere*, ut Becanus loquitur. Et hinc illæ perennes Gallorum lacrymæ & metus : quia istis novorum dogmatum auctoribus solenne est quoscumque volunt Principes, inceptis suis minus faventes, in tyrannidis, schismatis, vel hæreseos suspicionem pertrahere apud populum, qui bellua est multorum capitum : *hacque via illos tanquam arietes aut canes furiosos parricidis manctandos exponere.* Quam doctrinam ipse Vallius in sua approbatione Epitomes Baronii à Sondano collectæ auctoravit, anno 1613. Quibus accurate perpensis aliud obnoxiorum scriptorum effugium obstruitur, perhibentium, Imperatores non aliam ob rem Synodum Chalcedonensem indixisse, quam quia solus Imperator Entychianos cogere poterat, ut se Synodo sisterent. At jam docui & infra amplius dicetur, Imperatores tanquam immediatos Juris Diuini, Naturalis & Canonici vindices octo primas Synodos generales indixisse : idque contra novorum Theologorum contumaciam saepe sæpius frequentare oportet.

XIV. Cæterum potestate indicendi & convocandi Concilii Chalcedonensis evoluta, superest de *Præside Synodi videamus* : quæ difficultas explicatur epistola Synodali ad Leonem quam habes Actione tertia juxta Surii & Binii Collectionem : at in editione Romana,

mana, tertia parte Concilii Chalcedonenfis  
 c.2. in hæc verba : *Si enim ubi sunt duo aut tres  
 congregati in nomine Christi, Christus ibi se medio  
 eorum fore perhibuit, quantum circa Sacerdotes  
 peculiaritatem potuit demonstrare, qui & patriæ  
 & labori suæ confessionis notitiam prætulere ?*  
*Quibus tu quidem sicut membris caput præeras in  
 iis qui tuum tenebant ordinem, benevolentiam  
 præferens : Imperatores vero fideles ad ordinan-  
 dum decentissime præsidebant, sicut Zorobabel &  
 Iesus Ecclesiæ tanquam Hierusalem edificationem  
 renovare circa dogmata adnitentes, &c, Græca*  
 sic habent in editione Romana : *ὁ ὡς ἂν κεφαλὴ  
 μέλων ἡγούμενος : βασιλεῖς δὲ πρὸς δικοσμίαν ἐξέχον :* id est ;  
*tu quidem sicut caput membris præeras, aut du-  
 catum præbebas : Imperatores vero fideles ad ordi-  
 nandum præsidebant cum Imperio & auctoritate  
 cogendi : hoc enim Græca sonant & discrimen  
 positum est inter hæc duo vocabula, ἡγούμενος,  
 atque ἐξέχων : quorum illud proprium est actioni-  
 bus quæ consilio & ductu rationis ; hoc autem quæ  
 auctoritate & imperio cum vi externa opus est per-  
 ficiuntur. Itaque quamquam præesse & præsidere ;  
 ut plurimum pro una & eadem re usurpari so-  
 leant : nihilominus id hoc in loco significant :  
 ut Princeps secularis, cui soli dominium at-  
 que exercitium gladii creditum est, Roma-  
 norum 13. præsideat Concil. quatenus omnia  
 rite, ordine & secundum Canones fiant : &  
 ne quid turbarum à quoquam edatur, aut vis  
 cuiquam inferatur : hocque ad externæ disci-  
 plinæ*

plinæ ecclesiasticæ regimen & constitutionem spectat: cujus ratione: *Constantinus se communem Episcopum rerum externarum vocabat.*

At Romanus Episcopus cum aliis Patriarchis, præfunt Actionibus Concilii per actus hierarchicos: quoniam fides & Sanctorum communio docendo atque suadendo libere conciliatur & sancitur. Profecto ex omnibus actionibus Chalædonensis Synodi liquet Martianum Cæsarem, Senatum, aut judices constituisse qui Synodo ad *ἡμετέραν* constitutendam præsiderent, atque auditis & subductis Patrum suffragiis, hoc aut illo modo Canonem condi oportere pronunciarent, omnemque occasionem altercandi aut conterendi tempus in superfluis, auferrent Patribus. Quæ omnia versantur in quæstione facti: nam soli Ecclesiastici quæstionem juris tractant atque decidunt.

XV. Verum ex occasione rerum à Dioscoro conturbatarum, Legati S. Leonis ordinem sedendi & subscribendi, secus quam in prima & secunda Ephesina Synodo obtinent. Cum enim omnes Patriarchæ excepto Antiocheno essent in causa, jus præsidendi Maximo Antiocheno competabat secundum regulam ordinis sedium Patriarchalium. Nam Dioscorus Alexandrinus Eutychem absolverat & Flavianum Constantinopolitanum damnaverat, huicque sententiæ Hierosolymitanus etiam subscripserat, in secunda Synodo

Ephesina, cui Maximus non interfuerat, quia illo tempore nondum esset Episcopus Antiochenus. Porro Anatolius, cum esset Flaviani successor, & de Synodo Constantinopolitana quam ipsemet Flavianus adversus Eutychem habuerat, ageretur, non poterat jure principem locum præsidendi obtinere. Verisimile est quoque Anatolium, ut Leonem ejusque legatos gratiores haberet, in iis quæ pro Ecclesiæ Constantinopolitanæ primatu meditabatur, sponte cessisse jure præsidendi, & propterea Maximum Antiochenum de eo noluisse cum legatis sedis Romanæ contendere. Verum confessus in hac Synodo ejusmodi erat, ut judices à Martiano Augusto constituti, in ipso meditullio Ecclesiæ Sanctæ Euphemie ante cancellos sanctissimi altaris, (tum enim unum duntaxat in unaquaque Ecclesia erat altare) confiderent: Legati vero Leonis Magni cum Anatolio Constantinopolitano, Maximo Antiocheno, & aliis permultis, à sinistra parte, quæ secundum Græcorum consuetudinem nobilior est; à dextera autem Dioscorus Alexandrinus, Juvenalis Hierosolymitanus, atque alii permulti. Quocirca judices eminentiorem locum occupabant: & in medio confessu Sacro-Sancta Evangelia spectabantur in throno eminentiore, quæ Christum Dominum repræsentabant, Patresque hujus oraculi commonefaciebant: *Ubi fuerint duo vel tres congregati in nomine meo, ibi sum in medio eorum,* Matthæi 18.



XVI. At vero ex omnibus Actionibus Concilii Chalcedonenſis claret, Anatolium Conſtantinopolitanum Episcopum & ordine ſedendi, loquendi, atque ſubſcribendi ſemper ſecundas partes tenuiſſe poſt Romanum Episcopum juxta III Canonem Conſtantinopolitanæ, aut XXVI Chalcedonenſis Synodi. Ex quo innotescit, falſo obtendi à recentioribus Canonem III Conſtantinopolitanum aut XXVIII Chalcedonenſem nullum robur habuiſſe niſi aliquot ſeculis poſt Synodum Chalcedonenſem : imo vero certum eſt ſtatim poſt Synodum Conſtantinopolitanam viguiſſe: neque Paſchaſinus, Lucentius & Bonitacius legati Leonis PP. Conſtantinopolitano Archiepiſcopo ullam litem moverunt, quod ſecundo loco & immediate poſt ſe ſuffragium ferret, aut ſederet ſed tantum ubi animadverterunt Provinciam Thraciæ Patriarchatui Conſtantinopolitano adſcribi : quam tamen Romanus Patriarcha ſuam eſſe contendebat : qua de re fuſius infra. Procul dubio ipſemet Paſchaſinus legatus S. Leonis Actione prima, pagina vigefima Collectionis Surii, octava Binii, & ſexageſima quarta Romanæ editionis, queritur de pseudo-Synodo Ephesine, quia quintum locum Flaviano dediſſet : *Ecce, inquit, nos Deo volente Dominum Anatolium primum habemus, hi quintum poſuerunt Beatum Flavianum* : & ita relinquitur, propria conſeſſione legatorum Leonis Magni, ſecundas

partes Patriarchæ Constantinopolitano deferri. Sed Auctor Præfationum Historicarum Romanæ editionis comminiscitur legatos Romani Pontificis rogasse Martianum Imperatorem ut Synodo Chalcedonenſi intereſſe vellet ad ſedandos tumultus Eutychianorum, atque legatos Apoſtolicos in eadem Synodo, non Imperatorem præſediſſe; fabulæ! nam tantum juris habuit Martianus, ut Synodo Chalcedonenſi intereſſet, quantum olim Conſtantine Magnus in Nicæno Concilio, & dehinc Conſtantine Pogonatus ſexta Synodo contra Monothelitas. Prætera, cum exploratum haberet Martianus turbas editas in ſecunda Synodo Ephesine, id ex officio impedire tenebatur; quæque dicit Auctor præfationum, nullo teſtimonio aut ratione fulciuntur, imo vero Actis clariſſime repugnant, quæ docent & Leonem Magnum per ſuos legatos, & Imperatorem per ſe ipſum præſediſſe Concilio tanquam Dei miniſtrum & vicarium ac Legis Divinæ, Naturalis & Canonice vindicem in rebus temporalibus: quocirca cavere debet, ne quid barbarum aut diſcordiæ naſcatur in omnibus conventibus Eccleſiaſticis, quia ſponſor & vindex eſt publici ordinis & pacis.

XVII. His Præmiſſis, ſingulas Actiones Concilii percurramus: quæ ſexdecim numero ſunt, totidem dierum decurſu conſectæ: ita ut unicuique Actioni unus dies nec amplius  
in

in omnibus octo primis generalibus Conciliis impenderetur : quamdiu Principes politici eorum curam gesserunt, eisque præfederunt : tum enim paucissimæ erant ceremoniæ atque exiguus apparatus externus Conciliorum, sed multum virtutis atque effectus : adeo ut ipsi met Episcopi absque ulla æmulatione aut gloriæ mundanæ desiderio, de obediendo Principi politico, quam de illi leges præscribendo multo magis essent solliciti: ex quo tum permaximus in totam Rempublicam Christianam fructus redundabat. Tota priore Actione res gestæ partim in Synodo provinciali Constantinopolitana (cui Flavianus Archiepiscopus Constantinopolitanus adversus Eutychem, partim in Synodo Ephesina cui Dioscorus contra Flavianum præfuerat) recognoscuntur : ac statim initio Paschasinus vicarius Sedis apostolicæ cum collegis suis hæc refret : *Beatissimi atque Apostolici viri Papæ urbis Romæ, quæ est caput omnium Ecclesiarum, præcepta habemus præ manibus, quibus præcipere dignatus est ejus Apostolatus ut Dioscorus Alexandrinorum Archiepiscopus non sedeat in Concilio, sed audiendus intromittatur : hoc nos observare necesse est : aut ille ergo egrediatur, aut nos eximus, Gloriosissimi judices dixerunt : Quid specialiter ingeritur Dioscoro? Lucentius Vicarius sedis Apostolica dixit : judicii sui necesse est eum dare rationem : quia cum personam judicandi non haberet, præsumpsit, & Synodum ausus est facere,*

*sine auctoritate sedis Apostolica, quod nunquam licuit, quod nunquam factum est. Gloriosissimi iudices dixerant; convenit vos specialiter quid erraverit exponere. Lucentius dixit: non patimur tantam injuriam nec vobis fieri nec nobis, ut iste sedeat qui indicandus advenit. Gloriosissimi iudices dixerunt: si iudicis obtines personam, non ut accusator debes prosequi.*

XVIII. Quibus auditis legati Papæ filuerunt, atque Eusebius Dorylæi Episcopus Eutychis accusator, quem Dioscorus in Pseudo-Synodo Ephesina damnaverat, accusandi partes suscepit, aitque Flavianum Episcopum occisum à Dioscoro, seque una male multatum, petitque ut capita suæ querimoniae ad Martianum Imperatorem legantur. Gloriosissimi iudices atque amplissimus senatus dixerunt: *preces legantur.* Tum hæc epistola Eusebii Dorylensis ad Martianum perlegitur: *Amatoribus Christi, religiosissimis & piissimis Imperatoribus nostris Flaviis, Valentiniano & Martino, perpetuis Augustis, &c. Intentio & propositum est Clementiæ vestrae universis quidem sibi subditis providere, & manum porrigere omnibus injuste oppressis: præcipue tamen surgentibus sacerdotio: in hoc divinitati placentes, à qua vobis imperare & dominari sub hoc sole donatum est. Ergo quoniam multa & dira contra omnem consequentiam fides, quæ in Christo est, & nos sumus perpeffi à reverendissimo Dioscoro Episcopo Alexandriae magnæ Civitatis, adimus vestram Pietatem,*  
*sup-*

*applicantes justitiam promereri. Causa autem in his est, res gestas in Pseudo Synodo Ephesina recenset.) Precamur vestram Clementiam, ut præcipiatis, reverendissimum Episcopum Dioscorum respondere de his quæ à nobis ei ingeruntur, relictis sine dubio in hoc Concilio monumentis ab eo contra nos gestis, per quæ possumus ostendere, cum & alienum esse à catholica fide & impietate repletam hæresim roborantem: & injuste nos damnantem, & gravia in nobis operatum, dirigentes sanctæ & universali Synodo religiosissimorum Episcoporum quo possit inter nos & præfatum Dioscorum audire & perferre ad scientiam vestræ Pietatis omnia quæ geruntur ad quod placuerit vestræ Clementiæ, quod consequuti incessantur offeremus Deo preces pro vestro eterno imperio, &c. Qua ex epistola & libello supplice Dorylensis Episcopi, colligimus licitum Ecclesiasticis, sese adversus ipsosmet ecclesiasticos auctoritate laica munire, si quando illi aliquid patrent contra Canones: & rogare Magistratum aut Principem politicum ut curet causam ab Ecclesiasticis recognosci, vel ipsemet saluti afflictorum, ut æquum est, provideat: hoc enim proprio officio præstare obstringitur auctore Hieronymo 23. quæst. 5. Can. Regum officium est proprium facere judicium & justitiam, & liberare de manu calumniatorum vi oppressos & peregrino pupilloque præbere auxilium. Neque id Canonibus repugnat: recte enim Patres Milevitoni Canone xix. edixerunt, ut, si cle-*

*rici ab Imperatore cognitionem judiciorum publicorum petierint, honore proprio priventur : si autem Episcopale judicium ab Imperatore postularint, nihil eis obsit.* Hercle si hoc tempore Ecclesiastici suas Synodos liberas celebrarent, neque anticipatis odiis & opinionibus Curiaë Romanæ plerumque contra boni Pastoris munus agerentur, politicorum Principum tribunalia crebris Appellationibus *ab abusu* non ita adversus oppressiones Ecclesiasticorum peritrepent.

XIX. Verum hac eadem prima Actione Chalcedonenſis Synodi cum Theodoretus Cyri Episcopus qui à Dioscore excommunicatus fuerat propterea quod Anathematismos in B. Cyrillum Alexandrinum scripſiſſet, peteret ad conſeſſum Concilii admitti : atque judices à Martiano conſtitui pronunciaſſent, *ut Theodoretus reverendus Episcopus ingrederetur, ut eſſet particeps Synodi quia ei Episcopatum reſtituiſſet Sanctiſſimus Leo PP. & Sacraſſimus Imperator cum Synodo adeſſe ſanxiſſet :* quamprimum eſt ingreſſus Ægyptii atque Illyriciani & Paſtini Episcopi clamaverunt : *Miſeremini, fides perit, iſtum Canones ejiciunt : hunc foras mittite, Magiſtrum Neſtorii foras mittite.* Tandem ad compeſcendos ejuſmodi clamores judices edicunt, *ne præſentia Theodoreti cuiquam faceret præjudicium, quo minus poſtea qui vellent illum poſſent accuſare :* Præterea Ægyptii memores S. Cyrillum male à Theodoro acceptum cum vocifera-

ren-

rentur, *iste Cyrillum Anathematizavit* : & vicissim Orientales qui Theodoro to patrocina-  
bantur clamarent : *Dioscorum homicidam foras*  
*mittite* : iudices declarant, *istas acclamationes*  
*populares, neque Episcopos decere, neque partes*  
*juvare : omnesque pati debere, ut acta perlegeren-*  
*tur, & omnia secundum ordinem fierent ac recen-*  
*serentur* : quare pedetentim ad causam Dio-  
scori ventum est : & cuncti Orientales enun-  
ciarunt, *neminem voluntarie in Flaviani Archie-*  
*piscopi Constantinopolitani atque Eusebii Dorylensis*  
*damnationem consensisse* : Nam ubi milites, gladii  
& fustes, qualis Synodus ? In pura charta subscri-  
psimus, *inquit, homicidam foras mittite* : Con-  
tra autem Ægyptii & qui eis aderant, clama-  
verunt : *Synodus Episcoporum est non clericorum :*  
*superfluos foras mittite* : Et aliquanto post, Impe-  
rator Episcopos vocavit, *Synodus Episcoporum est.*  
Quæ quidem magis per contentionem & re-  
criminationem dicta fuisse ab Ægyptiis Patres  
Chalcedonenses & iudices à Martino constituti eo ipso indicant quod super hac alter-  
catione Ægyptiorum *Synodus Episcoporum est,*  
*superfluos foras mittite, &c.* nihil plane fanciunt.  
Ceterum quamquam Synodus generalis pro-  
prie & primario sit Episcoporum, tamen hoc  
non obstaculo est, quo minus presbyteri cu-  
ram habentes animarum secundas, non obti-  
neant post Episcopos in Synodis : quia sicut  
oculus non est totum corpus, ita nec soli Epi-  
scopi Hierarchiam efficiunt. Quamobrem

nullæ Synodi generales novem primis seculis Ecclesiæ extiterunt in quibus non federint aliqui presbyteri, ut alias demonstravi. Profecto ex sexcentis triginta patribus qui Synodo huic suffragati perhibentur, permultos sacerdotes fuisse certum est : quando ex Actis trecentos Episcopos definitioni subscripsisse vix colligimus. Equidem Episcopo subscribente ipsos presbyteros Acta etiam una implicite & interpretative cum Episcopo subscribere tam probabile est, quam Consiliarios Parlamenti cum ipso præside & cognitore causæ Senatus consultum obsignare. Ex quo relinquitur Valium imperite & sophistice hunc *Ægyptiorum clamorem Synodus Episcoporum est, clericos foras mittite* obtendere, quasi presbyteri nullum penitus jus suffragii habeant in Synodis generalibus. Verum isti clamores, contentiones & æmulationes Patrum certissimo sunt indicio quam necessaria fuerit auctoritas Senatus à Martino Patribus dati ad *Arianas* & libertatem dicendæ sententiæ unicuique servandam.

XX. Cæterum valde notabile est quod iudices petunt à Patribus : *num S. Flavianus Episcopus Constantinopolitanus in sententia constituenda adversus Eutychem orthodoxe definierit, an vero erraverit : atque Paschasium vicarium Sedis Apostolicæ dicere expositionem fidei factam a Flaviano cum epistola Leonis Magni concordare, & sancte, integre, & Catholice exposuisse ac sensisse :*  
om-



omnesque Patres idem respondent fol. 39 Sorianæ, 20 Binianæ, & 95. Romanæ editionis. Et ita habemus Flavianum omnium primum Eutychianam Hæresim debellasse Synodo privata Constantinopolitana. Procul dubio Leo Magnus post damnatum Eutychem à Flaviano epistola septima ad Theodosium Augustum scribit, nihil sibi adhuc plane constare de causa Eutychis damnati: Idque apprime notandum videtur contra eorum adulationes qui solum Papam esse infalibilem, & Leonem ita Eutychem damnasse prædicant, ut Patres Chalcedonenses ejus sententiam duntaxat amplexi sint nihilque de suo contulerint.

Secunda Actio Chalcedonensi ubi declaratum est Synodum edicto Imperatorum coactam juxta ordinem & confessum in prima Actioe exhibitum, judices hac utuntur oratione: nimirum priori Sessione factam inquisitionem de Flaviani & Eusebii Dorylenis condemnatione, &c. Nunc vero procedendum & quærendum de recta fide cujus causa Concilium celebratur: *Scientes igitur quia & Deo rationem reddituri estis tam pro animabus propriis singuli vestrum quam pro nostris omnibus, inquit judices, qui quidem & doceri quæ ad religionem pertinent, recte desideramus, & omnem ambiguitatem auferri ex omnium Patrum doctrina: festinate igitur, ajunt, sine ullo timore & gratia atque inimicitia fidem puram exponere: ita ut qui viden-*

videntur non eadem cum omnibus sapere per veritatis agnitionem ad concordiam revocentur. Scire enim vos volumus, quia tam diviniſſimus & piſſimus orbis Dominus, quam nos, Catholicam fidem à ſanctis trecentis decem octo & à ſanctis centum quinquaginta, nec non etiam à cæteris ſanctiſſimis & gloriſſimis Patribus traditam custodimus, & ſecundum ipſam credimus. Reverendiſſimi Epiſcopi clamaverunt, Expositionem alteram nullus facit, neque tentamus, neque audemus exponere, &c. Cecropius reverendiſſimus Epiſcopus Sebaſtopolitanus dixit: Emerſerunt quæ ad Eutychem pertinebant, & ſuper iſ forma data eſt à ſanctiſſimo Archiepiſcopo Romane urbis, & conſtat nobis, & epiſtola omnes ſubſcripſimus. Reverendiſſimi Epiſcopi clamaverunt: Iſta omnes dicimus, ſufficiunt quæ expoſita ſunt alteram expoſitionem facere non licet. Gloriſſimi iudices & ampliſſimus Senatus dixerunt: Si placet veſtræ Reverentiæ ſanctiſſimi Patriarchæ ſingularum provinciarum eligentes ſingulos aut binos ſuæ propriæ quique provincia in medio tranſeuntes, & communiter de fide traſtantes quæ complacita fuerint omnibus manifeſta conſtituantur: quatenus, ſicut optamus, ſi omnes conſenſerint, ſolvatur omnis ambiguitas: ſin vero aliqui contraria, quod non putamus, ſapuerint. Ita fiat, ut eorum voluntates manifeſta conſtituantur. Reverendiſſimi Epiſcopi clamaverunt: Inſcriptis expoſitionem non facimus: Regula eſt quæ prædicat ſufficere quæ ſunt expoſita: Regula vult aliam expoſitionem non fieri: ea quæ ſunt Patrum teneantur, &c. Cecropius Epiſcopus Sebaſtopo-

*ſtopolitanus dixit : Fides bene diſceptata eſt à trecentis decem octo ſanctis Patribus & firmata à ſanctis Patribus Athanaſio , Cyrillo , Caſeſtino , Hilario Baſilio , Gregorio , & nunc iterum per ſanctiſſimum Leonem , & precamur , ut ea quæ ſanctorum Patrum trecentorum decem & octo ſunt , & quæ ſanctiſſimi Leonis , recitentur . Gloriſſimi iudices & ampliſſimus Senatus dixerunt : Recitentur quæ expoſita ſunt à ſanctis trecentis decem & octo Patribus in Nicæa congregatis , &c. Itaque legitur Symbolum Nicænum , & Conſtantinopolitanum , cum epiſtola Leonis Magni ad Flavianum Conſtantinopolitanum Epiſcopum , poſt quam Flavianus Eutychem damnaverat : unde ſupra Actione prima monuimus iudices quæſiſſe à Patribus , utrum necne Flavianus recte ſentiret aut erraſſet in fide , reſponſumque à Legatis Leonis Papæ , cæterisque Patribus , illius fidem congruere Epiſtolæ Leonis , &c. His perlectis , tandem definitio orthodoxæ fidei differtur in quintum diem iudicibus ita poſtulantibus : de qua agetur in quarta & quinta Actione .*

XXI. Hic inter alia obſervandum , nomen Patriarchæ uſurpari à iudicibus , ſi placet veſtræ Reverentiæ ſanctiſſimi Patriarchæ ſingularum provinciarum eligentes , &c. Quod videtur de ſingulis Metropolitanis intelligi oportere . Hinc autem colligimus quanta prudentia iudices ab Imperatore conſtituti uſi ſint , ut communionem Sanctorum & catholicum Eccleſiarum

rum consensu inirent ac stabilirent: quod imitandum proponi debet Ecclesiasticis, & præfertim Romanæ Curiae quæ sibi absolutam potestatem omnia decernendi assumit.

XXII. Tertia Actione quoniam de rebus ad fidem spectantibus minime agebatur: sed privatim res gestæ à Dioscoro examinabantur, ut secundum Canones deciderentur: iudices à Martino constitui non interfuerunt Synodo. Verum in primis Eusebius Dorylæi Episcopus Dioscorum accusat: hicque ad Synodum Canonice vocatus cum effugia necteret, peteretque senatum & iudices à Martino constitutos Actioni interesse, illi respondetur: *Regularia esse quæ Eusebius contra illum proponenda haberet: neque moris esse quando regularia, id est, causæ mere ecclesiasticæ, quæ secundum Canones judicari debebant, tractarentur, iudices aut laicos Synodis aut ejusmodi regularibus judiciis interesse.* In eundem pariter Dioscorum prodierunt Athanasius presbyter Alexandrinus, Ischyrius, & Theodorus Diaconi Alexandrinæ Ecclesiæ cum Sophronio Christiano conquestionem facturi de injuriis sibi à Dioscoro illatis: quorum literæ ad Leonem PP. recitantur in Concilio, Leonemque vocant *universalem Archiepiscopum & Patriarcham magnæ Romæ.*

XXIII. Quibus ita gestis Patres jubent Dioscorum ter Canonice vocari atque interpellari, ut se coram Synodo sisteret: cum autem

tem

tem venire detrectasset, sententia in eum tanquam contumacem ac rebellem pronuntiatur. Atque Stephanus Episcopus Ephesi dixit : *hoc consequens est, ut qui secundum sanctos Canones vocatus, eosdem Canones conculcavit, eorum sententia subjaceat.* Paschasinus Episcopus legatus sedis apostolicæ sic Patres universos alloquitur : ITERUM ROGAMUS VESTRAM Beatitudinem : *Ecce tertio à sanctis fratribus & Coëpiscopis nostris vocatus, & contemnens, & non veniens quo dignus est. Quid placeat vestra Sanctitati volumus discere : Lucianus Episcopus dixit : à beatissimo Patre nostro & Episcopo Cyrillo in sancta Ephesina Synodo contra Nestorium quædam acta sunt ; ipsa inspicientes formam quæ placuerit date.* Paschasinus Episcopus dixit, JUBET RELIGIOSITAS VESTRA UT ULTIONE Ecclesiastica contra eum utamur ? Consentitis ? Sancta Synodus dixit : Omnes CONSENTIMUS QUÆ REGULIS SUNT PLACITA IN EO FIERI : Paschasinus Episcopus dixit, JUBET RELIGIOSITAS VESTRA, ut ecclesiastica sententia adversus eum utamur ? Sancta Synodus dixit : etiam consentimus. Quintus, Episcopus Phocensis dixit : *quando sanctum Flavianum Catholica fidei custodem interfecit, neque Canones protulit, neque lecti sunt, neque aliquo Ecclesiastico ordine usus est, sed propria utens auctoritate eum damnavit : Nunc vero omnia Canonice placuerunt, & non debent iterum dilationibus protrahi.* Julianus Episcopus Hyperensis dixit : Sancti Patres audite : *Quando in Ephesina Metro-*  
*poli*

poli primatum habebat Dioscorus ad iudicandum  
 inter sanctum Flavianum, Eusebium Dorylensem,  
 & Eutychem, ex omni parte iniquam proferens  
 sententiam, ipse prius prosequutus est iniquum ju-  
 dicium. Nunc vestra Sanctitas tenet SS. Leonis  
 primatum, & cognovit vestra Sanctitas & omne  
 sanctum Concilium, quod secundum Dei gratiam  
 & sanctionem piissimorum Imperatorum congrega-  
 tum est Concilium, & cognovit singula quæ in E-  
 pheso injuste facta sunt: & omnia quæ ibi gesta sunt  
 vestra Sanctitati innotuerunt. Et semel & secundo  
 & tertio vocavit Dioscorum, & nullatenus voluit  
 obedire. Petimus vestram Sanctitatem qui habetis  
 locum sanctissimi Papæ Leonis promulgare in  
 eum, ET REGULIS INSITAM CON-  
 TRA EUM PROFERRE SENTENTIAM.  
 Omnis enim & tota universalis Synodus concors  
 efficitur vestræ sententiæ. Paschasinus Episcopus  
 dixit, ITERUM DICO QUID PLACET BEA-  
 TITUDINI VESTRÆ? Maximus Episcopus Magnæ  
 Antiochena civitatis dixit: quod videtur Sanctitati  
 vestra & nos concordēs efficimur. Quibus ita per-  
 actis, Paschasinus, Lucentius & Bonifacius  
 tenentes locum B. Leonis Magni sententiam  
 pronunciarunt. Hinc vero clarat Ecclesiam  
 Canonibus & Regulis non absoluta potestate  
 gubernari: unde Cardinalis Causanus lib. II.  
 de Concordantia Catholica, cap. 8. Ecce quod  
 legati Apostolici in Concilio quia primo loco exi-  
 stunt, prius proferunt sententiam, si Synodus jubet  
 & per illos omnes secundum ordinem, & ex unitate  
 volun-

*voluntatis & concordia dependet sententiæ vigor: vi-  
des etiam quod sententia Sedis Apostolica deposizio-  
nis Dioscori juxta Canonicas regulas in universali  
Synodo fuit iterum examinata, quod mente tenen-  
dum, & notandum existit. Hæc ille. At summa  
orationis legatorum sedis Apostolicæ fuit, Dio-  
scorum omnia contra Canones turbasse, sibi prima-  
tum irregulariter suscepisse atque Eutychem in com-  
munionem recepisse priusquam consideret in Ephe-  
sina Synodo: ibidem B. Leonis literas legi noluisse,  
sed eum excommunicasse: tercio vocatum Canonice  
ad Synodum non obtemperasse, & omnes Canones  
conculcasse. Quocirca sententiam in hunc mo-  
dum pronunciant: Sanctissimus & Beatissimus  
Archiepiscopus magnæ & senioris Romæ, Leo, per  
nos & per præsentem sanctam Synodum, una cum  
ter beatissimo & omni laude digno B. Petro Aposto-  
lo, qui est petra & crepido Catholicæ Ecclesiæ, &  
ille qui est rectæ fidei fundamentum, nudavit eum  
tam Episcopatus dignitate, quam etiam ab omni sa-  
cerdotali alienavit ministerio. Igitur sancta hæc &  
magna Synodus QUÆ PLACENT REGULIS SU-  
PER MEMORATO DIOSCORO DECERNAT.  
Anatolius Archiepiscopus Regiæ Constantinopolis  
novæ Romæ dixit: Hæc eadem Apostolicæ Sedis per  
omnia sapiens, concors, efficior sententiæ super da-  
mnatione Dioscori quondam Alexandrinæ magnæ ci-  
vitatæ Episcopi, qui seipsum ab omni sacerdotali mi-  
nisterio ostendit alienum: eo quod in omnibus san-  
ctorum Patrum regulis extitit inobediens, & tercio  
canonice vocatus, noluit obtemperare. Maximus*

*Episcopus Magnæ Antiochiæ civitatis dixit : Quoniam Dioscorus quondam Alexanarina magnæ civitatis Episcopus super alia , & tertio ad se facta regulari vocatione inobediens visus est , non occurrens : ideo eum Ecclesiastica sententiæ subijcio , sicut & sanctissimus & beatissimus Archiepiscopus Pater noster Leo , regiæ senioris Romæ per vicarios suos , & sanctissimus & beatissimus regiæ novæ Romæ Archiepiscopus Anatolius interloquuti sunt , &c. Stephanus Episcopus Ephesi Metropolis dixit : & ego his quæ dicta sunt religiosiss. & sanctissim. Leone & Anatolio supra damnatione Dioscori quondam Alexandrina magnæ civitatis Episcopi concors efficior , & alienum eum ab omni sacerdotali dignitate esse definio.*

XXIV. Summa sententiæ omnium Episcoporum sigillatim suffragium dicentium eo redit, ut omnes nominatim dicant, se cum Vicariis B. Leonis & Anatolio Constantinopolitano Archiepiscopo sentire. Sed Antiochus Episcopus Synopenfis dixit : *His quæ legitime & juste & regulariter definita sunt à Dei amantissimo & sanctissimo Archiepiscopo Romano Leone , & à sanctissimo Archiepiscopo regiæ civitatis Anatolio super Dioscoro , & ipse consors efficior , alienans eum ab omni sacerdotali ministerio , &c. Quæ demonstrant in hæc Synodo , sicut & in aliis superioribus , omnia ex sanctorum communionem & consensu Patrum , minime vero absoluta unius Leonis Papæ auctoritate decerni : quandoquidem ipsius legati postquam*  
*multa*



multa elate atque ampullose loquuti sunt, tandem concludunt in hæc verba : *Igitur sancta hæc & magna Synodus qua placent regulis super memorato Dioscoro decernat* : nihilominus antea sic verba sua conceperant, ut quasi velle efficere viderentur Patres exequutores sententiæ Leonis sicut hæc verba indicant *Sanctissimus & Beatissimus Leo PER NOS ET PER PRÆSENTEM SANCTAM Synodum unicuique ter Beatissimo Petro* : quasi vero Leo Dioscorum damnaret per Synodum velut per instrumentum, ut Rex solet per iudices suos damnare reos : cum ipsa Synodus sit totum, & Leo cum legatis habeant rationem partis atque instrumenti. Certe legati egregie instructi atque informati fuerant ad potestatem Leonis ampliandam, sicut ex lectione actuum patet : vixque alios ullos reperias legatos, qui tam ampullose in Synodis aliis loquuti sint. Porro dum major pars Episcoporum dicit se cum B. Leone & Anatolio Constantinopolitano sentire, non tam illorum sententiam amplectitur, quam declarat Canonibus atque orthodoxæ fidei congruere, & dignam esse ut ad eam sanctorum communio accedat : ratio est, quia Dominus Ecclesiæ collectim sumptæ facultatem infallibilem decernendi impartivit, voluitque omnia communi & Catholico consensu non unius imperio decerni imò vero his verbis *ubi fuerint duo vel tres congregati in nomine meo*, Matthæi

18. omnem singularitatem atque monarchiam excludit ; quamobrem quinta Actione cum iudices rogarent Patres . utrum epistolam Leonis contra Eutychem susciperent , cuncti clamaverunt : *suscipimus : Epistolam definitio firmavit : definitio habet omnia , definitio fidem habet : Leo eadem dixit quæ & Cyrillus : Cælestinus quæ & Cyrillus dixit firmavit : Christus roboravit quæ & Cyrillus dixit.* Quo ex loco pronum est videre , definitionem Synodi , robur atque auctoritatem conciliare decretis Papæ aut Romanæ Ecclesiæ : quia , ut ait S. Hieronymus , *orbis major est urbe* , Can. *legimus* dist. 93. Quare supra monui in more positum fuisse antiquis , ut hominum singulorum motus & instituta , communione sanctorum examinarent ac probarent , ita ut minor sanctorum communio ampliore auctoraretur & firmaretur. In eumque finem Synodorum usum institutum à Christo & à Patribus Ecclesiæ primitivæ ad nos transmissum. Unde Apostolus ait *Spiritum Prophetarum subiectum esse Prophetis* , 1. Corinthiorum 14. Quibus & accedit S. Leonis auctoritas epistola LXI. Collectionis Binii ad Patres Chalcedone congregatos : *Per approbationem gestorum Synodaliū propriam vobiscum inivisentiam , in sola videlicet fidei causa , quod sæpe dicendum est propter generale Concilium ex præcepto Christianorum Principum & ex consensu Apostolicæ Sedis placuit congregari.* Item est epistola LXIII. ad

ad Theodoretum Cyri Episcopum : *Remean-  
tibus ad nos fratribus & consacerdotibus, quos ad  
sanctum Concilium Sedes R. Petri direxit, agno-  
vimus dilectionem tuam superno adiutorio nobiscum  
tam Nestoriana impietatis quam Eutychiana ve-  
sania extitisse victricem. Unde gloriamur in Do-  
mino cum Propheta cantantes : Adjutorium no-  
strum in nomine Domini, qui fecit cælum & ter-  
ram, qui nullum in nostris fratribus detrimentum  
sustinere permisit : sed quæ nostro prius ministerio  
definierat, UNIVERSÆ FRATERNITATIS IR-  
RETRACTABILI FIRMAVIT ASSENSU :*  
*ut vere à se produsse ostenderet, quod prius à pri-  
ma omnium Sede formatum totius Christiani or-  
bis iudicium recepisset : ut in hoc quoque capiti  
membra concordent. Item paulo infra : Episto-  
lam Sedis Apostolicæ UNIVERSALIS SANCTÆ  
SYNODI ASSENSU FIRMATAM, &c. Cæte-  
rum has duas epistolas ideo hic edendas duxi,  
quia B. Leo blandiente cathedra, Sedis A-  
postolicæ iudicium & potestatem multo plus  
in illis quam in aliis epistolis extollit, ut hinc  
adversarii intelligant, si nobis strictissime  
standum esset omnibus quæ Romani Pontifi-  
ces, & maxime Leo Magnus in sua causa ef-  
fudit; nihilominus liquere ejusdem Leonis  
testimonio, sententiam Sedis Apostolicæ robur  
& auctoritatem habere irretractabilem à commu-  
nione sanctorum universalis Synodi : Nam, inquit,  
per approbationem gestorum Synodaliū, pro-  
priam vobiscum iniūi sententiam, &c. Item,*

*Nam quæ nostro prius ministerio definierat, univ-  
ersæ Fraternitatis irretractabili firmavit assensu.*

XXV. Quæ procul dubio nequaquam  
consentiunt dogmatibus Bellarmini lib. 11.  
de Conciliorum auctoritate, cap. 11. sub fi-  
nem, ubi memorat, quæcumque in Syno-  
dis fiunt ab infallibili Papæ judicio manare :  
*Sciendum, dicit, Pontificem mittere solere legatos  
instructos de sententia Apostolica Sedis cum ea con-  
ditione, ut si Concilium consentiat judicio Apo-  
stolicæ Sedis, formetur decretum: sin minus, dif-  
feratur decreti formatio donec Romanus Pontifex  
consultus respondeat: id quod patet ex Concilio  
Chalcedonensi. Nam Actione tertia cum Conci-  
lium consensisset judicio Pontificis circa depositio-  
nem Dioscori, mox legati his verbis firmaverunt de-  
cretum: Sanctissimus ac Beatissimus Papa caput  
universalis Ecclesiæ Leo per nos legatos suos sanctæ  
Synodo consentiente Petri Apostoli præditus digni-  
tate, qui Ecclesiæ fundamentum ac petra fidei &  
Cælestis Regni janitor nuncupatur, Episcopali di-  
gnitate Dioscorum nudavit, & ab omni sacerdo-  
tali opere fecit extorrem. Hæc ibi: deinde lib.  
1 de Romano Pontifice cap. 10. ut probet  
personam S. Petri esse petram & fundamen-  
tum in quod Ecclesia ædificata est, perhibet  
consensu totius Ecclesiæ Græcorum & Latinorum  
Patrum, totum Chalcedonense Concilium 630  
Patrum Actione tertia appellasse Petrum petram  
& crepidinem Ecclesiæ Catholicæ. Quæ profecto  
contra omnem sensum veritatis, sola absolu-  
tæ*

tæ monarchiæ confidentia Bellarminus venditat, Primum, quod refert de instructione legatorum Sedis Apostolicæ qui ad Concilium proficiscebantur, capite 1. hujus libri explicata sunt: ubi ex praxi Ecclesiæ docuimus, ejusmodi instructionem non à privato motu aut oligarchico Papæ Consilio, sed à Synodo particulari aut patriarchali Episcopi Romani peti consuevisse: idque pariter factum in causâ Eutychis & Dioscori certissimum est: quam primum enim Flavianus à Dioscoro exauctoratus est, Leo Synodum Romanam indixit; quæque ibi scita sunt, Sedis Apostolicæ legatis documento fuerunt in Chalcedonenſi Concilio: quare ejusdem Leonis epistolæ ad Theodosium Augustum, Pulcheriam, clerum Constantinopolitanum, &c. hoc nobilitantur exordio: *Leo Episcopus & sancta SYNODUS QUÆ IN URBE ROMA CONVENIT Theodosio Augusto, Pulcheriæ Augustæ, Clero, Honoratis & plebi consistenti apud Constantinopolim*, &c. lege epistolam vigesimam secundam, vigesimam tertiam, vigesimam quintam, vigesimam sextam & vigesimam octavam. Amplius advecto ex praxi tum usitata verosimile haberi Leonem etiam sententiam ecclesiarum suo patriarchatui subditarum, & præsertim Galliarum collegisse: quando ex continuatore Chronici Eusebii exploratum habemus, Leonem Magnum in suis scribendis epistolis opera B. Prosperi A-



quitanici usum, quod Baronius minime abnegat. Secundo, nequaquam verum est Pontificem mittere solitum legatos ad Concilium cum ea conditione, ut si Concilium iudicio Sedis Apostolicæ consentiat, formetur quidem decretum, sin minus, decreti formatio differatur quoad Romanus Pontifex consultus respondeat : hæc enim non temporum Leonis Magni sed hodiernorum praxis est : quandoquidem homines obnoxii contra scripturæ auctoritatem persuadere volunt solum Papam gratia infallibilitatis præditum : ac si Spiritus Sanctus non aliter Ecclesiæ Catholice quam per Papam afflaret : atque in Papæ manu esset, emittere, suspendere aut omnino afflatus divinos interdicere. Hercle Dominus Matthæi 18. non uni cuiquam homini singulari, vel etiam urbi, loco, sedi, aut cathedræ episcopali, sed tantummodo congregationi factæ in nomine suo auxilium & presentiam pollicetur : *ubicumque fuerint duo vel tres congregati in nomine meo ibi sum in medio eorum, &c.* Quâ formulâ omnem excludit singularitatem, ut alias probavimus. Nunc autem mihi animus est indubitatam Ecclesiæ primitivæ praxim vindicare. Tertio, Bellarminus impingit in legem Corneliam falsi, sicque non defendit sed prodit causam suam : hæc sunt verba Bellarmini : *Sanctissimus & Beatissimus Papa caput universalis Ecclesiæ Leo, per nos legatos suos, sancta Synodo consentiente, Petri Apo-*

*Apostoli præditi dignitate, qui Ecclesiæ fundamentum ac petra fidei & cælestis regni janitor nuncupatur, Episcopali dignitate Dioscorum nudavit & ab omni sacerdotali opere extorrem fecit. At genuina sententia legatorum Leonis sic concipitur: Sanctissimus & Beatissimus Archiepiscopus magnæ & senioris Romæ Leo per nos & per præsentem sanctam Synodum una cum beatissimo & omni laude digno beato Petro Apostolo, qui est petra & crepido Catholicæ Ecclesiæ, & ille qui est rectæ fidei fundamentum nudavit eum tam episcopatus dignitate quam etiam & ab omni sacerdotali alienavit ministerio. Igitur sancta hæc & magna Synodus, quæ placent regulis super memorato Dioscoro decernat. Sic enim habent antiquæ editiones Concilii Chalcedonenfis, quibus collectio Surii & Binii omnino concordant: hæc autem Bellarmini neque cum Romana editione, neque cum ipso Euagrio consentit.*

XXVI. Quarto, quod Leonem vocatum ibidem *caput universalis Ecclesiæ narrat*, proprium est ejus commentum: Hercle in exordio primæ Actionis Synodi Chalcedonenfis Paschasinus legatus Leonis hæc dicit: *Beatissimi atque Apostolici viri Papæ urbis Romæ, quæ est caput omnium Ecclesiarum, præcepta habemus præ manibus, &c.* Præterea in omnibus pene, Actionibus iidem legati passim Leonem *universalem, aut univrsæ Ecclesiæ Episcopum vocitant.* Item aliquot privati Sacerdotes & Diaconi Alexandrinæ Ecclesiæ Actione tertia eun-

dem Leonem *Archiepiscopum & Patriarcham universalem indignant* : at Patres synodice aliquid statuentes aut deliberantes hac usos appellatione nunquam legimus. Quocirca hic meminisse debet Bellarminus distinctionis quam alias usurpat, scilicet *discrimen poni inter eaque historice narrantur aut perlegantur & synodice decernuntur in Conciliis*. Equidem Constantinopolitani Episcopi postea hinc occasionem captarunt sese venditandi œcumenicos Patriarchas, ac sibi arrogandi primatum super Episcopos Romanos aut saltem contendendi de primatu cum illis. At vero, *Ecclesiam Romanam aut Papam dici caput omnium ecclesiarum*, sicut à legatis Sedis Apostolicæ nuncupatur : nihil aliud significat quam Ecclesiam Romanam esse primam & Principem omnium Ecclesiarum : quod à Catholicis conceditur, utque intelligi debeat dictum est in defensione libelli de ecclesiastica & politica potestate. Quinto, non Synodus Petrum appellat *petram, crepidinem, & fundamentum Ecclesiæ*, ut fingit Bellarminus, sed legati duntaxat Leonis, qui omni contentione animi adhibita, sæpe nimium quantum ampullatè loquuntur, ut Acta comprobant : potest autem in bono sensu Petrus dici petra & crepido Ecclesiæ, propterea quod *tanquam os & vertex Apostolorum*, fidem catholicam nomine totius Ecclesiæ edidit, ut alibi demonstravimus. Sexto, hæc formula, *Et ille qui est recte fidei fundamentum,*

&amp;c.



&c. cum per excellentiam præcise & dogmatice loquendo capi debeat de Christo: ut sensus sit Christum (qui promisit se ea rata & grata habiturum in cœlo quæ ligarentur aut solverentur Canonice in terra, Matthæi 18.) damnationem Dioscori tanquam Canonibus consentientem plane ratam & gratam habere. Profecto frustra laborat Bellarminus, ut illam clausulam uni & soli Petro addicat: quasi proprie & per excellentiam Petrus rectæ fidei fundamentum appellari posset: *cum tantummodo per metaphoram, analogiam, & symbolice appelletur petra, caput, fundamentum, aut crepidus Ecclesiæ.* Verum ex metaphoris & sensu allegorico nunquam firmum instruimus argumentum si Vallio ipsi credamus parte III. libri de Suprema potestate Papæ, quæst. x. At hæc clausula, *ille qui est rectæ fidei fundamentum*, pronomine emphatico *ille* munita, convincit hæc de Christo per excellentiam capi oportere: forsan ex cipies in Romana editione non reperiri τοῦ κυρίου sed urgeo plus fidei antiquioribus inesse editionibus, quam nuperis ex Vaticana Bibliotheca ad absolutam monarchiam armandam promptis & concinnatis: quandoquidem post arcanum libros expurgandi à Jesuitis excogitatum, ne quidem sacra scriptura potest esse inviolabilis, ut alias demonstravi. Septimo, quod ait Bellarminus, Dioscorum à Leone damnatum *sancta Synodo consentiente*, hoc de suo adglutinat

tinat : quia gesta declarant ; Patres figillatim dixisse sententiam super abdicatione Dioscori, certumque est hanc viam procedendi, nimirum ut Pontifices de rebus Synodo tantum consentiente statuant seculo Gregorii VII. adinventum, quo quidem aristocraticum regimen funditus concidit. His autem accurate subductis liquet contra omnem fidem actorum obijci à Recentioribus Dioscorum non damnatum à Synodo Chalcedonensi, propter fidem, sed duntaxat quia B. Leonem excommunicasset ac secundo Ephesino Concilio præfuisset : fateor certe Anàtolium Actione quinta hæc memorare : *Propter fidem non est damnatus Dioscorus, sed quia excommunicationem fecit Domino Archiepiscopo Leoni & tertio vocatus est, & non venit, & ideo damnatus est.* Verum plura sunt capita hujus exautorationis, ut Acta personant. An rogo, Dioscorus Eutychem absolvere, ut revera eum absolvit, & Flavianum orthodoxe doctorem damnare potuit, quin se maximo errore contra fidem indueret? Quo modo igitur verum esse potest, Dioscorum propter fidem damnatum non fuisse? Per multa certe sunt in Actis quæ maximo judicio examinari debent. Adde præterea vocem unius Anatolii nullam esse in hac parte : quem verisimile est voluisse Leoni Magno gratificari, si hæc ut concepta sunt in Actis pronunciavit. Jam alias dixi Patres nihil ad postulationem legatorum

torum Sedis apostolicæ pronunciaſſe, cum propterea Dioſcorum accuſarent, quod primatum in Synodo ſecunda Ephesine præſumpſiſſet : cum optime ſcirent id per Canones Dioſcoro licitum. Præterea nihil ſeorſim & privatim in pronuncianda ſententia adverſus Dioſcorum agitur de excommunicatione quam Leoni Magno infligit : ſed generali tantum enunciatione declaratur Dioſcorum omnes Patrum regulas contempſiſſe & conculcaſſe : Eſt autem pervagatiſſimum Canones vetare ſedis ſuperioris Epiſcopum ab ſedis inferioris Epiſcopo excommunicari : ad ampliorem fidem eorum quæ dixi hic exſcribam Concilii ſententiam miſſam Dioſcoro, quæ extat in fine Actionis tertię : *Sancta & magna & univerſalis Synodus quæ gratia Dei ſecundum conſtitutum piiſſimorum & Dei amantiſſimorum Principum noſtrorum collecta eſt in Chalcedonenſium civitate Bithyniæ in baſilica Sanctiſſimæ Euphemie, &c. Cognosce teipſum, propterea quod divinos Canones deſpexiſti & inobediens exiſtiſti huic ſancto & univerſali Concilio ſuper quæ præter alia tua commiſſa, in quibus inventus es reus, etiam tertio evocatus ab hac ſancta & magna Synodo ſecundum divinas regulas ut accuſationibus reſponderes, minime occuſiſti, Octobris menſis præſentis 13 die à Sancto & univerſali Concilio eſſe ab Epiſcopatu deſiſſum & ab omni eccleſiaſtica functione ſubmotum. Porro hæc ſententia per contumaciam profertur : ideoque de fide, & aliis capi-*

pitibus criminum Dioscori nulla sit mentio, quia respondere & se iudicio Patrum sistere noluit. Huic vero sententiæ synodalis epistola Concilii ad clericos Alexandrinæ Ecclesiæ super Dioscori abdicatione subijcitur: sicque concluditur: *Custodite igitur res ecclesiasticas universas, tanquam qui reddituri estis rationem ei qui secundum Dei voluntatem & nutum piissimorum & Deo amantiſſimorum Imperatorum nostrorum Alexandrina magnæ civitatis sanctissima Ecclesiæ, est ordinandus Episcopus.* Ubi attendis Episcopos minime creari solere absque Imperatoris consensu & voluntate. Denique hac eadem tertia Actione synodales literæ ad Valentinianum & Martianum Cæsares occurrunt: nec non etiam aliæ privatim scriptæ ad Pulcheriam Augustam conjugem Martiani Imperatoris, super damnatione Dioscori. Certe Pulcheria cum pro dote Imperium Martiano detulisset, fedit in Concilio Chalcedonenſi cum ipſo Martiano viro suo: quod exemplum valde ſingulare eſt.

XXVII. Actione IV. *Glorioſiſſimi iudices dixerunt: Differatur auditio uſque ad dies quinque, ut inter hæc veſtra Sanctitas congregetur ad ſanctiſſimum Archiepiſcopum Anatolium, & de fide communiter cogitetis, ut ii qui dubitant doceantur.* Deinde aliquanto poſt dixerunt: *Quoniam ſacra Evangelia poſita à Reverentia veſtra perſpicimus, ſinguli reverendi Epſcopi qui convenerunt doceant, ſi expoſitio trecentorum decem*

⁊

*Et octo SS. Patrum qui in Nicæa collecti sunt, & post hæc centum quinquaginta qui in Regia congregati sunt civitate, consonant epistolæ reverendi Patris Leonis. Anatolius reverendissimus Episcopus Constantinopolis dixit: Epistola sanctissimi & Deo amantissimi Archiepiscopi Leonis consonat symbolo trecentorum decem & octo SS. Patrum Nicæanorum & centum quinquaginta qui apud Constantinopolim postea sunt collecti quæ eandem fidem confirmaverunt: sed & iis quæ in Epheso sub Beatissimo & Sanctissimo Cyrillo gesta sunt, &c., quapropter consensi & eidem epistolæ libenter subscripsi. Idem postea declarant Paschasinus & cæteri legati B. Leonis cum omnibus Patribus; ex quo apparet epistolam Leonis ad normam symboli Nicæni & Constantinopolitani, nec non ad definitionem Ephesini Concilii examinari & approbari. Postea Juvenalis Hierosolymitanus, Thalassius, & alii Episcopi qui per vim subscripserant condemnationi Flaviani, in integrum restituuntur & adunantur Synodo Chalcedonenfi.*

**XXVIII.** Dehinc audiuntur decem Episcopi Ægypti qui Dioscoro adhæserant: à quibus Patres Chalcedonenses petunt, ut dicant Anathema Eutychi & subscribant epistolæ Leonis Magni: *Respondent vero Patres Nicænos regulam fecisse, quæ voluerunt omnem Ægypti regionem sequi Archiepiscopum Alexandrinum, & nihil absque eo agere Episcopos suffraganeos: eamque ob causam deposito Dioscoro eum nullum*

*Ar-*



*Archiepiscopum habeant sibi praeuntem non posse subscribere, & si subscriberent occisum iri ab aliis Episcopis, clericis, & populo Aegypti? si placeat Synodo illis ordinare Episcopum in locum Dioscori lubenter subscripturos. Quare iudices pronunciant, cum huiusmodi sit consuetudo Aegypti, ut Episcopi suffraganei nihil possint absque suo Metropolitano, æquum & rationabile esse, ut illi Episcopi in eodem habitu expectent & remaneant in regia civitate Constantinopolitana, quousque ordinetur Episcopus, Alexandrina civitati. Paschasinus Vicarius Sedis Apostolicæ dixit: Quando iudicibus ita videbatur ut juberent his decem Episcopis aliquid humanitatis præstari, oportere illos dare fidejussores. Itaque iudices sic sententiam pronunciant: Paschasini sit firmum iudicium: ut permanentes in proprio habitu dent fidejussores si hoc illis sit possibile: aut per sacramenta eis credatur, quia expectabunt ordinationem futuri Episcopi magna civitatis Alexandrina: Vide Canonem trigessimum Synodi Chalcedonensis in eam rem factum. Ultimo audiuntur quidam Archimandritæ & monachi Aegyptii, eorumque literæ ad Martianum Augustum perleguntur, quibus conqueruntur de clericis, quasi eos velint opprimere: hocque fugere Imperatorem; vacent autem, inquiunt,urbationes, & subscriptiones quæ per violentiam sunt, & persecutiones quæ semper à clericis contra nos meditantur: & quas conantur facere latentes vestram pietatem. Propria sunt verba quæ indicant jam illo tempore*  
mo-

monachos æmulatione certa adversus Hierarchicum ordinem incensos, voluisse partes docendi atque præeundi capeßere, & parere Episcopis detrectasse. Quocirca Cæsar Martianus Patribus auctor fuit ut in ordinem co-gerentur, sicut infra dicetur. Hercle isti monachi nunquam potuerunt induci ut definitioni factæ contra Eutychem subscriberent. idque magnam causam præbuit pestilentissimo & diuturno schismati in toto Oriente, ut postea notabitur: lege epistolam Martiani ad Archimandritas & Monachos Eliæ habitantes quæ extat ad calcem Synodi Chalcedonenfis.

Actione v. Judices ea quæ decreta essent de fide perlegi atque recitari: quibus ab Asclepiade Diacono Ecclesiæ Constantinopolitanæ perlectis Anatolius Constantinopolitanus petiit à Patribus, utrum illis placeret definitio ( omnes præter Romanos & aliquot Orientales clamaverunt, *Definitio omnibus placet Sancta Maria Theotocos, &c. Paschasinus & Lucentius Episcopi & Bonifacius Presbyter. Vicarii Sedis Apostolica dixerunt: Si non consentiunt epistole Apostolicæ & Beatissimi viri Papæ Leonis, jubete nobis re-criptam dari, ut revertamur, & ibi Synodus celebretur, &c. Magnificentissimi judices dixerunt Epistolam sanctissimi Leonis suscipitis? Prædicti Episcopi clamaverunt, etiam suscepimus & subscripsimus. Magnificentissimi judices dixerunt: Ergo quæ in ea inferuntur, inferuntur*

definitioni; prædicti Episcopi clamaverunt: altera definitio non sit: nihil interest definitioni; EPISTOLAM DEFINITIO FIRMAVIT Archiepiscopus Leo, ut credimus, sic credit. Definitio subscribatur, Definitio habet omnia; Definitio fidem habet: Leo eadem dixit quæ & Cyrillus: Cælestinus quæ & Cyrillus dixit firmavit. Christus roboravit quæ Cyrillus dixit: unum baptisma, unus dominus, una fides, tolle fraudem à definitione, &c. Judices dixerunt: Si enim vobis hoc non placet, singuli fidem suam per suam Metropolitam manifestam constituent. ut nulla similiter dubietas aut discordia relinquatur. Si autem neque hoc vestra velit Sanctitas, cognoscite, quia in partibus Occidentalibus fieri habet Synodus, eo quod Religiositas vestra hic noluit de vera & orthodoxa fide indubitanter definire. Cecropius Episcopus Sebastianopolis dixit: petimus recitari definitionem, & ii qui contradicunt & non subscribunt ipsi ambulent, quia nos consentimus bene decretis, & in nullo contradicimus. Episcopi Illyrici dixerunt qui contradicunt manifesti fiant: qui contradicunt Nestoriani sunt: qui contradicunt Romanam ambulent, &c. Tandem perlegitur definitio. Cæterum hoc notabile occurrit quod Judices dicant Episcopis nisi in definitione facta consentiant, futurum ut aliud Concilium indicetur & congregetur ab Imperatoribus in partibus Occidentalibus, & qui non consenserint definitioni, eo proficisci debeant: unde Illyrici qui contradicunt Romanam ambulent. Et hæc demonstrant omnia aristocrati-



cratico regimine & consensu Catholico perfici consuevisse in Ecclesia primitiva : scilicet per Synodorum celebrationem, non absoluto Papæ imperio ut fit hodie : unde nihil mirabile est communionem sanctorum scindi, & tot schismata existere.

XXIX. Actione vi. Martianus Imperator die sanctæ Euphemie sese ad Synodum contulit una cum Pulcheria uxore *divino zelo & fervore fidei accensa*, ut Acta loquuntur : atque luculentam habuit orationem ad Patres, qua enarrat *ab eo tempore quo est erectus ad Imperium, nihil antiquius aut charius habuisse quam ut Orthodoxa & vera fides Christiana, sancta, pura & indubitata omnium animis insideret : constare autem avaritia vel studiis pravis quorundam, quamplurimos in errorum deductos : se quidem hoc proposito sanctam Synodum fieri studuisse, ut veritas religionis fulgeret : nec in posterum quisquam auderet de nativitate Domini Salvatoris nostri Jesu Christi aliter disputare quam Apostolica predicatio & instituta CCCXVIIII sanctorum Patrum eidem convenientia posteritati tradidissent, sicut etiam epistola sancti Leonis Papæ qui Sedem Apostolicam gubernat, missa ad Flavianum Constantinopolitanum urbis Episcopum testatur. Itaque remotis omnibus pravis studiis & patrociniis atque avaritiâ se percipere veritatem cunctis innotescere : & ad fidem confirmandam non ad potentiam aliquam exercendam exemplo Constantini Magni Synodo interesse : re ulterius populi pravis persuasionibus scindantur : hoc*

*unum habere in animo , ut omnis populus per veram fidem Catholicam colat secundum instituta Patrum concordantibus æque animis expositam ac definitam : ita ut qua in Synodo Chalcedonenſi terminata fuerant in perpetuum ſerventur. Quibus auditis Patres exclamant : Multi anni Imperatori , multi anni Auguſtæ Orthodoxæ , &c. Dehinc Aëtius Archidiaconus Conſtantinopolitanæ Eccleſiæ perlegit decretum fidei ſicut conceptum legitur Actione quinta , quod incipit : Dominus noſter & Salvator Jeſus Chriſtus notiſſimam fidei diſcipulis ſuis firmans dixit : Pacem meam do vobis , pacem meam relinquo vobis , ut nullus diſſonet à proximo circa dogmata pietatis , &c. Quæ ſanctio Symbolum fidei Patrum Nicænorum , Conſtantinopolitanorum & Ephelinorum confirmat & ad hunc modum explicat : Sequentes igitur ſanctos Patres unum eundemque confiteri Filium & Dominum noſtrum Jeſum Chriſtum conſona voce omnes docemus , eundem perfectum in Deitate , eundem perfectum in humanitate , Deum vere & hominem vere , eundem ex anima rationali & corpore : coëſſentialem ſecundum Deitatem , coëſſentialem nobis eundem ſecundum humanitatem , per omnia nobis ſimilem abſque peccato ; ante ſecula quidem de Patre genitum ſecundum Deitatem , in noviſſimis autem diebus eundem propter ſalutem noſtram ex Maria virgine Theotoco ſecundum humanitatem : unum eundem Chriſtum , Filium , Dominum unigenitum in duabus naturis inconfuſe , im-*  
*muta,*

*mutabiliter, indivise, inseparabiliter agnoscendum : nusquam sublata essentia naturarum propter unionem : magisque salva proprietate utriusque nature : & in unam personam atque existentiam concurrente: non in duas personas paritum atque divisum, neque disjunctum, sed unum & eundem Filium, unigenitum Deum Verbum Jesum Christum &c.* Procul dubio typus hujus definitionis fidei non est illi divino symbolo quod B. Athanasio tribuitur ab similibus: magnaque me incescit admiratio, si Patres tertii, quarti, quinti, sexti & octavi Concilii generalis symbolum hoc perspectum habuerunt, cur non illud in aciem explicarint ad debellandas hæreses Nestorii, Eutychis, Monothelitarum, & probandam Spiritus Sancti processione à Patre & Filio, quæ tempore octavi Concilii sub Nicolao IPP. exagitabatur. Nam de more semper habuerunt, hæreses nascentes testimoniis Patrum ab Apostolorum temporibus ad sua tempora profligare: & tamen in illis Conciliis memoratis nulla symboli Athanasii extat mentio. Non me quidem fugit Bellarminum lib. 11 de Christo cap. 24. articulo: *Ad hoc testimonium, &c.* venditare, Gregorium Nazianzenum oratione de laudibus Athanasii dicere *Athanasium perfectissimam fidei confessionem composuisse, quam totus Oriens & Occidens veneratur, & Augustinum citare versum integrum hujus symboli ex Athanasio*: sed æquivocatione Bellarminus illudit, quia in operibus

Athanasii perfectissima extat fidei confessio, & inde etiam non unicus sed multi versus similes versibus symboli quod Athanasio tribuitur colligi possunt. Scio præterea Baronium Tomo 111 Annalium ad annum Domini 349 numero 16 perhibere Symbolum hoc Romæ conditum à S. Athanasio, ut Julio I. rationem suæ fidei redderet, neque Ecclesiæ Orientalis lumem alia lege ad Ecclesiæ Romanæ communionem admissum : hocque divinum opus in Vaticanæ bibliothecæ feriniis usque ad tempora quarti Concilii Toletani sub Honorio. I. latuisse; quoniam capite 1 memorati Toletani Concilii ferme verbum de verbo legitur hoc symbolum. Hæc, inquam, scio ab illustrissimo scriptore Annalium Ecclesiasticorum, sed ut frequenter assolet, majestative absque ulla ratione aut teste referri. Et primum quod S. Athanasium alia via quam fidei professione receptum non fuisse Romæ, hoc gratis dicitur : neque probat symbolum hoc à B. Athanasio lucubratum : certumque est sanctissimum Alexandrinæ Ecclesiæ Antistitem testimonium & literas commendatitias ab omnibus Episcopis Orientalibus orthodoxis habuisse, ut tum moris erat. Quid dicere opus, notum etiam de vultu fuisse permultis Episcopis Occidentis propter integrum biennium quo exulavit in Occidente sub Constantino Magno post Synodum Tyrensem? neque

que opus habuisse hac editione symboli suam profiteri fidem in Occidente, cum nulla esset mundi plaga ad quam fama tanti viri, cui nimium detrahit Baronius, non pervenisset? Quis etiam credat S. Athanasium soli Ecclesiæ Occidentali hoc symbolum condidisse, neque patriæ suæ illud communicare voluisse, utut sit : *Jam est Catholica Ecclesiæ non Athanasii symbolum, in quo nullus est apex non admiratione, sanctitate, atque eruditione Athanasii dignissimus.*

Verum ut nos ex diverticulo in viam referamus : ubi perlecta est definitio fidei Synodi Chalcedonenfis, cuncti Patres figillatim ad hunc modum subscribunt : *Paschasius Episcopus vice Domini mei Beatissimi atque Apostolici universalis Ecclesiæ Papæ urbis Romæ Leonis Synodo præfatus, statui, consensi, & subscripsi : Lucentius Episcopus civitatis Ecclesiæ Esclanæ Vicarius Domini mei Beatissimi atque Apostolici viri universalis Ecclesiæ Papæ urbis Romæ Leonis in Synodo Græce relecta subscripsi : Bonifacius Presbyter urbis Romæ, Vicarius Domini mei Beatissimi & Apostolici viri, universalis Ecclesiæ Papæ urbis Romæ Leonis, cum universa Synodo consensi & subscripsi : Anatolius Episcopus Constantinopolis novæ Romæ definiens subscripsi : Maximus Episcopus Antiochiæ statuens subscripsi : Juvenalis Episcopus Hierosolymitanus statuens subscripsi : Quintillus Episcopus Heracleæ obtinens locum Anastasii Episcopi Thessalonicensium statuens subscripsi : Thalassius Episcopus Cæsareæ Cappado-*

*cia similiter & omnes alii Patres.* Hinc autem tria præsertim colligimus, primum universos Episcopos sedere in Concilio tanquam iudices ordinarios controversiarum & statuentes atque definiētes, non ut Papæ assessores & consiliarios. Secundo formam definiendi legatorum Romanæ Sedis esse valde alienam à simplicitate evangelica ante & post usitata in aliis Conciliis ac plane dominatum & fastum seculi redolere, ut patet ex oppositione definitionis Anatolii & aliorum Episcoporum. Tertio notandum eosdem legatos Papæ in hac Synodo opportune atque opportune passim hæc verba obtrudere & inculcare *Læo universalis Ecclesiæ Papa urbis Romæ*: quod antea actis Synodis inauditum fuit: hoc autem accessionem fecit *ad usum nominis Oecumenici*, ut Synodis & Episcopis de hinc tribueretur.

XXX. Cæterum ita peractis subscriptionibus, Cæsar Martianus universos Patres sic affatur: *Dicat sancta Synodus si secundum omnium Sanctorum Episcoporum expositionem definitio nunc relecta prolata est? Omnes clamaverunt, omnes sic credimus: una fides una voluntas: omnes id ipsi sapimus, &c. Martianus novus Constantinus, Pulcheria nova Helena: zelum Helena tu sectaris; vestra vita munimen cunctorum est: vestra fides Ecclesiarum gloria est, &c. Et post has voces, divinisissimus & piissimus dominus noster Imperator ad sanctam Synodum dixit: pia & catholica fide*

*fide à sancta & universali Synodo secundum Patrum expositionem declarata, justum simul & expediens esse nostra tranquillitas approbavit, omnem de cætero contentionis occasionem de sanctæ fidei religione penitus amputari. Si quis igitur idiota, vel militaris, seu clericus publice de fide turbam congregans, sub obtentu disputationis tumultum fecerit, sciat quia si quidem idiota sit ab urbe regia expellatur: militaris vero & clericus gradus sui periculum sustinebunt, & pœnis aliis subjacebunt. Omnes clamaverunt; multos annos Imperatori: multos annos Augusto pio & Christiano: Ecclesias tu correxisti: orthodoxam fidem tu confirmasti: Augusta orthodoxæ multi anni: multos annos pia & amatrici Christi: Imperium vestrum Deus custodiat: vos hereticos expulisti. Nestorio & Eutychi & Dioscoro Anathema, Trinitas hos tres damnavit, &c. Hic lector observabit Patres clarissime & nominatim docere Martianum Cæsarem Acta ipsa & definitionem Synodi Chalcedonenfis eo ipso confirmare quod edicto caverit, ne qui idiotæ de fide publice disputarent, ne turbam congregarent: idque si patrarent ab urbe regia pellerentur; militares autem & clerici gradu suo dejicerentur: quare exclamant *Ecclesias tu correxisti, orthodoxam fidem tu confirmasti, &c.* Neque vero optimo Principi hæc in Synodo ipsa sciscere satis fuit, nisi etiam Edictum in eam rem promulgaret, quod extat in Collectione Binii & Surii ad calcem tertiæ Actionis & in editione*

Cc 5.

Romana

Romana parte III cap. 4. Synodi Chalcedonenſis fol. 443. Cuius Ediſti tale eſt exordium : *Venerabilem Catholica orthodoxorum fidei ſanctitatem , manifeſtam & indubitatam univerſis conſtituere cupiens , noſtra Serenitas ut major erga divinitatis obſequia hominibus religio traderetur , tantam atque talem Synodum ex omnibus provinciis coadunatis Epiſcopis in Chalcedonenſi civitate colligi juſſu , &c. Ordmatis itaque religioſe & fideliter quæ venerandam orthodoxorum fidem fundaſſe noſcuntur. Ita ut nulla in poſterum dubitatio vel illis qui calumniari divinitatem aſſolent relinqueretur , ſacro noſtræ Serenitatis Ediſto venerandam Synodum confirmanſes admonuimus univerſos ut de religione diſputare deſinerent : quoniam unus & alter tanta ſecreta invenire non poſſet : maxime cum ſummo labore ampliffimis orationibus tot venerabiles ſacerdotes, niſi Deo ut credendum eſt auctore ad indaginem veritatis non pœuerint pervenire , &c. Quo Ediſto nullæ irrogantur pœnæ , ſed alio miſſo ad Palladium Præſectum Prætorio , quod eadem tertia ſeſſione Chalcedonenſi legitur. Verum in hac Synodi confirmatione hoc dignum obſervatione occurrit, quod tota Synodo atque ipſiſmet Vicariis Sedis Apoſtolicæ videntibus, audientibus & collaudantibus, Cæſar Martianus non modo laicis, verum etiam clericis pœnas infligit temporales cum gradus clericalis exauctoratione. Hæc jam qui poteſt cum bullæ cœnæ Domini placitis concordet : at Sophiſta*



stæ B. Leone permittente & consentiente facta esse causentur.

Sed ut amplius pateat quanta tum temporis Imperatores pollerent auctoritate in externa disciplina Ecclesiæ constituenda Martianus Cæsar sic Patres alloquitur sub finem sextæ Actionis : *Quedam capitula sunt quæ ad honorem vestræ Reverentiæ vobis servavimus, decorum esse judicantes à vobis hac regulariter potius formari per Synodum quam nostra lege sanciri: Et jubente divinissimo Principe Berenicianus vir devotus Secretarius divini consistorii tria capitula relegit: quæ mandato Cæsaris concepta fuerant ad monasticam & ecclesiasticam disciplinam regendam. Ea autem hic non adscribam; quoniam Actione xv cum aliis Canonibus Synodi Chalcedonenfis succenturiantur; scilicet Canone III, IV, & XX. Sane politicis Principibus incumbit diligenter excubare quatenus disciplina Ecclesiastica optime constitutur & Canones ab omnibus illibati servantur: quem in finem leges atque edicta, tanquam communes exterioris disciplinæ Episcopi sancire possunt.*

Actione VI I Maximus Antiochenus & Juvenalis Hierosolymitanus referunt ad Synodum, se amice & mutuo de suarum diocesium terminis convenisse. Ita ut Antiochenus tres Phœnicas cum Arabia; Hierosolymitanus autem tres habeat Palæstinas: hocque ad pacem & amicitiam inter sese fovendam.

dam. Quare hæc pacta conventa à sancta Synodo grata rata haberi postulant : quod ita factum est : & ex eo tempore arbitror, sedem Hierosolymitanam evalisse patriarchalem : præterea cum Dominus Episcopatu Antiocheno cessisset in gratiam Maximi, hicque eidem Domno aliquam partem proventuum Episcopatus Antiocheni concessisset ut honeste vitam duceret : Maximus petit id probari à sancta Synodo, quæ eam ob causam laudat Maximi humanitatem & pietatem. Verum qui ad hæc attenderit, facile videbit nihil antiquitus consuetum fieri nisi synodice comprobatum : hincque *jus pensionum Canonicarum potest confirmari* : quæ iis tantum tribui consueverant, qui magnam vitæ partem in ministerio consumpserant & propter ætatem sese exonerabant Episcopatu.

XXXI. Actione viii Patres causam Theodreti Cyrensis Episcopi quam Actione prima delibant, de integro tractant, ille autem cum in prima Synodo Ephesina Joanni Antiocheno Patriarchæ suo adhæsisset adversus S. Cyrillum, in quem Elenchos scripserat, excommunicatus & abdicatus est à Patribus primæ Synodi Ephesinæ : verum tamen Theodosius Imperator quando Joannem Antiochenum cum Cyrillo redire in gratiam jussit, una etiam hæc Acta Patrum Ephesinorum adversus Theodoretum & alios irrita vitandi schismatis causa fecit : voluitque Theodoretum

tum propter suam ſcriptionem in S. Cyrillum ſoli ſuæ vacare Eccleſiæ. Tandem cum Theodofius accepiſſet, Theodoretum non alio animo ſcripſiſſe in Cyrillum, quam quod hunc putaret in errorem Apollinaris propendere, indicto ſecundo Concilio Ephefino, permifit Patribus, ut, ſi eis videretur, Theodoretum ad Synodum admitterent. Sed Dioſcorus ſucceſſor S. Cyrilli, ut deceſſoris ſui injurias ulciſceretur, Theodoretum in ſecunda Synodo Ephefina excommunicavit : qui eam ob cauſam ſe coram Patribus Chalcedonenſibus ſiſtit. Cæterum, antequam Synodus Chalcedonenſis haberetur, Theodoretus de injuria ſibi à Dioſcoro illata, tum & apud Leonem Magnum, tum apud Imperatorem Martianum, conqueſtus ; S. Leo illum ad ſuam communionem admiferat : & Imperator eum reſtitui in integrum juſſerat : nihilominus Patres Chalcedonenſes hoc mittere in rem judicatam noluerunt, priuſquam de integro Theodoreti cauſam cognoviſſent. Nam, ut Aſione prima docui, quamprimum eſt ingreſſus Synodum Chalcedonenſem, Patres exclamarunt : *Miſere mini ; fides perit ; iſtum Canones ejiciunt ; hunc foras mitte ; Magiſtrum Neſtorii foras mitte.* Deinde Aſione VII clament : *Theodoretus anathematizet Neſtorium.* Theodoretus autem cum excepiſſet, *ſe preces Imperatori & libellos Vicariis Leonis Magni obtuliſſe, precareturque ut in Synodo legerentur ;* Epifcopi

piscopi responderunt, *se nihil velle relegi, sed tantum velle ut diceret Anathema Nestorio* : At Theodoretus rependit, *se ab orthodoxis enutritum atque electum orthodoxe semper docuisse & predicasse, ac non modo Nestorium & Eutychem sed & omnem hominem, qui recte non saperet, aversari* : quæ summa erat libellorum quos dederat Vicariis Sedis apostolicæ, ut legerentur in Synodo. Ad hæc : Reverendissimi Episcopi clamaverunt : *dic aperte Anathema Nestorio, &c.* Theodoretus reverendissimus Episcopus dixit : *Anathema Nestorio* : & ei qui non dicit Dei genitricem virginem Mariam, & qui in duos filios partitur unum filium unigenitum : Ego autem & fidei definitioni subscripsi, & epistola Sanctissimi & Deo amantissimi Archiepiscopi Domini Leonis : & sic sapio : & post hæc omnia dixit : *Salvete. Gloriosissimi iudices dixerunt : omnis jam dubitatio de Theodoro reverendo soluta est : quippe & Nestorium coram nobis anathematizavit, & à Sanctissimo & Deo amantissimo Leone susceptus est, & definitionem fidei à religioſitate vestra prolatam libenter suscepit, & insuper epistola memorati Sanctissimi Archiepiscopi Leonis subscripsit : Deest igitur ut sententia profertur à Reverentia vestra, ut Ecclesiam suam recipiat, sicut & SS. Leo Archiepiscopus judicavit. Omnes reverendissimi Episcopi clamaverunt. Theodoretus dignus est Sede Ecclesie orthodoxam Ecclesie Pastorem recipiat. Tum Vicarii S. Leonis dixerunt : Theodoretum sanctissimus universæ Ecclesie Episcopus urbis Romæ Leo dudum in communione*.

*monem suscepit, ita sicut literæ ab eo ad nostram humilitatem directæ testantur, &c. igitur quoniam & Nestorium & Eutychem non solum scripto, sed & sub præsentia totius confessus ore proprio anathematizavit, hoc iudicio sanctissima & reverendissima Synodus insuper vero & nostra humilitas reddi ei Ecclesiam definivit. Anatolius reverendissimus Episcopus Constantinopolis dixit: reverendissimus Theodoretus per omnia quidem est orthodoxus demonstratus, & ob hoc vero, quod anathematizavit Nestorium & Eutychem, suam igitur Ecclesiam juste recipiat, &c. Omnes reverendissimi Episcopi clamaverunt: hoc justum iudicium, hæc justa sententia, hoc Christi iudicium, his nos consentimus, &c. Gloriosissimi iudices dixerunt secundum Decretum sancti Concilii Theodoretus sanctissimus Episcopus Ecclesiam civitatis Cypri recipiet.*

In hac Actione multa veniunt observanda: Primo Theodoretum definitioni fidei & epistolæ Leonis Magni cum aliis Episcopis subscripsisse Actione v & vi. siquidem in Actis ejus nomen extat. Secundo, eundem Theodoretum postquam est injuste à Dioscoro abdicatus, in Pseudo-Synodo Ephesina: per fugio habuisse Sedem Apostolicam ac Leoni Magno specimen suæ fidei exhibuisse: cujus epistolam habes Tomo i Conciliorum Bini post epistolam LXI Leonis, in qua hæc occurrunt, quibus fautores absolutæ monarchiæ saum munire opinionem tentant.

XXXII. Ego, ait Theodoretus, *Apostolica vestra Sedis expecto sententiam, & supplico & obsecro vestram Sanctitatem, ut mihi opem ferat justum vestrum & rectum appellanti iudicium: & jubeat ad vos accurrere & ostendere meam doctrinam vestigia Apostolica sequentem, &c. Item: Ante omnia autem rogo, ut sciam à vobis, an in injusta hac depositione me oporteat acquiescere an non: vestram enim expecto sententiam, &c. Mihi autem ut Dominus Deus est testis, nec honor curæ est, nec gloria, sed tantum scandalum quod factum est: quod multi ex simplicioribus, & maxime qui ex diversis hæresibus à nobis capti sunt, sedem eorum qui nos condemnarunt attendentes, existimabunt nos fortasse hæreticos, ut qui quod sit rectum perfectumque dogma videre nequeant, &c. Ne ad vos venirem me Imperatoris literarum vincula retinere, &c. Ex his ergo efficere conantur, Theodoretum provocasse ad Papam, velut monarcham: sed eos recta fugit ratio, neque attendunt <sup>ut</sup> *ut mihi opem ferat justum vestrum & rectum iudicium appellanti: esse vocem æquivocam, intelligendam congruenter ad illorum temporum non hodiernam politiam: atque Theodoretum nihil aliud exposcere, quam ut Romanus Pontifex ei contra injurias, quas injuste patiebatur, à Dioscoro opem ferret Canonicam: curaret, que aliqua Synodo suam causam tractari, ut superius de SS. Athanasio, Chrysostomo, Eutyche, & Flaviano docuimus. Nam recta*  
ratio*

ratio exposcit, ut quando aliquis in aliqua Synodo est injuste damnatus, ut alia Synodo ejus causa examinetur : insuper Canones jubent deferri Appellationibus extra provinciam, quando Episcopi provinciae suspecti sunt. Equidem licet Theodoretus diserte & nominatim scripsisset ; se appellare Romam ad Sedem Apostolicam, nihilominus hoc absolutæ monarchiæ patronis parum opitularetur : cum videamus hoc in loco Parres Chalcedonenses de causa Theodoreti privatim cognoscere, eamque definire, tametsi Leo PP. illum ad suam communionem admisisset, eique Ecclesiam suam reddi oportere censuisset. Itaque natura & veritas hujus Appellationis, si quæ fuit, non ex mente atque interpretationibus scriptorum Romanorum æstimanda est : sed ex sensu Catholicæ Ecclesiæ quem Synodus Chalcedonensis declarat, dum causam Theodoreti definit post Leonis PP. sententiam ; hocque ipso absolutam monarchiam, & opinionem, quod Papa sit supra Concilium, clarissime profligat : idque est quod tertio loco notandum veniebat. Quarto autem, illis temporibus longe aliud fuisse ad Romanæ & aliud ad Ecclesiæ Catholicæ communionem admitti : quia etsi Leo Theodoretum ad suam communionem recepisset, nondum tamen Ecclesiæ Catholicæ consortium venerat : idque post Synodi Chalcedonensis decretum duntaxat consequutus

*Lib. I.*      *D d*      *est :*



est: unde claret, tum Romanam Ecclesiam ut revera est, habitam pro singulari & particulari, non pro universali Ecclesia: hoc enim commentum est hominum obnoxiorum; consule supra quæ observavimus ad sextum Canonem Nicænum. Quinto istinc cognoscitur Bellarminum lib. iv de Romano Pontifice cap. i. minus sincere & vere exemplum Theodoretum usurpassè, ut probaret, illum appellassè ad Leonem PP. tanquam infallibili iudicio præditum. Præterquam enim quod factum Theodoretum non pertinet ad Appellationem, sed ad perfugium; ut in explicatione analytica epistolæ Patrum Africanorum cap. 6. dictum est: insuper accedit, Theodoretum non unius Leonis, sed communio- nis sanctorum & Cathedræ Apostolicæ iudicium flagitare conformiter ad disciplinam illo tempore frequentatam: Cathedræ enim iudicium non à privato motu Papæ sed à synodali iudicio proficiscitur: unde Theodoretus scribit se non tam sollicitum esse de honore Episcopali quam de vitando scandalo, ne multi ex simplicioribus, qui de ejus doctrina iudicare non poterant, attendentes ad sententiam Dioscori illum pro hæretico haberent: quæ opinio non poterat abstergi nisi iudicio synodali: unde quamquam literis Imperatoris restitutus fuisset in Sedem suam, semper tamen iudicium synodale quærebat: illudque tum demum est consequutus in Chalcedonenſi Concilio.

Actio-



Actiōne ix & x Patres causam Ibæ Episcopi Edeſſenorum tractant: & quoniam absens à Dioscoro in secunda Synodo Ephesina damnatus fuerat, hîc absolvitur: & inter cætera ejusdem Ibæ epistola ad Marim Persam contra Anathematismos B. Cyrilli exhibetur: quæ postea damnata est in quinta Synodo cum Elenchis Theodoreti adversus S. Cyrillum.

XXXVIII. Porro Actiōne x in literis clericorum Edeſſanæ civitatis ad Photium & Eustathium Episcopos, circa medium, ubi legati B. Leonis sententiam suam pro absolutione Ibæ pronunciant; hoc memorabile occurrit, quod omnium primi Paschasius Lucentius atque Bonifacius *perunt & deprecantur Imperatorem quatenus pia lege sanciat, neque Synodum secundam Ephesinam nominari, neque quicquam quod in ea factum tenere.* Quæ illorum rogatio consentit epistolæ xxiv Leonis ad Theodosium Cæsarem: *Ecce ego Christianissime & venerabilis Imperator cum consacerdotibus MEIS OBSECRAMUS coram unius deitatis inseparabili Trinitate que tali facto leditur, Pseudo-Synodum Ephesinam intelligit, & coram sanctis Angelis Christi, UT OMNIA IN STATU ESSE JUBEATIS in quo fuerunt ante omne judicium donec maior ex toto orbe sacerdotum numerus congregetur, &c.* Omnes partium nostrarum Ecclesiæ, omnes mansuetudini vestræ cum gemitibus ET LACRYMIS SUPPLI-

CANT SACERDOTES, *ut quia & nostri reclamantur*, &c. *generalem Synodum jubeatis intra Italiam celebrari* Quibus ex locis innotescit, & convocationem & confirmationem atque antiquationem Conciliorum ab Imperatoribus non à Papa flagitari consuevisse: nam contrariorum eadem est ratio.

XXXIV. Actione xi Stephanus & Bassianus qui in Ephesinam Sedem contra Canones involarant, exauctorantur: idque commodi ex ejusmodi exauctoratione in seculum nostrum redundavit, quod nos incertam notitiam deducat CODICIS CANONUM, quo Ecclesia Catholica seculo S. Leonis Papæ utebatur. Siquidem cum Stephanus atque Bassianus factum suum Canonibus tueri vellent: Gloriosissimi judices Actione xi dixerunt, ut Canones illi relegerentur. Tumque Leontius reverendissimus Episcopus Magnesiæ EX CODICE relegit regulam nonagesimam quintam: *Si quis Episcopus vacans super Ecclesiam vocantem semetipsum injiciens, subriperit Sedem præter perfectum Concilium, hunc expellendum esse: licet omnis populus quem arripuit eum elegerit. Perfecta vero Synodus illa est cui interest Metropolitanus Episcopus*, En prior Canon, est qui decimus sextus Antiocheni Concilii. Dehinc idem reverendus Leontius ex eodem codice legit regulam nonagesimam sextam quæ est Canon decimus septimus Antiochenus: *Si quis Episcopus ordinationem acceperit.*  
Epi-

*Episcopatus, & populo præesse decretus non acquie-  
verit ordinationi, neque ei persuasum fuerit profici-  
cisci ad Ecclesiam sibi commissam, hunc excommu-  
nicatum esse donec coactus acquiescat: aut quic-  
quam de eo Episcoporum provincie Synodus perfe-  
cta definiat. Quo Canone Bassianus causam  
suam munit: quasi non ausus fuisset popu-  
lo Episcopatum sibi deferenti resistere. At  
Stephanus, conjuratione facta contra Bassia-  
num, quem quadriennio integro pro Epi-  
scopo agnoverat, in eundem Episcopatum  
Ephesinum invasit: judices autem pronun-  
ciant, sibi videri & Bassianum indignum esse  
Episcopatu, eo quod in eum violenter invo-  
lasset: & multo magis Stephanum quando  
conjurationibus atque ejusmodi factiosis ar-  
tibus Bassianum depulisset: quam judicum  
sententiam Patres communi acclamatione  
comprobant, & inter alios Anatolius post  
Vicarios Sedis Apostolicæ hæc privatim di-  
xit: *Eos qui se contra legem sponsæ Christi Ephesi-  
næ Ecclesiæ conjunxerunt, hos decenter legibus suis  
jus expellit. Igitur & qui insiluit Sedi Bassianus, &  
qui post illum inordinate semetipsum immisit Ste-  
phanus, quietem habeant cessantes ab operatione  
Ecclesiæ. Dabitur autem Ephesiorum Metropoli E-  
piscopus à Deo monstratus, & AB OMNIBUS  
QUI PASCENDI SUNT, ELIGENDUS EST ad  
ordinationem Episcopatus qui recte prædicet ver-  
bum veritatis: &c. Sancta Synodus exclamavit,  
Hæc iusta sententia, hoc iustum iudicium est: ac**

*demum concluditur Canones debere obtinere, & privilegia Ecclesie Constantinopolitane juxta decreta Concilii Constantinopolitani servari oportere, ita ut ordinatio Ephesini Episcopi ab Episcopo Constantinopolitano fieri debeat.*

XXXV. Quocirca Actione **XII** qua de eligendo Episcopo Ephesino agitur, Anatholius Archiepiscopus Constantinopolitanus prærogativam habet Sedis atque suffragii ante legatos Papæ; quoniam Ephesus secundum Canonem **III** Constantinopolitanum Constantinopolitano Episcopo tanquam Patriarchæ suberat: Ideoque ad illum ordinatio Ephesini Episcopi spectabat: idque est testimonio, bonos illos Patres non agnovisse Leonem tanquam totius orbis Episcopum, & velut monarcham Ecclesiæ, nullamque habere privatam diocesim regendam, ut hodierni adulatores garriunt: & falsissimum esse, quod Binius post Baronium asserit: puta Canonem **XII** Constantinopolitani Concilii, qui in Synodo Chalcedonensi confirmatus est, trecentis aut circiter annis post Leonem Magnum ex assensu & beneplacito Romanorum Pontificum in rem judicatam abiisse. Id enim Acta Concilii Chalcedonensis, & nominatim hæc Actio **XII** falsi arguit. Sed gesta expendamus. *Gloriosissimi judices dixerunt venerabile & immaculatum Evangelium in medio proferatur: & allato Evangelio in medio dixerunt: petitionem rursus offerimus propositis sanctis Evan-*  
ge-

geliis adhortantibus vos neque duorum quenquam  
 lādere, si forte quisquam eorum dignus est, ut in  
 memorata sanctissima Ecclesia Episcopatum debeat  
 obtinere sive uterque si indignus est declarare: unde  
 secundum Deum, & secundum quod dignum est  
 atque decens ac utile sancta Ecclesia, qua sunt ju-  
 sta decernite. Anatolius reverendus Episcopus Con-  
 stantinopolitanus dixit: & dudum dixi mihi vide-  
 tur, si etiam sanctissimo Concilio placeat, ut neu-  
 ter eorum sit Ephesiorum civitatis Episcopus; sed  
 alius EX ELECTIONE OMNIUM QUI PASCEN-  
 DI SUNT ordinetur, ad gubernandum Episco-  
 patum, eo quod ambo præter regulas sibi met Episco-  
 patum usurparunt: habere autem eos & dignita-  
 tem Episcopi, & communionem, & ab Ecclesia  
 esse pascendos. Paschasius reverendus Episcopus  
 obtinens locum Sedis Apostolicæ dixit: hæc ipsa quæ  
 semel disposui & in præsentia dispono de memoratis,  
 quorum uterque Ephesiorum suscepit Ecclesiam:  
 & propterea si consentit omnis Synodus, debet his  
 remotis alter secundum Canonum statuta decerni.  
 Maximus reverendus Episcopus Antiocæ dixit:  
 absque regulis ambo ex his quæ relecta sunt Episco-  
 patum obtinuerunt: quis autem eorum dignus  
 est, esse in civitate, per Clementiam à sanctissima  
 provinciæ Episcopis est dicendum. Juvenalis Hiero-  
 solymorum dixit: prospicit sancta Synodus pasci  
 quidem eos ab Ephesiorum Ecclesia, alium vero  
 regulariter ordinari, &c. Gloriosissimi iudices  
 dixerunt: Quoniam placuit universis interloquun-  
 tio Deo amantiſſimi Archiepiscopi regie Conſtan-

*inopolis Anatolii & reverendi Episcopi Paschasini obtinentis locum Leonis Deo amantissimi Archiepiscopi senioris Romæ: præcipiens eo quod utriq; contra regulas facti sunt, neutrum eorum denominari, neque præesse sanctissimæ Ephesiorum Ecclesiæ, & omnis sancta Synodus contra regulas eos ordinatos edocuit, &c. removebuntur quidem à sancta Ephesiorum Ecclesia Bassianus & Stephanus reverendus: habeant autem dignitatem Episcopi, & ex redditibus memoratæ sanctissimæ Ecclesiæ nutrimenti gratia & consolationis annis singulis solidos ducentos accipiant: alter vero secundum regulas ejusdem sanctissimæ Ecclesiæ Episcopus ordinabitur. Omnis sancta Synodus exclamavit: Hæc sententia, hæc justa forma hæc bene sunt.*

XXXVI. Actione **XII** i expostulatio Eunomii Episcopi Nicomediæ ad Imperatorem contra Anastasium Episcopum Nicænum recitatur: causa hujus dissidii inde nata, quod Nicæa & Nicomedia, ab Imperatore Valentiniano erectæ fuissent in Metropoles Imperii, & Anastasius contra Canones & morem antiquum, clericos Basilinopolis diœcesis Nicomediensis excommunicasset. Compendium sententiæ Patrum, quam judices pronunciarunt, fuit, ut Canones obtinerent, atque Episcopus Nicomediensis secundum consuetudinem haberet auctoritatem Metropolitanæ inter ecclesias provinciæ Bithyniæ: Nicænus autem Episcopus provinciæ Nicomediensi; deinde Nicomedia Patriarchæ Constantinopolitano, juxta Canonem **III** i i Sy-

Synodi Constantinopolitanæ subjaceret. Duò autem ex hac Actione colligimus : Primum, illis aureis seculis Episcopos gravatos confugere solitos ad Imperatorem tanquam vindicem & propugnatorem Canonum, sicut supra Actione i. de Eusebio Dorylensi Episcopo dictum est, & sequenti Actione iterum comprobatur : alterum, falso in dubium revocari prærogativam Sedis Constantinopolitanæ post Romanam Sedem quasi non invaluisse ante Chalcedonensem Synodum, cum hic videamus Nicomediam eidem subijci jure Patriarchali : adde insuper Actione xvi infra, Episcopos Asiæ & Ponti nominatim dicere, se sponte consensisse Actis super Canonem xxviii de prærogativa Sedis Constantinopolitanæ : ac multis retro annis Episcopum Constantinopolitanum in Ponto & Asia fecisse ordinationes : quæ responsione ea confirmantur quæ Actione xii & xiii dicuntur.

Actione xiv recensetur libellus supplex Sabini five Sabiniani Episcopi Parenorum ad Imperatorem, conquerentis quod eum Dioscorus in secunda Synodo Ephesina injuste deposuisset : quamquem tamen canonice ordinatus & substitutus fuisset in locum Athanasii quem Dominus Antiochenus deposuerat, sed cum Athanasius causaretur injuste depositum, & à Dioscoro restitutum, judices ita pronunciant : *Ut Sabinianus, quoniam post depositionem Athanasii*

*ordinatus est à Concilio provinciali in Parenorum civitatis Episcopatu, debere manere. Caterum causas ob quas depositus est Athanasius, debere examinari apud Maximum Antiochenum Episcopum in Concilio provinciali: intra octo menses à presenti die numerandos: Et si non convincatur Athanasius, debere in integrum restitui: ita tamen ut Sabinianus retineat dignitatem Episcopatus, tanquam substitutus, Et pascatur ex proventibus Ecclesie. Ad hæc Maximus Antiochiæ Episcopus dixit: hoc nihil justius, &c. sancta Synodus dixit, Nihil justius, nihil integrius, hæc iusta sententia, &c,*

XXXVII. Actio xv. triginta nobis exhibet Canones quorum hic vigesimum octavum exscribam, super prærogativa Sedis Constantinopolitanæ post Romanam Sedem: de qua re magna exarsit controversia quam accurate enodabimus. *Sanctorum Patrum decreta utique sequentes, Et Canonem, qui nuper lectus est, centum Et quinquaginta Dei amantissimorum Episcoporum agnoscetes: eadem quoque Et nos decernimus ac statuimus de Privilegiis sanctissimæ Ecclesie Constantinopolis novæ Romæ. Etenim antiquæ Romæ throno quod urbs illa imperaret, jure Patres privilegia tribuere: Et eadem consideratione moti centum quinquaginta Dei amantissimi Episcopi sanctissimo novæ Romæ throno æqualia privilegia tribuere: recte judicantes, urbem quæ Et imperio Et senatu honorata sit, Et æqualibus cum antiquissima Regina Roma privilegiis frua-*



*furatur, etiam in rebus ecclesiasticis, non secus ac illam extolli ac magnifieri, secundam post illam existentem: ut & Pontica & Asiana, & Thracia diœcesis Metropolitanæ soli, præterea Episcopi prædictarum diœcesium quæ sunt inter barbaros, à prædicto throno sanctissimæ Constantinopolitana Ecclesiæ ordinentur: unoquoque scilicet prædictarum diœcesium Metropolitano cum provinciæ Episcopis, provinciæ Episcopos ordinante, quemadmodum divinis Canonibus est traditum. Ordinari autem sicut dictum est prædictarum diœcesium Metropolitanos à Constantinopolitano Archiepiscopo, convenientibus de more factis electionibus & ad ipsum relatis.*

Hic Canon quatuor nos præsertim docet: Primum, Patres antiquos ideo multa privilegia Sedi Romanæ concessisse, eo quod urbs illa Imperium & Senatum totius mundi haberet: idque illa confirmat quæ cap. 2, de Metropolitibus disputavimus: Patres autem Chalcædonenses de iis loquuntur quæ ex Ecclesiæ præxi omnium optime norant. Alterum notabile est, Patres Constantinopolitani Concilii, quos inter S. Basilii, Gregorius Nazianzenus, Nyssenus, & plurimi alii erant, eadem consideratione motos Constantinopolitanæ Sedi etiam privilegia tribuisse, eo quod Constantinopolis esset nova Roma, secunda post Romam antiquam atque insuper Imperium & Senatum mundi haberet. Tercio, voluisse hæc æqualia esse privilegia, etiam in rebus Ecclesiasticis, Quod est maxime

xime notandum contra Gratiani interpolationem *Can. Renovantes dist. 22.* Ubi hæc verba affirmative dicta, *etiam in rebus ecclesiasticis non secus ac illam extolli, ac magnificeri*, in hæc negativa transformavit: *non itamen in ecclesiasticis rebus magnificetur, ut illa, &c.* Sic enim facilius Romanam monarchiam constitutum iri autumabat vir obnoxius. Sed hic locus suo genuino nitori est restitutus jussu Gregorii XIII, sicut & permulti alii quos Gratianus corruerat: neque vero hæc æqualitas incommodat Primatui, ut statim dicetur, sed duntaxat monarchiam absolutam demolitur, Quarto istinc exploratum redditur, Patriarchas plures sub se habuisse diœceses & Metropolitas quoniam Constantinopolitano Primati Pontica, Asiana, & Thrácia diœcesis addicitur, ita ut Metropolis illarum provinciarum ordinaret, sicut jam superius Actione xii ostendimus Metropolitam Ephesinum & Nicomediensem ordinationi Anatolii Constantinopolitani ex antiquo jure reservari: at Ephesus & Nicomedia erant diœceses Asiæ. Quare relinquitur Patriarcham unumquemque tribus modis posse considerari, quod idem idem frequentandum est: scilicet ut privatum Episcopum ut Metropolitam aut Archiepiscopum, deinde ut Primate vel Patriarcham.

XXXVIII. Actione xvi Vicarii B. Leonis ad hunc modum conquestionem atque intercessionem suam adversus Canonem memo-

moratum coram iudicibus Concilii informant : Si imperat Magnificentia vestra , habemus quaedam referre vobis : Gloriosissimi iudices dixerunt , Quod vultis edicite : Paschasinus & Lucen-  
tius dixerunt , Hesternae die postquam Potestas ve-  
stra surrexit : & humilitas nostra vestigia vestra  
sequeuta est , quaedam gesta facta dicuntur , quae  
nos & praefer Canonibus ecclesiasticis & disciplinam  
aestimamus effecta. Poscimus ergo , ut Magnificen-  
tia vestra relegi haec precipiat , ut omnis Fraterni-  
tas inspiciat utrum iusta an iniusta sint ea quae ge-  
sta sunt. Gloriosissimi iudices dixerunt : Si quae ge-  
sta post nostrum discessum facta sunt , relegantur  
Aëtius Archidiaconus sanctae Ecclesiae Constantino-  
polis dixit : Consuetudo est in Synodis , postquam  
ea , quae de fide sunt , congruam formam suscep-  
erunt , & quae sunt omnium praecipua , fuerunt de-  
finita , & alia quaedam necessaria exerceri atque  
formari : habuimus , hoc est Constantinopolitana  
Ecclesia , certa quaedam quae agere deberemus.  
Rogavimus Dominos de Roma ut communicarent  
iis gestis : refutaverunt , dicentes , se alia suscepisse  
mandata. Retulimus & ad vestram Magnificen-  
tiam , & iussistis , ut praesens sanctum Concilium  
hoc ipsum inspiceret : & sanctissimi Episcopi qui hic  
sunt tanquam de communi causa agentes poposce-  
runt haec fieri gesta : & adsunt hic : neque in oc-  
culto gestum est , neque modo furtim sunt gesta ,  
consequentur canonice facta. Gloriosissimi iudices  
dixerunt : Gesta quae confecta sunt relegantur. Et  
oblata scheda ab Aëtio Archidiacono Constantino-  
politana-

politano, Beronicianus vir devotus, secretarius divini consistorii ita legit: Definitiones sanctorum Patrum sequentes ubique regulam, & quæ nunc relecta sunt, centum quinquaginta Deo amantissimorum Episcoporum, qui congregati sunt sub pia memoria Imperatore majore Theodosio in regia Constantinopoli nova Roma cognoscentes, & nos eadem definivimus de Privilegiis ejusdem sanctissimæ Constantinopolitana Ecclesiæ novæ Romæ, propter imperium civitatis illius. Patres consequenter privilegia reddiderunt. Et eadem intentione permoti centum quinquaginta Deo amantissimi Episcopi æqua sanctissimæ Sedi novæ Romæ privilegia tribuerunt: rationabiliter judicantes imperio & senatu urbem ornatam aquis senioris regis Romæ privilegiis frui: & in ecclesiasticis, sicut illa, majestatem habere negotiis, & secundam post illam existere, & ut his qui de Ponto sunt, & de Asia, & Thracia diæcesibus Metropolitanos solos ordinaret, &c. Quibus perlectis omnes Episcopi nemine dempto profitentur se ita definivisse & subscripsisse sponte quidem nullo ambiente, prestante, cogente aut circumveniente, contra quam Lucentius Vicarius S. Leonis obtendebat: nam hæc omnia facta per circumventionem & obreptionem causabatur: quæ prima fuit causa ejus intercessionis.

Secunda, multo potiore esse debere Nicæni quam Constantinopolitani Concilii rationem: tum quia Nicænum Concilium esset antiquius & celebrius, propter numerum

rum

rum trecentorum octodecim Episcoporum qui subscripserant, cum centum duntaxat & quinquaginta Synodum Constantinopolitanam obfignassent.

Tertio, petit idem Lucentius Vicarius Sedis Apostolicæ, an Episcopus Constantinopolitanus antea hoc usus esset Privilegio ab octoginta annis, quibus Constantinopolitanum Concilium celebratum fuerat: si usus sit, nihil eum causæ habere petendi hodie, ut novus Canon eam in rem cudatur, cum id superfluum sit: si non sit usus, frustra id moliri in perniciem Canonum Nicænorum, qui tres solummodo sedes Patriarchales constituerant, & Hierosolymis suum honorem servari mandarant.

Quarto, Bonifacius Presbyter Sedis Apostolicæ Vicarius ex chartula recitavit mandatum B. Leonis sibi factum, ne sanctorum Patrum Nicænorum constitutionem ulla ratione violari finerent, neve suæ personæ dignitatem cujus vicem gerebant, deprimi aut humiliari paterentur: & si qui forte civitatum suarum splendore confidentes, aliquid sibi usurpare tentarent, hoc, quod dignum est, constantia retunderent.

*Gloriosissimi iudices dixerunt: utraque pars Canones proponant: Paschasius Vicarius Sedis Apostolicæ recitavit: Trecentorum decem & octo sanctorum Patrum Canon VI. QUOD ECCLESIA ROMANA SEMPER HABUIT PRI-*



politano, Beronicianus vir devotus, secretarius divini consistorii ita legit: Definitiones sanctorum Patrum sequentes ubique regulam, & quæ nunc relecta sunt, centum quinquaginta Deo amantiſſimorum Episcoporum, qui congregati sunt sub pia memoria Imperatore majore Theodosio in regia Constantinopoli nova Roma cognoscentes, & nos eadem definivimus de Privilegiis ejusdem sanctissimæ Constantinopolitana Ecclesiæ novæ Romæ, propter imperium civitatis illius. Patres consequenter privilegia reddiderunt. Et eadem intentione permoti centum quinquaginta Deo amantiſſimi Episcopi æqua sanctissimæ Sedi novæ Romæ privilegia tribuerunt: rationabiliter judicantes imperio & senatu urbem ornatam aquis senioris regis Romæ privilegiis frui: & in ecclesiasticis. sicut illa, majestatem habere negotiis, & secundam post illam existere, & ut his qui de Ponto sunt, & de Asia, & Thracia diæcesibus Metropolitanos solos ordinaret, &c. Quibus perlectis omnes Episcopi nemine dempto profitentur se ita definivisse & subscripsisse sponte quidem nullo ambiente, preſente, cogente aut circumveniente, contra quam Lucentius Vicarius S. Leonis obtendebat: nam hæc omnia facta per circumventionem & obreptionem causabatur: quæ prima fuit causa ejus intercessionis.

Secunda, multo potiolem esse debere Nicæni quam Constantinopolitani Concilii rationem: tum quia Nicænum Concilium esset antiquius & celebrius, propter numerum

rum

rum trecentorum octodecim Episcoporum qui subscripserant, cum centum duntaxat & quinquaginta Synodum Constantinopolitanam obfignassent.

Tertio, petit idem Lucentius Vicarius Sedis Apostolicæ, an Episcopus Constantinopolitanus antea hoc usus esset Privilegio ab octoginta annis, quibus Constantinopolitanum Concilium celebratum fuerat: si usus sit, nihil eum causæ habere petendi hodie, ut novus Canon eam in rem cudatur, cum id superfluum sit: si non sit usus, frustra id moliri in perniciem Canonum Nicænorum, qui tres solummodo sedes Patriarchales constituerant, & Hierosolymis suum honorem servari mandarant.

Quarto, Bonifacius Presbyter Sedis Apostolicæ Vicarius ex chartula recitavit mandatum B. Leonis sibi factum, ne sanctorum Patrum Nicænorum constitutionem ulla ratione violari finerent, neve suæ personæ dignitatem cujus vicem gerebant, deprimi aut humiliari paterentur: & si qui forte civitatum suarum splendore confidentes, aliquid sibi usurpare tentarent, hoc, qua dignum est, constantia retunderent.

*Gloriosissimi iudices dixerunt: utraque pars Canones proponant: Paschasius Vicarius Sedis Apostolicæ recitavit: Trecentorum decem & octo sanctorum Patrum Canon VI. QUOD ECCLESIA ROMANA SEMPER HABUIT PRI-*

MATUM Teneat autem & Ægyptus, ut Episcopus Alexandria omnium habeat potestatem, quoniam & Romano Episcopo hæc est consuetudo. Similiter autem & qui in Antiochia constitutus est, & in cæteris provinciis primatus habeant Ecclesiæ civitatem ampliorum. Per omnia autem manifestum sit, ut si quis præter voluntatem Metropolitani Episcopi fuerit ordinatus, quia hunc statuit hæc sancta Synodus, non debere esse Episcopum, &c. His autem sic perlectis à Paschasino, Constantinus secretarius divini consistorii sic recitavit: Regula sexta trecentorum decem & octo sanctorum Patrum: antiquæ consuetudines teneant in Ægypto, ut Alexandrinus Episcopus omnium habeat potestatem, quoniam & Romano Episcopo hæc consuetudo est: Similiter autem & Antiocheno; & in aliis provinciis primatus habeant Ecclesiæ civitatum. Universaliter autem illud manifestum est, quia quisquis præter voluntatem Metropolitani fiet Episcopus, hunc sancta Synodus definivit non esse Episcopum, &c. Quo perlecto Canone, Constantinus Secretarius Consistorii præterea legit & adjunxit Acta Synodi Constantinopolitanæ sub Theodosio Magno, quibus statuitur, Episcopum Constantinopolitanum habere Primatus honorem post Romanum Episcopum, propterea quod sit nova Roma. Quibus peractis iudices petunt ab omnibus Episcopis, sed præsertim Ponti, & Asiæ qui de novo Patriarchatui Constantinopolitano addicebantur, & Alexandrino substrahebantur: utrum sponte,



sponte, an aliqua necessitate coacti subscri-  
 psissent: cum autem universi nemine dempto  
 respondissent, se libere & propria voluntate  
 subscripsisse: atque inter alia plurimi dixis-  
 sent: *pridem ante Constantinopolitanum Episco-*  
*pum fecisse ordinationes in Ponto & Asia*, hocque  
 illum uti jure per Canones & consuetudinem  
 jampridem inveteratam: atque Nunechius  
 Laodiceæ Phrygiæ Episcopus dixisset: *Gloria*  
*sedis Constantinopolitanæ gloria nostra est*: Euse-  
 bius autem Dorylæi Episcopus *se hanc regulam*  
*de primatu Constantinopolitani Episcopi recitasse*  
*Leoni Magno Romæ presentibus clericis Constantino-*  
*politianis, eamque suscepisse, retulisset*: Tum demum  
 gloriosissimi Judices ad hunc modum senten-  
 tiam pronunciarunt: *Ex his quæ gesta sunt vel ab*  
*unoquoque deposita, perpendimus, omnem quidem*  
*primatum & honorem præcipuum secundum Cano-*  
*nes antiquæ Romæ Deo amantissimo Archiepiscopo*  
*conservari: oportere autem Sanctissimum Archie-*  
*piscopum regie Constantinopolis novæ Romæ eisdem*  
*primatibus honoris & ipsum dignum esse, & pote-*  
*statem habere ordinandi Metropolitæ in Asiana &*  
*Pontica & Thracia diœcesibus, &c.* Quibus audi-  
 tis Reverendi Episcopi dixerunt, *Hæc juxta est sen-*  
*tentia: hæc omnes dicimus: hæc omnibus placent, &c.*  
*Supplicamus dimitte nos: per salutem Imperatorum*  
*dimitte nos: omnes in sententia permanemus.*

Ad hæc Lucentius Sedis Apostolicæ Vica-  
 rius respondit, *Sedem Apostolicam hujusmodi*  
*Actis humiliari non debuisse, quæcumque autem*

Lib. I.

E e

in

*in præjudicium Canonum vel regularum facta essent hesternæ die sese absentibus, irrita esse debere: sin minus, Actum suæ intercessionis debere Actis inseri, ut id ad virum Apostolicum universalis Ecclesiæ referant: Et ipse de suæ Sedis injuria aut de Canonum eversione possit ferre sententiam: Et hæc est quinta ratio Legatorum Leonis Magni. Tum Joannes Reverendissimus Episcopus Sebastix dixit: omnes in sententia vestra Magnificentia permanemus. Viri illustrissimi, Judices dixerunt, Quod interloquuti sumus tota Synodus approbavit.*

XXXIX. Jam horum analysin explicemus: & primo quidem dum Paschasinus & Lucentius queruntur, in Actione xv postquam judices abierunt, quædam gesta esse, quæ censerent facta contra Canones, & usitatam disciplinam: liquido demonstrant Ecclesiam regi Canone, non absoluta potestate. Secundo, dum Aëtius Archidiaconus Ecclesiæ Constantinopolitanæ respondet, consuetudinem esse ut in Synodis postquam quæ de fide definita sunt, deinceps ea quæ ad disciplinam ecclesiasticam pertinent tractentur: & vicarios Leonis Magni invitatos ut ejusmodi Actis communicarent, idque facere recusavisse, &c. nobis referant qua via Episcopi Romani sibi pedetentim auctoritatem absolute statuendi de disciplina Ecclesiastica attribuere conati sint: scilicet non communicando Actis Conciliorum quibus Canones conde-  
rentur

rentur : unde cum de ejusmodi Canonibus agitur, scriptores curiæ Romanæ perpetuo obtendere solent non probatos fuisse à Romanis Pontificibus: hocque artificium jamjam in primo Concilio Constantinopolitano cœpit, deinde in aliis Synodis sequentibus continuavit : hacque ratione Episcopi Romani lapsu temporis voluerunt ostendere, se esse supra Canones : atque disciplinam Ecclesiasticam ab eorum absoluta auctoritate pendere, ex quo fit, ut omnes Canones quos pro regenda disciplina Ecclesiastica habemus, Patribus Orientalibus & Africanæ Ecclesiæ acceptos referre debeamus : pauci enim in Conciliis Romanorum Pontificum extant : quod argumento est, non ab his postremis seculis, jacta esse fundamenta curiæ Romanæ. Tercio, quod Lucentius objicit, Patres circumventionem deceptos, & Canonem factum per obreptionem : certe ex communi Patrum consensu & acclamatione, proclive depellitur : omnes enim nemine dempto fatentur, se sponte & nulla prensatione inductos ad id faciendum & subscribendum. Quarto, ratio ducta à Nicæno Concilio, quoniam iterum objicitur à Leone Magno, de illa infra disputabitur. Quinto, petitio utrum Episcopus Constantinopolitanus hoc usus esset Privilegio ab octoginta annis, &c. solutionem accipit ex ipsis Actis Synodi Chalcedonensis, in quibus Anatolius semper prærogativam Sedis

atque suffragii post vicarios Papæ obtinet, eique reservatur ordinatio Episcopi Ephesini in vim Canonis IIII Constantinopolitani ut dictum est: deinde, Actione ultima permulti Episcopi Asiæ, Ponti, & Thraciæ, se ab Episcopis Constantinopolitanis ordinatos, atque ante se tres alios Episcopos fuisse consecratos ab iisdem Patriarchis fatentur: idque praxim indubitata confirmat. Accedit præterea, Socratem lib. v. cap. 8. historiæ testari *in Constantinopolitano Concilio terminos adscriptos Constantinopolitanæ Ecclesiæ ac Thraciam ei addictam.* Et ita liquet Bellarminum vel graviter falli, aut potius fallere voluisse, dum lib. II de Conciliorum auctoritate cap. 8. circa medium, narrat, *Canonem tertium Constantinopolitanum temporibus Damasi & Leonis Magni nunquam mandatum fuisse executioni: neque illum Leonis auctoritas juvat, scribentis Anatolio, frustra quorundam Episcoporum proferri consensum, cui tot annorum series negavit effectum: quoniam iste effectus verbis aut minis Leonis impediri non potuit, ut Acta demonstrant. Millies dixi catholicum consensum Actis conferre auctoritatem. Sexto, mandatum B. Leonis datum suis vicariis, ne sue personæ dignitatem deprimi aut humiliari paterentur, &c. Item quod Lucentius Episcopus perhibet, ejusmodi Actis Sedem Apostolicam humiliari non debuisse, &c. plane indicant quo fine & motu hæc oppositio fieret, & cur Leo Magnus Episcopum Constantino-*

tinopolitanum pro secundo habere nollet: nimirum quia videret id sibi obesse quo minus suam potentiam ampliaret. Hercle, quamdiu religio & Sedes Patriarchales floruerunt in Oriente, tamdiu æquabili libramento usui fuerunt ad retinendam disciplinam Ecclesiasticam, & *temperandos altissimos urbis Romæ spiritus, quæ nihil nisi monarchicum spirat.* Septimo, Actio iudicum cum ipsa Synodo, & Patrum responsiones ad illorum interrogata clarissime indicant, Romanum Episcopum Ecclesiæ primitivæ temporibus non eam habuisse potestatem in Conciliis generalibus, quam partim obnoxii, partim ignari homines ei adulatorie adscribunt: cum hic observemus omnia communi consensu secundum regulas Aristocratici regiminis decerni: & Romanos Pontifices præter ordinis Sedis atque suffragii prærogativam, nihil quicquam habuisse super alios Patriarchas Episcopos: atque iudices auditis & subductis Patrum suffragiis sententiam in quam decretum & Canon condebatur, pronunciasse: quippe qui nomine & auctoritate Imperatoris Synodo præficerent.

XL. Insuper, quemadmodum Imperator literis suis indicebat & convocabat Concilium, ita Patribus stationem suam deferre & pedem efferre Concilio non prius licebat quam veniam & com meatum ab Imperatore impetrassent. Unde hic facultatem

discedendi petunt à iudicibus, *Supplicamus dimitte nos : per salutem Imperatorum dimitte nos : &c.* Quid si Curiales Romani tale testimonium in causa Papæ perferre quirent ?

XLI. Ubi Patres Chalcedonenfes extremam manum Actis imposuerunt, Martianus Imperator scivit Edictum, quo Acta ad hunc modum comprobavit & in rem iudicatam mitti iussit: *Venerabilem Catholicæ Orthodoxorum fidei sanctitatem manifestam & indubitatam universis constituere cupiens Nostra Serenitas, ut major erga divinitatis obsequia hominibus religio traderetur, tantam atque talem Synodum ex omnibus pæne provinciis coadunatis Episcopis in Chalcedonensi civitate colligi iussit: atque ibi plurimis diebus tractatu habito, quod verum & infucatum Christianæ fidei esset invenit. Votis etenim & orationibus plurimis exornare divinitatem, quatenus sancta & plena eos veritas non lateret: sequutique sunt statuta venerabilium Patrum Nicænorum, Constantinopolitanorum, Ephesinorum, &c. Ordinatis itaque religiose & fideliter quæ venerandam orthodoxorum fidem fundasse noscuntur, ita ut nulla in posterum dubitatio vel illis qui calumniari divinitatem assolent, relinqueretur: sacro nostra Serenitatis Edicto, VENERANDAM SYNODUM CONFIRMANTES, admonuimus universos, ut de religione disputare desinerent: quoniam unus & alter tanta secreta invenire non posset: maxime cum summo labore & amplissimis orationibus tot venerabiles sacerdotes, nisi Deo, ut credendum est, auctore, ad indaginem veri-*

*veritatis non potuerint pervenire, &c. Oportet enim Chalcedonensem Synodum sequi : in qua omnibus diligenter quasitis, ea definita sunt, quæ pridem tres prædicti cætus Apostolicam fidem sequuti omnibus observanda tradiderunt civibus Constantinopolitanis.* Cætera videbit lector Actione III Synodi Chalcedonensis in collectione Surii & Binii : in Romana vero parte III Chalcedonensis Concilii, cap. 4. Ubi edicta Valentiniani & Marciani Imperatorum postponuntur epistolæ Synodali Patrum Chalcedonensium ad Leonem Magnum, contra quam habet Suriana & Biniana collectio. Quæ postpositio hoc facta consilio videtur, ut confirmationem Actorum potius à Papa quam ab Imperatore peti debere ostenderetur : sed frustra & in casum, ut ex iis liquet quæ superius de discriminatione conclusionis & confirmationis Conciliorum docuimus. Accedit, confirmationem Actorum factam ab Imperatore Actione sexta, ut supra ostendi : epistolam vero ad Leonem scriptam post Actionem XVI quoniam Patres à Leone consensum & consonantiam suam super Canonem XXVIII de quo agitur, ad maiorem actorum firmitatem petunt, & nominatim declarant, Imperatores lege & Edicto suo firmasse iudicium, id est, Epistolam Leonis adversus Eutychem.

XLII. Hic quidem præstat summa capita ejusdem epistolæ synodalis ad Leonem describere : *Sancta & magna universalis Synodus*

*que per Dei gratiam & sanctionem piissimorum & amatorum Christi Imperatorum nostrorum collecta est in Chalcedonensium Metropoli provincia Bithynia, Sanctissimo & Beatissimo Romanorum Archiepiscopo Leon.*

*Repletum est gaudio os nostrum & lingua nostra exultatione. Hanc tanquam propriam nobis prophetiam gratia coaptavit, à quibus pietatis est restitutio confirmata. Quid enim fide sublimius ad lætandum? &c. Quam velut auro textam feriem ex veste Christi & præcepto legislatoris venientem, usque ad nos, ipse servasti vocis B. Petri omnibus constitutus interpres: ejus fidei beatificationem super omnes adducens; unde & nos, quippe ut inchoatore bonorum & ad utilitatem utentes, Ecclesiæ filiis bæreditatem, sortemque veritatis ostendimus, non singulatim faciente in occulto unoquoque doctrinam, sed uno spiritu, una conspiratione, atque concordia, confessionem fidei declarantes: & eramus in communi corona gaudii, quasi in Imperialibus cœnis, deliciis spiritualibus epulantes, quas per tuas literas Christus præparaverat, invitatis, & supercœlestem sponsum inter nos conversantem nos cernere putabamus. Si enim ubi sunt duo aut tres congregati in nomine ejus, ibi se in medio eorum fore perhibuit: quantum circa sacerdotes peculiaritatem potuit demonstrare, qui & Patriæ & labori suæ confessionis notitiam prætulere. Quibus tu quidem SICUT MEMBRIS CAPUT PRÆERAS in his qui tuum tenebant ordinem benevolentiam præferens: IMPERATORES VERO AD ORNANDUM (melius ad ordinandum)*



*dum) decentissime PRÆSIDEBANT, SICUT ZO-  
 ROBABEL & Iesus Ecclesiæ Hierusalem edificatio-  
 nem renovare circa dogmata adnitentes. Et fuerat  
 utique adversarius tanquam bestia extra caulas  
 apud semetipsum rugiens, nullum prevalens capere,  
 nisi semetipsum ei ad capiendum injecisset is qui A-  
 lexandrinorum quondam Pontifex fuit, &c. Nam  
 beatum illum inter sanctos Constantinopolis pasto-  
 rem Flavianum APOSTOLICAM PROFERENTEM  
 FIDEM & Deo amantissimum Episcopum Eusebium  
 præter omnem Canonum consequentiam deposuit  
 atquo damnavit. Eueychem pro impietate damna-  
 tum suæ tyrannidis decretis innoxium statuit, &c.  
 Et post hæc omnia: Insuper & contra ipsum cui  
 vineæ custodia à Salvatore commissa est, extendit  
 insaniam, id est, contra tuam quoque Apostolicam  
 Sanctitatem, & excommunicationem meditatus est  
 contra te, qui corpus Ecclesiæ unire festinas, &c.  
 Propterea ergo decretum, quod ipsè Dioscorus con-  
 tra semetipsum peccando protulerat, hoc, prout po-  
 tuimus levigando firmavimus, lupum pastorali pelle  
 nudantes: qua prius quoque figuraliter seu in spe-  
 ciem tantummodo convincebatur obiectus. Dehinc  
 narrant, S. Euphemiam fidei definitionem Patrum  
 Chalcedonensium suscepisse, & Christo sponso suo per  
 Martianum Imperatorem & Augustam ejus conju-  
 gem obtulisse universorum lingua & manu subscri-  
 ptam, &c. hæc sunt quæ tecum qui spiritu præsens  
 eras, & complacere tanquam fratribus deliberaſti,  
 & qui pene per tuorum Vicariorum sapientiam vi-  
 debaris à nobis, effecimus, judicamus vero, quia &*

alia quadam pro rerum ipsarum ordinata quiete, & propter Ecclesiasticorum statutorum definitivum firmitatem : scientes quia vestra Sanctitas addiscens & probatura & confirmatura est eadem. Eam namque consuetudinem, quæ ex longo jam tempore permansit, quam habuit Constantinopolitanorum sancta Dei Ecclesia ad ordinandum Metropolitanos provinciarum tam Asiana quam Pontice, vel Thracie, & nunc synodali decreto, non tantum firmamus, sed aliquid Constantinopolitane præstantes quantum Metropolitanis urbibus ad quietem congruere visum est : eo quod frequenter Episcopis vitam finientibus, multæ turbæ nascuntur : absque rectore clericis ac populis remanentibus, qui per easdem sunt civitates, & ecclesiasticum confundentes ordinem, quod nec vestram latuit Sanctitatem, quam maxime propter Ephesios, unde quidam vobis sæpius importuni fuerunt. Confirmavimus autem & centum quinquaginta sanctorum Patrum qui in Constantinopoli congregati sunt, regulam, sub pie memorie Majore Theodosio, quæ præcipit post vestram Sanctissimam & Apostolicam Sedem honorem habere Constantinopolitanam, quæ secunda est ordinata, &c. Quæ igitur definitivum ad interemptionem quidem totius confusionis, confirmationem vero Ecclesiasticæ ordinationis definitivum. Hæc sicut propria & amica, & ad decorem convenientissima dignare completi Sanctissime & Beatissime Pater. Qui enim locum vestræ Sanctitatis obtinent sanctissimi Episcopi Paschasinus, & Lucentius & qui cum eis est Reverendissimus Presbyter Bonifacius, iis ita consti-

*stitutis vehementer resistere tentaverunt procul dubio vestra providentia inchoari, & hoc bonum volentes, ut sicut fidei sic bonæ ordinationis vobis deputetur effectus. Nos enim curantes tam piissimos & Christi amicos Imperatores qui super hoc delectantur, quam clarissimum Senatum & totam sicut dicere convenit Imperii civitatem, opportunum credimus esse honoris ejus confirmationem ab universali Concilio celebrari, & velut hæc à tua Sanctitate fuerint inchoata, eo quod semper fovere studeas, roboravimus: præsumentes dum noverimus, quia quicquid rectitudinis à filiis sit ad Patres recurrit, facientes hoc proprium sibi. Rogamus igitur, & tuis decretis nostrum honora judicium, & sicut nos capiti in bonis adjecimus consonantiam, sic & Summitas tua filiis quod decet adimpleat. Sic enim & pii Principes complacerebunt, qui tanquam legem tuæ Sanctitatis judicium firmaverunt: & Constantinopolitana Sedes suscipiet præmium, quæ omne semper studium vobis ad causam pietatis explevit, & semet ipsum vobis ad concordiam eodem zelo conjunxit. Ut autem cognoscatis quia nihil alicui donando per gratiam fecimus, aut per inimicitias adversando, sed quippe nutu gubernati divino, omnem vobis gestorum vim insinuavimus, ad comprobationem nostræ sinceritatis, ad eorum quæ à nobis gesta sunt, firmitatem & consonantiam. Scripsi pridie Calendarum Aprilis, Feria tertia, Indictione decima tertia.*

Quamquam hæc epistola valde suspecta sit falsitatis, & suppositionis, tamen ejus analysim

lysim proponemus : & primo quidem oportet eam scriptam ab Anatolio Constantinopolitano Archiepiscopo nomine totius Synodi, idque & consuetudo in Synodis usitata, & hæc ipsa subscriptio denotat *Scripsi pridie Calendarum*, &c. Nam in more positum erat in Synodis, ut qui præesset acta ipsa conciperet, ut liquet ex actis. Cum ergo vellet à B. Leone impetrare ut ea quæ gesta erant in gratiam Sedis Constantinopolitanæ comprobaret, ei quantum potest blanditur, & multa attribuit quæ antea in aliis Synodis audita usitata non fuerant, adeo ut sæpe minus comiter Synodi maiestatem tueatur, ut gratiam Leonis redimat. Secundo declarat, communi & catholico consensu definitionem fidei factam, *sed uno spiritu, una conspiratione, atque concordia confessionem fidei declarantes*, &c. Tertio ostendit, Leonem per vicarios suos, & ipsum Imperatorem præsedisse Concilio tanquam capita: sed differenter, ut superius docuimus. Nam Princeps politicus cum jurisdictionem politicam revera impartiat subditis atque iudicibus quos deligit, certe tanquam caput in illos proprie & de facto influit : Papa autem cum ab Ecclesia, quæ ei Christi sacerdotium confert, jurisdictionem accipiat, nihil quidem in Ecclesiam, sed Ecclesia in illum influit : & ita patet multo minus proprie Papam dici caput respectu Ecclesiæ, quam Regem intuitu regni & reipublicæ. Quarto explicat

Dio-

Diòscori damnationem. Quinto, quod ait S. Euphemiam fidei confessionem sponso suo Christo per Imperatores obtulisse, id mihi in memoriam revocat quod me legisse memini, scilicet definitionem Chalcedonensis Concilii cum opinione erronea Eutychis inclusam capsæ qua corpus Sanctæ Euphemie concludebatur, & sanctam virginem Eutychis errorem ad pedes suos expulisse: definitionem vero Patrum Chalcedonensium ad pectus suum apposuisse. Sexto narrat, juxta consuetudinem inveteratam Patres Synodali decreto Canonem III Synodi Constantinopolitanæ, de ejusdem Sedis Constantinopolitanæ prærogativa confirmasse, ut haberet potestatem ordinandorum Metropolitanorum Asianæ, Ponticæ & Thraciæ provinciarum; hocque quieti & paci illarum provinciarum valde conferre: quoniam Episcopis vita functis sæpe contingebat ut in illis provinciis turbæ quamplurimæ exorirentur, & populi Pastoribus carerent, adeo ut ordo Ecclesiasticus plane conturbaretur: cujus rei testem ipsummet Leonem Synodus facit. Septimo Paschasium, Lucentium, & Bonifacium Vicarios Sedis Apostolicæ his Actis reclamasse. Octavo, consensum Leonis ad majorem actorum firmitatem petunt: *ut autem cognoscatis quia nihil alicui donando per gratiam fecimus, aut per inimicitias adverlando, sed quippe nutu gubernati divino, omnem vobis gestorum*

*rum vim insinuavimus ad probationem nostræ sinceritatis, & ad eorum quæ à nobis gesta sunt, firmitatem & consonantiam, &c.*

Forma qua hæc Relatio concepta & conscripta est, mihi semper ingeneravit suspicionem suppositionis; nam, ut dixi, non redollet methodum styli Synodalis Epistolæ neque auctoritatem qua Patres consueverunt scribere & concipere gesta Conciliorum, hac suspicionem tanquam aculeo excitatus animus adjeci ad Acta synodalia diligentius revolvenda: & primo observavi in exordio primæ Actionis nominatim dici primam Actionem habitam in consulatu Martiani Augusti sub die octavo idus Octobris Indictione quarta: deinde Actionem decimam sextam, quæ ultima est (singulis enim diebus singulæ Actiones peractæ sunt) habitam quinto Calendas Novembris consulatus ejusdem Martiani eadem Indictione quarta, Ex quo insurgit, falsum esse Relationem memoratam pridie Calendarum Aprilis feria tertia Indictione decima tertia scriptam. Enim vero Chalcedonense Concilium absolutum fuit intra sexdecim aut viginti dies ad summum, idque mense Octobri. Quod si hæc Relatio Synodalis vera foret, atque Indictione decima tertia mense Aprili scripta fuisset, oporteret Synodum Chalcedonensem novem annos continuasse: quod plane falsum est, tumque Martianus in meliorem vitam transierat, vix enim



enim superstes fuit anno integro post absolutum Chalcedonense Concilium, ex cujus morte Ægyptii causam tumultuandi adversus Synodum Chalcedonensem ambierunt. Ut ut sit, gratis concedam adversariis hanc epistolam esse genuinam & indubitata.

XLIII. Verum postquam S. Leo has accepit literas, si tamen eas accepit, confestim epistolas scripsit ad Anatolium Constantinopolitanum Archiepiscopum, ad Martianum Imperatorem, Pulcheriam Augustam, & Episcopos Chalcedone congregatos, ejusdem prorsus argumenti : quibus declarat se quidem ea probare quæ Chalcedone facta essent in causa fidei, nequaquam vero quæ Canones Nicænos convellerent, & auctoritati Sedis Alexandrinæ atque Antiochenæ derogarent : negatque Constantinopolitanam Ecclesiam potuisse in Sedem Apostolicam erigi. Hic particulam epistolæ LIV ad Martianum juxta collectionem Binii exscribam : *Habeat, sicut optamus, Constantinopolitana civitas gloriam suam, ac protegente dextera Dei diuturno Clementiæ vestræ fruatur imperio: alia tamen ratio est rerum secularium, alia divinarum: nec præter illam petram, quam Dominus in fundamento posuit, stabilis erit ulla constructio. Propria perdidit qui indebita concupiscit. Satis sit Anatolio quod vestræ Pietatis auxilio, & mei favoris assensu Episcopatum tantæ urbis obtinuit: Non dedignetur regiam, quam apostolicam non potest, facere Sedem:*  
nec

*nec ullo speret modo quod per aliorum possit offensiones augeri. Privilegia enim Ecclesiarum Sanctorum Patrum Canonibus instituta, & venerabilis Nicana Synodi fixa decretis, nulla possunt improbitate convelli, nulla novitate mutari: in quo opere auxiliante Christo fideliter exequendo, necesse est me perseverantem exhibere famulatum: quoniam dispensatio mihi credita est, & ad meum tendit reatum, si paternarum regule sanctionum quæ in Synodo Nicana ad totius Ecclesiæ regimen Spiritu Dei instruente sunt condita, me, quod absit, connivente violentur: & major sit apud me unius fratris voluntas, quam universæ domus Domini communis utilitas, &c. At in epistola ad Pulcheriam Augustam, quæ est LV. multo elatiore tono loquitur: Consensiones vero Episcoporum Sanctorum Canonum apud Nicæam conditorum regulis repugnantes, unita nobiscum vestræ fidei pietate, in irritum mittimus: & per auctoritatem B. Petri Apostoli generali prorsus definitione cassamus, in omnibus Ecclesiasticis his legibus obsequentes, quas ad pacificationem omnium sacerdotum, per trecentos decem & octo Antislites Spiritus Sanctus instituit, &c. Quem ad locum editio Binii atque Surii ad oram libri hoc glossema apponit: *Observa auctoritatem Romani Pontificis: Hercle, nullus præcessorum Pontificum tantum sibi auctoritatis assumpsit quantum B. Leo: neque per eum stetit, quin Patres Chalcedonenses duntaxat nudi exequutores suæ sententiæ haberentur; adeo enim magnus est auceps verbo-*  
rum*



rum in iis quæ ad potentiam suam asserendam conducere possunt: unde epistola quadragesima sexta ad Anatolium *eum exequutorem suæ dispositionis* efficere tentat: *Residentibus vobis quibus exequutionem nostræ dispositionis injunximus.* Vides, inquit Bellarminus, ut Leo præcipit Patriarchæ Constantinopolitano, lib. II de Romano Pontifice cap. 14.

At vero isthæc Leonis Magni argumenta expendamus: & primum, quod Canonem xxviii Chalcedonensem tanquam Canonibus Nicænis repugnantem repudiat: nec validiorem adfert rationem: hoc clarissime convincit, illum, quamquam nihil remissi de sua potestate super totam Ecclesiam cogitaret, nihilominus longe differentem habuisse sensum ab hodiernis commentis absolutæ monarchiæ: quippe qui sibi tantummodo dispensationem Canonum Nicænorum attribuat: *In quo opere, ait, auxiliante Christo fideliter exequendo necesse est me perseverantem exhibere famulatum: quoniam dispensatio mihi credita est, & ad meum tendit reatum, si Paternarum regulæ Sanctionum, quæ in Synodo Nicæna ad totius Ecclesiæ regimen Spiritu Dei instruente sunt conditæ, me quod absit connivente violentur, &c.* Quæ oratio plena est modestiæ, & veritati congruit, ac propugnatores absolutæ monarchiæ flagellat.

Secundo, quod urget, privilegia Ecclesiarum decretis fixa Nicænis nulla posse improbitate

bitate convelli, nulla novitate mutari; id pro certo assumit quod est positum in controversia: cum enim distributio orbis Christiani in certas Sedes Patriarchales & Metropolitanas sit juris mere positivi, ut cap. 11 docuimus: certo certius est, ejusmodi Sedes pro Ecclesiæ bono mutari, ampliari, & restringi posse: cujus rei vel ipsum Bellarminum judicem fero lib. 11 de Conciliorum auctoritate cap. 8. circa medium: *Decretum de honore sedium Patriarchalium*, inquit, *sicut à Concilio Nicæno factum fuerat, ita poterat ab alio simili Concilio mutari: tamen quia sine justa ratione mutabatur à Concilio Constantinopolitano, & postea à Chalcedonensi; Pontifices Romani Damasus & Leo illud probare noluerunt: neque eorum Pontificum temporibus decretum illud executioni mandatum est, ut patet ex Leone epistola 53. ad Anatolium; ubi loquens de decreto Concilii Constantinopolitani: frustra, inquit, quorundam Episcoporum profertur consensus, cui tot annorum series negavit effectum.* Hucusque Bellarminus, seipsum aut alios vehementer ludificans: Primum, quod ait, Patres Constantinopolitanos & Chalcedonenses nullam causam justam habuisse constituendæ quintæ Sedis Patriarchalis, repugnat quidem veritati, & causa ejus rei faciendæ declaratur epistola synodali ad B. Leonem: qua memoratur id factum ob confusiones & turbas, quæ Episcopis Asiæ, & Thraciæ mortuis nascebantur, cum ibi nullus esset satis propinquus Metropolita

polita qui Episcopos provinciæ congregaret ad legendos Episcopos, juxta IV & VI Canonem Nicænum. Quare ita concludunt: *Quæ igitur definivimus ad interemptionem quidem totius confusionis, confirmationem vero Ecclesiastica ordinationis definivimus.* Annon hæc satis justa & necessaria est causa constituendæ novæ Sedis Patriarchalis; ut hic omittam supercilium Occidentalium, quo nimium quantum Orientales gravabantur; ut testes sunt Epistolæ S. Basilii. Certe cum Patres Chalcedonenses illa synodali epistola ipsum Leonem testem confusionum, quibus mederi voluerunt, compellent: ipse autem nihil respondeat in omnibus suis Epistolis ad hanc difficultatem: id argumento certissimo est, non absque justa causa de novo erectum Patriarchatum. Hic mihi succurrit eximia B. Petri Historia Lucæ 5. qui dum piscaretur cum sodalibus, tantamque piscium multitudinem conclusisset, ut rete rumpere-tur, sponte non gravate socios in partem præ-dæ vocavit atque admisit. Procul dubio Do-minus voluit sive magno sumptu aut labori-bus Euangelium prædicari & salutem populi facile parari. Secundo, quod Bellarminus nar-rat, Damasum Papam, Canoni IIII Constan-tinopolitano obstitisse, id me alibi ne quidem apud Baronium legisse memini. Et quamquam ita esset, hoc parvi censeretur momenti: quo-niam decreta Synodorum generalium non ab uno & solo Papa tanquam infallibili & absolu-

to monarcha; sed à consensu catholico & communione sanctorum vim suam fortiuntur. Tertio, quamquam Leo hunc Canonem probare detrectarit, tamen non desiit in rem judicatam venire, ut tota hac Synodo ex Actis docuimus; neque vero hic quæritur quid Leo aut alii fecerint, sed quid facere debuerint secundum justum Ecclesiæ regimen, quod est Aristocraticum. Nam observatio hujus Canonis pendebat ab Episcopis Asiæ & Thraciæ, propinquis Constantinopoli, non à Leone remotissimo. Quarto, quod Bellarminus ex eodem Leone epistola ad Anatolium causatur, feriem annorum negavisse effectum huic decreto, id quidem verbis Leonis in sua causa non debet æstimari, sed veritate Actorum: quia, ut jam dixi, exequutio hujus decreti fiebat in Asia & Thracia, quæ sese Constantinopolitano Episcopo sponte dedebant.

Tertio, cum auctoritas Apostolica non absoluta & despotica, sed pure ministerialis, Aristocratico regimini subdita sit, frustra Leo Magnus epistola ad Pulcheriam scribit, se per auctoritatem Petri generali definitione Canonem xxvi i i Synodi Chalcedonenfis cassare: & ita etiam futilitas hujus glossæ Surrî & Binii evanescit: *Observa auctoritatem Romani Pontificis*, inquiunt; quasi vero Papa secluso universali Ecclesiæ consensu aliquid despotice statuere quiret! An, rogo, decreta Synodi Basileensis & Pragmatica Sanctio Gal-

lorum

lorum olim minus observata fuit in Franciæ regno, eo ipso, quod Eugenius IV ejusque successores eam minus gratam ratam haberent, & repudiarent? His adnecte, Leonem hæc facere tentasse, cum speraret Pulcheriam Augustam à Martino impetraturam, ut Canonem x x v i i Chalcedonensem abrogaret, quod minime fecit.

Quarto, locus epistolæ Leonis ad Anatholium quo eum exequutorem suorum placitorum efficere conatur, neque capi debet ad Leonis propositum suam jurisdictionem super alios collegas adstruere nitentis; neque etiam ad Bellarmini mentem: sed juxta potestatem ministerialem spirituales Primatus collati Petro: ita ut Papa de omnibus Ecclesiis sollicitudinem capeßere debeat quo Jus Divinum, Naturale & Canonicum executioni mandetur: quæ executio ad omnes Patriarchas & Episcopos proportionatim & respectively attinet. Itaque juxta regulas Aristocratici regiminis Ecclesiæ, sicut Papa omnes Episcopos sui officii commonefacere potest: ita & vicissim alii Episcopi Pontificem ad ea quæ sui sunt muneris exequenda excitare possunt: *Quia Episcopatus unus est, cujus à singulis in solidum pars tenetur. 24. quest. 1. Can. Loquitur. §. Episcopatus.* His de causis legimus Romanos Pontifices sæpe in exteris & longinquis provinciis aliquos misisse Episcopos, aut etiam nonnullos ex Episcopis illarum provin-

ciarum legatos suos & tanquam Epoptas & inspectores suos fecisse ad Canonum vindicias : sic Leo Magnus Anastasium Episcopum Thessalonicensem Vicarium suum in provinciis Orientis constituit : cumque terminos delegatæ potestatis excessisset, & Canones, quos servandos curare debebat, violasset, eum merito reprehendit epistola LXXXIV Leonis ad Anastasium Thessalonicensem. Idem quoque est iudicium de B. Gregorio qui Virgilium Arelatensem Episcopum Vicarium & legatum suum in Galliis efficit lib. IV. epistola 51 & 52. Quæ legationes primis Ecclesiæ temporibus non alio fine peragebantur, quam ut ubique terrarum communio Sanctorum secundum charitatem & terminos legis gratiæ suaviter constitueretur : demum & præsertim seculo Gregorii VII factæ sunt ad constituendam ubique absolutam curiæ Romanæ monarchiam : quod lector studiosus historiæ ecclesiasticæ diligenter animadvertere debet, ut differentiam regiminis & politiæ perspectam habeat. Porro hic sese opportunus locus offert ad fabulam confutandam, quam Cardinalis Turrecremata Dominicanus omnium primus est commentus : ut enim efficeret, Papam nullam certam & definitam parœciam, sed universam habere Christianitatem pro diœcesi, illum Apostolatui B. Petri successisse fabulatur : quod si verum esset B. Leo id non ignorasset, aut hîc silentio involvisset : quippe qui

in

in amplianda sua auctoritate, si quis unquam alius, omnium maxime industrius fuerit: & ista successio ad Apostolatam B. Petri ad Canonem **xxv i i i** Synodi Chalcedonensis oppugnandum apprime conduceret: nihilominus B. Leo præter Canones Nicænos nihil aliud Anatolio opponit. Cæterum aliquot annis post scriptam à me historiam hanc, in Bullarium Romanorum Pontificum incidi, in cuius fronte legi epistolam Leonis Magni ad Episcopos Chalcedone congregatos, quæ est 61 in collectione Binii: qua quidem collectores Bullarii demonstrare volunt, Chalcedonense Concilium Leonis auctoritate congregatum, & auctoratum in iis duntaxat, quæ ad causam fidei spectant: id autem quam veritati consentiens sit, tota hæc docebit historia.

**XLIV.** Cardinalis Baronius, cum videret rationes ex B. Leonis epistolis depromptas exigui esse ponderis: plurimas alias, undequaque potuit, confarcinavit; ac primum Tomo **rv** Annalium, anno Domini 381. ubi historiam primæ Synodi Constantinopolitanæ explicat, causatur, S. Gregorium lib. **vi**. epistola 125 ad Eulogium Alexandrinum scribere, Cyriacum Episcopum Constantinopolitanum in suis Synodicis catholice loquutum: & Canones Constantinopolitani Concilii Eudoxianos damnare, sed quis fuerit Eudoxius minime dicere. Romanam autem Ecclesiam eisdem Canones vel gesta Synodi Constantino-

politanae hactenus non accepisse: & in hoc solum eam Synodum accepisse, quod est per eam contra Macedonium definitum. Hincque infert Baronius, Ecclesiam Romanam tertium Canonem Constantinopolitanum de praeogativa Sedis Constantinopolitanae non admisisse. His & adjungi potest, eundem B. Gregorium lib. vi i. epistola 63 ad Joannem Syracusanum dicere, *Ecclesiam Constantinopolitanam Sedi Apostolicae esse subiectam.*

Secundo; Gelasium epistola 13 ad Episcopos Dardaniae contendere, Acacium Constantinopolitanum Episcopum esse subditum Metropoli Heracleensi: *Cujus Sedis Episcopus Acacius? cujus Metropolitanae civitatis Antistes? nonne paræcia Heracleensis Ecclesiae?* inquit Gelasius.

Tertio, eundem Gelasium ibidem ridere, quod Acacius regiae civitatis Episcopus fuisse diceretur. Nunquid, ait, apud Ravennam, apud Mediolanum, Sirmium, & Treveros, multis temporibus constitit Imperator? Nunquidnam harum urbium sacerdotes ultra mensuram sibi met antiquitus deputatam quidpiam suis dignitatibus usurparunt? &c. Nam alia est potestas regni secularis, alia Ecclesiasticarum distributio dignitatum, &c.

Quarto, Gelasius ibidem perhibet Martianum Constantinopolitanæ civitatis principem, posteaquam intercessor extitit pro Anatolio, nec à B. Leone aliquid contra regulas obtinere potuit, tandem summis laudibus pro-



prosequutum S. Leonem, quod Canones violari nulla ratione fuerit perpeſſus. Atque Anatolium culpam Canonis facti in gratiam Conſtantinopolitanæ Sedis, clero Conſtantinopolitano attribuiſſe, ſequæ hac via excuſaſſe apud Leonem Magnum. Baronius autem Tomo VI Annalium, anno Chriſti 454 circa medium, perhibet Martianum feciſſe Edictum ſuper ea re, ut Anatolii ambitionem reprimeret, & *Anatolium rugiu Magni Leonis perterreſactum, tandem paruiſſe*: Idque ex epiſtola 71 Leonis firmare nititur.

Quinto, Tomo IV ad annum 381 ait, non eſſe veriſimile, Timotheum Alexandrinum Epiſcopum, in cujus præjudicium Canon 111 Conſtantinopolitanus effectus erat, æquo animo pati voluiſſe ſibi præferri Conſtantinopolitanum & aliquas provincias tolli, ut Epiſcopo Conſtantinopolitano addicerentur. Cum autem nullum extet monimentum interceſſionis Timothei, id convincere Canonem illum obreptitium eſſe.

Sexto, obtendunt in Synodo Conſtantinopolitana nullos terminos adſcriptos Eccleſiæ Conſtantinopolitanæ, ſed duntaxat in Chalcedonenſi Concilio: eamque ob cauſam legatos Leonis Magni petiſſe in Concilio Chalcedonenſi, utrum Epiſcopus Conſtantinopolitanus à tempore Synodi Conſtantinopolitanæ uſus eſſet hoc privilegio: & ſi uſus eſſet, nihil eum habere cauſæ petendi ut novus Ca-

non de illare conderetur, &c. Ex quo inferunt Canonem Constantinopolitanum esse omnino adulterinum: Et eam ob rem Patres Constantinopolitanos in epistola Synodica ad Damasum nullam facere mentionem Canonis de prærogativa concessa Ecclesiæ Constantinopolitanæ, ut videre est apud Theodoretum, lib. v. historiæ cap. 9.

Septimo, narrant Canones Nicænos violari Canone III Constantinopolitano, & XXVIII Chalcedonensi, quoniam termini Sedium primarum ibidem constituti convelluntur: quod est B. Leonis argumentum.

Octavo Baronius Tomo v Annalium ad annum Christi 397 sub finem memorat, Theophilum Alexandrinum sibi jus vendicasse in electione Constantinopolitani Episcopi: idque testimonio esse Alexandrinam Ecclesiam post Romanam primum locum in Oriente tenuisse: & continuo Canonem tertium Constantinopolitanum tempore Theophili non venisse in rem judicatam.

Nono, eodem Tomo ad annum Christi 426 initio refert ex Socrate lib. VII. cap. 28 Historiæ, cum vacaret Sedes Cyzicena, Sisinium Episcopum Constantinopolitanum eidem Proclum Presbyterum Constantinopolitanum præfecisse, sed Cyzicenos elegisse Dalmatium monachum, neglecta illa lege, quæ jubet, ne quis Episcopus designetur absque sententia & auctoritate Episcopi Constantino-

tinopolitani : quam legem Cyziceni dicebant in gratiam unius Attici nominatim factam, nec se ultra extendere. Unde infert Baronius, ne quidem in Hellesponto Sedem Constantinopolitanam habitam pro Metropoli, multoque minus Patriarchalem Sedem potuisse constituere.

Decimo, Anatolium, dum argueretur ambitionis à S. Leone epistola 51 & 52 non se auctoritate Canonis Constantinopolitani armasse; idque ostendere Canonem esse supposititium.

Undecimo, urgent Canonem Chalcedonensem duo manifestissima continere mendacia : Primum, quod doceat primatum Romani Pontificis ortum ducere à Canonibus Nicænis, quasi ante Synodum Nicænam caruerit primatu. Contra, inquit Binius ad notas Chalcedonenſis Synodi, *Ex ipſo initio ſexti Canonis Nicæni conſtat, quod ipſa Romana Eccleſia non à Conciliis, vel à Chriſtianis Imperatoribus, ſed à Chriſto Domino Salvatore noſtro primatum obtinuerit. Ita enim exorditur Canon VI : Eccleſia Romana ſemper habuit primatum. Quomodo itaque eum à Patribus Nicæni Concilii accepiſſe potuiſſet ? Alterum mendacium, quod falſo aſſerunt, primatum Eccleſie Romana ideo conſeſſum, quod Roma Sedes eſſet Imperii. At Sanctus Leo epistola 52 ad Martianum Imperatorem & S. Gelafius epistola ad Episcopos Dardania, diſertis verbis hoc reſellunt: ac inter alias hanc habet rationem Gelafius, quod*  
Me-

*Mediolanum, Ravenna, Sirmium, Treveris & Nicomedia, multis temporibus Sedes Imperii fuerint, &c.* Hæc Binius, quæ mutuatus est à Baronio, quem perpetuo sequitur; legendus quoque Bellarminus lib. 11 de Romano Pontifice, cap. 13 & 18.

Sed ad analysim transeamus, & primum quod spectat ad sanctum Gregorium objicientem Eudoxium ignotum fuisse Ecclesiæ Romanæ; Respondeo tempore Synodi Constantinopolitanæ non fuisse ignotum: atque Eulogium Alexandrinum Episcopum informasse B. Gregorium, quinam esset iste Eudoxius lib. vii epistola 30. Indictione secunda. Quocirca Baronius & post illum Severinus Binius in notis ad primum Canonem Synodi Constantinopolitanæ ex Balsamone observant, Eudoxium fuisse Episcopum Constantinopolitanum, qui Filium & Spiritum Sanctum esse creaturam dicebat: unde cum re ipsa sentiret cum Arrianis, & quoad modum quendam discreparet, tandem ejus hæresim classi Arrianorum à qua manabat adscriptam, sicque progressu temporis effectum fuisse, ut nomen Eudoxianorum exolesceret, atque eorundem hæresis peculiari nomine appellari cessaret. Et ita relinquitur, S. Gregorium jure non potuisse improbare damnationem istius hæresis cujus fit mentio Canone 1 Synodi Constantinopolitanæ: quoniam hic Canon spectat ad fidem orthodoxam quam Ecclesia

clesia Romana repudiare nequit. At quæstio est facti, Canonem III de Sedis Constantinopolitanæ prærogativa Romæ improbari: jamjam monui, in toto Oriente sicut Pragmaticam Sanctionem in Franciæ regno contra Curia Romanæ molimina venisse in usum. Quo modo autem Sedes Constantinopolitana Romanæ Sedi subdita sit, lector ex observationibus nostris ad VI Canonem Nicænum repetet, ne hic eadem frustra & cum nausea cogar iterare.

Ad secundum, ductum ab Epistola Gelasii ad Episcopos Dardaniæ; indicat Baronium nullius esse aut fidei, aut judicii, quia Gelasius non tam ex rei veritate quam per quandam irrisionem & extenuationem oratoriam Acacium esse Heracleensis Ecclesiæ parochianum objicit: quoniam ante conditam Constantinopolim Byzantium erat sub Metropoli Heracleæ, ut ibidem testatur Baronius, nullo negotio dilapidans quod magno conatu ædificare annitebatur.

Tertio, Gelasii in re seria risus, plane vanus atque inutilis est: quotusquisque enim ignorat longe diversam esse rationem Constantinopolis, Mediolani, Ravennæ, Sirmii, Nicomediæ, &c? quandoquidem Sedes Imperii ad quoddam tempus & per modum transeuntis, ut scholastici nostri loquuntur, Ravennæ, Sirmii, Nicomediæ & Mediolani divertit. At Romæ & Constantinopoli quasi in per-

perpetuum habitavit : ideoque ibidem Curia, Senatus, Consules, Præfecti Prætorio, & reliqui magistratus cum omnibus notis atque fascibus perpetui imperii extiterunt. Hacque ratione Patres Constantinopolitanos & Chalcedonenses ductos Canon xxviii Synodi Chalcedonensis declarat. Adde ulterius quem admodum Patres decreto generalis Concilii reverentiam Sedi Constantinopolitanæ exhiberi voluerunt : ita etiam sancire potuisse si causa exigeret, ut similis reverentia & honor Mediolano, Ravennæ, Sirmio, &c. tenderetur. Quare Cardinalis Cusanus lib. ii, cap. ultimo de Concordantia Cathol. observat, *quod si per possibile Treverensis Archiepiscopus per Ecclesiam congregatum pro præfide & capite eligeretur, quod proprie plus successor S. Petri in principatu foret quam Romanus Episcopus*; enim vero primatus est Catholicæ Ecclesiæ, non Romanæ proprius. Atque ita satisfcit argumento Leonis & Gelasii contendentibus aliam esse potestatem regni secularis, & aliam distributionem dignitatum Ecclesiæ. Nam ecclesiastica dignitas formaliter Civitatibus aut Metropolitibus regiis non accedit, quia sunt Civitates & Metropoles regiæ, sed quoniam Ecclesia consensu suo & decretis ita esse voluit. Porro quod ad Gelasii epistolam 13 ad Episcopos Dardaniæ attinet, Collectores Bullarii Romanorum Pontificum eam in fronte Bullarii collocarunt, ut docerent *quantia sit sum-*

*summorum Pontificum auctoritas in damnandis à fide Catholica deviantibus & retractandis Conciliis male actis : sed uno verbo respondeo, Gelasium multa per auxesim folis Romanis Pontificibus adscribere quæ totius Ecclesiæ Catholicæ auctoritate gesta sunt : atque in multis contra historiæ veritatem ampullate loqui : ut hinc discamus Romanis Pontificibus in sua causa non esse facile credendum*

Ad quartum ; esto Martianum Cæsarem, in Leonis Magni laudes excurrissè, quia hic se Canonum Nicænorum vindicem gereret : an propterea sequitur Canonem **III** Constantinopolitanum & **XXVI** Chalcedonensem abrogari voluissè ? hoc quidem pernego : neque Gelasii conatus in epistola ad Episcopos Dardaniæ id probant : ubi multa oratorie per quendam excessum memorat quæ ad dogmata trahi non debent. Certe eventus ostendit, hos duos Canones invitis Romanis Episcopis semper robur habuissè : tumque demum Papam veritati manus dedissè : *Dist. 22. Can Renovantes sancti Constantinopolitani decreta Concilii petimus ut Constantinopolitana Sedes similia privilegia quæ superior Roma habet, accipiat : nec non in ecclesiasticis rebus magnificetur ut illa, &c.* Porro Baronius dolori suo nimium quantum indulget, asserens, Marcianum Cæsarem editum Palladio Præfecto misissè ut Anatolii ambitionem cogeret in ordinem, secundum Canonem Nicænum de Sedibus Patriarchalibus

libus, hæc enim verba Edicti : *Privilegia quæ generalibus constitutionibus universis Sacrosanctis Ecclesiis orthodoxæ religionis retro Principes constituerunt, firma & illibata in perpetuum decernimus custodiri : omnes sane pragmaticas Sanctiones quæ contra Canones Ecclesiasticos interventu gratia vel ambitionis elicitæ sunt, suo robore & firmitate vacuas esse præcipimus, &c.* Hæc, inquam, verba causam Baronii nullo modo juvant : quoniam Sedis Constantinopolitanæ prærogativa, qua de agitur, non Constitutionibus principum aut ulla sanctione pragmatica, sed Canonibus Ecclesiasticis & consuetudine diuturna inolevit. Quod autem scriptor Annalium conjicit, hoc Edictum Martiani consulto decurtatum fuisse à Justiniano, hercle omnibus judicio præditis se irridendum prostituit. Deus bone quam ridiculum est, ubi valida desunt argumenta ad ejusmodi fictiones & leptologias confugere ! Falsum quoque est, *Anatolium rugitu Magni Leonis perterrefectum, suum abdicasse primatum*, Quandoquidem longe alius est sensus Epistolæ 71 Leonis ad Anatolium quam hæc Leonis verba præ se ferunt (quia Leo permaximus semper fuit vocabulorum auctus in iis quæ ad suam potentiam augendam conducere arbitrabatur) *illam autem culpam quam de augenda potestate aliena, ut asseris, adhortatione contraxeras*, inquit Leo, *efficacius atque sincerius tua charitas diluisset : si, quod tentari sine tua voluntate*  
*non*



*non potuit, non ad sola clericorum consilia transtulisses: quia sicut in mala suasionem delinquitur, ita & in mala consensione peccatur. Sed gratum mihi, frater charissime, est, quod dilectio tua proficetur sibi displicere, quod tunc etiam placere non debuit. Sufficit in gratia communis regressum, professio dilectionis tue, attestatio Principis Christiani. Nec videtur tarda correctio cui tam venerabilis assertor accessit. Abjiciatur penitus inconcussus juris qui dissensionem fecerat appetitus: sufficiant limites quos sanctorum Patrum providentissima decreta posuerunt, &c.*

Enimvero, quamdiu Leo Magnus in fermento fuit adversus Anatolium propter Canonem hunc Chalcedonensem, Anatolius querelis Leonis nihil quicquam respondit; ut ipsemet Leo hac epistola 71 sic fatetur: *Ad quas epistolas cum non rescriberes, ipse te à colloquiis mei confortio separasti, &c.* Dehinc vero cum Leo Martinum Cæsarem rogasset daret operam quatenus clerici Constantinopolitani qui cædis Flaviani participes extiterant, punirentur, & Anatolius in hoc pariter studium acriter incumberet: eamque ob causam Leoni Magno scripsisset: atque obiter dixisset sibi graviter dolere Leonem tantopere excanduisse propter Canonem xxviii Chalcedonensem: cum id non tam à se quam à clero Constantinopolitanae Ecclesiae profectum fuisset: & alia ejusmodi narrasset quæ ad complementum urbanum & fovendam charitatem spectant: inde Leo Magnus captavit occasionem ea scriben-

*pervenientium rerum contra communem Ecclesiarum pacem occupemur. Quia vero, sicut apperet, adversarius non finit presentem sine fluctuatione navigare nos vitam, necesse est superna gratiae gubernaculo usos oportere nos omnes qui Deo auctores sumus in sacerdotio constituti illis certaminibus obviare. Unde etiam nunc in his quae sunt praesumpta in Alexandrinorum Ecclesia, non quievi: sed sequens vestra Christianae tranquillitatis intentionem volentem & Sanctorum Patrum regulas non sperni & civilia jura servari, quod me facere congruebat, scilicet Sedem gubernantem hujus regiae civitatis egi: & haec manifesta vestra Pietati fient per ea quae scripsi tam Romano sanctissimo & venerando Leoni Pontifici, quam omnibus uniuscujusque diocesis venerabilibus Metropolitanis Episcopis apud quos ingemui petulantiam contra Sanctorum Patrum regulas perpetratam, & facta scelerata Timothei, &c. Notum igitur facio vestrae tranquillitati, quod piis vestris syllabis à nobis fieri praecipistis, quia constituo Timotheum quidem quantum ad integritatem Sanctorum Canonum (adversum quos semper ea quae gessit & gerit haecenus, irritavit) in ordinatione sacerdotii nullatenus esse dignum, &c. De Chalcedonensi vero sancto & universali Concilio hoc aperte pronuncio, quia tentare omnino retractare aliquid eorum quae ab eis definita sunt, hominum est insidiantium solummodo catholicae Ecclesiarum Christi concordiae, congaudentium turbis atque tumultui, &c. Istinc ergo liquet, Aegyptios & Imperatorem ipsum habuisse*

buisse Anatolium pro Episcopo secundæ Sedis: quippe qui de Timotheo Æluro invasore Sedis Alexandrinæ statuat juxta Cæsaris & Ægyptiorum postulata.

Ad quintum, de Timotheo Alexandrino primum oppono, eo ipso quod nullum intercessionis exstet vestigium, hoc esse testimonio, Canonem IIII Constantinopolitanum omnium Patrum consensu synodice constitutum: idque amplius confirmat series & ordo numerorum Canonum Codices Ecclesiæ universalis & Dionysii Exigui: ubi Canon. IIII. Constantinopolitanus habetur pro CLXVI regula. Secundo urgeo omnes Patres Orientales justam causam habuisse in hanc rem consentiendi, propterea quod viderent se despici & quasi contemni ab Occidentalibus, ut ostensum est in historia Synodi Constantinopolitanæ, & nominatim differitur à S. Basilio epistola decima ad Gregorium Nazianzenum: quæ à Baronio refertur Tomo IV Annalium ad annum 372. Etenim, ait Basilius, *si Dominus sit nobis propitius, quali adminiculo indigemus? Sin autem ira Dei permanserit, quale nobis auxilium ad Occidentalem supercilio & fastu aderit: qui veritatem neque norunt neque discere sustinent: verum falsis opinionibus præditi illa nunc faciunt quæ prius in Marcello patrarunt: nempe cum iis qui veritatem ipsis annunciant contententes, &c. Ego sane ipse absque communi literarum figura volebam ad eorum Antesignanum scribere. De ecclesiasticis*

*fiasticis quidem nihil nisi per enigmata: quoniam nec intelligunt nostratum veritatem, nec viam qua possint addiscere amplectuntur. In universum hoc literis nolebam significare, non per afflictiones oppressis humiliatisque pœnam esse irrogandam, neque dignitatem æstimandam superbiam, quod etiam solum peccatum Deum inimicum reddere sufficit. Hæc ibi, sicut etiam epistola LXXVII. ad Transmarinos. Jam superius monui Baronium mirum in modum deludare, ut demonstret, Damasum justam habuisse causam non auscultandi Basilio: de qua re aliis, qua ecclesiasticam historiam illorum temporum bene noverint, esto sincerum & Christianum judicium. Profecto non abs re Balsamo apud Leunclavium Meditatione VII. sub finem, luget, *malum demonem ambitionis, Papam Romanum à reliquorum Patriarcharum cœtu avulsiße, atque in Occidentem duntaxat coarctasse*: cui augendo luctui, Nilus Thessalonicensis Episcopus suas quoque impendit lacrymas.*

Sextum, de terminis Sedi Constantinopolitanæ minime adscriptis solutum est supra, cum ex Socrate ostendimus, Patres Constantinopolitanos Thraciam Constantinopolitanæ Ecclesiæ addixisse: & longa temporis intercapedine ante Synodum Chalcedonensem, Episcopos Constantinopolitanos ordinationes fecisse in Asia, Ponto & Thracia. Ex quo insurgit, non tam novum Canonem conditum in Synodo Chalcedonensi, quam vetus jam

pridem à Patribus Constantinopolitanis latum corroborari & explicari : sicuti videmus Patres Chalcedonenses Acta Nicæni Constantinopolitani & Ephesini Concilii in Synodo Chalcedonensi comprobasse. Porro argumentum est à negatione causari nullam fieri mentionem Canonis III. Constantinopolitani in epistola synodica : cum enim memorata epistola Acta Patrum breviter recenscat, quid opus erat omnia sigillatim enumerare, quando Patres ejusmodi literas synodicas perfendas darent Cyriaco, Eusebio, & Prisciano Episcopis ut verbo dicerent quæ epistola summatim concepta erat : quippe qui Actis Synodi Constantinopolitanæ interfuisent.

Ad Septimum, de Canonum Nicænorum violatione ; rependo, non violari Canones, sed pro communi Ecclesiæ bono explicari, & Sedes Patriarchales ampliari : cum enim jure communi & ex quadam consuetudine institutæ sint, non dubium est, quin eodem pariter jure, quando necessitas atque utilitas Ecclesiæ postulat, augeri aut restringi valeant. Quod autem Nicænis Canonibus statuitur omnibus ecclesiis sua debere privilegia servari secundum antiquum morem ; hoc in eam partem capi debet, ut nulli privatæ aut particulari ecclesiæ, in aliarum ecclesiarum jura & privilegia involare liceat : nequaquam vero de iis quæ Synodo generali ex catholico Patrum consensu pro utilitate Ecclesiæ sci-

scun-

scuntur. Quibus bene ponderatis satis fit argumento B. Leonis epistola ad Martianum Imperatorem, perhibentis, sibi creditam Canonum dispensationem, &c. Hoc enim verum est habita ratione ecclesiarum particularium disgregatarum: minime autem de Synodo universalis qualis fuit Constantinopolitana & Chalcedonensis: quæ paris fuerunt auctoritatis atque Nicænum Concilium: & legem potuerunt Pontifici dicere, quam servare teneretur. Verum qui ad hæc animum considerate adjunxerit, nullo negotio omnes rationes auctoris præfationum Synodicarum Romanæ editionis in præfationibus Synodi Constantinopolitanæ & Chalcedonensis depellet.

Octavo, esto, Theophilum Alexandrinum jus ordinandi Patriarcham Constantinopolitanum sibi vendicasse: id quidem prærogativæ Sedis Constantinopolitanæ nihilo magis potest derogare quam Sedi Romanæ Episcopus Ostiensis qui Papam consecrat. Verum supra ex Gelasio docui Episcopum Heracleensem consuevisse Episcopum Constantinopolitanum ordinare.

Ad nonum, quando cleri & populi electio in ordinatione Episcoporum intervenire debet, & Metropolitani duntaxat potestatem habent ejusmodi electiones confirmandi per Canones Nicænos: certe nihil mirum est Cyzicenos obstitisse Sisinnio Constantinopolitano Episcopo cum eis dare vellet Episcopum

quem non elegerant. Quod spectat ad Atticum, usus est Privilegio quod lex est privata contra Canones quibus jus ordinarium continetur: itaque ejusmodi privilegium cum Attico extinctum est, nec ad successores Attici transire debuit.

Decimo, frustra Baronius silentium Anatolii erga Leonem Magnum ad causæ suæ patrocinium rapit: quia ut supra ex 71 epistola Leonis docui, Anatolius silentio suo impatientiam Leonis mitigabat: neque se Canone Constantinopolitano, neque alia ratione tueri volebat: quippe qui regulis Aristocratici regiminis atque ipsa praxi abunde vallaretur contra Leonis clamores: quandoquidem omnibus privilegiis Canone Constantinopolitano I I I & XXV I I I Chalcedonensi præscriptis utebatur fruebatur: ut supra docui in explicatione Actorum Synodi Chalcedonensis. Quid ergo opus erat ut Leoni scriberet de hac re, cum nihil ab illo, præter benevolentiam, quam palam Leo denegaverat, expectaret? Certe ejusmodi silentium Anatolii gravissimum & molestissimum erat Leoni, eoque magis quod se invito & reclamante negotium confici videret.

Undecimo, illi ipsi certe qui Patribus Chalcedonensibus duo manifestissima adscribunt mendacia, magnis sese mendaciis, ignorantia & impietate contaminant: dum minime attendunt in B. Petri primatu duo esse confide-  
randa



randa & ab invicem secernenda: Primum est institutio primatus cum iis quæ necessitate consequentiæ primatum concomitantur: quæ quidem sunt Juris Divini, ut demonstravi Axiomate xxxv Apologiæ. Alterum est amplificatio exercitii administrationis & existentiae primatus: quæ quidem maxima ex parte juris sunt mere positivi variabilis, manantque partim ab Ecclesiæ, partim à Principum Christianorum largitione, & civitatum amplitudine. Et de hoc posteriori genere non de priori Patres Chalcedonenses loqui claret ex ipso Canone xxviii & Actione xvi Synodi Chalcedonensis, ubi nominatim agitur de privilegiis humanitus concessis: insuper quoque comprobatur *Dist. 80. Can. Urbes. Can. In illis, & Dist. 99. Can. Provincia & Can. Nulli*. Quibus edocemur Primatus & Metropoles Ecclesiarum dispersitas & erectas fuisse ab Apostolis & Sanctis Patribus, juxta typum & formam dignitatis atque amplitudinis urbium. Idque confirmat Ecclesiam in republica tanquam in fundo & domicilio habitare. At secundum hanc posteriorem viam multa privilegia Ecclesiæ Romanæ humanitus obtigisse nemo nisi protervus & historiæ, imo omnis etiam sensus communis expers, inficiari potest. Enimvero qui in magnis & opulentis nascuntur & habitant civitatibus, multis pollent opibus & adjumentis, quibus alii carent qui pagos aut urbes obscuras incolunt. Quare ne-



scio quis Lacedæmonius quempiam magnifico loquentem audiens, *hæc tua oratio*, inquit, *magna & opulenta indiget civitate*. Et ne tam vetera quæramus scitum est quanto molimine Jesuitæ atque alii novi ordines in opulentioribus civitatibus Sedem figere ambiant. Quid ergo mirabile habet, Patres Constantinopolitanos & Chalcedonenses cum optime novissent Sedium Patriarchalium constitutionem & extensionem, juris esse humani voluisse ut Ecclesia Constantinopolitana ejusmodi privilegiis gauderet, atque post Sedem Romanam etiam in ecclesiasticis secundas obtineret? Neque vero Patres asserunt, ut Binius post Baronium imponit, primatum Ecclesiæ Romanæ ortum atque institutionem habuisse à Nicænis Patribus, sed duntaxat *Patres jure quidem privilegia tribuisse antiquæ Romæ throno, eo quod urbs illa imperaret*. Ex quo pariter inferunt, *similia privilegia Sedi Constantinopolitane tribui oportere, eo quod Sedem haberet Imperii & Senatum*. Quocirca hic agitur de Privilegiis, quæ jure humano, non de primatu Petri, qui jure divino quo ad essentiam institutus est. Et ita Vallii temeritas & ignorantia, ne quid asperius pronunciem, contunditur, lib. de Suprema potestate Papæ parte IV quæst. 8. ante medium, ubi asserit, *Concilium Chalcedonense niti hæretico, nedum falso & erroneo fundamento, quando scribit, Sedi senioris Romæ propter Imperium civitatis, primatus Patres contulisse*. Hicque animad-

madversione dignum, Vallium sententiam Patrum Chalcedonensium additione vocis *in Primatus*, corrupisse: solummodo enim dicunt *antiqua Romæ throno*, id est, cathedræ Petri, *quod urbs illa imperaret, jure Patres privilegia tribuisse*. Vallius autem addit, *privilegia primatus*: sic enim sua argumenta fictitiis commentis atque mendaciis obvallat, ut imperitis illudat facilius. De exordio vi Canonis Nicæni juxta recitationem factam à Paschasino, Leonis Magni Vicario, Actione xvi Synodi Chalcedonensis: hercle, Baronius, Binius, & ipsemet Bellarminus lib. i de Romano Pontifice cap. 13. inde primatum Ecclesiæ Romanæ adstruere laborant: quod mirabile est, cum hoc argumentum tam fragile & arundineum sit, ut nihil supra: hæc sunt verba Paschasini, *Quod Ecclesia Romana semper habuit primatum. Teneat autem & Ægyptus, ut Episcopus Alexandrinus, &c.* At vero quis prima fronte non observat, hæc concepta verba: *Quod Ecclesia Romana semper habuit primatum*, ab aliquo adscripta fuisse pro argumento & lemmate vi Canonis Nicæni: & tum demum obrepisse in Canonem ipsum, quasi partem genuinam Canonis efficerent? Quandoquidem in genuinis & authenticis exemplaribus Canonum Nicænorum nusquam conspiciuntur: quæ genuina exemplaria habes tum in codice Canonum Ecclesiæ universalis quo Patres Chalcedonenses utebantur, tum in codice Ecclesiæ Latinae,

næ, quem Dionysius Exiguus Latinum fecit, tum in sexto Concilio Carthaginensi, de quibus supra cap. 3 & 5. tum etiam in Tomis Conciliorum Petri Crabbe, Surii, Binii atque etiam editionis Romanæ: nec non præterea apud Gratianum *Dist. 65. Can. Mos antiquus*: Accedit & Canon xv i i octavæ Synodi generalis, suafu Vicariorum Adriani II. PP. conditus: in quo verbum de verbo recitatur Canon vi Nicænus atque etiam explicatur. Proculdubio ipsemet Bellarminus atque Binius sibi hujus obreptionis facile conscii, hanc vocem *quod* subdlexerunt & subticuerunt, quam tamen Paschasius pronunciavit & Baronius ipse retinuit: *Quod Ecclesia Romana semper habuit primatum. Teneat autem Ægyptus*: siquidem Bellarminus legit: *Ecclesia Romana semper habuit primatum. Teneat autem Ægyptus*, &c. Porro argumentum Leonis & Gelasii PP. ductum à discrimine potestatis regni secularis atque distributionis dignitatum Ecclesiasticarum: & quod Mediolanum Sirmium, Treveris, &c. aliquando fuerint Sedes Imperii, solutum est supra responsione ad tertium.

Summa hujus disputationis de Canone i i i Constantinopolitano & xxv i i i synodi Chalcædonensis ad duo redit puncta: Primum est, ut quæcumque synodice & consensu catholico Patrum sancirentur, vim & robur haberent, quamquam Romanus Pontifex contra refragaretur, idque ita semper tenuit schola

Pa-

Parisiensis, teste Almaino de Ecclesiæ auctoritate cap. 7. *Quamvis S. Leo reclamavit contra constitutionem Chalcedonensis Concilii*, ait, *quod Constantinopolitana Sedes praeccederet Alexandrinam*, prevaluit tamen constitutio Concilii reclamationi Leonis per Can. Renovantes. Dist. 22. & per cap. Antiqua. de Privilegiis. Nam statuta generalis Concilii præjudicant statutis Papæ si contradicant: Glossa in Can. legimus. Dist. 93. Quæ etiam confirmari possunt decretis pragmaticæ sanctionis, ut jam supra notavimus. Alterum punctum est, quod hic Leonis Magni & aliorum Pontificum adversus Canonem hunc conatus, illustre monumentum tentatæ & vindicatæ libertatis aut regiminis ecclesiastici adversus potestatem monarchicam nobis ad omnem potestatem monarchicam nobis ad omnem posteritatis memoriam erigat & consecret.

XLV. At vero cum Dioscorus Edicto Imperatoris Martiani ad urbem Gangrenam Paphlagoniæ deportatus, atque Proterius communibus Patrum Chalcedonensium suffragiis ad Episcopatum Alexandrinum loco Dioscori fuisset cooptatus; tantus quidem tumultus exarsit Alexandriae contra Proterium & Synodum Chalcedonensem, ut Imperator seditionis sedandæ causa illuc militum copias mittere coactus fuerit. Sed cum paulo post optimus Princeps debitum naturæ exolvisset, Alexandrini, ut ingenio ad levitatem & seditionem valde propensi sunt, captata inde occasione

fione rerum novarum majore æstu ac furore in Proterium bacchantes de integro tumultus instaurarunt, ac Timotheum cognomento Ælurum Presbyterum Alexandrinum Eutychis errore inquinatum Episcopum deligunt, atque Proterium abeuntem fugientemque ad baptisterium confodiunt. Neque tum minori furore monachi Palæstinæ adversus Synodum Chalcedonensem ejusque propugnatores certabant: quippe qui die sancto Paschæ, quendam nomine Theodosium in Juvenalis Episcopi Hierosolymitani locum, quem vi majore expulerant, suffecerint. Procul dubio, sicut Deus optim. maxim. veritatem à tempore laborare, opprimi autem nunquam patitur: sic compertum est, Arrianos, Macedonianos, Nestorianos atque Eutychianos, nunquam majori animorum insania bacchari cœpisse, quam post Conciliorum generalium definitionem. Quocirca S. Gregorius Nazianzenus epistola XLII ad Procopium dicebat, *se omnes conventus Episcoporum fugere: quia nullius unquam Synodi bonum atque felicem exitum vidisset.* Et hæc Dei providentia accidere permittit ad erudiendos & humiliandos homines. Verum hi tumultus tandem à Leone Imperatore, qui Martiano successit, sedati sunt: atque Ælurus impius exilio multatus & in ejus locum Timotheus, nomine Salophaciolus, delectus est: consule historiam Euagrii lib. II à cap. 5 ad II. cum Breviario Liberati, cap. 15 & 16. To-  
mo



mo 11 Conciliorum Bini: atque observa,  
mortuo Martiano Imperatore, magnam exti-  
tisse in toto Oriente contentionem de Chal-  
cedonenſi Synodo, & Leonem Imperatorem  
ea de re ſcripſiſſe ad omnes ubique terrarum  
exiſtentes Epiſcopos, qui viciffim eidem Leo-  
ni ſuam ſuper ea re ſententiam reſcripſerunt,  
& ſanctorum communionem declararunt: id-  
que quodammodo generali Concilio æqui-  
pollet. Epiſtolam Leonis Auguſti & Epiſco-  
porum habes Tomo 11 Conciliorum, ad cal-  
cem Synodi Chalcedonenſis, quas inter etiam  
exſtat B. Leonis Papæ epiſtola ad Leonem Im-  
peratorem, qua nominatim ait, *Regiam poteſta-  
tem non ſolum ad mundi regimen, ſed maxime ad  
Eccleſiæ præſidium eſſe collatam, ut auſus nefarios  
comprimendo, & quæ bene ſunt ſtatuta defendat,  
& veram pacem his quæ ſunt turbata reſtituat: de-  
pellendo ſcilicet perverſores juris alieni & antiquæ  
fidei Sedem Alexandrinæ Eccleſiæ reformando. Quæ  
quidem demonſtrant, Principes Chriſtianos eſſe  
Epiſcopos communes exteriorum negotiorum Eccle-  
ſiæ: adeo ut tanquam Dei miniſtri per jus meri  
imperii debeant vindices legis divinæ, natu-  
ralis, & canonicæ exiſtere. Porro ex omnibus  
antiquis hæreſibus nulla diuturnior & crude-  
lior Eutyariana extitit: quæque tantas popu-  
lorum ſtrages eliderit, quoniam permulti Im-  
peratores eam armis tutati ſunt: ſed Juſtinia-  
nus piiffimus Princeps eam valde repreſſit  
dum Edicto cavit, ut fides quatuor primorum  
Con-*

Conciliorum Nicæni, Constantinopolitani, Ephesini primi, & Chalcedonenſis in ſacras Eccleſiæ tabulas ubique terrarum referretur; atque in Eccleſiis aſſiduo prædicaretur. A quo etiam ritu illa manare conſuetudo videtur, qua Epifcopi Sedium Patriarchalium, ſtatim atque eſſent inaugurati, ſibi mutuo ſcriberent: ac ſpeciatiim profiterentur, ſe quatuor prima Concilia generalia velut quatuor Euangelia ſuſcipere, & venerari, ut teſtis eſt S. Gregorius lib. 1. epiſtola 24. ſub finem: & lib. vi 1. epiſtola 53. cujus meminit Gratianus, *Diſt. 15. Can. Sicut*. Verum de Juſtiniano uberius cap. ſequenti in hiſtoria quinta Synodi.

Cæterum quoniam in hoc Concilio & aliis omnibus quorum hiſtoriam teximus ſæpe hæc formula occurrit: *Sancta Synodus dicit*, &c. Hic pro Auctario notandum, quoties Epifcopi inter deliberandum dicebant aliquid diverſi quoad formam & modum, quamquam quoad rem & ſubſtantiam convenirent, Actuarios Synodi ſemper conſueviſſe nomina Epifcoporum ſcribere in Actis qui ita cenſuiſſent. Si vero aliquis Patrum quidpiam diceret quod uno conſenſu à tota Synodo nemine refragante probaretur, tum Notarios Concilii non ſolitos ſcribere nomen illius Patris qui hoc primus dixiſſet; ſed ejus ſententiam toti Synodo attribuire conſueviſſe, cum hac formula: *Sancta Synodus dicit*. Cujus rationis

tionis agendi lectorem informandum putavi;  
ne tanquam hospes & peregrinus in lectione  
Conciliorum versaretur.

C A P U T. IX.

- I. *Historia quinta Synodi generalis, indicta Constantinopoli à Justiniano, ut tria capitula quibus Nestoriani ad sui erroris patrocinium abutebantur, synodice damnarentur, & de summo Justiniani studio ut Ecclesia unirentur.*
- II. *Quamquam Vigilius P.P. esset Constantinopoli dum haberetur quinta Synodus, tamen rogatus à Patribus & à Justiniano, eidem Synodo praesidere noluit.*
- III. *Patres declarant nusquam veritatem posse accuratius aut diligentius inveniri quam in Synodo.*
- IV. *Sylvester apud Melchiorum Canum Auctor est, Ecclesiam & Papam, nisi diligentiam adhibeant necessariam in definiendis controversis, errare posse.*
- V. *Rationes auctoris Praefationum historicarum, quibus ostendit Vigilium non debuisse quinta Synodo praesidere, expendantur.*
- VI. *De primatu Arelatensis Ecclesiae, unde & quando ortum habuerit & de B. Petri patrimonio quod colligebatur in Gallis.*
- VII. *Edictum Justiniani contra tria capitula.*
- VIII. *Ejusdem epistolam, qua declarat Romanum Pontificem caput omnium Ecclesiarum esse genuinam teste Cujacio.*
- XI. *Utrum Imperatores statim atque electi essent ad Imperium suae fidei professionem mitterent Romam.*
- X. *Singulos Patriarchas quamprimum essent consecrati, consuevisse suae fidei professionem mittere ad alios Patriarchas: & nominatim declarare, se quatuor prima Concilia velut quatuor Evangelia venerari.*
- XI. *De summa pietate Justiniani in asserenda fide orthodoxa, quem eam ob causam Agatho Papa cum Synodo Romana omnibus aliis Imperatoribus antepozunt: & continuo ab eorum calumniis liberant, qui illum Eutychis errorem defendisse predicant.*



XII. Undenam ea manarint quæ Euagrius & Nicephorus de Justiniano quasi heretico enarrant.

I. **Q**uinto generale Concilium vocatur secundum Constantinopolitanum CLXV Patrum, habitum Constantinopoli circa annum Domini DXXXIV. idque ad profligandas reliquias hæresis Nestorii, & errores Origenis. Porro indictum fuisse à Justiniano Cæsare testis est Euagrius lib. IV historiae, cap. 37. & Nicephorus lib. XVI. cap. 27. Idque amplius liquet ex ejusdem Imperatoris sacra epistola quæ legitur initio Concilii ubi narrat, se Metropolitæ ad regiam urbem Constantinopolim vocavisse; & formam agendorum Patribus præscribit: quod est notabile. Quocirca Dominus Patriarcha Antiochenus dixit Patribus: *Piissima forma cujus mentionem fecit Theodorus Silentarius vir magnificus competenter suscepta recitetur: Et cum suscepisset Stephanus Diaconus & Notarius instrumentarius recitavit, In nomine Domini Dei nostri Jesu Christi. Imperator Cæsar, Flavius Justinianus, Alamanicus, &c.* Hæc autem notabilia continet. Primo narrat Imperator, hoc semper in more positum fuisse Cæsaribus, qui eum præcesserunt, ut hæreses diversis temporibus nascentes per congregationem Episcoporum amputarent, & in pace Sanctam Ecclesiam custodirent: eamque ob rem Constantinum Magnum Synodum adversus Arrium congregasse Nicææ. Theodosium seniore congregatis

gatis in regia urbe centum quinquaginta Episcopis contra Macedonium & Apollinarem participem fuisse Concilii, & fecisse rectam fidem prædicare. Iterum Theodosium Juniorem congregavisse priorem Synodum Ephesinam contra Nestorium. Similiter piæ recordationis Marcianum congregavisse Chalcedone sanctos Patres adversus Eutychem, hisque per diversa tempora subsequutis, prædictos piæ recordationis Principes ea quæ in unoquoque concilio judicata sunt, legibus suis corroborasse & confirmasse: & hæreticos qui definitionibus prædictorum sanctorum quatuor Conciliorum resistere & Ecclesias conturbare conati sunt, expulisse. Defuncto autem Martino, cum graves motus contra Synodum Chalcedonensem diversis in locis exurgerent, Leonem Augustum Imperatorem ad omnes ubique sacerdotes scripsisse, ut unusquisque eorum propriam sententiam manifestaret de eodem sancto Concilio.

Secundo, recenset dehinc sequaces Nestorii & Eutychis tantas turbas in sanctis Dei Ecclesiis fecisse & schismata conservasse, ut Ecclesiæ Orientis nullam prorsus communionem ad se invicem haberent: se vero quamprimum est evectus ad Imperium, fundamentum sui Imperii fecisse, ut divos conjungeret sacerdotes ab Oriente usque ad Occidentem; atque omnem amputasse contentionem quæ

contra Chalcedonensem Synodum ab Eutychis & Nestorii sequacibus movebantur, ac dedisse operam ut fides quatuor Conciliorum generalium in Ecclesiis ubique prædicaretur: hacque ratione neminem palam ausum tueri errorem Nestorii & Eutychis. Sed aliquos repertos qui id clanculum & indirecte facere tentarent per Theodorum Mopsuestænum, & epistolam Ibæ ad Marim Persam, nec non etiam per redargutiones Theodoretæ Cyrensis Episcopi adversus S. Cyrillum Alexandrinum: objicientes ejusmodi scripta non fuisse damnata à Synodo Chalcedonensi.

Tertio memorat, se de his tribus impiis capitulis, nempe Mopsuestæni, Ibæ & Theodoretæ scripsisse ad omnes Episcopos in suis degentes Ecclesiis, quatenus suam sententiam de illis aperirent, eaque capitula condemnasse: verum quia post ejusmodi condemnationem factam extra Synodum, sequaces Nestorii non desistunt tria memorata capitula vindicare & asserere: narrat Justinianus se Episcopos Constantinopolim convocasse, ut communi consensu iterum suam ederent sententiam super præfatis capitulis.

Quarto, dicit Vigilium Papam sese Constantinopolim contulisse, ab eoque quid de tribus istis capitulis teneret petiisse: respondisse autem se ea & voce & scriptis anathematizasse, quando Rusticum & Sebastianum Diaconos Ecclesiæ Romanæ & Valentinianum

num Episcopum Scythiæ cum Aureliano Arelatensi Episcopo condemnavit, observatque Arelatem primam esse omnium Ecclesiarum Galliæ : quod notatu dignum est. Præterea Patribus congregatis Constantinopoli ait se per Judices suos & quosdam ex Episcopis mandavisse Vigilio Papæ ut una cum aliis Episcopis conveniret, & communiter disceptaret de prædictis capitulis & forma daretur rectæ fidei congrua quatuor sanctis Conciliis, &c. Vigilium autem mandavisse quod de prædictis tribus capitulis per semetipsum faciens quid sentiret porrigeret. Quocirca Imperator adhortatur Episcopos, ut in sacra Synodo de prædictis capitulis suam aperirent sententiam.

Quinto, profitetur se servare & defendere quæ in Nicæno Constantinopolitano, Ephesino, & Chalcedonensi concilio definita; atque omnia damnare quæ illis Synodis contraria sunt, atque amplius sequi in omnibus sanctos Patres Ecclesiæ Dei Athanasium, Hilarium, Basilium, Gregorium Theologum, & Gregorium Nyssenum, Ambrosium Theophilum, Chrysostomum, Cyrillum, Augustinum, Proculum, Leonem, & omnia quæ ab eis de fide recta, & ad condemnationem hæreticorum scripta sunt.

Sexto subjungit, Nestorianos, cum errorem suum aperte damnatum viderent, illum ex scriptis Theodori Mopsuestæni, Theo-

doreti Cyrensis Episcopi, & epistola Ibæ ad Marim Persam, quasi ignem cineribus consopitum exsuscitasse, ac per totum Orientem sparsisse: ac proinde opus esse hæc scripta impia examinare: atque una videre, an liceat hæreticos post mortem anathemate ferire: docetque sanctos Patres non modo viventes hæreticos condemnasse, sed etiam post mortem illos qui in impietate sua morerentur anathemate perculisse, ac injuste damnatos absolvisse, & in sacris diptychis scripsisse, ut de B. Chrysostomo, & Flaviano Episcopis Constantinopolitanis compertum est.

En summa totius epistolæ Imperatoris quæ ordinem & formam agendi Patribus delineat, sicut antea factum est in prima Synodo Ephesina, & in Chalcedonenſi, ubi Senatus ab Imperatore Martino constitutus *δι τῆς αἰτίας* præscribebat, non autem legati Romani Pontificis: idque ostendit, Imperatores non fuisse nudos & simplices exequutores voluntatis aut mandatorum Papæ vel Synodi, ut Vallius ex Curia Romanæ placitis vult persuadere. Imo vero cum sint Dei Vicarii & ministri, *Romanorum* 13. possunt universos, etiam ipsum Papam ad juris divini, naturalis & canonici executionem, rectumque ordinem servandum cogere, quod est sæpius iterandum contra anarchiam quam novi Theologi ædificant.

II. Perlectis literis Justiniani sancta Synodus dixit: *Certis constitutis* QUÆ LECTA IMPE-

PE-

PERIALI FORMA CONTINENTUR, quoniam inter nos & Vigilum Sanctissimum antiquioris Romæ Papam scripta quedam facta sunt ad præsentem causam respicientia, necessarium esse putavimus ante alia omnia hæc lectione manifestari. Et cum suscepisset Stephanus Notarius & instrumentarius recitavit : scilicet Epistolam Eutychii Episcopi Constantinopolitani ad Vigilum PP. qua illum nomine omnium Patrum obnixè precatur atque invitat, ut Synodo præsidere dignetur sub tranquillitate & sacerdotali mansuetudine, propositis sanctis Euangelis, ut tria Capitula communiter tractentur, & finis questionibus proponatur Deo & quatuor primis generalibus Conciliis conveniens atque concordans. Quæ quatuor sancta Concilia Patres quintæ Synodi eadem epistola profitentur se per omnia atque in omnibus suscipere & amplecti una cum epistolis Præfulum Romanæ Sedis Apostolicæ, tam aliorum quam Leonis, de recta fide scriptis, & de quatuor sanctis Conciliis vel uno eorum. Cui epistolæ synodali Vigilus non clare & aperire sed obscure ad hunc modum respondet : Quibus ita prædictis postulationibus vestrum desiderium cognoscentes, annuimus ut de tribus capitulis ex quibus questio nata est, FACTO REGULARI CONVENTU, servata equitate, mediis sacro sanctis Euangelis, Collationem cum unitis fratribus habeamus, ut finis detur placitus Deo & conveniens his quæ à sanctis quatuor sunt definita Conciliis : scientes utique, sicut & communis professionis

Hh 4

restit.

*testimonio declaratur, memoritarum Synodorum in omnibus reverentiam custodiri. Deus te incolumem custodiat frater charissime. Porro hanc Vigilii responſionem Patres quintæ Synodi, in eam acceperunt partem, ut exiſtimarent illum vel- le Synodo præſidere: quod ſecus evenit. Nam cum aliquanto poſt Euty chius Conſtantino- politanus, Apollinarius Alexandrinus, Do- mninus Theopolitanus ſive Antiochenus Pa- triarchæ, cum octodecim Episcopis ſeſe no- mine totius Synodi ad domicilium Vigilii contuliſſent, eumque impenſe obſecraſſent, ut ſecundum epistolam à ſe ſcriptam vellet ad Synodum venire, quatenus fieret ſatis man- dato Imperatoris qui exhortabatur Patres, ut de tribus Capitulis ſtatuerent: Vigilius re- ſpondit; ſe propter corporis infirmitatem non poſſe in præſentiarum huic petitioni ſatisfacere: & die ſequenti pollicitus eſt, ſe quid ſibi placeret de tali conventu declaraturum. Qua de cauſa Patres diſ- fundunt diem habendæ Synodo, & Vigilium expectant: hæcque ſumma eſt primæ Colla- tionis aut Actionis Concilii, ſiquidem divi- ditur in octo Collationes ſive Conſeſſus, hodie vocant *ſeſſiones*.*

Collatione ſecunda iidem Patres qui jam Vigilium adierant, referunt ad Synodum ſe poſt diem, quem Vigilius condixerat, illum iterato conveniſſe, & commonuiſſe juxta ea quæ ei ſcribere placuerat, ut ad Synodum ve- niret, &c. *Reſponſiſſe autem non poſſe una con- venire,*

*venire, eo quod plurimi ibi essent Episcopi Orientales, pauci vero Occidentales: se autem paratum esse per semetipsum in scriptis suam sententiam offerre piissimo Domino Imperatori: idcircoque inducias postulasse ab ejus Serenitate ut intra eas suam voluntatem manifestaret.* Ad hæc Orientales respondent, Vigilium debere promissa exsolvere, cum literis suis pollicitus esset Synodo præsidere, maxime vero quod cuncti Patres Synodi ejusdem plane essent sententiæ & communionis cum illo: neque æquum esse Synodum differri propter Occidentales Episcopos: cum in sanctis quatuor Synodis multitudo Episcoporum Occidentalium nunquam inventa fuerit: sed duo tantum vel tres Episcopi & Clerici. Instant præterea, multos Episcopos ex Italia, Africa & Illyrico esse Constantinopoli cum Vigilio: nihilque esse quod prohibeat quo minus Synodo juxta ea quæ epistola sua pollicitus erat, intersit, & præsideat: hoc si facere recuset contra spon-  
sionem suam, necessum esse Patribus suam sententiam de tribus Capitulis synodice dicere, ne & Imperatori & populo Christiano ullum scandalum creetur ex ejusmodi cunctatione: interea Dominum Imperatorem certiore facendum de hac re.

Eadem Collatione narratur alio die Imperatorem multos ex Patritiis misisse ad Vigilium Papam, atque inter alios Petrum, Constantinum, Belisarium, Cethegum, Rusticum,



cum, una cum duodecim Episcopis ex parte Synodi, qui Vigilium interpellarent, ut cum aliis Episcopis ad Synodum conveniret, & communi consensu de tribus Capitulis decerneretur. Cum vero ille postulasset sibi dari inducias ut solus responderet, ei oppositum fuisse, quod jam alias sæpe & verbo & scripto tria condemnasset Capitula, atque Imperatorem velle ut una cum aliis conveniret ad Synodum & de tribus Capitulis synodice statueretur. Quod si decrevisset seorsim quæ sentiret referare, tamen necessum esse Episcopis ad Synodum convocatis suam hac de re sententiam synodice dicere: neque par esse ut Ecclesiam Dei in tanta confusione relinquerent. Cum ergo Vigilius noluisse Synodo interesse, Primasius Byzacenæ parœciæ Africæ Episcopus; qui tum erat Constantinopoli, rogatus ut Synodo adesset, respondit absente Papa se non posse interesse Synodo. Item multi alii Episcopi Illyricianæ provinciæ rogati ut adessent Synodo, responderunt Benenato Archiepiscopo suo absente non posse Synodo interesse. Et hinc discimus, consuetudinem fuisse ecclesiasticam, ut Episcopi solum metropolitanum suum sequerentur in Synodis, & illo absente sacris conventibus non interessent aut acta subscriptione sua firmarent: quod jam probatum est superius actione quarta Chalcedonensi: ubi Episcopi Ægyptii post damnatum Dioscorum actis sub-

subscribere recusarunt antequam haberent Metropolitam. Præterea ex responsione Primasii Episcopi Africæ dignoscitur Africam Patriarchatui Romano subditam. Verum his exploratis Patres quintæ Synodi decernunt, sibi ex officio incumbere, ut rationem reddant suæ fidei omni poscenti, atque optimi Principis desiderio satisfaciant. Quamobrem à tertia Collatione ad septimam tria sigillatim examinant, & canonice damnant Capitula: deinde Collatione septima actis inserunt epistolas Vigilii ad Rusticum & Sebastianum Diaconos Romanæ Ecclesiæ: item ad Valentinianum Scythiæ provinciæ Episcopum, & Aurelianum Arelatensem Episcopum super damnatione trium Capitulorum: quas epistolas Patres mandato Justiniani in acta quintæ Synodi conjecerunt.

III. Deinde Collatione octava sententiam suam in hunc modum declarant: *Licet Sancti Spiritus gratia & circa singulos Apostolos abundaret, ut non indigerent alieno consilio ad ea quæ agenda erant: non tamen aliter voluerunt de eo quod movebatur, si oporteret gentes circumcidi definire, priusquam communiter congregati, divinarum scripturarum testimoniis unusquisque sua dicta confirmaverunt: unde communiter de eo sententiam protulerunt ad gentes, scribes: Visum est Spiritui sancto & nobis, nihil aliud imponere vobis oneris præterquam necessaria, ut abstineatis ab immolatis simulacrorum & sanguine & suffocato & fornicatione. Sed*

&

*Et sancti Patres qui per tempora in sanctis quatuor Conciliis convenerunt antiquis exemplis utentes, communiter de exortis heresibus Et questionibus disposuerunt; certo constituto quod in communibus disceptationibus cum proponuntur quæ ex utraque parte discutienda sunt, veritatis lumen tenebras expellit mendacii. Nec enim potest in communibus de fide disceptationibus aliter veritas manifestari. Cum unusquisque proximi adiutorio indiget, sicut in Proverbis dicit Salomon: frater fratri adiutorium præstans exaltabitur sicut civitas munita: valet vero sicut regnum fundatum. Et iterum in Ecclesiaste dicit: Optimi duo quam unus quibus est merces bona in labore ipsorum. Sed etiam ipse Dominus dicit, Amen dico vobis, si duo ex vobis convenerint super terram de omni re quamcunque petierint, continget illis a Patre meo qui in cælis est. Ubi cumque enim fuerint duo aut tres collecti in nomine meo, ego cum eis sum in medio ipsorum. Cum autem sæpius Et a nobis omnibus invitatus religiosissimus Vigilius Et insuper gloriosissimis iudiciis missis ad ipsum à piissimo Imperatore promiserit per seipsum de iisdem tribus Capitulis sententiam proferre: huiusmodi responso audito, Apostoli nos admonitiones in corde habentes, quod unusquisque pro se rationem reddet Deo, timentes autem Et iudicium imminens eis qui vel unum ex minimis scandalizaverit, quanto magis Imperatorem ita Christianianissimum, Et populos Et Ecclesias totas: Et quod dictum est a Deo ad Paulum. Ne timeas, sed loquere, Et ne taceas quoniam ego sum tecum, Et*

*nemo*

*nemo poterit nocere tibi. Actor. 18. Congregati ante omnia confessi sumus fidem illam tenere quam Dominus noster Jesus tradidit Sanctis suis Apostolis, &c. quam latius exposuerunt trecenti decem & octo sancti Patres Nicææ congregati, &c. quæ videbit. Lector.*

Verum ut Collectanea nostra in quintam Synodum exhibeamus. Primum, miror qua fronte Ciaconius in vita Vigilii PP. memoret; illum quintam Synodum indixisse, eique præfuisse, cum Menna. Profecto neque Vigilius indixit, neque ei pariter interfuit, multoque minus Mennas qui diem supremum obierat, præfuit: tum enim Euty chius Mennæ Successor thronum Constantinopolitanum tenebat. Vigilius autem pertractus erat Constantinopolim tanquam reus exilii Sylverrii, & cædis nobilis cujusdam adolescentis filii Consulis Asterii. Severinus Binius qui tantum narrationem Baronii in suam Collectionem conjecit, memorat *Vigilium Papam hanc Synodum auctoritate Pontificia indixisse, & Justinianum opera, studio ac favore suo eandem congregasse.* Sed si eam indixit cur interesse detrectavit? Certe nihilo magis indixit quam alii Pontifices quatuor præcedentia Concilia quæ indicta & coacta sunt ab Imperatoribus, Papa Romano assensum suum præbente ut demonstratum est. Et ita potest concedi hanc Synodum assensu Vigilii indictam: quamquam acta id non dicant. Hercle ipse Binius post Baroni-

ronium confirmat, ne Vigilium quidem assensum præbuisse: *Huic Concilio Vigilus Pontifex*, ait, *neque per se neque per legatos interfuit: contradixit eidem, quando sine capite membra coirent: dum ageretur non consensit, absolutumque non statim, prout moris erat, ratum habuit: tamen ipsum nomen, titulum, & auctoritatem Oecumenici Concilii obtinuit, quando ipsius Vigili & successorum Romanorum Pontificum sententia approbatum fuit: ut aliqua Synodus cui nec per legatos, nec per se ipsum Pontifex interfuit, sed potius adversarius fuit, titulum Oecumenicæ obtineret: quando id fieri Romanus Pontifex volebat, novum non est. Supra enim tomo primo in notis Concilii Constantinopolitani primi sub Damaso notavi, quod illud Concilium sub Theodosio celebratum fuerit repugnante Damaso, qui illud celebrandum Romæ inuixerat: sed cum postea Pontifex consentiret, factum esse Concilium Oecumenicum, quod initio non legitime congregatum erat. Hæc Binius ex Baronio ad annum Christi 553 numero 224. Ex quibus liquet quantum Curiales Romani sint districti & implicati in sua infallibili monarchia constituenda. Primum Binius actis supra fideliter prolatis, repugnat, asserens Vigilium ideo contradixisse quintæ Synodo, *quod membra sine capite coirent*: siquidem Patres Vigilium etiam atque etiam rogarunt atque invitarunt ut Synodo præesse dignaretur, idque etiam Justinianus Imperator per suos Judices curavit. Secundo mera est cavillatio & petitio prin-*

principii dicere, aliquod Concilium titulum & auctoritatem habere Oecumenici Concilii, eo ipso quod à Papa auctoretur, non autem à consensu catholico & generali communione Sanctorum : quod ipsum clare Baronius & Binius docent asserentes primum Concilium Constantinopolitanum celebratum fuisse repugnante Damaso, qui illud Romæ celebrari volebat : hoc autem falsum est, ut ex historia Synodi Constantinopolitanæ liquet. Tertio, ex propria confessione adversariorum habemus, secundum & quintum Concilium generale, non robur habuisse à Papa, cum illo repugnante aut saltem non consentiente habita & conclusa sint, ut supra etiam de Canone xxviii. Chalcedonenſi & pragmatica sanctione docuimus. Vallius lib. de suprema potestate Papæ parte iv. quæst. 2. refert, *Synodum à Vigilio Papa auctoritate Pontificia indictam, sed Justiniani opera studio & favore congregatam fuisse*, quæ mutuatus est à Severino Binio. At auctor Præfationis Historicæ, in Romanis Conciliis longe verecundior est, quoniam actorum evidentia convictus tantum narrat anno xxv i i. *Justiniani Imperatoris quintam Synodum indictam*, nulla facta mentione Vigilii. Et hæctenus de indictione & convocatione quinti Concilii.

Secundo ex iis quæ commemoravimus claret Patres quintæ Synodi minime duxisse, Papam esse infallibilem monarcham Ecclesiæ, cum



cum ei aperte dicant, quamquam seorsim & figillatim de tribus Capitulis statuatur, ut alias jam fecerat; attamen necessum esse Partibus synodice sententiam suam dicere, ut Imperatori & populo Christiano fieret satis.

Tertio innotescit quantum Patres laborarint ut persuaderent Vigilio quatenus adesset & præset Synodo & communi omnium sententia de tribus Capitulis definiretur.

Quarto, neque Vigiliū neque Patres quintæ Synodi censuisse à solo Papa auctoritatem celebrandorum Conciliorum generalium pendere: cum absque Vigilio quintam Synodum celebrarint, eumque graviter culpent quod præesse noluisse: & constet Vigiliū nihil obtendisse in contrarium, neque dixisse Synodum se invito aut non consentiente haberi posse: satis enim est si Papæ consensus per indictionem petatur: ut ex historia superiorum Conciliorum innotescit: falsumque est quod Binius post suum Baronium causatur, Vigiliū contradixisse, nisi forsan contradicere, nolle præsidere Synodo, appellet.

Quinto, ex conclusione Concilii discimus, veritatem non posse accuratius disquiri, aut reperiri quam in Synodo, idque propter Sympathiam communionis Sanctorum: ibi enim singula Ecclesiæ membra sibi invicem auxiliantur & communem Ecclesiæ spiritum fovēt, atque excitant: causa hujus rei est, quod, ut alias docui, Ecclesia communi sua notione mul-

multorum collectionem & unionem significet : unde ne membra Ecclesiæ torperent, Christus infallibilem facultatem decernendi unitati non uni contulit : atque communionem Sanctorum & charitatem finem totius regiminis Ecclesiæ esse voluit : quæ communicatio non imperari, sed doceri & suaderi potest. Qua de causa Deus se certo adfuturum pollicetur iis qui in suo nomine convenerint Matthæi 18. Et idcirco S. Cyprianus scribit, unum esse Episcopatum cujus à singulis in solidum pars tenetur: unde Bellarminus lib. 1. de Conciliis & Ecclesia cap. xi. legitur fateri *Synodum parvam aut magnam esse medium ordinarium à Christo relictum ad afflatum & assistentiam Spiritus Sancti promerendam* Ut enim in rebus controversis Dominus Iudeos locum, quem elegerat, adire jubet. Deuteron. 17. Ita Christus in Evangelio Synodum haberi vult, estque locus quem elegit. Quocirca ubi Synodus necessaria est, qui eam defugiunt aut impediunt, una etiam Sanctorum communionem, quantum illis est, labefactant, & communem Ecclesiæ spiritum opprimunt. Proculdubio *faciienti quod in se est Deus non denegat gratiam*: Ecclesia vero teste Bellarmino ubi supra, non censetur in definiendis controversiis tacere quod in se est, nisi diligentiam ad id necessariam adhibeat : id est, nisi Synodos eo ritu & consuetudine celebret quo Apostoli & Patres Ecclesiæ primitivæ celebrarunt, Cæte-



rum Patres antiqui, ut monimenta diligentiae necessariae à se servatae in Synodis ad posteros propagarent; consueverant Actis Conciliorum inferere viam & rationem procedendi à se servatam: ita ut primum constaret, omnes Metropolitae literis Imperatorum convocatos ad Concilium: Et quoniam ejusmodi literarum Imperatorum superindictione Synodi summam ordinis tenendi praescribebant, eam ob causam in exordio Concilii ut praefulgerent ordini servando legebantur; sicut videmus in Concilio Tridentino bullas Pontificis praemissas singulis sessionibus. Secundo, in ipso Concilii meditullio, sacra Evangelia proponebantur sub pulpito, ut Patres monerentur omnia ad libram Evangelii esse examinanda: quam etiam ob causam, in fronte Synodi omnes auctoritates scripturae, quas ad rem definiendam conducere arbitrabantur, exhibebant. Tertio, sequebantur Decreta & Canones Conciliorum. Quarto, Patrum Sanctorum testimonia subnectebantur, ut supra in historia Synodi primae Ephesinae probatum est. Quinto, omnia capita controversiae excitatae & rationes quibus niterentur, sigillatim proponebantur & examinabantur. Sexto, omnes Patres non modo liberam habebant sententiae dictionem, verum etiam illis plane liberum erat proponere & referre ad Synodum quicquid liberet. Septimo, omnium Episcoporum vota & subscriptiones super re  
pro-

proposita quasi in aciem explicabantur. Quæ omnia octo primis generalibus Conciliis, quorum sex posteriorum Acta integra habemus, servata fuisse exploratissimum est.

I V. Hæc autem qui considerare examina- rit facile argumento Melchioris Cani Domi- niani libro v. cap. 5. de locis, circa medium, satisfidabit. Nam de summi Pontificis infalli- bilitate disputans, quærit. *An summus Ponti- fex & Concilia nisi diligentiam adhibeant errare possint? Cum nobis non constet, inquit, an summus Pontifex, Patresque Concilii præstiterint se diligen- tes & industrios ut via & ratione procederet inqui- sitio, ne constabit quidem an erraverint. Ita quæ- cumque definierint erunt incerta, &c. Hic vero scrupulus ita Sylvestri animo refedit, ut vix eum inde pellere potuerit: meliusque fuisset occulere quam stimulare ceteros quo ipse scrupulo pungebatur. Ac sunt etiam qui non obscure dicant quod si quando Romanus Pontifex in definitione fidei erraverit, inde evenire potuit, quod non tantam quantam de- bebat diligentiam adhibuit antequam sententiam proferret: quoniam vel rem non plene examinavit, vel non eos quos oportebat consuluit. Quibus si obji- cias Apostolicam Sedem errare in fide non posse: fa- tentur id quidem, sed ajunt Sedis Apostolica nomen non solum summum Pontificem significare, sed ipsum, ut facit ea quæ ad cathedram spectant: hoc est quatenus non ex suo sed ex consilio bonorum vi- rorum & doctorum procedit. Ita Sedis Apostolica judicia intelligi, non quæ occulte, malitiose, incon- sulte*

sulte per solum Romanum Episcopum, aut etiam cum paucis sibi faventibus proferuntur: sed quæ ab eo ex consilio plurimorum virorum sapientum plene prius re examinata prodeunt. Quæ res, ut de Conciliis quoque dicatur, subsunt omnino causæ eadem quas dixi paulo ante. Non enim exstimare debemus summum solum Pontificem, cum dormierit, errare, cum non dormierit verum dicere: Patres autem Concilii, sive dormiant sive vigilent, semper recta ingredi, & clausis quod ajunt oculis vel in tenebris obscura cernere. Commune est, crede mihi, omnibus judicibus Ecclesiæ, si decreta ediderint temeritate quadam sive judicio repentino quasi vento incitati nihil omnino consiciant quod solidum, quod grave, quod certum habeatur. En objectio quam Canus excitat, neque profecto aculeum quem Sylvester in hominum animos injecit, evellit: sed ubi multa atque inutilia effudit, frustra & incassum concludit, se nunquam admissurum, aut Pontificem aut Concilium diligentiam aliquam necessariam questionibus fidei decernendis omisisse: cum tamen ipse fateatur aliquos Pontifices & inter alios Honorium errasse in fide: sicque difficultatem non solvit, sed potius involvit atque incrustat, ut sæpe alias solet. Magister Andreas Vallius libro de Suprema potestate Papæ, parte I I quæst. 5. post medium, disputans quomodo dignosci possit Papam agere ut Papam, hoc est definire ex cathedra, ait, illum ea debere consulere, quibus fides pura & integra conservatur: cujusmodi sunt scriptura sacra, traditiones, Conciliorum de-

fini-

*initiones, decreta prædecessorum, unanimis Patrum & Doctorem consensus: denique consensus omnium fidelium, non tantum eorum qui vivunt, sed etiam qui jam è vivis excesserunt: quia in his tanquam in obsignatis quibusdam tabulis, fides conservatur, nutritur & corroboratur. Quâ sententiâ nullam in toto libro Vallii illustriorem & veriore* occurere arbitror: utque compleatur, prudentiam, diligentiam, studium, & judicium accuratissimum desiderat: quæ omnia in synodis nomine Christi congregatis duntaxat concurrere & reperiri possunt. Ubi omnia libere absque cujusquam gratia aut odio peraguntur: à quibus humanis infirmitatibus plane impossibile est consiliarios Papæ adscititios, captatos & prensatos, vacuos esse: cum ad solius Papæ nutum respondere cogantur. Hercle, praxis Ecclesiæ demonstrat, Episcopos tantum ex Cathedra definire, quando una cum Episcopis & Presbyteris Christi cathedræ & sacerdotii consortibus, de rebus controversis synodice statuunt. Cardinalis Alliæcenus cap. ult. de Ecclesiæ auctoritate, versus medium, scribit, *solius universalis Ecclesiæ privilegium esse quod non possit errare in fide: hoc tamen pie credi de Concilio generali, videlicet quando innuitur divinæ scripturæ vel auctoritati, quæ à Spiritu Sancto inspirata, alias sæpe errasse legitur*, inquit. Cui difficultati ut fiat satis, uno verbo respondendum censeo, hîc moralem & probabilem conjecturam, qualem rebus agendis

fapientes impendere consueverunt, sufficere: atque ubi constat, liberum fuisse Concilium (libertas enim suffragii causa est essentialis in Synodorum celebratione) & Patres diligentiam adhibuisse necessariam, ut paulo ante ex octo generalibus Conciliis ostendimus, plane acquiescendum esse: neque contra sententiam Concilii esse aliquid dicendum, nisi forte aperte constaret aliquid contra fidem esse patratum: legendus Gersonius de examine doctrinarum parte I consideratione v & axioma xxiii Apologiæ.

V. Auctor Præfationum historicarum Conciliorum Romæ editorum valde anhelat, ut Vigilium excuset, eo quod cum aliis Patribus in Synodo quinta confidere & præsidere detractarit. *Vigilius*, inquit, *ut Synodo interesset etiam atque etiam rogatus est, primum quidem à tribus Patriarchis & septendecim Episcopis id nomine totius Concilii suppliciter orantibus, deinde à tribus Patriciis ab Imperatore missis, nullis tamen precibus adduci potuit, ut à majorum suorum qui generalibus Synodis abstinerant, consuetudine recederet: eo præsertim quod ex Apostolica Sedis dignitate non videbatur esse inter externos fere Episcopos confidere: paucos enim secum duxerat ex Italia: quippe qui non ad Synodum sed ad Imperatorem profectus fuerat. Prolixe tamen suam voluntatem & assensum pollicitus est rebus omnibus quæ sacro approbante Concilio legitime definitæ forent. Hæc ille, cujus rationes ad tria Capita revo-*

revocare possumus: Primum, quod non videretur ex Sedis Apostolicæ dignitate inter externos Episcopos confidere, & paucos secum ex Italia Episcopos Vigilius duxisset. Secundum, quod esset contra majorum consuetudinem, Papam Synodis interesse: in cujus rei argumentum idem auctor ad oram præfationis quintæ Synodi laudat epistolam xlii & xlv Leonis Magni, quarum prior est ad Pulcheriam Augustam, posterior ad Theodosium Cæsarem. Tertium caput est, quod Vigilius sit pollicitus assensum suum rebus quæ à Concilio legitime definirentur.

Quod ad primum argumento ad hominem convincit, Vigilium non se existimasse monarcham Ecclesiæ universalis: multoque minus talem habitum ab aliis Episcopis. Ut enim Regi Galliæ præsertim in altissima pace & concordia omnium civium nullus Franciæ angulus externus aut peregrinus est, ita & monarchæ universalis Ecclesiæ, nulla diœcesis aut parœcia, nulli Episcopi peregrini sunt aut externi. Nam in Ecclesia Dei non est Gentilis & Judæus, Barbarus & Scythæ, servus & liber, sed omnia & in omnibus Christus cap. 3. ad Colossienf. *qui dissolvit medium parietem mæcærie*, &c. Proculdubio Patres Synodi cum profecti sunt ad Vigilium ei ante omnia protestantur: *se per omnia & in omnibus tenere definitionem quatuor primorum Conciliorum generalium, atque ejusdem esse sententiæ & communionis cum*

*illo, nec quicquam debere sinistri suspicari aut metuere: Deinde ut ostenderent, se ejus dignitatem & primatum comiter velle tueri, illum impense rogarunt, ut Synodo praesidere dignaretur sub tranquillitate & mansuetudine sacerdotali, propositis in medio conventu de more sacrosanctis Evangeliiis. Heu, quid est Sedis Apostolicæ dignitatem, si hoc non est, servare! doceant adversarii. At si quæ ratio debuit Vigilium impedire quo minus adesset Synodo, hæc fuit, quod Canones vetent Episcopos absque Metropolitano suo, & Metropolitanos inconsultis Episcopis suffraganeis aliquid magni momenti agere. Quocirca non poterat Vigilium inconsultis Episcopis Occidentalibus interesse Synodo, quin accessionem præberet schismatici: ratio est, quia Ecclesiæ Canone, non absoluta potestate, reguntur. Quam rationem Vigilium subticuit.*

*Secundæ rationi quæ B. Leonis epistolis roboratur, oppono, Leonem justam habuisse causam non proficiscendi ad Concilium Ephesinum: testimonium prioris epistolæ ejusmodi est: Nam illud quod pietas Imperatoris etiam me credidit debere interesse Concilio, etiam si secundum aliquod præcedens exigeretur exemplum, nunc tamen nequaquam posset impleri: quia rerum præsentium nimis incerta conditio à tantæ urbis populis me abesse non sineret: & in desperationem quandam animi tumultuantium mitterentur, si per occasionem causæ ecclesiasticæ viderer patriam & Sedem*  
*Apostolicam*



*Apostolicam velle deferere.* Item epistola ad Theodosium xvi i juxta Collectionem Binii: nam auctor Præfationum male citat xlv. *Unde quamvis ad diem Concilii Episcopalis, quem pietas vestra constituit, occurrere me ratio nulla permittat, quin nec aliqua ex hoc exempla præcesserint, & temporalis necessitas me non patiatur deferere civitatem, &c. Tamen in quantum Dominus juvare dignetur, meum studium commodavi, ut Clementiæ vestræ statutis aliquatenus pareatur, &c.* Hercle quidem tametsi Leo Magnus nullas alias causas excusandi se habuisset cum ad Synodum Ephesinam non pergeret quam longinquitatem itineris, id aliquo pacto erat dignum excusatione, cum tam longe quam Roma ab Epheso abesset: Vigilius autem tum erat Constantinopoli cum habebatur secundum Concilium Constantinopolitanum, ac proinde nulla est dignus excusatione. Hic obiter notarim, omnes qui aliqua historiæ Ecclesiasticæ cognitione tincti sunt, apprime nosse, plerisque Romanis Pontificibus hoc solenne fuisse, ut Synodos generales refugerent, nisi Romæ, aut ubi plenum haberent imperium, celebrarentur: & hinc illæ piorum hominum lacrymæ, ob Ecclesiæ reformationem in capite & in membris dicamne his moribus corruptissimis desperatam! Nicephorus lib. xvi i. cap. 27. historiæ Ecclesiasticæ memorat, Vigilium secundæ Synodo Constantinopolitanæ noluisse præsidere, eo quod Euty-



chium Patriarcham Constantinopolitanum cum aliis Patriarchis & Episcopis missum fuisse nomine Synodi & Imperatoris ad Vigilium tanquam caput & primum Patriarcham Synodi: atque Vigilium eidem Eutychio respondisse & scripsisse hoc eodem nomine, id est, tanquam capiti Concilii. Nam inscriptio epistolæ Vigilii ad Eutychium sic est concepta: *Dilectissimo fratri Eutychio, & Episcopis sub te constitutis*: qui Episcopi sedebant in Synodo sub Eutychio: ibique tres erant Patriarchæ, nimirum Eutychius Constantinopolitanus, Apollinarius Alexandrinus, & Dominus Antiochenus, qui omnes Eutychium tanquam Patriarcham secundæ Sedis post Romanum habebant; & ita claret falsum esse quod Baronius, Bellarminus & alii Curiales scripturiunt, Canonem de Sedis Constantinopolitanæ privilegio non obtinuisse, nisi trecentis annis post Synodum Chalcedonensem. Hercle auctor Præfationum historicarum diserte narrat, *tres Patriarchas & septemdecim Episcopos nomine totius Concilii missos ad Vigilium, quorum Eutychius erat primus, & nomine Synodi loquebatur Vigilio.*

Ad tertium quod Vigilius assensum suum pollicitus sit rebus quæ a Concilio definirentur, id non claret ex Actis aut responsione Vigilii narrantis duntaxat se alias damnaſſe tria Capitula, & scripto declaraturum quid sentiat. Hercle finita Synodo tandem ejusdem Sy-

Synodi sententiæ accessit privatim damnando tria Capitula : idemque etiam fecit Pelagius Papa. Curiales Romani id vocant Synodum confirmare : quasi totum robur ei ex assensu & comprobatione Pontificis Romani accederet, quod supra est à me non semel confutatum. Non hic est mandandum oblivioni, plurimos Episcopos, Occidentis præsertim, noluisse quintam Synodum recipere, quia existimarent eam derogare definitioni Synodi Chalcedonenfis eo ipso quod tria damneret Capitula : cujus rei causa erat Vigilius qui Synodo quintæ præesse noluerat, neque Episcopos sui Patriarchatus rerum gestarum in quinta Synodo satis capaces reddiderat. Quare necesse fuit B. Gregorio hunc scrupulum ex Episcoporum Occidentalium animis evellere, & pro quinta Synodo scribere libro 11 epistola 10. lib. 111 epistola 1. 2. 3. 4. 37 & 49. Item lib. v epistola 2. & lib. vii iudictione 2. epistola 53.

VI. Cæterum quando in epistola Justiniani Imperatoris & alias in Actis v Synodi *fit mentio Primatus Ecclesiæ Arelatensis, quam primatem Ecclesiarum Gallie vocat Justinianus* : de hac re amplius dicendum est. Hercle, quando & unde hic Galliarum primatus originem duxerit me legisse non memini : proclive autem est augurari, sicut alias Metropoles & Sedes Patriarchales (primatum Petri tanquam jure divino constitutum excipio) ex antiqua &

& insensibili consuetudine ortum habuisse, de qua consuetudine vide quæ supra cap. 2. in explicatione Canonis vi Nicæni observavimus. Optatus Milevitanus lib. 1. historiæ, & Augustinus epistola 162 ad Eleusium & Felicem Grammaticum narrant, cum Donatistæ petiissent à Constantino Imperatore controversias suas ab Episcopis Galliæ dirimi, Optimum Imperatorem hujus rei curam Arelatensi Episcopo demandasse : unde conjicio, jam tum temporis hunc primatum Arelatensem invaluisse : certè Ausonius *Arelatem Gallulam Romam*, & Hincmarus Rhemensis cap. 17 epistolæ ad Joannem VIII PP. *Constantinam* vocat, quia, ut ait Ortelius post Scaligerum, *Constantinus sic eam tanquam urbem Galliarum principem appellari voluit* : unde nihil mirum est ibidem Galliarum primatum defixum esse. At vero, cum Leonis Magni temporibus Hilarius Arelatensis Episcopus terminos à Patribus positos violasset, idem Leo auctor fuit Valentiniano Imperatori, non modo ut Hilarium cogeret in ordinem; verum etiam ut primatum Arelatensem funditus dirueret: consule Theodosianum Codicem libro Novellarum Titulo xxiv de Episcoporum ordinatione, cum epistola Leonis ad Episcopos per Viennensem provinciam constitutos, quæ est 91. Collectionis Binii: qua in epistola Leo primatum hunc partiri conatur inter alios provinciæ Viennensis Episcopos: hoc posito

fun-

fundamento sæpe alias explauso, scilicet, *Christum à B. Petro quasi à quodam capite jurisdictionem in totum Ecclesiæ corpus diffundi voluisse*: quod sonat B. Petrum fuisse absolutum Ecclesiæ monarcham : quæ opiniones natæ & adultæ sunt Romæ, non Hierosolymis, unde Evangelium ad nos dimanavit. Verum tamen contra Valentiniani edictum & conatus B. Leonis Arelatenfes Episcopos in suo primatu jugiter continuasse docent & Justiniani Imperatoris literæ, & S. Gregorii epistolæ : & primum quidem epistola ad Augustinum Anglorum Episcopum responsione nona, cujus habes particulam 25. *quest. 2. Can. in Galliarum*. Item lib. IV epistola 51. & 52. ad Virgilium Arelatensem Episcopum, cui quidem lib. V. epistol. 53 & 55. dat facultatem colligendi *Patrimonium S. Petri in Gallis, tanquam legato Sedis Apostolicæ*. Quod patrimonium erant Collectæ pecuniarum quas pietatis causa Christiani sponte & ex pura devotione erogabant partim alendis pauperibus qui Romam undequaque confluebant, partim aliis usibus piis: Ipse Gregorius epistola 10. libri V. vocat *Solidos quosdam*. Hoc autem patrimonium, ut nominatur à B. Gregorio, initium habuisse videtur à collectis quæ fiebant in Sanctos, ut mitterentur Hierosolymam, I *Corinthior. 16*. Quam spontaneam & piam erogationem Gregorius VII transformare voluit in onus, tanquam aliquod jus Sedi Apostolicæ debitum.

Se-

Sequidem lib. viii epistola ult. memorat in *Archivo Ecclesiæ S. Petri tabulas asservari, quibus Carolus Magnus jussit tribus in locis, puta, Aquigrani, apud Podium S. Maria, & apud S. Ægidium annuatim colligi mille ducentas libras ad servitium Sedis Apostolicæ; excepto quod unusquisque propria devotione offerebat. Quocirca Gregorius VII, sicut nunquam fuit negligens ampliandæ suæ potestatis, ita legatis suis imperat quos in Gallias mittit: dicerent omnibus Gallis & per veram obedientiam præciperent, ut unaquæque domus saltem unum denarium annuatim solvant B. Petro, si cum recognoscant Patrem & Pastorem suum more antiquo: hæc ille. Sed quotusquisque non videt longe aliud esse Collectas ex mera devotione, vel regis mandato facere; & easdem tanquam jus aliquod debitum à Papa imperari, sicut his verbis eas Gregorius VII imperat: *Per veram obedientiam præcipiant, &c.**

Ad calcem actorum Synodi quintæ in editione Romana legitur edictum Justiniani continens ejus confessionem adversus tria Capitula, & errores Origenis: quod factum fuisse puto ante quintam Synodum postquam singulos Episcopos literis suis consuluit, quid de istis Capitulis sentirent, ut recte Binius notat ex Baronii collectaneis: ratio est, quia ibi nulla fit plane mentio quintæ Synodi: non dubito tamen post quintam Synodum Justinianum de ea in rem judicatam mittenda legem

gem scivisse, ut in aliis Conciliis solitum fuerat, idque Liberatus docet cap. ultimo Brevariarii. In illo autem edicto quo Justinianus confessionem suæ fidei edit, inter alia plurima notatu digna hæc occurrunt: *scilicet, hæreticos, ut simpliciores decipiant, vocibus quidem uti quæ ab orthodoxis pie dicuntur, rectum autem earum intellectum & expositionem ad suam impietatem transferre, quoniam eadem voces, quando bene exponuntur & intelliguntur cum pietate sunt: quando autem male ab hæreticis intelliguntur & proferuntur, impietatem habent.* Hæc ibi: unde S. Hieronymus merito pertimescebat ne quid veneni lateret sub voce trium Hypostasium, epistola ad Damasum. Deinde aliquanto post eodem edicto Justiniani versus finem: *Oportet autem etiam illud attendere eos qui veritatem perscrutantur, quod forsitan in Conciliis quedam à certis ibi convenientibus dicuntur, aut per favorem aut per contrarietatem, aut per ignorantiam: Nemo autem attendit ea quæ per partem à quibusdam dicuntur: sed sola illa quæ ab omnibus communi consensu definiuntur: Si enim aliquis voluerit attendere ejusmodi contraritates unaquæque Synodus invenietur semetipsam destruens.* Hæc Justinianus recte quidem ad veritatem orthodoxam: quæ edocemur, facultatem infallibilem decernendi unitati non uni datam à Deo, *Matthæi 18.* & in Synodis videndum quidnam communione sanctorum statutum fuërit, non quid à singularibus deliberetur.

assensum præbeant. Sed ut de Primatu ante dicamus, si Epistola Justiniani ad Joannem II vera est, hæc declaratio spectat ad limitationem atque exercitium extensionis primatus, sicut & quæ de Phoca Imperatore narrantur: ita ut sensus sit, ejusmodi constitutionibus Justinianum & Phocam voluisse tollere controversiam quæ tum Episcopos Constantinopolitanos cum Romanis Pontificibus committebat. Hocque ad declarationem non ad novi Juris institutionem spectat: quia, ut tam frequenter disputavimus, Primatus, quo ad essentiam, juris est divini: extensio vero administrationis, atque exercitii juris humani ab Ecclesia limitandi. Quod autem aliqui de veritate Epistolæ Justiniani dubitant, hoc inter Catholicos nihil derogat primatui, quem ut jure divino constitutum merito propugnamus. Causæ vero dubitandi de ejusmodi Epistola sunt: quod stilus & ratio scribendi Justiniani tam demissa, humilis hiulca, & plane differens sit à cæteris scriptis, legibus, atque edictis illius, quam stilus pueri ab oratione polita & nervosa viri docti, & judicio præditi. Præterea, ut hic omittam contentiones S. Gregorii cum Episcopis Constantinopolitanis de Titulo Episcopi universalis, idque post Justiniani edictum: Platina scribit, *Bonifacium III. Gregorii successorem magna contentione à Phoca obtinuisse ut Sedes B. Petri Apostoli, quæ est Caput omnium Ecclesiarum, ita & diceretur & haberetur*

retur ab omnibus : quem quidem locum Ecclesia Constantinopolitana sibi vindicare conabatur , &c. Verum si Justinianus id jam statuerat, ut *L. Inter claras* edicatur : quid tanta opus fuisset Bonifacio uti contentione ad impetrandum à Phoca quod jamjam erat à Justiniano constitutum : cujus sanctio saltem præibat Phocæ, qui tamen nullam ejus rei facit mentionem in suo Edicto. Non me latet doctissimum Cujacium l. xii. Observationum cap. 26. demonstrare, illam Justiniani epistolam esse genuinam atque Legem *Inter claras* verbum de verbo conceptam esse in Basilicis juris Orientalis. Sed contra excipi potest, memoratam legem *Inter claras* iam facile potuisse in Basilicas obrepere quam falsam donationem Constantini in Nomocanonem Photii & Balsamonis, ut observavimus lib. v. defensionis libelli de Ecclesiastica & Politica potestate.

IX. De alia difficultate, utrum Imperatores statim atque essent ad Imperium assumpti suæ fidei professionem Romam mitterent & undenam occasio id asserendi nata fuerit, explorandum est. Certe Gelasius Papa, epistola i i ad Laurentium Episcopum, nominatim scribit, *morem esse Romanæ Ecclesiæ, sacerdote noviter constituto formam fidei suæ ad sanctas Ecclesias prærogare : atque hæc eadem compendiosa brevitæ studuisse renovare, ut, sub qua fide vivendum sit, lector agnoscat.* Quæ consuetudo Pontificum Romanorum, & aliorum Episcoporum ut fidei



dei suæ rationem ederent, statim atque essent ad Cathedram evecti, orta videtur postquam in toto præsertim Oriente tanti tumultus & conturbationes adversus Synodum Chalcedonensem factæ sunt. Quare Childebertus Franciæ Rex quamprimum Pelagius I. Vigili successor ad B. Petri Cathedram cooptatus est, ab illo petit, *utrum teneat per omnia, B. Leonis Magni PP. tomum*, id est, definitionem Synodi Chalcedonensis, quæ complectebatur fidem Nicænam, Constantinopolitanam, & Ephesinam. Hic adscribam verba Pelagii, ex ejusdem epistola 16. relata in corpus Canonicum xxv. quæst. 1. Can. Satagendum: *Domino filio gloriosissimo atque præcellentissimo Childeberto Regi, &c. Non est voluntas Patriæ vestri qui in cælis est, ut unus saltem pereat de pusillis, &c. Cum igitur etiam de pusillis ista forma præcepti sit: quanto nobis studio ac labore satagendum est, ut pro auferendo suspicionis scandalo obsequium confessionis nostræ Regibus ministremus: quibus nos etiam subditos esse Sanctæ Scriptura præcipiunt. Veniens enim Rufinus vir magnificus legatus Excellentie vestræ confidenter à nobis, ut decuit, postulavit quatenus vobis aut beata recordationis Papæ Leonis tomum à nobis per omnia conservari significare debuissimus, aut propriis verbis nostræ confessionem fidei destinare. Et primam quidem petitionis ejus partem, quia facilius fuit, mox, ut dixit, implevimus: neque in omnibus prædicti præsulis tomum pro catholice fidei assertione conscriptum Deo propitio custodire manus nostræ*

ad vos professione signavimus. Ut autem deinceps nullius, quod dixit, suspicionis refideret occasio, etiam illam aiam partem, quam memoratus Var illuxis Rufinus admonuit, facere maturavi: scilicet propriis verbis confessionem fidei, quam tenemus, exponens. Definitiones quoque de eadem catholica fide qua in quatuor sanctis Conciliis statuta sunt, sed & memoratis Pontificis quas universales semper tenent ac tenet Ecclesia, nos sancto Dei auxilio tenere atque defendere praesenti ad Excellentiam vestram colloquio intimandum necessario iudicavi. Credo igitur in unum Dominum, Patrem, & Filium, & Spiritum sanctum, Patrem scilicet omnipotentem, &c. Ubi autem Pelagius suam fidem professus est, tandem ita concludit. Hae est igitur fides mea, & spes qua in me dono misericordiae Dei est, pro qua maxime paratos esse debere B. Petrus Apostolus praecipit ad respondendum omni poscenti nos rationem. Nunc conveni Excellentiam vestram proferre ejusdem fidei, quam vos in corde habere gaudemus, peculiarem curam per universas Galliae vestrae regiones impendere, ne illic scandala seminantes, sicut in partibus istis facere conabatur frontis sua procacitate impellente discurrant, & aliquos fratres & Episcopos nostros vel creditas eis plebes ad dissensiones exaguent, &c. Item Pelagius II epistola v. ad Eliam & Episcopos Ithriae, cum pro tribus Capitulis damnatis in quinta Synodo pugnarent, eis pariter summam fidei suae mittit. Sed quis inimicus humani generis usque in finem seculi non quiescit, in Domini Ecclesiam bono semini  
super-

*superseminare zizania : Ideoque ne forte quisquam maligno studio aliqua de fidei nostræ integritate diaboli instigatione fingere præsumpserit , & argumentari & ex hoc vestri fortasse videantur animi perturbari : necessarium judicavimus per præsentem epistolam nostram, & ad viscera vos matris Ecclesiæ ut reverti debeat cum lacrymis exhortari , & de fidei nostræ integritate vobis satisfactionem nostram mittere : quatenus nulla possit in cordibus vestris de nobis manere suspicio: ut in divini tremendique judicii die de taciturnitate mea reus inveniri non possim , &c. Postea profitetur se tenere fidem quatuor Conciliorum generalium & epistolam B. Leonis ad Flavianum quæ Tomus appellatur , inquit, &c.*

X. Porro ex hac consuetudine tandem obtinuit mos ut ad fidei & Ecclesiæ unitatem retinendam , singuli Patriarchæ quamprimum essent ordinati sibi invicem Synodicas epistolas mitterent : quibus summam fidei suæ exponerent. B. Gregorius lib. 1 epistola 24. ad quatuor Patriarchas sub finem : *Præterea quia corde creditur ad justitiam , ore autem confessio fit ad salutem , sicut sancte Evangelii quatuor libros , sic quatuor Concilia suscipere & venerari me fateor , Nicænum scilicet , Constantinopolitanum , Ephesium primum, & Chalcedonense. Et cujuslibet vitæ atque actionis existat , quisquis eorum soliditatem non tenet , etiamsi lapis esse cernitur , tamen extra ædificium jacet. Quintum quoque Concilium pariter veneror, &c. Cunctas vero quas præfata venerandi*

*randa Concilia personas respuunt, respuo; quas venerantur amplector: quia dum universali sunt consensu constituta, se & non illa destruit quisquis presumit aut solvere quos religant, aut ligare quos solvunt. Quisquis ergo aliud sapit, Anathema sit. Vide Dist. 15 Can. Sicut sancti Evangelii. Deinde epistola 25. ejusdem libri 1. ad Anastasium Patriarcham Antiochenum: Præterea sicut Patriarchis aliis vel fratribus, ita & Synodicam vobis epistolam direxi, &c. Item epistola 53 libri vii indictione 11; Hinc etiam est quod, quoties in quatuor præcipuis Sedibus Antistites ordinantur: synodales sibi epistolas vicissim mittant in quibus se sanctam Chalcedonensem synodum cum aliis generalibus Synodis custodire fateantur, &c.*

Ut autem causam hujus professionis fidei factæ ab Patriarchis & aliis Episcopis, indagemus, primo sciendum, ut jam docui, in historia Chalcedonensis Concilii sub finem: post conturbationes & seditiones Ægyptiorum atque Orientalium adversus Synodum Chalcedonensem, omnes orbis Christiani Episcopos rescripisse ad Leonem Imperatorem pro Chalcedonensis Concilii vindiciis: & Leonem ac cæteros Imperatores, qui fidem orthodoxam amplectebantur, edicta sua promulgasse in eam rem, eaque omnibus Patriarchis atque judicibus suis misisse quatenus executioni mandarentur: contra autem Imperatores qui Chalcedonensi Concilio erant infesti, consuevisse pariter edicta contraria facere

facere adversus Chalcedonensem Synodum : idque est quod Symmachus PP. in apologia adversus Anastasium Imperatorem epistola vii sub finem reprehendit in Anastasio Imperatore, quippe qui Synodo Chalcedonensi adversaretur. Quod autem scribit, *omnes Catholicos Principes sive cum Imperii gubernacula suscepere, sive cum Apostolica Sedi novos agnovere præsules institutos, ad eam sua protinus scripta misisse, ut se docerent ejus esse consortes: & qui hoc non fecerunt ab eadem se profiteri alinos,* &c. id quidem quonam sensu capi debeat, clarissime demonstrant literæ Pelagii i. ad Childebertum Franciæ Regem : atque Symmachum hic fimbrias suas ampliare : sicut & alios qui augendæ potestatis Papæ studio Justinianum misisse ad Agapetum suæ fidei confessionem prædicant : hæc enim omnia cum primitus per charitatem, atque unionis retinendæ causa fierent, ut sciretur etiam cujusnam fidei & communionis esset Romanus Episcopus, eique secure communicaretur : tum demum illa Romani Pontifices, sicut & quamplurima alia, ad potestatem suam altius defigendam usurparent : adeo ut obedientia quam illis statim post suam cooptationem ad Pontificatum hodie Christiani Principes exhibent, hinc primum nata, & pedetentim aucta credatur : unde maximo veritatis privilegio, & singulari bono Principum Christianorum, epistola memorata Pelagii ad

Franciæ Regem edita in lucem videtur : quæ quidem Pelagius asserit, *se pro auferendo suspicionis scandalo, obsequium confessionis suæ Regibus ministrare ; quibus nos etiam subditos esse sanctæ scripturæ præcipiunt*, inquit. Quæ scribendi forma demonstrat illum vere fuisse humilem spiritu, sicut & S. Gregorium : qui quidem similiter professionem suæ fidei ingenue mittit ad alios Patriarchas : fateturque se ab illis vicissim accipere, quod sanctorum communionem indicat, atque dominatum ab Ecclesia excludit. Observet historiæ ecclesiasticæ studiosus quæ primitus charitative fiebant in Ecclesia, tandem in potentatum & fastum mundanum degenerasse ambitiosorum hominum vitio : & Curiam Romanam nullam occasionem prætermisisse dominatum, quo hodie utitur fruitur, aucupandi, etiam via facti & dolo malo, suppositis in eum finem multis scriptis adulterinis, ut propriis locis demonstravimus.

XI. At vero, non est huic capiti clausula externa addenda priusquam Justinianum Principem à Vallii convitiis propugnaverimus. Qui tertia parte libri de Suprema potestate Papæ quæst. II. versus finem in piissimum Principem invehitur, eo quod leges pro disciplina Ecclesiastica tanquam communis Episcopus exteriorum negotiorum sciverit : *nam ait, illum in sædissimam hæresim Eutychianorum prolapsum, & multarum calamitatum per totum*  
*Impe-*

*Imperium causam fuisse*, &c. Quem succum loliginis & maledicentiæ detumpfit ex Baronio, unde tamen poterat, si voluisset, medicinam contra ejusmodi convitia haurire Justiniano. Quoniam ubi Baronius multa in illum ex Euagrii historia lib. iv. capite 38. intemperanter scripturavit, tandem stilum invertit & mitigat Tomo vii ad annum Domini 565. aitque Justinianum in extremo spiritu pœnituisse, eamque ob rem laudari à S. Gregorio & Agathone PP. in sexta Synodo. Certe B. Gregorius illum passim piæ memoriæ Imperatorem nuncupat, lib. ii. epistola 10. & lib. iii. epistola 4. in sexta autem Synodo Actione iv. ubi refertur suggestio Synodi Romanæ cui Agatho præfuit, Justinianus Constantino Magno, utrique Theodosio & Martiano his conceptis verbis præponitur: *Et sicut extremi quidem præstantissimi, tamen omnium magni illius Justiniani, cujus & virtus ita & pietas omnia in meliorem ordinem restauravit.* Verum quis credat S. Gregorium Agathonem & Patres Synodi Romanæ, qui Justiniani seculo vixerunt, in tantum errorem impegisse, ut in ea Synodo qua Monotheletas, hoc est reliquias Euty-chianæ hæresis damnabant, ipsum Justinianum fautorem ejusdem erroris omnibus aliis Principibus Christianis anteferrent: si modo Justinianus talis fuit qualem cum primus omnium depinxit Euagrius, deinde post Euagrium Nicephorus: qui tamen perhibet Justi-

num in extrema vitæ clausula de hoc errore pœnituisse.

XII. Hercle vel adversariorum iudicio synodale testimonium Agathonis, & Patrum Synodi Romanæ, unius Euagrii narrationi jure anteferri debet: cum Sanctissimi Patres sextæ Synodi eodem quo Justiniani seculo vixerint: scitumque est quosdam Historicos non ex rei veritate sed plerumque ex vulgi rumoribus sæpissime narrationes de principibus texere. Dum autem hoc synodale testimonium indubitatum cum Euagrii narratione comparo, mihi aliquando venit in mentem, multa eorum quæ Euagrius de Justiniano refert conficta ab iis, qui tria Capitula, quæ Justinianus damnari curaverat, propugnabant: in quos propugnatores Justinianus teste Liberato severissime animadvertibat: hincque causa odii in illum: partim etiam quia permulti putabant Justinianum aliquid adversus Synodum Chalcedonensem, quæ Eutychem damnaverat, molitum fuisse: eamque ob causam quintam Synodum, quam Justinianus in rem judicatam mittebat, nolebant recipere, ut supra ex B. Gregorio docui. Adjungo insuper rationem, ob quam Vallius simia Baronii, Justinianum ita infectatur, esse, quia vindex acerrimus disciplinæ Ecclesiasticæ extitit: hoc enim graviter dolet Baronio: & tamen S. Gregorius & Synodus Romana hac ipsa de causa Principem optimum tanti faciunt,



ciunt, ut illum omnibus aliis Principibus anteponant. Procul dubio, qui Historiam Ecclesiasticam considerate legerit, compertum habebit post datam pacem Christianæ religioni, nunquam mores Ecclesiasticorum melius & castius habuisse, atque regimini & disciplinæ Ecclesiæ feliciter & accuratius consultum quam dum Christiani Principes Constantinus Magnus, uterque Theodosius, Martianus, Justinianus, atque alii singularem curam regendæ disciplinæ Ecclesiasticæ proportionatim cum clericis susceperunt: atque dum Ecclesiastici leges ab Imperatoribus accipere, quam illis, ut fit hodie, dare maluerunt: contra vero sensim omnia cœpisse inclinare, postquam Ecclesiæ regimen & cura disciplinæ soli Ecclesiasticorum & præsertim Curia Romanæ arbitrio & dominatui post occasum Imperii & Religionis in Oriente permessa sunt. Cæterum Ecclesiasticos quondam ab Imperatoribus leges accipere quam eis dare maluisse hæc historia, atque inter alia dissidia Episcoporum relata ad Constantinum Magnum, ut ea definiret, clarissime docent.

# C A P U T X.

- I. *Historia v. Concilii generalis, quod indictum est à Constantino Pogonato adversus Monotheletas: eamque in rem literas misit ad Dominum Papam cui Agatho successit.*
- II. *Imperator edicit Romano Pontifici ut mittat de Concilio suo usque ad duodecim Metropolitas & Episcopos: & de sua privata Ecclesia Romana usque ad tres personas: Idque argumento est Papam considerari ut Patriarcham, & ut pri-*

- privatum Episcopum : atque Caesarem praeditum auctoritate imperandi Romano Pontifici.*
- III. *Epistola Synodalis Mansueti Mediolanensis Episcopi ad Caesarem , qua sua Ecclesia sententiam declarat de errore Monothelitarum.*
- IV. *Constantinum Pogonatum indixisse Synodum eique praesedissee cum suo Senatu, sicut antea Martianus Augustus Synodo Chalcedonensi.*
- V. *Suggestio Agathonis Papa ad Caesarem Pogonatum , qua ejus Edicto de Indictione Concilii respondet : eumque Dominum appellat , ac se pro obedientia debita satisfactione rescribere ait.*
- VI. *S. Gregorius se servum esse dicit Imperatoris jure republica.*
- VII. *Suggestio Synodi Romana ad Caesarem Pogonatum qua ejus Edicto super Concilii Indictione respondet , eique tanquam Domino suo paret.*
- VIII. *Hanc suggestionem cum epistola Agathonis datam legatis sedis Romanae pro sufficienti Instructione : quippe qua sententiam totius Ecclesiae Occidentalis contineret.*
- IX. *Quando Concilium Apostolica Sedis Romana habet sibi subjacentes Synodos Ecclesiarum Septentrionalium & Occidentarum partium , sequitur necessario Septentrionem atque Occidentem subjacentes esse Patriarchatus Romano.*
- X. *Agatho cum aliis Patribus Synodi Romanae Justiniani Caesaris pietatem omnibus aliis Imperatoribus anteponunt.*
- XI. *Italiae Episcopos in suis subscriptionibus dicere se gratia Dei Episcopos , nulla facta mentione Papae aut Sedis Apostolica : & de Valli infantia qui putat veteres Galliae Episcopos in literis suis scripsisse se gratia Dei & S. S. Apostolica Episcopatum obtinuisse.*
- XII. *Macarius Patriarcha Antiochenus locos Patrum corrumpit quibus ad Monothelismi patrocinium uti vult , hocque proprium esse haeticorum Patres pronunciant.*
- XIII. *Actione XIII Patres canonice examinant sententiam Agathonis & Synodi Romanae : quod testimonio est auctoritatem Concilii generalis eminere supra Papam.*
- XIV. *Litterae Honorii P. P. ad Sergium Constantinopolitanum Episcopum canonice examinantur , & cum ipso Honorio damnantur Monothelismi.*

XV. Ana-

# CONCILIORUM GENERALIUM. 525

- XV. *Analysis epistola Honorii qua manifeste demonstratur Honorium fuisse Monothelitam.*
- XVI. *Qua ratione Honorius possit ab errore Monothetarum excusari, & quam viam pii viri aliqua nascente controversia antequam sufficienter definiatur, tenere debeant, ut se errore minime induant.*
- XVII. *Testimonium Maximi monachi pro Honorio ex Vaticana Bibliotheca nuper expromptum dogmatice expenditur.*
- XVIII. *Neminem qui audiri velit esse Concilio excludendum: in cuius rei probationem Patres Synodi VI patiuntur quendam monachum Monothelitam sua fidei periculum jacere in cadaver hominis quem se suscitaturum à mortuis ille monachus jactitabat.*
- XIX. *Imperator petit à Patribus, utrum communi omnium sententia definitio fidei facta esset: respondentque factam esse: petuntque nominatim ab Imperatore Actorum confirmationem.*
- XX. *Quinque exempla Actorum ab omnibus Patribus & Imperatore obsignata quinque Sedibus Patriarchalibus traduntur, qua Apostolica Sedes vocantur, sicut & Romana.*
- XXI. *Imperator suo edicto Acta confirmat, & pœnas temporales clericis in rectam fidem peccantibus irrogat.*
- XXII. *Christianam Rempublicam mille atque amplius annorum spatio nunquam pœnas capitales hæreticis imposuisse.*
- XXIII. *Utrum Macarius Antiochenus Episcopus Monothelita missus sit Romam.*
- XXIV. *Leo II PP. successor Agathonis Synodum VI confirmat atque Honorium Monothetismi nominatim damnat: quod pariter VII atque VIII Concilio generali confirmatur.*
- XXV. *Argumenta Bellarmini, Baronis, Binii, & Vallii pro Honorii defensione expenduntur atque diluuntur.*

I. **C**Irca annum Domini 681, vel ut alii putant 670, sextum generale Concilium celebratum est Constantinopoli: unde vocatur tertium Constantinopolitanum vel sexta Synodus in Trullo, propterea quod habitum est in basilica sive palatio Imperatoris, quod à for-

forma concamerationis tecti qua ædificatum erat, *Trullum* vocabant. *Trulla* autem pelvim aut vas quoddam significat. Porro non satis inter auctores convenit de Patrum numero qui in hac Synodo federunt: alii 289, alii multo pauciores puta 150 aut 171 numerant. Indictum fuit ad Monotheletas sive reliquias hæresis Eutychianæ profligandas. Quandoquidem Monotheletismus est tanquam appendicula & furculus erroris Eutychianorum: qui contendebant, in Christo unicam duntaxat, eamque divinam non humanam voluntatem fuisse. Ex quo etiam sequebatur Dominum humanas operationes minime exercuisse: & continuo vere hominem non fuisse. Quam ob causam fides & religio Christiana funditus evertebatur. Constantinus Pogonatus nepos Heraclii hanc Synodum indixit atque in ea cum suis Magistratibus & viris Patriciis præsedit. Hercle ordo sedendi ac procedendi hujus Concilii omnino conformis est ordini servato in Chalcedonenſi Synodo: totamque historiam ex editione Romana Conciliorum referabimus ne ab aliquo controversi possit: quamquam tamen monitum velim Lectorem, eandem penitus esse rationem Collectionis Binii & Surii cum Romana editione: ubique enim x i i x habentur Actiones. In vestigio Concilii *Divalis sacra*, id est, literæ Imperatoris ad Donum Papam occurrunt: quæ antequam Romam deferri potuissent Donus

è vi-

è vivis exceſſerat : quocirca Agatho Papa ſucceſſor recepit, ſicque inſcribuntur:

*In nomine Domini & ſalvatoris noſtri Jeſu Chriſti, Imperator Flavius Conſtantineſis, fidelis, magnus Imperator, Sacra Dono ſanctiſſimo ac beatiſſimo Archiepiſcopo antiquæ noſtræ Romæ univerſali Papa. Data pridie Idus Auguſti Conſtantinopoli Indiſtione vi. Primo narrat neceſſitatem habendæ Synodi ex eo natam quod populus orthodoxus propter quafdam novitates vocum in ſchiſma incidiffet: & eam ob cauſam multos Episcopos tum Occidentalis, tum Orientalis Eccleſiæ illum invitafſe ad Synodum indicendam generalem; nihilominus cum videret tempus id non pati, & futurum quod ex particulari contentione non ſolum unitas fieri non poſſet, ſed magis malum accreſceret, ſuperſediſſe: tandemque poſtquam Theodorus electus eſt in Episcopum Conſtantinopolitanum, hunc ſibi ſuggeſſiſſe quod ſuſpicaretur futurum, ſi ex more uſitato ſuam Synodicam epiſtolam ad Romanum Pontificem dirigeret, ut à Papa repudiaretur, ſicut jam factum fuerat ſub Patriarchis qui Theodorum præceſſerant: eamque ob cauſam Theodorum Conſtantinopolitanum Episcopum epiſtolam adhortatoriam miſiſſe Roman, &c.*

Secundo ait, poſtquam Theodorus illam miſit epiſtolam, ſe hunc cum Macario Patriarcha Conſtantinopolitano interrogafſe quibuſnam de ſe cauſis Sedis Romana cum ſedibus Orien-

orientalibus altercaretur, & utrum aliquod enatum esset diffidium propter quinque sanctas universales Synodos: & qua via & ratione hoc diffidium sedari posset. Illos autem respondisse: quod verba quædam novitatis excogitata essent: aliquibus ex imperitia introductibus, aliquibus vero incongrue scrutantibus incomprehensibilia opera Dei: & quia ex quo hæc verba moveri cœperunt utrasque Sedes inter se minimè convenisse, ut inquirentes sibimet satisfacerent pro veritate, &c.

II. Tertio monet, omnem deponendam contentionem & zelum pravum, omnemque invidiam, ut veritati consulatur: *Deponentibus nobis omnem Zelum & omnem contentionem omnemque invidiam, veritati concurremus: Veritas enim Deo chara est & secundum Domini vocem. Quicumque voluerit omnium primus esse, sit omnium minister. Et in hoc cognoscent omnes quia mei estis discipuli, si dilectionem habueritis ad invicem. Postquam igitur tempus non recipit perfectam congregationem fieri, adhortamur vestram paternam Beatitudinem per presentem nostram piam Sacram dirigere viros utiles & modestos notitiam habentes totius Deo inspiratæ doctrinæ, & peritiam irreprehensibilem habentes dogmatum, indutos personam vestræ Apostolicæ Sedis, ejusque Concilii: deferentes & libros qui oportent proferri: & omnem auctoritatem habentes, quatenus convenientes cum hic posito sanctissimo ac beatissimo Patriarcha, & Macario SS. Patriarcha Theopolitane Civitatis, per-*

*perscrutentur cum omni mansuetudine & modestia, & per gratiam sancti Spiritus veritati insistere & consentire, munitionem habentibus eis qui buc ad-  
venerint ex parte Sedis vestra per presentem no-  
stram piam Sacram. Per Deum enim omnipotentem  
non est apud nos partis cujuslibet favor, sed equali-  
tatem utrisque partibus conservabimus: nullatenus  
necessitatem facientes in quocumque Capitulo eis qui  
à vobis dirigentur quoquo modo: sed & omni hono-  
re cum competenti munificentia & susceptione di-  
gnos eos habebimus. Et si quidem utrique conve-  
nerint, ecce & bene: sin autem minime convenerint,  
iterum cum omni humanitate eos ad vos dirigemus:  
de cetero nos excusantes in judicio Dei, imminente  
nobis juxta quod constituti sumus servare fidem san-  
ctam & immaculatam, quam percepimus, unoquo-  
que proprio sensu abundante, & rationem reddituro  
ante sanctum & terribile tribunal Dei nostri. Invi-  
tare enim & rogare possumus ad omnem commenda-  
tionem & unitatem omnium Christianorum, ne-  
cessitatem vero inferre nullatenus volumus. Perso-  
nas vero quæ dirigentur à paterna vestra Beatitu-  
dine ita decernat: ex vestra quidem sancta Ecclesia,  
si utique videtur ei, tres persone sufficiant: quod si  
& plures, quanta ei placuerint, dirigat. De Conci-  
lio vero usque ad duodecim Metropolitans & Episco-  
pos. De quatuor vero monasteriis Byzansenis ab  
unoquoque monasterio monachos quatuor. Nam si  
reciperet tempus ut dictum est, & perfectam congre-  
gationem studuissemus facere: sed quoniam tempus  
non admittit, Deus autem noster proprio consilio*

*protulit quod nos differebamus in hoc tempore : per omnia jubemus vestram paternam Beatitudinem minime effici impedimentum voluntati Dei , sed eos dirigere, &c.* Græce πάντας καλῶς οὐδὲν τιμὴν ὑμῶν ἐκ τῆς πατρὸς, &c. Unde Collectio Surii & Binii legit *per omnia jubemus: quod verbum editio Romana sic emollivit per omnia volumus vestram Beatitudinem , minime effici impedimentum , &c.*

Quarto notat hoc terribile videri, plebem quæ ad sanctas accedit Ecclesias ut sanctificetur, videre Antistitum inter sese dissonantiam; atque Gregorium Constantinopolitanum & Macarium Patriarcham Theopolitanum multam sibi fecisse instantiam ut ejiceretur Vitalianus Papa ex sacris diptychis, quando Honorius iisdem retineretur: verum tamen noluisse eorum petitioni acquiescere quousque inter utrasque Sedes facta esset conquisitio veritatis. Addit præterea se operam dedisse & injunxisse Theodoro Patricio & Exarcho Italiæ ut navibus, commeatu, aliisque rebus atque impensis necessariis Episcopos Italiæ ad Synodum venientes juvaret.

Hæ literæ quibus Imperator Romanum Pontificem evocat ad Synodum, novem continent animadversione digna. Primum quod in titulo *Donus vocatur Papa æcumenicus sive universalis*: de qua voce amplius in septima Synodo generali. Secundo, Imperator Romam suam vocat, *Dono Archiepiscopo antiquæ nostræ Romæ*, &c. Unde & in extrema clausula ait, se



se provinciam dedisse Theodoro Exarcho Italiae, ut subsidio esset Episcopis venientibus ad Synodum. Ex quo patet fabulam de Constantini Magni donatione illo tempore nondum adolevisse: hoc enim post Caroli Magni donationem increbuit. Tertio hinc edocemur Imperatorem quamquam Imperio Romano cadente (nam sola Italia excepta tunc Imperatores in toto Oecidente nihil possidebant) tamen ex aliorum Imperatorum consuetudine, qui eum præcesserant, Synodum Romano Pontifici indixisse, & adhuc imperavisse Romæ. Quarto, monet Papam, ut omni zelo, contentione, invidiaque deposita, veritati consulat, atque hujus vocis Dominicæ recorderetur: *Quicumque voluerit omnium primus esse, sit omnium minister.* Etsi enim pluraliter loquatur Imperator, hoc tamen de Romano Pontifice intelligi cuique minime obnoxio pronum est conjicere. Quinto pollicetur Concilium fore liberrimum, nec se cuiquam vim aut impressionem facturum. Sexto ex illorum temporum disciplina Papam tribus modis posse considerari demonstrat: quando ab eo petit ut ad Synodum de sua privata Ecclesia tres personas aut plures, si velit, mittat: & ex suo Concilio usque ad duodecim Metropolitans & Episcopos. Nam Papa, ut Patriarcha, plures habet sub se Metropolitans: ut autem est Archiepiscopus, & Ecclesias regit suburbicarias, solummodo Episco-

pis suffraganeis more aliorum Metropolitanorum præest : quod est notandum contra illos qui Episcopi Romani Primatum aut Patriarchatum ecclesiarum suburbicariarum angustiis coërcent: Et hæc magis infra ex Agathonis Papæ responsione ad hanc Imperatoris Epistolam explendescent. Septimo quando Imperator petit, ut monachos Byzanzenos mittat; dubium est num sit legendum *Byzacen*os; quod ita arbitror: quoniam Africana Concilia frequenter meminerunt Byzacenæ provinciae sub Innocentio I. Itaque hic erunt intelligendi monarchi Africae, quoniam Africa subdita erat Patriarchæ Romano. Octavo, quando Vitalianus Papa cum Honorio componitur, & uterque relatus erat in sacras tabulas Ecclesiarum Orientis: atq; Georgius Constantinopolitanus & Macarius Antiochenus Patriarchæ suaserunt Imperatori ut Vitalianum expungi atque nomen Honorii retineri juberet: Id argumento certissimo est utrumque, Gregorium dico & Macarium in errorem Manotheletarum propendisse: atque pridem ante Synodum sextam Honorium ab omnibus pro Monotheleta habitum: & continuo falsum esse quod Bellarminus & alii propugnatores infallibilitatis Papæ asserunt, istam heresim Honorio ex Græcorum æmulatione affingi, hic enim duo Patriarchæ censent Honorium velut orthodoxum in sacris diptychis retinendum, contra autem Vitalianum abraden-

dendum. Certe Georgius Constantinopolitanus Patriarcha errorem Monotheletarum in ipsa Synodo abiecit, Macarius autem Antiochenus pertinaciter retinuit usq; ad mortem, ut statim ostendetur. Nono observandum, has literas Imperatoris ad Agathonem Doni successorem, ut jam dixi, delatas, illum suam statim coëgisſe Synodum, ut mandato Imperatoris satisfaceret: atque Vicarios suos cum sua & Synodi suggestione misisse ad Imperatorem.

Post sacram jussionem Imperatoris ad Donum & Agathonem PP. epistola ejusdem Imperatoris ad Georgium Constantinopolitanum legitur, qua cum similiter hortatur ut omnes Metropolltas & Episcopos Sedi Constantinopolitanæ subjectos evocet ad Synodum; maxime vero quod jam Agatho Papa antiquæ Romæ suos miserit Vicarios Constantinopolim cum duabus suggestionibus, de quibus quarta Actio.

III. Dehinc sequitur epistola synodalis Mansueti Episcopi Mediolanensis ad Imperatorem sic inscripta: *Domino serenissimo atque tranquillissimo & à Deo coronato religiosissimo Constantino Imperatori Mansuetus Mediolanensis Metropolitane Ecclesie indignus Episcopus: vel universa sancta Episcoporum fraternitas, quæ in hac magna regia urbe convenit, æternam in Domino salutem.* Narrat postea, quinque Concilia auctoritate Imperatorum Constantini Magni, utriusque Theodosii, Martiani & Justiniani, ad debel-

landos errores Arrii, Macedonii Apollinaris, Nestorii, Eutychis & trium Capitulorum indicta: rogatque Cæsarem Pogonatum ne patiat illa Concilia ulla ratione convelli & infirmari: subjicit deinceps professionem fidei Patrum Mediolanensis Synodi quinque memoratis Conciliis generalibus conformem, concluditque Dominum nostrum Jesum Christum duas habere naturales voluntates atque operationes, divinam & humanam, quippe qui perfectus Deus & homo sit. Et hoc erat caput inter Orthodoxos atque Monotheletas controversum. Porro ex hac epistola primum cognoscimus in more positum fuisse Patribus antiquis, cum habenda essent generalia Concilia, prius suas Synodos provinciales celebrare, atque ibidem quid sentirent de rebus controversis inquirere & statuere, idque mittere ad Concilium universale: ut enim Romanus Episcopus, ita & Mediolanensis suam Synodum provincialem cogit ad decernendum de errore Monotheletarum. Secundo hinc facile est conjicere illo tempore Imperatores potitos adhuc Mediolano, quia Mansuetus regiam urbem & Cæsarem Pogonatum Dominum suum vocat. Hæc igitur octodecim actionibus Concilii sexti præmittuntur. Cæterum Mansuetus Episcopus Mediolanensis interfuit Synodo Romanæ quam Agatho habuit, de qua statim.

IV. Hic exscribam primæ Actionis exordium.

dium. In nomine Domini Dei & saluatoris nostri  
*Jesu Christi*, imperantibus à Deo coronatis & sere-  
 nissimis nostris Dominis *Flaviis*, *Constantino* qui-  
 dem piissimo & à Deo decreto, magno Principe, per-  
 petuo Augusto, & Imperatore, anno XXVII, &  
 post consulatum ejus à Deo instructæ mansuetudinis  
 anno XIII. *Heracio* vero atque *Tiberio* à Deo con-  
 servandis ejus fratribus anno XXI. die 7 mensis  
*Novembris* Indictione IX. PRÆSIDENTE  
 EODEM piissimo & Christo dilecto magno Impe-  
 ratore *Constantino* in secretario sacri Palatii, quod  
 cognominatur *Trullus*, & ex jussione ejus à Deo  
 instructæ Serenitatis, præsentibus & audientibus *Ni-*  
*ceta* glorioso exconsule *Patricio* & magistro Impe-  
 rialium officiorum, *Theodoro* glorioso exconsule *Pa-*  
*tricio* & comite *Imperialis obsequii*, & substratego  
*Thraciæ*, *Sergio* glorioso exconsule *patritio*, *Paulo*  
 glorioso exconsule *patritio*, *Iuliano* glorioso exconsule  
*patricio* & militari *logotheta*, &c. Conveniente  
 quoque sancta & universali Synodo quæ SECUN-  
 DUM IMPERIALEM SANCTIONEM  
 congregata est in hac à Deo conservanda regia urbe,  
 id est, *Theodore* & *Georgio* venerabilibus Presby-  
 teris, & *Joanne* venerabili diacono vicem agentibus  
*Agathonis* sanctissimi & beatissimi Archiepiscopi  
 antiquæ *Romæ*, & *Georgio* venerabili ac sanctif-  
 simo Archiepiscopo magnæ *Constantinopoleos* novæ  
*Romæ*, & *Petro* Deo amabili Presbytero & mona-  
 cho locum servante *Sedis* magnæ *Civitatis Alexan-*  
*driæ*, & *Macario* venerabili Archipiscopo *Theo-*  
*poleos Antiochiæ*, & *Georgio* religioso Presbytero,

monacho & Apocrifario Theodori venerabilis Vicarij Sedis Hierosolymorum, Joanne Episcopo Portuensi, Abundantio Episcopo Civitatis Paternensis, Joanne Episcopo Civitatis Rhegitanae, locum presentantibus centum viginti quinque venerabilium Episcoporum sancti Concilii antiquae Romae, qui & per proprias subscriptiones demonstrantur in suggestione ab eis facta ad piissimum Imperatorem Constantinum, & Theodoro religioso Presbytero & locum agente Theodori Deo amabilis Archiepiscopi Ravennae, Basilio Episcopo Gortyniae Insulae Creta, &c. Residentibus gloriosis Patriciis & Consulibus ex latere piissimi & Christo amabilis nostri Imperatoris Constantini, & ex lava quidem ejus parte residentibus venerabilibus Vicariis Agathonis sanctissimi Archiepiscopi antiquae Romae, & qui ex persona ejus Synodi erant Deo amabiles Episcopi, Theodoro Presbytero, & locum agente Theodori Deo amabilis Archiepiscopi Ravennae & Basilio Episcopo Civitatis Gortinae, & Georgio Presbytero & monacho & Apocrifario Theodori venerabilis Vicarij Sedis Hierosolymorum, & ceteris Episcopis Concilii sanctissimi Papae antiquae Romae Agathonis, à dextera vero ejus parte Imperatoris nimirum similiter residentibus Georgio sanctissimo Archiepiscopo Constantinopoleos novae Romae, & Macario sanctissimo Archiepiscopo Theopoleos Antiochiae, & Petro Deo amabili Presbytero, monacho & loci servatore Sedis magnae Alexandriae Civitatis, & Theodoro Episcopo Ephesi, & reliquis Deo amabilibus Episcopis, tam qui sub Sede sanctissimi Archiepiscopi Constantinopo-

tinopolitani, quam qui sanctissimi Archiepiscopi Theopoleos Antiochie: propositis in medio Sacrosanctis Christi Dei nostri Evangelis. Theodorus & Georgius Deo amabiles Presbyteri & Joannes Deo amabilis Diaconus, locum presentantes sanctissimi Papæ Apostolicæ Sedis antiquæ Romæ Agathonis, nec non qui ex persona Synodi ejus erant, dixerunt: Benignissime Domine secundum directam Sacram ab a Deo instructa vestra Fortitudine ad sanctissimum Papam, demandati sumus ab eo ad piissima vestigia à Deo confirmata vestre Serenitatis, una cum ejus suggestione, nec non & cum altera ejus synodica suggestione æque facta ad a Deo custoditam vestram Pietatem & subjacentibus ei veneralibus Episcopis, quas & obtulimus a Deo coronatæ Fortitudinis vestre. Quoniam igitur ante hos quadraginta sex plus minus annos, quasdam novitates vocum contrarias orthodoxæ fidei introduxerunt qui pro tempore fuerunt præsules hujus regie & a Deo conservande vestre civitatis, id est, Sergius, Paulus, & Pyrrhus, & Petrus, nec non & Cyrus quondam Alexandrinæ civitatis Antistes, insuper & Theodorus qui fuit Episcopus civitatis, cujus vocabulum est Pharan, & alii quidam qui eos secuti sunt, non modice quæ per totum orbem terrarum est Ecclesiam turbaverunt, unam voluntatem in incarnationis dispensatione unius sanctæ Trinitatis Domini nostri Jesu Christi, unamque operationem dogmatizantes, & multoties servili vestra, quæ secundum nos est, Apostolica Sede de hac repulsante, dehinc supplicante & minime valente usque hæte-

*nus a tali sensu prave estimationis eos abstrahere : quæsumus a Deo coronatam vestram Fortitudinem, ut dicant qui ex parte sunt prædictæ sanctissimæ Ecclesiæ Constantinopolitana, unde hujusmodi vocum adinventæ est novitas. Constantinus piissimus Imperator dixit: Audientes Georgius sanctissimus Archiepiscopus nostræ civitatis, & Macarius Antiochena civitatis, & ei adjacens Synodus, quæ à parte Apostolica magnæ Romæ Sedis dicta sunt, quæ eis videntur prosequantur : Macarius Antiochenus cum ei adhaerentibus pro sua & Constantinopolitana Sede respondit : Nos quidem vocum novitates non edidimus, sed quicquid percepimus tam à sanctis universalibus Synodis & Patribus sanctis, quam à præsulibus hujus regiæ urbis Sergio, Paulo, Pyrrho, & Petro, nec non & Honorio, qui fuit Papa antiquæ Romæ, & Cyro qui fuit Papa Alexandriæ, hoc est de voluntate & operatione: sic & credimus, & prædicamus & docemus, & parati sumus hoc ostendere. Quocirca in eam rem Macarius Acta primæ Synodi Ephesinæ laudavit, sed perperam accepta à se.*

En primæ Actionis initium, cui omnium aliarum septemdecim actionum exordia plane congruunt. Verum septem digna observatione capit: Primo Imperatorem sacra sua jussione aut edicto Synodum indixisse, convocasse, & coëgisse quod ipsum etiam illico Agathonis Papæ testimonio confirmabitur, qui in sua suggestione os durissimum Vallii obtundit : siquidem parte IV quæst. 2. libri sui de Suprema Potestate Papæ, id ipsum, quod alias dixit, inculcat : *nimirum aliud esse congregare, aliud*  
indi



*indicare Concilium, licet nonnunquam pro eodem usurpentur. Nam congregare executionem sonat, indicare vero praeceptum & auctoritatem: unde etiamsi interdum dicantur Concilia generalia ab Imperatoribus congregata, hoc duntaxat de via executionis non praecepti & auctoritatis intelligitur ut sexcenties dixi: vel si aliquando Concilia ex auctoritate Imperatores coegerint & indixerint, uno verbo dico eos contra jus, ut pleraq; alia fecisse.*

Hæc ille. At vero, magister, quoties hæc effudisti, toties in veritatem peccasti: neque ulla probatione sed sola petitione principii tuas scripturitiones roboras, supponens Papam jure divino id esse quod vides hodie: & idem esse primatum quod absolutam monarchiam: quæ figmenta sunt hominum male feriatorum atque ambitiosorum. Hercle Auctor Præfationum historicarū, multa verecundior Baronio & Binio quos sequitur Vallius: nam Actorum & veritatis evidentia convictus, quantum potest mollibus verbis veritatem involvit, aitque, *Imperatorem egisse primum cum Dono summo Pontifice, deinde cum Agathone ejus successore de æcumenico Concilio Constantinopoli cogendo, presentibus Apostolicis Legatis: & Agathonem annuisse suamque adhibuisse auctoritatem, &c.* Hæc ille. At supra docui Imperatorem tanquam juris divini, naturalis & canonici vindicem, atque ordinis publici assertorem, jus habere indicendi & congregandi Concilium, omnesque repugnantes, etiam ipsum Papam tanquam

quam sibi jure divino & naturali in temporalibus & civilibus subditum cogendi, si parere recuset. Et ita proprie loquendo auctoritas residet in Imperatore, non in Papa, qui ut Papa, neminem vi externa cogere potest: unde nisi valde improprie & æquivoce Papa dicitur habere auctoritatem indicendi & cogendi Concilia. Insuper accedit tempore Agathonis Papæ, Romanos Pontifices solum habuisse auctoritatem in Episcopos & Metropolitans sui Patriarchatus, juxta sextum Canonem Nicænum. Et idcirco Agatho testificatur *se Synodos subjacentes Concilio Apostolicæ Sedis urbis Romæ convocasse*: quas Synodos Occiduis & Septentrionalibus provinciis nominatim definiri perhibet, ut mox patebit. Secundo discimus ex hac Actione Constantinum Pogonatum eo modo sextæ Synodo præsedisse, quo Martinus Chalcedonensi Concilio, de qua re supra in historia Synodi Chalcedonensis. Quarto Confessio idem plane est cum Synodi Chalcedonensis confesio, quia Imperator cum suis Patriciis & Senatoribus sedet in loco honoratiori, puta in meditullio Aulæ Trullensis & præsidet Concilio, eodem jure quo illud indicxit & convocavit, ut etiam factum est in Synodo Chalcedonensi: nimirum ad ordinem vindicandum, & ad judicandum in quæstione facti. Notandumque hoc jus Imperatoris sedendi & præsidendi in Conciliis, non fuisse controversum ante Greg. VII. dictatu illius

XVI : Et multa quæ in primitiva Ecclesia jure ab Imperatoribus Christianis fiebant & servabantur, defuisse fieri atque observari sub Carolo Magno & aliis Regibus Galliæ, qui extraordinarium honorem Romanis Pontificibus detulerunt, eosque amplissima ditioe prophana cum magna disciplinæ ecclesiasticæ & bonorum morum ruina locupletarunt: quoniam Pontifices postquam Domini temporales & politici effecti sunt, majorem curam rerum temporalium quam spiritualium gesserunt, seque supra benefactores suos nimium quantum extulerunt, ut experientia docet & alias demonstrabitur. Quinto ad sinistrum latus Imperatoris, Vicarii Agathonis Papæ cum legatis Synodi Romanæ, & Vicario Sedis Hierosolymitanæ : ad dexterum autem Patriarcha Constantinopolitanus, Antiochenus, & Vicarius Sedis Alexandrinæ confident. Ubi notandum in hac Synodo Patriarcham Constantinopolitanum semper Sedis atque suffragii prærogativam obtinere post Vicarios summi Pontificis, juxta 28 Canon. Chalcedonensem. Sexto in medio confessu Sacro sancta Evangelia erecta in throno resident, ut in aliis Synodis notatum est superius. Septimo Macarius Antiochenus ad postulata Vicariorum Sedis Apostolicæ ideo respondet pro se & Georgio Constantinopolitano : qua erat antiquior, & quæ ante actis temporibus gesta essent à Sedis Constantinopolitanæ Patriarchis,

opti-

optime noverat, siquidem Georgius nuper ad thronum Constantinopolitanum evectus fuerat.

Actiōne secunda recognoscuntur & proferruntur acta Synodi Chalcedonenſis contra Macarium Antiochenum; ostenditurque ex epistola B. Leonis PP. Christum duas habuisse voluntates & operationes naturales, divinam scilicet & humanam. Contra opponit Macarius se cum B. Dionysio dicere Christum habuisse *Dei virilem operationem*: petitque ab illo Imperator quomodo intelligeret *Dei virilem operationem*, respondet, *se non super judicare*: hic obiter notarim tribus primis Actiōibus Concilii hujus explicate haberi, Vicarios Sedis Apostolicæ *loquistantes & exurgentes*: sed id factum potius videri ardore contentionis, quam ullam aliam ob causam, quicquid dicat Cardinalis Causanus lib. 11 de Concordantia, cap. 20. Nam penes Patriarchas erat imperium & moderatio Synodi quoad Actiōnem: & quoad ordinem penes Imperatorem ejusque Senatum: neque repugnat, Patres salutandi Imperatoris causa initio orationis suæ surrexisse.

Actiōne tertia proferuntur libri v Synodi è Charthophylacio Patriarchæ Constantinopolitani valde corrupti & adulterati: illis enim insertus erat sermo Mennæ ad Vigilium Papam, & vicissim duo libri falso adscripti Vigilio: quorum librorum alter ad Justinianum

Im-

Imperatorem, alter ad Augustam Theodoram Justiniani uxorem dirigebatur. Quibus falsi convictis, tandem Georgius Patriarcha Constantinopolitanus, & quæ sub eo erat Synodus, id est, Episcopi totius Patriarchatus Constantinopolitani petunt ab Imperatore vellet juberetque Agathonis Papæ ejusque Synodi suggestionem recitari : quatenus omnes cognoscerent ea quæ illis continebatur.

Quarta Actione recognoscuntur nec dum tamen examinantur duæ epistolæ, prior Agathonis, posterior Synodi Romanæ ad Constantinum Imperatorem : quæ ideo suggestiones nominantur, quod Agathonis & Concilii Romani sententiam suggerant, & declarant. Prior ad hunc modum inscribitur :

V. *Dominis piissimis & serenissimis, Victoribus ac triumphatoribus, charissimis filiis, amatoribus Dei & Domini nostri Jesu Christi Constantino majori Imperatori, Heraclio, & Tiberio Augustis; Agatho Episcopus servus servorum Dei. Primum narrat quanta sit affectus consolatione, eo quod Deus eam mentem inspirarit Imperatoribus ut ad stabilitatem Christianæ reipublicæ illis divinitus commissæ curent & quarant immaculatæ fidei veritatem, sicut ab Apostolis atque Apostolicis Patribus est tradita, eamque velint in omnibus Ecclesiis servari & obtinere. Et ne quemquam tam pia lateret intentio, atque suspicio perterreret, aut quispiam aestimaret Imperatorem potestate compulisse, non plena serenitate & mansuetudine commonuisse*  
*super*

*super Evangelicæ & Apostolicæ fidei prædicatione*, ait Agatho, *divales apices missos ad Donum suum prædecessorem à Spiritu sancto calamo imperialis lingue dictatos : humaniter commonere non opprimere, satisfacere non perterrere, exhortari non affligere : ac Deum omnium conditorem & redemptorem imitari, qui cum posset in suæ divinitatis maiestate veniendo in sæculum mortales perterrere, maluit humanitate assumpta nos redimere, &c.* His itaque mansuetissimi rerum Domini divalibus apicibus animatus, & ad spem consolationis de profundis angoribus alleviatus, orsus sum meliori confidentia paulatim iis quæ per mansuetissima fortitudinis vestræ Sacram dudum præcepta sunt efficaciter promptam obedientiam exhibere: ut personas quales secundum temporis huius defectum, ac servilis provincie qualitatem poterant inveniri, PRO OBE-  
DIENTIÆ SATISFACTIONE inquirerem, & cum consilio confamulorum meorum Episcoporum, tam de propinqua huius Apostolicæ Sedis Synodo, quam de familiari clero amatores Christiani Imperii & sequenter de religiosis servis Dei, ut ad piissimæ tranquillitatis vestræ vestigia propenarent, hortarer. Secundo monet, nisi longus provinciarum ambitus in quibus humilitatis suæ Concilium constitutum est, tanti temporis protelationem ingessisset, olim hoc quod vix tandem nunc fieri potuit, studiosa obedientia sui famulatus implevisset. Sed dum de diversis provinciis FAMILIARE NOBISCUM CONCILIUM CONGREGATUR, ait, & dum personas quasdam quidem de hac servili vestri serenissi-  
mi

*mi Printipatus Romana urbe , vel de proximo dirigere procuramus , quasdam de longè positis provinciis , in quibus verbum Christianæ fidei ab Apostolicis exiguitatis meæ prædecessoribus missi prædabant , remeare præstolamur , non parvus temporum cursus elapsus est : ut corporales ægritudines meifamulatus silentio transeam , in quibus nec vivere licet , nec libet assiduus ægrimoniis laborantem. Ideoque Christianissimi Domini & filii secundum piissimam jussionem à Deo protegendæ mansuetudinis vestræ , PRO OBEDIENTIA QUAM DEBUIMUS , non pro confidentia eorum scientiæ quos dirigimus præsentis confamilios nostros Abundantium , Joannem , & Joannem reverendissimos fratres nostros Episcopos , Theodorum & Georgium dilectissimos filios nostros Presbyteros , cum dilectissimo filio nostro Joanne Diacono , & Constantino Subdiacono sanctæ hujus spiritalis matris Apostolicæ Sedis : nec non & Theodorum Presbyterum legatum sanctæ Ravennatis Ecclesiæ , & religiosos servos Dei monachos cum supplici cordis devotione curavimus demandare. Tertio declarat , hoc unum se semper habuisse in votis , ut nihil de iis quæ regulariter definita sunt , mutetur vel augeatur , sed eadem & verbis & sensibus illibata custodiantur. Quarto , se iis quos misit ex Ecclesiâ sua , aliquot dedisse testimonia sanctorum Patrum quos Apostolica Ecclesia Romana suscipit cum libris , quatenus ex iisdem libris & testimoniis fidem Romanæ Ecclesiæ prædicarent & assererent. Licentiam proinde eis sive auctoritatem dedimus apud tranquillissimum*

vestrum Imperium dum jusserit ejus clementia simpliciter satisfaciendi, in quantum eis duntaxat injunctum est, ut nihil præsument augere, minuire, vel mutare, sed traditionem hujus Apostolicæ Sedis ut à prædecessoribus Apostolicis Pontificibus instituta est, sinceriter enarrare. Pro quibus flexo mentis poplite suppliciter vestram ad mansuetudinem semper intentiam clementiam deprecamur, ut juxta benignissimam Imperialis Sacræ promissionem, &c. illos illasos tam in rectitudine nostræ Apostolicæ fidei quamque corporum sospitate in propriis restituere jubeat, &c. Non enim nobis eorum scientia confidentiam dedit, ut ad pia vestra vestigia eos auderemus dirigere: sed hoc Imperialis vestra benignitas clementer jubens hortata est: & nostra pusillitas quod jussum est obsequenter implevit. Quinto transit ad professionem fidei Apostolicæ Ecclesiæ Romanæ secundum formam & regulam in quinque Synodis generalibus traditam, per quas, inquit, fundamenta Catholica Christi Ecclesiæ firmata atque stabilita sunt: hic igitur status est Evangelicæ atque Apostolicæ fidei regularisque traditio ut confitentes sanctam & inseparabilem Trinitatem, id est, Patrem & Filium & Sanctum Spiritum unius Deitatis, &c. Sexto hac fidei professione explicata Agatho refert, B. Petrum trina commendatione pascendas oves suscepisse à Christo, ejusque adnitente præsidio, hanc Apostolicam ejus Ecclesiam nunquam à via veritatis in qualibet erroris parte deflexisse, ejusque auctoritatem, utpote qui esset princeps omnium Apostolo-



*stolorum, semper omnem Catholicam Ecclesiam & universales Synodos fideliter amplexas esse. Deinde aliquanto post, hæc est, ait, veræ fidei rugula, quam & in prosperis & in adversis vivaciter tenuit ac defendit hæc spiritalis mater vestri tranquillissimi Imperii Apostolica Christi Ecclesia: quæ per Dei omnipotentis gratiam à tramite Apostolicæ traditionis nunquam errasse probabitur, nec hæreticis novitatibus depravata succubuit: sed ut ab exordio fidei Christianæ percepit, ab Auctoribus suis Apostolorum Christi Principibus illibata, sine tenus permanet, secundum ipsius Domini Salvatoris divinam pollicitationem, quam suorum discipulorum Principi in sacris Evangelis fatus est. Petre, Petre, inquit, Ecce Satan expetivit ut oribraret vos sicut qui cribrat triticum: Ego autem pro te rogavi ut non deficiat fides tua: Et tu aliquando conversus confirma fratres tuos. Consideret itaque vestra tranquilla clementia, quoniam Dominus & Salvator omnium cujus fides est, qui fidem Petri non defecturam promisit, confirmare cum fratres suos admonuit, quod Apostolicos Pontifices meæ exiguitatis prædecessores, confidenter fecisse semper cunctis est cognitum: quorum & pusillitas mea licet impar & minima, pro suscepto tamen divina dignatione ministerio pedissequa cupit existere. Væ enim mihi erit, si veritatem Domini mei, quam illi sinceriter prædicarunt, prædicare neglexero, &c. Itaque ostendit, illos sanctæ Incarnationis mysterium confundere, qui Deitatis & Humanitatis Christi unam naturam dicunt, &c. Utque duas habere naturas & differentes ope-*

rationes secundum utramque naturam demonstraret, varia proponit sacræ Scripturæ & Patrum Antiquorum testimonia : quæ omnia Actione viii & x synodice & canonice examinantur à Patribus Trullanis, & cum libris originalibus, unde exprompta fuerant ab Agathone, diligenter conferuntur. Septimo ita claudit & subscribit suam suggestionem *Piissimorum Dominorum Imperium gratia superna custodiat, eisque omnium gentium colla substernat.*

Verum hæc Agathonis Papæ epistola tria præsertim nos manifeste docet: primum Titulus hic notandus venit *Dominis piissimis, & serenissimis Victoribus, Constantino, &c.* Item quod Imperatori gratias agat, quia, cum possent absolute imperare, maluerit tamen suadendo atq; clementer exhortando præcipere : quo circa ait se *illi efficaciter promptam exhibere obedientiam quam debuit* : idque duobus in locis repetit : & in priori, editio Romana hoc Græcum vocabulum *ὑπακούειν* vertit *obsequentiam*: sic enim ministerium & obedientiam quam Papa Imperatori tanquam Romæ Domino reddere tenetur, declinare voluit : sed frustra, quia paulo post Agatho *Romam vocat servilem provinciam, & pro obedientie satisfactione*, se eos misisse homines quos tempus perferre potuit, declarat : subjungit quoque, *Imperatorem clementer jubendo hortatum esse, & suam pusillitatem quod jussum est obsequenter implevisse, &c.* Quibus verbis Agatho huic clausulæ Imperatoris  
supra

supra laudatæ respondet : *jubemus vestram paternam Beatitudinem minime effici impedimentum voluntati Dei, &c.*

VI. Quid ad hæc Vallius & absolutæ monarchiæ Patroni opponent ? scilicet Agathonem hæc per humilitatem, non ex officio & rei veritate dixisse : fabulæ typhum seculi redolentes ! Quandoquidem ratione potestatis spiritualis, qua Agatho erat instructus, Imperatorem vocat filium : ratione autem meri imperii & potestatis temporalis, quam jure divino Cæsari inesse noverat eundem & quidem merito Dominum appellat S. Gregorii imitatione lib. 11 epistola 62. *Ego indignus pietatis vestræ famulus*, inquit Mauritio Cæsari, *in hac suggestionem neque ut servus jure reipublicæ, sed jure privato loquor : quia serenissime Domine ex illo jam tempore Dominus meus fuisti*, &c. Qua in clausula hæc apprime notanda veniunt : *ut servus jure reipublicæ*, &c. quandoquidem omnia effugia Bellarmini & aliorum obstruunt, qui cavillantur S. Gregorium tyrannide Mauritiū oppressum hæc scripsisse : at nihil erat opus S. Gregorio dicere se servum esse Mauritiū jure reipublicæ, ut imperata Mauritiū mitigaret. Accedit præterea hæc, *servus jure reipublicæ*, causis essentialibus utriusque potestatis congruere, ut alias dicetur. Hic obiter notandum, Romanos Pontifices prout humiles spiritu, atque à dominandi studio alieni fuerunt, ingenuè in scriptis suis, & dum scri-

berent Imperatoribus, se eis subditos in temporalibus agnovisse : alios vero miro verborum aucupio & æquivocis vocabulis rei veritatem involvisse, ne pateret : unde arbitror Sabinianum Papam quoniam S. Gregorii humilitas in suis epistolis ei cordi non esset, omnia ejusdem viri sanctissimi opera comburi voluisse, ut refert Platina. Secundo observandum Agathonem excusatione uti, quod non potuerit petitioni Imperatoris exacte satisfacere, hoc est, *mittere de Concilio suo usque ad duodecim Metropolitas & Episcopos, &c.* Respondetque *dum de diversis provinciis familiare suum Concilium congregare voluit, & dum personas quasdam tum de proximo Concilio ecclesiarum suburbicariarum scilicet, tum de longe positis provinciis, ad quas miserat homines, expectare & mittere voluit non parvum temporis cursum elapsum esse, &c.* Quæ quidem responsio ea confirmat quæ supra dixi de patriarchali Concilio Papæ : nimirum quod se extendat ad provincias Occidentis, hocque clarius innotescet suggestionem Synodi Romanæ de qua paulo post. Certe ut alias docui, Papa tanquam Archiepiscopos aut Metropolitā nullos sibi habebat Archiepiscopos & Metropolitā subditos, sed duntaxat Episcopus ecclesiarum suburbicariarum qui affines erant Romæ : unde nihil expectandum fuit, aut non longum temporis spatium decurrit in hujusmodi congregandis Episcopis : & ita vana esset Agatho-

gatho-

gathonis excusatio, si tantum de suo Concilio Archiepiscopali & non de Patriarchali loqueretur. Tertio ex hac suggestione claret Constantinum Pogonatum more majorum suorum Synodum indixisse Agathoni, eique numerum Episcoporum & personarum quas mitteret ad Synodum præscripsisse, ut de Cæsare Theodosio supra notavimus in historia utriusque Synodi Ephesinæ.

VII. Post Agathonis suggestionem eadem Actione quarta extat suggestio Synodi Romanæ obsignata ab Agathone & aliis Episcopis, quæ inscribitur : *Piissimis Dominis & serenissimis, Victoribus, ac Triumphatoribus, dilectis Filiis Dei & Domini nostri Jesu Christi, Constantino uagno, Imperatori, Heraclio, & Tiberio Augustis, Agatho Episcopus servus servorum Dei, cum universis Synodis subjacentibus Concilio Apostolicæ Sedis.* Primum declarant, *spem omnium bonorum tum affulgere dum Imperiale fastigium veram ejus confessionem cognoscit à quo se coronatum & hominibus prepositum ad salubriter gubernandum, eamque inquit fideliter & vivaciter amplecti desiderat. Et hoc Dei esse præstantissimum munus à quo procedit omne quod bonum est. Et quoniam ab Apostolica Sede & ecclesiis ei subjacentibus eam postulavit: omnes nos exigui ecclesiarum Præsules vestri Christiani Imperii famuli in Septentrionalibus vel Occiduis partibus constituti, licet parvi & simplices scientia, fide tamen per Dei gratiam stabiles pro iis qua per divalem Sacram perceptam cognovimus,*

*Deo gratiam stabiles pro iis quæ per divalem Sacram perceptam cognovimus, Deo pro hujusmodi pio proposito cum intimis cordis fletibus gratia reddere cœpimus, quod tam laudabile, tam mirificum, tam singulariter Deo præ omnibus terrenis sacrificiis acceptabile Tranquillitas vestra opus creditur concupivisse: quod à multis quidem pietate & iustitia præditis Regibus desideratum, paucissimis tamen raroque ad effectum Deo placitum cum sinceritate Apostolicæ fidei perducere possibile demonstratum est, &c. Igitur quia tranquillissimæ Fortitudinis vestræ Clementia personas de Episcopali numero dirigere iussit vita atque scientia omnium scripturarum præditas, de vitæ quidem puritate quamvis quisquam munditer vixerit, confidere tamen non præsumit: perfectæ vero scientia si ad veræ pietatis scientiam redigatur, sola est veritatis cognitio, &c. Et sola est nostra substantia fides nostra, cum qua nobis vivere summa est gloria, pro qua mori lucrum æternum est. Hæc est perfectæ nostræ scientia, ut terminos Catholicæ atque Apostolicæ fidei, quos usque adhuc Apostolica Sedes nobiscum & tenet & tradit, tota mentis custodia conservemus, credentes in Deum Patrem omnipotentem factorem cæli & terræ, &c. Nam professionem suæ fidei edunt conformiter ad Synodos generales: atque amplius se Decretum Concilii Romani, quod sub Martino Papa celebratum est, contra Monotheletas tenere profitentur, &c. Secundo, ut imperatis Constantinensi satisfaciant, se excusant de tarditate personarum quas miserunt ex suo Concilio:*

**Pri-**

Primum quidem quod numerosa multitudo nostrorum usque ad Oceani regiones extenditur, cuius itineris longinquitas in multi temporis cursum protelatur. Sperabamus deinde de Britannia Theodorum confamilum atque Coëpiscopum nostrum magnæ insule Britannia Archiepiscopum & Philosophum cum aliis qui ibidem usque hætenus demorantur exinde ad nostram humilitatem conjungere, atque diversos huius Concilii Episcopos in diversis regionibus constitutos, ut à generalitate totius Concilii servilis nostra suggestio fieret, ne si tantum pars quod agebatur cognosceret, partem lateret: & maxime quia in medio Gentium tam Longobardorum quamque Sclavorum nec non Francorum, Gallorum, & Gothorum, atque Britannorum, plurimi confamilorum nostrorum esse noscuntur; qui de hoc curiose satagere non desistunt, ut cognoscant quid in causa Apostolicæ fidei peragatur: qui quantum prodesse possunt, dum in consonantia fidei nobiscum tenentur, nobisque concorditer sentiunt: tantum quod absit, si quid scandali in fidei capitulo patiantur, inveniuntur infesti atque contrarii, &c. Personas autem de nostræ humilitatis ordine prævidimus dirigere ad vestræ à Deo protegendæ Fortitudinis vestigia, quæ omnium nostrum, id est, universorum per Septentrionales & Occiduas regiones Episcoporum suggestionem, in qua & Apostolicæ nostræ fidei confessionem prælibavimus offerre debeant; non tamen tanquam de incertis contendere, sed ut certa atque immutabilia compendiosa definitione proferre suppliciter obsecrantes ut à Deo coronato vestro

*Imperio favente hæc eadem omnibus prædicari atque apud omnes obtinere jubeatis, &c. Hæc si faciat Imperator, Patres Synodi Romanæ futurum spondent, ut laudes Constantini Pogonati celebrentur, sicut & Magni Constantini, Theodosii utriusque, Martiani, & Justiniani, quem omnibus aliis ita præferendum narrant. Et sicut extremi quidem præstantissimi, tamen omnium Magni illius Justiniani, cujus & virtus ita & pietas omnia in meliorem ordinem restauravit: cuius instar fortissimæ vestræ Clementiæ Principatus virtutis quidem conatibus Rempublicam Christianam tuetur & restaurat in melius pietatisque studiis Catholicæ succurrit Ecclesiæ, &c. In fine hujus suggestionis leguntur subscriptiones centum viginti quinque Episcoporum qui Synodo interfuerunt: atque omnium primus Agatho Papa ita subseribit: Agatho Episcopus Sanctæ Dei Catholicæ atque apostolicæ Ecclesiæ urbis Romæ huic suggestioni cum generalitate totius Apostolicæ Sedis Concilii pro rectitudine Apostolicæ confessionis factæ, sicut superius continetur, consensi, & subscripsi. Andreas gratia Dei Episcopus sanctæ Ostiensis Ecclesiæ in hanc suggestionem quam pro apostolica nostra fide unanimiter construximus, similiter subscripsi. Angnellus gratia Dei Episcopus sanctæ Ecclesiæ Terracinenensis provincie Campaniæ in hanc suggestionem quam pro apostolica nostra fide unanimiter construximus, similiter subscripsi. Angnellus gratia Dei Episcopus sanctæ Fundanæ Ecclesiæ provincie Campaniæ, in hanc suggestionem, &c.*



&c. Adeodatus gratia Dei Episcopus sanctæ Formianæ Ecclesiæ provincia Campaniæ in hanc suggestionem, &c. Petrus gratia Dei Episcopus sanctæ Cumaniæ Ecclesiæ provincia Campaniæ in hanc suggestionem quam pro apostolica nostra fide unanimiter construximus, similiter subscripsi. Agnellus gratia Dei Episcopus sanctæ Ecclesiæ Misenatis provincia Campaniæ in hanc suggestionem quam pro apostolica nostra fide, &c. Gaudiosus gratia Dei Episcopus sanctæ Puteolani Ecclesiæ provincia Campaniæ in hanc suggestionem quam pro apostolica, &c. Stephanus, gratia Dei Episcopus sanctæ Locrensis Ecclesiæ hanc suggestionem quam pro apostolica nostra fide unanimiter construximus, similiter subscripsi.

VIII. Porro multa observatione digna in hanc Synodi Romanæ suggestionem sese offerunt: & primo quidem comprobatur atque illustratur quod in omnibus aliis Synodis docuimus, scilicet ubi necessitas habendæ Synodi occurreret, Imperatores solitos eas indicare omnibus Patriarchis, & unumquemque Patriarcham suos Metropolitans & cæteros Episcopos sibi subjacentes, Synodo habendæ idoneos convocare consuevisse ad Concilium & synodice atque canonice statuere de rebus agendis & controversis. Secundo hanc epistolam synodicam legatis Agathonis & Synodi Romanæ pro sufficienti instructione creditam: unde in epigraphe illius hæc leguntur cum in editione Romana Conciliorum,  
tum

tum in Collectione Binii, & Surii : *Epistola Agathonis & Romanæ Synodi 125 Episcoporum, quæ fuit velut instructio legatorum qui missi sunt ad Synodum sextam celebrandam.* Et revera quidem, loco amplissimæ atque sufficientissimæ instructionis extitit : quoniam omnes Ecclesiæ Occidentis & plagarum Septentrionalium repertæ sunt unius fidei hac in controversia : contra autem Orientis, ut ingenia hominum illorum calidiora & leniora sunt, erant sic divisæ ut tamen majore ex parte essent orthodoxæ. Proculdubio non difficile erat hanc controversiam ex definitione fidei Chalcedonensis Synodi dirimere : quæ docet Christum quoad humanam naturam nobis esse *consubstantialem* : & *Sicut anima rationalis & caro humana in Christo unum faciunt hominem : ita Deum atque hominem unum facere Christum, non conversione divinitatis in carnem sed assumptione humanitatis in Deum* : ut loquitur Symbolum B. Athanasii ex quo insurgit, utriusque naturæ proprietates integras remanere, nec non pariter utriusque naturæ & voluntatis divinæ ac naturalis operationes. Hanc vero synodalem epistolam datam pro instructione conceptis verbis Patres Synodi Romanæ declarant, dum perhibent *se offerre Imperatori confessionem suæ apostolicæ fidei, non tanquam incertam sed velut certam atque immutabilem.* Agatho autem Legatis fuisse injunctum ait, *ne aliquid augerent, minuerent, vel mutarent, sed traditionem Apostolicæ*

*lica Sedis sinceriter enarrarent.* Quæ omnia sicut infallibilitatem Papæ dilapidant, ita demonstrant, *quid sit definire ex cathedra*; atque longe aliud esse in definiendis controversiis de Papa & de Sede Apostolica verba facere: quoniam cathedra necessario de Synodo Patriarchali subjacenti Sedi Apostolicæ intelligitur. Tertio, eadem plane est ratio inscriptionis hujus epistolæ atque suggestionis Agathonis, quia & Agatho & Patres Imperatorem Dominum suum nuncupant. Deinde in ipso corpore epistolæ: *Omnes nos exigui Ecclesiarum Præsules vestri Christianissimi Imperii famuli, in Septentrionalibus vel Occiduis partibus constituti, licet parvi & simplices scientia, &c.* Quæ formula designat Papam & Episcopos se illo tempore agnovisse subditos Imperatori in temporalibus ut jam paulo ante observatum est. Quarto hæc alia in eadem inscriptione apprimè notanda faciunt: quæ ut ab omni fastu aliena sunt ita etiam potestatem ecclesiasticam esse ministerialem convincunt: *Agatho cum univèrsis Synodis subjacentibus Concilio Apostolicæ Sedis*: non dicit subiectis aut subditis Concilio Sedis Apostolicæ: quia verba subjectionis Imperio temporali & feudalibus magis propria sunt. Ex quo fit, ut Metropolitanis Episcopos suæ Metropolis non subditos sed suffraganeos ideo vocitent, quod sub illis & post illos suffragium & vota ferant. Hæc qui volet cum hodierno fastu & pompatica Curia

Curia Romanæ majestate conferat.

IX. Quinto hæc eadem verba *cum universis Synodis subjacentibus Concilio Apostolica Sedis* : ea comprobant quæ jam sæpe frequentavimus : puta Episcopum Romanum tanquam Patriarcham universas habere sibi subjacentes Occidentis atque Septentrionis Ecclesias : quod capi debet facta comparatione Ecclesiarum Græciæ & aliorum Patriarchatum, qui erant in plagis Orientalibus, si cum Romano Patriarchatu conferantur : *Omnes nos exigui Ecclesiarum Præsules vestri Christiani Imperii famuli in Septentrionalibus vel Occiduis partibus constituti*, &c. Accedit inter subscriptiones Episcoporum, Adeodatum Episcopum Lucorum Epistolam tum suo tum nomine Synodi constitutæ per Gallias obsignasse : atque Wilfridum Eboracensem insulæ Britannia Episcopum legatum Synodi Britannicæ similiter pro Synodo Britannica : item Felicem Episcopum Arelatensem legatum Synodi per provincias Galliarum : nec non Taurinum Diaconum Ecclesiæ Telonenfis legatum Synodi per Galliarum provincias : item Mansuetum Episcopum Mediolanensem, & Valentinum Aquensis Ecclesiæ Episcopum, suo atque ecclesiarum suarum nomine Actis subscribere. Ex quo inimus, Gallias & cæteras provincias ab Romano Patriarchatu remotiores, cum Synodo Romanæ, quam Agathos celebrabat, interesse non possent, suas privatim ha-

habuisse Synodos provinciales super controversia qua de agebatur, atque sententiam suam per legatos ad Agathonem Patriarcham suum misisse, juxta ea quæ notavi capite 1 hujus historiæ : idque amplius declaratur his verbis : *Sperabamus deinde de Britannia Theodorum confamilum atque Cœpiscopum nostrum Magnæ Insulæ Britannia Archiepiscopum & Philosophum cum aliis qui ibidem usque hætenus demorantur exinde ad nostram humilitatem conjungere : atque diversos hujus Concilii Episcopos in diversis regionibus constitutos : ut à generalitate totius Concilii servilis nostra suggestio fieret ; ne sit tantum pars quod agebatur cognosceret, partem lateret, & maxime quia in medio gentium tam Longobardorum, quamque Sclavorum nec non Francorum, Gallorum, & Gothorum atque Brittanorum plurimi confamilorum nostrorum esse noscuntur, qui & de hoc curiose satagere non desistunt, ut cognoscant quid in causâ apostolicæ fidei peragatur, &c.* Verum hinc clarissime confutata remanet illorum opinio, qui Patriarchatum Episcopi Romani solis ecclesiis suburbicariis circumscribere nituntur. Sexto inde liquet, Agathonis seculo, Papam in rebus ecclesiasticis nihil motu aut spiritu proprio, sed tantum communi & generali Ecclesiæ spiritu synodice inito de controversiis nascentibus statuere solitum. Nam ut legatos quos missurus erat ad Concilium sufficienter informaret, pro more avito Ecclesiæ, Synodum antea habuit: quod similiter factum obser-

observavi à Cœlestino I ante primam Synodum Ephesinam, & à Leone Magno ante Chalcedonensem : idque os quamquam durissimum obstruere debet adversariis.

X. Septimo quando omnes Patres Synodi Romanæ atque inter alios ipsum Agathonem qui eam primus obsignavit, singularem pietatem Justiniani Cæsaris commendare, eumque omnibus aliis Imperatoribus qui eum præcesserunt anteferre video, hercle non possum fatis, ut jam dixi capite præcedenti, confidentiam Valli demirari, quod Justinianum *sacrilegum, rerum divinarum invasorem, & fautorem hæresis Eutychianæ appellet* : de qua re satis supra disputatum est. Octavo hæc formula subscribendi Agathonis, *Agatho Episcopus sanctæ Dei Catholicæ atque Apostolicæ Ecclesiæ urbis Romæ*, &c. nos edocet, illis adhuc temporibus cæteras Patriarchales Ecclesias vocatas fuisse Apostolicas : unde ad distinctionem illarum Agatho scribit : *Episcopus sanctæ Dei Catholicæ atque Apostolicæ Ecclesiæ urbis Romæ*.

XI. Nono maxime notanda formula subscribendi octo Episcoporum Italiæ qui post Agathonem epistolam obsignarunt. Andreas *gratia Dei Episcopus sanctæ Ostiensis Ecclesiæ* : Agnellus *gratia Dei Episcopus sanctæ Ecclesiæ Terracinenfis*, & ita de aliis. Enimvero supinam Vallii ignorantiam comdemnat : quem non puduit asserere formulam hanc qua hodierni Episcopi utuntur in suis literis scribendis, *N.*

*Dei*

*Dei & sanctæ Sedis Apostolicæ gratia Episcopus*, esse antiquissimam: quia, inquit, Galli acerrimi semper fuerunt suæ libertatis vindices, neque hoc jugum sibi passi fuissent imponi, nisi una cum nascente Ecclesia ortum habuisset: parte III quæst. 6. de Suprema potestate Papæ. Ex quo efficere vult jurisdictionem Episcopalem à solo Papa non à sacris electionibus conferri. At si homo exiguæ lectionis hujus rei veritatem minus ex Antiquis haurire potuit monumentis, saltem Regius Theologiæ Professor suum Magistrum sententiarum legisse debuerat, apud quem in fronte articulorum Parisiensium epistolam Stephani Episcopi Parisiensis ita inscriptam reperisset: *Universis præsentis literas inspecturis Stephanus permissione divina Parisiensis Ecclesiæ minister indignus, Salutem, &c.* Ivo pariter Carnotensis passim in suis epistolis eadem utitur inscriptione. At Stephanus Parisiensis florebat anno 1287 & Ivo 1088. Hercle dum Vallius memoratam formulam à se laudatam ab Ecclesiæ incunabulis ortam ariolatur: seipsum pueri irridendum exponit, qui eam ex perniciosissima semente Concordatorum Bononiensium fruticari, atque hominum ambitionum adulationibus quotidie irrigari & adolescere norunt. Profecto, quamquam Episcopus Parisiensis in suis literis Vallii formula hodie utatur: nihilominus æque suam auctoritatem & jurisdictionem immediate à Deo derivat quam Papa: & dum aliquem à peccatis

N n

absol-

absolvit, aut leges condit, id gratia & auctoritate divina immediate facit, sicut & Paulus V Pontifex maximus: ratio est, quoniam utrique nimirum & Henrico Gondio & Paulo V, Christi & Ecclesiæ auctoritate potestas immediate una cum ordinis Episcopalis & tituli collatione confertur: licet hæc fiant & administrentur hominum ministerio. Ex quo accidit ut neque Pontificis, neque aliorum Episcoporum ecclesiasticæ actiones ratæ esse possint in cœlo, nisi nomine, auctoritate, proposito, & intentione Ecclesiæ cujus sunt ministri atque dispensatores, gerantur. Siquidem Ecclesia collectim sumpta claves & jurisdictionem tamquam per dominium, proprietatem, originem, & ad modum causæ efficientis possidet: unde eas conservat & propagat: Papa autem & Episcopi distributive & seorsim capti, illas solummodo ministerialiter, quoad usum, exequutionem, & exercitium capeffunt: quam in rem uberrime differuimus in defensione libelli de ecclesiastica & politica potestate, atque omnia argumenta adversariorum difflavimus; sunt enim *pura putanebulæ sine aqua, quæ à ventis ambitionis circumferuntur: arbores autumnales infructuosæ, bis mortuæ, eradicatæ, fluctus feri maris*: quoniam solis elenchis & phantasticis imaginationibus hominum ambitiosorum fulciuntur. Cæterum postquam singulos apices harum duarum suggestionem attente & dogmatice consideravi,



ravi, nihilque monarchici in eis reperire potui, quod Curiae Romanæ placitis faveret, rogatos velim adversarios, forsitan enim in sua causa oculatiores & magis lyncei erunt ut vel tenuem umbram suæ absolutæ monarchiæ hic nobis designare occipiant; magnam quidem apud me inibunt gratiam.

Actiōne v & vi Constantinus Imperator qui Synodo præsidebat, Macario Antiocheno Patriarchæ ejusque asseclis qui Monotheletismum propugnabant, imperat, ut, quæcumque ex sacris Scripturis, Conciliis, & Patribus Antiquis, pro suæ opinionis defensione luberet, expromerent. Nam hic mos erat tum usitatus in definiendis controversiis, ut supra probatum est, in prima Synodo Ephesina. Ubi autem Macarius quæ sibi visa sunt collegit atque exhibuit, ea Princeps optimus & piissimus sigillo suo, ne quid immutaretur, communiri ac diligenter asservari præcepit.

Actiōne vii legati Agathonis, testimonia Scripturæ, Conciliorum, & Patrum, quibus suggestio Agathonis referta est, exponunt. Enimvero hoc inter Agathonis & Synodi Romanæ suggestionem positum est discrimen, quod Agatho allatis testimoniis rationem suæ fidei reddat: Synodus vero rem nude ac simpliciter explicet atque definiat: nihil enim ineptius est lege cum prologo: siquidem definitio Synodalis vim habet legis: non autem simplex scriptio aut narratio Papæ, cui tan-

tum creditur quantum est juri divino, naturali & canonico conformis.

Actiōe v i i i Imperator cum à Georgio Constantinopolitano, & Macario Antiocheno petiisset, an sensum suggestionum directarum ab Agathone ejusque Synodo admitterent, Georgius Constantinopolitanus respondit, se illa testimonia laudata ab Agathone cum auctoribus genuinis, unde excerpta fuerant, in Patriarchio Ecclesiæ Constantinopolitanæ contulisse, eaque vera comperisse, ac proinde se ejusdem esse prorsus sententiæ cum Agathone: unde cum antea auctor fuisset Imperatori cum Macario Antiocheno ut Vitalianum Papam ex sacris diptychis deleri juberet, supplex ab Cæsare petit, quatenus jubeat nomen Vitaliani retineri in sacris Ecclesiæ tabulis. Quare tota Synodus in has exclamationes laudatorias personat: *Constantino Magno Imperatori multos annos*, &c. Agathoni orthodoxo PP. *multos annos*: Georgio orthodoxo Patriarchæ *multos annos*.

XII. Quibus ita gestis sancta Synodus petit à Macario Antiocheno ut suæ fidei rationem reddat, ac plane & distincte dicat: utrum confiteatur in Christo duas operationes naturales, inconfuse, & indivisibiliter, & sequi velit suggestiones ab Agathone ad Imperatorem missas, &c. Ad hæc Macarius eadem quæ actione prima respondet: nimirum se cum Præsulibus Constantinopolitanis Sergio, Paulo,

lo, Pyrrho, & Petro, nec non etiam cum Honorio sentire & credere : nec duas dicere naturales voluntates, aut duas operationes naturales in Incarnationis dispensatione Domini nostri Jesu Christi, etiamsi membratim incideretur, aut in mare projiceretur. Quibus confectis testimonia ab eodem Macario prolata leguntur, collataque cum authenticis exemplaribus corrupta atque detruncata reperiuntur. Quare Imperator sic Macarium affatur: *Edicat Macarius Deo amabilis Archiepiscopus, ut quid hæc quæ necessaria sunt circumcidit de testimoniis sanctorum Patrum à se productis? Ego, inquit, illa testimonia quæ desloravi, secundum proprium intentum desloravi.* Qua ex responsione hominis hæretici versipelle ingenium dignoscitur. Sancta autem Synodus contra illum pronunciat: *Non congruere orthodoxis ita circumtruncatas sanctorum Patrum voces deslorare: hoc potius proprium esse hæreticorum:* Contra Macarius rependit, *se id fecisse quia propriam sententiam stabilire quæreret.* Quæ velim considerare perpendantur à Vallio qui in nulla ducit religione, sententias & Patrum testimonia quibus pro sua opinione firmanda utitur, castrare, adulterare, in alium sensum à genuino violenter detorquere, ac mihi ipsi ea impingere quæ non dico: *ut dum perhibet me docere Christum claves dedisse bajulis, laniis, &c.* de quibus propriis locis actum est.

Actiōne i x Patres declarant, Macarium

cum affeclis ab omni sacerdotali dignitate & ministerio esse alienos quod doctrinam Patrum corrupissent, atque hæreticorum sensum assumpissent.

XIII. Actione x Patrum testimonia in suggestione Agathonis prolata, nec non pariter alius codex, quem legati ejusdem Agathonis super eadem controversia obtulerant, cum libris authenticis coram tota Synodo conferuntur, & verissima comprobantur: quod examen publicum & Synodale est: illud autem cujus octava actione mentionem tecimus, singulare & proprium fuit Georgio Constanti-nopolitano Archiepiscopo. Ex hac vero forma synodice examinandi sententiam Agathonis & Concilii Romani, quatuor colligimus: Primum, Patres sextæ Synodi clare docere, quidnam tenendum sit de propriis motibus Papæ, atque infallibili auctoritate, quam curiales ei arrogant: si enim Synodus generalis acta Synodi Romanæ diligentissime examinat, quanto magis quæ à solo Papa proficiuntur expendi debent. Secundo, cognoscimus etiam, decreta synodalia Concilii Patriarchalis Papæ nequaquam obligare Ecclesiam universalem, nisi hæc nominatim consensum præbeat. Tertio, merum esse commentum Curialium, Papam jure divino esse absolutum monarcham Ecclesiæ universalis: hoc enim si esset, Patres omnium Synodorum generalium graviter peccassent in jus divinum, quando

quando decreta Synodorum Romanarum, quibus Romani Episcopi præfuerunt; ad incudem examinis revocarunt. Quarto hinc planum redditur ecquid de hac regula Agathonis tenendum sit, Dist. 19. Can. *Sic omnes Apostolica Sedis sanctiones accipiende sunt, tanquam ipsius divini Petri voce firmata.* Quandoquidem, per Apostolicas sanctiones non privati motus, sed decreta synodalia consensu Ecclesiæ recepta & approbata intelligere oportet.

Actiōe XI epistola synodica Sophronii Patriarchæ Hierosolymitani ad Sergium Constantinopolitanum, qui Monotheletismum propugnabat, enucleatur à Patribus. Et sub finem actionis ejusdem, Imperator significat se propter graves occupationes non posse reliquis conventibus interesse: interea tamen Constantino & Anastasio Patriciis provinciam mandat ut vicem suam in Synodo obirent.

XIV. Actiōe XII epistola Sergii Patriarchæ Constantinopolitani ad Honorium PP. & vicissim Honorii ad Sergium legitur atque expenditur; verum quia recentiores, ut proclivius sua dogmata de infallibilitate Papæ defendant, animose & perveraciter negant Honorium fuisse Monotheletam, imo contendunt orthodoxe docuisse: ut veritas pateat, hîc summam ejus epistolæ propriaque illius verba exscribam, si prius ex Severo Sulpitio lib. 11 Historiæ sacre monuero; quemadmodum in Synodo Ariminensi colore sta-

biliendæ pacis & vitandæ novitatis vocabuli  
 ἰμῶσιον, fides Nicæni Concilii homonymiarum  
 & ambiguitatum involucris pene ab Arrianis  
 est oblitterata: similiter Honorium Papam li-  
 teris suis ad Sergium Constantinopolitanum  
 Patriarcham, specie pacis fovendæ, fidem &  
 decreta Synodi Chalcedonenfis adversus Eu-  
 tychem & Nestorianos omnino antiquasse.  
 Enimvero, Sergium nominatim laudat, quod  
 novitatem vocabuli duarum voluntatum at-  
 que operationum in Christo ad incundam  
 concordiam populorum dissidentium sustule-  
 rit: fundamentum Honorii est quod, licet  
 Christus duas habuerit naturas cum differen-  
 tia utriusque naturæ, & operationum divina-  
 rum, atque humanarum, nihilominus illum  
 voluntatem humanam à divina voluntate di-  
 screpantem habuisse penitus esse impossibile:  
 cum humanam assumpserit naturam non pec-  
 cato corruptam vel fomite concupiscentiæ &  
 lege membrorum quam Apostolus velut Ty-  
 rannum execratur, contaminatam. Quia in re  
 graviter lapsus est Honorius, atque alios vel in  
 suo errore confirmavit, vel eis occasionem  
 graviter peccandi suppeditavit: docens, li-  
 bertatem atque operationem naturalem hu-  
 manæ voluntatis in Christo, sublatam fuisse  
 unione Verbi cum natura humana: hoc enim  
 non obscure indicat, quamquam recte & in-  
 volute loquatur, dum affirmat, *Christi huma-  
 nitatem cum divinitate è cælo descendisse*: quæ A-  
 pol-



pollinarii fuit opinio erronea. Insuper errat, docens, *fomitem & legem membrorum ad humanam voluntatem non ad deordinationem & corruptionem naturæ peccato contaminatæ spectare*, quod diserte perhibet. Præterea hæc & similia Christi oracula, *Non veni facere voluntatem meam, sed ejus qui misit me Patris*, Joannis 6. Et, *Non quod ego volo, sed quod tu vis, Pater*, Matthæi 26. ait minime capienda de diversa voluntate humanitatis Christi à voluntate divina: sed de dispensatione humanitatis assumptæ: ita ut Christus his locis atque aliis similibus per quandam Antropopathiam, condescensionem & accommodationem ad nostram infirmitatem usus sit, ut nos edoceret voluntati divinæ obtemperandum: unde continuo inferebat Honorius, neminem his locis uti posse ad dogmata fidei constituenda; quos proinde Grammaticis relinquendos esse statuit. Et in hoc versatur nodus totius quæstionis, quem adversarii quantum possunt devitant, & more ipsius Honorii æquivocationibus aut similibus effugiis obtegunt: sed hominem audiamus.

*Scripta fraternitatis vestre suscepimus, per quæ contentiones quasdam & novas vocum quæstiones cognovimus introductas per Sophronium quendam tunc monachum, nunc Episcopum Hierosolymitanæ urbis, adversus fratrem nostrum Cyrum Alexandriæ Antistitem, unam operationem Domini nostri Jesu Christi prædicantem. Qui denique Sophronius ad*

*vestram fraternitatem veniens, querelamque huiusmodi deponens, multiformiter eruditus petiit de his quæ à vobis fuerat instructus paginalibus sibi syllabis referari: quarum literarum ad eundem Sophronium directarum suscipientes exemplar & intuentes, satis provide circumspēctęque fraternitatem vestram scripsisse laudamus, novitatem vocabuli, auferentem, quod posset scandalum simplicibus generare. Nos enim in quo percepimus oportet ambulare, &c. confitentes Dominum Jesum Christum mediatorem Dei & hominum operatum divina media humanitate Verbo Deo naturaliter unita: eundemque operatum humana infallibiliter atque singulariter assumpta carne, discrete, inconfuse, atque inconvertibiliter plena divinitate: & qui coruscavit in carne plena divinis miraculis, ipse est & carneus effectus, plene Deus & homo, passiones & opprobria patitur, unus mediator Dei & hominum. In utrisque naturis Verbum caro factum, & habitavit in nobis, ipse Filius hominis de cælo descendens, &c. Dum perfectio divinitas nec crucifigi potuit, nec passiones humanas experiri vel perpeti: sed propter ineffabilem conjunctionem humane divineque nature, idcirco & ubique Deus dicitur pati: ET HUMANITAS DE COELO CUM DIVINITATE DESCENDISSE: UNDE ET UNAM VOLUNTATEM FATEMUR DOMINI NOSTRI JESU CHRISTI: qua perfectio à divinitate assumpta est nostra natura non culpa: illa profecto quæ ante peccatum creata est, non quæ post prevaricationem vitiatæ. Christus enim Dominus in similitudinem carnis peccati*

re-



veniens, peccatum mundi abstulit, & de plenitudine ejus omnes accepimus, &c. Non est itaque assumpta, sicut præfati sumus à Salvatore vitiatam naturam, quæ repugnaret legi mentis ejus: sed venit quærere & salvare quod perierat, id est, vitiatam humani generis naturam. Nam lex alia in membris, aut voluntas diversa non fuit, vel contraria Salvatore, quia super legem natus est humanæ conditionis. Et siquidem scriptum est, NON VENI FACERE VOLUNTATEM MEAM, sed ejus, qui misit me, Patris. Et non quod ego volo, sed quod tu vis Pater, & alia ejusmodi, non sunt hæc diversæ voluntatis, sed dispensationis humanitatis assumptæ. Ista enim propter nos dicta sunt, quibus dedit exemplum, ut sequamur vestigia ejus: pius Magister discipulos imbuens, ut non suam unusquisque nostrum, sed potius Domini in omnibus præferat voluntatem. Via igitur regia incedentes, ducum nostrorum semita gradientes, etsi forte quidam balbutientes, formantes se in specimen meritorum, ut possent mentes imbuerе auditorum, NON OPORTET AD DOGMATA hæc ecclesiastica retorquere: quæ neque synodales apices super hoc examinantes, neque auctoritates canonice visæ sunt explanasse: ut unam vel duas energias aliquis præsumat Christi Dei prædicare: quas neque evangelicæ vel apostolicæ literæ, neque synodalis examinatio super his habita visæ sunt terminasse: nisi fortassis, sicut præfati sumus, quidam aliqua balbutiendo docuerunt: condescendentes ad informandas mentes atque intelligentias parvulorum: quæ ad ecclesiastica dogmata trahi non debent: quæ  
unus-

unusquisque in suo sensu abundans videtur secundum propriam sententiam explicare. Nam quod Dominus Iesus Christus Filius ac Verbum Dei per quem facta sunt omnia, ipse sit unus operator divinitatis atque humanitatis, plenæ sunt literæ luculentius demonstrantes. Utrum autem propter opera divinitatis & humanitatis, una an geminæ operationes debeant derivate dici vel intelligi, ad nos ista pertinere non debent: relinquentes ea Grammaticis, qui solent parvulis exquisita derivando nomina venditare. Nos enim non unam operationem vel duas Dominum Iesum Christum ejusque Sanctum Spiritum sacris literis percepimus: sed multiformiter cognovimus operatum, &c. Et nos quidem secundum sanctiones divinatorum eloquiorum oportet sapere vel spirare: illa videlicet refutantes quæ quidem novæ voces noscuntur sanctis Dei Ecclesiis scandala generare: ne parvuli aut duarum operationum vocabulo offensi, sectantes Nestorianos, nos vesana sapere arbitrentur: aut certè si rursus unam operationem Domini nostri Iesu Christi fatendam esse censuerimus: stultam Eutychianistarum attonitis auribus dementiam fateri putemur: præcaventes ne quorum inania arma combusta sunt, cineres redivivos ignes denuo renovent, &c. Hec nobiscum fraternitas vestra prædicet, sicut & nos ea vobiscum unanimiter prædicamus: hortantes vos ut unius vel geminæ vocis inductum operationis vocabulum aufugientes, unum nobiscum Dominum Iesum Christum Filium Dei vivi, Deum verissimum in duabus naturis operatum divinitus atque humanitus fide orthodoxa & unitate

*tate catholica prædicetis. Et subscriptio: Deus te incolumem custodiat, dilectissime atque sanctissime frater.*

XV. Hujus epistolæ Honorii analysim sex articulis complectemur, quibus evidentissime probabitur illum fuisse Monotheletam. Et primo observandæ sunt circumstantiæ personarum, quæ illi anam hujus scribendæ epistolæ præbuerunt: nimirum Cyrus Alexandrinus, Sophronius Hierosolymitanus, & Sergius Constantinopolitanus patriarchæ: quorum Cyrus primus docuit Christum unicam duntaxat habuisse voluntatem: idque ubi Sophronius accepit, cum esset simplex monachus, Cyro acriter obstitit, & postea factus Episcopus Hierosolymitanus Synodum habuit, atque synodicam epistolam ad Sergium Constantinopolitanum de Cyri errore misit: sicut tum moris erat, ut enim aliquo membro corporis humani laborante, cætera membra ei medicam opem ferre solent: ita nascente aliqua controversia in quadam provincia, Episcopi provinciæ aut eidem affines, & potissimum Sedes patriarchales, & Metropolitanæ, ad sanctorum communionem confugere in more habebant, ut controversia definiretur: quandoquidem ecclesiæ singulares de se invicem sollicitæ esse debent; eamque ob causam Christus illas aristocratico regimine gubernari voluit. At vero Sergius Constantinopolitanus, non modo Cyrum Alexandrinum scri-

scriptis suis defendit, verum etiam Honorium Papam, ut Cyrum tueretur, atque errorem Monotheletarum propugnaret ac orthodoxam Sophronii sententiam damnaret, exci-  
vit. Equidem Honorius initio suæ epistolæ ad Sergium, cum de Sophronio verba facit, illum propter sententiam quam assererat ita habet contemptui, ut contra morem usitatum, ne quidem consacerdotis, coëpiscopi, aut fratris nomine, vel aliquo alio humano & civili titulo eum salutet: quod testimonio est sententiam orthodoxam Sophronii valde exosam fuisse Honorio: cujus hæc sunt verba: *Contentiones quasdam & novas vocum questiones cognovimus introductas per Sophronium quendam tunc monachum, nunc vero ex auditu Episcopum Hierosolymitanæ urbis, &c.* Verum quando Patres sexti Concilii, epistolam synodicam Sophronii, quam damnavit Honorius, laudant atque approbant, Cyrum vero & Sergium, quos Honorius propugnabat & laudabat, velut hæreticos condemnant, necessario insurgit, Honorium eodem condemnationis telo etiam confodi; dato etiam quod nominatim non damnatus fuisset hac Synodo. Secundus articulus est, Honorium in exordio suæ epistolæ dulce atque speciosum nomen pacis obtendere, & ab omni vocabulorum novitate abstinendum proclamare, atque aliquas propositiones orthodoxas defigere; interea dum tamen illas, ut facilius errorem atque venenum

num suum insinuet, quibusdam æquivocis dictionibus involvere: *Consistentes*, ait, *Dominum Jesum Christum mediatorem Dei & hominum operatum divina media humanitate Verbo Deo naturaliter unita*, &c. usque ad hæc verba: *Non est itaque assumpta sicut præfati sumus à Salvatore natura quæ repugnaret legi mentis ejus, sed venit querere & salvare quod perierat*, &c. Tertio pro suæ opinionis auctoramento statuit, *in utrisque naturis verbum caræ factum, & humanitatem Christi è cælo cum divinitate descendisse*: ac proinde Christum unam duntaxat voluntatem habuisse: *quoniam à divinitate assumpta est nostra natura non culpa: illa nimirum quæ ante peccatum creata, non quæ post prævaricationem vitiatæ est. Nam lex alia aut voluntas diversa non fuit vel contraria Salvatori: quia super legem natus est humane conditionis*, &c. Hæc ille, quid autem clarius dici potest ad confirmationem erroris Monotheletarum? Putavit enim Honorius, quemadmodum natura humana Christi in unico supposito aut persona divina subsistit: sic fieri potuisse ut utriusque naturæ unica tantum esset voluntas, sicut unica est subsistentia & persona. Quare fieri posse non duxit secundum legem mentis, & rectæ rationis, id est, secundum humanam voluntatem, ut Christus refugeret aut reformidaret mortem, sed tantum juxta corruptionem naturæ & legem membrorum: quod est falsissimum atque erroneum: & in hujus erroris confirmationem hæc

hæc oracula Christi, *Non quod ego volo, sed quod tu vis Pater*, &c. sic interpretatur ut neque de divina, neque de humana voluntate Domini intelligenda esse sed per quandam accommodationem ad nostram infirmitatem dicta esse censeat: nimirum, ut Christus nos facilius edoceret ac demonstraret omnem curam esse impendendam quo divinæ non nostræ voluntati obtemperemus. Hoc insuper advenit incommodi, quod Honorius ambiguitate hujus vocis fallat: *Non est itaque assumpta à Salvatore natura quæ repugnaret legi mentis ejus*, &c. Nam si naturam fomite concupiscentiæ & lege membrorum corruptam intelligit, verum est quod dicit: si autem putat impossibile humanam voluntatem à divina voluntate dissentire, ut revera id asserit, valde errat quoniam certissimum est, Christum secundum humanam naturam fuisse liberrimum: atque in procinctu passionis orando Patrem ut calicem quem erat bibiturus à se transferret, voluntatem humanitus à divina voluntate omnino discrepantem habuisse: quippe qui mortem naturali propensione secundum lumen rectæ rationis, qua omnia conservationem sui appetunt, extimesceret ac refugeret: sicque se vere hominem esse contra errorem Apollinariii ostendebat: qui error Eutychianis & Monotheletis, quasi pro fundamento erat. Quarto, dum urget Honorius nihil synodice definitum de duabus voluntatibus Christi, earumque operatione-



rationibus, fallit aut fallitur: quia in Synodo Chalcedonenſi diſputatum atque definitum eſt, *Chriſtum ſecundum divinitatem eſſe Deo Patri conſubſtantialem: & ſecundum humanitatem B. Virgini matri & nobis omnibus conſubſtantialem: vere perfectum Deum & hominem anima rationali & corpore conſtantem: per omnia nobis ſimilem abſque peccato, &c.* Vide Actionem v Synodi Chalcedonenſis: & Actionem i folio 26 Surianæ; 12 Bnianaæ, & 75 Romanæ Collectionis, ſtatim poſt libellum confeſſionis Eutychis: ubi *Baſilius Episcopus Seleuciæ dixit Anathema partienti, anathema dividenti duas naturas poſt adunationem: anathema autem qui non agnoſcit naturarum proprietatem, &c.* Verum quotuſque neſcit voluntatem eſſe naturæ proprietatem, & conſequenter peculiarem habere operationem à divina voluntate & natura diſtinctam? Ex quo relinquitur, cognitionem & definitionem huiuſmodi controverſiæ facile colligi poſſe ex Conciliis, niſi reliquiæ Eutychianorum rectæ fidei ſemper obſtiſſent. Cæterum eo ipſo quod Honorius affirmat, neque ſynodalibus apicibus, neque canonicis auctoritatibus hanc controverſiam fuiſſe explanatam, liquido demonſtrat quantæ tum fuerint auctoritatis apud omnes, & præſertim Romanos Pontifices Synodi atque Canones: & nullo modo fuiſſe perſuaſum hominibus Papam eſſe infallibilem Eccleſiæ monarcham: quæ opinio tantum invaluit poſt-

quam Synodi defuerunt celebrari, in quorum locum Curia Romana suum commentum de Papæ infallibilitate substituit, ut expeditius de omnibus Ecclesiæ negotiis monarchice decerneret.

XVI. Prætera hinc etiam colligimus nulla alia ratione Honorium qui in errorem Monothetarum incidit, posse validius excusari ab errore, quam quod illum defenderit antequam essent sufficienter, id est, synodice, ut tum moris erat, definitus: siquidem nascente aliqua controversia, priusquam sit sufficienter & synodice explicata & decisa; nemini, si modo unitatem & pacem Ecclesiæ, cum proposito Ecclesiam audiendi servet, vitio aut crimini esse potest, quod contra orthodoxam veritatem sentiat: ratio est, quia tum ignorantia invincibili laborat: quam solam Concilia generalia sufficienter illuminare possunt juxta apostolicam atque Ecclesiæ primitivæ disciplinam. Et hanc, inquam, sola ratione Bellarminus atque alii Curiales Honorium ab hæresi liberare possunt: qua tamen excusatione uti nolunt ne magnum vulnus & præjudicium Papæ infallibilitati infligant. Quinto, quod ait Honorius relinquendum Grammaticis, *utrum una an due voluntates aut operationes dici debeant in Christo, propter opera divinitatis & humanitatis quæ à Christo uno divinitatis & humanitatis operatore exercebantur.* Hercle ostendit se Theologiæ & Philosophiæ penitus ignarum:



rum : quoniam hoc ipsum quod Grammaticis relinquit, quantum quantum est ad Theologiam non ad Grammaticam pertinet. Annon Theologorum est assignare differentiam & proprietates divinæ atque humanæ naturæ Christi? Sexto, ista Conclusio, *hæc nobiscum fraternitas vestra prædicet, sicut & nos ea vobiscum unanimiter prædicamus*, &c. aperte demonstrat, Honorio propositum fuisse dogma condere, vel ut recentiores loquuntur, *ex cathedra decernere ac definire*: quid enim est si hoc non est de cathedra definire, injungere alicui prædicationem publicam alicujus doctrinæ?

XVII. Actione xiii Patres sententiam adversus Cyrum, Sergium, Pyrrhum, Petrum Paulum & Honorium Monotheletas statuunt, quos anathemate feriunt, eorumque nomina à sancta Dei Ecclesia projici jubent: & specitatum declarant Honorium epistola sua ad Sergium, in omnibus Sergii mentem atque impia dogmata sequutum fuisse & confirmasse. Prætera synodicam epistolam Sophronii Hierosolymitani damnatam ab Honorio, quæ Actione xi recognita atque Sergio Constantinopolitano missa fuerat, approbant, & cum vera fide, scriptis Apostolicis, & sanctorum Patrum omnino concordare declarant Concilia Romæ edita in margine hujus Actionis xiii ubi sententia contra Honorium refertur, notant *S. Maximum monachum Græcum doctorem & martyrem, per hæc tempora scri-*

*psisse Honorium Papam in dialogo cum Pyrrho dixisse unam voluntatem Domini, non divinitatis ejus & humanitatis, sed solius humanitatis: cum enim scripisset Sergius esse qui dicerent in Christo duas contrarias voluntates, rescripsit Honorius Christum non habuisse duas contrarias voluntates, carnis, inquam, & spiritus, ut nos habemus post transgressionem, sed unam tantum qua naturaliter humanitatis ejus est nota essentialis.* Hæc ibi. Bellarminus quarto de Romano Pontifice cap. xi memorat, hunc dialogum Maximi extare in Vaticana Bibliotheca, quem Baronius paucis abhinc annis ad calcem Tomi viii Annalium suorum edi curavit ex Francisci Turriani Jesuitæ versione. Severinus Binius illum pariter conjecit in suam collectionem Conciliorum Tomo i i: ejusdem quoque meminit Photius in sua Bibliotheca: qui tamen non dicit Maximum aliquid pro Honorio excusando scripsisse. At vero, præterquam quod hæc quæ Maximus pro Honorio scripsisse dicitur sunt ambigua & æquivoca: Lectori insuper considerandum relinquo, an sit rationi consentaneum hoc Maximi monachi privatum & singulare testimonium, ex Vaticana Bibliotheca in causa Curiae Romanæ pro Papæ infallibilitate nuper expromptum, opponi & comparari certissimo, antiquissimo & locupletissimo trium Synodorum generalium judicio: quod ipsorum Romanorum auctoritate robur habuit, ut paulo post ostendetur?

Por-

Porro hac eadem Actione xiii, sub finem, secunda epistola Honorii PP. ad Sergium Constantinopolitanum examinatur & damnatur.

Actione xiv postulantibus legatis Agathonis, actio septima quintæ Synodi generalis, quæ supra actione tertia sextæ Synodi lecta fuerat, recognoscitur, & tanquam adulterina damnatur : propterea quod in eam liber supposititius Mennæ Constantinopolitani Patriarchæ ad Vigilium PP. & vicissim Vigili ad Justinianum & Theodoram Augustam Justiniani uxorem irrepisset : qui liber cum ejusdem libri auctoribus anathemate feriuntur.

XVIII. Actione xv monachus quidam Monotheleta nomine Polychronius auditur patienter à Patribus: *quamquam se fidei suæ professione mortuum suscitaturum stolide atque impie gloriaretur, Deum tentans.* Quem hominem cum Patres suaviter & secundum potestatem ministerialem sibi traditam à Christo vellent ad unionem invitare, atque ex Christi præcepto ovem errantem ad ovilia reducere, *in præsentia totius Synodi populo inspectante illum suæ fidei super cadaver hominis frustra periculum facere patiuntur.* Idque confirmat quod à bono Gersonio de potestate Ecclesiastica, consideratione xi dicitur, *neminem qui audiri velit in Concilio esse excludendum* : ut amplius disputatum est à me Axiomate xxi Apologiæ, Nihilominus iste Polychronius audacissimus atque impiissimus non propterea errorem suum ejuravit: ideoque una cum aliis Monotheletis

damnatur Actione XVI, quos inter quidam etiam Presbyter extitit, qui se *Henoticum*, id est, viam & rationem unitatis & concordie ineundae reperisse jactitabat.

XIX. Actione XVI I Definitio fidei conditur : cujus lectio & recognitio in Actionem XVII I, cui Imperator Constantinus interfuit, rejicitur : Itaque omnes Patres & Princeps optimus qui propterea ad Synodum redierat, illam suis syngraphis muniunt, Cæsare ad hunc modum Patres alloquente : *Edicat sanctum & universale Concilium, sic cum consensu omnium Episcoporum promulgata est definitio que ad præsens relecta est : Sanctum Concilium exclamavit : Omnes ita credimus, una fides : Omnes id ipsum sentimus : Omnes consentientes & amplectentes subscripsimus : Orthodoxe omnes credimus : Hæc est fides Apostolorum, hæc est fides Patrum : hæc est fides Orthodoxorum : multos annos Imperatori : Integritates duarum naturarum tu declarasti : Luminarium pacis Domine conserva, Martino novo Constantino nova memoria : Novo Justiniano aterna memoria : Omnes hæreticos tu effugasti, &c. Theodoro Pharanite, & Petro anathema : Sergio & Honorio anathema : Pyrrho & Paulo anathema : Cyro & Petro anathema : omnibus hæreticis anathema, &c. quæ Lector recognoscet : sunt enim ad typum conclusionis Synodi Chalcedonensis expressa, & clare convincunt, decreta & canones Conciliorum à communi Patrum consensu & universali sanctorum communio-*

munione, non ab unius monarchæ infallibilis potestate robur habere. Dehinc sequitur sermo prosphonicus sive acclamatorius ad Constantinum Imperatorem, quo summam Acta in omnibus antecedentibus Conciliis generalibus enunciantur: videlicet Constantinum Magnum & Sylvestrum Papam congregavisse Synodum Nicænam contra hæresim Arrii: Theodosium Magnum & Damasum in prima Synodo Constantinopolitana obstitisse Macedonio: Theodosium Juniores cum Cœlestino & B. Cyrillo Nestorium deiecisse in prima Synodo Ephesina: Leonis PP. tuba tanquam rugitu Leonis à grege monachico Eutychem projectum Imperatoris Martiani auctoritate & Anatolii Constantinopolitani antistitis atque aliorum Episcoporum Eutychem & Dioscori intelligentiam dissipatam. *Postremo Vigilium PP. Justiniano consonuisse, & quintum Concilium constitutum, ac tria capitula repleta abominatione damnata fuisse, &c.* Deinde transit ad gesta sextæ Synodi contra Theodorum Pharanitanum, Sergium, & Paulum, Pyrrhum, & Petrum Constantinopolitanos præfules, Cyrum Alexandria, & Honorium qui fuit Romæ præsul, &c. Demum sub finem Patres excurrunt in laudes Imperatoris quod unitatis Ecclesiarum mediator effectus sit: sed benignissime Domine & amator iustitiæ ei qui tibi potentiam largitus est hanc gratiam recompensa, inquit: **ET HIS QUÆ A NOBIS DEFINITIA SUNT SIGNA-**

CULUM TRIBUE : *vestram in scripto Imperialem ratihabitionem, & per edicta divalia atque per pias constitutiones* EX MORE, EORUM OMNIUM FIRMITATEM *quatenus nullus his, quæ gesta sunt, aut contradicat, novamve quæstionem machinetur, &c.* Qua oratione Patres explicate & nominatim flagitant ab Imperatore, ut de more aliorum Imperatorum qui eum præcesserunt atque alia Concilia confirmarunt, & in rem judicatam sigillis atque edictis suis mitti voverunt, sextam Synodum sigillo suo & auctoritate corroboret. Quid si Vallius aut Curiales, tale testimonium de confirmatione actorum ab suo infallibili monarcha quæsitâ proferre possent, quantis Deus bone exultarent gaudiis ! quas turbas contra me & ornatissimum virum Simeonem Vigorium exciretur ! Verum enimvero ad Patres sextæ Synodi redeo, qui ubi gesta obsignarunt, aliquanto post supplices ab Constantino Pogonato postulant, ut ad majorem orthodoxæ fidei stabilitatem & confirmationem, exempla definitionis Synodi cum Patrum & Cæsaris subscriptionibus jussu ejusdem Cæsaris quinque Sedibus Patriarchalibus traderentur. *Constantinus piissimus Imperator dixit: Quod etiam nunc à sancto & universali vestro Concilio petitum est pie conficiemus. Itaque Imperator hoc ordine præbet exempla definitionis Synodi* SUA OBSIGNATA MANU *quinque Sedibus Patriarchalibus: Apostolice Sedi sancti & Principis Apostolorum Petri*

*Petri nempe Agathonis sanctissimo Papæ senioris Romæ.*

*Sedi sanctissimæ Catholica & Apostolica magnæ Ecclesiæ Constantinopoleos, sive Georgio sanctissimo & beatissimo Patriarchæ.*

*Apostolica Sedi sancti Evangelistæ Marci qui honoratur in Alexandrinorum magna civitate per Petrum Deo amabilem Presbyterum monachum & Vicarium.*

*Sedi Antiochenis sive Theopolitarum magnæ civitatis, per Theophanem venerabilem & sanctissimum Patriarcham.*

*Sedi Sanctæ Christi Dei nostri Resurrectionis, id est, Hierosolymorum, obtinente locum ejusdem honorabilissimæ Sedis Theodoro Deo amabili Presbytero per Georgium Presbyterum monachum Sebastianum qui postea Patriarcha Antiochenus fuit.*

Hæc in editione Romana leguntur Actione XVII, nosque primum edocent, ordinem Sedium Patriarchalium atque Sedem Constantinopolitanam secundas obtinere post Romanam, ut etiam liquet ex omnibus actionibus & subscriptionibus, in quibus Georgius Constantinopolitanus loquitur & subscribit post Vicarios Agathonis PP. Secundo demonstrant, omnes Sedes Patriarchales dici Apostolicas: Quare in Analysis XVI Actionis Synodi Chalcedonensis, Leo Magnus frustra causabatur Constantinopolitanam effici non posse Sedem Apostolicam in præjudicium Canonum Nicænorum atque aliarum Se-



dium. Tertio nomen Papæ uni Agathoni hic defertur, quamquam olim commune esset omnibus Episcopis, ut liquet ex Cypriani, Augustini, & aliorum Patrum epistolis.

Verum in editione Binii & Surii statim post Synodi conclusionem, & Patrum atque Imperatoris subscriptiones obvium habemus edictum Constantini Pogonati super actorum comprobatione & confirmatione: deinde subsequitur epistola ejusdem Cæsaris ad Agathonem, præterea in collectione Surii habetur epistola synodalis ad Agathonem: quæ neque apud Surium, neque in aliis antecedentibus editionibus extat. Utut sit, genuinus ordo servatus à Patribus est, ut edictum Imperatoris ejusque epistola ad Agathonem præcedant, ob ea quæ in prima Synodo Ephesina & Chalcedonenfi super eadem re notavimus. Veruntamen in editione Romana epistola synodalis ad Agathonem Edicto Imperatoris præponitur: in quo hæc apprime notanda se offerunt, quibus Princeps acta omnia confirmat.

XXI. Et primo, ubi narravit Theodorum Pharensem Episcopum, Sergium Constantinopolitanum, Honorium antiquæ Romæ Episcopum, Cyrum Alexandrinum, &c. Macarium quoque Antiochenum damnatos fuisse à Patribus sextæ Synodi, paulo post hæc subjicit: *Idcirco & nos quæ ab eis* DEFINITA SUNT CORROBORARE ATQUE FIRMARE CUPIENTES,



TES, præfens pium Edictum edidimus, vera circa divinitatem fidei secundum ecclesiastica statuta annuncians confessionem: Credimus in Partem & Filium & Spiritum Sanctum, Trinitatem in Unitate, & Unitatem in Trinitate, unam substantiam in tribus subsistentiis, &c. quæ facta sunt imitatione Justiniani qui in suis edictis confessionem suæ fidei conformiter ad Concilia generalia inclusit. Et hoc Curiales, ut in historia quintæ Synodi generalis notavimus, ad suum commodum rapiunt: quasi Cæsares esse non possent, nisi suæ fidei professionem mitterent Romam. Verum hujusmodi edicta non soli Romano Pontifici sed & omnibus aliis Patriarchis, imo & Magistratibus ut in rem judicatam venirent, dirigebantur, unde Constantinus Pogonatus ita edictum suum claudit: *Si quis vero hominum personis gratiam exhibet; Charitatis autem in Deum amulatorem se non demonstrat, præsentemque nostram piam constitutionem non recipit, si quidem Episcopus est vel Clericus, aut monachico circumdatus est habitu, deportationis pœnam exsolvet. Si vero in ordine dignitatum insertus est, supplicio præscriptionis multabitur, eique cingulum adimetur. Si autem idiotica sortis est, ex hac regia omnique penitus nostra civitate extorris addicitur, & super hæc omnia etiam terribilis atque inexpiabilis judicii non effugiet cruciatum.* Hæc autem plane conformia sunt edicto Martiani Cæsaris super confirmatione Actorum Synodi Chalcedo-

cedonensis : qui quidem pariter temporales statuit pœnas Clericis atque Episcopis in rectam fidem peccantibus: quod & à Constantino Pogonato similiter fieri videmus.

XXII. Hic obiter notandum , Christianam rempublicam mille atque amplius annorum decursu, nunquam pœnas capitales religionis ergo inflixisse : neque Arrium, Macedonium, Nestorium, Eutychem, aut Dioscorum , cæterosque hæresiarchas cum suis asseclis, alio genere pœnæ quam excommunicatione & exauctoratione gradus atque dignitatis sacerdotalis multavisse : relicta Principibus politicis facultate pœnas temporales inferendi : qui solo exilio & deportatione aut multa pecuniaria in hæreticos animadvertebant : ut historiarum lectione compertum est. At hodie Curia Romana sibi potestatem etiam pœnas capitales in hæreticos & Reges ipsos decernendi arrogat. Proculdubio hæretici omnium primi *Imperium in Ecclesiam effuderunt*, ut ait S. Athanasius : hoc est, vi atque armis religionem cogere docuerunt ; Arriani nimirum, Donatistæ, Vandali, atque alii, quos tamen Orthodoxi primis seculis nunquam imitari voluerunt : eamque ob causam SS. Athanasius & Hilarius graviter de Constantino Imperatore , quod religionem vi atque armis cogeret , conqueruntur. Severus autem Sulpitius lib. 11 Historiæ sacræ sub finem, & Dialogo 111 refert S. Mar-

S. Martinum nunquam se illorum Episcoporum communioni immiscere voluisse, qui auctores fuerant Maximo Imperatori ut Priscillianistas ferro excinderet : *Siquidem contendit satis superque sufficere, ut Episcopalis sententia heretici iudicati Ecclesiis pellerentur : novum esse & in auditum nefas, ut causam Ecclesiæ iudex seculi iudicaret.* Hæc autem divino afflatu dicta & facta à B. Martino eventus perdocet, quoniam S. Martinus cum ad horam coactus fuisset cum Ithacio & aliis Episcopis communicare, qui Imperatori consulebant, ut ferro in Priscillianistas sevirer, sensit detrimentum divinæ virtutis : atque Angelum consolatorem habuit, qui illum sic est affatus : *Merito Martine compungeris, sed aliter exire nequivisti; repara virtutem, resume constantiam, ne jam non periculum gloriæ sed salutis incurreris.* Hic forsan objiciet aliquis Sozomenum lib. 1. cap. 20. memorare, *Constantinum Magnum edixisse, ut qui aliquem librum Arii occultare deprehenderetur, ac non illico productum incenderet, capitis multaretur supplicio.* Respondebis primum hoc ad interminationem spectare, ut ex eodem capite liquet, ubi nominatim dicitur *Constantinum minatum esse se illum supplicio affecturum qui Arrianos vel laudare, vel eorum doctrinam amplecti aggrederetur.* Secundo Imperatorem & Principem politicum jus habere capitaliter eos puniendi qui edicta sua violant pervicaciter, hic enim est manifestus potestatis politicæ contemptus, atque ordinis publici ac pacis conturbatio,

tio, quæ gladio farciri debet: verum obiter monendus lector, falso Canonem *Qui contra* 24. *quest.* 1. attribui Liberio Papæ: quo edicitur, *ut hæretici, quique pacem Ecclesiæ turbant, dignitatibus, bonis temporalibus, verberibus, exilio, atque aliis ejusmodi pænis corporalibus multentur.* Hac enim potestate Ecclesia minime prædita est, quare ille Canon plane adulterinus habetur, sicut & epistola Liberii unde excerptus perhibetur.

At vero post Cæsaris Pogonati edictum, legitur ejusdem epistola ad Synodum Apostolicæ Sedis antiquæ Romæ; idque secundum collectionem Binii & Surii: Romana autem editio præmittit ejusdem Constantini Pogonati epistolam ad Leonem II Papam, qui Agathoni successit: sed male; quoniam altera epistola ad Synodum Apostolicæ Sedis sub Agathone debet præire sicut Agatho Leonem præcessit. Cæterum memorata epistola Imperatoris ad Leonem non extat in collectione Surii, sed duntaxat in Romana & apud Binium inter Leonis II epistolas, ubi notat suspectam esse teste Baronio Tomo VI II ad annum Christi 683, numero 6.

XXIII. Itaque quod eadem epistola dicitur *omnes Patres sextæ Synodi precatos Imperatorem, ut Macarium Antiochenum Romam mitteret: sicque se fecisse*, ait Constantinus: *vestro paterno judicio omnem ejus causam permittentes*, &c. est suspectæ fidei: videturq; fabricatum ex ambigua

gua voce quæ legitur in epistola ejusdem Imperatoris ad Synodum Apostolicæ Sedis sub Agathone cujus supra memini, ubi de Macario ita loquitur: *Hic quidem qui Antiochensum factus est præsul Macarius, quem non oportet dicere Macarium, & qui cum ipso de ordine Christi discesserunt: cujus universalis conventionis communis sententia de sacerdotali dignitate repulsi sunt, & PROBATIONI SANCTISSIMI PAPÆ traditi sunt.* Hæc ibi. Scio Petrum Vicarium Adriani I PP. Actione 1 septimæ Synodi versus finem referre, Benedictum Papam Leonis II successorē dedisse quadraginta dies eidem Macario ad resipiscendum, & per singulos dies ad eum misisse Bonifacium suum Consiliarium, ut illum flecteret ad pœnitentiam, atque Macarium nullo modo induci potuisse ad rectam fidem, &c. Sed verisimile est hoc eadem manu scriptum qua superior epistola, quæ narrat Macarium missum Romam. Idque confirmatur lectione actorum septimæ Synodi: Nam cum Actione 1 aliquot Episcopi qui errorem Iconoclastarum imbiberant, atque Tarasio Constantinopolitano vim intulerant, se ad septimam Synodum contulissent, ut errorem suum abjurarent: hinc Patres septimæ Synodi occasionem captarunt quærendi & disputandi, *quidnam constituendam esset de iis qui ab hæresi ad sanctam Catholicam Ecclesiam accederent: nec non etiam de iis qui ordinati fuerant ab hæreticis?* quam in rem varios Canones & sententias Patrum proferunt: quandoquidem

dem illi Episcopi qui se errore Iconoclastarum inquinarent, aliquos sacris ordinibus donarent: in hac ergo disquisitione Canonum & sententiarum, Petrus Vicarius Adriani omnino importune & extra rem memorat, *Benedictum PP. dedisse quadraginta dies Macario ad respiciendum, & per singulos dies ad eum misisse suum Consiliarium Bonifacium, &c.* quæ tam aliena sunt à proposito, ut nullus sit qui id non videat: ratio est, quia neque antea neque post ullum verbum de Macario Antiocheno ab aliis Patribus emittitur. Hercle cum de Papæ potentia agitur, lector debet diligenter ad testimonia quæ in eam rem proferuntur attendere: atque antecedentia & subsequencia, & utrum his postremis seculis edita sint in lucem, considerare. Si enim Bellarminus de infallibili Papæ judicio disputans lib. iv de Romano Pontifice cap. i, laudansque caput i 7 Deuteronomii, *Veniesque ad sacerdotes Levitici generis qui indicabunt tibi judicii veritatem.* In nulla religione duxit sacram Scripturam corrumpere, & singularem pro plurali in favorem Papæ hoc modo substituere: *Veniesque ad sacerdotem Levitici generis, &c.* Profecto debemus valde esse circumspecti in examinandis omnium auctorum testimoniis, quæ auctoritati Pontificiæ aut contra aut supra Canones aliquid adscribunt: cum à multis annis Romani scriptores suam absolutam monarchiam meditentur, & eum in finem mutant quadrata rotun-

rotun-

*rotundis, inducant, illinant, castrent, expurgent, supponant, &c. sine ulla quidem verecundia.* Cæterum nisi Baronii notæ ad epistolam Constantino ad Leonem II adscriptam me suppositionis monuissent, certe ad relationem Petri Vicarii Adriani primâ actione septimæ Synodi minime attendissem, eamque pro genuina admisissem: His præterea accedit, Leonem II epistola qua Synodum sextam comprobât, aut in aliis suis epistolis, nullam facere mentionem Macarii ad se Romam missi. Sed ut ad institutum revertar, in editione Bini post epistolam Constantini directam ad Synodum Romanam legitur epistola synodalis sexti Concilii ad Agathonem, quem Patres *Antistitem universalis Ecclesiæ nominant*: Idque ad oram Epistolæ notavit Binius: quo de vocabulo *Oecumenico*, scilicet agatur in Historia septimæ Synodi. Deinde Patres narrant se ex sententia Agathonis & Synodi Romanæ lata secundum eorum suggestiones anathemate feriisse Theodorum Episcopum Pharan, Sergium, Honorium, Cyrum, Paulum, Pyrrhum, Petrum, &c.

XXIV. Dum autem hæc agerentur à Patribus sextæ Synodi, contigit ut Agatho viam universæ carnis ingrederetur, & Leo II in illius locum sufficeretur: qui eam ob causam literas Patrum sextæ Synodi ad Agathonem recepit, eisque respondit literis quas misit ad Constantinum Pogonatum: quæ habentur in

fine sextæ Synodi secundum editionem Romanam & Surianam : apud Binium vero inter epistolas Leonis II, hæcque Leo narrat *se cum divalibus apicibus Imperatoris , gesta Synodalia magno cum jucunditatis gaudio in Domino exultantes suscepisse & cum gratiarum actionibus exclamare cepisse : Domine salvum fac regem & exaudi eum in die in qua invocaverit te , &c.* Igitur gestorum synodaliū seriem recensentes, curiosaque diligentia singula quæque gesta sunt flagitantes eadem quæ Apostolica Sedis legati narraverant scriptis conjonantibus convenire reperimus. Cognovimus enim quod sancta & universalis & magna sexta Synodus quæ per Dei gratiam imperiali decreto in regia urbe nuper congregata est, eadem quæ & universum Concilium, alludens huic sanctæ Sedi Apostolicæ cujus ministerio fungimur, senserit atque decreverit sub orthodoxa fidei integritate, regulisque Majorum : atque concorditer nobiscum confessa est, unum esse de sancta & inseparabili Trinitate Dominum nostrum Jesum Christum, ex duabus & in duabus naturis inconfuse, inseparabiliter, indivise consistentem, &c. Item aliquanto post. Idcirco & nos per nostrum officium hac veneranda Sedes Apostolica concorditer & unanimiter his quæ definita sunt ab ea consentit, & B. Petri auctoritate confirmat, sicut supra solidam petram qui Christus est & ab ipso Domino adeptis firmitatem. Propterea sicut suscepimus atque firmiter predicamus sancta quinque universalia Concilia, Nicenum, &c. Ita & quod nuper in regia urbe pio vestræ Serenitatis adnifu celebratum est

san-



*sanctum sextum Concilium, ut eorum pedissequum, & ea interpretans pari veneratione atque censura suscipimus, & hoc cum eis digne connumerari tanquam una & equali Dei gratia congregatum decernimus: & qui in eo fideliter convenerunt Christi Ecclesie sacerdotes, inter sanctos Ecclesie Patres atque Doctores adscribendos aequè censemus, &c. Pariterque anathematizamus novi erroris inventores, id est, Theodorum Pharanitanum Episcopum, Cyrum Alexandrinum, Sergium, Pyrrhum, Paulum, Petrum Constantinopolitane Ecclesie successores magis quam Praesules: nec non & Honorium, qui hanc Apostolicam Ecclesiam non apostolica traditionis doctrina lustravit, sed prophana proditione immaculatam fidem subvertere conatus est. Et omnes qui in suo errore defuncti sunt, &c.*

Porro quoniam in hac Leonis II epistola pro confirmatione gestorum sextæ Synodi Honorius PP. damnatur hæreseos, & continuo mortale vulnus infallibilitati monarchæ absoluti infertur: ideo Baronius atque Binius in notis suis, ad memoratam epistolam Leonis, eidem epistolæ repudium dicere laborant: sed frustra, quando damnatio Honorii robur habet à communi & synodico consensu Patrum, non à confirmatione Papæ, ut superius ostendimus. Deinde ut argumento ad hominem Baronium atque alios Curiales confodiamus: apud illos invaluit Sedem Romanam acta omnium Synodorum illibata servavisse, & ex ejus scriniis istarum rerum veritatem;

non aliunde, hauriendam: quod multo magis locum habere debet in sexta Synodo quam in omnibus aliis: propterea quod Officium Romanum in festo B. Leonis II, die xxviii Junii in lectionibus refert *Leonem probasse acta Synodi presidentibus legatis Apostolicæ Sedis præsentibus quoque Constantino Imperatore & duobus Patriarchis Constantinopolitano & Antiocheno, ac centum septuaginta Episcopis, eamque in Latinum transtulisse*: Propria sunt verba, quæ demonstrant Curiales frustra esse in probando Acta sextæ Synodi à Græcis Sedis Romanæ æmulis corrupta & nomen Honorii in Acta falso conjectum: cum hic nominatim doceamur, Leonem acta ex Græco in Latinum transtulisse. Quis autem credat Sedem Romanam ejusmodi Acta à S. Leone conversâ non diligenter asservasse: & si animadvertisset Græcos exempla adulterina protulisse, non statim illa falsitatis accusaturam, atque genuina à Leone II conversâ exhibituram contra Græcorum falsitatem? hoc autem cum neque his posterioribus seculis à Baronio, Bellarmino, aut aliis factum fuerit: id certissimo est testimonio, Acta sextæ Synodi, quæ habemus, esse integerrima, & nulla alia extare in Vaticana Bibliotheca, quam quæ à multis seculis terimus manibus: quæque à paucis annis Romæ edita sunt cum aliis Conciliis. Nemo certe qui studium atque diligentiam Curialium in tutanda absoluta Papæ monarchia

no-

noverit, sibi unquam persuadebit, illos hac in parte tam oscitantes aut negligentes fuisse, ut quamprimum ejusmodi Acta (si ulla alia extarent) cum disputatione quam S. Maximus monachus cum Pyrrho habuit, non divulgassent. Equidem Honorium fuisse Monotheletam tam certum est quam quod certissimum: ecquis enim post testimonium sextæ, septimæ & octavæ Synodi generalis hoc in ambiguum vertere audebit, nisi impius, suumque privatum & singulare judicium judicio totius Ecclesiæ Catholicæ anteponeus, atque viam omnibus hæreticis instruens, ad revocanda in dubium omnia, quæ generalibus Conciliis definita sunt? vide Melchiorem Canum lib. vi de locis Theologicis cap. ult. Verum Imperator Pogonatus *non tantum præsens fuit in sexto Concilio*, ut habet Officium Romanum; *sed etiam ibidem cum suis Judicibus & Patritiis præsedet*, sicut Martianus in Synodo Chalcedonensi: hoc enim ex omnibus Actionibus sextæ Synodi exploratissimum redditur.

XXV. His ita de sexta Synodo constitutis, superest ut in causam Honorii PP. altius inquiramus, quem Curiales velut orthodoxum mordicus defendunt: & quoniam argumenta Bellarmini lib. iv de Romano Pontifice cap. 11. plus videntur in speciem habere roboris, unde alii scriptores ea communiter proferunt, de illis figillatim disputabimus. Et primo quidem Bellarminus ut Cui argumentis

tis satisfaciatur respondet, epistolas Honorii ad Sergium *forte confectas esse à Græcis*: genuina sunt verba: quæ confirmare tentat, quod solenne sit hæreticis permulta alia adulterare, ut patet ex Actione septimâ quintæ Synodi, de qua egimus Actione III & XIV Concilii sexti. Sed rependo Bellarminum adjectione adverbii dubitandi *fortasse*, suam causam pefundare, ac sese hominibus iudicio præditi irridendum præbere. Et dato quod Acta quintæ Synodi corrupta fuissent à Græcis, ut corrupta fuerunt, non continuo probatum manere nomen Honorii obrepissè in Acta sextæ Synodi: cum præsertim videamus statim atque Acta quintæ Synodi pro auctorando Monothelismo prolata sunt, legatos Agathonis exclamasse Acta illa esse corrupta: contra vero ubi audiunt Macarium Antiochenum citare Honorium Papam pro sui erroris tutela, & epistolam Honorii ad Sergium examinari atque damnari communi consensu, sponte dant manus veritati atque Honorium cum aliis condemnant. Adde insuper epistolam Constantini ad Donum Papam testari, antequam ulla esset mentio habendæ Synodi, Gregorium Constantinopolitanum & Macarium Antiochenum auctores fuisse Imperatori ut nomen Vitaliani Papæ ex sacris tabulis abradi, atque nomen Honorii retineri juberet: ipsumque Gregorium Constantinopolitanum ubi testimonia in Agathonis suggestionem prolata

re-

recensuit, priorem sententiam mutavisse, & rogasse Imperatorem, ut nomen Vitaliani retineretur in sacras tabulas. Hercle cum in viginti diversis locis atque amplius, nomen Honorii ex professo native insitum sit actis sextæ Synodi; impossibile est illud esse obreptitium aut suppositium ut liquido acta mature legentibus, constabit.

Secundo obtendit Bellarminus, in epistolis Honorii *nullum errorem contineri: quia Honorius confitetur quod ad rem attinet duas in Christo voluntates & operationes: & solum prohibet nomina unius vel duarum voluntatum, quæ tunc erant inaudita, idque prudentissimo consilio. At-* textit in epistola secunda quæ Actione xii extat, *Honorium utrasque naturas in uno Christo unitate naturali copulatas cum alterius communione operantes atque operatrices, & divinam quæ Dei sunt operantem, & humanam quæ carnis sunt exequentem proferri, &c.* Respondeo Bellarminum hic pro certo assumere quod est maxime inter nos controversum: imo repugnare definitioni sextæ Synodi quæ epistolas Honorii tanquam erroneas, ut revera sunt, damnat. Superius Actione xi i proposuimus Analysim prioris epistolæ Honorii, qua sole clarius est illum fuisse Monotheletam: neque quisquam singulas ejus clausulas examinavit, qui id negare possit. Quod attinet ad secundam epistolam: Honorius quidem uno in loco confitetur *utramque naturam in Christo unitate natura-*

*li copulatam cum alterius communione operantem, &c. Verumtamen statim post subnectit: Non oportere unam vel duas operationes predicare, sed pro una operatione oportere unum operatorem Christum in utrisque naturis confiteri: Et pro duabus operationibus ablato geminae operationis vocabulo, ipsas potius duas naturas, id est, divinitatis & carnis assumptæ in una persona unigeniti Filii Dei inconfuse, indivise & inconvertibiliter predicare, &c. Quibus vocibus plane ambiguis atque involutis venenum suum tegit. Fallit autem Bellarminus à divisis ad conjuncta, quia non conjunctim sed separatim propositiones Honorii capit: eaque dividit quæ simul conjungi & interpretari debent. Hinc pariter promptum erit sophisticas Valli argutias demoliri, qui i i parte quæst. i v. libri de Suprema potestate Papæ fingit Honorium definivisse esse abstinentium à nominibus duarum aut unius voluntatis Christi, sicut Clemens VIII statuit ne quispiam in questione de auxiliis alterutram partem condemnaret. Quæ argutia satis Actorum veritate & lectione epistolarum Honorii confutatur. Adde præterea Honorium illo tempore non id potuisse statuere quod Clemens VIII. quoniam tum absoluta Pontificum Imperia non fervebant, sed omnia Synodis & aristocratico regimine peragebantur in Ecclesia: Pontifices autem ea executioni mandabant quæ statuta synodice fuerant.*

Tertio, Bellarminus exhibet S. Maximi  
mona-

monachi testimonium qui tempore Honorii vixit in dialogo quem habuit cum Pyrrho Monotheleta: quo de argumento dictum est supra Actione xii & in responsione ad secundum, ubi docuimus quid ex rei veritate de Honorii epistolis sit tenendum.

Quarto, iterum contendit, in Epistolis Honorii nullum esse errorem, quod satis depulsum est Actione xii & responsione ad secundum argumentum Bellarmini.

Quinto urget, nomen Honorii Actis sextæ Synodi insertum ab æmulis Ecclesiæ Romanæ: idque tribus probat conjecturis. Primum, quia hoc testatur Anastasius Bibliothecarius in Historia sua ex Theophane Isauro. Secundo, quia mos fuit Græcorum fere ordinarius corrumpendi libros, ut patet ex quinta Synodo in quam epistolas Mennæ ad Vigilium & vicissim Vigilii ad Justinianum falso inseruerant. Attexit & conquestionem S. Leonis atque Gregorii Magni: quorum ille epistola 83 ad monachos Palæstinos de nonnullis queritur, qui aut imperite aut maligne ejus epistolam ad Flavianum ex Latina in Græcam linguam transtulerant: hic vero lib. v epistola 114 ad Narsen Comitem asserit Constantinopolitanos adulterasse Synodum Chalcedonensem, ac idem suspicari de Ephesina: Romanos autem neque acumina, neque imposturas habere. Tertio Nicolaum I in epistola ad Michaëlem Imperatorem idem testari. *Si ergo*, ait

Bellarminus, *Græci corruperunt tertiam, quartam, quintam & septimam Synodum, quid mirum si etiam sextam corruperint?* O plumbeum argumentum! dato enim quod Græci quædam acta quintæ Synodi adulterarint an sequitur hanc Synodum qua de agimus interpolasse? quia ex vulgari axioma Dialecticorum, ad terre incommodum non est solvere argumentum. Hercle ante hæc tempora quibus absoluta infallibilis monarchia Papæ pro dogmate Catholico venditur, nemini unquam venit mentem de Actis sextæ Synodi, qua parte Honorium Monothelismi convincunt dubitare.

Et primum, ut de Anastasii Bibliothecarii testimonio dicamus, atque adversarios argumento ad hominem debellemus: idem Anastasius nominatim in Historia octavi Concilii Tomo III Romanæ editionis cavet, ne ulla fides aliis Actis Synodi octavæ habeatur, quam illis ipsis quæ ex Græco in Latinam linguam convertit, atque scriniis Romanis conclusit. At illa ipsa sunt Acta quæ in editione Crabbi-  
na, Suriana, Biniana & Romana leguntur: quæ explicate narrant Actione v i i Synodi octavæ, alloquutione tertia, *Honorium fuisse de hæresi accusatum, eique ab Orientalibus post mortem Anathema dictum*: ut pluribus declarabitur in Analyfi octavi Concilii. Qua ex testificatione evidenter cognoscimus Adriani II Papæ atque Anastasii Bibliothecarii seculo neminem



minem ambegisse quin Honorius jure damnatus fuerit Monothetismi. Quandoquidem Adrianus Papa instat, nefas fuisse in Honorium sententiam proferre, nisi primæ Sedis Apostolicæ auctoritatis præcessisset: ut revera si non præcessit saltem accessit. Quæ à me dicuntur argumento ad hominem: *quoniam ex verissima scholæ Parisiensis doctrina, Ecclesia congregata in Synodum generalem, non modo Papam hæreticum, sed etiam notorie scandalizantem Ecclesiam exauctorare potest, Sessione I V & V Synodi Constantiensis.* Itaque hinc colligimus, Adriani II Papæ confessione, Honorium à Sede Apostolica Romana, hoc est, à Leone II damnatum fuisse hæreseos, sicut acta clamant. Sed monendus Lector, Binium ad oram hujus tertix alloquutionis Synodi octavæ, ubi Adrianus refert Honorium præeunte Sede Apostolica damnatum hæreseos, isthæc notari curavisse, scilicet: *Honorius nunquam hæreticus fuit, nunquam erravit: lege defensionem Achilleam Roberti Bellarmini de Romano Pontifice lib. IV, cap. I I toto de Honorio.* Hæc Binius, nimium quantum opinionum præjudiciis anticipatus: ut propterea videre non potuerit quam arundinea sint Bellarmini argumenta, quæ ipsemet in suas notas sæpe conjicit. Et hæc in depulsionem primæ conjecturæ Bellarmini.

Ad secundam de B. Leone Magno; non certo definit suam epistolam fuisse corruptam: tantum ait, *in rebus subtilibus & difficilibus expli-*  
can-

*candis*, quales erant mysteria quæ epistola ad Flavianum explicavit, *vix sibi etiam in sua lingua disputatorem quemcumque sufficere*: & proinde concludit, non temere injiciendam fuisse manum ad illam epistolam Græce reddendam: aitque se ignorare utrum imperitia translatoris errata commissa sint. Et ita claret Bellarminum perperam hîc testimonium Leonis Magni usurpassè, ut imperitos falleret, atque libros suos auctiores efficeret: quia nihil plane ad rem facit. Cæterum fateor me non satis intelligere quidnam S. Gregorius Magnus per Synodi Chalcedonensis fallationem, nisi forte Canonem 28, designet. Quod, si ita est, vir sanctissimus, non tam ex rei veritate, quam ex prædecessorum suorum præjudiciis certat. Procul dubio, acta quæ superius fideliter explicavi, ut de iis rationem coram Christo judice reddam, demonstrant, nullum crimen falsi possè hac in parte adscribi Ecclesiæ Constantinopolitanæ: quod viri sanctissimi pace & reverentia dictum velim. *Nam sanctitas alicujus viri nos minime obligat ut quæcumque dixit aut scripsit pro articulis fidei habeamus, sicut norunt Theologi*: legendus Gersonius de *Examine doctrinarum* parte 1. *consideratione* 1. Verum per acumina Græcorum Accentus indicat Gregorius, quorum varia transpositione sæpe sensus vocum atque orationis immutatur, ut compertum est his vocibus *ἐκ τῆς Θεοῦ* & *ἐκ τῆς Θεοῦ* ex Deo natus, & qui Deum genuit, ut beata virgo.

Ter.

Tertio Nicolai Papæ testimonium de Græcorum ingeniis nullius est momenti in hac causa ad id probandum quod Bellarminus intendit.

Sexto perhibet, sextum Concilium non potuisse damnare Honorium hæreseos, quin pugnaret cum ipsa Agathonis epistola quæ præivit omnibus Actis sextæ Synodi, & lecta est Actione quarta : quoniam memorata epistola diserte docetur Christum dedisse Petro facultatem fratrum confirmandorum, ac pro illo rogasse ut nunquam ejus fides deficeret Lucæ 22. eamque ob causam, Pontificem ut Pontifex est, non posse aliquid decernere contra fidem : & consequenter, prædecessores suos quorum fuit Honorius, semper hæresibus restitisse, ac fratres in fide confirmasse. Cum ergo Patres Synodi sextæ Actione xviii exclament, non tam Agathonem quam B. Petrum per Agathonem loquutum, Bellarminus inde infert sextam Synodum damnare non potuisse Honorium, quin una epistolæ Agathonis quam approbat, perspicue contradiceret.

En summa Collectionis Bellarmini quam tanti facit, ut Nilum Thessalonicensem Episcopum ei non potuisse satisfacere dicat. Verumtamen nihil est infirmius atque fallacius : quando quidem nos ludificatur à divinis ad conjuncta, & à singularibus ad generalia. Etsi enim suggestio Agathonis relata fuerit  
in

in Acta sextæ Synodi, & Patres conceptis verbis pronunciarint, non tam Agathonem quam S. Petrum loquutum : nihilominus hoc proprie & dogmatice de iis solum intelligi debet quæ privatim ad definiendam controversiam adversus Monotheletas spectabat, quæque erant synodice & canonicè constituta, ut ipse Agatho loquitur; minime vero de aliis permultis, quæ nihil omnino aut parum faciebant ad propositum : cujusmodi ea sunt quæ Belarminus memorat : *scilicet Papam, ut Papa est, non posse errare, eique soli facultatem infallibilem decernendi creditam*, Lucæ 22. Hoc enim manifesta est petitio principii, ut Patres Synodi sextæ ipsa praxi indicant, dum & Agathonis, & Synodi Romanæ suggestiones accurate examinant : quod nequaquam fecissent, si eis persuasum fuisset Papam esse infallibilem. Hercle ipse Agatho petit ea tantum pro definitis retineri quæ essent canonicè decreta : *Unum & præcipuum bonum habere semper optantes, atque studentes, ut nihil de eis QUÆ REGULARITER DEFINITA SUNT minuatur, nihil immutetur, vel augeatur, sed eadem & verbis & sensibus illibata custodiantur*. Secundo notandum, longe aliud esse loqui de Ecclesia Romana, de cathedra Petri, Sede Apostolica, & de solo Papa cum oligarchio & privato Concilio : enimvero Papa solum de cathedra respondet, quando Synodum suam cogit, & eos qui sunt cathedræ in solidum participes libere

libere & canonice loquentes audit, subductifque illorum suffragiis concludit, ut Agathonem fecisse in præfenti negotio compertum est ex quarta Actione Synodi sextæ. Tertio controversia hæc à Monotheletis, jampridem in Synodo Chalcedonenfi affecta fuerat, neque eam prorsus conficere ex Patrum Chalcedonenfium decretis erat difficile, ut supra docui. Quarto, quædam hic Agathoni affinguntur à Bellarmino quæ ipse sibi non attribuit in epistola sua: *Cujusmodi est Pontificem, ut Pontifex est, non posse aliquid contra fidem discernere*: & quamquam id sibi Agatho arrogaret, tamen minime id verum esset, aut Ecclesiæ Patribus probaretur: qui omnibus in Synodis generalibus semper decreta Romanorum Pontificum canonice examinarunt, ut docuimus. Quinto locus B. Lucæ *Ego rogavi pro te Petre, ut non deficiat fides tua*, &c. alias dogmatice explicabitur.

Septimo ait, Nicolaum Papam in epistola ad Michaëlem Imperatorem asserere Romanos Pontifices ne quidem tenui saltem rumore erroris unquam aspersos. At quo modo hoc verum est, si in publico & generali Concilio sæpius acclamatum est anathema Honorio hæretico, inquit Bellarminus? Ne excandescas Bellarmine, si Actis trium Synodorum generalium multo magis credendum quam uni Nicolao, testimonium in sua causa ferenti, excipiamus. An putas nos habere debere pro  
Euan-

Euangelio quæcumque à Nicolao dicuntur? Quam multa Deus bone, in scriptis & epistolis Romanorum Pontificum figurate & per *αὐτῶν* blandiente cathedra, ut verbis S. Bernardi utar, dicuntur!

Octavo urget, nisi fateamur sextam Synodum adulteratam fuisse ab Ecclesiæ Romanæ æmulis, necessum esse illam errore intolerabili atque impudentia laborasse: quippe quæ nullum aliud habuerit indicium aut argumentum validius erroris Honorii quam ex ejusdem epistolis ad Sergium Constantinopolitanum. At epistolæ illæ, inquit Bellarminus, clarissime testantur Honorium sensisse & docuisse duas esse in Christo operationes, & solum voluisse à nominibus unius vel duarum abstineri, ad tollendum scandalum & contentionem sedandam. Rependo, Honorium plane atque perspicue negare Christum duas habuisse voluntates aut operationes: & specie pacis conciliandæ, hæresim suam texisse more Arrianorum: qui omnem movebant lapidem ut à novitate vocabuli *ὁμολογία* abstineretur, sicque fides Nicæni Concilii everteretur. Consule quæ supra observavimus in x i i Actionem & in responsionem ad secundum argumentum Bellarmini.

Nono causatur, Martinum I. PP. & martyrem antequam sexta Synodus haberetur, damnasse in Synodo Romana Sergium, Pyrrhum & Paulum, Constantinopolitanos Episcopo-

scopos, nulla facta mentione Honorii: idque attribui non posse acceptioni personarum: cum Martinus Papa & cæteri qui Concilium Romanum celebrabant, fuerint viri sanctissimi. Repono, cum factum Honorii nihil spectaret ad quæstionem juris, hoc est ad thesim generalem de Monotheletismi condemnatione (si modo constituamus, ut constituendum est, Ecclesiam collective sumptam non unum & solum Papam esse infallibilem) nihil quidem opus fuisse ut Martinus in Synodo Romana infamiam prædecessoris sui quasi pudenda fratris nudaret: & quoniam id non fecit, hoc ejus sanctitati non derogat: mirorque Bellarminum tam puerilia argumenta potuisse, non dicam scribere, sed apud se meditari.

Decimo contendit, si quis adduci non possit, ut credat, sextam Synodum corruptam fuisse, debere cum Joanne de Turrecremata respondere, Patres damnaſſe Honorium ex falsa informatione, ac proinde in illo judicio erravisse. Certe vel hinc patet Curiales istos, nullo modo scribere ad veritatem, sed duntaxat ut suas opiniones imaginarias quæſitis unde quaque evasionibus cavillando tueantur: quæ certe summam redolent impietatem: quia viam sternunt hæreticis, qua omnes omnium Conciliorum definitiones suggillant, atque evertant. Nam qua facilitate prætexunt sextam Synodum corruptam, aut Patres ex falsa informatione damnavisse Hono-

rium; eadem quoque Arriani, Macedoniani, Nestoriani, Eutychiani, &c. causabuntur se ex falsa informatione damnatos: & Acta Synodi Nicænæ, Constantinopolitanæ, Ephesi-  
næ, &c. esse corrupta.

Undecimo supponit epistolas Honorii melius intellectas à quatuor Romanis Pontificibus nimirum Joanne IV. Martino I. Agathone & Nicolao I. nec non à tota Synodo Romana sub Martino I. quam à Patribus Græcis sextæ Synodi: hæc cum lego apud Bellarminum magnus me subit stupor, quod vir doctissimus tam imbecillibus argumentis utatur: nisi forte potius sibi argumenta scholasticis ad leviter velitandum quam accuratas rationes ad satisfaciendum doctis suppeditare proposuit. Vide responsionem ad septimum & nonum argumentum.

Duodecimo fingit, legatos Agathonis, cum Honorius damneretur, in sexta Synodo nonuisse obistere & reclamare, ad evitandum majus malum: id est, ne impediretur definitio rectæ fidei. Ergo jam fateris Bellarmine damnatum in sexta Synodo Honorium. At quis te hoc commentum docuit, legatos Agathonis noluisse obistere, &c? Profecto mala est causa quæ tantis indiget vitilitigationibus ut defendatur? Quotusquisque Judicium in foro civili litigantes qui tam absurdas cavillationes & evasiones ad sui defensionem usurparent, perferret? At & tanta molis erat Romanam infal-  
*libilem condere monarchiam!*

De



Decimo tertio quoniam Patres septimæ Synodi decretum Concilii sexti comprobaverunt, & Actione ultima Honorio cæterisque Monotheletis anathema dixerunt, Bellarminus obtendit, illos ex Actis sextæ Synodi corruptis deceptos fuisse. Quæ responsio aut impium potius effugium continuat in petitione principii, supponens non probans Acta sexti Concilii adulterata, quod est falsissimum.

Decimo quarto, quia in Octavo Concilio generali Actione septima alloquutione tertia Adrianus II. PP. memorat de Sedis Apostolicæ sententia damnatum Honorium: contra Bellarminus duo opponit: Primum, si octavi Concilii Acta vera sint, respondendum esse Adrianum non aperte dicere Honorium fuisse hæreticum, sed solum ei dictum anathema ab Orientalibus: quia de hæresi fuerat accusatus: atque Orientales non ausos sententiam dicere in Honorium, nisi Romanæ Sedis consensus præcessisset. Secundo contendit, si Acta dicantur corrupta, sequi Adrianum deceptum ex Actis sextæ Synodi depravatis. Hæc ille, nihil aliud promovens, præterquam quod sibi hoc unum propositum esse demonstrat, ut veritati notissimæ adversetur, & tenebras ludificandis tyronibus atque imbecillibus ingeniis offundat. Deus bone! ecquodnam est crimen Acta authentica trium Synodorum generalium à Romanis Pontificibus comprobata, & quingentorum atque amplius

annorum lapsu pro veris atque legitimis habitata, falsi insimulare absque ulla valida & manifestatione? Hic te obsecro, Lector, attende ad morem Curialium; dum enim aliquod decretum Concilii, illorum dogmatibus de absoluta infallibili Papæ monarchia, contrarium opponimus, contra insurgunt ejusmodi decretum non esse probatum Romanæ Sedi, ut falso de Synodo Constantiensi perhibent: deinde ubi nullo modo in dubium consensum atque approbationem Sedis Apostolicæ revocare queunt, tum Acta esse adulterina & supposititia comminiscuntur: tamen nulli unquam plura scripta ad sua imaginaria placita firmanda Curiales commenti sunt: adeo ut ne quidem sacra Scripturæ Bellarminus pepercerit, ut paulo ante ex cap. 17 Deuteronomii docuimus.

Decimo quinto, Bellarminus sibi hanc instruit objectionem: nimirum Patres sextæ & septimæ Synodi atque etiam Leonem & Adrianum II eo ipso quod crediderint, Honorium fuisse, hæreticum, sequi una etiam existimasse Papam non esse infallibilem sed errori obnoxium. Cui objectioni respondet, illos solummodo putasse Papam ut privatum hominem posse errare: *quod*, inquit Bellarminus, *probabile est; licet probabilius putem, ne quidem ut privatum hominem Papam errare posse.* Hinc ergo efficere vult, Honorium duntaxat accusari quod errarit, tanquam privatum homi-

minem, & ex privatis literis quas ad Sergium Constantinopolitanum scripserat, hæresim foverit. Verum hæc omnia negamus Bellarmino quæ pro certis supponit, scilicet Papam non posse errare ut Papam: item multo magis negamus, non posse errare ut privatam personam. Insuper quoque inficiamur, Honorium ut privatum hominem aut doctorem literas scripsisse ad Sergium, cum & Sergii ad Honorium, & Honorii ad Sergium literæ dogmaticæ fuerint, ut Patres sextæ Synodi loquuntur statim initio Actionis XIII: *Gloriosissimi iudices dixerunt: prosequatur sanctum & universale vestrum Concilium quæ in antea actis ab eo promissa sunt. Sanctum Concilium dixit: secundum promissionem quæ à nobis ad vestram gloriam facta est, retractantes DOGMATICAS EPISTOLAS, quæ tamquam à Sergio quondam Patriarcha hujus à Deo conservanda regia urbis scriptæ sunt, tam ad Cyrum quam ad Honorium quondam Papam antiquæ Romæ: similiter autem ET EPISTOLAM AB HONORIO RESCRIPTAM AD EUNDEM SERGIUM, hasque invenientes omnino alienas AB APOSTOLICIS DOGMATIBUS ET A DEFINITIONIBUS SANCTORUM CONCILIORUM, &c.*

Enimvero Honorius consultus à Sergio de cathedra ei respondet: hic ego argumentor ad hominem: quoniam licet epistolæ Honorii & Sergii juxta doctrinam scholæ Parisiensis non processerint ex cathedra, eo quod extra Synodum factæ sunt, tamen secundum plâ-

cita Curialium, revera sunt ex cathedra: quia docent Papam etiam censeri respondere & docere de cathedra, quando aliquid scribit & statuit per modum dogmatis ad universalem Ecclesiam informandam & erudiendam, adhibito aliquo privato Concilio: quod ab Honorio, & Sergio factum fuisse certum est: cum nullus sit tam <sup>audax</sup> qui non aliquorum hominum obnoxiorum & adulantium opera utatur. Hinc fit, ut Honorius literas suas hoc modo claudat: *Hæc nobiscum Fraternitas vestra prædicet: sicut & nos ea vobiscum unanimiter prædicamus.* Quæ ostendunt illum in animo habuisse dogma condere. Igitur inter Honorii, Sergii, Cyri, & Sophronii Hierosolymitani scripta hoc discrimen intercedit, quod illi tres primi (quamquam cathedræ & sacerdotii Christi in solidum participes, quoniam erant Episcopi) non ex more primitivæ Ecclesiæ, in qua omnia synodice & ex sanctorum communione definebantur, sed proprio motu atque spiritu, ope alicujus Concilii oligarchici sententiam suam ediderint: unde Deus illos in hæresim præcipientes ruere permisit: contra autem Sophronius Synodum & cathedram consuluit: ideoque ejus epistola vocatur synodica à Patribus sextæ Synodi Actione xii statim initio. Hecle quando auctore Bellarmino lib. ii de Conciliis & Ecclesia, c. ii. *medium ordinarium ad afflatu Spiritus Sancti obtinendos est Concilium parvum aut magnum, unum aut multa: & Honorius cum*  
Ser-

Sergio & alii de proprio motu atque spiritu, dogmata sua decreverunt, nihil mirum est illos tam turpiter cespitasse. Siquidem Ecclesia Canone, non absoluta potestate, aut privatis motibus regi debet : quia sanctorum communio, quæ cogi non potest, finis est regiminis Ecclesiæ.

Decimo sexto ad epistolam Leonis II. qua Acta comprobantur & Honorius cum aliis damnatur hæreseos, tria excipit Bellarminus : Primum, Epistolam Leonis ab iisdem fuisse corruptam qui Acta Synodi adulteraverant : Secundo, Leonem sequutum fuisse iudicium legatorum Agathonis, ne jam confectum negotium disturbareret : Tertio, nos non magis debere sequi unum Leonem quam quatuor alios Pontifices Romanos, scilicet Joannem IV. Martinum I. Agathonem & Nicolaum PP. præsertim in quæstione facti, quæ ad fidem non pertinet. Etenim quæstio est facti, Honorium fuisse Monotheletam. Quibus argutis punctiunculis quamquam antea satisdatum sit, tamen ad singula respondebimus. Ad primum ostendi genuina exempla Synodi sextæ fuisse diligenter asservata Romæ & à Leone II. ex Græco facta Latina : vide Analysin epistolæ Leonis II. Secundum argumentum supra explicatum & solutum est in responsione ad duodecimum argumentum Bellarmini : ubi docuimus, in rebus ad Historiam & quæstionem facti pertinentibus nefas



esse aliquid de proprio cerebro meditari, cuiusmodi est, Leonem noluisse disturbare definitionem factam in sexta Synodo contra Monothelitas. Ad tertium, oppono diversam esse rationem quatuor Pontificum quos exhibet Bellarminus, & Leonis atque Adriani II. Nam cum Catholici teneantur credere & assentiri Pontifici de cathedra, hoc est, synodice & canonicè docenti, minime vero, dum aliquid privato motu decernit: (quoniam privatus motus atque spiritus hominum, ut plurimum catholico & universali Ecclesiæ spiritui & communioni sanctorum adversatur: ) certumque sit Leonem & Adrianum II ex Actis sextæ Synodi indubitatis, hoc est, ex sanctorum communione docere Honorium fuisse Monothelitam: ideo illis indubitata fides habenda est: minime vero Joanni IV, Martino I, Agathoni & Nicolao: quippe qui de Honorio vel nihil penitus nominatim & speciatim, vel tantum generatim ex privato sensu, *Papam non esse obnoxium erroribus doceant*, quod est in controversia positum; consule responsum ad septimum, & nonum argumentum.

Decimo septimo, Bellarminus auctores auctoribus opponit, illos nimirum quos Onuphrius apud Platinam in vita Honorii enumerat. Sed uno verbo hæc fallunt in consequentia probationis, sicque à negatione procedunt: illi auctores non meminerunt Honorii

tan-

tanquam Monotheletæ : Ergo non fuit hæreticus : vel etiam Acta sextæ, septimæ, & octavæ Synodi corrupta sunt. Quis talem nobis Logicam edocuit ? Profecto quia facilitate & confidentia Onuphrius, Bellarminus, Baronius, Binius, atque alii Curiales Actæ publica VI, VII, & VIII Concilii esse vitiata perhibent, majori quidem ratione possumus contendere privatos auctores, quos ad suæ opinionis defensionem exhibent, fuisse corruptos, atque nomen Honorii consulto deletum ex Historia Anastasii, cum ipse Anastasius in Actis octavæ Synodi, quæ Latina fecit, asserat, Honorium damnatum à Patribus sexti Concilii : vide supra responsionem ad quintum. Certo multo est facilius, scripta privatorum quam Acta publica Conciliorum quæ omnium manibus teruntur vitiare. Cæterum perpende lector quidnam deinceps sanctum atque intemeratum erit Catholicis, quando Acta publica trium Conciliorum generalium etiam à Romanis Pontificibus comprobata, atque omnium gentium & plurimorum seculorum consensione auctorata, suum hodie patiuntur repudium, ut Papæ infallibilitas, atque Curie Romanæ placita & commoda asserantur. Proculdubio uno dato absurdo multa ad illud tutandum fingere & sophistice detorquere necesse fuit. En quo ambitio, adulatio, studiumque placendi hominibus nos hujus oraculi immemores abstrahit, *Si homi-*

nibus placerem Christi, servus non essem. Galatarum I. Verum præter Bellarmini rationes, Severinus Binius in notis sexti Concilii quasdam alias leves minutias ex Baronio exhibet: quas proclive est ex superioribus dissipare. Itaque illis non immorabimur.

## CAPUT. XI.

- I. Historia VII Concilii generalis indicti ab Imperatoribus contra Iconomachos: & de literis super ea re missis ad Adrianum I PP.
- II. Initio primæ Actionis leguntur sacra literæ Imperatorum super Indictione Concilii, quibus ordinem agendi præscribunt.
- III. Responsio Adriani PP. ad Indictionem Concilii factam ab Imperatore, quem Dominum ejusque literas jussionem venerandam nuncupat.
- IV. Fabulosum esse auctoritate Gregorii II Imperium à Grecis ad Francos translatum.
- V. Item Constantinum Magnum lapra laborasse ac sibi balneum ex sanguine puerorum paratum voluisse: & tandem hoc commentum originem duxerit.
- VI. Baronii argumenta in hanc rem dilapidantur.
- VII. Adrianus PP. Tharasium Constantinopolitanum ideo reprehendit, quod se œcumenicum vocet: de cuius nominis notione & prima origine disputatur.
- VIII. Idem Adrianus fatetur Ecclesiam Romanam Patrimonium S. Petri quod vocant, acceptum Carolo Magno debere.
- IX. Responsio synodica Adriani PP. ad epistolam synodicam Tharasis Constantinopolitani de sua promotione ad Sedem Constantinopolitanam.
- X. In Synodi Conclusionem iterum dicitur anathema Honorio & aliis Monothelitis.
- XI. Ex epistola Gregorii II ad Leonem Isaacum dignoscitur Romanos Pontifices eo tempore nullum habuisse Romæ jus carceris, aut sibi aliquod jus pænæ temporali vendicasse.

XII, Pra-



XII. *Præfatio Anastasii Bibliothecarii in septimam Synodum docet Ecclesiam Romanam eo tempore Canones Apostolorum recepisse.*

XIII. *Pridem ante VII Synodum sacros honores imaginibus exhibitos sed Caroli Magni seculo captum disputari utrum adorari deberent: hancque adorationem dñctam ab adoratione fieri solitam imaginibus Imperatorum qua in templis erigebantur.*

I. **S**eptimum generale Concilium vocatur Nicænum II ab Imperatore Constantino VI ejusque matre Irene indictum circa annum 785 contra Iconomachos: cui trecenti quinquaginta aut amplius Episcopi interfuerunt. Literæ indictionis ad Adrianum I. PP. leguntur statim initio Synodi in editione Romana & Binii, sicque concipiuntur: *Divalis sacra directæ à Constantino & Irene Augustis ad sanctissimum & beatissimum Adrianum Papam senioris Romæ. Qui à Domino nostro Jesu Christo vero Deo nostro suscipiunt sive Imperii dignitatem, sive principalis sacerdotii honorem, debent quæ illi placita sunt & cogitare & curare: & creditos sibi ab illo populos secundum ejus voluntatem regere & gubernare. Ergo debitum nobis & vobis ô sanctissimum caput, hoc est, ut irreprehensibiliter quæ ejus sunt sapiamus, & in suis versemur: utpote ab ipso nos quidem Imperium, vos vero principalis sacerdotii dignitatem suscipientes. Incipimus ergo hinc sermonem: scit vestra paterna Beatitudo quæ pridem facta sunt in hac nostræ regie civitate propter venerabiles imagines: qualiter qui ante nos regnaverunt eas destruxerunt, & iis de honestatem*

tem atque injuriam posuerunt. Utinam illis non imputetur: melius enim fuerat non mittere manus suas in Ecclesiam: & omnem populum qui hic est, imo Orientalem eodem modo seduxerunt & in propriam voluntatem retraxerunt: usque quo Deus suscitavit nos regnare in his quæ in veritate querimus gloriam ejus, & tenere quæ tradita sunt ab Apostolis suis, & omnibus simul Doëtoribus. Unde nunc constanter cum mundo corde & vero cultu, quæ ad Deum pertinent una cum omnibus subditis nostris & his sacerdotibus doëtissimis loquuti sumus & cum consilio decrevimus, ut fieret universale Concilium. Et rogamus vestram paternam Beatitudinem, imo vero Dominus Deus rogat, qui vult omnes salvos fieri, & in agnitionem veritatis venire, ut det seipsam, & nullam tarditatem faciat; & ascendat huc in stabilitatem & firmitatem antiquæ traditionis super venerabilibus imaginibus: debitum enim illi est hoc facere: agnoscit vero quia scriptum est: Consolamini, consolamini populum meum, sacerdotes, dicit Dominus: Et labia sacerdotum custodiunt scientiam, & de ore ejus egredietur lex, quoniam Angelus Domini exercituum est. Et iterum divinus & veritatis prædicator Apostolus, &c. Pascite gregem Domini cum disciplina quem acquisivit proprio sanguine. Et tanquam verus primus sacerdos, & is qui in loco & Sede sancti & superlaudabilis Apostoli Petri præsidet, sicut dictum est ascendat & simul cum omnibus sacerdotibus qui hic sunt inveniatur, & voluntas Domini fiat. Ubi enim sunt duo vel tres con-

gre-

gregati in nomine meo sicut euangelice didicimus, ibi sum in medio eorum. Certificetur enim & confirmetur à magno Deo & rege omniumque Domino nostro Jesu Christo, & à nobis servis ejus, quod ascendentem vestram paternam & sacram Beatitudinem huc cum omni honore & gloria habemus & suscipere, & quæ opportuna sunt impartiri. Et iterum expleto capitulo, quod beneplacito Dei Christi speramus fieri cum honore & magnitudine præire illam habemus ad remeandum propria. Si enim non potuerit ascendere huc, quod putamus non fieri, scimus enim eum studiosum esse circa divina, eligat viros honorabiles habentes scientiam, & dirigat una cum syllabis, ut inveniantur ex persona sacræ & paternæ vestræ Beatitudinis hic. Verum tamen convenientibus ipsis cum omnibus sacerdotibus qui hic sunt, synodice confirmetur antiqua traditio sanctorum Patrum nostrorum, & confundatur omne zizanium male plantatum, & Domini nostri Salvatoris Jesu Christi verbum impleatur, quoniam portæ inferi non prævalebunt adversus eam. Et ex hoc non sit schisma & separatio in una sancta Catholica & Apostolica Ecclesia, cujus est caput ipse Christus verus Deus noster. Constantinum præterea sanctissimum Episcopum Leontinum Christo amabilis Siciliæ nostræ Insule, quem etiam noscit paterna vestra Beatitudo adduximus ad nos, & facie ad faciem loquentes direximus cum præsentī nostrā venerabili jussione ad vos. Qui cum venerit ad vos, continuo absolve eum ut remeat ad nos, scribens nobis per ipsum adventum tuum, quibus diebus habet mori  
veri

*verè illius & proficisci ad nos. Porro sanctissimum Episcopum Neapolitanum omnino tenere habet ut cum ipso ascendat huc: Etenim iter vestrum per Neapolim & Siciliam habet fieri, & super hoc Strategio Sicilia jussimus, ut omnis requiei & honoris vestri curam habeat. quo veniat vestra paterna beatitudo ad nos: Data quarto Kalend. Septembris Indictione septima, à Regia urbe.*

Hæc epistola non habetur in Acta Concilii septimi Crabbinae & Surianae collectionis, sed duntaxat in Biniana & Romana, neque Græce extat: Baronius, ut arbitror, omnium primus eam evulgavit, aitque Tom. ix Anna-  
 lium anno Christi 785. Anastasium Bibliothecarium eam recitare in præambulis septimæ Synodi eamque vertisse in Latinum & mendis plurimis aspersam esse. Ego quidem dum eam comparo vel cum aliis epistolis Imperatoris Constantini atque Irenes matris, vel cum cæteris versionibus quas Anastasius fecit, aut etiam cum forma scribendi Imperatorum & responsionem Adriani PP. pro certo teneo eam confictam, & fabricatam esse ab aliquo ad typum epistolæ Constantini Pogonati ad Donum Papam. Cæterum infantissima, hiulca & in multis absurda atque indigna est quæ Imperatori aut ejus versio Anastasio Bibliothecario tribuatur. Nam cum Imperator uteretur Tarasio tanquam Secretario antequam Tarasius esset electus ad Constantinopolitanum Episcopatum, & ipse Tarasius in causa  
 fue-

fuerit ut septima Synodus indiceretur, credibile imo certum est, Imperatorem non indixisse Synodum in scio Tarasio; & proinde de consilio & lima Tarasii Epistolam ad Adrianum Papam scriptam esse: Tarasius autem vir erat doctissimus & politissimus, ut ejus alia scripta declarant. Accedit insuper in hac epistola Imperatorem induci ita loquentem: *Cum consilio decrevimus ut fieret universale Concilium; & rogamus vestram paternam Beatitudinem, imo vero Dominus Deus rogat, qui vult omnes salvos fieri, ut det seipsam & nullam faciat tarditatem, ascendat huc; &c.* Judica Lector an homo bene compos mentis scribat *Deum rogare homines*: Deinde est præter disciplinam illorum temporum, præterquam majestatem Imperii, & contra propriam confessionem atque responsionem Adriani Papæ, *quod rogatus fuerit ab Imperatore*; si auctor hujus epistolæ usus fuisset *verbo exhortandi* melius sibi & suæ scriptiioni consulisset, atque ipsum Cæsarem Pogonatum imitatus fuisset: sed dum inducit Imperatorem rogantem, hoc facit ex hodierna disciplina & ipsi Adriano repugnat qui epistola sua ad Imperatorem quæ respondet Indictioni Concilii sibi factæ, ingenuè fatetur *se jussionibus Imperatoris evocatum*, ut amplius dicetur Actione secunda: *quem etiam Dominum vocat*, sicut anteactis seculis consuetum erat: at relinquo cogitandum si Adrianus rogatus fuisset ab Imperatore, utrum id silentio pres-  
sis-

fisset: cum in multis aliis rebus admodum elate loquatur. Hercle qui laborem hæc acta exscribendi integre & analytice examinandi non refugerit, multa videbit quæ alios fugiunt qui illa solummodo legerunt per transennam.

II. Porro exordiis omnium actionum quæ octonario numero continentur in editione Romana, elucet, Imperatorem indixisse Concilium ex consuetudine inter alios Imperatores usitata: hic ego initium primæ Actionis exscribam ut ex eo de aliis judicet Lector, quia persimilia ubique sunt. *In nomine Domini & Dominatoris Jesu Christi veri Dei nostri, Imperio piissimorum & amicorum Christi Dominorum nostrorum Constantini & Irenes matris ejus, octavo anno consulatus eorum, actavo Kalend. Octob. Indictione XI. Conveniente sancta & universali Synodo quæ per divinam gratiam & piam sanctionem eorundem Deo confirmatorum Imperatorum congregata est in Nicensium clara Metropoli Bitynicensium provincie, id est, Petro reverendissimo Archipresbytero sanctissimæ Romanæ Ecclesiæ scilicet Apostoli Petri: & Petro reverendissimo Presbytero monacho & Abbate venerabilis Monasterii Sanctæ Sabæ Romæ siti, retinentibus locum Apostolicæ Sedis almi & Sanctissimi Archiepiscopi senioris Romæ Adriani: Tarasio almo & sanctissimo Archiepiscopo magni nominis Constantinopoleos novæ Romæ: Joanne & Thoma reverendissimis Presbyteris monachis & Vicariis Apostolicarum Sedium Orient-*



*Orientalis diæceſeos : Agapito Epiſcopo Caſareæ Cappadociæ, Joanne Epiſcopo Epheſi, &c.*

*Sedentibusque ante ſanctiſſimum Ambonem templi ſanctiſſimæ magnæ Eccleſiæ quæ cognominatur Sophia: præſentibus & audientibus glorioliſſimis & magnificentiſſimis Principibus, id eſt, Petrona laudatiſſimo exconſule patricio & comite Deo conſervandi Imperialis Officii, & Joanne Imperiali Oſtiario, & Logotheta Imperialis Logotheti, & reverendiſſimis Archimandritis Hegumenis, & Monachis, propoſitis ſanctis & intemeratis Dei Evangelii: Reverendiſſimi Epiſcopi Siciliæ Inſulæ dixerunt, Dignum ducimus & per omnia huic ſanctæ & univerſali Synodo conveniens eſſe perſpicimus, ut ad exquirendorum inchoationem capitulorum ſanctiſſimus & ſummus ac eximius Paſtor & Præſul regiæ Conſtantinopoleos novæ Romæ præmiſſum faciat & oſtium verbo aperiat, & quæ congrua ſunt vociferando pronunciet. Sancta Synodus dixit, fiat ſecundum poſtulationem ſanctiſſimorum Epiſcoporum. Tarasius Conſtantinopolitanus Patriarcha retulit, ſuperiore anno cum ſuam Synodum haberet eique præſideret in Eccleſia Conſtantinopolitana, quosdam vi majore facta nonnullis Epiſcopis adjuvantibus ſibi manus violentas adferre voluiſſe eo quod doctrinam orthodoxam aſſeveret: eamque ob cauſam Imperatores indixiſſe & congregaſſe generale Concilium: Itaque petit Tarasius, ut qui ſuperiore anno reſtiterunt veritati convenient: & ſi quis eſt in illis ſermo contradiccionis, vel etiam ratiocinationis, dicant: illis autem Epiſcopis coram Synodo*

nodo consistentibus, Gloriosissimi Patricii & Principes ab Imperatore missi rogarunt sanctam Synodum ut lectionem sacre jussionis audiret, quæ sic inscribitur: Sacra Constantinus & Irene fideles Imperatores Romanorum, sanctissimis Episcopis qui in voluntate & gratia Dei & jussione pii Imperii nostri convenerunt in Nicæna Synodo, &c. Primum vero ordine enarrant sibi propositam omnem Romanam rempublicam dirigere ad pacem & concordiam, ac dare operam ut in sancta Ecclesia omnia rite & secundum ordinem fiant: eamque ob causam beneplacito & voluntate Dei se congregavisse sanctos Episcopos in Synodum, dantes unicuique licentiam ut libere loquatur quæ sibi visa fuerint, hacque ratione pax & concordia Ecclesiis reddatur. Secundo referunt Paulum Constantinopolitanum Patriarcham, ejurato Episcopatu in extrema senectute vitam solitudini monastica eam ob causam mandasse, quod Constantinopolitana Ecclesia in Synodo sacras damnavisset imagines, quas Ecclesia Catholica veneratur & retinet: & quod futurum cerneret si vitam exigeret in Episcopatu, ut ab Ecclesia Catholica anathemate feriretur. Tertio se in consilium viros pios & prudentes adhibuisse, ut scirent quidnam esset optimum factu, & quisnam in locum Pauli sufficiens esset in Episcopatu Constantinopolitano: omnes autem convenisse in Tarasium: hunc autem repudiasse Episcopatum ob schisma quo Ecclesia laborabat propter sacras imagines, adeo ut Occidentalis Ecclesia communione ab Orientali separaretur. Quarto se Tarasii sententiam & ad sacerdotes



*dotes & ad Principes viros consilii sui nec non ad populum retulisse, omnesque in ea sententia fuisse, ut Synodus universalis congregaretur. Quocirca Imperatores sacram Synodum exhortantur, ut Sacrosanctis Evangelii in medio propositis & clamantibus juste judicent, atque omnem novitatem ac seditio- nem excendant gladio & securi Spiritus Sancti. Quinto se literas ab Adriano Papa senioris Romæ accepisse per ejusdem Adriani Vicarios sedentes in sacra Synodo: AC JUBERE UT SECUNDUM JUS ET MOREM SYNODORUM in omnium audientiam recitari, cum Epistolis ab Patriarcha Antiocheno ad se missis, &c. En summa sacrarum literarum quas Imperatores miserunt ad Synodum: neque cuiquam qui usitatam consuetudinem in aliis prioribus Conciliis servatam tenuerit, dubium esse potest: quin literæ eorundem Imperatorum editæ pro Concilii indictione & missæ ad Adrianum Papam & alios Metropo- litas ejusdem fuerint argumenti & substan- tiæ. Nam supra docui in more positum fuisse, ut Patres sedentes in Synodis semper princi- pium facerent à Divali sacra quæ illis ordinem agendorum præmonstraret.*

*His perlectis literis sacra Synodus dixit Con- servet Deus Imperium Dominorum, &c. Deinde adducti sunt ad Synodum tres Episcopi, ni- mirum Basilus Ancyranus, Theodorus My- nensis, & Theodosius Ammori Episcopus, qui quidem errorem Iconoclastarum, quo pridem ante imbuti fuerant, conceptis verbis*

anathematizarunt: adveniunt pariter septem alii Episcopi qui Tarasio patriarchæ Constantinopolitano vim intulerant, ut superius dictum est, suumque errorem abjurant, scilicet Hypatius Nicææ, Leo Rhodi, Gregorius Pessinuntis, Leo Iconii, Georgius Pisidiæ, Nicolaus Hierapoleos, & Leo Carpathi Episcopus. Hinc autem Patres captant occasionem definiendi quid de illis Episcopis statuendum sit, hasque duas quæstiones agitant: *Primum de iis qui ab hæresi ad sanctam Catholicam Ecclesiam redeunt: secundo de iis qui sunt ordinati ab hæreticis.* Quam in rem varios canones & sententias Patrum antiquorum disquirunt: & inter alia præsertim B. Athanasii & Cyrilli Alexandrini sententiam sequendam pronunciant: nimirum eis qui lapsi sunt atque impietati præfuerunt, esse ignoscendum si resipiscant & pœnitentiam agant: ita tamen ut non admittantur ad Clerum, sic enim de Meletio factum est in Synodo Nicæna. De aliis autem qui non Auctores & Patroni extiterunt impietatis, sed per vim, necessitatem, aut ignorantiam erraverunt, censent eis non modo veniam dandam, sed etiam locum suum in Clero esse reddendum.

Ex hac prima Aetione dignoscimus Imperatores, quamquam tum maxime dissipatis atque prostratis viribus Imperii, tamen non modo Synodum indixisse & convocasse, verum etiam literis suis, ut jam dixi, ordinem agendi præ-

præscripsisse, ut in aliis superioribus Conciliis factum est. Secundo liquet, Tarasium Patriarcham Constantinopolitanum Sedis atque Suffragii prærogativam habuisse post Vicarios Romani Pontificis, juxta Canonem 28 Chalcedonenſis Synodi: hoc enim ex omnibus Actionibus claret, & ita poſſeſſio continuatur ab temporibus primi Concilii Constantinopolitani in hunc uſque diem. Tertio non ſolam Sedem Romanam, verum etiam alias Sedes Patriarchales dici Apoſtolicas: *ſiquidem Joannes & Thomas Vicarii Sedium Apoſtolicarum Orientis* appellantur, quo nomine intelligitur Sedes Alexandrina, Antiochena, & Hieroſolymitana: quoniam memorati Presbyteri Joannes & Thomas, locum tenebant trium Apoſtolicarum Sedium Orientis, ut perſpicuum redditur ex ſubſcriptionibus Patrum Actione ſeptima, de quibus ſuo loco, quæ trium Patriarcharum abſentia Saracenis tribui debet qui tum Orientem univerſum populabantur poſt dynaſtiam à Mahomete conſtitutam. Quarto in hac Synodo Patricii atque Principes qui miſſi erant ab Imperatoribus non dicuntur præſidere ut in aliis Conciliis ſuperioribus ſed tantum præſentes eſſe: quod eſt notabile & Majeſtati Imperii collaſæ tribuendum.

Actione ſecunda Episcopus Neocæſariæ ſupplex accedit ad Synodum abjuraturus errorem Iconoclaſtarum: petitque Tarasius

Constantinopolitanus, ut rationem suæ fidei non tantum voce sed & scripto libello reddere cogatur: quam in sententiam tota Synodus abiit. Nam licet Vicarii Adriani primam Sedem obtinerent in Synodo, verumtamen Tarasius semper primus loquebatur, ita ut ejus moderatione tota Synodus regeretur tum propter eximiam illius eruditionem & pietatem, tum quia Vicarii Adriani erant duntaxat Presbyteri non Episcopi.

III. Hac eadem Actione leguntur literæ Adriani I PP. ad Imperatores quibus respondet sacræ jussioni Imperatorum super indictione Synodi, sicque inscribuntur: *Dominis piissimis & serenissimis Imperatoribus ac triumphatoribus, filiis diligendis in Deo Domino nostro Jesu Christo, Constantino & Irene Augustis.* Deinde in principio literarum suarum narrat, se magnam coepisse lætitiā ex Sacris divalibus, adeo ut nullus lingua humana tantum gaudium explicare possit: *Quia nimirum major lætitia DE JUSSIONIBUS IMPERATORUM nunc orta sit, quam dudum pro schismaticorum hæresi mæror affecerit: De his quippe in ipsis VENERANDIS JUSSIONIBUS VESTRIS referebatur quæ pridem facta sunt in vestra regali Civitate propter venerabiles imagines: qualiter qui ante vos regnaverunt eas destruxerint, &c.*

Secundo illos exhortatur ad reverentiam sanctæ Sedi Apostolicæ Romanæ exhibendam: quam Imperatores ejus Antecessores, velut

velut Caput omnium Ecclesiarum suspexisse & coluisse memorat: jure quidem; quoniam S. Petrus Princeps Apostolorum qui primus in Sede Apostolica Romana sedet, sui Apostolatus principatum ac pastoralis curæ successoribus suis qui in eadem Sede perenniter sessuri sunt, dereliquit, &c.

Tertio refert ab eo tempore quo Ecclesia pace sub Constantino Magno potita est, sacras imagines fuisse depictas in Ecclesiis: idque testimonio Sylvestri Papæ ita probat: *In ipsis exordiis Christianorum, cum ad fidem converteretur pius Imperitor Constantinus sic legitur: Transacta die nocturno regi facto silentio somni tempus advenit, & ecce adsunt sancti Apostoli, Petrus & Paulus dicentes: quoniam flagitiis tuis posuisti terminum, & effusionem innocentum sanguinis horruisti, missi sumus à Christo Jesu Domino dare tibi sanitatis recuperande consilium. Audi ergo monita nostra, & fac omnia quaecumque indicabimus tibi: Sylvester Episcopus civitatis Romane ad montem Soractem persecutiones tuas fugiens in cavernis petrarum cum suis Clericis latebras fovet: hunc cum ad te adduxeris, ipse tibi piscinam ostendet In quam dum tertio te merferit, omnis te valetudo deseret lepra. Quod dum factum fuerit, hanc vicissitudinem Salvatori tuo compensa ut omnes jussu tuo per orbem totum Romanum Ecclesia restaurentur. Tu autem in hac parte purifica te, ut omni relicta superstitione idolorum Deum unum qui verus & solus est adores & excolas, & ad ejus voluntatem attingas. Exurgens itaque à somno statim convocat eos qui obser-*

vabant Palatium, & secundum tenorem somni sui misit ad montem Soractem, ubi sanctus Sylvester in cujusdam Christiani agro persecutionis causa cum suis Clericis receptus lectionibus & orationibus insistebat. At ubi à militibus se conventum vidit, credidit se ad Martyrii coronam evocari: & conversus ad clerum omnem qui cum eo erat dixit: Ecce nunc tempus acceptabile, ecce nunc dies salutis. Ingressus ad regem cum tribus Presbyteris & duobus Diaconis dixit: Pax tibi & victoriæ de cælo ministrentur. Quem cum rex alacri animo & vultu placidissimo suscepisset, omnia illi quæ facta, quæ dicta, quæ etiam revelata sunt exposuit: & post finem narrationis sue percunctabatur qui essent isti dii Petrus & Paulus qui illum visitarant ob causam salutis suæ, & ejus latebras detexissent: Sylvester respondit, hi quidem Dii non sunt, sed idonei servi Christi & Apostoli electi ab eo, & missi ad invitationem gentium ut credentes salutem consequantur. Cumque hæc & his similia Augusto diceret Papa, interrogare cepit Augustus utrumnam istos Apostolos haberet aliqua imagine expressos, ut ex pictura disceret hos esse quos revelatio docuerat. Tunc sanctus Sylvester misso Diacono imaginem Apostolorum sibi exhiberi præcepit: quam Imperator aspiciens ingenti clamore cepit dicere ipsos esse quos viderat, nec debere jam differre per Spiritum Sanctum factam ostensionem piscine quam istos promississe suæ salutis memorabat. Ecce, inquit Adrianus Papa, ut præmissum est sanctorum figuræ ab ipsis sanctis fidei nostræ rudimentis apud omnes fuerunt Christianos: atque

*atque in Ecclesiis sanctorum sacra figura expressa atque depicta haftenus fuerunt : quatenus gentilitas paganorum conspecta divina scriptura depicta Historia ab idolorum cultura & Daemonum simulachris ad verum Christianitatis lumen atque amoris Dei culturam verti deberet , sicut B. Gregorius ait , &c.*

Quarto memorat quantam curam Gregorius II, Zacharias , Stephanus Papa & alii Pontifices adhibuerint , ut Leonem Isaurum proavum Constantini VI ab Iconomachia averterent.

Quinto multis rationibus & testimoniis tum ex scripturis cum ex Patribus ductis , probat eo fine imagines à fidelibus erigi in templis & honorari , ut per visibilem vultum ad divinitatis majestatem invisibilem mens humana rapiatur , spiritali affectu per contemplationem figuratae imaginis , &c.

Sexto additur huic epistolæ assumentum , quod teste Baronio , utque etiam notatur in editione Romana Conciliorum minime reperitur in Actis Græcis Synodi septimæ : inter alia autem nonnulla continet quæ parum bene cohærent cum superioribus , ut facile videre est legentibus & omnia accurate considerantibus : pars autem hujus assumentis desumpta est ex epistola Cæsaris Pogonati ad Donum Papam cujusmodi hæc sunt: *Quia non est apud vos partis cujuslibet favor aut defensio , sed equalitatem utrisque partibus conservabitis , nullatenus necessitatem facientes in quocumque capitulo eis qui à nobis diriguntur quoquo modo , &c.*

Rr 5

Et

*Et si quidem utrique convenerint ecce bene : Si autem minime convenerint , iterum cum omni humanitate eos ad nos dirigere satagetis , &c.*

Septimo ibidem conqueritur quod Imperator in sua sacra jussione ad Tarasium Patriarcham Constantinopolitanum, eundem Oecumenicum sive universalem appellavit : sed utrum per imperitiam aut schisma vel hæresim iniquorum scriptum est ignoramus : sed deinceps suademus vestrae clementissimæ imperialique potentia ut minime universalis describatur quia contra sanctorum Canonum instituta & Patrum traditionem decretum esse videtur , &c. Quia si universalis est , etiam Ecclesiæ nostræ Sedis primatum habere dignoscitur : quod ridiculum omnibus fidelibus Christianis , quia in toto orbe terrarum ab ipso Redemptore mundi B. Petro Apostolo , principatus ac potestas data est : & per eundem Apostolum cujus vel immeriti vices gerimus , sancta Catholica & Apostolica Romana Ecclesia usque hætenus in ævum tenet principatum , ac potestatis auctoritatem , &c.

Octavo ait , factum contra Canones , quod Tarasius ex laico assumptus fuerit ad Patriarchatum Constantinopolitanum.

Nono rogat Imperatores , ut quemadmodum antiquitus ab orthodoxis Imperatoribus & cæteris Christianis fidelibus concessa sunt patrimonia B. Petri Apostolorum Principis , ita in integrum restituere dignetur pro luminariorum concinnatione eidem Ecclesiæ Dei & alimoniis pauperum.

Decimo , ut consecrationes Archiepiscoporum seu  
Epi-



*Episcoporum, sicut Olitana constat traditio diœcesis existentes penitus canonice sancta Romanæ nostræ restituantur Ecclesia.*

Undecimo excurrit in laudes Caroli Magni, quem Filium & Spiritualem Compatrem Dominumque suum regem Francorum, Longobardorum, ac Patricium Romanorum indigitat: Nostris, inquit, obtemperans monitis, atque adimplens in omnibus voluntates, omnis Hesperia Occiduaque partis barbaras nationes sub suis prosterrens conculcavit pedibus omnipotentatum illarum domans, & suo subjiciens regno adunavit; unde per sua laboriosa certamina eidem Dei Apostoli Ecclesiæ, ob nimium amorem plura dona perpetuo obtulit possidenda, tam provincias quam civitates, seu castra, & cætera territoria, imo & patrimonia, quæ à perfida Longobardorum gente detinebantur brachio forti EIDEM DEI APOSTOLO RESTITUIT, CUJUS ET JURE ESSE DIGNOSCEBANTUR. Sed & aurum atque argentum quotidie pro luminariorum concinnatione seu alimoniis pauperum non desinit offerendo: quatenus ejus regalis memoria, non derelinquatur in seculum seculi, &c. Deinde sic epistolam finit: Deus noster tribuat vobis intercedentibus beatissimis Apostolorum Principibus longaeva ac proffera & felicia tempora, & cum maxima corporis sospitate atque animæ salute Imperialis potentie sceptris vos perfrui faciat: & sicut terra summa potentie gloriam vobis concessit, & cælorum quoque regna vobis per infinita secula largiri possidenda dignetur.

IV. Hæc Adriani epistola multa nos docet: & primo quidem inscriptio & conclusio epistolæ apprimè notanda sunt: *Dominis piissimis & serenissimis Imperatoribus ac triumphatoribus, filiis &c.* siquidem demonstrat falsum esse quod circumfertur Gregorium II prædecessorem Adriani transtulisse Imperium Orientale à Græcis ad Francos. Hic enim Adrianus Constantinum VI ejusque matrem Irenem pro veris atque legitimis agnoscit Imperatoribus. Imo etiam ipse Gregorius II quandiu vixit coluit. Siquidem ejusdem Epistola XIV ad Bonifacium ita clauditur: *Data decimo Kalendas Decembris imperante Domino piissimo Augusto Leone à Deo coronato Magno Imperatore, anno decimo Imperii ejus. Sed & Constantino Magno Imperatore regni ejus anno septimo, Indictione undecima.* Qua etiam clausula Gregorius III qui Gregorio II successit, epistolam suam quintam ad Bonifacium concludit: *Data quarto Calend. Novembris imperante Domino piissimo Augusto Leone Imperii ejus anno vigesimo tertio; sed & Constantino Magno Imperatore, ejus filio, anno vigesimo, Indictione octava.* Item Zacharias qui post Gregorium III. sedit in cathedra Petri Epistola I ad Bonifacium: *Data Calendis Aprilis imperante domino piissimo Augusto Constantino à Deo coronato, Magno Imperatore, anno vigesimo quarto, Imperii ejus anno secundo, &c.* Item epistola secunda, *Data Kalend. Aprilis imperante Domino Constantino Magno Impera-*

*peratore anno vigesimo quarto, Imperii ejus anno secundo, Indictione undecima.* Vide etiam extremas clausulas *epistolæ sextæ & octavæ* ejusdem Zachariæ cui Adrianus I successit. Et ita relinquitur fabulosum esse auctoritate Gregorii II Imperium Orientale transisse ad Franciæ Principes ut scribit Zonaras, & Bellarminus libris de Translatione Imperii persuadere vult. Quis enim de his rebus potius Zonaræ auctori moderno quam ipsismet Pontificibus antiquis in hac causa fidem habeat? Secundo animadversione dignum est, Adrianum dicere *se jussionibus sacris Imperatorum* evocatum ad Concilium quod in principio & fine epistolæ frequentat. Tertio refert ab eo tempore quo ecclesia pace sub Constantino Magno potita est, sacras imagines depictas in Ecclesiis, idque Sylvestri Papæ testimonio roborat & hinc captat occasionem narrandæ historiæ baptisimi Constantini ut à lepra sanaretur & ne se sanguine puerorum effuso in lepræ medicinam contaminaret.

V. Sed monendus lector hanc narrationem non carere suspitione fabulæ; maxime vero quod nullus certus atque indubitatus auctor ante Caroli Magni & Adriani Papæ tempora retulerit Constantinum Magnum lepra laborasse: utque sanaretur, balneum ex puerorum sanguine parari voluisse. Imo omnes antiqui quique viderunt Constantinum aut ejus seculo vixerunt, memorant baptizatum paulo ante-

antequam diem supremum obiret. Hercle Eusebius notissimus Constantino lib. iv. cap. 53. refert illum sexaginta annos natum *integerrima usum valetudine, & valentissimo fuisse corpore ad omnia militaria munia & exercitia ob-eunda*. Et cap. 61, 62. & 63. præsensisse diem suæ mortis imminere ac propterea aliquot dies antequam animam efflaret sacro tinctum fuisse baptismate Nicomediæ: de iis autem Eusebius scribit quæ ipse viderat. Idemque narrant Socrates lib. i. c. 26. Theodoretus l. i. cap. 32. & Sozomenus lib. ii. cap. 32. S. Ambrosius oratione quam habuit in funere Theodosii Magni nominatim ait *in ultimis constitutum gratiam baptismi Constantinum recepisse*. Item Hieronymus in continuatione Chronici Eusebii: *Constantinus extremo vitæ suæ tempore ab Eusebio Nicomediensi Episcopo baptizatus in Arrianum dogma declinat: à quo usque in præsens tempus Ecclesiarum rapina & totius orbis sequuta est discordia*, inquit. Procul dubio cum totam hanc historiam accuratius exquiro atq; perpendo, video causam diversitatis temporis Baptismi Constantini inde solum natam & à diversis auctoribus variè tractatam: quod illi qui referunt baptizatum Romæ à Sylvestro, hac ratione infamiam Arrianismi ab Constantino amoliri velint. Quoniam dato quod fuerit baptizatus ab Eusebio Nicomediensi Episcopo, inferunt optimum Principem Arrianum fuisse: quam consequentiam qui abnegarit, ut est abne-ganda

ganda, tota probatio de baptismo Constantini facta Romæ corruit. Etsi enim Constantinus Sanctum Athanasium exilio multavit, non tamen id fecit studio promovendi Arrianismum aut favendi Arrianis: sed quia falsis persuasionibus acceperat B. Athanasium procurationem rei frumentariæ quæ Constantinopolim ex Alexandria deferebatur, impedire. *Neque similiter Eusebius Nicomediensis, quandiu vixit Constantinus, aperte Arrianismum professus est: quisque similitates cum S. Athanasio exercebat, alio prætextu vestiebat, ut iis notum est qui Historiam Ecclesiasticam legerunt.* Hercle cum Eusebii Pamphili historia statim post ejus mortem in omnium manibus versaretur, & multi superessent qui Constantinum viderant, si Romæ & non Nicomediæ baptizatus fuisset, in justissimas omnium reprehensiones Eusebius incurrisset, palamque crimine falsi accusatus & convictus facile fuisset: hoc autem cum à nullo factum sit, sed omnes antiqui constanter doceant, Constantinum in extrema vitæ periodo baptizatum, id quidem pro rato & certo tenendum est. Neque vero S. Hieronymus dicit illum fuisse Arrianum, sed *declinasse in dogma Arrianum*: eo quod S. Athanasium misisset in exilium & falsis persuasionibus Arrium ab exilio revocasset: quoniam Arrius simulabat se ejusdem esse fidei cum Patribus Nicænis, atque symbolo Nicæno subscripturum. Hoc autem Constan-

stantinus cum paci Ecclesiæ conducere arbitraretur, assensus est, ut Arrius Alexandriam reverteretur. Quod autem subnectit Hieronymus à quo usque in præsens tempus Ecclesiarum, rapina, & totius orbis sequuta est discordia: demonstrat, post mortuum Constantinum, Constantium ejus filium aperte complexum fuisse Arrianismum: idque causam præbuisse innumeris malis quæ designat Hieronymus. Procul dubio quamquam B. Hieronymus explicite docere, quod tamen non facit, Constantinum Magnum fuisse Arrianum, tamen perspecta rei veritate ex historia Ecclesiastica, S. Athanasio & aliis qui Constantinum ut orthodoxum laudant, nihilo magis fidem adhiberem Hieronymo, quam dum narrat in eodem Chronico *S. Meletium Antiochenum Episcopum hostem fuisse Ecclesiæ*: & tamen certissimum est post S. Athanasium nullum alium plura exilia & labores exantlassè pro catholica fide teste B. Basilio in epistolis & Gregorio Nazianzeno qui familiariter Meletium noverant: siquidem mortuus est in Concilio Constantinopolitano, ut supra docui, & hinc claret SS. virorum libros cum magno judicio legendos. Quantum attinet ad lepram qua Constantinum laborasse prædicant, fubula est nata ex hac B. Gregorii Turonensis narratione, qui lib. 11. cap. 32. Historiam baptismi Clodovei Francorum Principis commemorans: *Procedit novus Constantinus ad lavacrum,*  
*dele-*

*deleturus lepræ veteris morbum*, inquit : Cum autem nomine lepræ, idololatriæ scelus, aliaque peccata hic allegorice Gregorius Turo-  
nensis designet quispiam male feriatus Con-  
stantinum revera contaminatum fuisse lepra  
inde commentus est. Te rogo, lector, adhibe  
te in consilium & diligenter reputa si hoc ve-  
rum fuisset, utrum innumerabiles Ethnici,  
quos Constantinus edictis suis in gratiam  
Christianorum factis gravissime læserat, imo  
oppresserat, id silentio prætermisissent. Her-  
cie ne quidem Julianus Apostata id in suis  
Cæsaribus tacuisset.

VI. Et mirabile est Baronium Tomo I I I  
ad annum Christi 324. numero 42. nobis Li-  
berium Papam primum hujus arcani vulgato-  
rem exhibere : eamque ob causam Constan-  
tium Cæsarem graviter Liberio fuisse infen-  
sum ex Actis ipsius Liberii fabulosis asserere.  
Argumenta quæ ad hanc rem profert Baro-  
nius sunt: Primum quod Adrianus I. in episto-  
la sua hæc enarret non tanquam Apocrypha  
aut dubia, sed tanquam certissima eaque ex-  
hibere adversarii iconoclastis contradicenda.  
Secundo, quid tam humanum ait, quam quod  
aliquis mortalis licet infulis regiis decoratus  
ea pati potuerit quibus alii homines obnoxii  
sunt : cum præsertim Deus consueverit pec-  
cata hominum superborum ita ulcisci? & Pli-  
nius referat lib. xxv. cap. 1. Reges Ægypti  
hoc morbo frequenter laborare, atque huma-

no sanguine sibi medicinam facere consuevisse? Tertio, Eusebium Pamphilum virulenter tanquam Arrianum lacescit, quasi voluerit ostendere Constantinum fuisse Arrianum, & hac ratione Constantio Constantini filio gratificari. Quarto, eundem arguit Eusebium velut pugnantia loquentem, dum memorat solum Constantinum in Christi confessionibus renatum & sacris initiatum: ac immemorem esse quod lib. vi. cap. 27. Historiæ dixerit, Philippum primum Imperatorem Christianum in pœnitentium publicorum classem reiectum à Fabiano Papa Romano, neque receptum fuisse antequam peccata confessus fuisset, &c. Quinto, sequi Constantinum impium & hæreticum mortuum fuisse, dato quod ab Eusebio Nicomediensi Arriano baptizatus fuerit, & tamen omnes antiquos atque inter alios S. Athanasium fateri orthodoxum fuisse. Sexto, oporteret Constantinum per totum vitæ spatium fuisse duntaxat catechumenum, neque potuisse unquam sacris mysteriis participare: nihilominus idem Eusebius lib. iv. vitæ Constantini, cap. 57. hæc refert, *Magna autem agebatur diei Paschæ celebritas eo tempore: Et Imperator cum cæteris pernoctans vota precesque Deo persolvebat, & cap. 22. Sed hanc religionis exercitationem salutaris festi temporibus augens omnibus viribus cum animi tum corporis divinos sacrorum ritus obibat: quasi qui huius magna solennitatis exemplum omnibus præberet.*

Septi-



Septimo, urget Constantinum tanquam Catechumenum non potuisse sedere in Concilio Nicæno cum Episcopis, eorumque diffidia placare: quia nunquam id Patres tolerassent. Quibus argumentis cur tantum fidat Baronius non quidem ratio sed mera confidentia ingenii atque nimius amor sui efficit. An, rogo, Acta Apocrypha Liberii & hæc Adriani P. P. assertio ullo esse numero debent consensui omnium antiquorum opposita? Quod autem instat Iconoclastas adversarios nihil in contrarium excepisse quando audierunt mentionem fieri de imaginibus Apostolorum quas Constantinus per insomnium viderat: respondeo ne quidem certum atque indubitatum esse hoc illis propositum fuisse insomnium, cum epistola Adriani stare possit absque hac narratione: & ex ejusdem epistolæ lectione facile dignosci, multa in eam insita esse quæ pessime cohærent. Unde etiam in editione Romana Conciliorum ad oram Epistolæ Adriani notatur, *epistolam Græcam non satis respondere epistolæ Latinæ quam refert Anastasius*: propria sunt verba: Nam Adrianus ibidem permultas rationes pro veneratione imaginum recenset quæ multo plus habent ponderis quam quæ de somnio Constantini narrat: hoc est, *Imagines ab omnibus fidelibus honorari ut per visibilem vultum ad invisibilem divinitatis majestatem mens nostra rapiatur, spiritali affectu per contemplationem figuratæ imaginis secun-*

*dum carnem quam Filius Dei pro nostra salute suscipere dignatus est*, &c. Enimvero, hæc ad quæstionem juris, illa vero apparitio Apostolorum & eorundem imagines quas Sylvester servabat potius ad quæstionem facti spectant. Secundo, frustra defudat Baronius ut probet humanum esse homines lepra affici posse: quia nullus de ea re dubitat. neque etiam Plinium narrare Reges Ægypti solitos tentari hac tabe: sed absolute negatur Constantinum leprosum aut Regem Ægypti fuisse. Tertio, quæ in Eusebium Pamphilum intemperanter effundit, nihil ejus causam juvant, cum ipse B. Hieronymus & Ambrosius doceant Constantinum in extrema vitæ periodo baptizatum fuisse. Quarto, non pugnantia loquitur Eusebius, quia Philippi Imperatoris causa diversa est à facto Constantini: ille enim jam baptizatus fuerat & tanquam gravissimus peccator inter publicos poenitentes referebatur, ut fertur, inquit Eusebius: non enim hoc pro vero asserit sicut factum Constantini donandi baptismo. Quinto negatur Constantinum mortuum fuisse Arrianum, dato quod Eusebius Nicomediæ Episcopus eum baptizavit: cum ut dixi Eusebius vivente Constantino nunquam palam & publice professus sit Arrianismum: quandoquidem subscripsit symbolo Nicæno cum aliis Patribus Nicænis. Sexto, verum est Constantinum per totum vitæ spatium fuisse catechumenum & duabus potiss-

potissimum de causis baptismum suum distulisse in extremam vitæ periodum: tum quo purior ad Deum proficisceretur tum quia in reverentiam baptismi Christi baptizari in Jordane ardentem cupiebat, ut docent historiæ. Quæ autem ab Eusebio promittuntur testimonia Baronius, ut doceat, Constantinum factum participem mysteriorum, id est, sacrae synaxeos, tota via errat: quoniam Eusebius ibi de mysteriis minime loquitur, sed duntaxat de publicis & communibus precibus atque orationibus accessionem facientibus ad sacram Eucharistiam & mysteria. Septimum argumentum longiorem exigit disputationem, quam rejiciam in defensionem libelli de Ecclesiastica & politica potestate.

VII. Sed ut ad institutum revertamur, quartum notabile epistolæ Adriani est de ejus conqueſtione quod Imperator Tarasium Constantinopolitanum œcumenicum sive universalem Patriarcham nuncupavit: Anastasius Bibliothecarius in Præfatione septimæ Synodi quæ extat in Romana editione, narrat, se de hac re sermonem cum Græcis confuisse, *dixisse autem se Patriarcham suum vocare Oecumenicum, non quod universi orbis Præsulatum teneat, sed quod cuidam parti orbis habitabilis præsit: Nam, inquit, quod Græci Oecumenicum vocant, à Latinis non solum orbis aut universalis, verum etiam habitatio vel locus habitabilis nuncupatur.* Hæc ille, nobis ansam præbens amplius

inquirendi in notionem hujus vocis ; quando-  
quidem Oecumenium significat universale &  
ad totum orbem habitabilem pertinens: unde  
cum Imperatores Romani toti orbi habita-  
bili synecdochicôs imperare dicerentur, co-  
rum imperata ad totum orbem spectantia Oe-  
cumenica nuncupabantur : dixi synecdochic-  
ôs sumpta illustriore parte mundi pro toto.  
Cum ergo eorundem Imperatorum literæ *ad  
omnes omnino Episcopos , pro indictione Concilii di-  
rigerentur* : sic enim Theodosius in indictione  
primæ Synodi Ephesinæ loquitur : inde usû  
evenit ut progressu temporis , Synodi quas  
Imperatores suis generalibus edictis & man-  
datis convocarent , quia ex Episcopis totius  
orbis Romani Imperii conflarentur, Oecu-  
menicæ vocarentur : dixi progressu temporis,  
quoniam tres primæ Synodi, Nicæna, Con-  
stantinopolitana & Ephesina in scriptis anti-  
quorum non alio *quam sanctæ aut magnæ Synodi*  
*nomine donantur.* At vero in Chalcedonen-  
si Synodo nomen Oecumenici primum ab Vi-  
cariis Leonis Magni , deinde à quibusdam  
Presbyteris Alexandrinis ipsi Leoni Magno  
tributum legimus , ut in Historia Chalcedo-  
nen-  
sis Concilii docui : quare postea Synodi  
generales quæ ab Imperatoribus convoca-  
bantur passim Oecumenicæ nuncupatæ sunt.  
Et quamquam in dies singulos majestas Im-  
perii exolesceret , tamen usque ad octavam  
Synodum hoc titulo nobilitantur : cujus rei  
cau-

causam idem Bibliothecarius in Præfatione octavæ Synodi referat, *ideo enim ait Oecumenicam & universalem dici, primo quia Catholica fides in ea & sanctæ leges quæ non solum à sacerdotibus sed & ab universis Christianis coli debent & venerari contra hostes earum consona voce defenditur. Deinde quia cum Christus in corpore suo, quod est Ecclesia, tot Patriarchales Sedes quot in cujusque mortali corpore sensus locaverit: profecto nihil generalitati deest Ecclesiæ, si omnes illæ Sedes unius fuerint voluntatis: sicut nihil deest motui corporis si omnes quinque sensus integræ communisque fuerint sanitatis, &c.* Ex his autem duabus rationibus quas Anastasius profert, conspicuum evadit, Synodos ab eo Oecumenicas potissimum appellari ratione conventus & consensus quinque Sedium Patriarchalium quæ singulæ Epistolas Encyclicas & circulares mittebant ad Episcopos sibi suffraganeos pro Concilii congregatione, quam in rem lege Disputationem Maximi cum Pyrrho Monotheta sub finem: quæ extat Tomo VIII annalium Baronii, & apud Binium Tomo III Conciliorum. Dehinc autem Imperio & religione Christiana ferme extinctis in Oriente propter Turcici regni propagationem; nomen Oecumenici Concilii tributum est sacris conventibus qui soli Pontifici Romano subessent, atque ejus auctoritate indicerentur: quod tantum contigit post octavum Concilium generale: à quo tempore Monarchia curialium pe-

detentim in formam & dominatum, sub quo hodie gemimus, accrevit. Quintum notabile est quod Adrianus petit ab Imperatore, ut aliquid pro Ecclesiæ Romanæ luminariis & alimentis pauperum croget: *Et quæ ab orthodoxis Imperatoribus seu à cæteris Christianis fidelibus oblata atque concessa sunt Patrimonia B. Petri Apostolorum Principis, in integrum restituere dignetur.* Quæ si intelligantur quasi ante Caroli Magni donationem Ecclesia Romana aliquod habuerit patrimonium terrestræ & prophanæ dititionem, falsissima sunt; nihil enim terrarum antea possidebat. Sexto, petit canonicas consecrationes, id est, ordinationes & electiones sacras Archiepiscoporum & Episcoporum secundum Olitanam seu antiquam consuetudinem penitus sanctæ Romanæ Ecclesiæ restitui. Quæ clausula inserta videtur huic epistolæ ad labefactandum *Can. Adrianus Dist. 63*, de cuius veritate alias cum Baronio disputabimus.

VIII. Septimo vocat Carolum Magnum Filium & Spiritualem compatrem, ac Patri-  
cium Romanorum, docetque nominatim Ecclesiam Romanam à Franciæ regibus habere Patrimonium S. Petri quod hodie appellant: non autem à Constantino Magno, ut alii fabulantur: cum à Constantino Magno ad Constantinum Pogonatum Imperatores semper habuerint Exarchum & proregem in Italia, qui etiam Romæ moderabatur: tempo-  
re

re autem septimæ Synodi adhuc in Sicilia & Provincia Neapolitana Strategum aut Ducem militarem constituebant ad illas provincias gubernandas : siquidem tum vires atque potestas Imperii penitus erant profligatæ in toto Occidente ; ita ut præter Siciliam & Neapolitanam provinciam Imperatores nihil in tota Italia possiderent : quoniam Carolus Magnus exciso regno Longobardorum totam Italiam occupaverat. Verum ego opinor seculo Caroli Magni postquam Ecclesia Romana ab eo ditione temporali locupletata est, excogitatam fuisse fabulam de donatione Constantini, aliaque multa scripta in gratiam Curia Romanæ jam parturire incipientis, efficta atque supposita fuisse. Octavo, valde dignum est admiratione Adrianum hac epistola dicere *Carolus Magnus B. Petro restituisse provincias quæ ejus esse jure dignoscebantur*. Hoc enim eorum quadrat commento, qui donationem Constantini non largitionem sed simplicem restitutionem fuisse nugantur: quæ otiosorum & imperitorum hominum sunt commenta, & nisi vehementer fallor huic Epistolæ Adriani adsuta fuerunt, sicut & quædam alia superius notata. Nono, animadvertendum est, quanquam potestas Romani Pontificis ruente Imperio magnum faceret incrementum, nihilominus Adrianum non sibi jus quoddam monarchicum arrogare in Ecclesias, sed duntaxat primatum : Nam ubi de Titulo

Patriarchæ Oecumenici disputat: *Si Tarasius est universalis ait, etiam Ecclesiæ nostræ Sedis Primatum habere dignoscitur: quod ridiculum omnibus apparet: quia in toto orbe terrarum ab ipso redemptore mundi B. Petro Apostolo Principatus ac potestas data est: & per eundem Apostolum sancta Catholica & Apostolica Romana Ecclesia usque hætenus & in ævum tenet Principatum ac potestatis auctoritatem.*

IX. Verum huic epistolæ ad Imperatores alia subjicitur ejusdem Adriani ad Tarasium hac nobilitata inscriptione: *Dilecto fratri Tarasio Patriarchæ Adrianus Episcopus servus servorum Dei, &c.* quæ indicat Romanos Pontifices habuisse Episcopos Constantinopolitanos pro Patriarchis, juxta Canonem IIII Constantinopolitanum & XXVI III Chalcedonensis Synodi. Principio autem Adrianus significat Tarasio se synodicam ejus confessionem grato animo accepisse. Confessio Synodica erant literæ solennes quas Patriarchæ statim atque essent ordinati, mittere consueverant ad alios Collegas suos Patriarchas, eisque sigillatim summam suæ fidei atque inter alia sex Synodos generales se admittere & servare ad unguem testificabantur: vide quæ de hac re supra in Historia quintæ Synodi cap. 9, num. 10. observavimus. Insuper etiam Tarasius addidit, se majorum traditionem de cultu imaginum suscipere: erat autem vir & summa pietate & eruditione percelebris: quam ob causam



fam illum ex laico in Archiepiscopum Constantinopolitanum cooptari voluit Imperator, ut olim S. Ambrosio, & Nectario contigisse legimus. Hæ autem epistolæ Patriarcharum de sua inauguratione ideo Synodicæ indigebantur, quod fierent in Synodo quam Patriarchæ eam ob causam indicebant. Secundo Adrianus memorat, Tarasium omnium primum exhibuisse picturam S. Joannis Præcursoris Domini digito agnum depictum ostendentis, id est, figuram gratiæ nobis collatæ per Christum, &c. quæ videbit lector. His perlectis literis, Vicarii Adriani Papæ sic Tarasium qui secundam Sedem obtinebat, affantur: *Dicat nobis sanctissimus Patriarcha Tarasius regie civitatis, si consentiat literis sanctissimi Papæ senioris Romæ Adriani annon?* Tarasius dixit, *Apostolum laudare sinceram fidem Romanorum atque Adrianum participem factum ejus fidei; se vero scrutando scripturas & syllogistice approbando rimatum esse: sicque quod confessus est confiteri & confessurum, consonare & confirmare, atque permanere in significatione literarum Adriani, quæ imaginæ descriptiones suscipiunt secundum antiquam Patrum traditionem: seque eas affectuoso amore adorare, &c.* Quam in sententiam omnes alii Patres septimæ Synodi abierunt. Porro, hic observatione dignum occurrit Tarasium dicere: *Quod confessi sumus confitemur, & confitebimur, consonamus & confirmamus atque permanemus in significatione literarum, &c.* hacque clau-

clausula ostendere quo sensu capienda sint vocabula concepta quibus Romani Pontifices dicunt se confirmare Acta Synodorum: quia hoc nihil aliud sonat quam ad aliorum sententiam & maiorem communionem sanctorum accedere, ut supra dictum est.

Actione IIII Gregorius Episcopus Neocæsareæ tationem suæ fidei reddit per libellum ut Actione secunda statutum fuit: quandoquidem interfuerat Synodo olim celebratæ contra sacras imagines: quare errorem suum ejurat & propterea admittitur ad gradum Episcopalem, cum retulisset se tempore persecutionis Iconoclastarum neminem percussisse, aut occidisse, vel percuti aut occidi curavisse, quoniam Canones vetant Clericum percussorem ad gradum suum obeundum admitti. His peractis, Constantinus Episcopus Cypri petit à Patritiis, ut quemadmodum literæ Adriani PP. ad Imperatorem & Tarasium lectæ fuerant, ita & literæ aliarum Sedium Patriarchalium Orientis legerentur, ut innotesceret an eadem sentirent & prædicarent cum literis Adriani. Quibus auditis Magnificentissimi Principes aut Patritii cum tota Synodo jusserunt legi: fitque legendi principium à Synodica Tarasii directæ ad tres Patriarchas Orientis ejusdem omnino argumenti & formæ cum literis synodicis quas idem Tarasius miserat ad Adrianum PP. Quare ubi perlectæ fuerunt, Vicarii Adriani dixerunt

Adria-

Adrianum similes literas recepisse, eamque ob rem illos misisse cum rescriptis Actione secunda lectis. Postea leguntur Synodicæ Patriarcharum Alexandrini, Antiocheni, & Hierosolymitani : quibus perlectis Vicarii Sedis Romanæ dixerunt : *Acquiescimus, quia secundum fidem quam recte Tarasius sanctissimus Patriarcha Constantinopolitanus est confessus, & Apostolicus Papa noster Adrianus suscipiens* U N A CUM VENERABILI SANCTA SYNODO QUÆ APUD IPSUM EST, *consentit, & eorum quæ illi confessus fuerat, communionem amplexus est : Et benedictus Deus quia Orientis sanctissimi summi sacerdotes concordēs in orthodoxa fide & adoratione venerabilium imaginum cum Adriano Papa Romano & Tarasio Patriarcha novæ Romæ inventi sunt : & qui ita non consentientur anathema sint à sanctis trecentis decem & octo Patribus qui hic ante collecti sunt. Sancta Synodus dixit : fiat, fiat fiat. Agapius Episcopus Casarea dixit : Destinatis ab Orientis sanctissimis Pontificibus sacratissimis literis ad Tarasium sanctissimum Patriarcham, his tanquam titulum orthodoxiæ suscipiens omnibus modis consentio & communionem recipio : & eos qui ita non sapiunt anathemati submiserim. Ita pariter omnes alii Episcopi censuerunt.*

Hinc autem duo potissimum colligimus : Primo, literas, quas Adrianus misit ad Imperatores & Tarasium, esse synodice factas, sicut de aliis Romanorum Pontificum literis docuimus in præcedentibus Conciliis : idque  
osten-

ostendit, Romanos Pontifices temporibus octo primorum Conciliorum omnia negotia Ecclesiastica conformiter ad quintum Canonem Synodi Nicænæ synodice tractare consuevisse : & tum *proprios motus* nondum in usu fuisse : hoc enim ab eo tempore quo synodi desierunt haberi increbuit, quod est sæpius dicendum. Secundo cognoscimus, omnia non ad unius Papæ arbitrium, sed ex communionem Sanctorum & regulis Aristocratici regiminis decerni.

Actione IV ex Consilio Tarasii Patriarchæ Constantinopolitani, innumera testimonia partim ex sacra scriptura partim ex Sanctis Patribus colliguntur & recitantur, quibus veneratio & cultus imaginum sacrarum confirmatur & illustratur : idque omnes Patres suis syngraphis auctorant : atque nobis modum sufficientis diligentiae atque instructionis propagandæ ad posteros indicant : de qua jam sæpe disputavimus, præsertim in prima Synodo Ephesina ex Capreoli Carthagenensis Episcopi rescripto.

Actione V idem Tarasius refert Iconoclastas esse imitatores Hebræorum, Saracenorum, Gentilium, Samaritanorum, Manichæorum, Theopaschitarum seu Phantasticorum, qui voluerunt exterminare usum imaginum : idque probatur allatis librorum plurimorum testimoniis & in hac librorum exhibitione hæretici orthodoxis, & maligni bonis opponuntur.

nuntur; inter alia autem apprime notanda facit Joannis Episcopi Thessalonicensis sententia, dicentis *Angelos & animas hominum non omnino esse incorporeales & invisibiles* : qui fuit Platoniorum atque etiam nonnullorum Patrum antiquorum, ut Tertulliani, error : cum ergo Thessalonicensis Episcopus ostendisset *Angelos pingi oportere quia circumscripti sunt & velut homines apparuerunt* : Et sancta Synodus dixit : *Etiam, Domine* : inde novatores hujus temporis inferunt septimam synodum in hoc turpiter erravisse. Sed facilis hujus calumniæ depulsio : quia dum sancta Synodus respondet Episcopo Thessalonicensi : *Etiam Domine*, hoc referri debet ad verba immediate præcedentia de pingendis Angelis : minime vero de iis quæ pagina integra distant scilicet *Angelos & animas esse corporeas* : hoc enim nequaquam approbavit synodus, Sed fuit peculiaris opinio Episcopi Thessalonicensis. Accedit in Synodis non attendi oportere ad ea quæ privatus aliquis narrat, sed ad solam Synodi definitionem, ut alias observatum est.

· Actione vi eduntur Acta pseudo-Synodi septimæ, in qua damnatæ fuerunt sacræ imagines.

· X. Actione vii Synodus concluditur cum generali recapitulatione eorum omnium quæ in sex præcedentibus Conciliis generalibus decreta fuerant. Quare iterum dicitur *Anathema Sergio, Honorio, atque aliis Monothelitis*.

Hac

*Hac formula : Deinde quoque duas voluntates & operationes secundum naturarum proprietatem in Christo predicamus , quemadmodum & Constantinopoli sexta Synodus exclamavit , abiciens Sergium , Honorium , Cyrum , Pyrrhum , Macarium & eos qui sine voluntate sunt pietatis , atque istis similiter sentientes ; &c. Deinde his conceptis verbis fanciunt imagines esse relative tantum non absolute adorandas. Id est, quatenus Deum aut sanctos repræsentant atque animus noster videns imaginem Christi aut sancti alicujus, se illuc refert prostratus ante imaginem : Definimus in omni certitudine ac diligentia sicut figuram præciosæ ac vivificæ Crucis, ita venerabiles ac sanctas imagines proponendas , tam quæ de coloribus quam & tessellis quam quæ ex alia materia congruenter in sanctis Dei ecclesiis & sacris vasis, & vestibulis, & in parietibus ac tabulis, domibus & viis, tam videlicet imaginem Domini Dei & Salvatoris nostri Jesu Christi, quam intemeratæ Domine nostræ Sanctæ Dei genitricis, honorabiliumque Angelorum, & omnium Sanctorum simul & aliorum virorum. QUANTO ENIM FREQUENTIUS per imaginalem formationem videntur, tanto qui has contemplantur alacrius eriguntur ad primitivorum earum memoriam & ad osculum, ET AD HONORARIAM HIS adorationem tribuendam. Non tamen ad veram latriam quæ secundum fidem est, quæque solam divinam naturam decet, impartendam. Ita ut istis, sicuti figuræ præciosæ ac vivificæ Crucis & sanctis Evangelii & reliquis sacris monumentis,*  
*incen-*

*incensorum & luminum oblatio ad harum honorem efficiendum exhibeatur: quemadmodum & antiquis pie consuetudinis erat. Imaginis enim honor ad primitivum transit: & qui adorat imaginem adorat in ea depicti subsistentiam, &c. Græce sic habent:*

ὅσα γὰρ συνήκως δι' εἰκονικῆς ἀνατυπώσεως ὁράνται, τοσούτοι καὶ οἱ ταύτης θεοῦ μορφῇ διακρίνεται, τοσούτοι τῷ ᾧ παροτρύνων μὴ μόνον καὶ ὁμιλήσιν. καὶ ταῦται: ἀσπασμὸν, καὶ τιμητικῶς προσκυλήσιν ὑπομένει, ἔτι μὲν τῷ ἑὐπρίστῳ ἡμῶν ἀληθινῶ λατρείᾳ, ἢ πρίπῳ μόνῃ τῇ θεῷ εὐχέλ. id est, *Quanto enim frequentius per imaginalem formationem videntur, imagines scilicet, tanto qui has contemplantur alacrius exurgunt ad memoriam & desiderium primitivorum & ad osculum & honorariam adorationem tribuendam: non tamen ad veram latriam quæ secundum fidem est, quæque solam divinam naturam decet. Hæc autem omnia Patres suis suffragiis atque subscriptionibus sigillatim comprobant & confirmant ad hunc modum. Petrus indignus primus presbyter Sedis sancti Apostoli Petri, & locum supplens Adriani Papa senioris Romæ definiens subscripsi. Tharasius misericordia Dei Episcopus Constantinopoleos novæ Romæ paterna dogmata sequens & traditionem Catholica Ecclesiæ definiens subscripsi: Joannes misericordia Dei Presbyter & Patriarchalis Syncellus, locum retinens trium Apostolicarum sedium, Alexandrinæ, Antiochenæ & Hierosolymitanæ, paterna dogmata sequens & traditionem Catholica Ecclesiæ definiens subscripsi: Thomas misericordia Dei Presbyter & Hegumenus Monasterii sancti Arsenii siti in Ægypto*

*super Babylonem retinens locum trium Apostolicarum sedium, Alexandrinæ, Antiochiæ & Hierosolymitanæ paterna dogmata subsequens & traditionem Catholicæ Ecclesiæ definiens subscripsi.* Et ita omnes Patres continuant: idque sicut Aristocratici regiminis continuationem comprobant, sic absolutam Curialium monarchiam profligant.

Ad calcem ejusdem Actionis septimæ in omnibus editionibus Conciliorum, legitur Epistola synodica quam Tarasius nomine Synodi ad Constantinum & Irenen Imperatores, pro confirmatione gestorum obtinenda scripsit: qua in epistola summam gestorum recenset & diserte narrat cunctos Patres definitionibus omnium Synodorum præcedentium subscripsisse, atque Sergium, Honorium, Cyrum & Pyrrhum cum æcclis damnasse, &c.

Quod spectat ad Actionem VI I I. editio Romana causatur non reperiri apud Anastasium Bibliothecarium qui Acta septimæ Synodi conscripsit: sed factam fuisse post Synodi conclusionem: continet autem unum & viginti Canones, quorum major pars antiquos renovat & explicat. Alias docui Vicarios Scdis Apostolicæ de more habuisse, idque ex instructionibus sibi datis, non interesset Actionibus quibus Canones conderentur, ne forsan alligare putarentur Sedem Romanam Canonibus servandis: sicque sensim se supra omnes Canones extulisse. Huic octavæ Actioni sub-

jici-



jicitur ejusdem Tarasii epistola nomine Synodi scripta ad Adrianum PP. cui compendium actorum enarrat, atque inter alia *cum sedissent in concilio caput Synodi fecisse Christum, proposito in sancta Sede Evangelio sancto, contestante omnibus sacratis viris qui convenerant, ut justum judicium judicarent inter Sanctam Dei Ecclesiam & novitatem qua facta est: ac primum perlectas fuisse Adriani Papæ literas, quæ omnibus pralucebant: eisque literas Sedium patriarchalium Orientis subjunctas, &c.*

XI. In limine septimæ Synodi editionis Romanæ occurrunt duæ epistolæ Gregorii II PP. ad Leonem Isaurum Imperatorem Iconomachum, quarum posteriore Gregorius discrimen Ecclesiasticæ & politicæ potestatis sic egregie describit: *Vides Imperator Pontificum & Imperatorum discrimen: Si quispiam te offenderit domum ejus publicas & spoliis, solam illi vitam relinquens: tandemque illum etiam vel suspendio necas, vel capite truncas, vel relegas: cumque longe à liberis & ab omnibus cognatis & amicis suis amandas. Pontifices non ita, sed ubi peccarit quis, & confessus fuerit, suspendii vel amputationis capitis loco, Evangelium & Crucem ejus cervicibus circumponunt, eumque tanquam in carcerem in secretaria, sacrorumque vasorum araria conjiciunt, in Ecclesiæ diaconia, & in catechumena ablegant, ac visceribus eorum jejunium, oculisque vigilias & laudationem oris ejus indicunt. Cumque probe castigari probeque fame afflixerint, tum pretiosum*

*illi Domini corpus impartiant, & sancto illum sanguine potant: & cum illum vas electionis restituerint, ac immunem peccati, sic ad Dominum purum infontemque transmittunt. Vides Imperator Ecclesiarum Imperiorumque discrimen? Quam Epistolam offendes pariter apud Severinum Binium Tomo III Conciliorum inter Gregorii II epistolas. Ex qua discimus, Ecclesiam Romanam illis temporibus adhuc usam publica poenitentia, nullosque alios habuisse carceres quam secretaria aut sacristiam, ut hodie vocant: & continuo nondum potestatem indirectam in rebus temporalibus ad mentem Curialium sibi assumpsisse: hæcque eo notabiliora censentur, quod singant eundem Gregorium II prima jecisse fundamenta temporalis monarchiæ Romanorum Pontificum, exauctorando Leonem Isaurum & transferendo Imperium in Reges Franciæ: quod fabulosum esse ostendimus supra.*

XII. In eadem Romana editione Conciliorum post Gregorii II epistolas extat Præfatio Anastasii Bibliothecarii in septimam Synodum, quam nuncupat Joanni VIII PP. triaque præsertim digna observatione completitur. Primo, Stephanum Papam decrevisse quinquaginta solum Canones Apostolorum esse recipiendos: deinde Joannem VIII. voluisse omnes admitti: legendus Gratianus *dist. 16. Can. Placuit*: & notandum hoc factum à Joanne VIII. eo quod antea *in Synodo Trullensi*  
*Quini-*

*Quini-sexta*, decretum fuisset, ut octoginta quinque Canones qui dicuntur Apostolorum reciperentur, Canone 111 ejusdem Synodi Trullensis.

XIII. Cæterum hos Canones Apostolorum collectos fuisse ab aliquo ex omnibus Canonibus Conciliorum cum generalium tum provincialium tempore quintæ Synodi, & sub nomine Canonum Apostolorum editos ac tandem ab Ecclesia Orientali & Occidentali receptos arbitror. Secundo Anastasius memorat Græcos Patriarcham Constantinopolitanum vocare œcumenicum, non quod universi orbis præsulatum teneat, sed cuidam parti orbis præsit quæ à Christianis habitatur ut paulo ante docui. Tertio Gallos tum temporis non consuevisse adorare imagines : *ajunt namque quod non sit quodlibet opus manuum adorandum : quasi non sit Codex Euangeliorum opus manuum hominum, quem quotidie osculantes adorant : similiter & forma sanctæ Crucis quam se adorare omnes ubique Christiani fatentur*, inquit. Verum ego quidem non ambigo à primis Ecclesiæ Christianæ incunabulis, sacras imagines in usu fuisse : sed Caroli Magni seculo, cum ritus eas adorandi introducèretur, sicut omnia nova semper aliquid habent admirabilis, insoliti ac suspecti. Ideo hoc multos perculisse, quousque usu diuturno ritus novus adorationis mitesceret. Hercle B. Gregorius Magnus, lib. VII sub finem Epistolæ 53 scribens cui-

T t 3

dam

dam recluso qui ab eo Christi imaginem flagitarat, explicate respondet, non esse adorandas imagines: Scio quidem, ait, quod imaginem Salvatoris nostri non ideo petis ut quasi Deum colas, sed ob recordationem Filii Dei in ejus amore recalescas, cujus te imaginem videre consideras. Et nos quidem non quasi ante divinitatem ante illam prosternimur, sed illum adoramus quem per imaginem aut natum aut passum, sed in throno sedentem recordamur. Et dum nobis ipsa pictura quasi scriptura ad memoriam Filium Dei reducit, animum nostrum aut de resurrectione latificat; aut de passione demulcet. Item epistola 109 ejusdem lib. ad Serenum Massiliensem Episcopum, qui imagines confregerat & ex Ecclesia projecerat: Præterea, inquit, dudum ad nos pervenit, quod Fraternitas vestra quosdam imaginum adoratores aspiciens, easdem Ecclesiæ imagines confregit atque projecit. Et quidem zelum vos, ne quid manu factum adorari possit, habuisse laudamus, sed frangere easdem imagines non debuisse judicamus. Idcirco enim pictura in Ecclesiis adhibetur, ut si qui literas nesciunt, saltem in parietibus videndo legant que legere in codicibus non valent. Tua ergo Fraternitas & illas servare, & ab eorum adoratu populum prohibere debuit: quatenus & literarum nescii haberent unde scientiam historię colligerent, & populus in picturæ adoratione minime peccaret. Verum ex epistola nona libri noni Gregorii colligimus Serenum Massiliensem inductum ad confringendas imagines, eo quod versaretur inter

Gen-

Gentiles & Paganos , quos S. Gregorius hac via posse ad religionem Christianam allici docet: *Aliud est enim picturam adorare, inquit, aliud per pictura historiam quid sit adorandum addiscere. Nam quod legentibus scriptura, hoc idiotis præstat picturam cernentibus: quia in ipsa etiam ignorantes vident quod sequi debeant: in ipsa legunt qui literas nesciunt: unde & præcipue Gentibus prolectione pictura est. Quod magnopere à te qui inter Gentes habitas attendi debuerat: ne dum zelo incaute succenderis, ferocibus animis scandalum generes, Demum sic concludit: Si quis imagines facere volueris minime prohibe: adorare vero imagines omnibus modis evita. Sed hoc solícite Fraternitas tua admoncat, ut ex visione rei geste ardorem compunctionis percipiant, & in adoratione solius omnipotentis sanctæ Trinitatis humiliter prosternantur, &c.* Qui locus S. Gregorii laudatur ab Hincmaro Archiepiscopo Rhemenfi opusculo contra Hincmarum nepotem suum cap. 25. quod conscripsit tempore Joannis VIII PP. centum ferme annis post septimam Synodum. Et hinc duo colligimus ex Hincmaro, alterum, consuetudinem adorandi imagines ne quidem tum usitatam fuisse in Gallis, ut ipsemet testatur Anastasius, continuoque septimam Synodum, non receptam fuisse à nostris: ac verissimum esse tempore Caroli Magni adorationem imaginum Synodo Parisiensi prohibitam. Causam autem cur imaginum cultus ad Gallos serius pervenerit hanc

esse conjicio, quod à Regibus non ab Imperatoribus Galli gubernarentur: siquidem ratio adorandarum imaginum primum ab analogia & similitudine honoris quem primi Christiani Imperatorum imaginibus exhibebant, manavit, ut ex septima Synodo Actione prima facile inimus. Ubi Basilius Episcopus Ancyrae professionem suae fidei coram Synodo emittens: *Si enim inquit, Imperatorum laureatae & iconas missas ad civitates vel regiones obvii addeunt populi cum cereis & incensis, non cera persusam tabulam sed Imperatorem honorantes: quanto magis oportet in Ecclesiis Christi Domini nostri iconem depingi, Salvatoris Dei nostri & intemeratae matris ejus, &c.* Hæc ibi. Certe Historiarum monimenta nos docent ab eo tempore quo Imperatores nomen dederunt Christianae religioni, & pax data est Ecclesiis, illorum imagines in templis Christianorum erigi atque honorari solitas, praesertim Romae & Constantinopoli quæ Sedes erant Imperii: unde postea quasi à minori ad majus, Ecclesia Martyrum atque aliorum sanctorum imagines pedetentim erigi & honorari in templis permisit, ducta similitudine & proportionem ab Imperatorum simulacris. Hucque referri debet Historia Philippi Imperatoris Monothelæ, cujus imaginem in Ecclesiam introduci populus Romanus non passus est, teste Beda lib. de sex Ætatibus mundi. Et hæc de priore collectaneo. Ex quo discimus decreta septi-

mæ

mæ & octavæ Synodi de adorandis imaginibus, fero transiisse ad Gallos : qui tamen unitatem cum aliis Ecclesiis adorantibus imagines & continuo pacem atque charitatem servabant : quandoquidem decreta Conciliorum non obligant priusquam recipiantur, ut de Synodo Tridentina patet. Alterum collectaneum est, rationem adorandarum imaginum, teste B. Gregorio, multa indigere ratiocinatione, nec parva implicatam esse difficultate, ut ipsemet Bellarminus fatetur l. 11. de Imaginibus cap. 22. dum ait *Doctores de imaginum adoratione disputantes, cogi subtilissimis distinctionibus uti, quas vix ipsimet intelligunt, nedum populus imperitus.* Unde ego coram populo à nomine adorationis esse abstinendum, atque solo venerationis, cultus, aut honoris nomine uti oportere cense-rem. Legendus idem Bellarminus eodem lib. à cap. 20 ad 27. Certe hæc adoratio tantum homonyma est, ut Scholastici loquuntur. Utque amplius pateat quam necesse sit populum in hac re erudiri, hic certissimam narrabo historiam : Puer quidam quatuordecim circiter annos natus, cum quartana febre diutissime laborasset, atque omnia remedia quæ à medicis præscribi solent absorpsisset, tum demum ejusdem pueri mater non quidem idiota, ab alia tamen foemina idiota persuadetur, votum novendiale coram B. Virginis imagine quæ brachio. dextero Jesum Christum Filium gestaret esse peragendum : sed



peropus esse ut ille ipse puer quartana tantatus proprio ductu, industria & labore per omnes ecclesias urbis ejusmodi imaginem indagaret, cavendumque ne ei à quoquam indicaretur: quia alioqui preces irritæ forent. Quid plura? Puer ille tandem inter multas imagines eam invenit quam illa mulier superstitiosa designaverat, quamque statuarius contra rationem & decorum artis suæ, nisi forte esset Scævola, exsculpserat (solent enim pictores & statuarii qui fœminas pueros bajulantes efformant, dexteram manum liberam fœminis ad usum relinquere) atque votum novemdiale peregit idololatrica superstitione implicatus; quia imago virginis dextera quam sinistra manu Christum gestans nihilo magis veneratione digna est.

## CAPUT. XII.

- I. *Historia Synodi VIII. quam Basilius Caesar indixit, eique præsedit: & de ejusdem literis quæ initio Concilii leguntur, ut ordini rerum agendarum præulgeant: & de signo S. Crucis quod una cum sanctis Evangelii in medio confessu Patrum erigitur.*
- II. *Senatus ab Imperatore constitutus in hac Synodo petit à legatis Romana Sedis & Sedium Orientalium ut literas exhibeant, quibus de eorum missione & facultate pateat.*
- III. *Vicariis Romana & Sedium Orientalium rationem reddunt judicii & rerum à se gestarum adversus Photium, quem non viderant nec audierant.*
- IV. *Senatus ab Imperatore constitutus Photium & affectas audiri petit à Synodo, idque Synodus decernit repugnantibus Vicariis Romana Sedis.*
- V. *Nicolaum PP. testari causam firmitatis judicii Sedis Apostolica manare ab inviolabili Canonum observatione.*



- VI. *Gesta Romana Synodi Nicolai PP. adversus Photium leguntur in Synodo coram ipso Photio.*
- VII. *Adventus Basilii Imperatoris ad Synodum ut ei præsideret : & de concertatione Metrophanis Metropolitæ cum Photianis , quibus Metrophanes demonstrat universa quæ Nicolaus PP. gessit in Photium esse Canonibus conformia.*
- VIII. *Protreptica oratio Imperatoris ad Photium ejusque affectas , ut eos flectat ad penitentiam & culpam deprecandam.*
- IX. *Expostulatio Adriani II. PP. adversus Photium quod contra Canones sententiam excommunicationis tulisset in Nicolaum PP. fateturque Adrianus consensu Sedis Apostolicæ Honorium damnatum à Patribus VI Synodi.*
- X. *In omnibus octo primis Conciliis nullam fieri mentionem Presbyterorum aut Diaconorum Cardinalium , quamquam ibidem Archipresbyteros & Archidiaconos subscripsisse legantur.*
- XI. *De septem & viginti Canonibus quos Patres Synodi VIII condiderunt ad optime regendam Ecclesiæ disciplinam.*
- XII. *De quadruplici Ecclesiæ tribunali : & cur & quando patriarchale tribunal erectum fuerit.*
- XIII. *De Metropolitanorum promotione per concessionem Pallii , & unde & quando hic mos invaluerit.*
- XIV. *Synodum provincialem intermittere oportere propter Synodum Patriarchalem.*
- XV. *Canon Synodi VIII. contra adulatores Principum , volentes persuadere Synodos haberi non posse absque Regum & Principum presentia.*
- XVI. *De privilegiis Ecclesiæ concessis ab Imperatoribus aut Principibus secularibus.*
- XVII. *Patres habita ratione expostulationis Adriani PP. conquerentis de Photio quod Nicolaum PP. excommunicasset , statuunt non esse temere proferendam sententiam in primum Sedem : & continuo declarant Papam à Concilio judicari posse.*
- XVIII. *Episcopos sacris electionibus instituendos , atque in-vitis Episcopum dari non posse teste Cardinali Cusano.*
- XIX. *Canon de Metropolitanis cogendis in ordinem , ne se cæcis secularibus immisceant.*
- XX. *Canone XXVI. Canones Nicæni partim probantur partim eisdem derogantur ut tribunal patriarchale erigatur : quoniam*

niam soli minores clerici iudicio Metropolitanorum permittuntur: Episcopi autem atque Metropolitanis solis Patriarchis respective & proportionatim iudicandi reservantur.

XXI. *Conclusio Synodi qua tertio dicitur anathema Honorio P.P. propter Monotheletismum: & Imperator petit à Patribus utrum definitio Concilii communi omnium consensu facta sit: quod indicat Ecclesiam aristocratico regimine non absoluto imperio gubernari.*

XXII. *Anastasius Bibliothecarius ea esse genuina VIII: Concilii Acta testatur, quæ ex Græco in Latinum vertit, atque scriniis Romanis asservantur.*

XXIII. *Ignatii Patriarchæ Constantinopolitani cum Joanne VIII. Papæ altercatio propter Archiepiscopatum Bulgaria: atque Photium mortuo Ignatio admissum ad Constantinopolitanum Episcopatum regendum.*

I. **O**ctavum generale Concilium, quatum Constantinopolitanum ideo nominatur, quia Constantinopoli habitum est anno 870. Illud Basilius Augustus indixit partim ut disciplina ecclesiastica collapsa, partim quoque ut Ignatius Patriarcha Constantinopolitanus in sedem suam restitueretur: duorumque & centum fuit Episcoporum. Anastasius Bibliothecarius præfationem in hanc synodum texit, in qua causas indictionis sigillatim recenset. Enimvero Ignatius Michaëlis Balbi Cæsaris filius cum à primis annis invidia & malevolentia suorum exfectus fuisset, grandior vitam monasticam sponte delegit: in qua tantum eruditione, pietate aliisque optimis institutis profecit, ut tempore Michaëlis Imperatoris & Theodoræ Augustæ matris post Joannis Episcopi Constantinopolitani Iconomachi obitum, totius cleri &

& populi consensu in Constantinopolitanum Episcopum cooptari meruerit:reclamantibus tamenGregorio Syracusano & Petro Sardenfi Episcopis ; quos Photius vir Senatorius qui Michaeli Cæsari erat à secretis,adversus Ignatium exstimulabat.Hæc ille est Photius seculi sui eruditissimus, cujus doctissimam habemus Bibliothecam & Nomocanonem : qui quidem Ignatio apud populum invidiam creabat, cumque nominis & memoriæ Methodii sanctissimi Patriarchæ Constantinopolitani populo charissimi parricidam nuncupabat: verumtamen Ignatius annuatim diem anniversarium Methodii pie celebrabat: sed hoc simulate & metu populi ab Ignatio fieri prædicabat Photius, ut auctor est Anastasius Bibliothecarius. Tum certa & constans erat fama, Bardam Patricium Theodoræ Augustæ matris Cæsaris fratrem, qui conjugii suæ repudium dixerat, incestus consuetudinem cum propria nuru habere: qua de causâ Ignatius multoties Bardam privatim monuit ut à tam nefario scelere abstineret: idque nisi faceret, tandem se illum anathemate percussurum minitatum. Quibus de causis Bardas Ignatio infensus, Michaeli Imperatori nepoti suo ex Theodora sorore persuadet, Ignatium Theodoræ matri (quæ consors regiminis Imperii & in florenti erat ætate) consuliisse, ut ad secundas convolaret nuptias: eo quod Ignatius novi Imperatoris Theodoræ

ma-

mariti se socium fore in Imperii gubernatione speraret: porro nullum huic malo certius atque praesentius remedium occurrere, quam si Imperator Ignatio praeciperet ut Theodoram matrem cum Thecla filia sorore ipsius Imperatoris tonderet, ac in monasterium detruderet. Hæc autem Michaël Imperator admodum juvenis cum Ignatio imperasset, hicque id facere propterea detrectaret quod apprime sciret Theodoram & Theclam filiam hoc genus vitæ non delegisse: Imperator dolis & fabricis Bardæ vehementius contra Ignatium exacerbatus, quasi de Cæsare interimendo Consilia habuisset, illum confestim in insulam deportari, atque propriam matrem cum Thecla sorore tonsas palatio expelli & monasterio concludi jubet. Ignatius autem decedens rem antea actis seculis inauditam tentat, quæ iter ad schisma intrueret, hoc est, Clerum Constantinopolitanum, qui eum invisebat, anathemate obstrinxit, si quemquam alium Episcopum, quandiu ipse superstes existeret, ad Sedem Constantinopolitanam regendam admitteret. Cujus rei Bardas scelerrum opifex certior factus, tantis quidem calamitatibus Ignatium exulantem afflictauit, ut tum demum Episcopatum ejurare compulerit. Photius hanc occasionem nactus Barda juvante, auctor fuit Imperatori cogendi Synodum ut aliquo justitiæ prætextu Ignatius abdicaretur: quem ad conventum soli Episcopi metu

metu aut adulationibus corrupti vel Ignatio infesti convolarunt, ac deposito Ignatio Photium in ejus sedem sufficiunt. Qui quidem cum de more usitato literas synodicas de sua ordinatione misisset Romam atque veritatem Actorum, quam Nicolaus Papa aliunde hauserat celavisset: id occasionem præbuit Nicolao ea de re conquerendi, atque Rodoaldum Portuensensem & Zachariam Anagninum Episcopos mittendi Constantinopolim ad celebrandam Synodum cui Ignatius interesset, ac pro se ipse diceret. Sed cum Nicolai legati, Photii largitionibus corrupti, atque Ignatius in eorum oculis iterum damnatus fuisset: hoc quam primum rescivit Nicolaus non modo Photium, verum etiam proprios nuncios male multavit: præsertim quod literas apostolicas legi in synodo minime curavissent, ac insontem Ignatium abdicari passi essent. Proculdubio Actione prima Synodi VIII consignatum legimus, Nicolai legatos Imperatorem decepisse, atque in omnia alia ivisse quam quæ eis à Sede Apostolica erant: quod certissimum est argumentum corruptelæ: verum tamen Anastasius illos quantum potest excusat. Sed postquam Ignatius hac pseudo-Synodo damnatus est, clerusque & populus Constantinopolitanus magis indies à Photii communione abhorreret: Photius Bardæ atque Imperatoris gratia fultus, gravissime in populum & clerum deserviebat: adeo quidem

ut

ut permulti Episcopi fuga vitæ propriæ confulere atque deserta quærere cogerentur. Interea dum Photius ut sese contra adversos motus instrueret, pseudo-Synodum Imperatore præfidente habet, & Nicolaum P. P. sibi resistentem anathemate ferit, multis Episcopis, qui Synodo aderant, clamantibus, *Canones vetare Sedis superioris Episcopum ab inferioris Sedis Episcopo damnari.* Cujus historiæ, Nicolai P. P. epistolas ad Michaclem Imperatorem testes habemus; & præsertim epistolam octavam paulo ante medium his conceptam verbis: *unde Joannes Antiochenus tertia Sedis Episcopus inter cætera legitur in Ephesina Synodo usque ad correctionem damnatus, quia Cyrillum Alexandrinum secunde Sedis Episcopum irregulariter damnationi præsumpsit addicere.* Et aliquanto post ex Gelasio epistola ad Episcopos per Dardaniam constitutos: *Si certe de dignitate agitur civitatum, secunde Sedis & tertia major est dignitas sacerdotum, quam ejus civitatis quæ non solum inter Sedes minime numeratur, sed nec inter Metropolitanorum jura censetur.* Addit, *nec ab inferiore qualibet, sed à prima Sede secundam Sedem absolvi, &c.* Quæ Gelasii & Nicolai responsa secundum illorum temporum disciplinam capienda sunt, puta ut Sedis superioris Episcopi & Patriarchæ operam darent quatenus Synodus indiceretur ab Imperatore, ut causa Episcopi Sedis inferioris canonice examinaretur, sicut factum docuimus in causa

B.

B. Athanasii cap. 111. hujus libri. Cæterum in-  
gravescente indies populi odio adversus Pho-  
tium, contigit, ut Michaël Imperator qui &  
propriam matrem atque ipsummet Bardam  
occidi voluerat, trucidaretur; atque in ejus lo-  
cum Basilius sufficeretur, pius quidem Prin-  
ceps, qui tot scelerum atque etiam erroris I-  
conoclastarum pertæsus, tantis malis, ope ge-  
neralis Concilii medicinam facere constituit:  
eamque ob rem Synodum VI I omnibus Pa-  
triarchis indixit, in qua Ignatius restitutus est  
in integrum: cujus Synodi hic principium lu-  
bet exscribere ex editione Romana Concilio-  
rum generalium & Anastasii Bibliothecarii  
versione, quæ sola est genuina, ut ipse testatur.

II. *In nomine Patris & Filii & Spiritus Sancti  
Amen. Anno tertio Consulatus amicorum Christi  
& piissimorum Imperatorum nostrorum Basilii &  
Constantini perpetuorum Augustorum, Indictione  
tertia, mense Octobris die quinta, &c. Propositis  
pretiosis & vivificis lignis & intemeratis salutis no-  
stræ Evangelii in dextris partibus Catechumenio-  
rum nominatissimi templi sanctæ & magni & nomi-  
nis Sophia, convenientibus autem Donat, & Ste-  
phano Deo amabilissimis Episcopis & Marino vene-  
rabili Diacono locum tenentibus Adriani sanctissimi  
ac beatissimi Archiepiscopi senioris Romæ, & Igna-  
cio honorabilissimo Archiepiscopo magni nominis  
Constantinopoleos novæ Romæ, & sanctissimis Vi-  
cariis Orientis, Thomæ videlicet sanctissimo Metro-  
polita Tyri, locum tenente Sedis Antiochiæ; eo quod  
eadem viduata esset Ecclesia; & Helia Dei cultor*

*Presbytero & Syncello locum tenente Theodosii sanctissimi Archiepiscopi Sedis Hierosolymorum. Deinde SECUNDUM JUSSIONEM AMICORUM Christi & piissimorum magnorum Imperatorum nostrorum Basilii & Constantini, presentibus & audientibus laudabilissimis Patriciis videlicet Theodoro laudabilissimo Patricio & Præposito, Hemerio laudabilissimo Proconsule ac Patricio Theophilo, &c. His ergo congregatis : sanctissimi Vicarii senioris Romæ, & Ignatius sanctissimus Archiepiscopus Constantinopoleos & honoratissimi Vicarii Orientis dixerunt: Ingrediantur Episcopi omnes quotquot laboraverunt & certaverunt pro verbo veritatis, utpote consentanei Ignatii sanctissimi Archiepiscopi Constantinopoleos : & ingredientibus illis, Nicephoro videlicet Metropolitæ Amasiæ, Joanne Metropolitæ Silei, Niceta Metropolitæ Athenarum, &c. sanctissimi Vicarii senioris Romæ & Orientis dixerunt : Sedcant secundum ordinem suum, quia digni sunt, & beatos & ter beatos existamus. Et Seditibus eis, stans in medio Bahanes Patricius & Præpositus ad sanctum Synodum dixit : Imperator noster sanctus Epanagosticum transmisit, & si jubetis & placet vobis recitetur coram sancta Synodo. Sanctissimi Vicarii senioris Romæ & Orientis dixerunt : Placuit nobis sermo, & accipiens Theodorus vir devotus à secretis legit : Cum divina & benignissima providentia nobis gubernacula universalis navis commisisset, omne studium arripuimus, & ante publicas curas ecclesiasticas contentiones dissolvendi, & procellas, quæ per multos annos ex invidia odientis bonum Sathana*



*expansæ sunt, in stabilem tranquillitatem per meliorem quandam provisionem transferendi, &c. Narrat vero sibi propositum Sedes Patriarchales in unam Synodum cogere ac Deum optimum maximum illum voti sui compotem fecisse atque Vicarios Sedis Romanæ, Antiochiæ & Hierosolymorum cum Episcopis ad Concilium convenisse; unde illos sic affatur: Commonemus & cohortamur omnes vos fratres, ut cum multo pudore & reverentia conveniatis ad sanctam hanc universalem Synodum, tanquam & communem & universis aptam, atque sine livore medelam, nullam vitiosam motionem vel affectum ferentes, nec ad contentiosam voluntatem respicientes, sed potius vinci bene quam vincere culpabiliter ac injuste scientes. Sic enim unusquisque qui vitiatam interiorem patitur sanitatem respiciet, &c. Deinceps omnes Prælatos qui potestatem synodici iudicii divinitus acceperunt rogat & obtestatur, ut omni gratia atque odio positis, impassibili beatæque naturæ assimilentur, ita ut personam in iudicio non accipiant. Quibus perlectis Vicarii senioris Romæ dixerunt: Ista res universalis est, & pertinens ad utilitatem Ecclesiæ, & bene jussurunt Imperatores nostri sancti, & nobis omnibus. Thomas & Helias sanctissimi Vicarii Orientis dixerunt: Placuit & nobis similiter. Et sacer Senatus dixit: & nobis omnibus placuit. Et surgens iterum Bahanes Patricius dixit: Episcopi petunt una cum Senatu ut certificentur hora ista unde sitis & quam potestatem vel quales literas habeatis. Donatus &*

*Stephanus sanctissimi Episcopi, & Marinus Diaconus Vicarii senioris Romæ dixerunt : Hoc nos usque nunc non invenimus in universalī Synodo factum, ut Vicarii senioris Romæ à quolibet perpendantur, utrum talem existimationem habeant. Babanes dixit. Et nos propter inhonorantiam Apostolici throni non dicimus hoc, sed quia ANTERIORES VESTRI ACCEDENTES MISSI RODOALDUS SCILICET ET ZACHARIAS DECEPERUNT NOS, alia in mandatis habentes, & alia facientes. Sanctissimi Vicarii senioris Romæ dixerunt : Ergo ut omnem dubitationem emittamus è cordibus vestris & verbis & operibus certificemus vos, quia secundum ea quæ mandata & iussa sunt nobis ita & disponemus : Ecce & epistolas habemus ad Imperatorem & Patriarcham, & si jubetis legentur. Et rursus iidem ipsi dixerunt : Piusissimus & amicus Christi Imperator, & sanctissimus Ignatius Patriarcha Constantinopoleos miserunt Apocriarios suos, nobilissimos viros & fidelissimos sancti Imperii sui & Ecclesiæ Dei, Joannem Metropolitā Silei & Basilium Spatarium amplissimum virum ad Beatissimum Papam Nicolaum : sed quoniam ille ad Dominum profectus est, suscepit epistolam Adrianus ejus successor, sanctissimus Papa senioris Romæ, rogantes eum ut mitteret Apocriarios suos Constantinopolim, quatenus error & zizania extirparetur de Ecclesia Constantinopoleos, &c. Itaque epistola Adriani II. PP. ad Basilium Imperatorem legitur : qua perlecta Vicarii senioris Romæ cum tota Synodo petunt ut similiter literæ commendatitiæ Sedum*

dium Orientalium legerentur. Quibus perlectis Bahanes famosissimus Patritius & præpositus ex persona totius Synodi dixit tanquam ordini Concilii auctoritate Imperatoris præsidens: *Per literas formatas quæ lectæ sunt credimus esse per omnia in perfectâ certitudine eos qui missi sunt à seniori Roma ad nos veraces esse: similiter & Orientis duarum Sedium Antiochiæ & Hierosolymæ.* Dehinc Vicarii Sedis Romanæ petunt ut legatur libellus missus ab Ecclesia Romana, quo omnes hæreses cum Iconomachis & Photio anathematizantur: quamobrem Latine primum, deinde Græce perlectus est: hocque illustrissimo donatur principio: *Prima salus est rectæ fidei regulam custodire: deinde à Constitutis Dei, & Patrum regulis nullatenus deviare: unum quippe horum ad fidem pertinet, alterum ad opus bonum; sicut enim scriptum est: Sine fide impossibile est placere Deo, sic rursus legitur: Fides sine operibus mortua est, &c.* Tum perlecto libello Bahanes præpositus ex persona sacri Senatus ad Vicarios Orientis dixit: *Dicite & ipsi manifestius quid videatur vobis super lecto libello: putas concordatis Romanis annon. Sanctissimi Vicarii Orientis dixerunt: Concordamus, legatur autem & hic definitio quæ à nobis exposita est, ut cognoscatis concordiam nostram. SS. Vicarii senioris Romæ dixerunt: Legatur.* Verum hæc definitio Orientalium facta erat Constantinopoli priusquam legati Sedis Romanæ illuc appulissent. Orientales enim certi quod Nicolaus Photium

damnasset, cum per duos circiter annos moram fecissent Constantinopoli, tandem suam dixerunt sententiam : causanturque *perspecta mora & tarditate Vicariorum Sedis Romanæ, quod sibi Orientalibus magnum impenderet periculum ab Agarenorum tyrannide qui totum Orientem occupaverant : Itaque non justum esse sed superfluum & supervacuum putare diutius Romanæ Sedis Vicarios expectare : præsertim cum ea quæ Romæ regulariter & synodice gesta sunt à Nicolao præ manibus habemus : ita ut hinc constet & Nicolaum & Adrianum per proprias Epistolas esse ejusdem sententiæ nobiscum : Itaq; ineptum & incongruum omnino putamus despicere fluctuantem Christi & Salvatoris nostri Ecclesiam per dilationem dispositionis quæ illi debetur, &c.* Declarent ergo se capitibus, se concordēs esse sententiæ Sedis Romanæ, & tum demum concludunt eos qui definitioni Papæ Nicolai & suæ refragari ausi fuerint anathema contracturos : quippe qui irrideant Christi veri Dei munificentiam, quam dedit sacerdotibus, dicens : *Quemcumque ligaveritis super terram erit ligatus & in cælis, & quemcumque solveritis super terram erit solutus & in cælis, &c.*

III. Quibus perlectis, SS. Vicarii senioris Romæ assensum sunt, & dixerunt ad sanctam Synodum : *Placet vobis ? Sancta Synodus exclamavit : Placet omnibus.* Et post hoc facer Senatus per Bahanem Patritium dixit Vicariis Sedis Apostolicæ Romanæ : *Nos quidem acquiescimus iis quæ jussit judicium vestrum, sed convenit ut jubeatis*  
*alia,*

*alia, quæ si audiverimus juvabunt nos: Cum Photium non videritis quo modo eum condemnastis? quo modo protulistis adversus eum anathema, dicite nobis? SS. Vicarii senioris Romæ dixerunt: B. Petro Apostolo donavit potestatem Christus & Deus noster dicens ei: Petre, ecce Sathanas expetivit cribrare te sicut triticum: Ego autem rogavi pro te ut non deficiat fides tua, & tu aliquando conversus confirma fratres tuos. Concluduntque Papam Nicolaum debuisse Ignatium afflictum confirmare: atque perspectis literis Photii qui Sedem Ignatii invaserat, illum tanquam præsentem per epistolas & Apocristarios Photii & Michaëlis Imperatoris quos Nicolaus audiverat condemnasse: eamque ob causam Nicolaum Papam convocasse omnes Occidentales Episcopos, Archiepiscopos & Metropolitæ, & omnem Clerum sanctæ Romanæ Ecclesiæ ac totum Senatum Principum Romanorum, ac damnasse libellum & concilium malignantium quod factum erat adversus SS. Ignatium, & deposuisse Apocristarios suos Rodoaldum & Zachariam ab omni honore sacerdotali & communionem, quoniam assensu fuissent Photio & Concilio malignantium. His peractis surgens Bahanes ex persona sacri Senatus interrogavit Orientis Vicarios: Et vos qui per multum tempus hic Constantinopoli fuistis, quo modo prope habentes Photium non eum quæsiistis & vidistis & auditum condemnastis? Respondit Helias Syncellus locum tenens Archiepiscopi Hierosolymorum: Nostis quia Spiritus Sanctus qui loquutus est in Prophetis, ipse & in A-*

postolis est affatus & omnia quaecumque gesta sunt à patribus nostris olim & in lege posita sunt, & gratia spiritali consistunt : & ideo Patriarchalia capita in mundo posuit Spiritus Sanctus, ut per ea scandala pullulantia exterminentur, & pàcifica constitutio interveniat in Ecclesia. Igitur cum Sedes senioris Romæ præsidens ac præcedens non receperit Photium, neque etiam tres throni Orientis, -videlicet Alexandria, Antiochia & Hierosolymorum : non opus erat illum vocare ad examinationem & rejudicationem : hujusmodi enim Actiones de iis qui recepti sunt in Ecclesiis Dei & in cunctis Sedibus fieri solent. Cum ergo nullum alium Patriarcham Constantinopolitanum præter sanctum hunc virum Ignatium agnoverimus, nihil opus fuit cum Photio conferre. Addunt Photium quosdam viros misisse Romam & Antiochiam ex parte Imperatoris ut secum communicarent, sed omnes Sedes noluisse cum illo communicare. Itaque concludunt recte judicatum esse. His auditis Sacer Senatus surgens, dixit : Benedictus Deus, qua meruimus videre sanctam diem istam, ecce hæc omnia secundum rationem veritatis terminata sunt. Deinde stans Stephanus Diaconus Ecclesiæ Constantinopolitanæ etiam Notarius exclamationem fecit in laudes Imperatoris, & Patriarchalium Sedium, totiusque Synodi, quod factum est in omnibus Sessionibus.

Sed ut ad analysim hujus primæ Actionis descendamus : Primum constat Synodum indictam & congregatam ab Imperatore Basilio.

CONCILIORUM GENERALIUM. 681  
lio. Secundo, hoc peculiare occurrit, quod  
in aliis sacra euangelia in medio confessu Pa-  
trum proposita fuerint, hic autem una cum  
Euangelis signum sanctæ Crucis adjunctum  
legimus : quoniam in septima Synodo decre-  
tum fuerat ut sacris imaginibus & signo san-  
ctæ Crucis divinus cultus atque adoratio ex-  
hiberetur. Tertio in omnibus Actionibus  
Patres dicuntur convenisse ad Synodum jux-  
ta sacram jussionem Imperatorum sicut & in  
aliis Conciliis usitatum, & à me observatum  
est superius. Quod ergo Adrianus II epistola  
ad Basilium Imperatorem, quæ Actione 1.  
hujus octavæ Synodi legitur, ita scribit : *Vo-  
lumus per tuæ Pietatis industriam numerosum con-  
vocari Concilium* : intelligi debet juxta praxin  
aliorum Conciliorum præcedentium, quæ  
sunt ab Imperatoribus indicta, & ad hunc  
sensum capi debet : scilicet, *Gaudemus per tuæ  
Pietatis industriam numerosum convocari Conci-  
lium* : quia ut docui, Basilius jamjam indixerat  
Concilium auctoritate propria quam ut Dei  
non ut Papæ Vicarius habet. Quarto, Impe-  
ratores Senatam constituerunt qui Synodum  
moderaretur, ut factum est in Chalcedonen-  
si Synodo, ipsimet autem Cæsares duntaxat  
sextæ, septimæ, octavæ & decimæ Actioni  
præfederunt ac interfuerunt : nam totidem  
Actionibus hæc Synodus absolvitur. Ita ut  
unicus tantum dies unicæ Actioni dependa-  
tur, ut jam supra notavimus. Quinto, modus

procedendi atque instruendi Synodum conspicuus redditur : dum Bahanes præpositus Senatui, petit à Vicariis Sedis Apostolicæ atque Sedium Orientalium, ut literas edant commendatitias sive formatas, quibus eorundem potestas appareat. Sexto, observabit lector, quanta cura idem Bahanes perquirat consensum Sedium Patriarchalium: siquidem petit à Sedibus Orientis utrum consentiant Sedi Apostolicæ Romanæ, postquam libellus ejusdem Sedis Romanæ perlectus est : quare legituretiam libellus aut sententia earundem Sedium Orientalium. Septimo, valde notabile, quod in eodem libello Sedium Orientalium dicitur, Christum Matthæi 18. alloquendo Apostolos his verbis, illos sacerdotio donasse : *Quæcumque alligaveritis super terram erunt ligata & in cælo*, &c. hancque sententiam totius Synodi judicio comprobari : quia Vicarii senioris Romæ, nominatim petierunt à Patribus, an quæ Vicarii Sedium Orientalium legenda dederant placerent ; & omnes responderunt placere. Quare ad hunc locum editio Romana Conciliorum hoc adscripsit glossema : *Nota, inquit, quod Apostoli sacerdotes prædicentur à sancta Synodo etiam ex tunc quando eis dictum est : Quæcumque ligaveritis vel solveritis super terram, erunt ligatum vel solutum in cælis, &c. Ergo Petrus qui hoc specialiter ante alios audire meruit primum sacerdos affectus est : Excessit itaque sermo opinantium, Jacobum fratrem Domini primum*



*num sacerdotem fuisse. Verum primus sacerdos fuit eorum qui non à Domino sed ab Apostolis ordinati sunt: primus Episcopus fuit, sed eorum qui Hierosolymis Episcopatum sortiti sunt. Quæ adnotatio eam ob causam facta est, quia eodem libello Sedium Orientalium narratur, Jacobum fratrem Domini primum fuisse summum sacerdotem & præfulem civitatis Hierosolymitana: & Petrum quoque primum fuisse sanctum sacerdotio Antiochiæ. Hæc autem acriter pungunt Curiales, qui ad suam monarchiam stabiliendam persuadere volunt, Christum fecisse duntaxat Petrum Episcopum; deinde Petrum alios Apostolos donasse Episcopatu: quas imaginationes delivimus in defensione libelli de Ecclesiastica & Politica potestate. Cæterum omnes Apostoli cum immediate à Christo ordinati sint sacerdotes, imo etiam Episcopi œcumenici & generales, ut ubique terrarum hierarchizarent (quemadmodum scholæ nostræ Principes Alliacenus, Gersonius & alii loquuntur:) certe nullus illorum est à Christo præfectus alicui Episcopatu privativam gerendo & administrando: quia nondum erat diœceses & parœciæ constitutæ. Cum igitur S. Jacobus omnium primus electus fuerit ab Apostolis ad Episcopatum Hierosolymitanum privativam regendum; & sanctus quoque Petrus eorundem Apostolorum consensu, sedem fixerit Antiochiæ: ideo hoc Sedium Orientalium libello recte dicitur & S. Jacobum & Petrum, primos*

mos fuisse sacerdotes in titulum, scilicet Hierosolymis & Antiochiæ, contra quàm Adnotator argutatur, qui minime distinguit Episcopatum œcumenicum Petri & Jacobi, ab Episcopatu privato quem habebant in titulum. Quod vero perhibet S. Petrum Matthæi 16. primum omnium Apostolorum audire meruisse, *Tibi dabo claves regni calorum*, & continuo sequi factum sacerdotem ante alios: Rependo ex B. Augustino atque omnibus Patribus antiquis, quæcumque ibidem verbis de futuro promittuntur Petro, eidem nomine omnium Apostolorum promitti, ut declarat eventus quando post resurrectionem suam Dominus Joannis 20 dicit: *Sicut misit me Pater & ego mitto vos*, &c. de quæ realias. Insuper accedit, Dominum Matthæi 18. his verbis, *Iterum dico vobis quia si duo ex vobis consenserint super terram*, &c. *Ubi sunt duo vel tres congregati in nomine meo ibi sum in medio eorum*, &c. aperte demonstrare omnem singularitatem aut singulare Petri sacerdotium & primatum, Concilio Aristocratico subjici & regi oportere: sicque hoc Glossatoris effugium vanum est ad absolutæ monarchiæ patrocinium.

Actiōne 11 quidam Episcopi & alii minores Clerici qui Photio adhæserant, sese Concilio offerunt ut Epitimia, id est, libellum pœnitentiæ recipiant, & post completam publicam pœnitentiam in integrum restituantur, ut sunt restituti.

Acti-

Actiōe III Metrophanes Metropolita Smyrnæ cum aliquot aliis Episcopis surgens narrant Apostolum præcipere ut omnia honeste & secundum ordinem fiant : videri autem honestum & perfecto ordini proximum ut legantur epistolæ primum Imperatoris ad Sedem Romanam & alias Sedes Orientis, tum vicissim Ignatii Patriarchæ Constantinopolitani ad eandem Sedes & responsionem Adriani P. P. quibus perlectis primum Vicarii senioris Romæ dixerunt illas epistolas canonice ac synodice scriptas: *sancta autem & universalis Synodus dixit : Canonica & ordinata & plena justitiæ est epistola quæ lecta est sanctissimi Papæ Adriani*: Idque ostendit, tum omnia canonice & regimine Aristocratico peragi consuevisse. Et post hoc surgens Metrophanes Smyrnensis, *Ex epistolis quæ lectæ sunt nobis, inquit, liquidius cognovimus studium & diligentiam, quod habet amicus Christi Imperator noster ad pacificandum Ecclesiam Dei & SS. Patriarchæ nostri Ignatii humilitatem & quo modo impleat hoc eloquium scripturæ : Omnia cum consilio fac. Proverb. 13. nec non & sanctissimi Papæ Romani solertem loquutionem & pudorem quem in divinis & CIRCA DIVINORUM CANONUM CUSTODIAM ET OBSERVANTIAM HABET, & ejusdem imitantem quantum fieri potest misericordiam & benignitatem, &c.* Quæ indicant, tum omnia personuisse Canonum observatione & custodia, atque proprios & privatos motus incognitos fuisse.

IV. Actione 1 v. Bahanes Præpositus dixit: *sunt Episcopi duo consecrationem habentes beatissimi Methodii, nimirum Theophilus, & Zacharias qui Photium receperunt: si ergo placet Sanctitati vestræ, ingrediantur & rejudicentur.* At vero cum relatum esset ad Synodum illos communicare cum Photio, Patres exclamaverunt: *Sit portio Theophili & Zachariæ cum Photio!* Quibus auditis à Senatu per Bahanem Patricium hæc renunciant Synodo: scilicet *Imperatores misisse Senatum Patriciorum ad Synodum ut districtus esset auditor atque observator omnium quæ gererentur: SI ERGO VELLENT PATRES, SICUT HABET ORDO SYNODICUS, UT IN FINE Synodi Senatus Actis subscriberet: Senatum illis significare & declarare per Bahanem, quod nisi audirent ab ipso Photio, & eius Episcopis qui facti sunt Apostata à Photio, quæ pro sua justificatione dicere vellet, ita ut in conspectu Senatus obstruerentur ora ipsorum EX CANONICIS ET SYNODICIS PRÆCEPTIONIBUS, dehinc Senatum non scripturum unam literam in Synodo ista. Audiant, inquit Bahanes, quæ judicata sunt à seniore Roma in conspectu nostro: & si nihil contradicere potuerint, sanabitur mundus ex consensu ipsorum. Si hoc autem factum non fuerit, scimus quia opera nostra non egetis ad scribendum in fine gestorum à vobis. Quo modo enim subscribemus in hujusmodi judicio illis clamantibus atque dicentibus, Audiamus depositionem nostram: damnemur audientibus nobis, ut postulat justitiæ ratio. Non est justum, ut arbitramur,*

*mur, ut ipsorum sermo nihil fiat. Quicquid ergo videtur vobis, facite: nos enim & antequam veniret Sanctitas vestra à Deo conservandam in hanc civitatem, eandem habuimus opinionem tam de iudicio Beatissimi Papæ Nicolai quam de SS. Papæ Adriani, ac certificatione & confirmatione honorabilis domini Patriarchæ nostri, &c. Rogamus ergo ut hi qui languent sanentur, & eos corrigamus qui non habent certitudinem veritatis, & erigamus qui deorsum jacent. Nisi enim ita hæc omnia discutiantur conscientia hominum non curabuntur. Metrophanes Smyrnæ Metropolita surgens, dixit: Divinus Apostolus dixit: Prophetias nolite spernere, omnia autem probantes, quod bonum est retinere. Sanctissimos itaque Vicarios senioris Romæ ut prophetas suscipientes nequaquam spernimus: probantes autem verba magnificentissimorum Principum, invenimus ea iusta & congruentia: & propterea etiam Episcopi omnes & sancta hæc Synodus favemus postulationi magnificentissimorum Principum, ut Photius cum suis examinentur & interrogentur, si recipiant eos iudices. Nunc ergo exigantur in scriptis fateri si hanc factam universalem Synodum & quæ ab ea judicantur admittunt, & jure ingradientur. Vicarii senioris Romæ dixerunt, quos dicitis introduci ignorant quid judicavit S. Romana Ecclesia! Bahanes præpositus: revera ignorant, cum enim non essent ibidem, nec audissent opus vestrum in faciem, qualem certitudinem habere illos ex auditu vultis ad suam ipsius condemnationem. Donatus & Stephanus Episcopi & Mari-*  
*nus*

*nus Diaconus Vicarii Adriani PP, Dixerunt : nobis non licet rescindere iudicium sacrorum Romanorum Pontificum; hoc enim contrarium est canonicis institutis: quoniam praesentes illic per proprios Missos aut Nuncios contra se sententiam damnationis audierunt in Photium: verumtamen, ut manifestiorem eis iustam iudicationem S.R.E. faciamus, ingrediantur & audiant legi synodicas definitiones beatissimi Papae Nicolai & certificentur magis ac magis. Gloriosissimi Principes dixerunt. Hoc bonum & optimum: audiant illi iudicium B. Papae Nicolai in conspectu nostro, & si habuerint aliquid ad contradictionem, dicent, aut persuasi acquiescent: quod si non propriam susceperint damnationem, tunc fiet quod fuerit visum Canonibus, &c.*

V. Itaque Photiani ingrediuntur in Synodum, interrogantur, eisque Epistola Nicolai ad Michaëlem Imperatorem, & ad Photium leguntur, in qua haec legitur clausula: *Ecclesiam Romanam esse caput omnium Ecclesiarum & ab ea rectitudinem atque ordinem in cunctis civitatibus & ecclesiasticis institutionibus, quas secundum canonicas & synodicas sanctorumque Patrum sanctiones inviolabiliter atque irrefragabiliter retineret, requirere & sectari: & ideo consequens esse, ut quod ab huius Sedis rectoribus plena auctoritate sancitur, nullius consuetudinis praepediente occasione proprias tantum sequendo voluntates removeatur, sed firmitus atque inconcusse teneatur, &c.*

Porro haec Actio sicut & omnes aliae nos docent

docent ordinem rectum servatum in Synodis generalibus piæ prudentiæ Senatorum quos Imperatores præfecerunt ejusmodi gestis moderandis, deberi : ut hinc discant Ecclesiastici quantum deferri oporteat politiæ optimæ institutæ. Certe Acta Synodi Chalcedonensis sextæ, septimæ atque octavæ clare convincunt, absque præsentia & moderatione Senatus impossibile fuisse Synodos illas effectum laudabilem & canonicum fortiri : vix enim libertas & æquanimitas servata fuisset multis tumultuantibus. Unde quoties aliqua emergit controversia inter Ecclesiasticos, ut majori cum æquitate omnia transigerentur, non abs re quidem esset Principes politicos aliquos præficere Senatores, aut viros claros, qui *ἐταξίας* & libertatis servandæ causa adessent : equidem jure meritoque à Cardinale Cusano dictum est, à tempore hujus octavi Concilii, nullum tale extitisse Concilium. Enim vero Senatus, quem præficiebant Imperatores, non erat in causâ, sicut plurimi Ecclesiasticorum, ideoque uni moderationi studebat, quam illos servare qui sunt in causâ impossibile est. Idem Cardinalis Cusanus lib. 11 de Concordantia cap. 20. ante medium ex hac & tertia Actione octavæ Synodi recte probat, Ecclesiam Canone non absoluta potestate regi; citatque locum epistolæ Nicolai ad Photium à me paulo ante exscriptum, declarantem Ecclesiæ Romanæ judicium aliam

*Lib. I.* X x ob

ob causam firmum non esse, auctore Nicolao Papa, nisi quia inviolabiliter servat Canones : eamque ob rem omnes alias civitates à Sede Romana ordinem mutuari : Ecce, inquit Cusanus, *habes causam firmitatis Apostolici Romani iudicii ex inviolabilium Canonum irrefragabili observatione esse : sic idem Nicolaus in Concilio suo adversus Photium ex tota Romana Ecclesia congregato cap. 6. dicit : Quoniam oportet nos majorum nostrorum statuta immoto mentis intuitu conservare, & in omnibus sanctorum Patrum semper dogmata venerari, ut habetur Actione VII octavi Concilii. Et in isto fundantur textus ejusdem Nicolai 9. quæst. 3. Can. Patet. 17. quæst. 4. Can. Nemini : qui dicunt sententiam Papæ à nemine retractari posse : sed si injusta esset retractaretur, & in dubio examinaretur per universale Concilium. Unde in quarta Actione octavi universalis Concilii quando Vicarii Apostolicæ Sedis resistebant, ne semel judicata per Nicolaum Papam in Synodo refrigerarentur, obtinuerunt Principes & Senatores, qui dixerunt se nolle gestis ut testes subscribere nisi admitterentur iudicati in Synodo Romana ad replicandum contra hujusmodi judicata. Et surrexit Metrophanes Metropolitæ Smyrnæ, & dixit : Probatantes verba magnificentissimorum Principum invenimus ea iusta & congruentia : huic favemus omnes Episcopi & sancta hæc Synodus. Ecce quod ex decreto Synodi universalis iudicium Nicolai Papæ & sui Concilii de Photio fuit iterum in universali Concilio, resistentibus, etiam Vicariis Senioris Ro-*



*ma examinatum & depuratum: Ex quo APPARET MAJORITAS CONCILII UNIVERSALIS SUPER PAPAM, & Patriarchalem Synodum.* Hæc Cusanus, quæ pro Analyfi quartæ Actionis impendo, & judicandum permitto, quanti Patres antiqui fecerint Canones; idque adeo ut Romani Pontifices, priscorum seculorum maximam partem suæ laudis, gloriæ, atque officii, in eorum observatione ponerent: & inde Ecclesiæ Romanæ infallibilitatem certo derivarent; quam Curia Romana hodie ab sua imaginaria & absoluta Monarchia repetit, quæ ut suum ædificet dominatum, omnes Canones, universamque disciplinam cum bonis moribus diruit ac innumeris schismatibus occasionem præbuit.

VI. Actione v. jussu Imperatoris Photius venit ad Synodum: Vicarii Senioris Romæ dixerunt, *ut laici & homines seculares illum introducerent*: Interrogatus à patribus: & interpellatus ab ipsis judicibus ut responderet Synodo, nihil aliud dixit, quam *se ab initio usque modo invitum trahi ad Synodum atque imperative & potestative omnia contra se perfici*. Vicarii fedis Apostolicæ Romanæ petunt, *ut se submittat Synodo scripto aut libello emisso peccatum suum enunciet, anathematizet quæ injuriose acta & scripta sunt contra S. Ignatium Patriarcham: eum velut proprium pastorem & Pontificem recognoscat, Apostolicæ Cathedræ judicia honorabiliter amplectatur, &c.* ad hæc cum nihil responde-

ret & per silentium condemnationem effugere cuperet, iidem Vicarii Adriani PP. petunt ut coram illo epistola quas Ecclesia Romana de illo scripserat legerentur : hocque ita placuit universæ Synodo : illis autem perlectis epistolis, Vicarii sedis Romanæ petunt, quid sacræ Synodo de illis videretur, *an scriptæ essent CONFORMITER AD CANONES* : Synodus respondit : *Canonicam legem complere & Synodicam præceptionem & legislationem.* Amplius iidem Vicarii Romæ flagitant ut legeretur epistola Nicolai PP. ad Photium. Quibus perlectis Vicarii sedium Orientalium petunt facultatem loquendi à Judicibus : Scitis inquit, quia præteritis temporibus Imperatores erant qui congregabant Synodos & ex toto orbe terrarum Vicarios ad dispositionem hujusmodi causarum colligebant : quorum more & Dei cultor Imperator noster universalem hanc Synodum fecit : non in abstruso neque in claudestino, sed evidenter ac manifeste : videlicet sanctissimorum Vicariorum Senioris Romæ nostrorumque collegium, cum enim multa sint & alia quæ nos probent verissimos esse Vicarios Orientalium Sedium, major tamen ac promptissima & evidentissima species hæc est, quod Christi amicus Imperator noster multa diligentia & studio sedes Orientales ab Ecclesiis suis, quamquam dena essent millia impedimenta, evocarit & congregarit quæ per duos circiter annos venerunt Constantinopolim ante Vicarios senioris Romæ : & quamprimum ad Imperatorem appulerunt, ille super eorum

rum

*rum colla Encolpium suum imposuerit, dicens: Ecce  
judicium Ecclesie exigat Deus à cervicibus vestris in  
die judicii, ut nihil faciatis per favorem, neque per  
gratiam vel odium: congruum enim vobis est, ad  
tantam senectutem pertingentibus nihil facere se-  
cundum acceptionem personarum vel præter justi-  
tiam: scriptum est enim, Ne miserearis pauperis in  
judicio, nec accipias personam potentis. Et nos igitur  
suscipientes judicium ita disposuimus, ut expetit ju-  
stitiæ ratio. Neque enim quoniam S. Ignatius præsi-  
det in hoc throno & potens est ideo accipimus fa-  
cile ejus: neque quia vir iste Photius adstat & id-  
circo pauper esse putatur, propterea condemnabimus  
eum, aut miserebimur irrationabiliter. Narrant  
deinde eo ipso quod Photius à nulla sedium  
Patriarchalium probatus fuerit, condemna-  
tum esse, & tamen se illi dare consilium ut agat  
pœnitentiam, ne Anathemate feriatur & ex-  
tra Ecclesiam ejiciatur. Quod etiam ut face-  
ret Bahanes illum exhortatus est, utque lo-  
queretur & quæ pro sua justificatione face-  
rent, si quæ haberet, palam diceret; ad quæ  
nihil plane respondit: hicque fuit finis quintæ  
Actionis post acclamationes consuetas in lau-  
des Imperatoris, &c.*

Verum duo notanda occurrunt circa ora-  
tionem Vicariorum Sedium Orientalium:  
alterum est, buod ubi narrant Imperatores  
semper congregasse Synodos ex toto terra-  
rum orbe, &c. in editione Romana ad oram  
libri hanc notam adscribi: *Verum est Impera-*

*tores congregasse universales Synodos : nam locales aut vix aut nunquam collegisse noscuntur. Ubi observatione dignum occurrit, quamquam Imperatores non congregarint Synodos Provinciales aut locales, quia juxta Canonem quintum Synodi Nicænæ bis annuatim hebebantur: nihilominus ejusmodi Synodos nunquam congregari solitas absque Principum Christianorum permissione, ut patet ex omnibus Synodis habitis in Francia, Hispana, Africa, & aliis provinciis in quarum fronte semper legitur edictum aliquod Principis permittentis Synodos ejusmodi fieri. Alterum notabile est de Imperatoris Encolpio quod cervicibus Vicariorum Sedium Orientalium imposuit: erat: autem crux cum pretioso ligno sanctæ Crucis Domini, quam Imperatores gestare solebant in sinu, qui Græce *κόλπος* dicitur.*

VII. *Actione VI Imperator primum accessit ad Concilium eique præsidet sicut & septimæ, octavæ, atque decimæ Actioni, quæ idem prorsus habent initium: scilicet, In nomine Domine & Dominatoris omnium Jesu Christi veri Dei & Salvatoris nostri, Imperii Deo Coronatorum & tranquillissimorum Dominorum nostrorum Basili quidem anno tertio, Constantini vero filii ejus anno secundo, perpetuorum Augustorum, octavo Kalendas Octobris Indictione tertia propostis pretiosis ac vivificis lignis & intemeratis salutis nostræ Evangelis : PRÆSIDENTE EODEM PISSIMO ET AMICO CHRITI IMPERATORE.*

*In*

*In dextera parte magni nominis templi magnæ Ecclesiæ : conveniente sancta & universali Synodo, id est, Donate Deo amicissimo Episcopo Ostiensi, &c. Hinc ergo perspicuum evadit in hac Synodo Imperatorem præsedisse, sicut Constantinum Pogonatum in sexta, & Martianum in quarta. Deinde ubi omnes Patres confederunt, Metrophanes Smyrnæ Metropolita excurrit in laudes Imperatoris quod hanc Synodum congregarit, aitque Deum justitiæ solem duo fecisse luminaria in firmamento cæli quæ diei & nocti præessent, ac quinque Sedes Patriarchales totum orbem terrarum illuminare ac præesse diei & nocti, separando inter lumen & tenebras, id est, inter eos qui agunt opera tenebrarum & opera lucis : eamque ob causam Christum dixisse Apostolis, Vos estis lux mundi : Hæc autem luminaria ab Imperatore collecta esse : qui quidem tanquam aliud magnum luminare sanctæ universali Synodo affulget atque alia luminaria lucidiora monstrat. Item Synodum confert paradiso in cuius medio Deus plantavit lignum vitæ, & qui à fluvio Eden, id est, à Spiritu Sancto irrigatur : eamque ob rem dictum ab Prophea fluminis impetum lætificare civitatem Dei : videlicet sanctam Ecclesiam. Hunc fluvium segregare impetus suos in Sedes Patriarchales Synodum conflantes : Præterea Synodum Arcæ comparat, quam Noë id est Imperator fabricavit : item puteo bono quem Abraham fodit, &c. Dehinc postquam Imperator per Theophilum Protospatarium iussit Episcopos assecclas Photii in Sy-*

nodum ingredi, coram illis recitantur Epistolæ Nicolai Papæ ad Michaëlem Imperatorem & ad Photium; deinde Vicarii Sedis Antiochenæ & Hierosolymitanæ narrant se nunquam Actis Photii consensum præbuisse, hancque memorabilem sententiam proferunt: *Sanctus enim Spiritus qui loquutus est in sancta Romanorum Ecclesia credimus quod & in Ecclesiis nostris loquutus existerit*, &c. quæ demonstrant non solam Romanam habere promissiones, charismatum Spiritus sancti. Tum Imperator Basilius petiit à Photianis quid ad hæc responderent: rogaverunt autem Imperatorem ut sese & omnes qui aliquid in illos dicere vellet libere loqui pateretur. Sicque responsionem suam informant quasi omnia quæ egissent conformia, quæ vero Sedes Romano contra illos gessisset, contraria essent Canonibus. Nam Zacharias Chalcedonenſis Episcopus ordinatus à Photio dixit: *Et Papæ Nicolai, & cæterorum Patriarcharum, Canonem esse Principem, & secundum Canonem agentes, se hoc facere, non quod docetur extra Canonem: Cum vero extra Canonem faciunt siue Papa Nicolaus siue alius quis, non acquiescimus. Etenim Marcellum Ancyranum Julius Romanus suscepit, & Sardicenfis Synodus trecentos Episcopos habens Marcellum justificavit: attamen usque in præsens Marcellus ut hereticus anathemati submittitur: & lugendum Apiarium justificatum à Romanis Præsulibus, Africanam Synodum repulisse. Et nunc si hæc facta sunt*

à Nicolao cum Canone suquimur, & convenimus  
 & contraria illis non sapimus : si vero facta sunt ex-  
 tra Canonem, non nos illa vituperamus aut projici-  
 mus, sed Canon. Nam duobus conatibus quibus uti-  
 tur Nicolaus contra Photium qui nos consecravit,  
 reor neminem ab eo promotum posse damnari. Nam  
 in eo quod dixit Nicolaus, non debuisse hunc ex laicis  
 provehi, consecrantes quidem cautos reddit ne ta-  
 lem consecrent scilicet; consecratum autem non da-  
 mnat, & consuetudo Canonem illum exsuperavit.  
 Etenim Tarasius, Nicephorus, Nectarius & Tha-  
 lassius Casarea, & Eusebius, & Ambrosius Me-  
 diolanensis atque alii mille ita consecrati sunt : quod  
 si illi innoxii, & Photius utique. Quod autem di-  
 citur quia à depositis est promotus, nempe à Gre-  
 gorio Syracusana & aliis quos Ignatius & Ni-  
 colaus deposuerunt : primum non opinamur hoc  
 verum esse : neque enim pro criminibus isti depositi  
 fuerunt sed pro eo quod restiterunt. Ecclesie : uniti  
 autem rursus & apostasiam illam reprobantes,  
 suscipiendi consistunt. At vero etsi Gregorius depo-  
 situs est, Photius quem consecravit non est obno-  
 xius, sed qui Photium promoverunt ac elegerunt.  
 Verumtamen licet sit Gregorius depositus, possunt  
 & promoventes illum nullas hic pœnas perpeti, &c.  
 Et nunc hoc dicimus : si sit Canon qui deponat,  
 nos depositionem recipimus : si vero non est, ne-  
 quaquam : & enim Flavianum Antiochie Pa-  
 triarcham Romani non receperunt, sed eum Ca-  
 non nullatenus condemnavit. Acacius Constan-  
 tinopolitanus damnatus est à Papa Romano, eo  
 quod

quod cum hæreticis haberet communionem : at vero post Acacium Patriarchæ Constantinopolitani Fluvitas & Euphemius, & Macedonius recipientes eum, suscepti sunt ab Ecclesia, &c. Cæterum Metrophanes Metropolitæ Smyrnæ ita sigillatim ad ea quæ Zacharias Chalcedonensis pro se & aliis Photianis dixerat respondet : leges, inquit, tam Ecclesiasticæ quam civiles sanciant, omnem qui elegerit aliquem judicem eundem modis omnibus sequi ac ejus præceptis obedire & nequaquam refutare ab eo prolatas leges & definitiones. Cum itaque pars vestra petierit & proposuerit judicem beatissimum Papam Nicolaum quo modo vos extra positas Ecclesiæ ac reipublicæ leges ac regulas eum redarguere ac judicare præsumpsistis, asserentes non secundum Canonem egisse, neque secundum justitiæ ac veritatis rationem decrevisse quæ sibi visa sunt definienda? Invenimini ergo in parte hac & ecclesiasticas & civiles reprobare leges, pro eo quod quem elegistis & prætulistis judicem, nunc abjiciatis. Nemo enim electum à se judicem ex propria opinione vice versa judicare vel condemnare penitus debet, &c. Quoniam vero promotiones Nectarii & Ambrosii, & Nicephori memorabilium Hierarcharum in paradigma producitis ad justificationem Præsulis vestri, dicimus ad vos, eorum quæ multum inter se distant manifestæ prorsus diversitates consistunt. Itaque B. Nectarium Synodus universalis & sancti Patriarchæ diversi elegerunt & promoverunt Archiepiscopum Constantinopoleos nullo cogente illos : sed neque quempiam viventem

ab



ab hujusmodi cathedra manus Imperialis tyrannice pepulit : similiter etiam & Ambrosius Auxentio Arriano defuncto . à Synodo quæ tunc à Mediolanensibus de orthodoxis dogmatibus congregata promotus est in Episcopum prædictæ civitatis nullo modo principali manu impellente Episcopos in electionem : pari quoque modo B. Tarasius , & post dormitionem beatissimi Tarasii beatissimus Nicephorus Patriarcha synodice electus & consecratus est Archiepiscopus Constantinopoleos, sponta ac voluntarie collectis Episcopis. In Photio vero nihil omnino tale invenitur , eo quod & ille vivente legitimo Ecclesiæ viro subrogatus sit , & provehentes eum , & consecrantes violenter ac inviti ex Imperatoris necessitate ac tyrannide impulsæ sunt , & nulla Sedium Patriarchalium in sacerdotio eum recipere voluit. Cum ergo diversitas omnimoda hic reperiatur , quo modo in dissimilibus introducis similitudinem ? in quibus enim est causæ diversitas , existimationis quoque & opinionis diversitas debet accidere. Quoniam vero ratione morsus dixisti de beatissimo Papa Nicolao , quod si secundum Canonem judicium protulit , & admittimus & amplectimur damnationem nostram : sin autem contra Canonem , nequaquam. Item si non oportuit Photium ex laicis promoveri , eos qui consecraverunt cautos reddere , non consecratum condemnare , & consuetudinem regulam illam vicisse : in contrariam quidem disparitionem cecidisti , eo quod confessus quidem sis & ostenderit Papam Nicolaum canonice restitisse , ac secundum regulam Photium reprobasse , non autem te acquievisse judicio

cano-

canonico Nicolai, quemadmodum pollicitus es consuetudinem in subversionem Canonis objiciens: quamquam liquido scires ea quæ raro sunt positas leges non subvertere, neque particularia universalibus dominari: & maxime cum plurima esse differentia reperiatur in Photio & præcedentibus qui ex laico proveci sunt, sicut demonstravimus. Denique Marcellum anathematizantem omnem hæresim & eam maxime quam habere dicebatur juste ac regulariter Julius Papa & Sardicensis Synodus recepit: similiter eum & Athanasius Magnus & Paulus confessores, turres & columnæ orthodoxæ fidei & acceptaverunt & comministrum habuerunt: sed novissime Marcellus ad vomitum reversus illum anathematizaverunt, quibus & Liberius Papa concordavit, hoc autem non est utique reprobatio judicii Julii, vel Sardicensis Synodi, ob factam mutationem mentis in Marcello Ancyrano. Similiter Zosimus Papa Romanus recurrentem ad se, & semet infontem exhibentem justificavit Apiarium & ad Africanam Synodum mittens cum literis ut iterum susciperetur egit, &c. Invenitur igitur Africana Synodus paruisse potius judicio Zosimi Papæ Romani, ac per hoc propriam reprobasse sententiam, & justificasse Apiarium, non, ut fassus es, restituisse voto Romanorum Pontificum, &c. Et bene dixisti: quia sive sit depositus Gregorius Syracusanus, innoxios esse qui Photium prorexerunt. Isti enim revera justificantur propter necessitatem & tyrannidem, quam passi sunt ab Imperatore ut Photium ordinarent, &c. Sinite ergo excusare excusationes

*sationes in peccatis, & in verba malitiæ declinare atque in vanum laborare, & procidite huic Synodo, & salvamini ab anathematis condemnatione: sin autem, ite ad lumen ignis vestri, & flammam quam accendistis. Dehinc Vicarii Sedis Romanæ sic loquuntur: Novit enim omnis sancta & universalis Synodus, quæ gratia Dei in Ecclesia hac congregata est, quia sancta Romana Ecclesia ab undecima Indictione collectis Occidentalibus Episcopis in Ecclesia B. Petri ubi virtutibus floret & requiescit, obligavit & anathematizavit ac projecit Photium pervasorem una cum omnibus sequacibus ejus Præsulatum adhuc gerente beatissimo Papa Nicolao. Iterum autem successor ejus Adrianus sicut Nicolaus idem definivit & promulgavit, nosque indignos famulos suos direxit ad hanc Deo conservandam urbem ad manifestationem & certitudinem veri & justii judicii ipsorum. Ita ut non habeant vocem repedationis, vel appellationis, sed quemadmodum jam judicati sunt & dejecti in seculum mancant. Et Ecclesiæ Orientalium gratia Dei nobiscum sentiunt, stabiliunt, damnant & anathematizant similiter usque in consummationem seculi.*

VIII. Postea Imperator Basiliius dignam optimi atque piissimi Imperatoris habet orationem protrepticam: quam ejus secretarius legit palam: ait autem se controversiam hanc inter Ignatium & Photium natam voluisse Synodico judicio libero definiri, neque Synodis privatis, quæ de illa re habitæ sunt interesse voluisse, nequis diceret mundano po-  
ten-

tentatu aut imperiali gladio aliquid gestum & Concilium adulteratum esse. *Unum sibi desiderium fuisse duntaxat hocque Vicariis Sedium Patriarchalium dixisse, quamprimum illos vidit, ne quemquam permetterent deperire vel ab Ecclesia Dei, si fieri posset, projici: hoc solum est nostrum si quis voluerit nominare crimen, inquit: alia vero omnia Canonibus & iis quibus Imperium Synodi creditum est, tradidimus, multum pro presenti iudicio conjurantes & contendentes nihil ad gratiam vel per odium decerni, &c. Sed & communiter hodie omnibus videntibus deprecamur manum iis qui compassione opus habent porrigi, & unam Ecclesiam celebrantium festivitatem perficere, ita Patres Spirituales & veritatis defensores, qui figuratis secundum Chrisma Aaron, & secundum zelam Phinees, & secundum iudicium Salomonis, requirite ovem quæ perierat, convertite quæ erraverat, super humerum tollite solitariam & confractam compassionis vinculis alligate, quæ ulcerata est emplastro condescensionis sanate, quæ extranea est & abiecta à spiritali mandra, nonaginta novem ovibus dispensationis more conjungite, relinquire memoriam sempiternam posterioribus generationibus compassionis vestræ ad imitationem Christi. Cum oratione ad Photianos conversa, & vos quoque qui curatione indigetis ac modè opus habetis pretiosa membra Christi, etsi nescio quo modo à malo demone detenti, à capite separati estis, vitis vera quæ propter contentionem importunam, imò vero injustam in*

*amari*

*amaritudinem conversa es, &c. Scrutamini intima conscientia vestra, & invenietis vos male ab Ecclesia esse disjunctos. Novissima hora est, & iudex pro foribus est. fratres, ne praecipitemur ab ejus Ecclesia sequestrati, & longe ab illius gloria projiciamur. Nihil turpe ducatis passionem manifestare & vulnus ostendere ac locum poenitentiae & medicinae requirere, atque intra atrium salvantium fieri. Qualis autem est confusio fratres procidere Deo, & veniam expetere? Deo enim procidunt qui Ecclesiae & spiritualibus istis patribus procidunt confusio quidem revera est. & maximus pudor, imo vero in Deum dimicatio, nolle unumquemque proprium confiteri peccatum, & humiliari propter Christum, & se & multos lucrari. Si autem omnino hoc confusionem arbitramini, ego cui imperii superposita est corona, forma vobis efficiar hujus optima humilitatis: ego qui imperitus & insipiens sum, bonum initium ero vestrum qui sapientes estis, & clari scientia: ego qui in peccatis volutatus sum primus vobis typus fiam qui mundi estis & virtuti operam datis: ego primus memet super pavementum projicio purpuram & diadema parvipendens: ascendite ad genas meas, & per oculos meos incedite, nec reputetis magnum Imperatoris calcare scapulas, neque vereamini pedibus tangere verticem cui superimponitur à Deo donata corona omnia pati promptum habeo, & promptius agere quae vobis quidem confusionem, mihi autem gloriam & maximam claritatem conferre videantur. Neque enim in hoc curam gero gloriae meae, tantum ut videam com-*  
munio-

*munionem, unitatem & unam Ecclesia festivitatem. Tantum ne anime detrimentum patiar & gaudeat super me ille omnium inimicus diabolus captivum sumens, &c.* Postquam hæc protreptica oratio Imperatoris perfecta est, Vicarii omnium Sedium Patriarchalium maxime pietatem & charitatem Imperatoris laudarunt, atque Photianos ad se humiliandum exhortati sunt, atque inter alia Vicarii Sedium Orientalium, *Et nos quidem, inquit, si irrationabilia animalia pascereamus, fortasse coacte ac violenter tractaremus ea, ducentes etiam quo nolent: quoniam vero rationabile animal est homo, potius admonitione ducendum. SuffICIENTER ab Imperatoris admonitionibus instruimini.* His peractis Imperator sic alloquitur Photianos: *Si vultis subijci admonitionibus omnium nostrum, ecce portus & medicina: quod si non, imperium nostrum præbet vobis inducias septem dierum, ut si quidem curam gesseritis salutis vestræ, bene & optime, si vero minime, ventura sexta feria in sancta & universali Synodo state omnes, & quicquid definierit sancta & universalis Synodus in vos, fiet.*

Hæc sexta Actio nos docet primo Imperatorem huic Synodo præsedisse, & locum nobiliorem occupasse, secundo eruditissima velitatio Metrophanis Metropolitæ Smyrnenfis cum Photianis clare indicat Ecclesiam Canonibus, non absoluta potestate regi, & eos qui aliquem judicem delegerunt, hoc ea conditione facere, ut judicet secundum Canones

& Leges, alioqui ejus judicium nullam atque irritum esse; hinc autem Cardinalis Cusanus lib. 11. de Concordantia cap. 20. statim post principium recte infert, *Canonem Conciliorum universalium esse regulam regiminis & adificationis Ecclesie, & Papam tanquam primum Architectum illo uti oportere, si recte sua potestate uti velit.* Tercio sicut in contentionibus evenit, ut inter altercandum calentibus animis non omnia dicantur ad normam veritatis & rationis, ita hic Metrophanes contra veritatem Actionum in Synodo sexta Carthaginensi memorat Patres Africanos paruisse Zosimi commonitorio, atque propriam reprobasse sententiam, &c. Quod falsissimum est ut cap. 6. hujus libri ostendimus: paruerunt quidem Zosimo quoad de genuinis Canonibus Nicænis liqueret: quam primum autem ex Oriente allati sunt, Zosimi judicium repudiarunt. Quarto hinc etiam liquet judicium Nicolai PP. & Sedis Romanæ subiectum fuisse examini generalis Concilii: cum videamus Patres polliceri se Nicolai sententiam mitigaturos si modo Photiani velint se humiliare & veniam petere à Synodo.

At induciis sex dierum elapsis quos Imperator Photianis ad resipiscendum dederat, Actio septima celebratur, in qua Photius cum Gregorio Syracusano & aliis intruducuntur ad Synodum, cumque Photius baculo inniteretur, Marinus Diaconus Vicarius Sedis Ro-

manæ dixit : *Tollite baculum de manu ejus, quia signum est dignitatis pastoralis quam hic habere nullatenus debet quia lupus est, & non pastor.* Interrogati autem pervicaciter contendunt quæ in se acta essent contra Canones facta, ideoque repudianda esse. Contra Bahanes Patricius nomine Imperatoris Photianos sic alloquitur, *Homines unde estis? an de terra, an de cælo, an de abyssu?* aitque, nullam unquam hæresim emerfisse aut schisma, in qualibet parte mundi, quod extra quatuor aliâ Patriarchia judicatum sit. Jam vero Photianos à quinque Patriarchiis condemnari. Quid ergo, ait, vobis adjumento esse poterit? Cum illi responderent Canones Conciliorum & Apostolorum, ingeminavit Bahanes, *Ubinam gentium Dominus posuit Canones? In Ecclesiis suis an in aliquo alio loco? Et ubinam sunt hodie Ecclesie, & ubi predicatur Evangelium? An ullus est alius locus præter eos quos tenent Sanctissimi Vicarii quinque Sedium Patriarchalium?* Tandem cum Photiani objicerent se neque vidisse neque audivisse judicium in se latum, neque illud cum sibi plane incognitum esset posse sequi : Tandem Acta Synodi Romanæ sub Nicolao I & Adriano II leguntur & integra in Actionem vii conjiciuntur. Inter alia vero sub finem Actionis in tertia alloquutione Adrianus PP. sic de Photio conqueritur : *Intolerabilis est ista præsumptio dilectissimi, & hanc aures precordiorum fateor sustinere non possunt : quis unquam vestrum tale*  
*quid*



*quid precor audit? Siquidem Romanum Pontificem de omnium Ecclesiarum præsulibus judicasse legimus, de eo vero quemquam judicasse non legimus: LICET ENIM HONORIO AB ORIENTALIBUS POST mortem anathema sit dictum: sciendum tamen est quia fuerat super heresi accusatus, propter quam solam licitum est minoribus majorum suorum moribus resistendi vel pravos sensus libere respuendi: quamvis & ibi nec Patriarcharum nec ceterorum antistitum cuiquam de eo quamlibet fas fuerit proferendi sententiam, nisi ejusdem primæ Sedis Pontificis consensus præcessisset auctoritas, &c. Quæ Adriani expositulatio liquido indicat sententiam Patrum sextæ Synodi adversus Honorium datam consensu & approbatione Sedis Romanæ; & continuo Honorium fuisse Monothetam: quare in conclusione Synodæ VIII infra Honorius tertio anathemate synodali confoditur. Porro in fine Actorum Synodi Romanæ, quæ habita est sub Adriano II. leguntur subscriptiones triginta duorum Episcoporum, quorum Adrianus Papa primus est: & novem Presbyterorum in quorum fronte & capite legitur: *Georgius Archipresbyter S.R.E. Tituli Sancti Laurentii qui appellatur Lucina*: Deinde alius sequitur: *Romanus Presbyter Tituli SS. Joannis & Pauli*: & ita consequenter de aliis præterea: *Joannes Archidiaconus Sanctæ Apostolicæ Sedis consensu & propria manu subscripsi. Leontius Diaconus Sanctæ Apostolicæ Sedis similiter subscripsi*: & ita de aliis Diaconibus qui*

sunt quatuor numero. Cæterum hæc Actio septima clauditur anathematismis editis contra Photium à Stephano Diacono : *Photio curiali & invasori, anathema : Photio seculari & forensi anathema : Photio neophyto & tyrano anathema, &c.* Deinde idem Diaconus exclamat, *Multos annos Imperatoribus orthodoxis, Ecclesiarum erectoribus, liberatoribus Christianorum, &c. Eudoxiæ piissimæ Augustæ novæ Judith, novæ Helena, novæ Pulcheriæ multos annos : Nicolai B. Papæ Romani æterna memoria, novi Phinees, novi Danielis, novi Martini æterna memoria : Adriani Sanctissimi Papæ Romani multos annos, novi Cælestini multos annos : Ignatii Sanctissimi Patriarchæ Constantinopolitani multos annos, &c.*

Cæterum ideo mentionem feci subscriptionum Synodi Romanæ sub Adriano Papa quæ in septimam Actionem congesta est, ut demonstrarem neque in hac Synodo neque in aliis antecedentibus ullam fieri mentionem Presbyterorum aut Diaconorum Cardinalium : quamquam Romani Pontifices in omnibus Conciliis generalibus aliquos Presbyteros atque Diaconos Romanæ Ecclesiæ miserint ad Concilium ut essent Vicarii Sedis Romanæ. Quod si tum Cardinales extitissent juxta sententiam Onuphrii, qui censet nomen Presbyteri & Diaconi Cardinalis impositum Presbytero atque Diacono principali quem vulgo Archipresbyterum & Archidiaconum

nominamus : certe in Synodo Romana Adriani Papæ, Georgius Archipresbyter Romanæ Ecclesiæ tituli S. Laurentii, & Joannes Archidiaconus Sedis Apostolicæ appellationem atque titulum Cardinalis assumpsissent : quod tamen minime faciunt, idque est argumento, appellationem hanc secundum notionem quam Curia Romana ei deinceps attribuit, nondum innotuisse mundo : qua de re pluribus agetur in defensione libelli de ecclesiastica & politica potestate.

Actiōne VII tractatur causa Theodori Crithinii Iconomachi, quem Bahanes Patricius sic alloquitur : *Quo effugies, vel quo ibis ? Posuit Deus Ecclesiam suam in quinque Patriarchiis & definivit in Evangeliiis suis ut nunquam aliquando penitus decident, eo quod capita Ecclesiæ sint, Etenim illud quod dicitur. Et porta inferi non prevalebunt adversus eam, hoc denunciat quando duo ceciderint currunt ad tria : cum tria ceciderint currunt ad duo : cum vero quatuor forte ceciderint, unum quod permanet in omnium capite Christo Deo nostro, revocat iterum reliquum corpus Ecclesiæ : nunc autem toto orbe terrarum concordante non habes excusationis modum, &c.* Quæ Bahanis Patricii sententia duo nos docet ; primo modum ineundæ communionis sanctorum : secundo Ecclesiam & rectam fidem nunquam deliquium passuram propter Christi promissiones. Cæterum quod ait ; unum Patriarchium in omnium capite Christo per-

Y y 3

man-

mansurum, ac totum Ecclesiæ corpus revocaturum; nomine Patriarchii, non solum Papam cum suo oligarchico Concilio, sed aristocraticum Concilium Ecclesiæ à Christo institutum designat Bahanes: tandem vero perlectis libellis memorati Theodori Iconomachi legitur & sextum capitulum Synodi Romanæ sub Nicolao I. quo damnatur hæresis Iconomachorum.

Actiōne 1x leguntur literæ Patriarchæ Alexandrini quæ ab ejus Vicario Joseph Monacho allatæ sunt, tardius quidem, propter Saracenos qui totum Orientem occupabant; literis autem commendatitiis perlectis, gloriosissimi Senatores sic Vicarium Sedis Alexandrinæ affantur, an aliquid rescivisset de iis quæ octo præcedentibus Actiōibus gesta essent, & præsertim de duobus capitulis præcipuis ac magis necessariis: scilicet de receptione Ignatii Patriarchæ Constantinopolitani & Photii abdicatione, atque ejus irregulari ordinatione: respondit Joseph Vicarius Sedis Alexandrinæ, se quidem accepisse omnia Acta fuisse cum magna diligentia & scrutinio, & sibi probari, seque habere præ manibus sententiam suam, quam si Senatus juberet, legi cuperet coram Synodo: in aliis vero se acturum quæcumque justa & sancta cognosceret. Itaque libellus præfati Vicarii legitur omnino conformis judicio aliarum Sedium Patriarchalium: quo perlecto & approbato, audiuntur

tur quidam falsi testes qui adversus S. Ignatium Patriarcham Constantinopolitanum testimonium ediderant, eisque Epitimium, id est, pœnitentia imponitur. Audiuntur quoque laici, qui coram Michaële Imperatore impio, ejusque mandato sacerdotalibus & episcopalibus ornamentis induti Actiones sacerdotales peragebant, atq; incensum offerebant, dicunt autem se id coactos ab Imperatore peregisse: quare illis Epitimium pariter præscribitur.

XI. Actione x septem & viginti Canones constituuntur valde illustres ad optimam disciplinam sanciendam & renovandam. Et quidem primo Canone, *regula Patrum appellantur secunda eloquia, juxta sanctum Dionysium; quoniam Deus prima dedit eloquia. Itaque sicut & præcepta divina, luci comparantur, cujus ope melius à peiori, & proficuum à nocivo, utileque ab inutilli dignoscitur: Siquidem mandatum Domini lucidum illuminans oculos: Lucerna pedibus meis verbum tuum, Psal. 118. profitentur ergo regulas tenere & servare velle quas Sanctæ Catholice & Apostolicæ Ecclesiæ tum à sanctis Apostolis, cum ab orthodoxis universalibus necnon & localibus Conciliis vel etiam ab quolibet Deiloquo Patre ac magistro Ecclesiæ acceperunt: his & propriam vitam & mores regentes atque omnem sacerdotii Catalogum & omnes Christianos, quoad pœnas & justificationes illis canonice subjicientes: siquidem Paulus Magnus Apostolus aperte admonet tenere traditiones quas accepimus sive per sermo-*

*nem sive per epistolam sanctorum qui ante fulserunt,*

Canone **II** statuitur, omnia quæ à Nicolao **I.** & Adriano **II** synodice statuta sunt pro defensione status Constantinopolitanæ Ecclesiæ, redintegratione Ignatii, & expressione Photii jugiter servari.

Canone **III** decernitur ut sacræ imagines & præsertim imago Domini nostri Jesu Christi & figura pretiosæ Crucis æque ac libri sanctorum Euangeliorum adorentur. Supra in septimæ Synodi historia observavi Anastasium Bibliothecarium qui tempore Hincmari Rheimensis florebat, docere Gallos habuisse sacros honores Euangelii, non autem imaginibus: unde conjicio, Patres octavæ Synodi, suasu Vicariorum Sedis Apostolicæ, hanc clausulam in tertium Canonem conjecisse propter Gallos: nimirum *ut sacræ Imagines Christi æque ac libri sanctorum Euangeliorum adorarentur*: idque causam præbuisse continuatori historiæ Aimoini monachi lib. v. cap. 28. ut scriberet, *Adrianum II Papam & Nicolaum de adorandis imaginibus aliter quam orthodoxi doctores antea definierant in octava Synodo statuisse: & quedam pro favore Romani Pontificis, quia Græcorum votis de adorandis imaginibus annuit, contra antiquos Canones constituisse.* Jam enim dixi Gallos, quoniam à regibus non ab Imperatoribus regerentur, tardius adoratione imagines coluisse: huncque cultum adorandi imagines ductum

*ab*

ab adoratione fieri solita imaginibus Imperatorum, quæ in templis Christianorum erigebantur. Cæterum Canones facti in gratiam Pontificis contra antiquos Canones, sunt xvii. xxi & xxvi de quibus propriis locis. Certum autem est seculo Hincmari, Gallos septimum & octavum Concilium non recepisse absque ullo sensu aut nota schismatis: sicut & in hunc diem Synodum Tridentinam minimere ceperunt. Vide Hincmarum opusculo 55 capitulum, cap. 20 & in professione fidei Adalberti Morinensis Episcopi ad Hincmarum.

Canone iv damñatur Photius cum ejus affeculis, & quos consecravit; decerniturque ut quas ecclesias ille consecravit iterato consecrentur, &c.

Canon v est etiam contra Photium neophytum, propter quem statuitur, ne neophyti in fide vel in sorte clericali ordinentur. Itaque definiunt; ut si quis abrenuntians mundo propter Christum fiat clericus aut monachus, & omnem gradum ecclesiasticum transigens per definita nunc tempora irreprehensibilis inventus extiterit & probatus, ita ut in gradu Lectoris annum compleat, in Subdiaconi vero duos, sitque Diaconus tribus, & Presbyter quatuor annis; bene placuit huic sanctæ & universali Synodo eligi & *admitti ad Episcopatum*, &c. Quo in Canone hæc verba apprime notanda faciunt, *per definita nunc tempora*, &c. Quoniam anteactis sæculis alius mos

invallescebat : adeo ut quidam homines eligerentur ad solum Diaconatum toto vitæ spatio administrandum, nisi postea ad Episcopatum cooptarentur : sic B. Leo Magnus delectus fuerat Diaconus Romanæ Ecclesiæ, sicut etiam B. Gregorius, qui postea ad cathedram B. Petri evecti sunt. Item alii cooptabantur ut essent tantum Subdiaconi, & ita de aliis.

Canon VI est pariter adversus Photium, qui quosdam homines de trivio corruperat, ut fingerent se esse Vicarios Sedium Orientalium inde missos ut cum Photio communicarent. Postquam est damnatus à Nicolao PP. hac enim ratione volebat Photius persuadere mundo Sedes Orientis secum communicare.

Canone VII prohibetur omnibus Photianis anathemate percussis à sancta Synodo, ne doceant in templo aut scholis, vel sacras pingant imagines.

Canone VIII prohibetur Patriarchis Constantinopolitanæ Ecclesiæ, ne à clericali ordine syngraphas exigant ut Photius fecerat, ad sui status securitatem & constitutionem quia hoc factiosum est, sed multo magis exigere sacramentum ab Episcopis, ut Gregorii VII seculo introductum est. Porro omnia illa chirographa quæ Photius exegerat coram tota Synodo ustulata sunt Actione octava.

Canon IX est contra eos qui se pariter Photio per syngrapham devinxerant, ad discen-

dam



dam sapientiam quæ à Deo stulta facta est: quo nomine puto intelligi Philosophiam & literas humaniores in quibus excellebat Photius: hacque ratione sibi plurimos devinxerat antequam esset factus Episcopus: qui quidem ei semper faverunt post suam abdicationem, ita ut res verteret in apertum schisma: quod ut extingueretur mortuo Ignatio Photius in integrum restitutus est.

Canone x statuitur, ne ullus clericorum vel monachorum aut aliquis ex catalogo clericorum ante diligentem examinationem & synodicam sententiam se à proprii Patriarchæ communionem unquam separaret, licet quamlibet criminalem causam illius se nosse prætendat. Item ne ipsius nomen referre recuset inter divina officia vel mysteria. Idemque etiam statuitur de Presbyteris respectu suorum Episcoporum, atque Episcopis intuitu Metropolitaram & Metropolitæ habita ratione Patriarcharum. Hæcque decernuntur sub pœna abdicationis & excommunicationis.

Canon xi illos ferit anathemate, qui hominem duas habere animas dicunt, rationabilem & sensibilem. Idque inferebant ex eo quod læsis sensibus sola anima sensibilis operationes suas peragat.

Canone xii edicitur, ut, si quis Episcopus per versutiam vel tyrannidem Principum, ordinationem episcopalis dignitatis susceperit, deponatur omnino; utpote, qui non ex voluntate

luntate Dei & ritu ac decreto ecclesiastico, sed ex voluntate carnalis sensus ex hominibus & per homines possidere voluit vel consensit. Hic Canon diserte & directe Photium, qui ope Michaëlis Imperatoris Sedem Constantinopolitanam invaserat, ferit.

Canon xiiii duas habet partes : prior conformiter ad quintum Canonem statuit clericos in minori gradu constitutos qui per tempus debitum claruerint in suo gradu & officio, debere ad altiores gradus & honores provehi. Posterior pars, omnes qui se negotiis seculi, & præsertim in domibus Principum implicuerint, aditu ordinis clericalis interdicat.

Canone xiv. Episcopi aulici coguntur in ordinem, caveturque ne Strategis, hoc est, ducibus militaribus, vel quibuslibet aliis Principibus, quos Episcopi debent arguere & corrigere, blandiantur aut adulentur,

Canon xv. vetat cimelia hoc est res pretiosas & vasa sacra Ecclesiæ, excepta causa ab antiquis Canonibus ordinata, vendi : causæ autem ob quas illa vendere licet, sunt redemptio captivorum, alimenta pauperum, &c.

Canone xvi. prohibetur, ne quis laicus ornamentis sacerdotalibus aut Ecclesiasticorum utatur quemadmodum sub Michaële Imperatore, juvenilis ætatis ardore corrupto multi usi fuerant in ludibrium : iis autem qui sic abusi fuerint Epitimum ita præscribitur, ut triennio publicam agant pœnitentiam, priore anno

anno extra ecclesiam, secundo ut intra ecclesiam stent cum catechumenis: tertio ut consistant cum fidelibus, & tum demum ad sacra mysteria admittantur. Idque argumento est tum publicam poenitentiam adhuc viguisse in Ecclesia.

XII. Canonem XVI I integrum exscribam:  
*De potestate Patriarcharum & Metropolitanorum: Sancta & universalis Nicena prima Synodus antiquam consuetudinem jubet servari Egyptum & provincias quæ ab ipsa sunt, ita ut horum omnium Alexandrinus Episcopus habeat potestatem: dicens quia & in Romanorum civitate hujusmodi mos prævaluit: qua pro causa & hæc magna & sancta Synodus tam in seniori & nova Roma, quam in Sede Antiochie ac Hierosolymorum præstam consuetudinem decernit in omnibus conservari, ita ut eorum Præsules universorum Metropolitanorum, qui ab eis promoventur, & sive per manus impositionem sive per pallii dationem episcopalis dignitatis firmitatem accipiunt, habeant potestatem: videlicet ad convocandum eos urgente necessitate ad synodalem conventum, vel etiam ad coercendum illos & corrigendum cum fama eos super quibusdam delictis forsitan accusaverit, Sed quoniam sunt quidam Metropolitanorum, qui neque secundum vocationem Apostolici Præsulis occurrant, à mundi Principibus se detineri sine ratione causantur; placuit talem excusationem omnimodis esse invalidam. Cum enim Princeps pro suis causis conventus frequenter agat, impium est, ut summos Præsules ad*  
 Syno-

*Synodos pro ecclesiasticis negotiis celebrandum impediant, vel quosdam à Conciliis eorum prohibeant, licet tale impedimentum & fictam prohibitionem Metropolitanorum suggestionem diversis modis fieri didicerimus. Consueverunt autem Metropolitani in anno Synodos facere : ideoque se dicunt ad Patriarchale penitus non posse concurrere caput. Sed sancta hæc & universalis Synodus, nec Concilia quæ à Metropolitanis sunt interdicens, multo magis illa novit rationabiliora esse ac utiliora Metropolitanorum Conciliis quæ à Patriarchali Sede congregantur, & idcirco hæc fieri exigit, à Metropolita quippe unius quidem Provinciæ dispositio efficitur, à Patriarcha vero sæpe totius causa dioceseos dispensatur. Ac per hoc communis utilitas providetur, propter quod, & speciale lucrum propter generale bonum postponi convenit, cum à majoribus super hæc facta fuerit advocatio: quamvis apud quosdam Metropolitanorum antiqua consuetudo, & canonica traditio per contemptum ipsorum postposita videantur, non currentibus eis ad communem profectum : quos leges Ecclesiæ severe condemnantes omni excusatione remota subiacere vocationibus proprii Patriarchæ sive cum communiter, sive cum sigillatim factæ fuerint, exigunt. Illud autem tanquam perosum quoddam ab auribus nostris repulimus, quod à quibusdam imperitis dicitur non posse Synodum absque principali præsentia celebrari: cum nusquam sacri Canones convenire seculares Principes in Conciliis sanxerint, sed solos antistites. Unde nec interfuisse illos Synodis, exceptis Conciliis uni-*

*ver-*

*versalibus invenimus : neque enim fas est seculares Principes spectatores fieri rerum quæ sacerdotibus Dei nonnunquam eveniunt. Quisquis ergo Metropolitano-  
rum proprium Patriarcham contempserit, & vocationem ejus, quæ sive ad unum solum, sive ad plures, sive ad omnes sit, absque validissima egrotatione vel paganorum incurſu non obedierit, & per totos duos menses, post notitiam vocationis, ad proprium venire Patriarcham minime festinaverit, vel si quocumque modo latitare aut non cognoscere nuntium ab illo missum tentaverit, segregetur. Si vero intra annum eandem contumaciam & inobedientiam demonstraverit, deponatur omnibus modis, & ab omni sacerdotali operatione decidat, atque à dignitate & honore, qui Metropolitanis convenit, propellatur : is autem qui huic definitioni non obedierit, etiam & anathema sit.*

Multa occurrunt animadversione digna in hoc Canone quæ ut accuratius cognoscantur, primo notandum, à temporibus Apostolorum ad octavum Concilium quo de agitur, tria duntaxat extitisse in Ecclesia tribunalia; nimirum tribunal privatum Episcopi, tribunal Synodi provincialis, & tribunal Synodi generalis. Ita ut juxta Canonem quintum Synodi Nicænæ, iis qui privatim ab Episcopo gravati erant, liceret provocare ad Synodum provincialem, & à Synodo provinciali ad Concilium generale, ut supra docuimus in Historia Synodi Nicænæ, & sexti Concilii Carthaginensis. At præter hæc tria quartum in-

insuper hic de novo erigitur, tribunal Patriarchale scilicet: idque factum & procuratum ab Adriano II conjicio, propterea quod aliquot annis antequam octava Synodus haberetur, Hincmarus Rhemenfis Archiepiscopus Hincmarum Laudunensem Episcopum nepotem suum, vitæ desperatæ damnaverat in Synodo provinciali, juxta disciplinam Canonis quinti Nicæni, & sexti Concilii Carthaginensis; neque Laudunensi Episcopo appellanti ad Sedem Apostolicam propter cusas in Analyfi Concilii Carthaginensis explicatas Hincmarus Rhemenfis detulerat, Rege etiam Franciæ id prohibente: quam ob causam cum Adrianns PP. & Regi, & Hincmaro stomachose scripsisset, ut Laudunensem Episcopum liberum securumque mitterent Romam, & nominatim ipsi Hincmaro ut eo etiam se conferret, Rhemenfis Episcopus in scientia Canonum versatissimus ita respondit: *Quia nec prædictum Hincmarum Laudunensem, nec etiam quemlibet Episcoporum diæceseos Rhemorum, minime autem aliarum provinciarum Episcopos nisi Dominus Rex illis præceperit, Romam vel in aliquam partem mea commendatione mittendi habeo potestatem, nec ipse ego ultra fines regni sui, absque illius scientia, progredi valeo.* Legendus Flodoardus lib. III Historiæ Rhemenfis Ecclesiæ cap. 22. Præterea Carolus Calvus aculeate Adriano respondit.

XIII, His ergo de causis Adrianus ad hunc

Ca-

Canonem condendum inductus est, cui etiam respondet vigesimus sextus, de quo infra : & hi duo sunt Canones quos continuator Aimoini Monachi factos dicit in gratiam summi Pontificis contra antiquos Canones. Hoc ergo primum erit notabile. Secundum vero quod hic conformiter ad Canonem vi. Nicænum jura Patriarcharum in suos Metropolitæ primum declarentur, deinde amplientur. Siquidem illo Canone Nicæno statuitur ut nullus habeatur Episcopus quem Metropolita non consecravit : deinde aliis Canonibus præsertim Synodi Chalcedonensis ostendimus Patriarchas jus habere ordinandi Metropolitæ sui Patriarchatus; quod mediate vel immediate est intelligendum juxta ordinem vel Canonibus præscriptum, vel consuetudine diuturna acquisitum. Tertio eo docemur, Metropolitæ ordinari consuevisse sive manuum impositione, sive per pallii donationem. Impositio manuum causam habet in Euangelio : Pallii autem concessio quando & undenam ortum habuerit non satis liquet. Isidorus Pelusiota lib. i. epistola 126. ad Herminum Comitem ita Pallium videtur describere: *Amiculum quod sacerdos humeris gestat, atque ex lana non ex lino contextum est; ovis illius, quam Dominus aberrantem quaesivit inventamque humeris suis sustulit, pellem designat. Episcopus enim qui Christi typum gerit, ipsius munere fungitur, atque ipso etiam habitu illud omnibus ostendit, se boni illius ac magni*

*pastoris imitatore* esse qui *gregis infirmitates sibi ferendas proposuit*. Et ita ex Isidoro Pelusiota liquet in Græcia non solos Metropolitans, verum etiam Episcopos hoc genere amiculiferos, quod etiam confirmat Canon ultimus octavæ Synodi in qua versamur. Profecto, auctores fabulosæ donationis Constantini, Canon Constantinus, dist. 95. narrant *Imperatorem Constantinum dedisse Sylvestro PP. superhumeralē, videlicet lorum quod assolet circumdare collum imperiale* : idque videtur speciem referre hujus Pallii : unde nisi Canon iste esset supposititiū, recte inferretur primum usum hujus Pallii ab Imperatorum concessione repeti. Baronius Tomo v. Annalium ad annum Christi 432 sub finem quoddam Ecclesiæ Ravennatensis privilegium refert ; quo Valentinianus Imperator eam erigit in Metropolim, atque Joanni Episcopo Ravennatensi concedit ut honore Pallii utatur : quod privilegium ideo oppugnatur à Baronio, quoniam, ut inquit, Romanorum est Pontificum, non Imperatoris dare Pallium Episcopis : idque à posteriori probat ex S. Gregorii Epistolis : & pro confirmato quod est controversum asserit. Neque enim inficiamur Romanos Pontifices illud dare consuevisse Metropolitans seculo B. Gregorii : sed hic de ejus prima institutione disputamus, fueritne ab Imperatoribus an ab Ecclesia : verum Imperatores plurimas Metropoles instituisse nemo nisi Historiæ ignarus potest ire in-



inficias. Quare frustra illud privilegium tanquam à Valentiniano Ravennatenſi Eccleſiæ conſeſſum oppugnat Baronius. Liberatus in ſuo Breviario cap. 21. narrat, *Anthimum cum videret ſe de Conſtantinopolitana Sede expulſum, Pallium quod habuit Imperatoribus reddidiſſe, & in locum Anthimi Mennam ordinatum fuiſſe ab Agapeto PP.* Ex quo colligimus Imperatores hoc Pallium ſolitos conferre Patriarchis, idque Ravennatis Eccleſiæ privilegium à Valentiniano indultum docet: eamque etiam ob cauſam arbitror S. Gregorium lib. 1. epiſtola 27 narrare *ſe ſummis precibus petiſſe ab Mauritio Imperatore, quatenus pateretur Anaſtaſium Patriarcham Antiochenum, conſeſſo uſu Pallii, ad B. Petri Apoſtolorum principis limina celebrare ſolennia Miſſarum*: hæc ibi. Quorſum autem S. Gregorius peteret ab Imperatore, ut pateretur Antiochenum Patriarcham pallio uti, niſi Imperator jus aliquod haberet concedendi Pallii. Nam in facultate unius B. Gregorii erat concedere Antiocheno, ut ſolennia Miſſarum in æde B. Petri celebraret: ut autem Pallio uteretur, hoc à Mauritio Auguſto impetrandum fuit. Hinc ergo conjecturam inco-  
donum Pallii primum ab imperatoribus inſtitutum: & tandem labente Imperio diſpenſationem propriam Romanis Pontificibus effectam, ut & plurimâ alia. Quocirca ſicut mos erat Patriarcharum quamprimum eſſent ordinati, literas ſynodicas ſuæ ordinationis

& professionis fidei ad cæteros Patriarchas mittere, ut in Historia quintæ Synodi probavimus, ita Romanos Pontifices mittendo Pallium Metropolitæ ab illis rationem suæ fidei exegisse claret ex epistola Pelagii Papæ relata in corpus Canonicum dist. 100. *Can. Quoniam quidam Metropolitanorum fidem suam secundum priscam consuetudinem sanctæ Sedis Apostolicæ exponere detrectantes, usum Pallii neque expetunt, neque percipiunt, ac per hoc Episcoporum consecratio viduatæ Ecclesiis non sine periculo protelatur: placuit ut quisquis Metropolitanus ultra tres menses consecrationis suæ, ad fidem suam exponendam Palliumque suscipiendum ad Apostolicam Sedem non miserit, commissa sibi careat dignitate, &c.* Cæterum, non abs re est notare, S. Gregorium epistola 55 & 56 libri quarti mittere Pallium Episcopo Corinthiensi quamquam minime subjaceret Patriarchatui Romano: atque nonnullos Pontifices Romanos haud aliter Pallio quam hodie Galeri Cardinalitii munere usos: ita ut Principes & Reges Christiani illud magnis precibus à Pontifice Romano impetrare solerent pro Episcopis quibus gratificari volebant: Gregorius Magnus lib. VII Indictione prima, epistola 5. & Indictione secunda, epistola 111 & 112. At Gregorii VII seculo usu Pallii utebantur ad exigendum sacramentum fidelitatis & subjectionis à Metropolitæ: unde ipsemet Gregorius VII epistola 1. l. IX. graviter excandescit in Rothoma-

ma-

magenſem Episcopum *quod pallium ab Apoſtolica Sede pro more non acquireret* : propria ſunt verba. Quocirca illi imperat ne deinceps ullum Episcopum aut Sacerdotem ordinet, vel Eccleſiam conſecret donec Pallii uſum à Romana Sede acquiſierit: Item Paſchalis II. Gregorii VII. ſucceſſor, de Electione & electi po- teſtate, in Decretalibus cap. 4. *Significasti Reges & regni majores admiratione permotos, quod Pallium tibi ab apocriſariis noſtris tali conditione oblatum fuerit ſi ſacramentum quod à nobis ſcriptum detulerant exhiberes, &c.* Ex quo perſpicimus quod primitus in honoris atque digni- tatis indicium & notam tribuebatur, tum de- mum in onus graviffimum tranſiſſe. Ita ut Curia Romana prohibeat Archiepiſcopis ea obire munia ad quæ jure divino tenentur, an- tequam Pallium acquiſierint : quod tamen eſt res pure ceremonialis, nihil ad poteſtatem episcopalem conferens. Certe ſequioribus ſe- culis hoc ritu deferendi pallii Pontifices Ro- mani non modo omnes Eccleſias Occidentis verum etiam Orientis ſibi monarchice ſub- dere voluiſſe perſpicuum redditur ex cap. v. Synodi Lateranenſis ſub Innocentio III. quo edicitur, *ut ſinguli Patriarchæ poſtquam à Roma- no Pontifice Pallium acceperint, quod eſt plenitudo officii Pontificalis, & inſigne, & juramentum fide- litatis, atque obedientiæ Romano Pontifici præſtite- rint, licenter & ipsis ſuis ſuffraganeis Pallium lar- giantur: recipientes pro ſe profeſſionem canonicam,*

*Et pro Romana Ecclesia sponſionem obedientie ab  
eiusdem ſuffraganeis.* Hæc ibi. At vero Patriar-  
chas Orientis quamquam tam ſervitute Tur-  
carum oppreſſos, huic Canoni conſenſum  
præbuiſſe nedum obtemperaiſſe nullo modo  
credibile eſt: cum à centum amplius dehinc  
annis in Synodo Florentina ſuam priſtinam  
dignitatem maxime tutatos fuiſſe doceat Bul-  
la ipſius Eugenii IV. PP. quæ legitur in fine  
& pro concluſione Synodi Florentinæ. Et  
hactenus de tertio notabili.

XIV. Quartum eſt, quosdam Metropolitæ  
cum à propriis Patriarchis ad patriarchalem  
Synodum evocarentur, cauſatos ſe vel in Sy-  
nodorum provincialium celebratione occu-  
pari, vel à ſuis Regibus atque Principibus de-  
tineri. Statuit autem Synodus bonum priva-  
tum bono communi, hoc eſt, Synodum pro-  
vincialem patriarchali eſſe poſtponendam;  
cum Metropolita uni tantum provinciæ, Pa-  
triarcha vero diœceſi pluribus conſtante pro-  
vinciis præſideat. Ubi animadverſione di-  
gnum, bene difficultatem ſolummodo natam  
cadente Imperii majeſtate: quoniam dum Im-  
peratores Orienti & Occidenti præerant,  
quoties Episcopus Romanus aut alius Patriar-  
cha ſuam cogere volebat Synodum, dabat  
operam ut Metropolitæ literis Imperatorum  
evocarentur: quibus literis neceſſario obtem-  
perabant, ut patet ex convocatione Synodo-  
rum quarum Hiſtoriam ſupra evolvimus. At  
Re-

Regibus Franciæ constitutis, æque patiebantur suos Episcopos à regno suo longius peregrinari; hicque notandum, unam ex causis, propter quas antiquitus clerici excommunicari poterant, fuisse, si ad Synodum à Metropolitano aut Patriarcha suo vocati parere recusarent. Jacobus Almainus de Potestate ecclesiastica & laica, quæst. 111. cap. 8. quærit, *utrum si Imperator Sortem pro re civili, & Papa eodem tempore vocet eundem pro re ecclesiastica, cui potius parendum sit?* Concluditque, *quod si neque Papa neque Imperator explicent causam rei ob quam Sortem appellant, potius eundem ad Regem, quia habet majus dominium in corpora nostri quam Papa, qui non dominatur corporibus: Si vero uterque causam explicet, ei obtemperandum esse qui urgentiorem causam proponit, prout vir prudens definierit.* Hæc ille; de qua controversia alias pluribus. Quinto observandum, in hoc Canone Patriarchas nominari Apostolicos præfules: *sed quoniam sunt quidam Metropolitanorum qui ne secundum vocationem Apostolici Præfulis occurrant.* &c. Sexto, dum hic Canon singulos Metropolitans propriis subjicit Patriarchis, liquido Monarchiam recentiorum profligat: quoniam juxta hunc, & sextum Canonem Nicænum, tantumdem aliis Patriarchis in suos Metropolitans, quantum Romano in proprios licet.

XV. Septimo, dignoscitur aliquos extitisse adulatores, qui Principibus persuadebant, Synodos etiam provinciales, quibus ut

plurimum solummodo regularia tractantur, absolute haberi non posse absque eorundem Principum præsentia : quod commentum à Photio manasse videtur, cæterisque aulicis. idque nos edocet Nicolai PP. epistola viii: ad Michaëlem Imperatorem, qui Synodo præfederat. In qua S. Ignatius exauctoratus est: *Congregastis*, ait Nicolaus, *Concilium adversus Ignatium, & ad Imperii vestri nutum cuncti sunt famulati minores, & ad votum secularium, ut cum pace vestra dicamus, de solio imperiali descendentes, cathedram præfularem, ut ita fateamur, ascendistis, & pro desiderio hostium ejus, augustalium oblitiscceptorum, quendam regem Israël imitantes, adversus Ignatium sacerdotalis ministerii arripuistis officium: præsertim cum Imperium vestrum suis publicæ rei quotidianis administrationibus debeat esse contentum, nec usurpare quæ Sacerdotibus Domini solum conveniunt. Dicite quæsumus ubinam legistis Imperatores Antecessores vestros in synodalibus conventibus interfuisse: nisi forsan in quibus de fide tractatum est, quæ universalis est, quæ omnium communis est: quæ non solum ad clericos, verum etiam ad laicos, & ad omnes omnino pertinet Christianos? vos autem non solum Synodo in causa sacerdotii collecta interfuistis, verumetiam numerosa secularium millia ad videndum Ignatii opprobrium congregastis, cum magis debueratis in hoc imitari Constantinum, &c. Adeundus Canon Ubinam legistis. Dist. 96. Octavo, quamquam hic 17 Canon factus sit suasionem legatorum Adriani II. PP. & in eo*

ver-

verbum de verbo sextus Canon Nicænus referatur atque explicetur : tamen nulla fit mentio hujus formulæ, *Quod Ecclesia Romana semper habuit primatum* : de qua superius cap. 8. numero 44.

XVI. Canone XVIII prohibetur ne quisquam in bona aut privilegia Ecclesiæ invadat. *Placuit huic sanctæ & magnæ Synodo, ut res vel privilegia quæ Dei Ecclesiis ex longa consuetudine pertinent, & sive à divæ recordationis Imperatoribus, sive ab aliis Dei cultoribus in scriptis vel sine scriptis donata & ab eis per triginta annos possessa sunt, nequaquam à potestate præsulis earum quæcumque persona secularis per potestatem subtrahat, aut per argumenta quælibet auferat : sed sint omnia in potestate ac usu Præsulis ecclesiæ, quæcumque intra triginta spatium annorum ab ecclesiis possessa fuisse noscuntur. Quisquis ergo secularium contra præsentem definitionem egerit, tanquam sacrilegus judicetur, & donec se correxerit & Ecclesiæ propria privilegia seu res restituerit & reservavit, anathema sit.* Verum Patres Synodi octavæ ad hunc edendum Canonem ab Adriano II. Papa inductos verisimile est : idque ut privilegia & bona quæ Carolus Magnus atque Pipinus Caroli pater Ecclesiæ Romanæ contulerant, & ex Imperio decerpserant, aliquo titulo ecclesiastico confirmarentur : ne quis postliminio illa adjungere Imperio tentaret : hinc vero commentum adulatorum dissipatur, persuadere conantium nihil concessum fuisse Ec-

clesiis à Principibus Christianis, sed quæcumque habent jure divino monarchico possidere: ac fuisse restitutiones, non donationes, ut in historia Synodi septimæ probavimus.

Canone XIX prohibetur Metropolitæ ne prætextu visitationis Episcopos sibi suffraganeos gravent: idque crimini sacrilegii deputatur puniendo à Patriarchis. *Quisquis ergo post hanc definitionem nostram tale quid facere tentaverit, pœnam subeat à Patriarcha qui per tempus fuerit, secundum congruentiam injustitiæ ac avaritiæ suæ, & deponatur & sequestratur ut sacrilegus, & aliter ut idololatra factus juxta magnum Apostolum qui Ephes. 5. avaritiam sicut crimen idololatriæ execratur.* Quo de Canone Cusanus lib. II de Concordantia cap. 30. *Ecce sacrilegos esse qui occasione alicujus apparentis boni subditas ecclesias gravant. Unde hic mundus clamat de quæstu Romanæ Curie: si Simonia suo modo hæresis est, si gravare subiectas ecclesias sacrilegium est, si hæc agens secundum magnum Apostolum idololatra est: necessarium erit in via reformationis omnes hujusmodi quæstus tollere: maxime quia scandalizata est ipsa universalis Ecclesia ex hac avaritia præsidentium, & plus Romanæ Curie quam aliarum Ecclesiarum, &c.*

Canon XX illis cavet & consulit qui bona Ecclesiæ tenent in Emphyteusim; ne scilicet ab Episcopis aut Metropolitæ graventur aut priventur illis bonis, &c.

XVII. Canonem XXI cavetur, *Ne Papa Ro-*  
*ma-*



*manus vel alius Patriarcharum à quoquam inhonoratur. Dominicum sermonem quem Christus sanctis Apostolis & discipulis suis dixit, Quia qui vos recipit me recipit & qui vos spernit me spernit, ad omnes etiã qui post eos secundum ipsos facti sunt, summi Pontifices & Pastorum Principes in Ecclesia catholica, dictum esse credentes: definimus, neminem prorsus mundi potentium quemquam eorum qui patriarchalibus Sedibus præsunt inhonorare aut movere à proprio throno tentare, sed omni reverentia & honore dignos judicare, præcipue quidem sanctissimum Papam senioris Romæ, deinceps autem Constantinopoleos Patriarcham, deinde vero Alexandriæ ac Antiochiæ atque Hierosolymorum: sed nec alium quemcumque conscriptiones contra sanctissimum Papam senioris Romæ ac verba complicare & componere, sub occasione quasi dissamatorum quorundam criminum: quod & nuper Photius fecit, & multo ante Dioscorus. Quisquis autem tanta jactantia & audacia usus fuerit, ut secundum Photium vel Dioscorum in scriptis vel sine scriptis, injurias quasdam contra Sedem Petri Apostolorum Principis moveat, æqualem & eandem, quam illi condemnationem, recipiat. Si vero quis aliqua seculi potestate fruens vel potens pellere tentaverit præfatum Apostolicæ Cathedræ Papam, aut aliorum Patriarcharum quemquam, anathema sit. Porro si Synodus universalis fuerit congregata, & facta fuerit etiam de sancta Romanorum Ecclesia quævis ambiguitas & controversia; oportet venerabiliter & cum convenienti reverentia de proposita questione sciscitari & solu-*

*solutionem accipere, aut proficere, aut profectum facere, non tamen audacter sententiam dicere contra summos senioris Romæ Pontifices.*

Hoc Canone fatisfit. querelis Adriani, contra Photium Actione vii superius explicatis, quibus expostulationem habuit, quod imitatione Dioscori, qui Leonem Magnum excommunicaverat, ausus fuisset Nicolaum Papam anathemate percutere: & hic est unus ex Canonibus qui conditi sunt in gratiam Papæ atque aliorum Patriarcharum, quorum eandem esse causam probat Cusanus lib. ii de Concordantia cap. 17. sub finem. *Et quod Patriarchæ equiparentur in depositionibus, facit 22 Dist. Can. Definimus.* Et aliquanto post. *Sed Papam universali Concilio totius Ecclesiæ subesse clariori definitione Concilium octavum universale explicavit Canone XXI. qui incipit: Dominicum sermonem cujus pars habetur 22 Dist. Can. Definimus: dicit autem quod universalis Synodus cum convenienti reverentia quamlibet questionem de Sede Romanorum exortam audire tenetur, & in ea proficere aut profectum facere: non tamen audacter sententiam in Romanum Pontificem dicere.* Ecce, inquit, quod licet omnem questionem de Sede Apostolica exortam definire habeat universale Concilium, hoc tamen ob primatiam & reverentiam capitis cum convenientia & reverentia non audacter sententiam dicendo facere debet. Quare manifestum est ex his universale Concilium simpliciter supra Papam esse. Item Almainus de Auctoritate

tate Ecclesiæ cap. VII. *Ecce, ait, quod, licet Concilium potestatem habeat definiendæ quæstionis excitatæ de Romana Sede: tamen Patres VII I Concilii id volunt fieri cum reverentia propter dignitatem Primatus.* Et ita exploditur vulgaris sententia Canonis: *nemo judicabit primam Sedem,* tanquam Canonibus contraria, 9. quæst. 3. Verum Cajetanus ut hanc petitionem declinet tractatu I I de Auctoritate Papæ cap. 10. multa turbat: *Nam, ait, dum Concilium VII I statuit non licere audacter dicere sententiam in Romanum Pontificem, significare quod non nisi audacter in illum proferri possit sententia, & consequenter absolute non esse ferendam sententiam in illum.* Quæ responsio lectione ipsius Canonis ruit: quo ostenditur non esse à Sedibus inferioribus temere & audacter more Dioscori & Photii sententiam contra primam Sedem pronunciandam: quia, ut ait Anastasius in præfatione VI I I Synodi: *Canonibus, imo vero naturæ, repugnat, primam Sedem à Sede inferiori judicari: hoc enim soli Concilio generali merito relinquitur, & hoc ipsum est quod Canon XXI octavi Concilii docet.*

XVIII. Canon XXI I sic habet: *Promotiones atque consecrationes Episcoporum concordantes prioribus Conciliis electione ac decreto Episcoporum collegii fieri sancta hæc & universalis Synodus definit & statuit: atque jure promulgat neminem laicorum Principum vel potentum semet inserere electioni vel promotioni Patriarchæ, vel Metropolitæ, aut cujuslibet*

*libet Episcopi, ne videlicet inordinata hinc & incongrua fiat confusio vel contentio: præsertim cum nullam in talibus potestativorum vel cæterorum laicorum habere conveniat: sed potius silere ac attendere sibi usquequo regulariter à collegio Ecclesiæ suscipiat finem electio futuri Pontificis. Si vero quis laicorum ad concertandum & cooperandum ab Ecclesiâ invitatur, licet hujusmodi cum reverentia si forte voluerit obtemperare se adsciscitentibus: taliter enim sibi dignum pastorem regulariter ad Ecclesiæ salutem promoveat. Quisquis autem secularium Principum & potentum vel alterius dignitatis laicus adversus communem ac consonantem atque canonicam electionem ecclesiastici ordinis agere tentaverit, anathema sit, donec obediat, & consentiat, quod Ecclesiâ de electione ac ordinatione proprii Præsulis se velle monstraverit.*

Huic Canoni concordat XI I supra expositus, ad cujus intelligentiam Cardinalis Cusanus lib. I I de Concordantia cap. 32. demonstrans invitum dari non posse Episcopum: quam in rem laudat Can. de Neptis 3 I. quæst. 2. quo docetur, sicut in matrimonio carnali, sic in Ecclesiâ unum corpus spirituale constitui debere ex Episcopo & plebe, ac proinde consensum necessarium videri: quoniam non dubium, inquit, inter Episcopum & Ecclesiâ matrimonium esse 3 quæst. I Can. Audivimus. Et propterea I quæst. I Can. Ordinationes, dici ordinationes quæ non sunt communi consensu cleri & populi secundum canonicas sanctiones, & ab iis, ad quos consecratio pertinet, non probari

& falsas judicari: quoniam qui taliter ordinantur, non per ostium, id est, per Christum intrant, sed, ut ipsa veritas testatur, fures sunt & latrones. Et ratio hujus est, quoniam consensus de essentia matrimonii est. Diversitas enim ordinum præpositorum & subjectorum pro conservatione Reipublicæ ordinata est, ut dum reverentiam exhibent minores potioribus, & potiores minoribus dilectionem, vera concordia ex diversitate contexeretur, ut recte officiorum gereretur administratio, ut 89 Dist. Can. Ad hoc, & Dist. 45. Can. Licet. Igitur ex Concordantia subsistit Ecclesia. QUARE INVITIS PRÆSES NON RECTE PRÆPONITUR de quo pulchre Dist. 95. Can. Esto Sed oportet quod illoqui præest, ab omnibus quibus præest, constituatur, tacite vel expresse: sin autem aliter præsumptum fuerit, viribus carere dubium non est, quia irritum est, Dist. 66. Can. Archiepiscopus: qui dicit alibi, oportet ut ille, qui omnibus præesse debet ab omnibus eligatur. Et quod ille textus Archiepiscopus intelligatur ab electione patet in originali, & Panormia Ivonius qui dicit: Oportet autem ut ille qui omnibus præesse videtur, ab omnibus illis eligatur & ordinetur. Idetiam optime probat idem Can. Metropolitano, Dist. 63. & Can. Valentinianus: Ordinatio enim idem est sepe quod electio 61. Dist. Can. In Sacerdotale; per consensum enim eligentium & electi hoc matrimonium constituitur, ut notatur in cap. Cum inter Canonicos, de Electione, & 63 Dist. Can. Quanto, in Glossa. Electio autem consensui equiparatur, ut est textus in Can. Episcopus Dist.

63. hoc est matrimonium quod inter eligentes & electum contrahitur, ut notatur in cap. 11. de Translatione secundum Innocentium. De hoc etiam in Can. Obeuntibus Dist. 63. Et quia omnis cura reformationis stat in hoc ut Præsides, Rectores & Gubernatores boni constituantur: quoniam si ille, qui lex animata esse debet in terris, bonus non est; quale periculum subiectis immineat, facile scire quisque potest. Unde in constituendis rectoribus ecclesiasticis, qui in vitis dari non debent, divina præcepta sunt, ut per electionem procedatur. Et ut paucis contentemur allegationibus, ita scribit S. Cyprianus in epistola de Martiale & Basilide: Item aliquanto post medium capitis: Ecce ergo, ait, electiones de divino jure esse præsertim quod invitus non detur populo: & consequenter EST CONTRA OMNEM RATIONEM DARE NON EXPETITUM. Unde Leo Papa 62 Dist. Nulla ratio finit ut inter Episcopos habeantur qui nec a clericis sunt electi, nec a plebibus expetiti, nec a Comprovincialibus Episcopis cum Metropolitanis iudicio consecrati. Ecce tria requiri ad hoc quod Præses rationabiliter constituantur: electionem cleri, consensum plebis, & iudicium Metropolitanis & de hoc infinita, ut ita dicam, jura sunt. Si igitur Ecclesia reformari debet, necessarium est divina & naturalia Jura & Canonum sanctiones circa materiam electionem repeti & amplius servari. Concluditque Cusanus, Manifestum esse scientiam legis ex ore sacerdotum requiri Malachie 2. ac insuper ex falsa doctrina que ex ignorantia vel amali, in sacerdotis seminaretur, populum

*lum non excusari. Unde si non deberet populi consensus intervenire in præsidente, injuste puniretur ex ignorantia vel malitia sacerdotis, juxta præmissa: quum ad ejus præsidentiam eorum consensus nunquam intervenit: nihil enim potest tunc ipsi populo imputari: quare salus publica exigit per electionem & consensum Præsides fieri. Hactenus Cardinalis Cusanus; at nos pluribus aliquando de sacrarum electionum jure atque investituris disputabimus Deo bene propitio.*

Canon XXI I I jubet singulos Episcopos suis se finibus continere, neque in possessiones Ecclesiarum alienarum aut vicinarum invadere.

XIX. Canon XXIV integer exscribendus: *Quod non oporteat Metropolitæ suffraganeis suis Episcopis ministeria ecclesiastica suæ Metropoleos committere; divina scriptura dicente, maledictus omnis homo qui facit opus Domini negligenter: quidam Metropolitanorum in extremam negligentiam & desidiam delapsi, præceptionibus suis subiectos ad se adducunt Episcopos, & committunt eis ecclesiæ propriæ divina officia & litanias, & cuncta omnino sacra quæ ad se pertinent ministeria; ita ut per illos celebrent omnia quæ per semet alacriter agere debuerint: ac per id eos qui episcopalem dignitatem meruerunt quodammodo clericos sibi subiectos exhibeant. Vacant autem iidem præter ecclesiasticas leges secularibus curis atque dispositionibus dimittentes perseverare in orationibus & obsecrationibus pro suis delectis ac populi ignorantibus quod nusquam*

apud antiquos penitus invenitur, cum sit canonicis nimirum contrarium omnino praeceptis: Et quod saevius est, quia suis stipendiis per distinctas mensum vices frui dicuntur praedicta perficere ministeria, quod ab apostolico munimine modis omnibus ostenditur alienum. Hac autem omnia magnis Et multis ac vehementissimis damnationibus dignos hujusmodi statuunt: probantur enim tales per haec quae faciunt etiam sathanica jactantia Et superbia languere. Quisquis ergo Metropolitanorum post hanc sancta Et universalis Synodi definitionem eadem audacia vel superbia Et contemptu abusus, non per se cum timore Dei Et alacritate seu conscientia bona, debita ministeria in propria civitate, sed per suffraganeos Episcopos suos efficere tentaverit, pœnas exsolvat coram proprio Patriarcha, Et aut corrigatur, aut deponatur. Verum de hoc Canone ita Cusanus lib. 11. de Concordantia cap. 92. Ecce, inquit, si vacare secularibus curis atque dispositionibus est omnino contrarium canonicis praeceptis in Metropolitano: quo modo pene omnes à Papa, qui summus Metropolitae est, usque quasi ad minimum Metropolitam, canonica praecepta servantur? nonne iste textus vere narrat dispositionem hodiernam? Si igitur reformatio fieri debet in iis quae sunt contra canonica praecepta, necesse est secundum illum Canonem amplius illis secularibus curis Et dispositionibus non vacare: sed ea quae curae animarum ac officio incumbunt, diligenter Et alacriter exercere. Unde ne Papa sibi hoc non dictum putet, videat id quod scribit S. Clemens ad Jacobum fratrem Domini, quid



quid ad eum dixerat S. Petrus dum eum ordinaret, & sibi ligandi & solvendi potestatem tradidisset, ac exposuisset quo modo ut medicus pro salute subditorum illis uti deberet: subjunxitque, in nulla alia occasione inveniri debere mundialis negotii occasione perplexus: dicens, Neque enim judicem aut cognitorem secularium negotiorum hodie te voluit ordinari Christus, ne prefocatus presentibus hominum curis, non posses verbo Dei vacare. Ad idem 96. Dist. Can. Cum ad verum, & Can. Duo sunt quippe Imperator Auguste. Ecce negare non potest Papa aut quilibet Pastor, quin ad pascendum verbo & exemplo datus sit, ut Agatho dixit; & in sexta Synodo, quarta actione legitur sic: *Vae mihi si negligens fuero. Quis rogo sufficit ad tantam curam spiritualem? nonne si perdifficile est spirituali cura ad normam satis facere, necessario concedendum est temporalium curam presidentibus Pastoribus multum obesse? Pluribus enim intentus & pene se mutuo non plane consentientibus quomodo utrumque recte agere potest: cum qui ad utrumque festinet neutrum peragat? Et non est opus circumloquutione: videmus propter commixtionem curarum, spiritualem curam a temporali victam, & pene succubisse. Et si temporalia ita ad spiritualia conferunt ut sine ipsis subsistere non possint: non est tamen propter hoc cura temporalium spiritualibus humeris alliganda: ne qui ut spiritualior ceteris, ut Pontifex iter in patriam ostendere habet, mole temporalium graviter pressus, citius ceteris in via deficiat, &c.* Quanta autem fuerit cura antiquorum ad probi-

*bendum commixtionem spiritualis & temporalis curæ in clero, vide sanctum Cyprianum ad clerum & plebem de Victore qui Faustinum presbyterum nominavit. Vide totam Dist. 88. Subjicit & hanc vocem Hugonis de sancto Victore in suo sacramentali: Ecclesia licet fructum terrene possessionis in usum accipiat, potestatem tamen exercende justitiæ per ecclesiasticas personas aut judicia secularia exercere non potest. potest tamen ministros habere laicas personas, per quos jura & judicia ad terrenam potestatem pertinentia, secundum tenorem legum & debitum juris terreni exerceantur: sic tamen ut qui potestatem habent à Principe terreno se habere cognoscant. Quam Hugonis Victorienſis sententiam, Bellarmino, Suari & aliis considerandam relinquo, qui potestatem fundendi sanguinis, contra jus divinum & naturale Ecclesiæ arrogant, & in exemplum Inquisitionis Romanæ officium venditant.*

Canone xxv statuitur, omnes cum Episcopos tum alios inferiores Clericos qui Photio ad hærent, non recipiendos in Catalogo sacerdotii, priusquam pœnitentiam egerint.

XX. Canonem xxvi solidum exscribam, quo decernitur: *ut Clerici depositi vel qui injuriam passi sunt ab Episcopo suo, possint recurrere ad majores Ecclesiæ Catholicæ principes, hoc est, ad Patriarchas. Placuit & hoc sanctæ Synodo, ut quicumque Presbyter aut Diaconus à proprio Episcopo depositus fuerit propter aliquod crimen, vel si quamlibet injustitiam se pati dixerit, & non acquieverit judicio proprii Episcopi, dicens eum suspectum*

*ſpectum ſe habere, & vel propter inimicitiam quam erga ſe tenuerit, vel propter gratiam quam aliis quibuſdam præſtare voluerit, idcirco in ſe fuiſſe tale quid operatum: poteſtatem habeat ad Metropolitam ipſius provincie concurrere, & eam quam putat injuſtam de poſitionem vel aliam leſionem denunciare; Metropolita vero ille libenter ſuſcipiat hujusmodi, & advocet Epiſcopum qui depoſiit, vel alio modo Clericum læſit, & apud ſe cum aliis etiam Epiſcopis, negotiis faciat examen, ad confirmandum ſcilicet ſine omni ſuſpicionem vel deſtruendum per generalem Synodum, & multorum ſententia Clerici de poſitionem. Similiter etiam Epiſcopos concurrere ad Patriarchale caput decernimus, qui à Metropolitæ ſuis talia ſe pertuliſſe fatentur, ut apud Patriarcham Metropolitæ qui ſub ipſo ſunt juſtam & ſine ſuſpicionem ſententiam, quod movetur negotium accipiat. Inſuper etiam nullo modo quiſquis Metropolitanorum vel Epiſcoporum à vicinis Metropolitæ vel Epiſcopis provincie ſuæ judicetur, licet quadam incurriſſe crimina perhibeatur: ſed à ſolo Patriarcha proprio judicetur: cujus ſententiam rationabilem & judicium juſtum ac ſine ſuſpicionem fore decernimus: eo quod apud eum honorabiliores quæ colligantur, ac per hoc ratum & firmum penitus ſit, quod ab ipſo fuerit judicatum. Si quis autem non acquieverit iis quæ à nobis edita ſunt, excommunicatus exiſtat.*

Hic Canon unus ex illis eſt qui contra antiquos Canones Romano favent Pontifici: atque tribunal patriarchale erigit, quod tum

demum omnia alia Ecclesiæ tribunalia vel absorpsit, vel penitus oppressit : sicque viam Curiae Romanæ stravit ad absolutam monarchiam constituendam. Verum partim dissentit, partim consentit Canonibus Nicænis: qui jus commune in omnibus Ecclesiis servari strictissime; atque non modo Presbyteros & minores Clericos, verum etiam Episcopos ipsos à suis Metropolitanis in Synodis provincialibus & locis, ubi delicta commissa erant, judicari decernunt, propter causas & rationes quas in Historia sextæ Synodi Carthaginensis evolvimus. At regula hæc Patrum Synodi **VI I I** solos minores Clericos Episcoporum atque Metropolitanorum suorum judicio: Episcopos autem solis Patriarcharum placitis reservat : sicque jus commune magna ex parte labefactat. Quæ autem causa Adrianum **II** ad Canonem **XVI I** supra laudatum, eadem & ad hunc meditandum scribendumque impulit, ut à legatis suis proponeretur in Synodo **VI I I** comprobandus. Siquidem Hincmarus Rhemenfis tempore Nicolai **I** Rhodani Sueffionensem, & sub Adriano **II** Hincmarum Laudunensem Episcopum, congruenter ad disciplinam Canonum Nicænorum & sexti Concilii Carthaginensis, in Synodo provinciali Gallie canonice judicari curaverat : neque illis ad Sedem Apostolicam appellantibus deferendum ullo modo censuerat; propterea quod ejusmodi appellationes juri communi de-

derogarent, essentque contra Canones. Quocirca ne quid tale dehinc contingeret, hoc Canone xxvi cavetur, quid Canonibus Nicænis juriq̃e communi manifesto repugnat. Proculdubio nullus ab eo tempore extitit Episcopus, qui jugum sui Metropolitani & juris communis repagula non excusserit. Nam vel penitus Synodi provinciales intermissæ; vel si non intermissæ crebris appellationibus ad Romanam Curiam ita excisæ, atque enervatæ sunt, ut ex Episcopo Romano Papa absolutus Ecclesiæ monarcha evaserit. Et hoc primo habebamus observandum. Secundo loco idem Canon absolutam monarchiam Curialium clare profligat, quoniam singuli Episcopi & Metropolitæ suis quique Patriarchis respective & proportionatim, nequaquam vero uni & soli Romano Pontifici submittuntur: tantumdemque juris cæteri Patriarchæ in suos Metropolitæ & Episcopos, quantum & Romanus in proprios obtinet. Tertio hinc etiam liquet, tempore octavi Concilii Synodum Sardicam nullo in usu aut pretio fuisse: cum hoc Canone doceamus singulos Metropolitæ & Episcopos à propriis Patriarchis, & non ab uno & solo Papa judicari oportere, sicut est Canonibus Sardicis provisorie definitum: qui quidem si tum in usu fuissent, nihil opus erat hoc Canone, qui certe Canones Sardicos labefactat. Quarto, cum Adrianus II. peroptaret hujusmodi Canones in gratiam

Romanæ Sedis præcipue constitui; non est mirabile, illum contra consuetudinem in omnibus aliis generalibus Conciliis, à Vicariis Sedis Romanæ usitatam, vel potius usurpatam, voluisse suos Vicarios interesse Actioni ultimæ hujus Synodi qua Canones conderentur: quia sua res agebatur. Cæterum in aliis Synodis Vicarios Pontificum noluisse Canones approbare, & causam ejus rei supra declaravimus.

Canone xxvi i qui ultimus est, statuitur, ne cuiquam Pallio uti liceat præter loca & tempora definita, &c.

XXI. Post lectionem Canonum stans in medio Bahanes Patritius & Præpositus jussu Imperatorum petiit à Sancta Synodo, quid insuper facere deliberaret. Vicarii omnium Sedium Patriarchalium dixerunt, terminum esse ponendum Synodo & summam omnium Actorum omnibus audientibus legendam: quare Metrophanes Smyrnæ, & Cyprianus Metropoli Claudiopoli, legerunt ad hunc modum: *Sancta, magna, & universalis Synodus, quæ per divinam voluntatem & gratiam & sanctionem amicorum Christi ac Deo confirmatorum Imperatorum nostrorum, Basilii & Constantini, congregata est in hac Deo conservanda regia urbe, in famosissimo templo sanctæ & magni nominis Sophiæ, definivit subter annexa, &c.* Porro, omnes definitiones fidei septem præcedentium Conciliorum generalium renovat & inculcat: *atque inter*

*inter alia nominatim anathematizat Theodorum qui fuit Episcopus Pharan & Sergium, & Pyrrhum, & Paulum, & Petrum, impios Prasules Constantinopolitanorum Ecclesia, ATQUE CUM EIS HONORIUM ROMÆ, una cum Syro Alexandria, nec non & Macarium Antiochie ac discipulum ejus Stephanum, &c. Theodorum Critthinum Iconomachum, &c. Deinde transeunt ad gesta Photii, declarantque non solo dogmatum orthodoxorum errore homines perdi atque damnari, & Ecclesiam turbari, verum etiam divinorum mandatorum prævaricatione, ut Photio contigit, nam alias erat orthodoxus. Damnatur autem sicut perversor atque adulter cum omnibus suis sequacibus, & nequitia fautoribus: quem extrema clausula sic flagellant: Quia Ecclesiam Christi adulterasti, & populum Domini multis partibus & multis modis scandalizasti & perdidisti: eos autem qui sic se non habent sed illi faventes adherent, siquidem Episcopi vel Clerici sunt, in perpetuum depositos fore precipimus: monachos autem seu laicos anathematizamus; quousque à sua seductione atque malitia convertantur. Porro hinc perspicuum atque indubitatum evadit, Honorium Papam tribus in diversis generalibus Conciliis damnatum hæreseos.*

*Facta & perlecta definitione Concilii, Basilii Imperator ad hunc modum Patres affatur: Dicat nunc sancta & universalis Synodus, si omnibus sanctissimis Episcopis concordantibus atque consentientibus, prasens terminus sit depromptus: Oportet enim divina quaque cum universorum con-*

sensu & consonantia in ecclesiasticis predicari, & confirmari à collegiis. Sancta Synodus exclamavit: Omnes ita sapimus, omnes ita predicamus: Omnes concinentes & consentientes prompte subscribimus: hoc est veritatis iudicium, hoc est iustitiæ decretum: hæc est Canonum expositio: hæc est Ecclesiastica ordinationis defensio, hanc Synodum zelator Deus congregavit: sanctissimos Vicarios senioris Romæ & aliarum trium patriarchalium Sedium, ultionum Dominus in idipsum convocavit: Piiſſimum Imperatorem nostrum & divinitus gubernandum Dominum Deus direxit: nos hæc synodica ligamenta & apostolica, sine ulla evacuatione custodimus, &c. Multos annos Imperatorum Basilii, Constantini ac Leonis: multos annos Basilii orthodoxi Imperatoris, &c. Basilio novo Constantino æterna memoria, novo Theodosio æterna memoria, novo Martiano æterna memoria, novo Justiniano æterna memoria: Eudoxiæ piissimæ Augustæ multos annos: Eudoxiæ novæ Judith æterna memoria: novæ Helene, novæ Pulcheriæ æterna memoria. Deus conservet imperium vestrum, &c. Photio invasori & adultero Constantinopolitanorum Ecclesiæ anathema, &c. Adriani B. Papæ Romani, & sanctæ ac universalis Synodi septimæ Nicææ secundo celebratæ, constitutoris æterna memoria: Germani, Tarasii, Nicephori, & Methodii venerabilium Patriarcharum æterna memoria, Nicolai B. Papæ senioris Romæ æterna memoria, propugnatoris veritatis æterna memoria, Adriani B. Papæ Romani multos annos. Theodasii sanctissimi Patriarchæ Hierosolymorum multos annos, Michaëlis



*chaëlis S. Patriarchæ Alexandria multos annos : sanctissimorum Vicariorum senioris Romæ, & aliorum patriarchalium Sedium multos annos : sanctæ & magnæ ac universalis octavæ Synodi æterna memoria. Photio & Gregorio Neocæsariensi ac Eulampio triplici funiculo nequitiaë anathema, &c.* His autem peractis, iterum Basilius Imperator petiit à Patribus quid eis videretur de iis quæ lecta erant ? An bene esset expositus terminus & definitio Concilii ? An placeret eis Canonum expositio ? An esset aliquid in eorum mentibus ad ambiguum opinionem pertrahens : se autem alloquutionem ad sanctam Synodum fecisse, & si videretur bonum Patribus legeretur : *Sancta & universalis Synodus dixit, quæ pertinent ad utilitatem Ecclesiæ legantur.* Tum Leo Regius Secretarius orationem ad Synodum partim eucharisticam, partim protrepticam legit. Primum enim Imperator gratias agit Patribus quod tantos labores, ut pax Ecclesiæ constitueretur, pertulerint : Deinde pendente & aperta adhuc Synodo omnes monet, si quid habeant dubii vel difficultatis super rebus definitis in Synodo, id libere dicant ut eis satisfiat sive ex ordine Clericorum, sive ex laicis existant : quoniam soluta Synodo, qui decretis contradicere apparuerit, aut non communicaverit iuste condemnabitur, & exilio multabitur, ut corruptor, & pestilens, & membrum putridum inutile, & commune corpus violans. Deinceps exhortatur Patres ad

ad ecclesias suas verbo atque exemplo pascendas, & definitionem factam stricte servandam quam suo consensu & concordia sciverunt. Demum illorum reprehendit infaniam, qui ordine naturæ turbato, oblitifepedes esse, oculorum officio fungi volunt in Ecclesia. Quibus perlectis Basilius Imperator dixit: *Dicat nunc quicumque voluerit ex sedentibus in hac sancta & universalis Synodo, in quo istorum hasitet vel ambigat quæ nunc lecta sunt: Sancta Synodus exclamavit, Omnibus placent quæ lecta sunt: omnes eisdem ipsis concordamus: omnes libenter subscribimus, Sanctissimi Vicarii senioris Romæ dixerunt: Quoniam providentia Dei in prosperum finem omnia Ecclesiæ devenerunt negotia; oportet nos & in scriptis manu propria hæc roborare secundum synodicam consequentiam. Unde volumus ut subscribant primum Christi amatores Imperatores: & deinde secundum ordinem sancta hæc Synodus. Basilius Imperator dixit: Tranquillissimum Imperium nostrum sequutum præcedentes & justissimos Imperatores Constantinum videlicet Magnum, & Theodosium, & Marcianum, ac cæteros vult subscribere post subscriptionem omnium Deo amabilem Episcoporum. Sed quoniam postulat præferri nos Sanctitas vestra, subscribam post subscriptionem omnium sanctissimorum Vicariorum: edocti enim sumus à Christo vero Deo nostro habere exaltantem humilitatem. Et post hoc accipiens Donatus S. Episcopus Ostiæ subscripsit in quinque libris, & deinde Stephanus Episcopus Nepæ, &c. Demum post Vicarios*  
*Se-*

Sedium Patriarchalium & Ignatium Constantinopolitanum Patriarcham similiter Basilius & Constantinus subfignarunt in quinque voluminibus pretiosæ Crucis figuram : Patricii quoque suum præbuerunt sigillatim & ordinatim assensum. Deinde omnes Episcopi subscripserunt in quinque libris, quæ sunt exemplaria quinque patriarchalibus Sedibus tradita ut in eorum archivis asservarentur. Qui ergo ad hæc animum adjunxerit, facile cognoscet Synodum hanc, sicut & septem præcedentes, vim & robur habuisse non ab imaginaria infallibili monarchia Papæ, cujus omnia judicia synodice & canonice examinantur, sed à communi consensu & subscriptionibus omnium Patrum, sanctorum communionem referentium; juxta regulas aristocratici regiminis. Quod certe Anastasius Bibliothecarius in Præfatione Synodi octavæ, cujus supra meminimus, sic declarat de hac Synodo loquens : *Universalis est, ait, primo quia catholica fides in ea, & sanctæ leges, quæ non solum à sacerdotibus, sed & ab universis Christianis coli debent & venerari, contra hostes earum consona voce defenditur. Deinde quia cum Christus in corpore suo, quod est Ecclesia, tot patriarchales Sedes quot in cujusque mortali corpore sensus locaverit, profecto nihil generalitati deest Ecclesiæ, si omnes illæ Sedes unius fuerint voluntatis : sicut nihil deest motui corporis, si omnes quinque sensus integræ communisque fuerint sanitatis : inter quas videlicet Sedes, quia Romana*  
*præ-*

*præcellit, non immerito visui comparatur : qui profecto cunctis sensibus præeminet, acutior illis existens, & communionem sicut nullus eorum cum omnibus habens. Hæc ille.*

XXII. Deinde aliquanto infra dicit, plane monendum Lectorem, & per futurorum cautela arctius memoriæ commendandum, ea esse genuina Acta quæ in Græco codice in Romana Ecclesia scripta reperiuntur, & in Latinitatem translata in archivo ejusdem Ecclesiæ recondita comprobantur: quæque omnium patriarchalium Sedium & ipsorum quoque Imperatorum atque cunctorum Antistitum subscriptionibus roborata & nunc usque signata consistunt, &c. Qua Anastasii sententia, nulla alia locupletior ad regiminis aristocratici vindicias adferri potest & ad convincendum; tempore Adriani II Papæ Patriarcham Constantinopolitanum semper continuasse in sua prærogativa, ut secundus post Vicarios Sedis Romanæ sederet: item ad demonstrandum Honorium fuisse Monotheletam, quoniam Acta ab Anastasio laudata indubitata sunt fidei: quandoquidem ait, ea germana esse quæ Ecclesia Romana in Græco codice asseruat & Latinitate à se donata custodiuntur in Archivis Romanæ Ecclesiæ. At hæc ipsa sunt quæ in editione Romana & Binii continentur, unde ea exprompsimus: amplioraque sunt in Romana quam in aliis collectionibus Conciliorum. Porro ex Actis hujus Synodi sicut & aliarum præcedentium exsplendescit, quantum

tum

tum Imperatores juris haberent in Synodis generalibus indicendis, atque regendis, quibus tum per sese, cum per Senatum suum ad ordinem constituendum præfident, easque edictis confirmant: quare in omnibus Actionibus dum acclamationes fiunt, primo loco Imperator ponitur, deinde suo ordine Sedes Patriarchales subsequuntur quod opprime notandum. Cæterum cum rogaretur Imperator ut primus subscriberet, imitatione Constantini Magni, Theodosii, & aliorum piissimorum Imperatorum lubenter prærogativam Sedibus Patriarchalibus concessit. Et hæc jam collapsa majestate Imperii Romani, quid ergo ea florente consuetum esset fieri hinc facile est judicare.

XXIII. Hic obiter monendus Lector, quamquam B. Ignatius Patriarcha Constantinopolitanus auctoritate Nicolai I. & Adriani II. in Sedem Constantinopolitanam restitutus fuisset, nihilominus aliquot annis post, Joanni VIII. PP. Archiepiscopatum Bulgariae Sedi Romanæ adjungere volenti, & eam ob causam censuras adversus Ignatium vibranti strenue obstitisse, & Bulgariam retinuisse: atque paulo post viam universæ carnis ingressum claruisse miraculis, teste Baronio Tomo x. Annalium ad annum Christi 878. *Nam Ignatius quæ juris essent suæ Ecclesiæ defendere juramento tenebatur obstrictus, etiam æternæ vitæ dispendio: non enim aliena retinere, sed sua possidere*

*ex possessione Prædecessorum ipse justum putavit*, ait Baronius. Verum Ignatio mortuo, Photius ad Episcopatum Constantinopolitanum regendum admissus est: quoniam major pars Episcoporum Orientalis Ecclesiæ Photio adhærebat. Quocirca Imperator Basilius Joanni VIII. Papæ scripsit ut illum ad suam communionem admitteret, quoniam hoc paci Ecclesiæ Constantinopolitanæ valde conducere. Vide Joannis VIII. PP. 199. 100 & 101. epistolam, qui ad vitandum schisma prudentur Photium recepit: certe in hac Synodo octava vix centum Episcopi adversus Photium federunt. Jam supra docui, Græcos hoc improbare octavum Concilium, unde initio Actionis sextæ Concilii Ferrariensis sub Eugenio IV in colloquutione Juliani Cardinalis & Marci Episcopi Græciæ, dicitur *quod Joannes VIII. aliud habuerit Concilium quod appellavit octavum, quo Acta hujus Concilii Octavi improbatum atque Photium restituit*: Hæ enim Marcus Episcopus respondit, Cui Julianus Cardinalis, *Hoc metu vos libero*, inquit: *nam nihil de ipso Concilio octavo scilicet recitabitur, &c. nam de octavo Concilio nobis cura non est*. Hæc ibi. Quæ ostendunt abdicationem Photii factam in hoc octavo Concilio minime probatam ab Orientalibus; qui eam ob rem hoc Concilium octavum respuerunt.

C A P U T XIII.

- I. *Summa rerum quæ historia octo primorum Conciliorum generalium continetur.*
- II. *Earumdem rerum comparatio cum disciplina post decimum seculum introducta: & quanta disciplina ecclesiastica; regiminis aristocratici, & juris communis conturbatio post occasum Imperii, atque Sedium patriarchalium Orientis everisionem sequuta fuerit.*
- III. *De Gregorii VII. Dictatibus, quibus summa absoluti regiminis monarchici præscribitur, ad quam Romana Cæ-  
ræ ab eo dæ semper collineavit.*
- IV. *Paschalis II Decretalis, qua Romano Pontifici abso-  
lutam potestatem super omnia Concilia arrogat.*
- V. *Quonam tempore hac formula concludendi Synodos in-  
troducta fuerit: Nos sacro approbante vel consentiente  
Concilio decernimus.*

I. **V**ERUMENIMVERO ut superioris Histo-  
riæ compendium, nobisque gradum  
faciamus ad referendam Politicæ ecclesiasticæ  
commutationem, quæ post decimum secu-  
lum à Christo introducta est in Ecclesiam:  
Primum nullus nisi communis sensus experts  
ambigere potest, quin Imperatores, tanquam  
Juris Divini, Naturalis & Canonici vindices;  
atque communes Episcopi externæ discipli-  
næ, jus habeant cogendi Ecclesiasticos ad Le-  
gis Divinæ, Naturalis & Canonice exequu-  
tionem: hoc que titulo octo primæ universalia  
Concilia indixerint, convocarint, congrega-  
rint, & tanquam Præsides atque ordinis pu-  
blici assertores direxerint, confirmarint, at-  
que finita Synodo Patribus commeatum &  
facultatem discedendi concesserint. Hoc enim

claret ex Actis indubitatis octo primarium Synodorum generalium: quæ nullis cavillationibus obscurari aut labefactari queunt.

Secundò patet; eadem octo prima Concilia universalia quinque Patriarchis ex æquo indicta ab Imperatoribus: Romano Episcopo consensum suum præbente, juxta regulam ecclesiasticam cap. 1. hujus libri explicatam.

Tertio, Ecclesiam aristocratico regimine & jure communi ad normam Canonum gubernari consuevisse: ita ut omnes Episcopi in solidum suas regerent ecclesias in ordine ad regimen aristocraticum, Canone v Nicæno consecratum.

Quarto, cæteros Patriarchas, puta Alexandrinum, Antiochenum, Constantinopolitanum & Hierosolymitanum, tantumdem juris in Metropolitas & Episcopos suarum diocesium habuisse: quantum & Romanum Patriarcham in Metropolitas & Episcopos suo Patriarchatui subjacentes: quibus quidem nihil quicquam præcipere poterant nisi pro Juris Divini, Naturalis & Canonici exequutione: idque etiam in ordine ad regimen Aristocraticum: qui omnes Patriarchæ, Metropolitani & Episcopi, eorum omnium quæ gessissent rationem reddere tenebantur in Synodo, Canone v Nicæno.

Quinto, novem primis seculis, quibus octo universalia Concilia habita sunt, nunquam auditum aut lectum, Romanam Ecclesiam



clesiam alia notione aut significatione sumptam, quam pro singulari & particulari ecclesia atque membro primo Ecclesiæ universalis: sicut & alias Sedes patriarchales: quæ quidem etiam Sedes apostolicæ vocantur, sicut & Romana, quæ duntaxat primatum super alias obtinet: neque solum Papam distributum, sed collectum cum sua provinciali aut patriarchali Synodo significat.

Sexto edocemur, internum Ecclesiæ regimen aut regularium constitutionem penes solos Episcopos atque Presbyteros, qui ecclesiasticam hierarchiam constituunt, babitasse: atque omnia negotia sanctorum cummunione & catholico consensu synodice initio decerni, nullumque Episcopum aut Presbyterum vage, absolute & absque certo ac definito titulo, diœcesi, aut parœcia ordinari consuevisse; omnesque monachos Episcopis subditos fuisse atque ordinis clericalis seminarium extitisse: legendus Canon IV & VI Synodi Chalcedonenfis.

Séptimo, nullum ad episcopatum aut presbyteratum, nisi sacris cleri & populi electionibus promoveri potuisse; neque cuiquam licitum plura unico possidere beneficia, aut sibi successorem proprio arbitratu deligere, Canone XXI I Antiocheno: adeo ut tum Ecclesiastici potius usufructuarii, imo usuarii duntaxat bonorum ecclesiasticorum quam domini essent, Canone ultimo Antiocheno.

Octavo, exordium atque exitus omnium Conciliorum generalium à literis atque edictis Imperatorum peti consuevisse : quoniam statim initio sacræ literæ Cæsaris pro indictione Concilii editæ legebantur : deinde finita Synodo Patres suppliciter ab Imperatoribus petebant, ut gesta omnia suis edictis atque sigillis confirmarent. Præterea ex apostolica disciplina Actorum 15. consignata, synodales literas partim ad Ecclesias, partim ad Romanum Pontificem mittebant : quibus literis Papam absentem rerum gestarum in Synodo commonefaciebant, ut Ecclesias sui Patriarchatus de Actis facilius informaret, propterea quod pauci aut nulli Episcopi, præter legatos Romani Pontificis, octo primis universalibus Conciliis ex Occidentali Ecclesia interfuerunt.

Nono, Acta Conciliorum ea omni continebant, quæ tum ab ipsis Imperatoribus aut eorumdem senatu qui Synodum dirigebat, tum etiam ab ipsis Patribus dicebantur aut gerebantur in publicis actionibus, quas hodie Sessiones vocant; præter quas Actiones publicas, nullæ aliæ congregationes aut conventus habebantur : sed omnia palam publice & libere dicebantur atque peragebantur : quod autem communi omnium consensione atque suffragio libere decernebatur, pro synodali sententia à Spiritu Sancto dictata habebatur ; nullusque qui audiri vellet, quamquam

quam hæreticus, à dicenda & proponenda suafione aut sententia excludebantur. Si qui autem Episcopi vel propter ingravescentem ætatem, vel ob aliud impedimentum ad Synodum sese conferre non possent, eo quidem Procuratores aut Vicarios suos mittebant, qui tam facile à Patribus quam ipsimet Vicarii Sedis Romanæ ad sententiæ dictionem admittebantur: contra quam factum est in Synodo Tridentina.

Decimo, si quid forte in Synodis contra Canones gestum esset: qui gravati erant, libellos contestatorios de suo gravamine palam edebant: ac primum ad Imperatorem tanquam ordinis publici vindicem & communem Episcopum exteriorum negotiorum confugiebant, suppliciterque ab illo postulabant, ut Canones servari imperaret, eamque ob rem Synodum indiceret.

II. Cæterum quantam inclinationem & corruptelam hæc sanctissima & apostolica disciplina, cum Ecclesiæ atque Imperii Orientalis ruina post decimum seculum senserit historiæ temporum nobis demonstrant. Siquidem cum Ecclesia Romana aliis Sedibus Patriarchalibus Orientis quasi libramento quodam æquabili in officio contineretur; tandem illis prostratis omnia cœpit monarchice peragere, ope præsertim monachorum Benedictinorum Cluniacensium, &c. quos à potestate Episcoporum omnino exemit, ac tum de-

num ipsis Episcopis opposuit ipsosque Imperatores cum Occidentali Imperio funditus excidit. Cujus rei non alium testem quam ipsummet Gregorium VII ordinis Cluniacensis monachum proferre lubet, qui anno Domini 1073 ad Sedem Apostolicam assumptus Synodum ex aliquot Italiae Episcopis & Abbatibus ordinis S. Benedicti conflavit, in qua hos XXVII Dictatus, ut appellat, monarchice statuit, qui lib. II post epistolam 55 ejusdem Gregorii leguntur.

III. 1. Quod Romana Ecclesia à solo Domino sit fundata.

2. Quod solus Papa jure dicatur universalis Romanus Pontifex.

3. Quod ille solus deponere possit Episcopos vel reconciliare.

4. Quod Legatus ejus omnibus Prælati in Concilio præsit, etiam inferiori gradu constitutus, & adversus eos sententiam definitionis dare possit.

5. Quod Papa absentes deponere possit.

6. Quod non debeamus manere in domibus excommunicatorum à Papa.

7. Quod illi soli liceat pro temporis necessitate novas leges condere, novas plebes congregare : de Canonicis Abbatias facere, & divitem Episcopatum dividere, & duos pauperes unire.

8. Quod solus Papa possit uti Imperialibus insignibus.

9. Quod

9. Quod solius Papæ pedes omnes Principes deosculentur.

10. Quod illius solius nomen in Ecclesiis recitetur.

11. Quod hoc unicum est nomen in mundo.

12. Quod illi liceat Imperatorem depone-  
nere.

13. Quod illi liceat ad Sedem ob necessi-  
tatem Episcopos transmittere.

14. Quod de omni Ecclesia quemcumque  
voluerit Clericum valeat ordinare.

15. Quod ab illo ordinatus alii Ecclesiæ  
præesse potest, sed non militare : & quod ab  
aliquo Episcopo non debet superiorem gra-  
dum accipere.

16. Quod nulla Synodus absque præcepto  
ejus debeat generalis vocari.

17. Quod nullum capitulum, nullique li-  
bri Canonici habeantur absque ejus auctori-  
tate.

18. Quod sententiæ illius à nullo debeant  
retractari, & ipse omnium solus retractare  
possit.

19. Quod à nemine ipse judicari debeat.

20. Quod nullus audeat condemnare A-  
postolicam Sedem appellantem.

21. Quod majores causæ uniuscujusque Ec-  
clesiæ ad eam referri debent.

22. Quod Romana Ecclesia nunquam er-  
ravit, nec scriptura teste in perpetuum erra-  
bit.

23. Quod Romanus Pontifex, si canonice fuerit ordinatus, meritis B. Petri indubitanter efficitur sanctus, teste B. Ennodio Episcopo Papiensi, & multis sanctis Patribus faventibus, sicut in decretis B. Papæ Symmachi continetur.

24. Quod de illius præcepto & licentia subjectis liceat accusare.

25. Quod absque Synodo possit Episcopos deponere & reconciliare.

26. Quod Catholicus non habeatur qui non concordat S. Romanæ Ecclesiæ.

27. Quod à fidelitate iniquorum subjectos absolvere possit.

Verum, nolo jam in explicanda analysi horum Dictatorum Gregorii VII immorari, tantum dicam, ex eorundem cum decem superioribus articulis comparatione, promptum cuique esse videre, quantum Ecclesiæ regimen, quod & adfectavit & introduxit Gregorius VII. ab euangelica & apostolica moderatione discrepet. Siquidem, cum ex triplici potestate quam Dominus noster Jesus Christus habuit, *Auctoritatis nimirum, Excellentie, & puri ministerii spiritualis*; hanc ultimam *duntaxat Ecclesiæ contulerit*. Contra Gregorius VII effecit, ut Ecclesiæ, vel, ut verius dicamus, Romana Curia absoluto atque pure monarchico dominatu cogeret quæcumque Christianis præciperet: adeo ut ab illo tempore omnes Ecclesiæ jugum horum Dicta-

TUUN

TUUM subire coactæ fuerint : propterea quod  
 ejusmodi Dictatus dehinc fuerunt instar In-  
 structionis & Commentariorum ad quos Cu-  
 ria Romana jugiter noctès atque dies pro asse-  
 renda infallibili Papæ monarchia collimaret :  
 in eumque finem Legati atque Nuncii sæpif-  
 sime ad Christianos Principes missi. Deinde,  
 ut sensim & sine sensu Episcopi nativa sua po-  
 testate exarmarentur atque memoria regimi-  
 nis aristocratici penitus deleteretur, crebro  
 factæ sunt Privilegiatorum & Mendicantium  
 missiones ; qui cum sua privilegia à solo Pon-  
 tifice Romano derivent, in eo etiam uno,  
 tanquam in ipsomet Christo, summam totius  
 potestatis ecclesiasticæ & religionis commu-  
 nicandæ & constituendæ collocarunt : huic-  
 que operi, nostro seculo Jesuitæ (mixtum &  
 biforme, partim seculare partim regulare, imo  
 vero si cum antiquis conferamus, nec seculare  
 nec regulare genus religiosorum) summam  
 imposuerunt manum : adeo ut sola facultate  
 Presbyterorum ordinandorum excepta, ho-  
 die Privilegiati & potissimum Jesuitæ, multo  
 plus colligant auctoritatis quam omnes Ord-  
 narii. Horum autem immoderatis studiis at-  
 que immunitatibus Schola Parisiensis strenue  
 semper obstitit, ut ex variis monimentis quæ  
 in tabulario Facultatis Theologiæ asservan-  
 tur, nec non etiam ex variis Gersonii opuscu-  
 lis liquet : tandemque Synodus Constantien-  
 sis & Basileensis indictæ fuerunt, ut aliqua

medicina huic malo fieret atque disciplina apostolica jusque commune quantum ratio gravitatis temporum pati poterat, velut jure postliminii revocarentur : sed Lateranensis Synodus sub Julio II & Leone X omnes illos eximios & sanctissimos scholæ nobilissimæ conatus subruit, sacris electionibus tanquam impiis & schismaticis oblitteratis : atque etiam Regibus & politicis potestatibus sub jugum missis planeque exarmatis, conformiter ad XII & XXVI Dictatus Gregorii VII. Siquidem Jesuitæ non modo docent, Papam habere potestatem Regum abdicandorum ut Gregorius VII, verum etiam & capite puniendorum in officio sacrae Inquisitionis, ut vocant : quod facile colligitur ex lib. Bellarmini adversus Barclajum cap. VI I. Controversia Anglicana Becani, & nominatim docetur à Francisco Suare in opere quod inscripsit *Defensio fidei Catholice* lib. VI, c. 4. num. 18 : idque conformiter ad placita Directorii Inquisitorum de quibus alias disputabitur.

IV. Ut ergo omnes intelligant quales habitæ sint Synodi post Gregorium VII, & quantum operæ Romana Curia in absoluta potestate super alios Episcopos sibi arroganda impenderit, hic adscribam mandatum Paschalis II, qui tertius à Gregorio VII in B. Petri cathedra sedit, fuitque pariter ordinis Cluniacensis Monachus. Ille igitur Titulo de Electione & Electi potestate, cap. Significasti,



nificasti, scribens Archiepiscopo Panormitano, Significasti, ait, Reges & regni majores admiratione permotos, quod Pallium sibi ab Apocrisariis nostris tali conditione oblatum fuerit, si sacramentum quod à nobis scriptum detulerant exhiberes, &c. Ajunt in conciliis statutum non inveniri, quasi Romana Ecclesia legem Concilia ulla præfixerint: cum omnia Concilia per Romani Pontificis auctoritatem & facta sint & robur acceperint, & in eorum statutis Romani Pontificis patenter excipiat auctoritas. Hæc ille. Nam Gregorius VII contra consuetudinem mille atque amplius annis usitatam in Ecclesia hunc morem introduxit, ut quasi in rebus secularibus atque feudalibus sacramentum ab Episcopis exigeret, cujus formam legimus in ejusdem epistolæ relata in Decretales Titulo de Jurejurando, cap. Ego N. Episcopus ab hac hora in antea fidelis ero S. Petro. sanctæque Romana Ecclesiæ, Dominoque meo Papa C. ejusque successoribus canonice intrantibus, &c. Papatum sanctæque Romana Ecclesiæ & regulas sanctorum Patrum adjutor ero ad defendendum & retinendum, salvo ordine meo, contra omnes homines: vocatus ad Synodum veniam nisi præpeditus fuero canonica præpeditio: legatum Apostolicæ Sedis quem certum esse cognovero in eundo & redeundo honorifice tractabo, & in singulis necessitatibus adjuvabo. Limina Apostolorum singulis annis aut per me aut per certum nuncium visitabo, nisi eorum absolvar licentia. Sic me Deus adjuvet, & hæc sancta

*sancta Evangelia.* Hinc ergo exploratum redditur, quæ tum esse potuerit libertas Episcoporum in Synodis, cum singulari sacramento Pontifici Romano tanquam absoluto monarchæ adstringantur, ut Papatum S. R. E. id est, Curia Romanæ usurpationes defendant. Quæ libertatis Ecclesiæ oppressio multo magis locum habet sacris electionibus abrogatis, quoniam hodie Pâpa omnes confert dignitates & beneficia ecclesiastica: ita ut hoc stante regimine omnino impossibile videatur liberum haberi Concilium: jam enim Ecclesia non amplius Canonibus & Aristocratico regimine, sed absoluta potestate, vel ut quidam scriptor ait, *Decretis alatis regitur.* Almainus libro de Ecclesiæ auctoritate cap. 7. ad sextum argumentum Cajetoni hanc Paschalis Decretalem objicientis, respondet, *Ejusmodi auctoritates esse summorum Pontificum qui in pluribus suas nimis extendunt simbrias, sibi-que attribuunt quod est Ecclesiæ proprium: & caput Significasti esse intelligendum regulariter: ita ut Concilia ordinarie & regulariter legitime congregari nequeant absque auctoritate Papæ congruenter ad totam distinctionem 17. Sed postquam semel congregata sunt Papæ auctoritate vel aliter, tum immediate suam auctoritatem habere à Christo non à Papa: & auctoritati huic summum Pontificem subjici, sicut ministrum Dominae suæ. Nam Ecclesia domina est, atque sponsa Christi, Papa vero solummodo minister & paranympbus*  
*spon-*

*ſponſa*, ſicut eum uocat S. Bernardus cap. ult. lib. iv de Conſideratione. At Joannes Major Doct̃or Pariſienſis commentariis in caput i8 Matthæi poſt Gerſonium aſſerit, *Jura Romanorum Pontificum eſſe reverenter gloſſanda & interpretanda conformiter ad legem divinam : alias non mereri dici jura. Quod ſi quis contendere voluerit illa eſſe vera ut jacent, cum libertate euangelica hæc jura eſſe negat*, attexit, caput *Significasti duas habere partes : prima eſt, quod Concilia robur accipiant à ſummo Pontifice & ejus auct̃oritas eſt patenter excepta : Dico, inquit, quod ad eum ſpectat convocare Concilium, & ita facit communiter : & ſic aliquo modo dat robur Conciliis : quia eſt cauſa congregandi Concilii : ſicut ad aliquem ſenſum concedi poteſt quod Sacerdos det charact̃erem baptiſmalem, quia ponit requiſita ad hoc ut charact̃erem Deus infundat. Etiam Pontificis auct̃oritas communiter eſt excepta in Conciliis : quia multe Conciliorum definitiones ſunt humane, & interdum patiuntur exceptionem & em̃endat̃ionem : & Concilium non poteſt ſemper congregari : Ergo rationi conſentaneum eſt habere aliquem qui in illa materia diſpenſet : ille erit Romanus Pontifex, & hoc ſatis facit capiti Significasti. Porro hæc Doct̃orum ſcholæ noſtræ reſponſio plane diruit caput *Significasti*, quamquam tamen illa reſponſio ſupponat primatum Papæ jure divino eſſe monarchicum : hoc autem quam verum ſit ſuperior hiſtoria clare demonſtrat.*

V. Poſt Dictatus Gregorii VII. Romani Pon-

Pontifices quas habuerunt Synodos in illis omnia ex privato motu tanquam monarchæ absoluti sub hac formula edixerunt: *Nos sacro approbante, vel consentiente Concilio sancimus, decernimus, statuimus, &c.* qua de re legendum Lateranense Concilium sub Innocentio III. Ad hæc autem Cardinalis Cusanus cum attenderet lib. 11. de Concordantia cap. 28. graviter dolet, *quod ab Octava Synodo generali quam precedenti capite explicavimus, Ecclesia nullam talem celebravit*: id est, in qua omnia Acta diligentissime scriberentur, atque omnibus & singulis Episcopis libertas dicendæ sententiæ sigillatim permetteretur, omniumque vota cum eorumdem syngraphis exscriberentur. Insuper capite vii. ejusdem libri hæc nominatim refert: *Sequitur juxta subscriptiones Patrum, vigorem statutorum Canonum in Concilio non ex Papa, nec ex capite Concilii, sed ex unico concordanti sensu vigorem habere, &c.* Et si aliquando reperitur *Papam de consilio Concilii hoc statuisse* (quod tamen nunquam legitur in antiquis Conciliis) *hoc tantum de consilio affirmativo & per quod consensus habebatur, intelligendum est.* Deinde cap. xii. ubi probavit vigorem legis & statutorum à concordantia & consensu subjectionali illorum, qui per eas leges ligantur, manare, subnectit, *in Conciliis Romanum Pontificem in condendis statutis generalibus eam non habere potestatem quam quidam adulatores eidem tribuunt: scilicet quod ipse statuere habeat aliis consulentibus: Non nego*  
*tamen*

*tamen Papam ad consultationem respondere, suadere  
 & scribere semper potuisse : sed dico de statutis quæ  
 vim Canonum habent, & decretis quæ ligant uni-  
 versaliter in Ecclesia. An etiam hodie ex longa con-  
 suetudine introducta Papa solus universaliter sta-  
 tuere possit pro nunc non examino: tamen dico etiam  
 si hoc posset non est contra propositum nostrum, in  
 quo solum ad hoc tendimus quod Canonum statuen-  
 dorum auctoritas non solum dependet à Papa, SED  
 A COMMUNI CONSENSU. ET CONTRA HANC  
 CONCLUSIONEM, NULLA PRÆSCRIPTIO VEL  
 CONSUETUDO VALERE POTEST, sicut nec con-  
 tra jus divinum & naturale, à quo ista conclusio  
 dependet. Cardinalis Alliaceus parte I I I. c. 2.  
 libri de Ecclesiæ auctoritate: Item Gersonius  
 de potestate ecclesiastica consideratione x.  
 sub finem (quos libros uterque composuit &  
 recitari fecit in Synodo Constantiensi coram  
 Patribus) disputant, an uni & soli Romano  
 Pontifici facultas definiendi sub hac formula  
 competat: *Nos sacro approbante Concilio damna-*  
*mus, aut decernimus, &c.* Vel etiam sub hac alia:  
*Sacro sanctum Concilium damnat, &c.* Quam  
 quæstionem minime inutilem esse, & utram-  
 que formam in decretis generalium Concilio-  
 rum reperiri Alliaceus demonstrat: *priorem*  
*quidem in multis constitutionibus synodalibus. &*  
*maxime in juribus novis: Posteriores vero esse an-*  
*tiquiores & convenientiores, ac Theologia magis*  
*consonas: quia in Actibus Apostolorum auctoritas*  
*definiendi attribuitur Concilio & non specialiter*  
 Pe-*

*Petro : ubi dicitur : Placuit nobis collectis in unum, &c. & B. Gregorius 15. Dist. Can. Sicut, ubi dicit se quatuor Concilia sicut sancti Evangelii quatuor libros venerari : Causam subdit ; quia universali consensu constituta sunt. Unde videtur sequi quod auctoritas definiendi maxime in materia fidei pertineat ad Concilium generale : & idem dicunt aliqui quando agitur de facto Papa : quod patet in Conciliis Symmachi ubi dicunt Episcopi , Decernimus , & Synodi auctoritate roboramus ut synodalis ordinatio vigeat : & in superscriptionibus Episcoporum dicitur , his constitutis Synodalibus à nobis probatis atque firmatis, & multa alia ejusmodi. Aliquanto post Alliacenus adfuit, Concilium presente Papa, à quo ipsum Concilium vocatum est, esse velut unum corpus mysticum cujus Papa est caput , & alii membra : & ideo secundum aliquos non solum falsum sed & fatuum esse dicere quod major sit auctoritas partis quam totius corporis mystici. Et ex præmissis secundum aliquos sequi falsam esse quorundam Juristarum opinionem , dicentium quod in Concilio generali Papa duntaxat judicat, & definit : & si eo non presente , ibi aliqua statuerentur , Concilium nihil statuere sed suadere & consulere : nec Papam teneri sequi deliberationem vel suasionem Concilii , sed standum videri sententiæ Papæ si contradiceret Ecclesie vel Concilio. Atque hujus assertionis falsitatem ex eo probat Alliacenus , quod universalis Ecclesia à Christo non à Papa hoc privilegium auctoritatis habet , quod in fide errare non possit : sed talem auctoritatem Papam non habere cum er-*  
*rare*

*rare possit in fide. Ergo & in hoc major est auctoritas Concilii vel Ecclesie quam Pape: unde oppositum dicere multis esset hæreticum & ex juribus male intellectis erronee conclusum.* Hactenus Cardinalis de Alliaco. Hercle quidem, sicut formula hæc *Sancta Synodus decernit*, regimen aristocraticum & veterem disciplinam commendat & vindicat: pariter hæc alia, quæ seculo Gregorii VII. introducta est: *Nos sacro approbante auctore Concilio decernimus*, puram putam monarchiam adstruit: *atque Romanam singularem & particularem Ecclesiam pro tota Ecclesia universali aggerit*, contra quam sub octo primis universalibus Conciliis usitatum fuit. Porro hæc apostolicæ disciplinæ, aristocratici regiminis & juris communis conturbatio quam Gregorius VII. suis dictatibus & rebus gestis in Ecclesiam invexit, tantum indies incrementum fecit, ut tum demum Ecclesia Catholica gravitate malorum atque oppressionis expergefacta, reformandæ Ecclesiæ rationem in capite & in membris in Synodo Constantiensi & Basileensi inierit, ut sequentibus libris demonstrabitur.

F I N I S.

# APPENDIX

## Ad primum Librum Historiæ Conciliorum generalium,

*In qua examinantur quæ ab Illustriss. Cardinali Perronio scripta sunt, ad absolutam Papæ monarchiam propugnandam, & anno M. DC. XX. post illius mortem edita.*



Ex aut circiter annis postquam Librum primum Historiæ Conciliorum generalium scripseram, Responsio Illustrissimi Cardinalis Perronii ad Epistolam Casauboni nomine Serenissimi Regis Britanniae missam prodiit in lucem, statim atque Cardinalis Perronius diem supremum obiit. Quam lucubrationem magno cum gaudio & fructu perlegi, ea præsertim parte qua de necessitate unitatis Ecclesiæ retinendæ, & communicandi cum Ecclesia Catholica Apostolica & Romana matrice disputat : Item de Missæ sacrificio, septem Sacramentis, atque aliis sanctissimis ritibus & ceremoniis quæ nobis cum primitiva Ecclesia sunt communes. Quod vero ad eam partem attinet in qua de Ecclesiæ Conciliis, regimine pure monarchico Pontificis decernat, fateor me tantum ab illo velle dissentire, quan-



quantum ipsemet à veritate, hoc est à doctrina Christi & Apostolorum Patrumque antiquorum & praxi Ecclesiæ Catholicæ quam passim venditat, recedit; proque ministeriali spiritali potestate, & statu monarchico aristocratica moderatione temperato, regimen monarchicum plane absolutum adstruit. Quocirca in hac Appendice quædam tantum capita memoratæ Responsionis Perronii summatim percurram, ac primo caput xxv libri primi, cui hunc appinxit titulum, *De comparatione Papæ cum aliis Episcopis*: ubi innumera Patrum testimonia accumulât: sed strictè &, ut dicitur, ad rigorem literæ capta, præter S. Petri & Ecclesiæ Romanæ primatum nihil aliud probant. Primatus autem à Christo institutus est in ordine ad regimen aristocraticum, quia neque religio neque communio sanctorum, quæ finis est regiminis Ecclesiæ, absolute aut monarchice Imperator vel cogitur, sed suaviter docetur & stabilitur per actus hierarchicos. Quæ ratio quanquam omnia Perronii argumenta disturbet; nihilominus aliqua figillatim in quibus prima fronte plus videtur inesse ponderis ad libram veritatis expendemus. Igitur initio hujus capitis celebrem B. Irenæi sententiam defigit, lib. i i i. cap. 3. adversus hæreses, his conceptam verbis: *Ad ecclesiam Romanam propter potentio rem principatutem necesse est omnem convenire ecclesiam, hoc est, eos qui sunt undique*

*disque fideles.* Verum facilis responsio, primo enim alias observavi in explicatione Canonis VI Nicæni hoc dictum ab Irenæo quoniam Roma erat caput mundi, & princeps Metropolitum, ac Sedes Imperii Romani. Secundo, cum primatus sit symbolum unitatis Ecclesiæ, & communionis sanctorum quoties veritas atque unitas doctrinæ & traditionis catholicæ certo indaganda est, semper ab Ecclesia Romana matrice tanquam à capite & principe aliarum est auspicandum: unde Petrus Matthæi 16. nomine omnium discipulorum Domino respondet, *Tu es Christus Filius Dei vivi.* Idque ipsum satis docet B. Irenæus: *Nam quia, inquit, valde longum esset in traditione Apostolorum ineunda omnium Ecclesiarum enumerare successiones, maximæ & antiquissimæ, & omnibus cognita Romanæ Ecclesiæ à gloriosissimis duobus Apostolis Petro & Paulo fundata & constituta, eam quam habet ab Apostolis traditionem & annunciatam hominibus fidem, per successiones Episcoporum pervenientem usque ad nos, indicantes, confundimus omnes eos qui quoquo modo vel per sui placentiam malam, vel vanam gloriam, vel per cæcitatem & malam sententiam præterquam oportet colligunt. Ad hanc enim ecclesiam propter potentiorē principalitatem necesse est omnem convenire ecclesiam, &c.* His ergo de causis B. Athanasius & alii orthodoxi Episcopi Orientis dum ab Arrianis infestarentur, Romam per-fugio habuerunt, ut alias ostendimus. Et ipse-

ipſemet Irenæus demonſtrat adverſus Valentinianos qui ſua ſomnia pro Evangelio venditabant, eſſe videndum præſertim, quid Eccleſia Romana ab Apoſtolis per traditionem Catholicam acceperit; de qua traditione legendus Vincentius Lirinienſis. Hinc Perro-  
 nius ad S. Auguſtinum epiſtola CLXI contra Donatiſtas tranſit : ubi paulo poſt initium epiſtolæ Auguſtinus docet, *in Romana Eccleſia ſemper apoſtolica catharæ vigiſſe principatum*: quem locum centies & amplius frequentavit, ut patebit ejus opus accurate legentibus. Inſuper Proſperi Aquitanici teſtimonium l. i. c. 16. de vocatione Gentium aggerit, *Roma, inquit, per Apoſtolici ſacerdotii principatum amplior facta eſt arce religionis, quam ſolio poteſtatis*. At quo ſenſu id capiendum ſit clare oſtendit locus integer Proſperi cujus particulam duntaxat Perronius exhibuit. Nam ubi Proſper docuit *divina providentia Romani Imperii amplitudinem præparatam, ut nationes vocande ad unitatem corporis Chriſti prius jure unius conſociarentur imperii* : continenter ſubjungit : *Quamvis gratia Chriſtiana non contenta ſit eoſdem limites habere quos Roma, multoſque jam populorum ſcep-  
 tro crucis Chriſti illa ſubdiderit, quos armis ſuis iſta non domuit. Quæ tamen per apoſtolici ſacerdotii principatum amplior facta eſt arce religionis quam ſolio poteſtatis*. Huc uſque Proſper, cujus hæc eſt mens, quia univerſæ gentes datæ ſunt Chriſto pro hæreditate, ubicumque locorum

habitent, & Euangelium prædicatum est per universum mundum longe lateque extra Imperii Romani terminos, quod Europa & parte tantum Africæ atque Asiæ circumscribatur : ideo principatum sacerdotii Christi & Romanæ Ecclesiæ illuc pervenisse quo Romani armis suis pertingere non potuerunt. Quarto pergit ad censuras Victoris Papæ adversus Asiæ ecclesias quæ Ephesinæ ecclesiæ subditæ erant, quas toto suo opere sæpe inculcat, de iis autem simul & semel agemus. Contendit vero Irenæum nunquam objecisse Victori quod non præditus esset potestate excommunicandi Asiæ ecclesias, idque argumento esse illum hac munitum auctoritate. Respondeo, quando Ecclesiæ principatus est monarchicus aristocratico regimine temperatus, certum esse, Papam debere Canones aristocratico regimine Conciliorum conditos executioni mandare: & ideo Victorem postquam omnes Ecclesiæ Orientis atq; Occidentis, excepta Ephesina Metropoli, statuerunt Pascha die dominico esse celebrandum, quia Canones ecclesiarum particularium Canoni Catholico generalis Concilii æquipollerent, jure meritoque curam suscepisse illos Canones mittendi in rem judicatam erga ecclesias Asiæ. Verumtamen quia censuræ, sicut & leges, non obligant nisi recipiantur, & primatus institutus est in ordine ad regimen aristocraticum, propterea censuras Victoris non ob-

obligasse repugnante aristocratico regimine aliarum Ecclesiarum, quæ non passæ sunt illas mitti in rem judicatam, & merito quidem, quia si in cujusquam potestate minime situm est integram familiam excommunicare ne infantes cum nocentibus implicentur, quanto minus Victor potuit omnes Asiæ ecclesias excommunicare: quæ causa fuit Irenæo Victorem reprehendendi: quod à Perronio non videri mirum est: de hac autem controversia quam alias uberrime tractavi, plura non dicam, neque etiam leptologiis & argutiis Perronii immorabor, quibus Eusebium atque Ruffinum in invidiam rapere conatur, quasi mala fide adversus Victorem agerent: cujus suæ reprehensionis si Perronius in hoc opere memòr & amans veritatis fuisset, certe in multis ejus fidem non desideraremus. Quinto vox Tertulliani de Pudicitia statim initio: *Pontifex scilicet maximus, Episcopus Episcoporum*, quando per ironiam & sarcasum usurpatur, ut ipse Perronius fatetur, non est apta dogmati constituendo: tantum indicat Tertullianum agnovisse primatum Romanæ ecclesiæ. Simili etiam voce usus est Cyprianus initio Concilii Carthaginensis de hæreticis rebaptizandis: *Neque enim quisquam nostrum Episcopum se esse Episcoporum constituit, ut tyrannico terrore ad obsequendi necessitatem collegas suos adigat.* Quibus verbis absolutam damnat monarchiam, ostenditque, communionem san-

ctorum & consensum catholicum Ecclesiarum, cogi aut imperari non posse : & continuo antequam Synodo esset decretum de hæreticis non rebaptizandis, neminem eam ob causam damnari aut excommunicari debuisse, quia Synodus est locus quem Dominus instituit ad controversias definiendas in Evangelio, ideoque pro sufficienti determinatione habetur. Ex quo effectum est ut nullus Quartadecimanorum damnatus fuerit nisi post Nicænam Synodum quæ illam diremit controversiam. Sexto ex eodem Cypriano epistola **LII** ad Antonianum hanc promittit particulam: *Decium Imperatorem multo patientius, & tolerabilius audivisse levari adversus se æmulum Principem, quam constitui Romæ æmulum sacerdotem.* Cujus clausulæ hunc genuinum esse sensum perhibet, videlicet Decium Imperatorem patientius & tolerabilius audivisse alium à se creari Imperatorem corrivalem, quam sibi Romæ æmulum constitui sacerdotem : quia, inquit, Imperatores erant Pontifices, ideoque gravi & iniquo ferebant animo Pontifices Christianorum Romæ ordinari. Qua subtilitate ostendere vult jamjam illo tempore magnam fuisse Episcoporum Romanorum potentiam, ita ut ipsis Imperatoribus esset formidolosa. Sed nimium intelligendo nihil plane intelligit, & genuinum sensum Cypriani corrumpit, quem facile est cognoscere, si periodus solida Cypriani exhibeatur, ex qua antece-

tecedentia & consequentia cum regimine syntaxeos colligamus hoc modo : *Quanta in ipso Cornelio suscepto Episcopatu suo virtus, quantum robur animi, qualis firmitas fidei? quod nos simplici corde & perspicere penitus & laudare debemus : sedisse intrepidum Romæ in sacerdotali cathedra eo tempore cum Tyrannus infestas sacerdotibus Dei fanda atque infanda comminaretur : cum multo patientius & tolerabilius audiret levari adversus se æmulum Principem, quam constitui Romæ æmulum sacerdotem. Nonne hic, frater charissime, summo virtutis & fidei testimonio prædicandus est? nonne inter gloriosos confessores & martyres deputandus? &c.* Hactenus Africanæ ecclesiæ lumen, qui in ea epistola totus est ut Antonianum à Novatiani schismate, ad partes Cornelii avocet; Cornelium enim Novatiani fictis criminibus incessebant quasi ad vitandam persecutionem Decii Imperatoris thurificasset idolis, & non legitime ordinatus fuisset : probat autem Cyprianus hos falsos rumores, & meras esse calumnias : contra autem solum Cornelium canonicè electum ac semper intrepidum adversus omnes persecutiones & tormenta stetit : idque adeo ut multo magis esset anxius animi de scelerato schismate Novatiani quam de tyrannide & crudelissimis persecutionibus Decii : hoc enim clausula ista personat, quam solam edidit Perronius : *Cum multo patientius & tolerabilius audiret levari adversus se æmulum Principem,*

*pem, quam constitui Romæ æmulum sacerdotem.*  
 Quandoquidem Novatianus se, sicut & Cornelius, legitimum esse Romanum Episcopum prædicabat. Consule & perpende Lector illam epistolam integram Cypriani ad Antonianum, & miraberis hæc potuisse venire in mentem Perronio quæ dicit; sane Pamelius ejusdem est nobiscum sententiæ. De hoc autem Capite 25 plura dicere supersedeo, tum quia illo nihil aliud quam ecclesiæ Romanæ primatus in ordine ad ministerialem spiritua-lem potestatem demonstratur: deinde vero quia eadem Patrum testimonia sæpissime alibi iterat Perronius.

Capite xxxi i i. libri primi disputat adversus Ruffinum de ecclesiis suburbicariis, & quæstione facti quæstionem juris opprimere nititur, arguendo Ruffinum hæc partim pravo animi affectu erga Romanam ecclesiam, partim ignorantia & temeritate scripsisse ac propter suos errores in fide ab ecclesia Romana excommunicatum fuisse. Certe non negarim Ruffinum multa in Historia ecclesiastica præcedentium temporum suo privato arbitrio dicere ac immutare: verum quod in ecclesiis suburbicariis quidpiam finxerit non inde sequitur: quippe qui ea scriberet quæ tum usui erant in ecclesia Romana, si ecclesias suburbicarias capiamus pro iis quæ erant subjectæ Romano Episcopo tanquam Metropolitæ, non tanquam Patriarchæ, ut lib. i  
 Histo-



Historiæ Conciliorum probavimus. At Rufinum nihil in hac parte contra veritatem commentum, argumento certo est, quod hæc ejus scriptio de ecclesiis suburbicariis omnibus scriptoribus illius ævi innotuerit, & tamen à nemine reprehensus sit quasi perperam ecclesias suburbicarias caperet aut per invidiam aliquid ecclesiæ Romanæ detraheret.

Capite xxxiv. libri primi oppugnat i i i Canonem Concilii Constantinopolitani & 28 Synodi Chalcedonensis de primatu Sedis Constantinopolitanæ post Romanam ecclesiam: sed nihil novi præter ea quæ à Bellarmino & Baronio proposita sunt adducit, exceptis quibusdam argutis subtilitatibus propter quas non est deferendum vadimonium. Inter alia vero asserit, Episcopos Asiæ repugnasse huic Canoni cum Patres vellent ordinare Episcopum Ephesinæ ecclesiæ metropolitanæ. Tum enim Asiani Episcopi Actione undecima Chalcedonensis Synodi sub finem dixerunt prostrati, *Miseremini nostri: Nos supplicamus sancto Concilio ut misereatur filiorum, ne forte propter nos & nostri filii moriantur ut nobis Clementia condonetur. Nam si Bassiano successorem suadeat aliquis hic ordinari, & filii nostri moriuntur, & civitas deperit. Gloriosissimi judices dixerunt: Quoniam secundum voces sancti Concilii neque Bassianus neque Stephanus reverendi Episcopi in Ephesiorum civitate sunt digni: Asiani autem Episcopi hic reperti dicunt, si hic ordinetur alter Episcopus Ephesio-*

*pheſiorum conturbari civitatem, dicat ſancta Synodus ubi volunt Episcopum Ephesine ſanctiſſimæ eccleſiæ Canones ordinari. Reverendi Episcopī clamaverunt: in provincia. Diogenes reverendus Episcopus Cyzici dixit, Conſuetudo hoc habet, ſi factus fuiſſet à Conſtantinopolitano Episcopo, non habuerunt hæc agi, &c. Leontius reverendus Episcopus Magnesiæ dixit, à S. Timotheo uſque nunc viginti ſeptem Episcopī facti omnes in Epheso ſunt ordinati; ſolus Baſilius violenter hic factus eſt, & multæ cædes hinc ortæ ſunt. Philippus reverendus Presbyter Conſtantinopolitane S. Eccleſiæ dixit, ſanctæ memoriæ Joannes Episcopus Conſtantinopolitanus quindecim Episcopos depoſuit proſectus in Aſiam & pro eis alios ordinavit, & Meximon hic ordinatus eſt. Aetius Archidiaconus Conſtantinopolis dixit, Et Caſtinus hic ordinatus eſt, Heraclides & alii cum voluntate noſtræ in his Archiepiſcopi ordinati ſunt; Caſilium ſimiliter beata memoriæ Proclus ordinavit; & beata memoriæ quidem Theodoſius Imperator hujusmodi ordinationi cooperatus eſt, & B. memoriæ Cyrillus Alexandrinus Episcopus. Reverendi Episcopī clamaverunt; Canones obineant. Clerici Conſtantinopolitane Eccleſiæ clamaverunt; Ea quæ ſanctorum Patrum centum quinquaginta ſunt teneant.*

En locus integer Concilii Chalcedonenſis quem Perronius tantum apprehendit per laciniam: inde autem vult convincere Aſianos Episcopos & Clerum Conſtantinopolitanum ſibi invicem adverſari: quoniam hi primatum ambi-

ambirent pro Ecclesia Constantinopolitana : Afiani veri nollent eidem subijci, quod est falsum. Et Perronius suo more quæsitis argutiis veritatem obscurat. Siquidem Actione undecima & duodecima agebatur tantum de ordinando alio Ephesino Episcopo à Bassiano & Stephano qui contra Canones in Ephesinum episcopatum invaserant: Cumque Afiani Episcopi in magno metu essent ne Synodus Chalcedonensis Ephesinum Episcopum nominaret, idque causam præberet tumultibus & cædibus in ecclesia Ephesina, propterea rogant Patres ne id fiat: unde sapienter cautum est à Synodo, ut Episcopos Ephesinus deligeretur ab omnibus qui pascendi erant, id est, à clero & populo, quod extra provinciam fieri non poterat. Cumque ita electus erat Episcopus dehinc à Constantinopolitano Episcopo confirmabatur: unde Bassianus Actione undecima dicit, se à Proclo Episcopo Constantinopolitano confirmatum, sicut & plurimi alii Afiani Episcopi ab aliis Episcopis confirmati perhibentur in Actis, & S. Joannes Chrysostomus dicitur multos creasse Episcopos in Asia tanquam Metropolita. His & accedit, Legatos Leonis Magni omnia comprobasse quæ Actione xi & xii Chalcedonensi peracta sunt, atque in Actione decima sexta, ubi nominatim Canon xxvi in Chalcedonensis de primatu Ecclesiæ Constantinopolitanæ post Romanam comprobatur Asia-

Afianos & Ponti Episcopos cum aliis Episcopis sponte Actis subscribere : ex quo inimus Perronium hic mala fide agere.

Capite xxxv ejusdem libri primi differit de ordine Sessionum in Synodo Nicæna, & paulo post medium ostendit, Principes & Imperatores Christianos non posse absque sacrilegio sibi locum præsidendi vindicare in Concilio : ad cujus rei confirmationem citat sententiam Osi Cordubensis Episcopi epistola ad Constantium Imperatorem, quæ legitur apud S. Athanasium Epistola ad solitariam vitam agentes his verbis : *Ne te misceas Imperator Ecclesiasticis, neque nobis in hoc genere præcipe, sed potius ea à nobis disce. Tibi Deus Imperium commisit, nobis quæ sunt Ecclesiæ concredidit.* Deinde sub finem Epistolæ : *Quis enim videat eum in decernendo principem se facere Episcoporum, & præsidere judiciis ecclesiasticis, non merito dicat illum eam ipsam abominationem desolationis esse quæ à Daniele cap. 9. prædicta est?* Unde infert præsidentiam Imperatorum non esse de essentia Concilii sicut præsidencia Papæ; sed duntaxat ad bene esse & ornamentum Concilii : ideoque Martianum tantummodo præsedisse ad ordinem constituendum & tollendos tumultus qui oriri possent inter Patres. De his autem ut sigillatim dicamus, sicut verum esse confiteor & pluribus à me alias explicatum est ex genuinis & authenticis Actis, Imperatores ordini consilii præsidere : ita contendo, Perronium

ronium longius evagari à proposito, dum Imperatorem Constantium Arrianum, in quem Osius & Athanasius invehuntur, cum Imperatoribus Catholicis, puta Constantino Magno, Martiano, &c. comparat: quoniam Constantius præfidentiam suam ad Symbolum Nicænum evertendum omnino compararat, eamque ob rem Imperium in Ecclesiam effuderat, atque exiliis & aliis persecutionibus Episcopos orthodoxos territabat, vexabat, transportabat, ut eos Symbolo Arrianorum subscribere cogeret, sicut Athanasius & Hilarius docent: idque ipsum est de quo illum Osius arguit. Cæterum in Synodis mere ecclesiastica & regularia ad iudicium & decisionem Clericorum tantummodo spectant quoad juris quæstionem: quæstio autem facti potest à laicis tractari, ut sæpe demonstravimus.

Capite xxxvi narrat S. Cyrillum Alexandrinum præfedisæ primo Concilio Ephesino, quia erat Vicarius Cœlestini Papæ, de qua re diximus ex veritate Actorum Concilii alibi; quæ Acta Perronius tantum delibat, & passim in hac controversia de Sessionibus Conciliorum, mentionem facit Calvinus, ut eos in invidiam rapiat qui eam controversam reddunt, quasi ex Calvinus commentariis desiperent. Ego autem Deum testem & iudicem appello. me nihil unquam legisse Calvinus, præter Apologiam quam Francisco I Galliarum Regi nuncupat, & quæcumque de Historia Concilio-

ciliorum scripsi, ex Actis indubitatis & catholicis, ex Historia ecclesiastica, scriptisque Patrum hausisse, neque etiam tempus unquam impendisse lectioni Centuriatorum, qua istos omnes novi esse mendaces atque impostores, & ab mendacio, dolis malis & cavillationibus, sicut à letho æque abhorreo. Porro ut hanc præfidentiam Cyrilli quasi auctoritate Papæ factam muniat, perhibet Dioscorum successorem Cyrilli præfedissecundo Ephesino Concilio: & literas subreptitas à Theodosio Imperatore obtinuisse eo prætextu quod Eutyches recusaret Julianum legatum Leonis Papæ, qui quamprimum Julianus est appulsus Constantinopolim, mansisset apud Flavianum Constantinopolitanum Episcopum, & ibi pransus ac muneratus fuisset ab eodem Flaviano, qui Eutychem damnaverat, &c. Sed mera hæc est cavillatio à non causa pro causa: cujus ope Perronius illud ipsum præmittit tempore quod longe post sequutum: siquidem Julianus legatus Leonis non venit Constantinopolim, ut sese ad secundam Synodum Ephesinam conferret, nisi longe post indictionem & convocationem Concilii factam à Theodosio, & Dioscorum ab eodem Theodosio præsidem Concilii secundi Ephesini nominatum: siquidem nominatio præsidis statim aut paulo post indictionem Concilii facta est, ut liquet ex Actis: contra autem Acta docent Julianum legatum Leonis non potuisse

potuisse tam cito Roma in Græciam advolare post indictionem. Deinde recusatio, quam Eutyches proponit adversus Julianum legatum Papæ legitur in medio Actorum Ephesini Concilii secundi, nec ejusdem alia extat alibi mentio, unde Perronius suum hoc inventum expiscari, & quod sequi debet prævertere potuerit. Et quis eum docuit Theodosium inde ansam captasse tribuendi præfidentiam Dioscōro, quando Acta omnia nullam de illa re mentionem faciunt? quanquam narrent Eutychem postulasse à Patribus, caverent ne auctoritas vel sententia legatorum Leonis ei fraudi aut præjudicio esse posset:

*Quia, inquit, manserunt apud religiosissimum Flavianum Episcopum, & pransi sunt apud eum, & manerati sunt, & omne obsequium eis præbuit. Postulo ergo Sanctitatem vestram si quid injuste ab eis factum fuerit contra me id præjudicium mihi non generare, &c.* Hæc Actione prima Chalcedonensis Synodi inter Acta secundi Concilii Ephesini. Verum si cum injuria Leonis Papæ munus præfidentis datum est Dioscōro, ut prætexit Perronius, quare Julianus Episcopus & Hilarius Diaconus ejusdem Leonis legati ea de re non sunt conquesti in secunda Synodo Ephesina. Quod autem Perronius urget in Synodo Chalcedonensi statim initio Lucentium dicere, *Necesse esse Dioscorum dare rationem judicii sui, quia cum personam judicandi non haberet, præsumpsit & Synodum ausus est facere*

*sine auctoritate Sedis Apostolicæ, quod nunquam licuit, quod nunquam factum est, &c.* Oppono, Concilium ad hanc postulationem legatorum Papæ nihil respondisse, aut statuisse, quia sciret optime jus fuisse Dioscoro præsidendi tanquam tertiæ Sedis Episcopo, cum de iudicio Flaviani Episcopi secundæ Sedis ageretur: adi quæ super eam rem observavimus libro priore Historiæ Conciliorum generalium, ubi Dioscori præsidentiæ ex Actis confirmavimus atque omnia effugia, quæ parat Perronius, obstruximus: quandoquidem Theodosius Imperator tanquam exequutor Canonum declaravit primatum præsidendi Dioscoro competere.

Capite xxxvii agitur de ordine Sessionum secundi Concilii Ephesini in quo Dioscorus præfedit, ut jam dictum est: quod vero Perronius veritate Actorum consequi aut demonstrare non potest vi & subtilitate ingenii rem detorquendo à recta via & proposito, suadere vult. Certe omnes qui eum præcesserunt argutiis superat, quarum adminiculo rebus dubiis, incertis, aut falsis veri speciem affingere nititur. Quocirca in odium Theodosii qui suo edicto cavit, ut Dioscorus præsideret, objicit ex Cedreno, in Theodosio II, hunc adeo facilem & negligentem fuisse, ut quæcumque ei offerrentur absque examine aut cognitione obsignaret: quam ejus negligentiam Pulcheria soror ut castigaret, illi



illi literas aliquando obfignandas obtuliffe, quibus propriam uxorem perpetuæ feruituti mancipari volebat. Et hinc infert Perronius, nihil mirum effe quod fuafione Chryfaphii Eunuchi concefferit Dioscoro, ut in fecunda Synodo Ephefina præfideret, atque militibus armatis Dioscorum & Eutychem muniret, &c. Et eam ob caufam Chryfaphium poftea exilio multatum à Theodofio, ubi ejufdem artes exploratas habuit. Secundo narrat, Liberatum in Breviario cap. 12. dicere, *Quod vices habentes Papæ Leonis affidere non paffi funt, eo quod non fuerit data præfèffio fanctæ Sedi eorum.* Tertio, nomen Leonis non fuiſſe receptum in Concilio illo. Quarto, legatos Leonis in Synodo Chalcedonenſi cauſari, *quod cum perſonam judicandi non haberet Dioscorus, præſumpſerit & auſus fit Synodum facere ſine auctoriſtate Sedis Apoſtolicæ quod nunquam licuit, quod nunquam factum eſt,* &c. His autem reſpondeo primum, ad jocularẽ audaciam Pulcheriæ, nihil eſſe mirabile Theodofium literas ab amantiffima ſorore oblatas ejufque rogatu clauſis oculis obfignaffe: & permultos reperiri aulicos qui facilitate ingenii Principum, ut Chryſaphius, abutuntur: qui meritis ſuo ſceleri dedit pœnas, non quidem ob munus præſidendi Dioscoro ſimpliciter impetratum, vel conceſſum, ſed quia inſenſus Flaviano & corruptus ab Eutyche, ex Synodo latrocinium publicum conſtituerat: quare cognita, Theodofius

dosius Chrysaphium, ut mereretur, egregie ultus est. Qualis autem & quinam Princeps Theodosius, quamque pius fuerit docent Codex Theodosianus, & Acta ejus divalia pro prima Synodo Ephesina. Item Socrates VI Historiæ cap. 22. Ad secundum de Liberato, oppono quæ memorat congruere quidem Actis Synodi Chalcedonensis, in qua Leo Magnus ejusque legati Lucentius & alii, ubi viderunt Dioscorum suis tragicis actionibus, causam præbuisse graviter de se conquerendi, novum caput accusationis instruxerunt, quod ausus esset præsidere Synodo Ephesinæ. Cæterum Liberatus centum circiter annis post Synodum Chalcedonensem suum Breviarium scripsit. Ad tertium de nomine Leonis non admisso in secunda Synodo Ephesina, Acta docent hoc intelligi de Leonis Magni epistola testanturque lectam non fuisse, verumtamen Julianum atque Hilarium legatos Leonis ibidem sedisse & auditos fuisse, tumque effugisse ex Synodo ubi & Canonibus & Personis vim inferri observarunt. Ad quartum jamjam responsum est capite præcedenti, & de tota historia actum à me in Synodo Chalcedonensi quam Lector consulat. Itaque hic finem imponam controversiis quas Perronius de sessionibus & præsidentiis aliorum Conciliorum movet, quoniam eas suis locis evolvimus.

Capite XLII libri primi de convocatione  
Con-

Conciliorum tractat, ac in primis legem Imperatorum opponit, quæ vetabat conventus haberi absque consensu Principis. Secundo narrat duplicem esse Conciliorum convocationem, alteram ecclesiasticam ut Concilia obligent in conscientia & spiritualiter : quæ convocatio dependet à Papa velut à centro unitatis ecclesiasticæ, quippe qui clavem communionis ecclesiasticæ possideat, ut ait cap. 44. ejusdem libri. Altera autem convocatio est politica, ut Scita & Canones Conciliorum executioni mandentur : eamque ob rem Patres initio Actorum semper narrant Concilia coacta fuisse ab Imperatoribus, sed non ut obligent in conscientia. Tertio in sexto Concilio Actione 18 in acclamatione ad Imperatorem haberi, Constantinum semper Augustum & Sylvestrum laudabilem magnam atque insignem in Nicæa Synodum congregasse. Quarto ait, Eusebium Nicomediensem à Julio petiisse post damnatum Athanasium in Synodo Antiochena ut indiceretur Concilium, illudque cum Romæ haberi non potuisset, tandem Sardicæ celebratum : & istuc refert hoc testimonium Julii initio Epistolæ suæ, quæ legitur in secunda Apologia Athanasii : *Vestri legati Macarius Presbyter, & Hesiochus Diaconus nullo modo cum huc venissent pares Presbyteris ab Athanasio missis, ac semper ab illis convicti refutatiq; Concilium indicipostularunt, literasque & ad Eusebianos, & ad Athanasium*

*nasium Alexandriam quibus convocarentur mitti, ut coram omnibus justo iudicio de causa cognosci posset.* Unde probat Synodum Sardicam quæ Nicæno Concilio successit, convocatam à Julio I. Quarto perhibet Damasum Romam evocasse Episcopos Orientis ad Romanum Concilium ut iidem Episcopi Orientis his verbis testantur apud Theodoretum lib. v. cap. 9. *Historiæ: Jam vero quoniam vos, quo fraternam vestram erga nos charitatem declararetis, Concilio Dei voluntate ac nutu Romæ coacti, nos velut membra propria per Imperatoris sanctissimæ literas accersivistis, &c.* Deinde paulo post: *Verum quoniam hoc modo res à plerisque fieri omnino non queat, propterea quod mandato literarum superiore anno à vestra Reverentia post Concilium Aquilejense ad sanctissimum Imperatorem Theodosium missarum ad iter duntaxat Constantinopolim usque faciendum nos preparavimus.* Hinc ergo concludit Perronius, Damasum Papam suis literis quas ad Theodosium miserat concurrisse ad convocationem Synodi cum Imperatore, aut potius Imperatorem cum illo. Quinto narrat, Liberatum Archidiaconum Carthaginensem cap. 5. Breviarii asserere, *Quod Cyrillus cum suis habens vices Sedis Apostolicæ Concilio evocato ducentorum Episcoporum Nestorium vocavisset.* Quare infert, primum Concilium Ephesinum cooperante atque urgente Cyrillo indictum. Sexto pergit ad Chalcedonense Concilium, atque Epistolam præambulare.

Valen-

Valentiniani & Marciani ad Leonem PP. exhibet his conceptam verbis *Æternam divinitatem tua Sanctitas deprecetur, ut tale propositum atque desiderium habeamus, quatenus omni impio errore sublato per celebrandam Synodum te auctore maxima pax circa omnes Episcopos fidei Catholica fiat ab omni scelere pura & intemerata consistens.*

Deinde sequenti Epistola Marciani ad eundem Leonem: *Superest ut, si placuerit tuæ Beatitudini in has partes advenire & Synodum celebrare, hoc facere religionis affectu dignetur, &c. Si vero hoc onerosum est, & tua ad has partes advenias, hoc ipsum nobis propriis literis tua Sanctitas manifestet, quatenus in omnem Orientem, & in ipsam Thraciam & Illyricum sacra nostra litera dirigantur, ut ad quendam definitum locum UBI NOBIS PLACUERIT omnes sanctissimi Episcopi debeant convenire, & quæ Christianorum religioni, atque catholicæ fidei profint, sicut Sanctitas tua secundum Ecclesiasticas regulas definierit, sua dispositione declarent.* Quibus atque aliis similibus sententiis concludit Perronius, Leonem Papam cum Imperatoribus suam impendisse operam ad Synodi Chalcedonenſis convocationem. Quid opus est oleum impendere in recensendis atque exhibendis aliis testimoniis, quæ coacervat Perronius pro aliis Conciliis, quinto, sexto, septimo &c. Quando superiores ejus rationes tam exigui sunt momenti ut uno verbo dissolvi possint, quippe quæ aliud non probent quam Concilia gene-

ralia absque sententia & consensu Episcopi  
 Romani legitime petito, vel impetrato,  
 haberi non posse, ut illo Canone ecclesia-  
 stico perhibetur, cujus meminit Socra-  
 tes lib. 11. Historiæ cap. 5. Hoc enim & ni-  
 hil amplius petebat Julius, ut idem Socrates  
 memorat, de qua re cap. 1. lib. 1. Historiæ  
 Conciliorum generalium disputavimus. Quæ  
 ratio Romano Imperio florente vigeat; alia  
 vero nunc inita est post constitutam Papæ ab-  
 solutam monarchiam. Verum singulas Per-  
 renii rationes examinemus: primam autem  
 de conventibus non habendis absque Impe-  
 ratorum auctoritate & consensione objectam  
 à Bellarmino displosimus cap. 2. libri 1 Histo-  
 riæ Conciliorum: neque vero probat Impe-  
 ratorem debere indicare & convocare Syno-  
 dos, sed tantum Concilia absque permisso &  
 auctoritate illorum congregari non posse:  
 quare alia certa & ineluctabilis causa nobis  
 quærenda est cur congregarent Synodos: ni-  
 mirum quia soli tum temporis erant præditi  
 potestate cogendi resistentes, propter legem  
 majestatis regię: & quia Imperatores, ut  
 Legis divinæ, naturalis & canonicæ exequu-  
 tores, debent omnes cives ambitu reipubli-  
 cæ contentos, tum ecclesiasticos cum laicos,  
 adigere ad Legem divinam, naturalem & ca-  
 nonicam servandam: qua in re præsertim con-  
 sistit protectio Ecclesiæ & Ecclesiasticorum,  
 quam Deus tutandem dedit Principibus  
 Chri-

Christianis *Can. Principes* 23. *quest.* 5. Et continuo Reges Christiani hodie idem pariter jus habent, convocandi Synodos ut Legem divinam, naturalem & canonicam executioni mandent: de jure & iis quæ fieri debent loquor, minime vero de facto & artibus quibus dissensiones feruntur in republica Christiana, ne Principes mutua consensione ad optime regendam disciplinam ecclesiasticam inter sese conspirent, & Concilia singulis decenniis haberi curent, ut Synodo Constantiensi cautum erat. Et hæc de responsione ad primum, qua etiam partim secundo argumento fit satis: ea nimirum parte qua de convocatione politica Conciliorum differitur, quam fuse explicavimus libro *Historiæ Conciliorum*. Quocirca dicendum superest de convocatione ecclesiastica: eam vero Perro-  
nius dum à Papa velut à centro unitatis, & ab eo qui clavem habet communionis pendere memorat: ex ministro Ecclesiæ dominum, & ex primatè absolutum monarcham efficere conatur, quod potestati ministeriali spirituali Ecclesiæ penitus repugnat: solus enim Christus est centrum & causâ unitatis Ecclesiæ, & clavem habet absolutæ auctoritatis: Papa vero est duntaxat symbolum & figura ejusmodi unitatis, & primus ministrorum Christi & Ecclesiæ; unde tantum conditionaliter claudit & aperit, causa adsit justa canonice claudendi atque aperiendi. Enimvero stat ali-

quem Papæ contradicere & esse de Ecclesia, unde Paulus in faciem restitit Petro 2. ad Galatas, & S. Ignatius Patriarcha Constantinopolitanus Joanni VIII Papæ, multique alii. Neque vero causa formalis, cur Concilia spiritualiter obligent in conscientia, nascitur ab indictione aut convocatione Papæ, sed à catholico consensu & communione generali sanctorum, cui Papam velut primatem suam symbolum & confessionem ante alios conferre oportet : unde ostendimus absque ejus consensu Concilia haberi non posse : quæ quidem etiam casu & fortuito congregari possibile est, hacque ratione non minus obligarent quam si consulto indicta & convocata essent consensu Papæ interveniente. Tertio communis est sententia Philosophorum & Theologorum, ea quæ oratorie & per excessum sermonis usurpantur, fidem exiguam mereri : quare multo minus inservire possunt dogmatibus constituendis quæ hic statuuntur à Perronio. Qua igitur fide locum ex sermone acclamatorio ad Imperatorem Sessione 18 Concilii sexti edere potuit, ut probaret Sylvestrum PP. Nicænum convocasse Concilium ? quando nullum genus orationis magis hyperbolicum proferri potest orationibus prosphonicis, quæ in conclusione Synodorum certatim eduntur à Patribus, ut Acta legentibus patet. Cæterum fateor Sylvestrum consensum suum habendo Concilio Nicæno præ-



præbuisse, & Episcopos atque Metropolitās  
 sui patriarchatus convocasse ad Concilium,  
 & hoc sensu veram esse illam vocem acclama-  
 toriam : minime vero ad mentem Perronii.  
 Quæ responsione omnibus aliis ejus argumen-  
 tis fit satis : de indictione Sardici Concilii in  
 ejusdem Historia diximus ex Actorum veri-  
 tate. Quod autem Perronius narrat, Euse-  
 bianos à Julio Papa petiisse ut convocaretur  
 Concilium, hoc nihil aliud sonat, quam ut  
 Julius curaret & procuraret apud Impera-  
 torem Constantem & Constantium fratres,  
 Concilium convocari ut Sardicæ tandem  
 coactum est. Quarto, nihil opus est immo-  
 rari in particula epistolæ Patrum Orientalium  
 ad Damasum Papam explicanda : quando  
 ejusdem integram analysim in Historia primi  
 Concilii Constantinopolitani exhibuimus;  
 & Perronius solummodo probat concursum  
 Papæ cum Imperatore Theodosio : quæ au-  
 tem id ratione fit capiendum ample demon-  
 stravimus. Quinto, quæ à Liberato memo-  
 rantur, certe Actis authenticis primæ Syno-  
 di Ephesinæ repugnant, etiam secundum  
 editionem Conciliorum Romæ factam, quod  
 nemo negare potest, quare nulla hic Libera-  
 to habenda fides. Sexto, fateor Leonem ma-  
 gnum suam impendisse operam in convocan-  
 dis Episcopis sui patriarchatus, ut de Sylve-  
 stro Papa diximus : at Concilium generale  
 ubique terrarum & gentium indixisse, aut  
 omnes

omnes Orientis & Occidentis Episcopos convocasse pernego, idemque est iudicium de aliis Conciliis respective ad alios Pontifices, ne hic sim in re clarissima profusior.

Capite XLIII manum conferit cum adversariis super Appellationibus ad Sedem Apostolicam, nec antiquius testimonium quam Valentiniani Imperatoris profert in præambulari epistola Chalcedonensis Concilii, cuius hæc est Inscriptio: *Sacræ literæ tam à Domino nostro Valentiniano, quam à divine memorie Placidia, nec non & Eudoxia Augustis, ad Theodosium divine memorie, ut juheret in partibus Italie Concilium celebrari, &c.* Narrat autem Valentinianus cum Romam advenisset, se à Romano Episcopo, & ab aliis cum eo ex diversis congregatis rogatum esse scribere Theodosio de fide, quæ, cum sit conservatrix omnium fidelium animarum, dicitur perturbata, quam nos à nostris maioribus traditam debemus cum omni competenti devotione defendere, & dignitatem propriæ venerationis B. Apostolo Petro intemeratam & in nostris temporibus conservare, quatenus beatissimus Romanæ civitatis Episcopus, cui principatum sacerdotii super omnes antiquitas contulit, locum habeat ac facultatem de fide & sacerdotibus judicare, Domine sanctissime, Pater & venerabilis Imperator. Hæc enim gratia secundum solennitatem Conciliorum, & Constantinopolitanus Episcopus cum per libellos appellavit. Propter contentionem quæ orta est de fide. Huic itaque postulanti & conjuranti salutem nostram

com-

*communem annuere non regavi, quatenus ad tuam mansuetudinem meam petitionem ingererem, ut praedictus Sacerdos congregatis ex omni orbe etiam reliquis sacerdotibus intra Italiam omni praedictio submoto, à principio omnem causam quae vertitur, sollicita probatione cognoscens sententiam ferat, quam fides & ratio vere divinitatis expostulat, &c.* En locus integer cujus tantummodo furculum defregit Perronius. Secundo objicit, Senatores Chalcedonensis Synodi Actione 1. paulo post initium dicere, Theodoretum Cyri Episcopum restitutum fuisse in Episcopatu à Leone Magno PP. eamque ob causam debere esse participem Concilii more aliorum Episcoporum. Hinc autem ansam captat illos reprehendendi qui persuadere volunt, restitutionem quam Papa faciebat de Episcopis à Synodo exauctoratis esse solummodo declarationem, qua significaret se censere ut in integrum restituerentur. Quod si ita esset, negotia Ecclesiae nullum unquam finem sortita essent, *Quis hoc ferat glossema, inquit, scilicet Julium Papam dum Athanasium atque alios Episcopos orthodoxos Orientis restituit, in ea tantum opinione fuisse ut restituerentur, ac Sedes suas recuperarent?* & ita de aliis. Tertio objicit Cyprianum Epistola 67. ad Stephanum Papam contra Martinum Arelatensem Episcopum, qui haeresim Novatiani sequebatur, ita scribere Stephano: *Dirigantur in provinciam & ad plebem Arelate consistentem à te literae, quibus absente Martino aliis*

*alius in locum ejus substituatur, &c. Quarto ob-*  
*jicit. cum Eusebiani de criminibus quæ falso contra*  
*Athanasium confinxerant Julium Papam certio-*  
*rem fecissent per literas: hunc Ecclesia Canonem sequu-*  
*tum, & illos jussisse venire Romam & divinum A-*  
*thanasium quo pro se in judicio ipse responderet, vo-*  
*cavisse, teste Theodoro lib. 11, cap. 4. &*  
*Sozomeno lib. 111, cap. 6. Cum Episcopus Ro-*  
*manus Eusebianorum criminationes intellexisset, &*  
*omnes fidei Concilii Nicæni consentientes reperisset,*  
*Athanasium scilicet, Paulum Constantinopolita-*  
*num, & alios, in communionem recepit. Ac cum*  
*propter Sedis dignitatem cura omnium ad ipsum spe-*  
*ctaret, singulis suam Ecclesiam restituit scripsitque*  
*ad Episcopos Orientis eosque incusavit, quod in con-*  
*sulto eo de hisce viris judicassent, Ecclesiasque pertur-*  
*bassent, cum decretis Concilii Nicæni stare nollent.*  
*Deditque mandatum ut quidam illorum omnium*  
*omnino ad diem constitutum accederent perspicue*  
*declaraturi sententiam, quam de his tulerant, equam*  
*justamque esse. Quinetiam minatus est, se de reli-*  
*quo non passurum eos inultos esse, nisi novis rebus*  
*studere desisterent. Athanasius autem & Paulus ad*  
*suas Sedes revertuntur, literasque Julii Episcopis*  
*Orientis mittunt. Hæc sunt verba Sozomeni,*  
*non autem, ut scribit Perronius, quod Sedes*  
*suas recuperarint quia Athanasius nunquam*  
*est absolute restitutus ante Sardicum Conci-*  
*lium. Quinto asserit Concilium magnum Sar-*  
*dicum sicut à B. Athanasio vocatur convertif-*  
*se disciplinam appellationum in legem scri-*  
ptam,

ptam, quia scivit, *Ut si quis Episcopus fuerit depositus iudicio Episcoporum qui sunt in vicinia, & dicat rursus sibi responsionis negotium competere, non prius in cathedram alius substituatnr quam Romanus Episcopus causa cognita sententiam tulerit.* Sexto objicit, Ursacium & Valentem infestissimos adversarios Athanasii cum post Synodum Sardaicensem viderentur à communione secreti, coram positos, à Julio Romanae urbis Episcopo veniam poposcisse quod innoxium condemnassent, meritoque eum sententia Concilii Sardicensis absolutum professos esset. En integer locus Severi Sulpitii lib. 11 Historiæ sacræ. Septimo narrat, Liberium Papam restituisse Enstathium Sebastæ Episcopum, qui in Concilio Meletino orthodoxo depositus fuerat, & receptum fuisse à Concilio Tyaneo, quam primum literas Liberii Papæ Synodo Tyaneæ proposuit, auctore S. Basilio epistola 74. Octavo Patres primæ Synodi Ephesinæ post excommunicatum & depositum Joannem Antiochenum Patriarcham, illum iudicio Cœlestini reservasse, ultimo judicandum. Nono Hilarium Arelatensem Episcopum, quoniam Episcopos in Galliis absque licentia Leonis Magni ordinaverat, male multatum fuisse. Decimo in Synodo Chalcedonensi Legatos Leonis Papæ dicere, *Apostolicam Sedem veniam iis dare qui in Pseudo-synodo Ephesina Dioscoro adbaferant, de iis quæ non voluntarie ibidem ab illis gesta erant, quique hactenus permanferant, obediētes.* S. Archie-

*chiepiscopo Leoni, & universali Concilio. Hujusque reigratia in sua communione eos sicut confideles suscepisse:* propria sunt verba, quæ leguntur Actione I I I ante medium.

Jam super est his sigillatim respondeamus. Quod ad primum, ex clausula integra epistolæ Valentiniani quam protulimus, liquet eandem Epistolam scriptam ab Imperatore Valentiniano rogatu Leonis Papæ: & eisdem literis Valentinianum inseruisse quicquid lubitum est Leoni; sicut mos est eorum qui literas parvi sigilli Regis impetrant in Franciæ Regno, curare ut in eas concipiantur, quicquid putant ad suæ causæ præjudicium conducere. Et ita patet totas ex mente Leonis Papæ conscriptas. Unde quando hic dicitur Flavianum appellasse Leonem, perinde est, ac si ipsemet Leo hoc genus testimonii daret in sua causa: quod in hac parte examinari debet secundum disciplinam illo tempore usitam, de qua initio Historiæ Concilii Chalcedonensis numero VII I diximus, & quo sensu Appellatio Flaviani capienda sit ostendimus. Addo insuper, Imperatorem conceptis verbis scribere, *ejusmodi appellationem factam secundum solennitatem Conciliorum per libellos*, contestatorios scilicet, ut eos appellant. Certe ne quidem Leonis nomen scriptum in illa Flaviani appellatione in actis Chalcedonensis Synodi legitur: siquidem Flavianus tantummodo hac formula adversus  
Dio-

Dioscori sententiam usus est APPELLO  
 A TE : quare præter rationem , canones,  
 & veritatem Actorum id ad unum Leonem  
 Magnum referri non debet , nisi Leonem  
 conjunctim cum ampliore Concilio , ad  
 quod Flavianus provocabat concipiamus.  
 Verum aliud dignum notatione occurrit in  
 hac Valentiniani Epistola hac conceptum  
 clausula : *Quatenus beatissimus Romanæ civi-*  
*tatis Episcopus , cui principatum sacerdotii super*  
*omnes antiquitas contulit , locum habeat , &c.*  
 Quæ clausula monarchiam absolutam quam  
 Perronius tuetur , minime redolet , docet-  
 que *antiquitatem contulisse principatum sacerdo-*  
*tii super omnes Romanæ civitatis Episcopo.* At  
 quis hodie ita loqui auderet , quin continuo  
 igni tanquam hæreticus ustulandus addice-  
 retur ? Quod spectat ad Theodoreti resti-  
 tutionem nihil habet hic Perronius cui non  
 abunde satisfactum sit à me in Historia Sy-  
 nodi Chalcedonenfis , itaque ne actum age-  
 re videar illuc Lectorem remitto. Sed , in-  
 quit , nisi Papa præditus sit absoluta pote-  
 estate restituendi Episcopos in integrum , Ec-  
 clesiæ negotia nullum unquam finem atque  
 exitum nanciscentur : verum est hodie ,  
 postquam celebratio Conciliorum inter-  
 mortua jacet : falsum autem erat antiqui-  
 tus dum Canones & Concilia regnarant ,  
 unde non legimus Athanasium aut alios E-  
 piscopos solo mandato Papæ absque Con-  
 cilio



ciliorum celebratione fuisse restitutos, quicquid cavilletur Perronius. Porro tantum abest ut objectio petita ex Cypriani epistola 67 ad Stephanum Papam, de Martino Novatiano Episcopo illi gratificetur, cum potius supinam negligentiam Stephani culpet, quod monitus ab Galliæ Episcopis qui Martino adversabantur, nihil opis conferret: unde factum est, ut Faustinus Lugdunensis Episcopus semel atque iterum coactus fuerit scribere Cypriano transmare, ut inde auxilium haberet, eumque exstimularèt ad Stephanum Papam evigilandum, ut Galliæ Episcopis jamjam satis ad eam rem paratis scriberet, quatenus exauctorato Martino alium ab illo omnium consensu in ejus locum substituerent; cum enim hæc in Provincia agerentur, quæ affinis est Italiæ, turpe erat Stephanum huic causæ morasnectere postquam esset certior factus periculi. Merito autem Galliæ Episcopi qui Patriarchatui Papæ subditi erant ejusdem mandatum super Martiani abdicatone expectabant. Ad quartum de Eusebianis & Julio Papa respondeo, Episcopos non absoluta Julii auctoritate sed Canonibus & Synodis fuisse restitutos, ut probavimus in Historia Concilii Sardici ubi etiam de literis Julii & Eusebianorum quidnam esset tenendum, & quisnam sit genuinus sensus Canonum Sardicorum notavimus: & ita quinto satisfidatur argumento. Ad sextum, quid mirum



rum est Ursacium & Valentem Arrianos vi  
disciplinæ ecclesiasticæ prostratos & à com-  
munionem secretos veniam poposcisse à Julio  
Papa & Athanasio post Synodum Sardicam ut  
communioni admitterentur? Certe hoc non  
absolutam potestatem Julii, sed vim discipli-  
næ illorum temporum, & regimen Canonum  
arguit : minime vero quæ sequuntur de Eu-  
stathio Sebastæ Episcopo, mirorque Perro-  
nium hoc potuisse proferre exemplum quod  
magno est dedecori Liberio, & ecclesiæ Ro-  
mânæ, omniaque juris & canonum repagula  
effracta indicat ab Occidentalibus vel Trans-  
marinis, ut eos S. Basilius nominat. Quod  
ut cognoscatur, sciendum, Orientalem Ec-  
clesiam à qua Evangelium regni cœlorum  
egressum est in totum orbem terrarum ejus  
rei odio ab hoste generis humani graviter af-  
flictam, & divisam fuisse partim apertorum,  
partim occultorum Arrianorum aliorumque  
hæreticorum infidiis : quorum aperti non  
tantopere nocebant quam occulti, qui suum  
venenum spargebant ope suæ communionis  
quam aliis affricabant : cumque Episcopi O-  
rientis orthodoxi eos cogere vellent in ordi-  
nem, & sua communione privarent, illos  
calumniis incessabant, obtendentes hoc ab  
illis fieri propter occultas similitudines, & dis-  
sidia quæ cum eis intercedebant, eamque ob-  
rem convolabant Romanam, ubi sine discrimine  
communione & causa non cognita, ad com-

munionis & causa non cognita, ad communionem admittebantur, prætextu quod formulam orthodoxæ fidei subscripssent, dehinc vero cum literis communicatoriis remittebantur in Orientem & miris præstigiis vocum, atque æquivocationum, ut solenne est Arrianis, fidei à se subscriptæ formulam illudebant, & Arrianismum aliasque hæreses propagabant. Ita ut orthodoxis nihil præter gemitus, lacrymas & planctus superesset. Quocirca S. Basilius suam & aliorum conditionem frequenter dolet, præsertim epistola 10, 51, 59, 70, 74 & 77. quæriturque de Occidentalibus quod neque veritatem status Ecclesiæ Orientalis cognoscant, neque cognoscant, neque cognoscere sustineant, tantum abest ut afflictionibus illorum compatiantur, aut mederi velint: tamen de illis palam & aperte non audebant conqueri, ne gravius nocerent: imo omni via & ratione illorum tanquam procul à periculis remotorum amicitiam sibi literis conciliare nitebantur, ut darent operam quatenus innotesceret Orientis Ecclesiæ perturbatio, confusioque Imperatori in Occidente degenti: sed nihil responsi super ea re accipiebant: taudem vero cum aliquot Presbyteros misissent Romam, contigit ut unas literas acciperent ab Occidentalibus, quibus S. Basilius epistola 74 amantissime respondet, & nefandissima gesta istius Eustathii Sebastæ Episcopi, cujus meminit

minit Perronius, ita enarrat; *Hic olim institutus ab Arrio, inquit Basilii, impias adversus unigenitum Dei blasphemias struxit, sectator Arrii, & inter selectissimos discipulos connumeratus fuit: & à beatissimo Hermogene Casarea Episcopo propter impiam opinionem condemnatus, confessionem illi obtulit sanæ fidei, atque ita manus impositionem ab ipso obtinuit. Sed mortuo Hermogene ad Eusebium Constantinopolim sese contulit, qui impii Arrii dogma tuetur: inde post quibusdam de causis pulsus ad patriam sese recepit, ubi denuo purgationem erroris obtulit, sed celata mentis impietate, equivocationibus & verborum rectitudine. Mox statim atque adeptus est episcopatum Sebastæ anathematismum contra Homousion in Synodo Ancyrae habita/cripsit; & hinc Seleuciam profectus cum suis similibus symbolum Nicenum damnavit. Constantinopoli vero iterum ad ea quæ ab hæreticis proposita sunt consensit, Atque ita ejectus episcopatu; propterea, quodjam in Meletina Synodo depositus esset, viam sibi ipsi per quam restitueretur excogitavit, eam videlicet, ut Romam proficisceretur. Quæ vero sint illi à beatissimo Episcopo Liberio proposita, & ad quæ consenserit nobis clam est: nisi quod Epistolam attulit per quam restitueretur: eam ubi Tyana Synodo exhibuit, in suum locum restitutus est, & fidem in quam receptus est depopulatur, cumque illis facit qui Homousion anathemate percellunt. Quoniam igitur istius vires accepit ledendi Ecclesias, ac publicande suæ impietatis fiducia quam vos (Occidentales scilicet) dedistis ad*

*subversionem multorum usus est, necesse est ut istinc quoque veniat malorum istorum correctio, scribaturque Ecclesiis quibus quidem conditionibus ad communionem susceptus sit: simul vero adjiciatur quo modo jam immutata sententia gratiam à Patribus qui tum erant, irritam reddat, &c.*

Eat jam nunc Perronius, & sua absolutæ potestatis Papæ monimenta nobis venditet; non enim quæritur quid agatur Romæ, sed quid agi debeat, ut quidam Jurisconsultus olim dicebat: hoc est, an vivatur secundum Canones. Cæterum epistolæ communicatorix quas isti profugi à Romanis Episcopis impetrabant, declarabant illos esse ad communionem ecclesiæ Romanæ admissos tanquam orthodoxos, & consequenter nihil esse obstaculi quo minus consequerentur gradum unde erant dejecti, quod judicium inauditis patribus datum erat. Octavo, quod ait Joannem Antiochenum judicio Cælestini Papæ reservatum, hoc non potest colligi ex verbis æquivocis Concilii Ephesini quæ hic abscribam, *Verum quo Joannis temeritatem longanimitate vinceremus, etiamsi illam justissime legitimeque subivisset, pietatis tuæ judicio hoc reservavimus.* Neque Græca quæ citat ad versarius aliter sonant. Accedit, istam reservationem fieri non potuisse absque Imperatoris imperio, ut observavimus in Historia primæ Synodi Ephesinæ. Ad nonum de Hilario Arclateni Primæte vide quæ lucubravimus in Historia quintæ Sy-

Synodi generalis : quandoquidem primatus ecclesiæ Arelatenfis contra Valentiniani edictum & conatus Leonis Magni inveteravit. Decima objectio spectat ad Canonum executionem quæ Romano Pontifici tanquam Principi ministrorum Dei competit : unde passim Actione 111 Patres clamant, ut secundum regulas Dioscorus, Eutyches, & eorum asseclæ judicentur. Porro solenne erat Patribus eos qui deliquerant circumscribere finibus communionis suæ civitatis, aut provinciæ, ut de Meletio docuimus in Historia Synodi Nicænæ, ubi docetur quidnam sit contentum esse communionem suæ Ecclesiæ; siquidem Patres Nicæni decernunt, ut Meletius in propria sua civitate remaneat, nec habeat potestatem quemquam ad aliquod munus ecclesiasticum deligendi, vel in aliena civitate aut regione ejus rei gratia commorandi, sed ut solum dignitatis & officii nomen retineat : quæ multa aliis proportionatim secundum delicti modum præscribebatur, ejusque idem Leo Papa epistola 38 ad Anatolium meminit conformiter ad ea quæ ejus legati in Synodo Chalcedonensi Actione 111 dixerant. Certe in quinta Synodo Carthaginensi Canone x & xiii statuitur ut Episcopi vel Clerici qui in certos casus impeerint, à cæterorum communionem, excepta plebe sua, sejungantur : quos Canones Gratianus in suam conjecit Collectionem, dist. 58. *Can. Si*

*quis de Alterius.* Hoc genere multæ Patres Ecclesiæ Africanæ usi sunt erga Antonium Fussalensem Episcopum, ut liquet ex Augustino epistola 261 ad Cœlestinum Papam. Et ita, clarèt legatos Leonis in Synodo Chalcedonenfi meros fuisse exequutores Canonum, & disciplinæ ecclesiasticæ.

Præter superiora insuper obtrudit Perronius in epistola synodica quam Patres Chalcedonenses miserunt ad S. Leonem Papam hæc nominatim legi, scilicet: *Quod Dioscorus Eutychem pro impietate damnatum suæ tyrannidis decretis innoxium statuerit, & dignitatem quæ illi ablata fuerat à Leonis sanctitate, eidem Eutychi restituerit*: quæ synodica epistola extat sub finem IIII Actionis Synodi Chalcedonensis. Adnectit quoque Joannem Talain Patriarcham Alexandrinum postquam depositus est appellavisse Romam ad Simplicium Papam, ac Petrum Mongum qui patriarchatum Alexandrinum invaserat depositum à Felice successore Simplicii cum Acacio Constantinopolitano Episcopo, quem dicit hæreticum fuisse, &c. Sed quod spectat ad Eutychis damnationem, & abdicationem, primum facta est in Constantinopolitana Synodo privata sub Flaviano, ut Acta demonstrant, deinde à Leone corroborata, quare nihil mirum est ei soli tribui quod factum est synodice, sicut multa tribuuntur ducibus militaribus quæ eis cum toto exercitu communia sunt. Certe Flavianus

Eu-

Eutychem damnarat priusquam Leo Papa quicquam de ejusmodi controversia audivisset, ut constat ex ejusdem Leonis epistola septima ad Theodosium. Ex quo patet quæ habentur in relatione synodica Partum Chalcedonensis Concilii non stricte ad literam sed cum aliquo glossemate intelligi oportere, ut etiam observavimus in Historia Concilii Chalcedonensis. Transeo ad Joannis Talajæ Patriarchæ Alexandrini & Acacii Constantinopolitani Historiam, quæ ejusmodi est, ut justum librum exposcat, nunquam autem Acacius hæreticus, neque fautor hæreticorum formaliter fuit, sed pacis Ecclesiæ valde amans. Inclinate autem Romano Imperio, & potentia Romanorum Pontificum magna capiente incrementa, cum Imperatores jussa sua efficaciter exequi non possent, Pontifices Romani illos qui institutis & mandatis suis non obtemperarent, censuris percellebant & exauctorbant, ut factum est adversus Acacium quia jura & auctoritatem suæ ecclesiæ tueretur: verum tamen semper à toto Oriente Acacius cultus & pro Episcopo Constantinopolitano habitus fuit, quicquid Romæ in eum scisceretur. Heu sicut Seneca hoc proverbium commune explicans, *tot servi, tot hostes*, recte dicit non hostes esse, sed duricie dominorum tales effici: ita certo dicere possumus desiderium absoluti dominatus multorum Pontific. Roman. per multos nominatenus hæreticos & schismaticos

cos fecisse aut censuisse, qui revera nunquam tales fuerunt. Si Deus nobis otia fecerit, hanc Historiam ex Actis authenticis & indubitatis conscribemus, ut pateat cuinam schismatis Græcorum culpa sit adscribenda : hoc enim valde interest ex veris cognoscere ad Historiæ ecclesiasticæ notitiam.

Capite XLIV disputat de oppositione quam Sanctus Irenæus Victori Papæ objecit propter censuras irrogatas adversus Ephesinam ecclesiam : de qua re dixi initio hujus Appendicis. Estque obiter monendus Lector, Perronium quia in hoc opere famam multæ lectionis & eruditionis aucupatur, multa, quæ aut sunt præter oleas, aut levissimi momenti, referre & aggerere : quod ab illo de industria factum arbitror, ut hac via eos qui animum ad ei respondendum inducerent, a scribendo abstereretur: cum tantam molem allegationum & testimoniorum sibi exscindendam, & libros elephantinos scribendos esse cernerent.

Capite XLV oppositiones, quæ ex Sancto Cypriano eliciuntur, examinat : & primo *de nomine fratris*, quo Papam Cyprianus appellat: item *de Coëpiscopi, Collegæ & Commistri appellatione*: aitque hæc ab antiquis usurpari non ad enervandam superioritatem regimini, sed ad designandam societatem ministerii, &c. hoc autem lubenter assentior Perronio, si modo per superioritatem regiminis primatum in ordine ad regimen aristocraticum non absolu-

tam



tam monarchiam designet. Secundo, dicit Cyprianum epistola 68 ad Cornelium, ubi de Basilide Episcopo Hispaniæ loquitur, qui ab Hispaniæ Episcopis fuerat depositus, eo quod lapsus fuisset in persecutione Decii; non reprehendere Cornelium quia Basilidem ad suam communionem admisisset: sed duntaxat Basilidem criminari quoniam obrepisset & imposuisset fraudulenter Cornelio, &c. At rependo istam apertam fraudis & veritatis Basilidis, esse obliquam Cornelii correptionem: quia dato ad mentem Perronii & Curiae Romanæ, Cornelium fuisse iudicem & potuisse integrum restituere Basilidem; saltem omnia jura divina & humana clamant, id absque causæ cognitione & inauditis Episcopis Hispaniæ fieri non debuisse: eademque hic est ratio querelæ Cypriani & S. Basilii supra cap. XLIII. quod Romæ sine ulla discretionem, & causæ cognitione, homines admitterentur ad communionem: sic certe innatum est iudicibus fiscalibus aquam ad suas moletrinas derivare, ut suam potentiam & commoda augeant: qua ratione Curia Romana ad eam quam videmus hodie speciem suam dominatum ex omnium ecclesiarum lacrymis & spoliis architectata est. Tertio, quia Cyprianus epistola 55 ad Cornelium, contendit criminari in locis ubi orta sunt esse decidenda: apponit Perronius hoc intelligi de causis minoribus & non communibus, de quibus cap. 62

Con-

Concilii Africani. Idque interpretatur de causis spectantibus ad mores minorum Clericorum regendos, puta Presbyterorum, Diaconorum, &c. Nam, inquit Fortunatus, de quo queritur Cyprianus, Presbyter erat Carthaginensis, quem excommunicaverat ob sua crimina. Causas majores & communes vocat causas fidei, sacramentorum, item rituum & consuetudinum generalium Ecclesie, aut cum de Episcopis deponendis agebatur: idque auctoritate Augustini confirmat epistola 162. in causa Cæciliani Carthaginensis Episcopi; quem demonstrat potuisse judicari ab Episcopo Romano his verbis: *Neque enim de presbyteris aut diaconis aut inferioris ordinis clericis, sed de collegis agebatur, qui possunt aliorum collegarum judicio, præsertim apostolicarum ecclesiarum, causam suam integram reservare: ubi contra eos sententiæ dictæ in absentes nullo modo aliquid valerent, quando eorum judicium non primo aditum postea deseruerunt, sed suspectum semper habitum nunquam adire voluerunt.* En locus integer Augustini quem mala fide castravit Perronius ut facilius veritati fucum faceret. Nam concedimus ei, causas communes Ecclesie, ut quæ ad fidem & alia ejusmodi spectant, debere communiter ab omnibus Ecclesiis in generalibus Conciliis tractari, quod alias sæpe confirmavimus. At quæ spectant ad disciplinam uniuscujusque provincie, & privatim regendum Clerum, cum Episcopos tum alios

mino-

minores Clericos : certe extra provinciam non debere tractari Canones clamant, ut in Historia Concilii Africani probavimus. Textus vero Augustini causam adversarii jugulat, quia ostendit, Cæcilianum potuisse Romæ judicari; tum quia jam judicatus fuerat à septuaginta Episcopis provinciæ suspectis, à quorum judicio licebat provocare ad Episcopos alterius provinciæ qui suspecti essent, & præsertim ad Romanum Episcopum, quando de primatè provinciæ Carthaginensis ageretur. Certe eadem est ratio causæ Cæciliani in hac parte, quæ & fuit S. Athanasii de qua in Historia Conciliorum egimus : demonstrat autem Augustinus judicium Episcoporum provinciæ suspectum fuisse, & in absentes datum, neque unquam aditum aut acceptatum, quemadmodum de Athanasio probavimus. Quocirca hæc causa non est regularis, sed extraordinaria : quia extra provinciam judicatur, sicque conatus Perronii ruit. Quarto, ad hunc Cypriani locum eadem epistola 55 ad Cornelium, *Nisi si paucis desperatis & perditis minor videtur auctoritas Episcoporum in Africa constitutorum, qui jam de illis judicaverunt*, &c. Contendit verba hæc *minor videtur auctoritas*, non referri ad ecclesiam Romanam, sed significare non minorem esse quam par sit & sufficiat rei qua de agitur judicandæ. Fateor ita esse Perroni, quia, ut jam dictum est, negotia ecclesiastica provinciæ, & maxime quæ  
ad

ad regendos mores clericorum faciunt, debent Synodo Provinciæ judicari, unde antea dixit, *oportere uniuscujusque causam ibi audiri, ubi est crimen admissum, &c.* Ratio est, quia Episcopis regimen Ecclesiarum suæ provinciæ est proportionatim & respectively commissum à Christo, quando in solidum sunt participes sacerdotii Christi, & Papa, excepto primatu, id est, primo gradu sacerdotii Christi, nihil jure divino habet supra alios Episcopos. Quinto perhibet, Cyprianum in hac formula concepta libro de unitate Ecclesiæ: *Episcopatus unus est cujus à singulis in solidum pars tenetur, &c.* Insinuare quidem episcopatum separatim extra unitatem & societatem corporis episcopalis possideri non posse: sed non quod velit inficiari in unitate hujus corporis episcopalis, functiones Episcopatus exerceri modo quodam eminenti & principali in ecclesia Romana quam in aliis ecclesiis: sicut eum dicimus animam totam esse in toto: & totam in qualibet parte corporis humani, non negamus nobiliori & præstantiori modo suas exercere operationes in capite quam in aliis partibus. Alias Cyprianus non appellaret ecclesiam Romanam, cathedram Petri, ecclesiam principalem & originem unitatis sacerdotalis, epistola 55 ad Cornelium. Hæc est Perronii sententia, verbum de verbo Latine reddita. Mens autem Cypriani notissima est, si quod verissimum & certissimum est, pro principio designamus,

gamus, illum scilicet tenuisse & docuisse Papam jure divino supra alios Episcopos nihil habere præter primatum in ordine ad regimen aristocraticum: quare sub finem ejusdem Epistolæ 55 ad Cornelium asserit, *Florentissimum clærum Romanum cum Cornelio in Ecclesia præsidere.* & alibi, *firmum non esse decretum Ecclesiæ quod plurimorum non habuit assensum*, quæ omnia nihil sapiunt monarchici. Quod autem ait à *Patri cathedra atque ecclesia principali exortam esse unitatem sacerdotalem*: indicat, Romanam ecclesiam ob primatum Petri (qui unicus est, & symbolum unitatis sacerdotii Christi & Ecclesiæ) esse matricem & principem aliarum, nihilque in rebus ecclesiasticis separatim ab ea canonicè consulta esse faciendum, cujus rei paxim nobis demonstrat Cyprianus in suis libris. De similitudine animæ & corporis, & functionibus quas anima exercet in corpore; hæc si referantur ad potestatem quam Papa exercet, plane disparata & diversa sunt, quæque nihil profunt causæ adversarii: quia ut dixi multoties, Papa excepto primo gradu ministerii Ecclesiæ & sacerdotii Domini, nihil quicquam jure divino habet supra alios Episcopos. Consule Axioma xv Apologiæ nostræ.

Caput XLVI inscribitur de commissione Constantini Magni pro judicio Cæciliani Carthaginensis Episcopi: quod caput non ideo recognoscendum suscepi quia in dubium revo-

revocem Melchiadem Papam judicem fuisse legitimum in causa Cæciliani secundum ea quæ paulo ante in analysi capitis præcedenti notavi: sed ut quædam obiter expenderem quæ ibidem Perronius ostentat, cujusmodi est illud ex Epistola Julii Papæ ad Orientales in causa S. Athanasii in Apologia secunda Athanasii. *An ignari estis hanc consuetudinem esse, ut primum nobis scribatur, ut hinc quod justum est definiri posset?* Item apud Sozomenum lib. III. cap. 9. *Legem ad sacerdotii dignitatem spectantem, quæ pronunciat Acta illa irrita esse, quæ præter sententiam Episcopi Romani constituuntur. Et autem quæ Tyri & in Mareote adversus Athanasium decernebantur, iniqua esse, &c.* Quos locos dicimus primo intelligi oportere de causis communibus fidei aut rebus extraordinariis, & irregularibus, quales erant Athanasii & Cæciliani: nequaquam vero de ordinariis & regularibus quorum judicium decidi debeat in unaquaque provincia secundum Canones, ut paulo ante notatum est. Secundo respondemus hæc spectare ad Canonem ecclesiasticum qui vetat quicquam agi in communibus & magni momenti negotiis Ecclesiæ absque Episcopi Romani sententia, propter ecclesiæ Romanæ Primatum.

Capite XLVI diluere conatur objectionem ductam à Concilio Milevitano Canone 22 de non provocando ad transmarina judicia. *Placuit ut Presbyteri, Diaconi vel ceteri inferiores clerici*

clerici causis quas habuerint, si de judiciis Episcoporum suorum questi fuerint, vicini Episcopi eos audiant, & inter eos, quicquid est, finiant, adhibiti ab eis ex consensu Episcoporum suorum. Quod si & ab eis provocandum putaverint, non provocent nisi ad Aphricana Concilia, vel ad primates provinciarum suarum; ad transmarina autem qui putaverit appellandum à nullo intra Aphricam in communione suscipiatur. Quem canonem duobus modis intelligi ait: Primo ut tantum capiatur de Appellationibus in causis minoribus & personalibus, quales erant causæ morales, pecuniariæ, hoc est, civiles & criminales clericorum: nequaquam vero de causis communibus, &c. Secundo loqui duntaxet de Appellationibus Presbyterorum, Diaconorum, &c. non de Appellationibus clericorum superioris ordinis, ut Episcoporum. Hæc Perronius, quæ vera esse fateor: quoniam hoc in loco propositum erat Patribus Milevitanis obviam ire vitilitigationibus clericorum inferioris ordinis quibus solenne erat transmarina judicia sectari, & disciplinam ecclesiasticam conturbare: ideoque hic illos in ordinem cogunt: de Episcopis vero nullus sermo, quia aut nunquam, aut raro admodum contingebat ut in canones impingerent; pauci enim sunt Episcopi & majori delectu eligebantur ad comparisonem inferioris ordinis: unde cum adversus disciplinam nihil peccarent, nihil erat causæ in illos statuere: & si quid peccarent relinquebantur iudicio



fuorum Metropolitanorum juxta Canonem quintum Nicænum & secundum Constantinopolitanum, pro cujus interpretatione ea hic impendo quæ lucubravi pro Historia sexti Concilii Carthaginensis ubi omnia Bellarmini argumenta depulimus, quæ hic refricat Perronius, & pro suæ sententiæ auctuario edidit locum epistolæ Concilii Milevitani ad Innocentium Papam, quæ est 92 inter epistolas Augustini. *Sed arbitramur adjuvante misericordia Domini Dei nostri Jesu Christi, qui te & regere consulentem, & orantem exaudire dignatur. auctoritati Sanctitatis tuæ, de sanctarum scripturarum auctoritate depromptæ, facilius eos qui tam per-versa & perniciofa sentiunt esse cessuros, ut de correctione potius eorum congratulemur quam contristemur interitu.* Loquuntur autem Patres Milevitani de condemnatione Pelagianorum, & Perronius exclamat hanc clausulam, *auctoritati Sanctitatis tuæ de sanctarum scripturarum auctoritate depromptæ*, intelligi oportere de cathedrali & judiciaria auctoritate Papæ, sacris scripturis corroborata & confirmata, ostendendo quod juris sit divini; nequaquam vero de auctoritate sanctarum scripturarum necessaria ad errorem Pelagii & Coelestii confutandum. Quod ridiculum est, & perinde ac si Innocentius PP. adversus Pelagium libros scripisset de Papæ auctoritate testimoniis sacre scripturæ comprobata, ut à Sanderò, Bellarmino & Perronio factum est. Contra sen-



fensus Patrum Milevitanorum est, generali  
 communione sanctorum, & catholica tradi-  
 tione & interpretatione scripturarum, erro-  
 rem Pelagii esse debellandum, ita ut quemad-  
 modum jamjam damnati fuerant in Africa &  
 in Oriente, etiam Romæ condemnarentur  
 & ostenderetur catholicam consensionem to-  
 tius ecclesiæ in scripturarum interpretatione  
 illis penitus adversari: cerre tandem ultimo  
 judicio Pelagiani à Patribus primi Concilii  
 Ephesini damnati sunt. Tertio, urget amplius  
 Canonem 22 Milevitani Concilii debere capi  
 de solis minoribus clericis ex Julii I. papæ te-  
 stimonio in secunda Apologia Athanasii sub  
 finem epistolæ Julii: *Episcopi enim erant & non*  
*vulgares Ecclesiæ, qui ista patiebantur, sed quam*  
*ipsi Apostoli suamet opera ad fidem instruxerant;*  
 Subjungit & locum Augustini epistola 162 in  
 causa Cæciliani quem dicit, *potuisse non curare*  
*conspirantem multitudinem inimicorum; cum se*  
*videret & Romanæ Ecclesiæ, in qua semper Aposto-*  
*lica cathedra viguit principatus, & ceteris terris*  
*unde Euangelium ad ipsam Africam venit, per com-*  
*municatorias literas esse conjunctum.* Et paulo  
 post, *Neque enim de Presbyteris, aut Diaconis,*  
*aut inferioris ordinis clericis, sed de Collegis age-*  
*batur: qui possunt aliorum Collegiarum judicio præ-*  
*sertim Apostolicarum Ecclesiarum causam suam inte-*  
*gram reservare, &c.* Verum enimvero facilis est  
 adhæc responsio: jam dixi Athanasium fuisse  
 secundæ Sedis Episcopum & ab Episcopis

Orientis suspectis inaudita causa damnatum : ideoque per canones jus illi fuisse confugere ad vicinas provincias, & maxime ad Sedem Romanam omnium matricem. Idemque est de Cæciliano judicium qui primum in Africa obtinebat, & ab Episcopis Africæ suspectis, id est, à Donatistis damnatus fuerat : neque amplius Episcoporum provinciæ judicio ullus supererat locus.

Capite 48, 49 & 50 longissimam instituit disputationem de Conciliis Carthagenensibus & Africæ, cui nolo immorari, ut ad caput LI veniam ; in quo ut Appellationem Apiarii, tractatam in sexto Concilio Carthagenensi, ad Curia Romanæ gratiam definiat : primum de epistolis Conciliorum Africæ scriptis in causa ejusdem Apiarii differit : cumque vim illarum aperte & directe infringere non posset, conatur ostendere esse adulteratas ex comparatione Græcæ & Latinæ editionis : mirumque esse ait Canones Latinos Conciliorum Africæ esse emendatiores Græcis ; contra autem editionem Græcam Epistolarum memoratarum esse præponendam Latinæ editioni : quod excogitavit argutias & cavillationes in quibus diluendis operam impendere nolo, quia contendo, magis fidentum esse Latinæ editioni, & si quid in ea sit ambiguitatis aut æquivocationis, hoc tribui oportere stilo Patrum Africanorum, qui ut omnes norunt, hyperbatis & æquivocationibus

nibus scatet, estque valde implicatus propter illorum fervidum & æstuans ingenium: unum scio, propositum esse Perronio fidem Latinæ editioni ejusmodi epistolarum detrahere, quod eum & Curiam Romanam magis urat.

Capite LII de Appellatione Apiarii in sexto Concilio Carthaginensi disputat. Et primo contendit nihil posse inferri ex hoc Concilio quod Papæ auctoritatem imminuat in admit-tendis Appellationibus: in cujus rei testimo-nium ait in Concilio Chalcedonenſi Oecu-menico ex Patribus Græcæ & Latinæ Ec-clesiæ conflato longeque majoris auctoritatis quam esset sextum Concilium Carthaginense quod duntaxat erat provinciale, admissas fuisse Appellationes, ut testatur epistola Valentiniani Imperatoris ad Theodosium Imperato-rem his verbis: *Debemus cum omni competenti devotione defendere & dignitatem propriæ venerationis beato Apostolo Petro intemeratam, & in nostris temporibus conservare: quatenus beatissimus Romanæ civitatis Episcopus, cui principatum sacerdotii super omnes antiquitas contulit, locum habeat ac facultatem de fide & sacerdotibus judicare, &c.* Hac enim gratia secundum solennitatem Concilio-rum & Constantinopolitanus Episcopus cum per li-bellos appellavit, propter contentionem quæ orta est de fide. Quam epistolam Valentiniani habes inter præambulares epistolas Chalcedonenſis Concilii. Adnectit quoque, ex Martiani & Valentiniani literis ad Palladium præfectum

Prætorio Orientis, quæ extant sub finem Actionis III Synodi Chalcedonensis, hæc verba: *Synodus Chalcedonensis dum fidem diligenter inquit, auctoritate Beatissimi Leonis Episcopi æternæ urbis Romæ & religionis fundamenta constituit sanctæ civitati, & Flaviano palmam mortis tribuit gloriose.* Adgregat insuper, Theodoretum appellavisse ad Leonem Papam & ab eodem restitutum, eamque ob causam Senatores à Martino constitutos in Synodo Chalcedonensi pronunciasse, ut Theodoretus esset Concilii particeps, quando Leo Archiepiscopus ei Episcopatum restituisset. Hæc Perronii collectio tria proponit: quoad primum de Valentiniani literis, jam dictum supra in analysi cap. 43. de Appellationibus ad Sedem Apostolicam, ubi non habuit antiquius aut validius testimonium, quo ejusmodi appellationes muniret: quod argumentum est, illas nullo alio niti fundamento quam quæstione facti, & auctoritatis politicorum Principum qui eas suo brachio communire voluerunt: quoniam id conducere putarent ad dignitatem urbis & Imperii Romani, unde suis edictis jusserunt sententias Episcoporum urbis Romæ in rem judicatam mitti. Quare nihil mirum est in illis literis Martiani & Valentiniani ad Palladium præfectum prætorio, ea uni Episcopo Romano attribui quæ à tota Synodo Chalcedonensi gesta sunt, nam & ante Leonis definitionem synodicam

Ro-

Romæ factam, ipse Flavianus in Synodo privata Constantinopolitana eadem iēſerat & definierat, quæ poſtea ſunt à Leone Magno ſynodice conſtituta, ut Acta Synodi Chalcedonenſis perhibent: quæque ſimiliter docent fruſtra Perronium Theodoreti reſtitutionem factam à Pontifice Romano toties obtendere cum nulli uſui fuerit Theodoreto, niſi poſtquam Concilium Chalcedonenſe ejus cauſam retractavit & definivit præſentibus legatis Romani Pontificis.

Secundo narrat, cauſam Apiarii non fuiſſe de communibus & majoribus ſed de minoribus cauſis Eccleſiæ: idque ait conſtare ex epiſtolâ Innocentii I. PP. quæ eſt inter epiſtolas Auguſtini 93 ubi hæc ſcribit Innocentius : *Quotiens fidei ratio ventilatur, arbitror omnes fratres & cœpiſcopos noſtros, non niſi ad Petrum, id eſt, ſui nominis & honoris auctorem referre debere.* Inſtat, hoc præterea comprobari geſtis ipſius Milevitani & Carthaginenſis Concilii ſub duodecimo conſulatu Honorii Cæſaris, quoniam Patres Milevitani ultimum judicium Cœleſtii & Pelagii remiſerunt ad Innocentium Papam cum hoc eminenti elogio, *quod Papæ auctoritas de ſanctarum ſcripturarum auctoritate eſſet deprompta,* epiſtola 92 inter epiſtolas Auguſtini; quàm ad rem confirmandam quædam alia cumulat parvi momenti in re minus neceſſaria. Siquidem annuo primum, cauſam Apiarii fuiſſe de minoribus cauſis ad

disciplinam provinciæ spectantibus, ut supra dictum est. Quod vero Innocentius arbitratur causas fidei ad Sedem Apostolicam debere referri, hunc habet sensum, ut cum fides res sit communis Ecclesiæ quæ nisi catholica traditione & confessione definiri non potest, necesse sit Papam ante alios, propter S. Petri primatum, suam proferre de rebus fidei sententiam, sicut in omnibus generalibus Conciliis semper consuetum est fieri: quod si quid privatim cum sua Synodo Romana, aut quopiam alio modo statuatur, id ex Institutione Christi à catholico consensu, & regimine aristocratico totius Ecclesiæ vim fortitur: quia Primatus institutus est in ordine ad regimen aristocraticum. De ultimo iudicio Pelagianorum & auctoritate Augustini quam iterum frequentat Perronius paulo ante dixi in analysi capitis 47.

Tertio memorat, Patres Africanos non certasse de evocationibus ad Sedem Apostolicam, sed de appellationibus duntaxat. Jus autem evocationum ex eo probat, quod Socrates scribat cap. 9. lib. 11. Eusebium illum Nicomediensem qui postea Episcopus Constantinopolitanus fuit, statim atque Athanasium Alexandria dejecit, in ejusque locum Gregorium constituit, *Legatum misisse ad Julium Romanum Episcopum, oratum, ut ipse in causa Athanasii iudex esse vellet; litisque dijudicationem ad se transferret.* Theodoretus l. 11. c. 4: *Eusebiu-*  
*ni*

*ni Julium Episcopum Romanum de criminibus quæ falso contra Athanasium confinxerant, per literas certiores fecerant. Ille Ecclesiæ Canonem sequutus, & eos iussit Romam venire, & divinum Athanasium, quo pro se in iudicio ipse responderet, vocavit. Opponit quoque Theodosii Novellam Titulo 24. Omnibus Episcopis pro lege sit quicquid sanxit vel sanxerit Apostolica Sedis auctoritas, ita ut, quisquis Episcoporum ad iudicium Romani Antistitis evocatus venire neglexerit, per moderatorem ejusdem provinciæ adesse cogatur, per omnia servatis quæ divi parentes nostri Romanæ Ecclesiæ detulerunt. Amplius obtendit, Patres Africani Concilii non revocasse in dubium, quin Papa Zosimus posset evocare causam Apiarii, sed duntaxat pugnas se pro appellationibus. Enim vero qui fieri posset ut Africani revocarent in dubium evocationes ad Sedem Apostolicam, cum paulo ante per Augustinum scripserint Innocentio Papæ, ut accerferet Romam Pelagium quem Eulogius Archiepiscopus Cæsareæ, & Joannes Hierosolymitanus cum Concilio totius provinciæ absolverant? vide epistolam 95 Augusti, paulo post principium. Quas evocationes munit auctoritate Hincmari apud Flodoardum lib. III Historiæ Rhemenfis c. 13 ubi ad Nicolaum PP. in causa Rothadi ita scribit: Absit enim à nobis ut privilegium primæ & summæ Sedis sanctæ R. E. Pontificis pro sic parvo pendamus, aut controversias & jurgia tam superioris quam etiam inferioris ordinis, quæ Nicani &*



*cateri sacrorum Conciliorum Canones, & Innocentii atque aliorum sanctorum Romanæ Sedis Pontificum decreta in Synodis provincialibus à Metropolitanis præcipiunt terminari, ad vestram summam auctoritatem fatigandam ducamus, &c. Omnes senes cum junioribus scimus nostras ecclesias subditas esse Romanæ ecclesiæ : & nos Episcopos in Primatu B. Petri subiectos esse Romano Pontifici : & ob id salva fide, quæ in Ecclesia semper viguit, & Domino cooperante florebit, nobis est vestræ apostolicæ auctoritati obediendum, &c. Dignum & justum est, ut quemcumque Episcopum Romanus Pontifex ad se Romam venire mandaverit, si infirmitas vel gravior quæcumque necessitas vel impossibilitas, sicut sacri præfigunt Canones, eum non detinuerit, ad illum venire studeat, &c. Proculdubio si jus appellationum erat controversum apud Patres Africanos, multo magis evocationum, quia unum longe eminentius est altero, & supremo atque absoluto tantum monarchæ competit : unde fit ut Rex causas undequaque evocet ex Parliamentis aut aliis tribunalibus Franciæ. Sed his omiſſis singula expendamus. Primum quod de Eusebio Arrianorum principe scribit, qui literis significarat Julio, ut causam Athanasii Romam evocaret, postquam Athanasium exauctorasset, & ei multa affinxisset crimina; primum respondeo : hoc genus evocationis fieri consensu partium : deinde ipsum Athanasium in suis Apologiis perhibere,*

re,



re, hæc ab Eusebio thraſonice ſcripta fuiſſe, ut, ſi poſſet, Athanaſium perterrere, unde Julius ut clavum clavo truderet, viciffim literas minaces & increpatorias miſit Orientalibus, ut docent Hiſtoriæ : tertio, ex vi diſciplinæ & communionis ſanctorum ineundæ, juſ eſſe Pontifici evocare ad Synodum partes ut audiantur : maxime vero ubi in provincia aliqua Epiſcopi ſuſpecti ſunt, & judicium dederunt, ut in cauſa Athanaſii & Cæciliani factum fuiſſe probavimus. Quantum ad Ediſtum Theodoſii attinet, rem acu tetigit Perronius illud exhibens, quia hinc probavit, Papam ſolo jure humano, non divino, poſſe Epiſcopos ad ſe Romam evocare : de Synodo aliud eſt, ut jam dixi, modo canonice, in loco tuto & libero, celebretur; omnes enim Epiſcopi illuc ire tenentur niſi juſtam habeant cauſam ſeſe excuſandi. De Pelagii evocatione, vel intelligenda eſt ope brachii ſecularis, vel per indiſtionem Concilii. Et ita omnes conatus Perronii ruunt. Sicut autem Patres Africanos non revocaſſe in dubium, quin Zoſimus poſſet Apia-rium evocare Romam, confidenter aſſerit, ita ei pernegatur : id enim probare, non gratis tantum dicere, oportuerat. De Hincmari epiſtola ad Nicolaum PP. nullus Catholicus dubitat *Epiſcopos in primatu B. Petri eſſe ſubjectos Romano Pontifici*, ut verbis Hincmari utamur, id eſt, quantum juſ divinum, naturale

rale & canonicum patiuntur : quia singulis Episcopis regimen suæ Ecclesiæ in solidum creditum est, ut ex Cypriano docuimus. Quod vero amplius ait dignum & justum esse, ut quemcumque Episcopum Romanus Pontifex venire Romam iusserit, illuc proficisci, &c. id capi debet secundum praxim tempore Hincmari usitatam : quia Carolus Magnus in grati animi memoriam, quod Zacharias Papa Pipino parenti suo gradum secisset ad regnum Galliæ occupandum, & inde ad Imperium Occidentis consequendum, nihil non gratiæ contulit Sedi Romanæ, etiam supra Canones; eamque ob causam juxta Edictum Theodosii voluit omnes Episcopos, quos Papa Romam accerferet, illuc ire; unde ab illo tempore fluxit consuetudo frequentandi limina Apostolorum. At pro eo quod Perro-nius ex Hincmaro hic profert, ei rependimus ejusdem Hincmari sententiam epistola ad Hadrianum II Papam Nicolai successorem: *De eo quod pusillitati meæ vestra rescripsit Sublimitas ut Hincmarum & alios Episcopos regni Domini Caroli ad Synodum Romam mitterem : vestra sciat Auctoritas quia nec prædictum Hincmarum, nec etiam quemlibet Episcoporum diæceseos Remorum, minime autem aliarum provinciarum Episcopos, nisi Dominus Rex illis præceperit, Romam vel in aliquam partem mea commendatione mittendi habeo potestatem, nec ipse ultra fines sui regni absque illius scientia progredi valeo, &c.* Quæ responsio de-

demonstrat ejusmodi evocationes omnino pendere à politicis Principibus, qui quando fortes & strenui fuerunt, ad illorum arbitrium permittebantur aut impediabantur. Unde Philippus Pulcher Bonifacio illas facere tentanti strenue obstitit, de qua re alias disputavimus, atque Gregorii VII. seculo turbatis & fractis viribus Imperii Romani in magno usu fuisse ostendimus.

Quarto, monet Perronius, Patres Africanæ Ecclesiæ ad tempora sexti Concilii Carthaginensis semper tenuisse, Episcopos ad transmarina judicia posse appellare. Idque S. Augustinum declarare epistola 162 in causa Cæciliani : *Neque enim, inquit, de Presbyteris, sed de collegis agebatur, qui possunt aliorum collegarum judicio, præsertim apostolicarum ecclesiarum causam suam integram reservare, &c.* Quem locum centies inculcat, quasi magni momenti ad probandas appellationes; sed supra docuimus esse omnino extraordinarium & irregulare : in sexto autem Concilio Carthaginensi agebatur de regulari disciplina appellationum, quæ intra provinciam secundum jus commune regi debebat, ut demonstravimus.

Quinto perhibet, consuetudinem fuisse Ecclesiæ Romanæ, citare canones Sardicos pro Nicænis, quia Concilium Sardicum erat velut appendix Nicæni Concilii : sicut, inquit, mos est Græcis laudare canones Trullanos

lanos sub titulo canonum sexti Concilii Oecumenici, quia obtendunt Concilium Trullanum fuisse appendicem sexti Concilii. Ad-  
dit, Gregorium Turonensem lib. ix, cap.  
33 Historiæ laudare canones Gangrenses pro  
Nicænis canonibus. Proculdubio causæ suæ  
prævaricatur Perronius dum ita debiliter cer-  
tat. An vero Synodus Sardica sit Nicæni Con-  
cilii Appendix alibi à me disputatum est. De  
Trullanis canonibus hoc dicendum habeo,  
quod vulgo usurpatur inter Scholasticos,  
adferre incommodum non est solvere ar-  
gumentum. Neque præterea lapsus memo-  
riæ Gregorii Turonensis, aut error librarii  
patrocinari potest causæ Perronii in hac par-  
te.

Sexto ad commenta transit, atque omnia  
genuina exemplaria Concilii, & canonum  
Sardicorum subducta & corrupta à Donati-  
stis, ideoque ignota fuisse Augustino & Pa-  
tribus Africanis, memorat; quæ, dum lego,  
miror hæc Perronio in mentem venire potuis-  
se. Sed de ejusmodi commentis disputatum  
est à me in Historia sexti Concilii Carthagi-  
nensis adversus immanes conceptiones Baro-  
nii.

Septimo causatur, Patres Africanos nul-  
lum fecisse decretum quo prohiberent ejus-  
modi appellationes, sed duntaxat usos fuisse  
suasionibus & precibus erga Cœlestinum Re-  
pendo, nihil opus fuisse novo decreto quan-  
do

do jam extaret Nicænum, Constantino-  
politanum, & Milevitanum praxi diutur-  
na corroboratum, quam fatis erat vindica-  
re,

Octavo, fugam pugnae similem instruit,  
asserens posse aliquos in dubium revocare fi-  
dem epistolæ Patrum Africanorum, quippe  
quæ est sine die & consule, omnino extra o-  
pus : deinde quia plane adversatur epistolæ  
Augustini 162 in causa Cæciliani, quam qui-  
dem ad nauseam inculcat : conjicit etiam,  
Augustinum non interfuisse Concilio dum  
hæc scriberetur epistola ad Cœlestinum  
quia ejus nomen in illa non extat. Contra  
repono, permultas alias esse epistolas eti-  
am Pontificum sine die & consule quæ ta-  
men indubitatae sunt fidei, ut patet ex  
permultis epistolis Leonis Magni, quas su-  
perfluum esset recensere. Hæc autem si om-  
nino extra rem esset, non ita Perronium  
& Curiales pungeret; quid dico, pungeret,  
cum eos perforet, quoniam singulis capiti-  
bus commonitorii Zosimi Papæ respondet, &  
jus commune secundum Canones Nicænos  
corroborat. Falsum autem est eam adversari  
epistolæ Augustini, quia hæc epistola de ju-  
re extraordinario, illa autem de ordinario  
secundum jus commune statuit, ut centies  
diximus. Si vero gratuito dederimus adversa-  
rio Augustinum non interfuisse Concilio  
quando hæc scriberetur epistola, argumen-  
tum

psisse Collectionem Canonum, & articulo 59 & 60 laudare quintum & sextum Canonem Sardicum. Et ita concludit; controversiam hanc Patrum Africanorum non interturbasse possessionem Ecclesiæ Romanæ. Verum oppono, hanc continuationem cognitionis appellationum quam sibi Leo Papa vindicat, referendam auctoritati Theodosii, qui Edicto, cujus supra meminimus cavit, ut id pro lege à cæteris Episcopis haberetur quod Leo Romanus Episcopus ejusque successores sanxissent : hocque ut alias observavimus Imperatores putabant spectare ad majestatem urbis & Imperii Romani : ac proinde à Præfectis Prætorio, & Provinciarum executioni mandabatur : qua ratione viam munierunt Romanis Pontificibus ad regimen aristocraticum & disciplinam apostolicam convellendam ; atque monarchiam qua hodie fruuntur juris communis abrogatione constituendam. Quocirca eodem Theodosii edicto in procæmio nominatim dicitur, *Sedis Apostolicæ primatum, merito Sancti Petri, qui Princeps est episcopalis corona, & Romanæ civitatis dignitate, nec non Synodi sacre auctoritate firmari.* Ut hinc omnes intelligant potestatem hodiernam Papæ, à triplici capite manare, nimirum, à jure divino quo primatus est institutus, à jure ecclesiastico, & Synodis ; deinde à majestate urbis atque Imperii Romani quod certo certius est. Porro argumentum Perronii ductum à Fer-

randi Collectione, nihil aliud probat, quam Ferrando cognitum fuisse, Concilium Sardicum centum ferme annis post Augustinum, quia Ferrandus tempore Anastasii Imperatoris vixit : hoc autem posito, quid inde consequetur : quando alias probavi impossibile fuisse verum Concilium Sardicum & Canones Sardicos incognitos fuisse Augustino, & aliis Patribus Africanæ Ecclesiæ? sed cum scirent fuisse duntaxat provisorios, non absolutos, ideo pati noluisse, ut pro Nicænis supponerentur, aut in jus ordinarium transirent, sicut nunquam transierunt, nisi forte Imperatorum & Principum Christianorum auctoritate, ut jam diximus.

Capite LIII disputat de Concilio Sardico & nos de illo abunde egimus in primo libro Historiæ Conciliorum generalium, omniaque effugia adversariorum obstruximus. Quod autem objicit Canones Sardicos receptos fuisse à Patribus Synodi Trullanæ, Conone secundo, item à Photio, Balsamone, Zonara, Simeone, Logotheta, Blastare omnibusque aliis actoribus Synagogarum Canonum Græcorum : facilis quidem est responsio, quoniam Græci desiderio æquandi suum Patriarcham Constantinopolitanum Romano Pontifici, quæcumque putaverunt conferre ad hujus magnitudinem, illa quoque suo Patriarchæ adscripserunt. Unde fabulati sunt ex Constantini donatione facta Episcopo Roma-

no

no tantumdem juris Episcopo Constantino-  
politano competere, ut auctor est Balsamo Ti-  
tulo octavo Nomocanonis Photii. Item cum  
viderent per Canones Sardicos Romano Pon-  
tifici jus esse cognoscendi de appellationibus  
Episcoporum, certe illos Canones in Conci-  
lium Trullanum, & in suas Synagogas ambi-  
tiose conjecerunt, ut efficerent Constantino-  
politano Episcopo tantumdem auctoritatis  
convenire.

Capite LVI velitur in explicatione horum  
verborum, *Tu es Petrus & super hanc Petram aedifi-  
cabo Ecclesiam meam, &c.* de qua re disserui in  
Defensione libelli de ecclesiastica & politica  
potestate, ostendi que Perronium, ut de Gaje-  
tano dicit Bellarminus, multo subtiliora quam  
vera comminisci: à quibus subtilitatibus res  
morales Euangelii plane abhorrent: quippe  
quæ meram simplicitatem commendant &  
consecrant. Denique, initio libri quarti ejus-  
dem Responsionis ad Regem Magnæ Britan-  
niæ, ubi respondet, ad Præfationem Casauboni  
fol. 858. primæ editionis Antonii Stephani  
hæc verbum de verbo Latine reddita habet:  
*Controversia, inquit, de auctoritate spirituali  
Papæ, tum respectu Conciliorum Oecumenicorum,  
tum ratione auctoritatis temporalis erga jurisdicti-  
ones seculares, quando adversus salutem animarum  
pugnant, non est ejusmodi rerum quæ teneantur  
pro fidei articulis, & sub pœna anathematis ab al-  
terutra parte catholicorum inter quos hæc contro-*



*versia agitatur : neque etiam in confessione fidei illorum qui ad catholicam ecclesiam redeunt id inseritur, aut ab eisdem exigitur : ita ut alterutra pars alterutram partem quæ contrariam opinionem amplectitur pro hæretica habeat, & sese ab ejusdem communione separet. Quodcirca in studio unionis facienda in Ecclesia hæc obstaculo esse non possunt. Qua clausula brevissima, Perronius problematicum efficit, quicquid operose & magna contentione antea de potestate Papæ supra Concilium lucubravit : ita ut liberum sit unicuique alterutram partem sine offensione fidei amplecti : quod valde dignum est notatione, magnoque cum præjudicio veritatis ab eo dicitur, Qui est in causa & sacramento obstringitur ad absolutam Papæ monarchiam propugnandam.*

F I N I S.



In-

# Index Rerum præcipuarum quæ in hoc Libro primo occurrunt.

## A.

- A**cta Conciliorum confirmare, quid sit. Pag. 44  
 Acta Synodi Ephesinæ à Theodoro Peltanæ edi-  
 ta. 294  
 Ægyptiorum epistola ad Felicem Papam. 13. an  
 sit genuina. 14  
 Antonii Fussalensis Episcopi perfrugium ad Pa-  
 pam. 142  
 Appellatio & Perfrugium ad Romanum Pontificem  
 ut differant. 210. Appellationes in causis Eccle-  
 siasticis quomodo instituantur. 47  
 Arabici Canones adulterini. 80  
 Archiepiscopus Constantinopolitanus Sedis & suf-  
 fragii prærogativam habet ante Vicarios Sedis Ro-  
 manæ, ubi de Ephesino Episcopo eligendo agitur.  
422  
 Arelatensis Ecclesiæ primatus. 507  
 Argumenta Bellarmini contra jus commune dissol-  
 vuntur. 216. pro Synodo Sardica confutantur.  
 100. contra Synodum Antiochenam refutantur.  
154. pro auctoritate Damasi repelluntur. 191  
 Augustini doctrina de provocatione ad Concilium  
 generale à Papæ sententia. 234

## B.

- B**asilii Imperator Synodum VIII indixit. 668  
 Bellarminus L. Corneliæ de falsis reus. 390. ejus  
 argumenta contra jus commune Ecclesiæ dis-  
 solvuntur. 216. ejus argumenta pro Sardica Sy-  
 nodo. 115  
 Bonifacii II Pontif. epistola ad Eulalium supposititia.  
253  
Can-

Candidianus Comes ab Imperatoribus ad præsi-	
dendum Synodo Ephesinæ mittitur.	278
Canon de Metropolitanis cogendis in ordinem.	733
Canones Arabici adulterini.	80.
Canon Syno-	
di VIII contra adulatores Principum.	728.
Canonum codex quo Ecclesia tempore Calcedonen-	
sis Concilii utebatur.	420.
Canon Synodi E-	
phesinæ pro Ecclesiarum libertatibus.	324.
Canon de necessitate sententiæ Pontificis ad haben-	
das Synodos generales.	12.
Canonicis scripturis u-	
trum librum Judith accensuerint Patres Nicæni.	
125.	
Canonis texti Nicæni condendi causa imp-	
pellens.	53.
Canon de Eucharistia à jejunis su-	
menda.	129.
Canones Antiocheni Nicænos ex-	
plicant.	156.
disciplinam Ecclesiasticam optime	
constituunt. ibid.	
Canones Sardici tantum pro-	
visorii.	87.
Canones olim regula Pontificibus sue-	
re.	208
Caroli Magni seculo cœptum disputari de adoratio-	
ne imaginum.	661
Christi potestas quotuplex.	I
Christiana Respublica olim non solita est infligere	
pœnas capitales hæreticis.	588
Christiani Orbis distributio in Metropoles & Patri-	
archatus.	62
Clerici quicunque jure cōmuni in Synodis provin-	
ciæ regendi.	214
Communio sanctorum quomodo ineatur.	8
Comparatio rerum in Conciliis generalibus gesta-	
rum cum disciplina Ecclesiastica post decimum	
seculum introducta.	756
Concilium iudex Papæ.	732
Concilia generalia prima cur tam cito terminata &	
confecta.	373
	Cou-

# INDEX RERUM.

- Concilio præsidere & præesse. [368.](#) Concilia neminem qui audiri velit excludunt. [581.](#) Concilii VII generalis Historia. [679.](#) Concilii Antiocheni Historia. [149.](#) Concilium Sardicum verum sicut & Pseudo-Synodum utrum agnoverint Patres Africani. [247.](#) Concilii Carthaginensis sexti Historia. [197.](#) Concilium Sardicum utrum pro appendice Nicæni habitum. [137.](#) Conciliis generalibus quinam & quomodo olim præfederint. [67.](#) Concilium secundum Constantinopolitanum indictum à Theodosio Magno. [169.](#) Concilii VIII acta genuina. [750.](#) Concilium Sardicum à quo indictum. [87.](#) Conciliorum acta confirmare quid sit. [44](#)
- Controversias ad fidem spectantes finiendi optima ratio. [291](#)
- Constantinus Magnus præfedit Synodo Nicænæ. [22.](#) Constantinus Magnus Synodum Nicænam indixit. *ibid.* Constantinum Magnum lepra laborasse fabulosum est. [637.](#) Constantinus Pogonatus indicit sextum Concilium generale. [526.](#) Constantinus Pogonatus Imperator præfedit Synodo cum suo senatu. [535](#)
- Curia Romana occasiones captat augendi suam potentiam. [77](#)
- B. Cyrillus & Memnon capita Concilii. [286](#)
- B. Cyrillus Alexandrinus Concilii præses. [284](#)

## B.

- D Amasi PP. ad Orientales Episcopos [epistola. 182](#)
- Diofcorus secundæ Synodi præses. [345](#)

## E.

- Ecclesia canonibus regenda & definitione Patrum. [221.](#) Ecclesia Romana tempore Anastasii Bibliothecarii Canones Apostolorum jam receperat. [21.](#)
- G g g [4](#) Ec.

# INDEX RERUM.

- Ecclesia olim aristocratico regimine gubernata fuit. [750](#). Ecclesia & Papa errare [possunt. 499](#). Ecclesia Canone non absoluta potestate gubernatur. [384](#). Ecclesia Romana particularis, est non universalis. [65](#). Ecclesiæ Hierosolymitanæ privilegia. [64](#). Ecclesiæ Catholicæ primatus quo jure introductus. [2](#). Ecclesiæ tribunal quadruplex. [719](#). Ecclesiæ regimen debet esse aristocraticum. [45](#). Ecclesiæ suburbicariæ quænam. [56](#). Ecclesiasticæ causæ communi Patrum consensu decisæ. [288](#)
- Edictum Imperatorum in exordio Synodi lectum. [283](#). Edictum Martiani pro confirmatione actorum Synodaliū. [438](#)
- Episcopi duo uni Episcopatu præfici non debent. [74](#). Episcopus Constantinopolitanus post Papam habet prærogativam. [371](#) Episcoporum mos in subscriptione Actorum. [401](#). Episcopi & Metropolitani à solis Patriarchis judicantur. [741](#). Episcopus invitis non debet dari. [734](#). Episcopi Italiæ se Dei gratia Episcopos dicunt absque mentione Papæ. [560](#). Episcopi gravati ad Imperatorem confugiebant. [425](#). Episcopi Metropolitani ordinandi ratio. [49](#). Episcopo Constantinopolitano prærogativa post Romanum adscribitur. [125](#)
- Epistola synodica Patrum ad Cœlestinum PP. [309](#)
- Epistola Damasi ad Orientales Episcopos. [187](#). Ægyptiorum ad Felicem Papam. [14](#). Bonifacii II ad Eulaliū supposititia. [253](#). Patrum Constantinopolitanorum ad Damasum PP. [174](#). ad Ambrosium cæterosque Occidentales Episcopos. [172](#). Justiniani qua declarat Papam esse caput omnium Ecclesiarum. [509](#)
- Epistola synodalis Episcopi Mediolanensis ad Cæsarem. [533](#). Patrum Africanorum ad Cœlestinum PP. [202](#). Epistolæ formatæ, & de earum usu. [132](#)
- Eua-



# INDEX RERUM.

- Euagrius & Nicephorus Justinianum hæreseos infimulant & quare. 521
- Eusebius Dorylenfis Episcopus recurrit ad Imperatorem non ad Papam. 374
- Eutyches damnatur à Provinciali Synodo 334. libellos Appellationis edit. ibid.
- Excommunicati ab aliis quid juris tribuant Episcopo Romano. 212

## F.

- F**idei incentivum. 6. Fidei orthodoxæ definitio conformis Symbolo Athanasii. 404. Fidei professio Romam missa à Patriarchis, an & ab Imperatoribus. 514
- Flavianus damnatus ad aliud Concilium appellat. 352. Flaviani sententia adversus Eutychem orthodoxa declaratur quanquam infcio Papa lata. 378

## H.

- H**æreses non nisi à Synodis debellatæ. 8
- Hierarchia recentiorum Canone sexto Nicæno exploditur. 51
- Historia primæ Synodi Ephesinæ. 258. Historia secundi Concilii generalis Constantinopolitani. 169. Historia quintæ Synodi generalis Constantinopoli indicta à Justiniano Imp. 482. Historia Concilii Antiocheni. 150. Historia sexti Concilii Carthaginensis. 199. Historia sexti Concilii generalis. 525. Historia VII Concilii generalis 619. Historia Synodi VIII. 668. Historia Pseudo-Synodi Ephesinæ & Calcedonensis Concilii. 333
- Honorius PP. fuit Monotheleta. 573. Ei & aliis Monotheletis in Synodo anathema dicitur. 658

# INDEX RERUM.

## I.

- J**acobus Hierosolymitanam Synodum conclusit. 10  
 Imaginum cultus tempore Caroli Magni in controversiam tractus. 661  
 Imperator suo Edicto Acta Concilii confirmat. 587  
 constituit Senatum in Synodis. 673. Imperatores indicunt Concilium septimum. 619. Imperatorum literæ in Conciliis de eorum Indictione primò legebantur. 622. Imperatores vetant Patres Epheso pedem efferre. 306. Imperator constituit Senatum adversus Photium & asseclas ejus. 686. Imperator Basilius Synodò præest. 694. Imperatoris Protreptica oratio ad Photium ejusque asseclas. 701. Imperatoris mandatum ad Romanum Pontificem. 527. Imperatores num voluntatis Pontificum executores. 376  
 Imperii Romani occasus quantam conturbationem in Ecclesia artulerit. 757  
 Imperium à Græcis ad Romanos auctoritate Gregorii II P. translatum, fabulosum est. 636  
 Incentivum ad fidem. 6  
 Institutio Sedium Patriarchalium. 62  
 Justiniani Imperatoris pietas in asserenda fide orthodoxa. 512

## L.

- L**egatos à Latere Synodi ignorant. 243  
 Leo Magnus PP. literas ab Imperatore accipit ejusdem tenoris cum litteris missis ad alios Metropolitanos. 340. supplicat Imperatori pro habendo generali Concilio in Italia. 355. Aperte docet Synodum Chalcedonensem ab Imperatore indictam. 363. ejus oppositio & argumenta contra xxv **III** Canonem Chalcedonensem. 446. pietatem Theodosii laudat quod secundam Synodum Ephesinam

## INDEX RERUM.

- nam indixerit. 353. supplicat Imperatori velit  
jubeatque Concilium celebrari in Italia 350. e-  
jus legati in Concilio Chalcedonenſi ante omnes  
alios Patriarchas ſedent, & quare. 369  
Literæ ad Pontificem miſſæ de Concilio habendo. 618  
Literæ Imperatorum pro Indictione ſecunda Syno-  
di Epheliſinæ. 337

### M.

- M**Acarius locos Patrum corrumpit in patrocini-  
um Monotheliſmi. 565  
Martianus Imp. edicto ſuo ſynodalia acta confirmat.  
409. & non laicis tantum, ſed & Clericis pœ-  
nas proponit. ibid. Martianus Imp. cum uxore  
Pulcheria Concilio interſunt. 403  
Maximi monachi pro Honorio PP. teſtimonium.  
580  
Metropolitanorum promotio per conſeſſionem  
Palli. 721  
Monarchæ nomen à quo tempore tributum Pontifi-  
ci Romano. 69

### N.

- N**Icæna Synodus num ſub Sylveſtro an ſub Julio  
fuerit habita. 31  
Neſtorius à Patribus Epheliſinis damnatus. 288

### P.

- P**Allii concedendi mos quando invaluerit. 721  
Papa Adrianus Tarasium Conſtantinopolitanum  
reprehendit quod ſe œcumenicum vocet. 645  
ſatetur Patrimonium S. Petri Carolo Magno ac-  
ceptum deberi. 648. ejus reſponſio ad indi-  
ctionem ab Imperatore factam. 627. ſatetur  
Ho-



# INDEX RERUM.

Honorium PP. damnatum consensu Sedis Apostolicæ. 707. Papa Gregorius Sanctus se servum Imperatoris esse dicit jure reipublicæ. 542. Papa cum Patribus Justinianum Imp. omnibus aliis anteponit. 560. Synodum VI confirmat atque Honorium Monotheletismi damnat. 595. Papæ sententia ad habendas Synodos generales necessaria. 12. Papæ Nicolai testimonium de observatione Canonum. 696. Papam à Concilio judicari posse declarant Patres Synodi. 733. Papæ consensus non est pro auctoritate. 24. Papæ Gregorii VII Dictatus quibus summa regiminis monarchici præscribitur. 758. Papæ Paschalis II Decretalis, qua Pontifici super omnia potestatem arrogat. 764.

B. Petrus nunquam egit Monarcham. 9

Patres Nicæni an confirmationem actorum petierint à Papa. 34. Patres Africani Zolimi commonitorio ad tempus obsequium spondent. 206. Patres synodales petunt confirmationem actorum ab Imperatore. 170. Patres petunt ab Imperatoribus ut Synodum solvant. 301. Patres Synodi petunt ab Imperatore confirmationem Actorum. 583. Patres Chalcedonenses à judicibus ab Imperatore ad Concilium missis veniam discedendi flagitant. 438. Patres Constant. supercilium Occidentalium non obscure reprehendunt. 186. Patrum preces ad Imperatores pro confirmanda Synodo. 323. Patrum Ephesinorum litteræ ad Imperatorem. 306. Patres Chalcedonenses nunquam Leonem Romæ Episcopum universalem appellarunt. 394. Patres examinant sententiam Papæ. 561. Patrum in Synodis cum Papa consensus quomodo accipendus. 386.

Patriarcha Romanus quibus modis consideretur. 58. Patriarchæ Constantinopolitani cum Papa Ro-

# INDEX RERUM.

Romano altercatio.	750.
Patriarchæ nomen quando introductum.	381
Patriarchales Sedes Apostolicæ vocantur sicut & Romana.	585.
Patriarchalium Sedium institutio.	62.
Patriarchalium Sedium & Romanæ comparatio cum quinque sensibus.	67
Pontifex Romanus consideratur ut Patriarcha.	531.
Pontifex Romanus Imperatorem Dominum appellat.	543.
Pontifices Romani olim nihil sibi assumpserunt nisi ex præscripto Canonum.	208.
Pontifices Romanos olim non habuisse jus carceris patet ex literis Papæ ad Imperatorem.	659.
Pontificis legati deprecantur Imperatorem pro nominanda aut abroganda Synodo.	419.
Pontificis ordinandi ratio.	46
Potestas Christi quotuplex.	I
Prælati Ecclesiæ quam potestatem concesserit Christus.	3
Præsidere & præesse Concilio.	368
Presbyterorum aut Diaconorum Cardinalium nulla in primis octo Conciliis mentio.	708
Primatus Ecclesiæ Catholicæ quo jure introductus.	2
Privilegia Sedium Patriarchalium Canone Nicæno sexto explicantur.	49.
Privilegia Ecclesiæ ab Imperatoribus concessa.	729.
Privilegia Ecclesiæ Hierosolymitanæ.	63
Provocatio à Synodis in Ecclesia primitiva quomodo facta.	234
Pseudo-Synodus ab Episcopis habita.	87

## R.

<b>R</b> atio convocandi Synodum primis Ecclesiæ temporibus.	26.
habendorum Conciliorum generalium.	13.
terminandi nascentes Ecclesiæ controversias.	15
Regimen Ecclesiæ debet esse aristocraticum.	45
Re-	Re-

# INDEX RERUM.

Regularium tractationi laici interesse non debent: 382

Romana Curia occasiones captat augendi potentiam suam. 77. Romana Ecclesia particularis est, non universalis. 65. & ita sumpta est à patribus Nicænis. ibid. Romanæ Sedis & Orientalium Vicarii ratione se reddunt Imperatori. 677. Romanæ Sedis & Patriarchalium cum quinque sensibus comparatio. 67. Romana Synodus Imperatori tanquam Domino suo paret. 550. Romanus Patriarcha quibus modis consideretur. 58. Romani Pontifices diligenter caverunt, ne Legati sui actionibus Conciliorum interessent. 434

## S.

**S**ardicum Concilium à quo indictum. 87

Sardici Canones tantum provisorii. ibid.

Sedium Patriarchalium institutio. 62. Sedium Patriarchalium & Romanæ comparatio cum quinque sensibus. 67

Septentrio & Occidens subjacent Patriarchatui Romano. 558

Spiritus Sancti gratia Ecclesiis particularibus non est defutura. 233

Synodus Nicæna utrum sacerdotibus conjugia permiserit. 133. Synodo Nicænæ præfedit Constantinus. 22. Synodum Nicænam Constantinus Magnus indixit. ibid. Synodum convocandi ratio primis Ecclesiæ temporibus. 26. Synodus Episcoporum non Clericorum, & quomodo intelligendum. 377. Synodum indicare quinam possit. 23. Synodi solæ hæreses debellant. 8.

Synodi primæ Ephelinæ Historia. 258. Synodus VIII ab Imperatore Basilio indicta. 668.

Synodus Chalcedonensis causam Theodoretj de integro tractat, quamquam Papa illum ad communionem admisisset. 412. Synodus Nicæna num  
sub

# I N D E X R E R U M.

sub Sylvestro an Julio fuerit habita. 31. Synodus  
Sardica non est œcumenica. 94. Synodi Patres  
petunt ab Imperatore confirmationem actorum.  
583. Synodi Chalcedonenſis fidei definitio poſt  
obitum Martiani Imp. motus in Oriente excitat.  
477. Synodi Sardicenſis Hiſtoria. 82. Synodo-  
rum conclusio & confirmatio ut differant. 193  
Synodalis epiſtola Epiſcopi Mediolanenſis ad Cæſa-  
rem. 533. Synodalis epiſtola Patrum ad Leonem  
Magnum PP. 440. Synodalis epiſtola Patrum  
Nicænorum ad Ephelinam Eccleſiam. 36

## T.

**T**heodoreti epiſtolæ ad Leonem Magnum Analy-  
ſis. 416  
Theodoſius Cæſar conciliabula abrogat, & imperat  
Johanni Antiocheno ut cum Cyrillo Alexandrino  
redeat in gratiam. 326. ejus pietas & ſollicitudo  
pro Eccleſia. ibid. Honorem habet Patribus  
Conſtantinopolitanis. 172. indixit Concilium ſe-  
cundum Conſtantinopolitanum. 169. Theodo-  
ſius Junior & Valentinianus Concilium indicunt.  
259. increpant Cyrillum. ibid.


## V.

**V**alli diſtinctio inter indiſtinctionem & coactionem  
Synodi. 24. Valli ineptitæ. 560  
Veritas nuſquam diligentius invenitur quam in  
Synodo. 492  
Vigilius PP. Synodo rogatus præſſe noluit quan-  
quam eſſet in loco. 485

# F I N I S.











*image  
not  
available*